



EX MUNIFICENTIA  
FERDINANDI III. M. E. D.  
DIE 3. IUNII 1791.


4. 4. 266


4. 4. 4



XXIX

1711







OBSERVATIONUM  
RATIOCINANTIUM  
IN  
COMPENDIUM  
JURIS  
LAUTERBACHIANUM

*CENTURIAE QUINDECIM,*

Quibus Loca obscuriora ac  
dubia explanantur, ac verus Juris Ro-  
mani Habitus & Ufus, ex genuinis  
Principiis, contra vulgaria Præjudi-  
cia, per singulos Titulos, osten-  
ditur,

A U T O R E

GOTTLIEB GERH. TITIO.

U. J. D.

EDITIO SECUNDA.

---

L I P S I Æ,

Sumptib. Hæred. FRIDER. LANCKISII.

Anno M DCC XVII.

THE UNIVERSITY OF CHICAGO  
LIBRARY

III

212 U



EDITION 1874

1874

1874



## LECTORI S.

**Q**uemadmodum homines, duplici imperio, divino scilicet & humano, subsunt, ita eos in universum, duplicis generis legibus, divinis puta ac humanis, regi inde consequitur. Quod si igitur in aliqua Republica, communia legum divinarum, ac præcipue naturalium, præcepta, in generali Disciplinâ, secundum statum Generis Humani, ritè ac adæquatè repræsentata, occurrant, præterea verò Disciplina Propria, in usum Civitatis suæ, ex generalibus illis principiis, conclusiones speciales eliciat, negotiisque, in societate civili occurrentibus, ap-

## P R Æ F A T I O.

plicet, nec non leges proprias, prudenter latas, illis addat, ac imprimis modum obtinendi jus suum, recte justeque constitutum, tradat, illaque omnia ex rationibus domesticis solidè explicet & pro renata, ex historia patria amplius illustret, cum Jurisprudentia recte constituta erit, adeoque Ejus Docendæ & Discendæ, seu in Scholis, Statum, sanum dicere licebit. Quod si deinde leges sincere serventur, ac ortæ controversiæ secundum eas, bona fide, sepositis pravis respectibus terminentur, ac delinquentes in ordinem redigantur, tum etiam Jurisprudentiæ exercendæ & applicandæ, seu in vita civili & foro, Ejus Status recte sese habebit. Enimverò uti hoc posterius magis optare, quam sperare licet, cum socialitas inter homines ferè mortua sit, ac non tantum aperta vi & fraude, mortales sibi mutuo noceant, sed & imprimis

sub



# PRÆFATIO.

sub specie recti, sese lædant, ac optimis quibusvis institutis, eo fine turpiter abutantur, ita nec prius obtinere, seu quantum ad Scholas, Jurisprudentia bene fatis instructa esse solet. Nihil equidem in rebus humanis perfectum est, hinc nec Legum disciplinam, omnibus numeris absolutam, requirere aut expectare licet, palpabiles tamen ejus defectus notare, ac inde Statum ejus morbitum arguere, fas erit. Si ad Germaniam respiciamus, Generale Legum divinarum Studium, aliquamdiu vel plane inexcultum jacuit, vel, sub nomine Ethices & Politices ex macilentis Philosophiæ Peripateticæ principiis, frigidissime ac insufficientissime instructum traditumque est, quem defectum dum Moralistæ Pontificii, quos vocant (Termino barbaro, sed barbaris Scriptoribus satis conveniente) emendatum

): (3

tum

## PRÆFATIO.

tum ivere, principia Theologiæ & doctrinæ civilis, eaque tam communia quam propria, foede miscuerunt, adeoque disciplinam, quæ hætenus abortui similis erat, in monstrum aliquod prolixitate confusâ transformarunt. Sed, seculo proxime elapso solidius pleniusque illud à Grotio, Pufendorffio aliisque excoli cœpit, cumque præjudicium Autoritatis publicæ hic non obftet, hinc spes est fore, ut magis magisque successu temporis excolatur, statui Generis Humani attemperetur, Ejusque cum Jurisprudentia Particulari connexio, evidentius monstretur, atque ita Summa Illius Utilitas & Necessitas, ab illis præcipuè, qui Jctorum nomen gerunt, tandem agnoscatur, quam in rem, qualescunque meos conatus, si Deo visum fuerit, aliquando etiam expromam. Jurisprudentiam Germa-

## PRÆFATIO.

mania propriam quod attinet, sunt  
 Ejus, ut in aliis Rebuspublicis, duæ  
 partes, Publica Scilicet & Privata  
 illam, quæ ad imperantes quæ ta-  
 les, & subditos constituendos perti-  
 net, non rectè constitutam, adeo-  
 que ejus docendæ ac discendæ Sta-  
 tum non per omnia esse sanum, fa-  
 tis quidem manifestum est, cum enim  
 frequentes, easque graves, nec tamen  
 semper apertas, sed latentes potius ac  
 involutas, experta sit Germania mu-  
 tationes, hinc magna Status publi-  
 ci ac legum & jurium eò pertinen-  
 tium, exorta est incertitudo, quæ  
 quidem ab iis, penes quos ejus rei  
 arbitrium est, tolli posset, sed vari-  
 is ex causis non tollitur; Accedit  
 papatus, seu doctrina civilis corru-  
 pta, à qua leges publicæ non peni-  
 tus liberatæ sunt, denique & præ-  
 judicium ex legibus extraneis, Jure  
 Romano & Canonico potissimum

enata, unde quo mox amplius di-  
 cam, fontes Studii hujus valde in-  
 quinavit, quem nævum impruden-  
 tia multorum Scriptorum strenuè  
 etiam conservat. Interim cum au-  
 toritate publica, Systema aliquod  
 Jurisprudentiæ Publicæ concinna-  
 tum non sit, sed disciplina illa pri-  
 vato ausu Scholis aptari debeat,  
 ideo, si Scriptores ingenium inten-  
 dere velint, Eadem habitu non qui-  
 dem optimo, attamen nec plane  
 morbido ac pessimo, exhiberi pot-  
 est, nam præjudicia ex legibus ex-  
 traneis propullulantia, ut & papa-  
 tum evitare licet, Status autem Ger-  
 maniae obscurus quidem ac involu-  
 tus, attamen non omninò incogni-  
 tus est, sed ita eminet, ut recte at-  
 tendentibus satis percipiatur, hinc  
 Eum eique innexas leges ac jura pu-  
 blica ita repræsentare integrum erit,  
 ut à principiis genuinæ doctrinae

ci-

## P R Æ F A T I O.

civilis, Eorumque, penes quos legum publicarum condendarum est arbitrium, sententiâ, non plane abluat Disciplina, utut certitudo sæpe ei sit defutura, id quod in Specimine Juris Publici Romano-germanici amplius ostendere volui. Privatam Jurisprudentiam, ut alibi, ita etiam in Germaniâ, pertinere ad Subditos constitutos, cujuscunque etiam sint dignitatis & Status, nec non ad Imperantes, secundum conditionem privatam, quæ scilicet ipsis, cum hominibus privatis communis est, spectatos, alibi ostenditur & hic supponitur, de cætero à diversitate objecti, eique subordinato hætenus docendi modo, tres ejus species constituuntur, Civilis, Feudalis & Ecclesiastica. Omnes & singulas esse morbias, eo argumento ostenditur, quod illæ ex principiis legum divinarum, ac legibus domesticis

cis

):( 5

## P R Æ F A T I O.

eis seu patriis rite instructæ, accurato-  
 que ordine, Germaniæ Statui at-  
 temperatæ non sint, sed legum ex-  
 traneam velut aliquo diluvio  
 omnia hic reperiantur inundata.  
 Initio quidem nemo mirabitur, qua-  
 re tanta legum extranearum multitu-  
 do, in Germaniam irruerit, qui Sta-  
 tum præteritorum temporum obiter  
 saltem expenderit. Superstitio &  
 barbaries mirum in modum superi-  
 ora secula infestabant, hinc uti Pon-  
 tifici Romano facile fuit, rancidas  
 suas merces pro eâ, quæ tum polle-  
 bat, autoritate, Gentibus obtrudere,  
 ita Jus Romanum subtilitate suâ, ac  
 immixtâ hinc inde æquitate (quæ  
 non omninò eidem negari potest)  
 placere, imo Gentes in admiratio-  
 nem rapere, aut propemodum in Stu-  
 porem conjicere potuit, adeo ut  
 optimè deinceps secum actum iri  
 existimarent, si iis legibus uteren-  
 tur.

## P R Æ F A T I O.

tur. Sed de hoc jam agere non attinet! Incommoda potius admissarum legum extranearum strictim enarrabimus. Quemadmodum igitur vestimenta ad mensuram alieni corporis concinnata, nunquam aliis hominibus satis conveniunt, ita etiam leges alibi natæ, aliis Civitatibus recte attemperari non possunt. Dantur quidem nonnulla, in quibus ferre omnes Gentes ac Republicæ conveniant, adeo ut unius civitatis leges, ad aliam etiam quadrent, è contrario tamen dantur etiam plura, in quibus plane discrepent, adeo ut eorum respectu, leges peregrinæ in alia Republica otiose, vel etiam perniciosè inculcentur. In specie admissio legum extranearum in Germaniam, Germanos à penitiori legum divinarum & germanarum consideratione abducit, quod incommodum eo majus cense-

## P R Æ F A T I O.

feri debet , quo majori obscuritate res Germanorum premuntur, & quo majorem adeo Germanorum requirerant diligentiam , nunc Græca Romanaque anxie sectamur, nostra verò cum ignotissimis ignoramus & negligimus. Alterum incommodum est , quod leges extraneæ judicii vigorem velut obtundant, adeò ut nihil sinceræ & germanæ cogitationis , in hominibus Germanis propemodum occurrat, sed omnia juris Romani & Canonici præjudiciis inquinentur. Liqvet hoc sane innumeris Scriptorum exemplis, qui communia omnibus Gentibus instituta, vel etiam Germanis propria, tradituri, nil nisi Romanum & Pontificium crepant, adeoque corrupta ratiocinia palam ostendunt, quo philosophandi genere, auribus ad solidiora adsvetis, nihil potest esse ingratus molestiusque. Accedit



## P R Æ F A T I O.

cedit quod in legibus illis extraneis papatus antea notatus etiam passim emineat, quam evitare difficile est, in tanto legum divinarum neglectu, qualis hodie adhuc obtinet. Non minus aliis etiam vitiis extranea illa jura laborant, inprimis quæ judiciorum constitutionem concernunt, ut dubitandum non sit, quin molestissima, Scopoqve suo haut sufficiens, procedendi vel litigandi ratio, quæ ubiqve hodie observatur, ex fontibus illis promanaverit. Id dubio procul ad incommoda etiam pertinet, quod in universum juri-um illorum valor dubius sit. Communiter Jura communia audiunt, quod plerique in eam partem accipiunt, quasi sint Jura principalia, quæ primariò respicere ac fundamenti loco supponere oporteat, sed videtur potius dicendum, quod sint saltem jura subsidiaria, quæ,
 de-

## P R Æ F A T I O.

deficientibus legibus germanicis, demum usum habeant, & quamvis hæc conciliari posse videantur, si distingvas, utrum extraneæ leges, communia juris naturalis dictamina, an decreta positiva continent, adeo ut illo respectu juris communis fundamentalis, hoc, subsidiarii rationem habeant, attamen ita non multum profeceris, quis enim leges naturales & positivas, discernendas esse credit, in tanto Jurisprudentiæ divinæ contemptu ac publico velut vituperio? omnia potius in legibus extraneis, eâdem æstimatione prosequi, eruditum & verè juridicum existimatur, deinde etiamsi naturalia & positiva discernas, tamen legum Germanicarum prærogativa nondum erit salva, quis enim eas legibus extraneis positivis præferet, quando ab Academicis illæ fere exulant ac non nisi per

per Saturam recensentur ac adeo ut plurimum ignorantur? Ex isto autem dubio legum valore quid aliud oriri in Jurisprudencia potest, quam incertitudo, usus præposterus ac mera confusio? His annumerandum, quod per leges extraneas Jurisprudencia Germanica privata, in eam sit redacta conditionem, ut ei ad discendæ & excolendæ, unius hominis ætas non sufficiat, sane legum patriarum solidam acquirere cognitionem, leges quoque extraneas ex rationibus suis rite evolvere, evolutarum, in ordine ad Germaniam, habitum & usum exquirere, easdemque cum legibus patriis rectè componere id unius hominis, licet maximè longævi, vitam, intensissimasque ingenii vires superat, & licet forte verbis impossibilitatem vulgò non fateantur, (quæ est mentis humanæ superbia) attamen re ipsa eam agnos-

scunt,

)( )(

scunt, dum in excolendo Juris Studio, in diversas velut sectas discedunt, adeoque ipsa separatione, se immensum hoc pelagus emetiri non posse concedunt; videas enim quosdam, qui omnem ingenii sui vim, centonibus juris Romani & Canonici ediscendis, impendunt, adeo ut data quavis occasione, magnum eorum numerum in aciem producere, ac, quicquid in quacunque materia proponunt, longa illorum allegatione, si non confirmare aut illustrare, saltem opprimere illis liceat, de cætero historiam ac rationes proprias illi parum curant, sed ex trivio quid hausisse, ac leges extraneas, ex sensu communi, ab illis nimium quantum sæpe distante, explicavisse, ipsis satis est, ex quo enata est *Ars glossaria* vel *Legistica*, quam nulli, qui ad solidam eruditionem contendit, placere posse, in aprico est. Alii eruditius

tius incessuri, verum legum extrane-  
 arum sensum, ex historia Scripto-  
 ribusque coævis repetunt, nihilque  
 proponere gestiunt, nisi quod anti-  
 quam Romam intimè redoleat, in-  
 de orta est *Jurisprudentia Critica* seu  
*Amoenior*, quam vocant, quâ quidem  
 mirum in modum sibi placent, qui  
 eidem operas suas impendunt, hæc  
 ipsis est justa illa & mascula eruditio,  
 ad quam bonâ fide enitendum, in  
 eâ omnis eruditionis humanæ apex  
 consistere existimatur, hinc plerum-  
 que etiam nihil elatius Critico repe-  
 ritur. Enim verò licet utique, si Cri-  
 ticum cum Legulejo compares, ille  
 huic longè præferendus sit, attamen  
 uti sæpe vix centesima eruditionis  
 Criticæ pars, aliquem in vita civili  
 habet usum, ita omnis illa sapientia  
 tumida, si, quod ut plurimum fit, ea-  
 dem ultra Studii famulantis aut de-  
 lectantis metas extendatur, in me-

ram pedanteriam resolvitur. Denique aliis volupe est, in legibus judiciariis, sæpe corruptissimis, subtilitates venari, ac quicquid in Processu peragendum, certis formulis rigide adstringere, vel etiam nocendi compendia, horumque præcautiones investigare, ex quo exstitit. *Ars forensis*, quæ cæteris in eo prudentior existimari potest, quod sit magis lucrosa, hominibus in lites & jurgia nimium proclivibus. Atque hæc tres artes, nisi fallor, ut plurimum splendido Jurisprudentiæ titulo superbiunt. Tandem inter legum extranearum incommoda, id reticere non debet, quod, cum plerumque juxta illarum seriem, quid justum & injustum in Germania sit, doceatur, non possit non evenire, ut animi Tironum, variarum rerum obsoletarum cognitione imbuantur, necessariarum verò destituantur, quæ

quæ enim Germanis scitu sunt utilia, juxta ductum extranei Juris, vel omnino non, vel non satis apte & sufficienter, tradi possunt, hinc multa quidem Tirones, de servis ac libertis Romanis, de lege Ælia Sentia, Fusia Caninia similibusque rebus, extra usum positis audiunt, quando ad Jurisprudentiam admittuntur, sed quæ sit Subditorum Germanicorum conditio, quis Municipiorum & Pagorum habitus, quæ universæ Regionis ratio, regendis subditis introducta, id cum Doctoribus suis illi ignorant, ac muneribus publicis admoti, demum discere coguntur. Summa igitur conclusio eo redire videtur: in Germania doceri Jurisprudentiam, ex turbidis principiis promanantem, sibi ipsi non satis consentientem, incertam, à Statu Reipublicæ abhorrentem ac semi intellectam, quo ipso tamen omnis

utilitas ei non denegatur, ceu ex antedictis constat. Cæterum quæ hactenus proposuimus, non eò pertinent, quasi incommoda illa privato ausu exactè tolli posse existimem, aut quasi credam, quod hoc ab iis, penes quos ejus rei arbitrium summum est, facile fieri queat, sed ut saltem ostendam, non absurdum esse, si quis meliora Jurisprudentiæ Germanicæ fata exoptet, ac adeo votis saltem eò contendat, quo re ipsa pervenire forte non datur. Sed tamen de quali quali emendatione, quæ à privato etiam fieri queat, non plane desperandum est. Nimirum primarius videtur error, quod Jurisprudentia Germanica juxta ductum legum extranearum doceatur, sic enim animi discentium à rebus germanicis abducuntur, iisdemque nimia legum illarum veneratio, ac eadem operâ, juris divini & germani-



nici contemptus, aut saltem neglectus, ingeneratur. Quodsi adeo proprio Marte, seposito legum extranearum ordine, Jurisprudentiæ Germanicæ Systemata ac Compendia conficiamus, eosdemque Reipublicæ nostræ Statui rite attemperemus, tum & major rerum germanicarum tractandarum erit occasio, & Tirones, si jus divinum & germanicum Romano non præferre, saltem eâdem æstimatione, illa profequi discent. Admisso autem, incensum legum utilium, jure divino & germanico, deinde parcior & rectior erit usus juris extranei, Studium ejus non amplius erit infinitum, ac papatum aliaque vitia intelligere, eademque aliquo modo declinare licebit, incertitudinem tamen aliosque nævos, ad processum imprimis pertinentes, ac usu firmatos, privatus tollere non potest, quanquam illa

indicare, emendandique rationes suppeditare, eidem integrum sit. Moliti sunt ejusmodi systemata, à serie legum extranearum abeuntia, interpretes, quoad Jurisprudentiam Feudalem & Ecclesiasticam, quamvis non dixerim, quod illi hac ratione satis profecerint, cum variis laborare soleant præjudiciis. Ipse etiam *Specimina Juris Feudalis & Ecclesiastici* eo fine proposui, in quibus tamen fortassis etiam conatus magis, quam effectus probari debet. Verum quoad Jurisprudentiam civilem, talia systemata vel nulla, vel rarissima ac in Scholas nunquam introducta, occurrunt, sed his moribus vivitur, ut, juxta seriem Juris Romani, Jurisprudentia Germanica civilis doceatur, hinc incommoda antea memorata inprimis hic occurrunt ac difficulter evitantur. Quia tamen fusior tractatio, juxta ipsas Juris

ris Romani Pandectas, institui non potest, hinc dudum Interpretes, Scriptis ad illas concinnatis, huic incommodo mederi, ac materias rotundius definire & proponere conati sunt. Uti autem successu temporis, plures Scriptores hoc nomine innotuerunt, ita hactenus fere obtinuit *Compendium Juris Lauterbachianum*. Hoc dum & mihi nonnunquam explicandum fuit, factum est, ut Auditores annotationes nonnullas à me exigèrent; Ego illos ad Virorum Celeberrimorum, qui illustrando Lauterbachio operam suam impenderunt, Scripta ablegavi, sed illi hoc non contenti, Sententiæ suæ institerunt, ex communi forsitan præjudicio, quo Doctor officio suo haut rite defunctus existimatur, nisi de suo aliquid adjiciat, ac Auditores scribendo fatiget. Quo igitur & isti desiderio satisfacerem ac mihi mo-

lestias communicandi, illis vero describendi tædium auferrem, has *Observationes* prelo subjici permisi, idque eò libentius, quo paratiores Bibliopola offerret operas, ac dubitantem, ad opus, quantum in me foret, maturandum, hortaretur. Quis vero earum Scopus sit, id ex Titulo præfixo intelligi potest: Loca scilicet obscuriora & dubia explanare, ac verum Juris Romani habitum & usum ostendere volui, quæ ultima tractatio eo pertinet, ut jura connata ac omnibus hominibus communia, à Romanis rectè seperarentur, atque ita habitus & usus meri juris Romani pateret, nam ut plurimum illi, qui usum legum Romanarum tantopere extollunt, communia & propria illa confundunt ac illorum argumento, juris Romani præstantiam summamque necessitatem & utilitatem probare conantur, argumentandi ratione parum eru-

ruditâ & validâ, jura enim naturalia non magis Romanis, quam ulli alii Genti, debemus. Interim Tironibus, ac iis præcipue, qui in addiscenda Jurisprudencia, qualicunque meâ operâ utuntur, scripsi, hos enim in intelligendo Lauterbachio adjuvare, Eorumque Rationem, Juris Romani ruderibus vulgò opprimi solitam, utcunque erigere excitareque his observationibus volui, hoc ergo si hæ aliquo modo præstiterint, tum scopum qualiscunque hujus descriptionis ex assè obtentum esse existimabo. De cætero uti in aliorum Scripta commentandi institutum, exosum quodammodo esse intelligo, ita, isto scribendi genere Tironum Studiis, non satis prospici, simul novi & fateor, nam nunquam satis cogitationes cohærent, si nunc ad Auctorem explicandum, nunc ad ea, quæ annotationibus adjiciuntur, a-

ni-

nimus discantis ablegetur, longe planior & solidior est docendi discendique ratio, si ea omnia, quæ captui Auditorum convenire existimantur, Serie non interrupta, perspicuè ac adæquatè proponantur, ac explicando, examinando & repetendo iis, sedulò inculcentur, quanquam sæpe Auditores, judicio parum solido, nil nisi novas quæstiones, in Autore explicando non occurrentes, ac adeo ipsis plane incognitas, desiderent, ac Doctorem, nisi ita faciat, male suo officio fungi, aut etiam ignaviæ litare existiment, cujus adeò sententiæ inter cordatos non magna habenda ratio. Hæc uti certâ ratione nituntur, ita à Summo Icto, *BORNIO NOSTRO*, eadem plus vice simplici laudata & probata esse, ex colloquiis privatis, quæ mihi cum Viro Illustri habere licuit, recordor. Interim cum systemata Juris Romani &

P R Æ F A T I O.

à Statu Germaniæ abludent, de quo  
antea dixi, nec in se etiam omnibus  
numeris absoluta sint, ideo hætenus  
scribendarum annotationum confi-  
lium, non planè inconsultum censi  
debet, si enim secundo vento por-  
tum attingere non datur, obliquis ve-  
lis utcunque eò connitendum est, at-  
que hanc rationem, mearum etiam  
Observationum causam, esse oratu-  
ram confido, ut non dubitem, quin  
cum magnus jam annotationum,  
Scholiorum, animadversionum si-  
miliumque meditationum appara-  
tus, ab aliis, variâ occasione & fine,  
sit concinnatus, etiam hæc meas  
Observationes, cum illis, ferre pos-  
sit Seculum. Id fortassis quoque ad-  
monendum, me, prout visum fuit,  
à Lauterbachio, liberè & sine ulla ve-  
niæ præfatione, dissensisse, sed so-  
lo veritatis Studio, procul omni insultandi libidine, cujus me, spero,  
bo-

*P R Æ F A T I O.*

---

bonis rationibus nemo reum fecerit,  
licet nonnullos, quibus publicanda-  
rum harum Observationum Consili-  
um innotuit, id jam mussitasse,  
perceperim, qui est succus nigræ  
loliginis & ærugo mera. Vale.


Scrib. Lips. mense Decembr.

1702.



OB-





# OBSERVATIONES IN COMPENDIUM LAUTERBACHII. PRÆFATIO.

## OBSERV. I.



*Præfatio*) Jurisprudentia Germanica est vel *Publica*, vel *Privata*, hujus partes sunt *Civilis*, *Feudalis* & *Ecclesiastica*, quatenus scil. hæ duæ posteriores ad feuda mediata, in statuum Territoriis occurrentia, ac ad ordinan-

dum cultum divinum Protestantium pertinent.

2. De *Civili* hic saltem agitur, continet illa leges tum *patrias* sive Germanicas, tum *extraneas* & in Germaniam receptas, nempe Jus Romanum & Pontificium. Licet autem rationi maxime sit consentaneum, ut in tradenda Jurisprudentia germanica civili præcipua habeatur ratio legum Germanicarum, attamen contrarium dudum invaluit, ut scil. in ea docenda & discenda leges extraneæ potissimum attendantur, quod institutum aliquo quidem modo excusari, nunquam tamen solide & penitus defendi potest, cum eodem animi discantium falsis de habitu legum patriarum & ex-

trancarum sententiis imbuantur. Interim errori vulgari cedendum, & juxta seriem Juris Romani, quicquid in Germania, quoad negotia civilia justum injustumque censeretur, præcipue tradendum discendumque est.

OBSERV. II.

*Jus civile est magne autoritatis.* ) Per modum ergo Prolegomenorum Autor aliquam Juris Romani historiam præmittit. Distinctius si agendum sit, Ejus (1) *Origo*, (2) *Receptio* spectari potest.

2. *Origo & habitus Juris Romani juxta tres periodos expenditur, Antejustinianeam*, quam lib. 1. tit. 2. Autor delineat, circa quam conferendi scriptores, qui ad l. 2. de O. J. commentati sunt, *Justinianeam*, in qua, quid temeritas *JUSTINIANI* & imperitia *TRIBONIANI* aliorumque Compilatorum, in corrumpenda, dilacerandaque Jurisprudentia Romana præstiterit, ostenditur. Eam attigit *AUTOR* in *præfat. lit. B.* circa quæ annotationes *Dn. STRYKII* conferendæ. *Postjustinianeam*, in qua fata Jurisprudentiæ Justinianæ, quæ post Justiniani obitum tam in Oriente, quam Occidente habuit, commemorantur, *vid. GOTOFRED. manual. Jur. c. 5. p. 75. c. 9. p. 33.* sed occidentalia magnam partem esse fabulosa, docuit *CONRING. de Orig. Jur. Germ. c. 20. seqq.*

3. Circa receptionem videndum (1) *quando* ea facta sit? scil. circa confinia seculi XIV. & XV. *CONRING. d. tr. c. 32.* (2) *ob quam causam?* ob singularem æquitatis, quâ legibus germanicis præstat, opinionem, (3) *quomodo?* tacite, ipso admissionis, in Scholas & forum, facto, expressa tamen approbatio accessisse creditur, (4) *in quantum?* in subsidium, ut deficientibus legibus patriis, Jure Romano utamur, nam illas  
peni-

penitus hac receptione esse sublatas, probari nequit, utut multis ita persuasum sit.

4. Ex hoc ergo sequitur, quod in dubio pro jure patrio sit pronunciandum, & quod adeo capitalis error sit, quod hoc in Academiis, solide ex historia & institutis patriis, non doceatur. Sane ista conciliari recte non possunt: *Jus principale in scholis negligitur, & subsidarium pro fundamento habetur.*

## OBSERV. III.

*Constitutione Maximiliani*) Hanc se nunquam reperire potuisse, dicit CONRAD. SINCERUS *dissert. epist. de usu Jur. German. p. 87.* nec Lehmannum, ad quem unice provocari soleat, ejus facere mentionem. Attamen DATT *de pac. publ. l. 4. c. 1. n. 111. seqq.* probabile putat, in Comitibus Wormatiensibus 1495. expresse inter Cæsarem & Status conventum esse, ut ex Jure Romano deinceps quoque Jus diceretur, Lehmannumque, dum in Chronico suo confirmationis alicujus faciat mentionem, in Archivo Spirensi formulam Recessus vidisse, ut mirum sit, quare Recessuum Collectores eam omiserint. Summa rei in ista disquisitione non vertitur, cum de autoritate Juris Romani hodie ambigi nequeat, quomocunque tandem illud receptum sit.

## OBSERV. IV.

*Declarantur, restringuntur, suppleantur jura statutaria*) Ut hæc ex Jure Romano *suppleantur*, id merito admittitur, cum hoc indoli Juris subsidiarii conveniat, sed ut etiam inde *declarentur & restringantur*, id falsum existimari debet. Declaratio Juris Germanici, ex rationibus domesticis est faciendâ, ex Jure Romano eadem perinde infeliciter desumitur, atq; declaratio-

nem sacræ Scripturæ, quis ex libris Aristotelis metaphisicis peteret, ceu recte judicat *SINCERUS d. dissert. p. 63.* Cur porro Jus principale, ex jure subsidiario restringi debeat, ejus rei nulla est ratio, hinc ne quidem quoad leges provinciales, post receptum Jus Romanum datas, vulgarem doctrinam admitterem, sed earum interpretationem ex communibus ratiocinandi & interpretandi principiis faciendam esse, plane putarem. In exemplis, quæ doctrinæ illustrandæ adducuntur, fallacia aliqua subest, neque enim in iis declaratio aut restrictio ex jure Romano, qua tali, sed ex jure naturali, omnibus hominibus communi, desumitur. Sunt hæc & alia huius furfuris brocardia, veterum Legistarum imperita somnia, à quibus tamen nec hodie, Viri alioquin eruditi, sibi satis cavent, cuius rei non alia causa est, quam quod juxta ductum Juris Romani Jurisprudentia Germanica tradatur, inde enim præjudicium *juris cujusdam primarii & fundamentalis* enascitur & conservatur, cum tamen illud elogium Juri Romano, qua tali, non conveniat.

## OBSERV. V.

*Authentica*) De harum collectore videnda est *CORNELII VAN BYNKEERSHOEK*, Critici non indocti, sed & valde superciliosi, quem *HUBERUS* in *Eunomia ad l. 7. §. 12. de pact. p. 108.* juvenem eruditum, *ad l. 40. de R. G. p. 484.* eruditissimum vocat, *Diatriba*, quam novissime *libro singulari* ad *L. Lecta* adjunxit, in qua argumentis *STRAUCHII & PAGEN-STECHERI* respondet, ac authenticas à diversis auctoribus, præcipue tamen ab *Irnerio* collectas esse, amplius contendit. Salus Græciæ in istis tricis sita non est.

## OBSERV. VI.

*Posteriora derogant prioribus*) Ubi observandum, quod, si leges successive componantur, ea tamen intentione, ut simul in usum subditorum adhibeantur, prioritas & posterioritas non ex promulgatione, sed compositione sit æstimanda, hæc enim ordinem voluntatis in Imperante ostendit, hinc Institutiones derogant Pandectis, licet ante has sint promulgatæ.

## OBSERV. VII.

*Statuenda differentia*) Doctrinæ hujus duplex est sensus, (1) inter Jus Canonicum & Civile non esse in dubio asserendam contradictionem, hoc respectu verâ illa est, contradictio enim cum facti sit, non est temere præsumenda, (2) inter illa Jura esse statuendam convenientiam, ea quidem ratione, ut quævis dispositio positiva Juris Romani, v. gr. de mero Imperio, *vid. AUTOR de jurisdict. lit. a. de pactis nudis, ID. de pact. lit. E. de arbitro judice, ID. de recept. lit. P. de invaliditate stipulationis tertio factæ, vid. STRAUCH. exercit. 14. §. 8. add. Exercit. 27. §. 7. exerc. 29. §. 1. 5.* in dubio etiam Juri Canonico probata censeri debeat & vice versa. Hoc sensu vulgo quidem etiam defenditur ista doctrina, sed eam falsam esse, non dubito, neque enim Jus civile placita Juris pontificii recepit, aut recipere potuit, cum diu post illud hoc confectum sit, nec vice versa Jus Pontificium dispositiones mere Romanas probasse, ulla ratione idonea potest ostendi, nimis enim frigida est probatio, quæ ex *c. I. X. de nov. oper. nunc. & Nov. 83. c. 1.* desumitur, quæ enim consequentia, si leges civiles aliquando sequuntur aliquem Canonem, aut Jus Pontificium probat specialem Juris Romani dispositionem, ergo totus ille legum Canonum-

que complexus mutua approbatione receptus est? hinc etiam altera ratio, quæ aliquando reddi solet, quod v. gr. dispositio Juris Romani de pactis nudis, Jure Canonico non sit abrogata, incongrua est, frustra enim de abrogatione quaeritur, quando de valore nondum constat. Sed quæ tandem doctrinæ illius utilitas? nulla profecto, neque enim vel Germanorum vel aliæ nationis, in cujus civitatem jura illa penetrarunt, interest, quomodo eadem erga se invicem, ratione valoris, comparata sint, ut facile liqueat, doctrinam illam antiquis glossatoribus suos debere natales, qui cum in enucleandis, interpretandis, vestigiis comparandisque illis juribus, otio ingenioque abuterentur, variis ejusmodi commentis studium juris oppleverunt.

## OBSERV. VIII.

*In causis Ecclesiasticis*) Videbatur potius Jus Canonicum in dubio juri civili semper præferendum esse, citius enim in Germaniam penetravit, nec facile ostendi potest, Jure Romano recepto, illius auctoritatem restrictam esse, nisi forte distinctio illa *AUTORIS* usu fori, cui hac in re multum tribuendum videtur, probata est, *add. STRYK in not. ad BRUNNEM. I.E. l. i. c. 3. §. 4.* Exinde autem liquet, quam misera Jurisprudentiæ Germanicæ sit conditio, nam juribus illis extraneis, tam inter se, quam cum jure patrio, certantibus, sæpe ob diversas interpretum sententias, non constat, quid tandem sequi debeamus.

LIB. I. TIT. I.  
DE  
JUSTITIA ET JURE.

## OBSERV. IX.



N quavis Jurisprudencia, juxta artis regulas concinnanda, duæ partes generales constituendæ videntur, *Preliminaris*, in qua indoles *Jurisprudencia*, *actionis humana*, *legum*, *juris & obligationis*, *justitia & injustitia*, *interpretationis & applicationis*, ac eo quidem, quem designavimus, ordine, explicetur, & *Principalis*, in qua argumentum legum debito ordine recensetur. Ista porro omnia mensuræ Jurisprudenciæ tradendæ attemperanda esse, recta ratio facile ostendit, hinc generalia in *Jurisprudencia universali*, specialia in *particulari* proponi debent.

2. Jam compilatores Pandectarum duas illas partes in effectu quidem constituerunt, sed neutram debitè executi sunt. Nam in præliminari, quæ quatuor priores titulos continet, nec omnia, quæ antea memoravi, attigerunt, nec quæ proposuerunt, captui disciplinæ suæ, (quæ sine dubio est aliqua Jurisprudencia particularis,) attemperarunt, hinc philosophia generalis de Jurisprudencia, de justitia, de legibus divinis & humanis à scopo est aliena, arguitque conceptus legulejos, vanamque de universalitate Juris Romani persuasionem, hinc totum hunc titulum, observationum aliàs satis fecundum, sicco pede præteribimus.

## TIT. II. DE ORIGINE JURIS.

### OBSERV. X.

**U***Sque ad Hadrianum*) legi debet: *quas ab Adriano usque ad Valerianum & Gallienum collegit Gregorius 7 Cius, à Claudio usque ad Constantinum M. & c. vid. GOTOFRED. Manual. Jur. c. 4. p. 16.* Quare autem nullæ constitutiones Imperatorum Hadrianum antecedentium collectæ sint, de eo frustra Gotofredum anxie sollicitum esse, putat *Dn. THOMASIIUS in tract. de nov. jurispr. l. 2. c. 4.* cum pleræque leges eo tempore sub *forma senatus consultorum* fuerint factæ, hinc etiam Sctorum saltem usque ad Marcum fieri mentionem, teste *GOTOFREDO in man. Jur. c. 3. p. 13. & ex PLINII Panegy. c. 76. p. 368.* constare, quod sub Trajano magna fuerit Senatus autoritas.

2. Enimvero, quod ante Hadrianum leges Imperatorum, sub forma Sctorum potissimum prodierint, post illum vero, sub habitu Constitutionum nativo, factæ sint, id non satis liquidum est, nam (1) nulla probabilis ratio apparet, quare præcise per integrum seculum, timidius velut potestatem suam Cæsares exercuerint, Hadrianus vero eumq; secuti audacius eam exserere cœperint, quin (2) constat, Sctorum etiam post hæc tempora aliquem fuisse usum, nam ultra Marcum, secus ac putabat *GOTOFREDUS*, eorum fit mentio, nempe sub Severo *l. 1. de reb. eor. qui sub tut.* imò Theodosius & Valentinianus in *l. 8. C. de leg.* sub forma Sctorum, constitutiones fieri debere, palam testantur, quod testimonium tanti valoris censeretur, quanti effectum *PLINII* esse putatur. Sed ista alii accuratius expediant,



diant, est enim totus hic titulus historicus, ac usum legalem in Germania non habet.

## TIT. III. DE LEGIBUS &c.

### OBSERV. XI.

**I**N hoc & sequenti titulo indoles legum, intuitu Reipublicæ Romanæ expenditur, ut hætenus illa tractatio recte se habeat. Interim Germania nullum inde habet emolumentum, nam *jus publicum* in Germania oritur ex pactis, *jus privatum* ex imperio civili, quæ principia omnibus Gentibus sunt communia, pro ratione tamen singularum civitatum propriam induunt formam. Discrimen *juris scripti & non scripti* ex diverso modo promulgandi resultat, qui iidem omnibus gentibus communis est. Species autem juris scripti Romanæ in aliis civitatibus nullius sunt usus, cum in his omne jus Romanum, ut *receptum*, valeat, quod si vero in iis species quædam occurrant, quæ Romanis similes sint, tum earum veritas & indoles non ex Romanorum placitis repetenda est, sed à proprio potius cujusvis Reipublicæ statu dependet.

### OBSERV. XII.

*De quo l. 1. 10. 11. 12. Cod.*) Jus publicum Romanum in istis libris Codicis contineri, perinde falsum est, ac à veritate abit, quod Recessus imperii indistincte Jus publicum germanicum exhibeant, nam uti Recessus, imprimis antiquiores, multa ad privatos pertinentia, v. gr. de pupillis, minoribus, Notariis &c. continent, ita quicquid in Codice, dictis libris habetur, illud omne ad *subditos constitutos* pertinere, ex inductione constat, jam vero hi ad jus privatum referri debent, ad

jus publicum autem nihil, nisi quod *subditos constituendos & imperantes quâ tales* respiciat, spectare, ostendi in *specim. jur. publ. l. 1. c. 1. §. 34. seqq. l. 3. c. 9.* Sed hoc forte nimis scholasticum quibusdam videbitur, cum saltem ad disciplinas recte distinguendas pertineat.

## OBSERV. XIII.

*Obligat ad scientiam*) Sed quomodo lex nondum cognita ad scientiam obligare potest, cum omnis obligatio scientiam præsupponat? Obligantur igitur subditi ad notitiam legis promulgatæ comparandam, sed illa obligatio non fluit ex *lege promulgata & cognoscenda*, sed ex *vinculo Subjectionis*, quo legislatori obstringuntur, quæ duo *AUTOR* distinguere debuisset.

## OBSERV. XIV.

*Si causa finalis*) Confunditur hic *interpretatio restrictiva* cum *abrogatione*, quando enim causa finalis adæquata omnino & in totum cessat, tum lex non abrogatur, sed eadem ad casum istum nunquam pertinuisse, interpretatione genuina ostenditur.

## OBSERV. XV.

*Jus non scriptum*) Consuetudo vario sensu supponi potest, vel enim accipitur (1) pro *pacto tacito*, quorum etiam pertinet observantia imperialis, *des Reichs Herkommen*, de qua dixi in *specim. Jur. Publ. l. 1. c. 3.* (2) pro *prescriptione*, quæ instar conventionis est, ac inter duas partes, autoritate legis positivæ, jus saltem facit, (3) pro *legum latarum observantia*, juxta *§. fin. J. de satisd.* (4) earum *neglectu*, quæ consuetudo inter homines frequentissima est, (5) *interpretatione*, de qua in *l. 37. de leg.* (6) pro *nudo actuum exercitio*, vi *obligandi destituto*, quam *consuetudinem nudam s. simpli-*

*plicem* recte diceret, quæque tam quoad homines singulos, quam integra collegia, imo Respublicas occurrat, (7) pro *frequenti actuum legibus divinis contrariorum exercitio c. fin. X. de consuetud.* quæ consuetudo inter homines itidem valde frequens est, (8) pro *lege tacita*, ipso facto ab iis, penes quos ejus rei arbitrium est, data, eo referas stylum Curiae summorum judiciorum, cui subditi in iis agentes se attemperare debent, (9) pro *lege tacita ex actibus subditorum orta*.

2. Hæc demum hujus loci est, & oritur ex actibus subditorum (1) *rationabilibus*, i.e. jure divino permisis, (2) *consuetudinis introductivis*, quæ qualitas unice ex contradictione colligenda videtur, quo pertinet *l. 34. de leg.* (3) *uniformibus*, (4) *aliquoties exercitis*, ac (5) ab Imperante confirmatis. Et quia illa omnia in tempore fiunt, adeoque quo plus temporis elapsum est, eo sæpius illa accidere potuerunt, hinc hætenus *temporis diuturnitas* etiam attenditur, certum autem tempus, vel Judicis determinatio frustra exigitur, sed utrumque potius pro glossatorum commento habetur, hinc nec CARPZOVIO, intra 30. annos, annum & diem, in Saxonia consuetudinem introduci testanti *P. 2. C. 3. D. 21.* fidem adhibendam esse, arbitror.

3. Jam si existentiam Consuetudinis respiciamus, videtur eadem in iis Rebus publicis, quæ populares non sunt, nec unius Urbis mœnibus comprehenduntur, rarissima esse, cum imprimis Imperantis confirmatio non facile probari queat, sine hac autem cætera omnia requisita sine effectu sunt. Quod si etiam jactata consuetudinis exempla probe excutias, vel aliud quid, quam legem privatam, ex actibus subditorum ortam, sub illo nomine deprehendes, vel legem aliquam

quam fingi animadvertes. Qui leges ex malitia vel imprudentia negligit, neglectui consuetudinem prætexit, ne male egisse vel errasse videatur, si quis ex nuda & simplici consuetudine lucrum aliquod speret, is eam pro affectu suo in legem obligantem transformat, ac si vires permittant, aliis obtrudit & imperiose defendit.

## TIT. IV. DE CONSTITUT. PRINCIP.

### OBSERV. XVI.

*Ille commune faciunt*) Commodissime hic videtur distinguere, utrum Imperans decernat circa rem, quæ ex legibus jam latis poterat decidi, an vero circa eam, quæ dubia hætenus erat, quale exemplum omnino est, de quo in l. 3. de his, quæ in testam. del. agitur, illo casu decretum saltem erit sententia juxta l. 3. C. de Leg. hoc vero, lex communis, etiamsi saltem fuerit interlocutorium.

### OBSERV. XVII.

*Latissime*) Hæc regula non immerito forte ad falsa interpretandi principia refertur; voluntas enim Principis non semper eadem est, sed pro diversis potius circumstantiis diversa, hinc male regula aliqua perpetua illa circumscribitur, cum potius juxta varietatem circumstantiarum eadem varie sit explicanda.

### OBSERV. XVIII.

*Utitur jure suo*) Dictærium hoc aliquando necessario obtinet ob fugam contradictionis, ut in casu l. 12. §. 1. C. qui prior in pignor. aliquando vero ex sola voluntate privilegium concedentis locum habet, ut in l. 3. de excusat. quare illud immotæ veritatis censei non debet,

debet, quo loco tamen multi ejusmodi brocardica habere solent.

## TIT. V. DE STATU HOMIN.

### OBSERV. XIX.

*Status hominum*) Incipit hic tractatio Principalis, in qua argumentum legum Romanarum refertur. Et vulgo quidem creditur, (1) considerari *Jura personarum* in tit. 5. 6. 7. (2) *Rerum* tit. 8. & (3) *Judicia*, quo pertineant reliqua omnia. Licet autem ista partitio conceptibus falsis scateat, hactenus tamen tenenda erit, ut aliquo modo saltem titulos Pandectarum recensere liceat.

### OBSERV. XX.

*Libertatis*) Confunditur hic *libertas* cum *humanitate*, ad hanc enim, non illam quadrat definitio allata, hinc falsum etiam est, quod mox sequitur, *servos ab hac prima societate excludi*, utique enim à societate, quam natura inter omnes homines constituit, non excluduntur, licet verum sit, eos à communione libertatis, recte suppositæ, excludi.

2. Non melior est definitio libertatis *FLORENTINI* in l. 4. de stat. hom. quam sequitur *TRIBONIANUS* §. 1. j. de jur. Person. quia ad servos etiam quadrat, hi enim omnia facere possunt, nisi vi aut jure prohibeantur, & inanis est quorundam exceptio, servos *conditione sua servili* prohiberi, hæc enim utique à Jure seu lege est; eidemque adeo frustra opponitur.

3. Observandum igitur, in statu civili non esse questionem de libertate quâvis, aut etiam de *naturali*, sed tantum de *civili*, quæ cum Imperio civili consistere

stere queat. Hoc sensu, nisi fallor, est *jus ea faciendi, quæ cum imperio civili non pugnant, nec non alia jura, laudato imperio haut contraria acquirendi, conjunctum cum aliqua existimatione.*

## OBSERV. XXI.

*Servi*) Servitus apud Romanos erat vel *PACTITIA*, quando ex locatione conductione operæ serviles præstabantur, hæc non tollit libertatem, *vid. §. 2. j. de us. & habit. verb. nec non aliis personis liberis*, vel *LEGALIS*, quam male iterum descripsit *FLORENTIUS* in *l. 4. §. 1. de stat. hom.* & ex eo *TRIBONIANUS* §. 2. *j. de jur. pers. cum redactio in dominium*, de qua definitio loquitur, formale servitutis non exhauriat, imo ad hanc, quatenus libertati opponitur, plane non pertineat.

2. Quare dicendum, servitutem tripliciter supponi posse, vel (1) quatenus opponitur *libertati*, hoc sensu est *libertatis privatio*, nec aliquam subjectionem involvit, vel (2) *potestati dominicæ*, eo respectu notat *obligationem domino serviendi*, ac convenit cum servitute pactitia, licet hac durior sit, vel (3) *dominio aliisq; juribus*, hoc intuitu notat *aliquam pertinentiam*, non secus enim ac aliæ res, quæ in patrimonio sunt, servi ad dominum pertinent, ab eoque alienari possunt, atque ex hac conditione amplius fluebat, quod servi omnia dominis acquirerent, perinde atque illud nostrum est, quod rebus nostris adjicitur.

## OBSERV. XXII.

*Abiit*) Servitus pactitia hodie quoque est usitata, sed non quia apud Romanos fuit, verum quia resultat ex principio omnibus gentibus communi. Servitus legalis juxta primum sensum spectata, inter Christianos cessat.

cessat. Sed juxta secundum & tertium, in *Hominibus propriis* occurrere videtur, aut potius horum conditio servituti Romanæ eo respectu est similis, *vid. dissert. Dn. THOMASII de Hominibus propriis & liberis Germanorum*, hab. Hall. 1701.

## OBSERV. XXIII.

*Repugnet*) Imo repugnat; servitus, quæ ex captivitate oritur, est emortuæ socialitatis certissimum indicium, nam ut plurimum homines infantes in miseram servitutem rapiuntur, quod si autem hostes injusti eidem mancipentur, non eo magis tamen licita censeri potest, cum haut debeat æterno odio hostes prosequi. Haut juvat sententiam *AUTORIS* Apostolus, nam incertum est, utrum ille loquatur de mancipiis, an saltem de mercenariis perpetuis, deinde ostendit solum, quid servos facere oporteat, servitute semel introducta, non autem asserit, servitutem tam duram, qualis olim apud Romanos erat, ac hodie inter infideles & Christianos obtinet, licite introduci.

## OBSERV. XXIV.

*Argumentamur*) Sed plerumque sine sufficiente ratione, nam conditio hominum priorum, propriis pactis & legibus nititur, ut ad Romana confugere opus non sit, imo perniciofa est illa argumentandi ratio, dum Germanos à penitiori rerum germanicarum consideratione abducit, eos præjudiciis vanis obruit, ac male instituta diversa confundit.

## OBSERV. XXV.

*Civitatis*) Tripliciter civitatis jus supponi potest, (1) pro *subjectione*, hoc sensu omnes subditi sunt cives, (2) pro *communione jurium municipalium*, eo respectu cives dicuntur, qui albo municipum sunt inscripti eorum-

rumque juribus gaudent, (3) pro *communione jurium civilium certa alicujus Reipublicæ*, hoc intuitu apud Romanos, non tantum peregrini, sed & multi subditi, *vid. l. 17. de stat. hom.* à juribus civitatis Romanæ excluderentur, cujus rei rationem eam reddit *GROTIUS de J. B. P. l. 2. c. 6. m. 14. in fin.* quod exteri rudioribus illis seculis, quasi pro hostibus fuerint habiti, ut merito mos iste apud populos moratiores deinde exoleverit.

## OBSERV. XXVI.

*Masculi*) De habitu sexus masculini & fœminini agere, physicorum est, ut nulla Juris Romani hac in re sit auctoritas. In quantum autem uterque sexus eodem vel diverso jure utatur, id in universum ex voluntate Legislatoris divini & humani cognoscendum est, quæ principia omnibus hominibus communia sunt. Porro id naturale est, ne liberi nascituri, vel directe, vel indirecte lædantur, quousque vero jura adventitia, ad aliquod commodum competentia, ipsis asseri debeant nec ne, id vel ex conventionem vel lege positiva æstimandum, quemadmodum etiam ex hac est, quod liberi Parentum conditionem sequantur, aut nondum editi iis regulariter non prosint, qua in re definitio juris Romani usum habere potest, si propriis legibus aliud non sit cautum.

## TIT. VI.

DE HIS, QUI SUI VEL ALIEN.  
JUR. SUNT.

## OBSERV. XXVII.

**P**atriam potestatem ex generatione alioq; actu consensuali naturaliter oriri, certum est, hinc hætenus  
illa



illa à Romanis repetenda non est, interim leges civiles multa circa eam, quoad modos constituendi, subiectum & effectum sanxerunt, quæ deficientibus legibus patriis usum habere possunt.

OBSERV. XXVIII.

*Adulterini*) Liberos adulterinos aliosque injustos legitimari posse, ex natura imperii civilis, cui tota legitimitas subest, facile intelligitur, nec valde obsunt, quæ dissentiens *STRALICHII* *exerc. IV. §. 3.* opponit, (1) *omnem clementiam liberis illis negari*, Nov. 74. c. ult. (2) *legitimationem ex fitione matrimonii procedere, cum adultera autem matrimonium fingi non posse, jure divino Polygamiam prohibente*, nam illa saltem ostendunt, in quantum, & quo modo, Imperantibus Romanis imperium heic exercere placuerit, aliorum verò Imperantium imperio ac libertati obicem nec ponunt, nec ponere possunt.

TIT. VII.

DE ADOPTIONIBUS &c.

OBSERV. XXIX.

**P**ER adoptionem, velut actum consensualem, naturaliter acquiri potestatem patriam, indubium videtur, hinc materię hujus velut substantia, itidem juris, non Romani, sed naturalis est, illud tamen iterum multa circa modum, personas & effectum constituit, quæ juxta consuetas restrictiones in Germania valent. Tollitur etiam patria potestas partim *naturaliter*, morte scil. & emancipatione, ut & adoptione, partim *jure civili*, dignitate & capitis diminutione *maxima & media*, quæ sensu Romano, in Germania non obtinent.

## OBSERV. XXX.

*Jus cognationis & sanguinis*) quod per adoptionem jus cognationis non constituatur, id ad ea tempora pertinere videtur, quibus sola agnatio jus succedendi largiebatur, at postquam *JUSTINIANUS Nov. 118. c. 4.* cognationem agnationi, quoad effectum succedendi, exæquavit, videtur adoptatus tam cognatos, quam agnatos adoptantis attinere, iisque succedere posse.

## TIT. VIII.

## DE RERUM DIVISIONE &amp;c.

## OBSERV. XXXI.

**J**uxta vulgaris connexionis commentum, in hoc titulo agitur de jure rerum. Sed hoc nemo credat, quia nulla jura adducuntur, sed termini solum, seu *indoles juris rerum* explicantur, adeoque pertinet hic titulus ad *partem præliminarem*, & debebat sane uno in loco *natura jurium* seu *rerum moralium* vel *incorporalium* exponi, cum per universam jurisprudentiam jura deinceps occurrant, adeoque illorum indoles merito maxime cognita esse debeat, sed illud in jure Romano factum non est, hinc etiam doctrina de rebus incorporalibus, variis tricis falsisque conceptibus scatet.

## OBSERV. XXXII.

*Jus in re*) De Jure Romano tres species juris realis (1) *dominium* (2) *pignus* & (3) *servitus* satis certæ sunt, nam ex his actiones reales descendunt. Ex *possessione* vel jure *possessionis* actionem quoque realem oriri, à multis quidem dici, sed à nemine solide probari, hætenus semper existimavi, & licet in specie leges citatæ communem eamque *AUTORIS* sententiam non probent,

bent, cum in *l. 1. §. 1. de superf.* perperam verba finalia ita accipiantur, quasi præcedentia, quæ de interdicto loquuntur, explicent, cum potius Jctus hoc velit, superficiario competere & interdictum & insuper actionem realem, nempe utilem rei vindicationem, contextu illam expositionem satis probante. Ex *l. 1. §. fin. l. 2. Uti possid. l. 3. §. 13. de A. A. P.* autem, quas *AUTOR* insuper allegat, nullum argumentum idoneum desumi posse, vel sola inspectio ostendat. Attamen, dum denuo hanc rem expendo, communem sententiam non adeo fundamento destitui, sed jus possessionis, pro jure reali, recte posse haberi, deprehendisse mihi visus sum.

2. Habet scilicet Possessio triplicem velut faciem, nam aliquando spectatur ut *medium acquirendi jus reale*, quando v. gr. dominium translatione & possessione constituitur, aliquando ut *juris quasi indicium*, nam pro possessore esse præsumptionem, translationis est, aliquando autem *propriis viribus velut consistit & suo Marte jus sibi acquirere intendit*, nam quivis possessor, ideo quod possideat, aliquid juris, præ aliis in re possessa se habere existimat, interim jus illud diversæ est efficacix, prout possessio vel sola est, vel aliud jus reale præsupponit.

3. Jam si possessionem juxta ultimum respectum debite expendas, apparet sane, quod sit tale factum, quo quis sibi jus, non contra certam personam, sed contra omnes potius valiturum, acquirere intendit, quia in re possessio à pacto vel delicto, ex quibus certa aliqua persona ejusq; hæres saltem obstringitur, plane abit; Exinde ergo non potest non aliqua diversitas Jurium, quæ ex illa & his descendant, oriri. Nimirum ex

pactō & delicto descendit quidem *jus efficax, certum ac durable, sed quod certam saltem respicit personam*, sed ex possessione oritur *Jus, non adeo quidem constans, efficax ac durable*, (si aliis circumstantiis, ut temporis diuturnitate, aut juribus concurrentibus, non fulciatur, nam tum possessoris consensu saltem nititur, non vero mutuam voluntatem, ut pactum & delictum, præsupponit,) *attamen indeterminatum ac ad certam personam non restrictum.*

4. Ex his ergo liquet, quod juxta intentionem facti hujus, *jus reale sequi debeat.* Merito igitur illud etiam revera sequi, ac effectus juris realis, quamdiu elisum non fuerit, habere, existimandum est. In specie itaque interdicta retinendæ possessionis, pro actionibus realibus, quæ ex jure possessiones reali fluant, recte habentur. Obstare quidem videtur, quod *non dentur contra possessorem, nec rem ab alio possessam persequantur, quod tamen ad actionis realis essentialia pertinet.* Ista obiectio non removetur, si, quod vulgo fieri solet, contendas, *ad naturalia saltem actionis realis spectare, ut detur contra possessorem*, nam si quis rem aliquam certo possideat, tum insanus erit, si actione reali eam vindicare velit, ut facile liqueat, actioni reali perinde essentielle esse, ut *detur contra possessorem*, ac, ut *ex jure reali descendat.* Quæ cum ita sint, hætenus mihi obiectio illa insolubilis visa est, ac ob eam præcipuè, *jus possessionis, reale esse, negavi.* Jam verò puto recte negari, quod *interdicta retinendæ possessionis non dentur contra possessorem*, nam licet actor possideat, attamen non *solus*, non *quiete* possidet, sed alter actibus turbativis possessio- nem quoque arripit, hinc hætenus ab eo res recte vindica-

dicatur, perinde sicut dominus & possessor actione negatoria (quæ realis & species rei vindicationis est) vindicat rem ab altero ex prætensa servitute possessam, de quo alibi dicemus.

5. Interdicta recuperandæ possessionis, etiam pro actionibus realibus haberi possunt, licet enim hoc negent Juris Romani in *l. 7. unde vi*, attamen sicut in æstimando *dejectionis facto* non adeo recte sunt versati, ceu ex *l. fin. C. unde vi* liquet, ita in dijudicando possessionis jure ejusque effectu lapsi quoque videntur, ut illæ angustix non immerito, in jure Canonico in *c. 18. X. de restitut. spoliat.* & plenius, juxta communem sententiam, in *can. redintegrandæ 3. Caus. 3. qu. 1.* sint sublata, inprimis, cum ipsi Romani in similibus casibus, ut metus illati, actiones personales, in rem scriptas, minimum asseruerint.

6. Quod attinet *Jus hæreditarium*, notat illud completum juriæ realium & personarum, à defuncto in hæredem translatorum *l. 37. de A. & O. H.* adeoque hætenus pro specie juris realis haberi nequit. Sæpe tamen illud, quatenus scilicet contra possessorem hæreditatis se exserit, notat *dominium in hæredem translatum*, quod si adeo hoc, in aliam formam mutatum, pro *peculiari juris realis specie* haberi existimes, tum non repugnabo, quo minus speciebus, antea laudatis, jus hæreditarium, velut quintam, addas, ut hætenus communior illa sententia satis defendi posse videatur.

7. Qui unicam saltem speciem, nempe *dominium*, asserunt, illi, expunctâ penitus possessione, hoc, in *rerum corporalium*, & *incorporalium dominium* distinguunt, ac ex illo, *rei vindicationem*, ex hoc verò, scilicet

dominio servitutis, pignoris ac juris hæreditarii, *confessoriam, hypothecariam, ac hæreditatis petitionem* repetunt.

8. Poterit illa doctrina in foro faciliè admitti, nam in hoc satis est, scire actionem ejusque effectum, an vero ejus fundamentum, *servitutem, vel ejus dominium*, & ita porro, dicere velis, id perinde est. Quod si verò juxta rei veritatem expendatur, tum locum suum tueri non potest, nam dominium rerum incorporalium, ac speciatim, servitutis, pignoris aut juris hæreditarii, rerum moralium indoles utique repudiat.

9. Nunquam enim tale dominium constituitur aut etiam constitui potest, fac, me à vicino stipulari v. gr. *jus pascendi*, hætenus saltem habeo *jus personale*, sequitur deinde usus & patientia, exinde oritur *jus reale*, seu ipsa *servitus*, ubi igitur *dominium*? nam post illos actus, nihil amplius agunt paciscentes, nullum actum domini constituti causa suscipiunt! imo si diserte dominium illius servitutis peculiari actu alter alteri tribueret, esset tamen actus inanis, quoniam post illum alter nihil amplius haberet, quam ante habuit! cæterorum eadem est ratio. Dicis, *usu & patientia constitui dominium servitutis!* verum responderem, ita saltem ludi in terminis, nam quod alii dicunt *servitutem*, tu mavis dicere *dominium servitutis*, quæ novi nominis affectatio sub inepta licet admittatur, attamen eadem nihil obtinetur, quoniam non probat duplex jus, servitutem scil. & ejus dominium, de quo tamen unice controversitur, sed saltem unicum, illudque nova & non necessaria ratione effert.

10. Levia omnino sunt, quæ pro defendendo rerum incorporalium dominio vulgo afferuntur. Contendunt

dunt (1) *servitutem, pignus, jus hereditarium posse alienari, ergo illa esse in dominio*. Infirma illatio! potest etiam alienari dominium & jus personale, ergone hæc quoque sunt in dominio? hoc ne ipsi quidem dissentientes asseruerint! Nimirum alienatio non est effectus *dominii*, sed *libertatis*, quæ regulariter omnia jura comitatur, hinc argumento alienationis pessime probatur dominium; (2) *servitutem & reliqua jura esse nostra, quæ locutio dominium arguat*. Redeat heic instantia; dominium, jus personale, est nostrum; ergone in dominio? multum scilicet interest, utrum de re corporali v. gr. ædificio, dicās, *hoc meum est*, an de re incorporali vel jure, illud prædices, nam prior locutio innuit, quod alicui circa rem corporalem jus reale ac plerumque dominium competat, sed posterior nihil aliud vult, quam jus à lege esse tributum adeoque subjecto suo illud inhaerere, ex quo gratis dominium aliquod juris confingitur, cum nihil nisi *inherentiam* notat, quæ in omnibus jurebus, ipso etiam dominio, occurrit. (3) *Asseri dominium ususfructus in l. 3. si ususfr. petat. vid. EKHOLT. de A.R.D. § 7. sed asseritur etiam dominium proprietatis l. 15. §. 6. 7. l. 17. l. 72. de usufr.* ergone datur dominium *dominii*? Putidum ineptumque est, captare locutiones Jurisconsultorum, si mille dicerent, dari dominium juris, ego nulli crederem, nam hæc disquisitio non autoritatibus, sed rationibus, à natura ipsarum rerum desumptis, conficienda est. (4) *Res incorporales titulo & traditione acquiri EKHOLT. d.l.* ita etiam acquiritur dominium, hinc, si illatio valet, hujus denuo dominium erit asserendum! quis non videt titulum & modum, dominium & aliis jurebus realibus esse communia, & tam illud, quam hæc iis

mediantibus acquiri, hinc ex eo, quod v. gr. circa servitutem occurrat titulus & modus, perinde inepte infertur, ergo *servitus est in dominio*, ac quis contenderet, dari *servitutem dominii*, ideò quod hoc consensu & traditione acquiratur. Quod autem vulgo circa ipsam servitutem, traditio vel quasi traditio occurrere creditur, id fundamento caret. Traditur non *servitus*, sed *res serviens*, perinde sicut non dominium, sed res, quæ in dominio esse debet, datur, de quo alibi dicendum erit.

II, Oppugnavit etiam dominium juris, *HUBERUS* in *posit. ad ff. de A. R. D. §. 2. seqq.*, cui *Dn. THOMASII* in *not.* respondit. Sed uterque id, de quo vel maxime est controversia, præsupponit, ille scil. *non dari dominium nisi rerum corporalium*, hic *dari etiam dominium proprie sic dictum rerum incorporalium*, atque ex istis deinceps hypothesebus uterque rationes desumit vel confirmat, hinc quando alter ex suo armario tela vibrat, alter eadem dexteritate, ex suo illa elidit, ut semper incertum maneat, à qua parte stet victoria. Interim rationibus antea datis validius dominium juris oppugnari posse, crediderim.

OBSE RV. XXXII.

*Jus ad rem*) De speciebus juris ad rem non perinde disputatur, nec immerito, nam licet jus personale vel ex contractibus vel delictis vel etiam immediate ex lege oriatur, ejusdem tamen ubique effectus est, ut species ideo diversas comminisci nihil attineat. Velut relatū, *juri ad rem*, respondet *obligatio specialis* ex contractibus & delictis regulariter descendens, sed in jure Romano, jus ad rem & obligatio ut plurimum synonymice accipiuntur. Juri reali respondet *obligatio gene-*



*ralis*, ex absoluto juris naturalis præcepto dependens, & omnes possessores afficere apta. Quod igitur *JULI-  
STINIANUS* pronunciat §. 1. *J. de action.* jura realia  
suum exserere effectum contra *illum, qui nullo jure  
nobis obligatus sit*, id de *obligatione speciali* accipien-  
dum est, seu etiam contextus satis ostendit.

## OBSERV. XXXIV.

*Res in lata*) In antecessum notari debet hæbitudo  
*rerum* in ordine ad *jura & personas*, & horum omni-  
um intuitu *Jurisprudentia*, evitandis erroribus vul-  
garibus. Nimirum *res* sunt *objectum jurium*, hæc  
autem *personis*, velut suo *subjecto* inhærent, hinc pro-  
pter *jura*, ad *personas*, *res* pertinent. Hæc tria autem  
conjunctim in *Jurisprudentia* occurrunt, ea quidem  
ratione, ut *jura*, disciplinæ legalis sint *objectum pro-  
prium*, personæ & *res*, *commune*, aut si mavis, illa sunt  
*objectum formale*, hæc *materiale*, nam in *Jurispruden-  
tia* personæ & *res* non aliter considerantur, quam  
quatenus de jure est quæstio, hinc etiam nunquam si-  
ne hoc spectari possunt.

2. Ex his sequitur (1) malè *jura*, sub nomine rerum  
incorporalium, ad classem rerum transferri, nam hac  
docendi ratione jus fit *objectum sui ipsius*, aut fit *Ju-  
risprudentiæ objectum formale & materiale*, seu com-  
mune & proprium, quod absurdum; (2) perperam *ju-  
ra*, *personas* & *res* separari in disciplina legali, indisso-  
lubilis enim nexus inter ea est, nam si jus tollis, per-  
sonæ & *res* non amplius sunt considerationis juridi-  
cæ. Interim duplex ille error est maximè vulgaris, a-  
liorum verò errorum feracissimus, nam ex iis propul-  
lavit dominium, traditio, possessio, præscriptio, em-  
tio, locatio, vindicatio rerum incorporalium, aut in

genere omnia illa dogmata, quibus de rebus incorporeis asseritur, quod de corporalibus prædicari solet, inde enata sunt, qua de re in locis specialibus distinctius videndum erit. Porro exinde orta est methodus analytica, quam vocant, juxta quam disciplina juris, ab imperitis torqueri solet. Non magna errorum antea notatorum habetur ratio, quia in foro, ubi particularia tractantur, causidicis haut obsunt, sed debent etiam fundamenta artis rite excoli, cum valde ignominiosum sit, si illi, qui Jurisprudentiam profitentur, ac splendido sæpe JCTi titulo superbiunt, in primis velut principiis errent, erroremque per omnes Jurisprudentiæ partes latè circumferant.

3. De cætero sub nomine rerum, quæ jurium objecta sunt, continentur (1) *res physicae*, ut bestia, metalla, arbores &c. (2) *artificiales*, ut ædificia, supellex, (3) *facta*, ad quæ præstanda homines obstringi solent, imò (4) aliquo modo *personae*, nimirum mancipia, homines proprii, & liberi, quos pro ratione ætatis ac conditionis, ad exemplum aliarum rerum, vindicare possunt Parentes. Solent autem res vel ab *habitu suo naturali*, vel à *respectu morali seu intuitu jurium*, qua de iis comperunt, dividi & denominari, quales divisiones Autor subjecit.

#### OBSERV. XXXV.

*Divini juris*) Dependet hæc divisio à respectu morali, ei autem parum sani inest. Omnes res divini juris, quas vocant, sunt in dominio, *res sacra* in dominio Ecclesiæ Parochialis, quod vel inde liquet, quod earum proprietas certis casibus in alios transferri queat, ergo præexistere debet; *res religiosa* olim in dominio privatorum, hodie itidem Ecclesiæ Parochia-

chialis: *sancta* verò, in dominio vel Reipublicæ, vel aliquando, aut saltem certo respectu, alicujus municipii. Qualitas autem sacra, religiositas, & sanctitas, quæ ex consecratione, iis rebus inhærere creditur, sunt ethnica & papalia commenta ac nomina inania. Dominium verò rerum sacrarum humanum, ideo Clerus ethnicus & papalis negavit, quo eo securius illas res invadere, reipublicæ subtrahere ac otio & luxu consumere posset, non debebant igitur Scriptores protestantes, illa ethnica & papalia inventa, tam secure recensere. *add. CONRING. ad Bull. Innocentii X. c. 8.*

## OBSERV. XXXVI.

*Res humani juris*) tales etiam sunt, quas *AUTOR* ex vulgari præjudicio, dixit *divini juris*, ceu ex *obs. præc.* liquet. Quemadmodum igitur membra principalia coincidunt, adeoque divisio in limine statim impingit, ita ea, quæ sub altero membro principali *AUTOR* proponit, falsis conceptibus ubique fere scætant. Sub nomine *rerum communium* confundit res nullius, quæ alicujus fieri possunt, quales sunt feræ bestiæ, lapilli, gemmæ, & quæ, ex mente Romanorum, nunquam alicujus dominium subeunt, ut mare cæteraque. Ita agit contra mentem Romanorum, postea cum his fallitur, quando res memoratas in civitate putat esse *nullius*, cum potius originariè pertineant ad *Rempublicam*, si mare à terris valde remotum excipias, quod nullius est. Ulterius *publicas in specie* male æstimat ex *usu promiscuo*, cum potius sint illæ, quarum dominium pertinet ad *Rempublicam*, hinc hujus quoque est definire, penes quem usus earum, esse debeat. Tertio frustra excogitavit *AUTOR res publicas jure civili*, nam sub hac notatione comprehendit eas, quæ vel  
ad

ad civitatem pertinent, de quibus jam in effectu dictum erat, vel res Universitatis, hæ verò privatae sunt, & *AUTOR* novo errore in his definiendis, Reipublicae fecit mentionem. Denique *res privata* perperam ex *dominio actuali* aestimantur, cum ad eandem quoque classem, tam juxta rei veritatem quàm Romanorum sententiam, pertineant res, quæ nullius quidem sunt, occupatione tamen acquiri possunt, has vero *AUTOREM* hic exclusisse inde liquet, quod eas ad res communes retulerit,

2. Si mihi res à *respectu morali* distinguendæ essent, ita incederem: Res sunt vel *extra patrimonium*, quæ neque in dominio hominum sunt, neque esse possunt, usus vero omnibus patet, quo spectat mare, quatenus à terris valde remotum est, vel *in patrimonio*, circa quas homines certum jus habent vel habere possunt. Sunt igitur tales vel *potentiâ* ut res nullius, scil. derelictæ, & alicubi, thesaurus, vel *actu*, hæ à diversitate (1) *juris* sunt *propriae, oppignoratae, servientes, debita, hæreditariae*, & si quæ aliæ ejus generis forte occurrunt. (2) *domini, publicæ*, quæ ad rempublicam pertinent, ut res fisci, mare, portus, flumina, viæ publicæ, feræ bestiae, & in specie Romanorum res sanctæ, quatenus pro fortalitiis urbis accipiuntur, de quibus egi pluribus in *specim. jur. public. l. 3. c. 3.* & *privatæ*, hæ sunt vel *singulorum vel communes*, ut hæreditas communis, vel *Universitatis*, quæ ad cœtum dependentem spectant, quorsum etiam in specie referendæ, res sacræ & religiosæ juxta *observat. 35.* (3) *intentionis dominicæ & legalis*, vel *mobiles vel immobiles*. Regulariter quidem hoc discrimen ab *habitu rerum naturali* est, nonnunquam tamen etiam à *legibus* oritur. Ex quibus etiam liquet,

liquet, quod res in patrimonio, cum fundamenta discriminum allatorum subinde varient, diversas etiam denominationes recipiant, sic eadem res v. gr. nunc *publica*, nunc *singulorum*, nunc *universitatis* esse potest.

## OBSERV. XXXVII.

*Res corporales*) Absurda etiam est hæc divisio, quæ res, ut *objectum juris*, suppositæ (quod *AUTOR* omnino facit, qui primo de *jure rerum*, postea de *rebus* agere voluit) in *corporales* & *incorporales* distinguuntur, hæ enim sunt ipsum jus, quod ipse *AUTOR* diffiteri nequit, ergo, si Diis placet, *Juris objectum* sunt *res corporales* & *jus ipsum*, quæ omnia ostendunt, quantopere vulgo quoad res incorporales (quæ tamen proprium Jurisprudentiæ objectum sunt, adeoque intimè ab iis, qui huic studio operam dant, intelligi debebant) recte cognoscendas deficient, negligentia certe pudenda.

## OBSERV. XXXVIII.

*Proprie enim talia non sunt*) Sic est, res incorporales à corporalibus toto genere differunt, sunt scil. res morales, adeoque cum corpus non habeant, neque mobiles neque immobiles dici possunt. Interim cum jura seu res incorporales de rebus corporalibus, mobilibus & immobilibus, tribuantur, hinc necessario cum his concurrunt, adeo ut non detur casus, quin semper res incorporalis & corporalis (modo sub hac etiam factum admittas, ceu admonitum *observ. 34. n. 3.*) simul adsit, quod tamen vulgò non credunt, dum sæpe rem incorporalem corporali, velut rei ejusdem generis, opponunt, illamque ut peculiare juris objectum considerant, quem errorem jam *d. observ. 34. n. 2. & observ.*

*serv. 37. notavimus. Poterat quidem objici, sepe heredem institui alium in mobilibus, immobilibus & nominibus seu rebus incorporalibus, adeoque oppositionem harum rerum esse manifestam. Verum ubique est concursus, illi enim & isti dantur res mobiles & immobiles presentes cum suis juribus, huic vero nomina i. e. jura cum objectis suis seu rebus mobilibus aut immobilibus absentibus, & extra defuncti possessionem constitutis.*

## LIB. II. TIT. I.

## DE JURISDICTIONE.

## OBSERV. XXXIX.

*Jurisdictio hic est publica juris dicendi potestas*) Jurisdictio pro jure supposita, sumitur vel *eminenter* pro parte imperii civilis, vel *formaliter* pro jure dependente Magistratibus subordinatis concessio. Cum igitur hoc jus ab Imperantis concessione dependeat, hinc manifestum est, quod in jurisdictione judicanda primario ad statum cujusvis Reipublicæ sit respiciendum ac inde illius indoles judicanda. Interim ita est, quod nonnulla omnibus civitatibus sint communia, nonnulla verò huic aut illi propria, hinc doctrina jurisdictionis, quæ intuitu certæ alicujus Reipublicæ confecta est, aliquando ad aliam civitatem quadrat, aliquando non. Ex quibus liquet, quam absurdum sit, quod in Germania in tradenda jurisdictione Jus Romanū & Canonicum, Monarchiam & Papatum præsupponentia, fundamenti loco supponatur, quamvis error ille, idèò quod nonnulla ad Germaniam quadrarent, non adeo omnibus appareat.

2. De cætero, vel ipso nomine submonente, Juris-  
di-

dictio in applicatione legum ad facta eventientia constitit, cui simplicitati si etiam inhæreatur, non adeo difficiles controversiæ circa eam oriri poterunt, sed fere non alix, quam voluntatis quæstiones, occurrent, quas attenta consideratio facile discutiet. Romanorum doctrina triplici præcipue præsupposito, minime quidem necessario, nititur, ex quo omnis hic locus ineptiis difficilibus oppletus est. Scilicet in determinanda jurisdictione attendi voluerunt Romani (1) *modum concedendi*, dum concessionem legis specialem removerunt, (2) *objectum*, quare ad criminalia jurisdictio non pertinet, imo (3) in ipsa *jurisdictione strictè supposita*, facultatem *judicandi & exequendi* diversis distinxere nominibus, dum illam *jurisdictionem* sensu strictissimo, hanc *mixtum imperium* vocarunt. Interim dum omnes istas hypotheses constanter non tenuerunt, aut forte eodem modo terminis non sunt usi, hinc tot controversiæ enatæ sunt, in quibus evolvendis & enucleandis consenuisse, multis gloriosum videtur. Si tamen verum fateri licet, in meram pedanteriam, seu vanam scientiam, omnis illa concertatio desinit, imprimis autem putidum est, contendere, utrum aliqua potestas ad jurisdictionem, an mixtum imperium pertineat, cum enim hæc duo necessario & semper cohæreant, ideo non quæritur, an potestas alicui competat? hoc enim certum, sed quo nomine saltem otiosus legulejus eam insignire debeat? quæ perinde absurda est disquisitio, ac si, accepto thalero, disquirere anxie velis, num in arca dextrum an sinistrum latus ille occupaverit.

3. In Germania trix Romanæ semper displicuerunt, ac Jurisdictio neglectis captiosis restrictionibus, late  
sup-

quæ ad contractus, testamenta, delicta ejusque generis alia, & *criminales*, quæ ad crimina pertinet, hæc divisio pro generali quoque haberi potest, nam etiam Ecclesiastica Jurisdictio suo modo criminalis est. Illa (Civilis) est vel *voluntaria* vel *contentiosa*, quæ divisio in vita civili inutilis imò noxia est, cum enim sæpe non satis liquidum sit, utrum actus aliquis ad voluntariam an contentiosam jurisdictionem spectet, hinc sæpe eo nomine dubia & lites oriuntur, quæ cessarent, si quicquid judicialiter expediendum venit, subditi coram competente iudice suscipere juberentur.

## OBSERV. XL.

*Hodie utilis tantum albi corrupti actio competit*) Quia in Germania jus puniendi à Romanis non est, præterea determinationem poenæ Romanam hic non sequimur, hinc actio de albo corrupto Romana nullum plane habet usum, quod de omnibus actionibus utilibus ex Jure Romano deductis dicendum, adeoq; semel admonuisse sufficiat. Nimis leguleja persuasio est, qua ea, quæ principiis omnium gentium communibus, vel nonnullarum propriis nituntur, subsistere non posse existimantur, nisi ex Jure Romano simul deducantur.

## TIT. II.

## QUOD QUISQUE JURIS &amp;c.

## OBSERV. XLI.

*DE hodiernq usu*) Nullus esse videtur, nam nostris Magistratibus nihil Juris Nomothetici est relictum, sicut olim Romanis, hinc sub specie recti non tam facile alios lædere possunt. Quod si autem iniqua legum applicatione aliis graves sint, tum & remedio ap-

C

pel-



pellationis similibusque iniquitas potest depelli, & si Magistratus omnino puniendus esse censeatur, tum satius est, ejus delictum debita poena statim afficere, quam casum exercendæ talionis, in seculo forte vix extitutum, otiose expectare.

2. Qui autem jus Talionis in genere hoc titulo niti, ac adeo maximum ejus usum esse, sibi persuadent, illi corrupta ratiocinia eo ipso satis produnt, dum ex applicatione Romanorum speciali, veritatem principiorum generalium, ac omnibus gentibus communium, male repetunt. Jus Talionis naturale est, ac sine adminiculo hujus Tituli, per rectam rationem facile intelligitur.

3. Nimirum si pluribus jura æqualia sive *natura* sive *lege* sive *pacto* competant, tum uno plus justo, sibi arrogante, cæteris quoque idem licere, quivis recta ratione præditus, facile intelligit. Quod si autem illæ circumstantiæ aliter se habeant, tum etiam talio naturaliter cessabit. Fac *jura non esse equalia*, retorsio locum non habebit, hinc si servus jussu Domini, calceos ejus purgaverit, à domino idem ministerium male exiget. Amplius *si quis cum effectu plus justo sibi non arrogaverit*, talio quoque naturaliter cessabit, jus tamen positivum etiam conatum retorsione punire potest, sicut hoc revera quoad Romanos in hoc Titulo contingebat, id tamen velut extraordinarium, in aliis casibus non obtinere, plane existimem. Ulterius *si quis cum effectu quidem plus justo sibi asserat, sed intuitu certæ personæ*, tum aliis retorquere non licet, quamvis jus positivum hanc facultatem iis concedere possit, ceu itidem in hoc titulo factum, quod tamen ad alios casus non recte extendi, itidem arbitrer. Denique uno  
exce-

*excedente, contra alium non posse retorqueri*, facile liquet, hæc enim non talio, sed nova foret injuria. Pone Dominum Pontificium subditis Evangelicis honestam negare sepulturam, ideo Domini Evangelici seu Protestantes suis subditiis pontificis eandem non recte negabunt, hi enim nihil peccarunt. Vel finge Gallos urbem obsidentes, contra datam fidem, milites prædarios exeuntes trucidare, num in casu converso, alios Gallos quoque occidere licebit? haut puto. Detentio tamen similiaque remedia his casibus non inique adhibentur, ut per ea, quantum fieri potest, ipse delinquens ad satisfactionem urgeatur & adigatur.

4. Atque ex his principiis quæstiones speciales facile deciduntur. V. gr. si civitas aliis commoda ratione successionis neget, vel civibus emigraturis aliquid detrahat, aut exteris usuras solvi prohibeat, *vid. EKH. b. §. 8. 9.* tum illi, in quorum præjudicium hoc fit, talione recte uruntur, nam omnia exercendæ retorsionis requisita, modo allata, locum habent. In modo tamen sæpe exceditur, dum ob lucrum modicum negatum, aut illatam læsionem non adeo gravem, quidvis in alterum licere existimatur. Nimirum socialitas inter homines aliàs friget, quod si adeo quis aliquo excessu in specie, aliorum odium provocet, tum facile pro hoste, erga quem quidvis statui queat, habetur. Interim sæpe generosius est, alterius iniquitatem non talione, sed humanitate pensare.

5. Contra eum, qui inducias moratorias à Principe obtinuit, eodem privilegio uti posse ejus debitores, censet *CARPZOV. p. 3. C. 38. D. 1. n. 17.* sed id falsum esse non dubitem; neque enim hæc *jura sunt equalia*, sed Imperans potius debitori obarato sin-

gulare jus contulit, idque eo potissimum fine, ut tempore induciarum vires recolligere seu pecuniam, Creditoribus aliquando exsolvendam, comparare queat, quæ intentio talionem satis excludit. Nec obstat *l. 7. C. de rescind. vendit.* in qua militibus venditiones à se factas rescindi postulantibus, Imperatores rescribunt: *Ratas manere semper factas jure venditiones, vestra etiam interest, nam si oblato pretio rescindere venditionem facile permittatur, eveniet, ut si quid vos laboribus vestris, à fisco nostro vel privato comparaveritis, eadem lege conveniamini, quam vobis tribui postulatis,* nam jactata talio heic saltem prætextus est, eludendæ importunæ petitioni adhibitus, sed posito, quod vera illa Imperatorum fuerit sententia, nihil aliud inde sequitur, quam quod aliquando contra privilegia talio locum habeat, non autem quod semper & necessariò obtinere debeat, nec enim, si talionem istis Imperatoribus admittere visum est, ideo isti decreto omnes Imperantes alii subsunt, cum à legibus humanis Imperium civile eos absolvat.

6. Magistratam inique judicantem ac v. gr. usucapionem legitime completam improbantem, eodem jure uti debere putat *EKHOLT b. §. 2.* sed cum læsus appellatione similibusque remediis sibi prospicere queat, ideo, iis omissis, in læsionem consentire censetur, solum autem conatum judicis talione esse puniendum non putem, cum dispositio Romanorum sit singularis, ad iniquam potius *legislationem*, quam *applicationem* pertinens, hinc non temere extendenda, ceu *n. 3.* dixi. Denique si Magistratus poena omnino dignus censetur, satius erit, illum statim punire, quam casum exercendæ talionis non temere existiturum frustra expectare.

7. Idem

7. Idem dicendum de Doctore Juris, quem male consulentem eodem jure uti debere, vulgo quoque volunt, *vid. EKHOLT. d. l. §. 7.* nam quid opus est expectare casum suscipiendæ talionis, sicut in fabulis *rusticus expectat, dum defluat amnis?* cur non potius Doctor ejusmodi damni restitutioni & pœnæ statim subjicitur? Non advertunt sane, qui ista docent, quod talio ubique locum non habeat, & videtur in his & similibus casibus ei perinde locus non esse, atque ad alter talione non recte punitur, qua de re alias latius disseruit *PUFENDORF. de J. N. & G. l. 8. c. 3. §. 27.*

## TIT. III.

SI QUIS JUS DICENTI NON  
OBTEMPERAVERIT.

## OBSERV. XLII.

*H*odie hac actio locum habet in omnibus Magistratibus) Imo plane non habet amplius locum, nam specialis contumacia, quæ hic consideratur, quamque latius explicare voluit *P. THEODORIC. in Colleg. crim. c. 3. aph. 2. n. 4. seqq.* hodie sub illa forma non amplius occurrit, hinc nec ratio puniendi usum habet. Quod autem in judiciis committi solita, ac in varias formas se componens, contumacia hodie puniatur, ad id nihil confert hic *Titulus*. Perpendat quis: contumacia à malitiosa hominum voluntate dependet; jus puniendi cuivis Reipublicæ competit: Ab hac Magistratibus delegatur; modus coercendi contumaciam legibus processualibus definitur. Quid ergo præstat Jus Romanum?

## TIT. IV.

## DE IN JUS VOCANDO.

## OBSERV. XLIII.

*IN jus vocatio*) Citationem esse actum in processu juris omnibus Gentibus usitatum, ac adeo nec ipsam, nec ejus cognitionem Romanis deberi, facile liquet. Ejus autem expediendæ in universum duplex est ratio, fit enim vel autoritate *privata*, quod olim Romanis probabatur, sed nullius hodie est usus, fatente *AUTORE* ipso *lit. D. §. seq.* hinc tota hujus rei tractatio, ac in specie, an in jus vocatio sit pars judicii, *vid. EKHOLT. b. §. 1.* an fuerit violenta, *vid. BACHOV. in Prot. b. HAHN ad Wesenbec. b.* similiaque ad Jurisprudentiam curiosam an otiosam? pertinent; vel *publica*, quæ ratio uti indoli civitatum magis convenit, ita in Germania quoque observatur.

2. Hoc igitur respectu, tam de citatione in genere, quam de variis ejus speciebus, de quo *AUTOR lit. D. †.* agit, conceptus potius formare debemus ex statu Germaniæ ac legibus patriis, quam placitis Romanorum. Præterea totus citationis actus partim *equitate*, partim *statu Reipublicæ*, partim *prudentia*, partim *legibus positivis* dirigitur, quo ultimo respectu, legibus Romanis in subsidium erit locus.

3. In specie citationem requirit *Jus lit. C.* non Romanum præcise, sed naturale, manifesta enim erit iniquitas contra non citatum & auditum procedere. Decernit eam judex competens *D. lit. C.* hoc enim ex natura imperii fluit, competentia autem ex statu Reipublicæ æstimanda est. Petit eam *Pars P. lit. C.* juxta communem mortalium effectum. Exequitur  
mini-

minister publicus *d. lit. C.* quod itidem ex natura imperii civilis fuit. Circa hoc igitur citationis caput, Romanis nihil debetur.

4. Quoad Personas citandas, de quibus *lit. P.* hoc naturale vel juris Gentium est, ut omnes, quorum interest, ita citentur, quo se ad instantiam præparare queant. Leges autem positivæ variæ, quoad citationis certitudinem, personas accessorias, aut quæ legitimam standi personam non habent, disponere solent, quas ex peculiaribus Ordinationibus processualibus rectius quam jure Romano didiceris. *conf. Dn. BERGER. resolut. b.*

5. Modum concipiendi & insinuandi citationem, de quo *lit. Q.* potissimum leges positivæ præscribunt, circa quod caput iterum potiores partes habent ordinationes Provinciarum speciales. Effectus citationis principalis est, quod citatus comparere debeat, de quo *lit. F.* quæ quidem necessitas ultimatò ex subjectione oritur adeoque naturalis est. Cæteri effectus, de quibus *lit. E.* sunt ex jure positivo & hætenus juris Romani aliquis erit usus, *conf. BERGER. Resolut. b.* nisi quod hodie citatio actiones temporales etiam perpetuas seu in hæredes transitorias efficere videatur, *vid. Autor. ad tit. de injur. lit. E. verb. actio estimatoria.*

TIT. V. VI. VII.

SI QUIS IN JUS VOCATUS &c.

OBSERV. XLIV.

*Citatus*) Trium horum Titulorum nullum esse usum, ex eo liquet, quod omnes ad in jus vocationem privatam, hodie incognitam, pertineant. Quæ autem

de extensione ad casus similes nonnulli dicunt, illa ex falsis hypothesebus oriuntur. *vid. observ. 42.*

## TIT. VIII.

## QUI SATISDARE COGANT.&amp;c.

## OBSERV. XLV.

*Cautio*) Hæc tripliciter heic ab *AUTORE* consideratur, (1) generaliter, *lit. D. †* (2) *specialissime*, dum cautio iudicio sisti expenditur verb. *ad cautionem iudicio sisti*, (3) *specialiter*, dum cautiones circa processum præstari solitæ adducuntur *lit. SS. l. n.*

2. Prima tractatio maximam partem est juris gentium, nam (1) ipse *cautionis* actus mutuo consensu absolvitur, adeoque omnibus gentibus communis est, hæc ea omnia, quæ circa negotia consensualia occurrunt, etiam hic habent locum. Porro (2) *necessitas cavendi* in hoc aut illo casu ex *aquitate* oritur, aliquando etiam ex *libera voluntate* dependet cautio. Amplius (3) cavendi modus *libertate & prudentia* dirigitur. Interim fatendum est, quod hoc & præcedens caput, seu *quando & quomodo* cavendum sit, certius definiant leges positivæ. Et Jure Romano quidem cautiones per solennia stipulationum carmina fieri debebant, quæ tamen in Germania generaliter cessant, ut alibi dicitur. Præterea certis in casibus cautionem fidejussoriam, pignoratitiam vel nudam exigebat, quo adeo respectu ejus aliquis est usus, si legibus patriis aliud non sit cautum. Denique (4) cautionum *effectus* naturalis est, nam tam promissor principalis, quam fidejussores, si intervenerunt, fidem datam, ex præscripto juris naturalis, servare debent. Ut adeo cautiones quidem in Germania occurrant, sed pauca eo nomine debeamus Romanis.

3. Cautio iudicio sisti, dicebatur olim *Vadimonium*, hinc enatæ locutiones: *vadimonium differre, missum facere, obire, deferere*. de quibus *POLLET. Histor. for. Rom. lib. 5. c. 1. 2. 3.* *Vadimonium desertum dicitur Eremodicium*, quamvis & Actoris absentiam sic dici existimet *BROIDÆLLS ad Pollet. histor. d. l. 5. c. 3.* Alii post litem contestatam, Eremodicium contrahi putant, *vid. HUBER. in posit. ad ff. si quis caution. in judic. sistend. caus. fact. n. 7.* sed in hæc alii, quibus lubet, diligentius inquirent, nobis id admonendum est, quod cautio iudicio sisti Romana, in Germania non occurrat, cum privatam in jus vocationem præsupponat. Interim quæ de modo cavendi, intuitu hujus cautionis, dixit *AUTOR*, illa aliis in casibus locum habent. *conf. BERGER. resolut. b.*

4. Quando & quomodo in Processu cavendum sit, de quo *AUTOR* tertio agit, id leges positivæ definiunt, ubi quidem potius ad leges patrias, quam Romanas respiciendum esse, ipse *AUTOR* indicat.

## TIT. IX. X. XI.

## SI EX NOXALI CAUSA

## AGATUR &amp;c.

## OBSERV. XLVI.

**D***ominus cavet*) Tituli noni nulla est utilitas, quia præsupponit mancipia & actiones noxales, imo etiam in jus vocationem privatam. In titulo 10. traditur obligatio ejus, qui caventem impediit, quo minus, prout promiserat, in iudicio se sisteret. Et licet illa maximam partem naturalia sint, attamen in Germania usum non habent, cum casus, ad quem applicanda, amplius non occurrat. Quod si autem similes



les existant, tum decisio ex generali principio, non ex applicatione Romanorum speciali repeti debet. In titulo II. effectus cautionis iudicio fisci expenditur. Nimirum promissor vel comparere vel interesse præstare debet, nisi iustis ex causis impediatur, has enim tacite excipi rationis est, nisi forte iis renunciatum. Quæ omnia naturalia iterum sunt, usum tamen non habent, quia cautio iudicio fisci ignoratur. Interim certum manet, quod pacta suos habeant effectus, quodque eadem recte interpretari conveniat, sed horum veritas ex hoc titulo non dependet, *conf. HUBER. posit. b. n. 3. 4.*

## TIT. XII.

## DE FERIIS ET DILATIONIB. &amp;c.

## OBSERV. XLVII.

*Feria*) Quid Tempus sit, aliorum est explicare. nec videtur hæc explicatio satis expedita, utut tempus omnium in ore sit. Quando verò intuitu temporis leges aliquid disponunt, dum nimirum necessitatem, actus quosdam suscipiendi, remittunt, aut susceptionem certorum actuum prohibent vel jubent, tum tempus cum illa moralitate spectatum *Feriarum* nomen sortitur, *vid. EKHOLT ad ff. b. §. 2. ac juridicæ est considerationis.*

2. Merum jus naturæ ferias ignorat, sed hæ omnes à lege positiva, divina vel humana dependent. Ex hac igitur, tum quid sint feriæ, tum quodnam earum initium, aut quæ species variæ, de quo *AUTOR lit. D. †.* intelligendum est, hinc legum Romanarum hic omnino usus subsidiarius erit. In specie circa doctrinam *AUTORIS* observandum, quod feriæ sacræ vel

vel ita tantum dicantur ratione *Objecti*, quo pertinet definitio *n. 1.* vel ratione *objecti & originis* simul, quæ non tantum cultum divinum respiciunt, sed & à Deo sunt ordinatæ, hoc sensu solum Sabbathum, feriarum sacrarum exemplum est. Porro ei, quod *AUTOR* dicit: *ferias messium à magistratu cujusvis loci determinari*, obstat *l. 2. C. de feriis*, & existimat *HILLIG. ad Donell. l. 24. c. 7. lit. p.* dictam legem ad preces solum consultoris pertinere, qui forte talis provinciæ, cujus solo illud tempus conveniret, fuerit incola. Alii ejus authentiam impugnant, cum non *THEODOSIUM*, ceu inscriptio vult, sed *THEODORICUM*, Gothorum Regem, habeat autorem, *vid. STRALICH. ad Inst. dissert. 24. tb. II. BERGER in resolut. b. qv. 3.*

## OBSERV. XLVIII.

*Ferias constituit Princeps*) Sabbathum à Deo est institutum. Cæteræ feriæ, divinæ & humanæ, ab imperante humano constituuntur, id quod ex natura Imperii civilis fuit, ac omnibus Gentibus commune, non præcise Romanum est. Magistratus inferiores jus illud non habere, ex eodem principio intelligitur, nec alia fuit sententia Romanorum, nam *l. 4. C. b. t. l. 7. de offic. Procons.* non de introductione feriarum, sed determinatione loquuntur, quo sensu etiam *l. 26. §. 7. ex quib. caus. major.* accipi, vel etiam in ea Imperantis tacita concessio supponi potest.

## OBSERV. XLIX.

*Diebus sacris*) Doctrina *AUTORIS* est accipienda de diebus sacris, secundum excellentiam sic dictis, qui scil. non tantum cultum Dei respiciunt, sed & à Deo sunt instituti. Et est sane quæstio non usque adeo expedita de præcepti illius divini (1) *universalitate* ac (2) *sen-*

pellationis similibusque iniquitas potest depelli, & si Magistratus omnino puniendus esse censeatur, tum satius est, ejus delictum debita poena statim afficere, quam casum exercendæ talionis, in seculo forte vix extitutum, otiose expectare.

2. Qui autem jus Talionis in genere hoc titulo niti, ac adeo maximum ejus usum esse, sibi persuadent, illi corrupta ratiocinia eo ipso satis produnt, dum ex applicatione Romanorum speciali, veritatem principiorum generalium, ac omnibus gentibus communium, male repetunt. Jus Talionis naturale est, ac sine adminiculo hujus Tituli, per rectam rationem facile intelligitur.

3. Nimirum si pluribus jura æqualia *sive natura* *sive lege* *sive pacto* competant, tum uno plus justo, sibi arrogante, cæteris quoque idem licere, quivis recta ratione præditus, facile intelligit. Quod si autem illæ circumstantiæ aliter se habeant, tum etiam talio naturaliter cessabit. Fac *jura non esse equalia*, retorsio locum non habebit, hinc si servus jussu Domini, calceos ejus purgaverit, à domino idem ministerium male exiget. Amplius *si quis cum effectu plus justo sibi non arrogaverit*, talio quoque naturaliter cessabit, jus tamen positivum etiam conatum retorsione punire potest, sicut hoc revera quoad Romanos in hoc *Titulo* contingebat, id tamen velut extraordinarium, in aliis casibus non obtinere, plane existimem. Ulterius *si quis cum effectu quidem plus justo sibi asserat, sed intuitu certæ personæ*, tum aliis retorquere non licet, quamvis jus positivum hanc facultatem iis concedere possit, ceu itidem in hoc *titulo* factum, quod tamen ad alios casus non recte extendi, itidem arbitrer. Denique *uno*

exce-

*excedente, contra alium non posse retorqueri*, facile liquet, hæc enim non talio, sed nova foret injuria. Pone Dominum Pontificium subditis Evangelicis honestam negare sepulturam, ideo Domini Evangelici seu Protestantes suis subditiis pontificis eandem non recte negabunt, hi enim nihil peccarunt. Vel finge Gallos urbem obsidentes, contra datam fidem, milites præsidarios exeuntes trucidare, num in casu converso, alios Gallos quoque occidere licebit? haut puto. Detentio tamen similiaque remedia his casibus non inique adhibentur, ut per ea, quantum fieri potest, ipse delinquens ad satisfactionem urgeatur & adigatur.

4. Atque ex his principiis quaestiones speciales facile deciduntur. V. gr. si civitas aliis commoda ratione successionis neget, vel civibus emigraturis aliquid detrahat, aut exteris usuras solvi prohibeat, *vid. EKH, l. §. 8. 9.* tum illi, in quorum præjudicium hoc fit, talione recte utuntur, nam omnia exercendæ retorsionis requisita, modo allata, locum habent. In modo tamen sæpe exceditur, dum ob lucrum modicum negatum, aut illatam læsionem non adeo gravem, quidvis in alterum licere existimatur. Nimirum socialitas inter homines aliàs friget, quod si adeo quis aliquo excessu in specie, aliorum odium provocet, tum facile pro hoste, erga quem quidvis statui queat, habetur. Interim sæpe generosius est, alterius iniquitatem non talione, sed humanitate pensare.

5. Contra eum, qui inducias moratorias à Principe obtinuit, eodem privilegio uti posse ejus debitores, censet *CARPZOV. p. 3, C. 38. D. 1. n. 17.* sed id falsum esse non dubitem, neque enim hæc *jura sunt equalia*, sed Imperans potius debitori obarato sin-

gulare jus contulit, idque eo potissimum fine, ut tempore induciarum vires recolligere seu pecuniam, Creditoribus aliquando exsolvendam, comparare queat, quæ intentio talionem satis excludit. Nec obstat *l. 7. C. de rescind. vendit.* in qua militibus venditiones à se factas rescindi postulantibus, Imperatores rescribunt: *Ratas manere semper factas jura venditiones, vestra etiam interest, nam si oblato pretio rescindere venditionem facile permittatur, eveniet, ut si quid vos laboribus vestris, à fisco nostro vel privato comparaveritis, eadem lege conveniamini, quam vobis tribui postulatis,* nam jactata talio heic saltem prætextus est, eludendæ importunæ petitioni adhibitus, sed posito, quod vera illa Imperatorum fuerit sententia, nihil aliud inde sequitur, quam quod aliquando contra privilegia talio locum habeat, non autem quod semper & necessario obtinere debeat, nec enim, si talionem istis Imperatoribus admittere visum est, ideo isti decreto omnes Imperantes alii subsunt, cum à legibus humanis Imperium civile eos absolvat.

6. Magistratē inique judicantē ac v. gr. usucapionem legitime completam improbantem, eodem jure uti debere putat *EKHOLT b. §. 2.* sed cum læsus appellatione similibusque remediis sibi prospicere queat, ideo, iis omissis, in læsionem consentire censetur, solum autem conatum judicis talione esse puniendum non putem, cum dispositio Romanorum sit singularis, ad iniquam potius *legislationem*, quam *applicationem* pertinens, hinc non temere extendenda, ceu *n. 3.* dixi. Denique si Magistratus poena omnino dignus censetur, satius erit, illum statim punire, quam casum exercendæ talionis non temere existitutum frustra expectare.

7. Idem

7. Idem dicendum de Doctore Juris, quem male consulentem eodem jure uti debere, vulgo quoque volunt, *vid. EKHOLT. d. l. §. 7.* nam quid opus est expectare casum suscipiendæ talionis, sicut in fabulis *russicus expectat, dum defluat amnis?* cur non potius Doctor ejusmodi damni restitutioni & pœnæ statim subjicitur? Non advertunt sane, qui ista docent, quod talio ubique locum non habeat, & videtur in his & similibus casibus ei perinde locus non esse, atque adulter talione non recte punitur, qua de re alias latius disseruit *PUFENDORF. de J. N. & G. l. 8. c. 3. §. 27.*

## TIT. III.

SI QUIS JUS DICENTI NON  
OBTEMPERAVERIT.

## OBSERV. XLII.

**H**odie hac actio locum habet in omnibus Magistratibus) Imo plane non habet amplius locum, nam specialis contumacia, quæ hic consideratur, quamque latius explicare voluit *P. THEODORIC. in Colleg. crim. c. 3. aph. 2. n. 4. seqq.* hodie sub illa forma non amplius occurrit, hinc nec ratio puniendi usum habet. Quod autem in judiciis committi solita, ac in varias formas se componens, contumacia hodie puniatur, ad id nihil confert hic *Titulus*. Perpendat quis: contumacia à malitiosa hominum voluntate dependet; jus puniendi cuivis Reipublicæ competit: Ab hac Magistratibus delegatur; modus coercendi contumaciam legibus processualibus definitur. Quid ergo præstat Jus Romanum?

## TIT. IV.

## DE IN JUS VOCANDO.

## OBSERV. XLIII.

*IN jus vocatio*) Citationem esse actum in processu juris omnibus Gentibus usitatum, ac adeo nec ipsam, nec ejus cognitionem Romanis deberi, facile liquet. Ejus autem expediendæ in universum duplex est ratio, fit enim vel autoritate *privata*, quod olim Romanis probabatur, sed nullius hodie est usus, fatente *AUTORE* ipso *lit. D. Q. seq.* hinc tota hujus rei tractatio, ac in specie, an in jus vocatio sit pars judicii, *vid. EK-HOLT. b. §. 1.* an fuerit violenta, *vid. BACHOV. in Prot. b. HAHN ad Wesenbec. b.* similiaque ad Jurisprudentiam curiosam an otiosam? pertinent; vel *publica*, quæ ratio uti indoli civitatum magis convenit, ita in Germania quoque observatur.

2. Hoc igitur respectu, tam de citatione in genere, quam de variis ejus speciebus, de quo *AUTOR lit. D. †.* agit, conceptus potius formare debemus ex statu Germaniæ ac legibus patriis, quam placitis Romanorum. Præterea totus citationis actus partim *equitate*, partim *statu Reipublicæ*, partim *prudentiali*, partim *legibus positivis* dirigitur, quo ultimo respectu, legibus Romanis in subsidium erit locus.

3. In specie citationem requirit *Jus lit. C.* non Romanum præcise, sed naturale, manifesta enim erit iniquitas contra non citatum & auditum procedere. Decernit eam judex competens *D. lit. C.* hoc enim ex natura imperii fluit, competentia autem ex statu Reipublicæ æstimanda est. Petit eam *Pars P. lit. C.* juxta communem mortalium effectum. Exequitur mini-

minister publicus *d. lit. C.* quod itidem ex natura imperii civilis fuit. Circa hoc igitur citationis caput, Romanis nihil debetur.

4. Quoad Personas citandas, de quibus *lit. P.* hoc naturale vel juris Gentium est, ut omnes, quorum interest, ita citentur, quo se ad instantiam præparare queant. Leges autem positivæ variæ, quoad citationis certitudinem, personas accessorias, aut quæ legitimam standi personam non habent, disponere solent, quas ex peculiaribus Ordinationibus processualibus rectius quam jure Romano didiceris. *conf. Dn. BERGER. resolut. b.*

5. Modum concipiendi & insinuandi citationem, de quo *lit. Q.* potissimum leges positivæ præscribunt, circa quod caput iterum potiores partes habent ordinationes Provinciarum speciales. Effectus citationis principalis est, quod citatus comparere debeat, de quo *lit. F.* quæ quidem necessitas ultimatò ex subjectione oritur adeoque naturalis est. Cæteri effectus, de quibus *lit. E.* sunt ex jure positivo & hætenus juris Romani aliquis erit usus, *conf. BERGER. Resolut. b.* nisi quod hodie citatio actiones temporales etiam perpetuas seu in hæredes transitorias efficere videatur, *vid. Autor. ad tit. de injur. lit. E. verb. actio estimatoria.*

TIT. V. VI. VII.

SI QUIS IN JUS VOCATUS &c.

OBSERV. XLIV.

*Citatus*) Trium horum Titulorum nullum esse usum, ex eo liquet, quod omnes ad in jus vocationem privatam, hodie incognitam, pertineant. Quæ autem



de extensione ad casus similes nonnulli dicunt, illa ex falsis hypothefibus oriuntur. *vid. observ. 42.*

## TIT. VIII.

## QUI SATISDARE COGANT.&amp;c.

## OBSERV. XLV.

*Cautio*) Hæc tripliciter heic ab *AUTORE* consideratur, (1) generaliter, *lit. D. †* (2) *specialissime*, dum cautio iudicio sisti expenditur verb. *ad cautionem iudicio sisti*, (3) *specialiter*, dum cautiones circa processum præstari solitæ adducuntur *lit. SS. l. n.*

2. Prima tractatio maximam partem est juris gentium, nam (1) ipse *cautionis* actus mutuo consensu absolvitur, adeoque omnibus gentibus communis est, ac ea omnia, quæ circa negotia consensualia occurrunt, etiam hic habent locum. Porro (2) *necessitas cavendi* in hoc aut illo casu ex *aquitate* oritur, aliquândo etiam ex *libera voluntate* dependet cautio. Amplius (3) cavendi modus *libertate & prudentia* dirigitur. Interim fatendum est, quod hoc & præcedens caput, seu *quando & quomodo* cavendum sit, certius definiant leges positivæ. Et Jure Romano quidem cautiones per solennia stipulationum carmina fieri debebant, quæ tamen in Germania generaliter cessant, ut alibi dicetur. Præterea certis in casibus cautionem fidejussoriam, pignoratitiam vel nudam exigebat, quo adeo respectu ejus aliquis est usus, si legibus patriis aliud non sit cautum. Denique (4) cautionum *effectus* naturalis est, nam tam promissor principalis, quam fidejussores, si intervenerunt, fidem datam, ex præscripto juris naturalis, servare debent. Ut adeo cautiones quidem in Germania occurrant, sed pauca eo nomine debeantur Romanis. 3. Cau-

3. Cautio Judicio sisti, dicebatur olim *Vadimonium*, hinc enatae locutiones: *vadimonium differre, missum facere, obire, deferere*. de quibus *POLLET. Histor. for. Rom. lib. 5. c. 1. 2. 3.* *Vadimonium desertum dicitur Eremodicium*, quamvis & Actoris absentiam sic dici existimet *BROIDÆLLS ad Pollet. histor. d. l. 5. c. 3.* Alii post litem contestatam, Eremodicium contrahi putant, *vid. HUBER. in posit. ad ff. si quis caution. in judic. sistend. caus. fact. n. 7.* sed in hac alii, quibus lubet, diligentius inquirent, nobis id admonendum est, quod cautio judicio sisti Romana, in Germania non occurrat, cum privatam in jus vocationem præsupponat. Interim quæ de modo cavendi, intuitu hujus cautionis, dixit *AUTOR*, illa aliis in casibus locum habent. *conf. BERGER. resolut. b.*

4. Quando & quomodo in Processu cavendum sit, de quo *AUTOR* tertio agit, id leges positivæ definiunt, ubi quidem potius ad leges patrias, quam Romanas respiciendum esse, ipse *AUTOR* indicat.

TIT. IX. X. XI.  
SI EX NOXALI CAUSA  
AGATUR &c.

OBSERV. XLVI.

**D**ominus caret) Tituli noni nulla est utilitas, quia præsupponit mancipia & actiones noxales, imo etiam in jus vocationem privatam. In titulo 10. traditur obligatio ejus, qui caventem impediit, quo minus, prout promiserat, in judicio se sisteret. Et licet illa maximam partem naturalia sint, attamen in Germania usum non habent, cum casus, ad quem applicanda, amplius non occurrat. Quodsi autem simi-

les existant, tum decisio ex generali principio, non ex applicatione Romanorum speciali repeti debet. In *titulo II.* effectus cautionis iudicio fisci expenditur. Nimirum promissor vel comparere vel interesse præstare debet, nisi iustis ex causis impediatur, has enim tacite excipi rationis est, nisi forte iis renunciatum. Quæ omnia naturalia iterum sunt, usum tamen non habent, quia cautio iudicio fisci ignoratur. Interim certum manet, quod pacta suos habeant effectus, quodque eadem recte interpretari conveniat, sed horum veritas ex hoc titulo non dependet, *conf. HUBER. posit. b. n. 3. 4.*

## TIT. XII.

## DE FERIIS ET DILATIONIB. &amp;c.

## OBSERV. XLVII.

*Feria*) Quid Tempus sit, aliorum est explicare. nec videtur hæc explicatio satis expedita, utut tempus omnium in ore sit. Quando verò intuitu temporis leges aliquid disponunt, dum nimirum necessitatem, actus quosdam suscipiendi, remittunt, aut susceptionem certorum actuum prohibent vel jubent, tum tempus cum illa moralitate spectatum *Feriarum* nomen sortitur, *vid. EKHOLT ad ff. b. §. 2. ac juridicæ est considerationis.*

2. Merum jus naturæ ferias ignorat, sed hæc omnes à lege positiva, divina vel humana dependent. Ex hac igitur, tum quid sint feriæ, tum quodnam earum initium, aut quæ species variz, de quo *AUTOR lit. D. †.* intelligendum est, hinc legum Romanarum hic omnino usus subsidiarius erit. In specie circa doctrinam *AUTORIS* observandum, quod feriæ sacræ vel

vel ita tantum dicantur ratione *Objecti*, quo pertinet definitio *n. 1.* vel ratione *objecti & originis* simul, quæ non tantum cultum divinum respiciunt, sed & à Deo sunt ordinatæ, hoc sensu solum Sabbathum, feriarum sacrarum exemplum est. Porro ei, quod *AUTOR* dicit: *ferias messium à magistratu cujusvis loci determinari*, obstat *l. 2. C. de feriis*, & existimat *HILLIG. ad Donell. l. 24. c. 7. lit. p.* dictam legem ad preces solum consultoris pertinere, qui forte talis provinciæ, cujus solo illud tempus conveniret, fuerit incola. Alii ejus authenticam impugnant, cum non *THEODOSIUM*, ceu inscriptio vult, sed *THEODORICUM*, Gothorum Regem, habeat autorem, *vid. STRALICH. ad Inst. dissert. 24. tb. II. BERGER in resolut. b. qv. 3.*

## OBSERV. XLVIII.

*Ferias constituit Princeps*) Sabbathum à Deo est institutum. Cæteræ feriæ, divinæ & humanæ, ab imperante humano constituuntur, id quod ex natura Imperii civilis fluit, ac omnibus Gentibus commune, non præcise Romanum est. Magistratus inferiores jus illud non habere, ex eodem principio intelligitur, nec alia fuit sententia Romanorum, nam *l. 4. C. b. t. l. 7. de offic. Procons.* non de introductione feriarum, sed determinatione loquuntur, quo sensu etiam *l. 26. §. 7. ex quib. caus. major.* accipi, vel etiam in ea Imperantis tacita concessio supponi potest.

## OBSERV. XLIX.

*Diebus sacris*) Doctrina *AUTORIS* est accipienda de diebus sacris, secundum excellentiam sic dictis, qui scil. non tantum cultum Dei respiciunt, sed & a Deo sunt instituti. Et est sane quæstio non usque adeo expedita de præcepti illius divini (1) *universalitate* ac (2) *sen-*

(2) *sensu*, de quo late SELDEN. de J. N. G. juxta discipl. Ebraor. 13. c. 8. seqq. add. CUNÆ de Republ. Ebraor. 12. c. 22. 24. ZIEGL. ad Grof. l. 1. §. 17. BRUNNEM. J. E. l. 2. c. 1. membr. 1. §. 1. Quid AUTORI hic videatur, lit. E. edisserere voluit. Ego illud tantum adjicio, sententiam remissiore, cui CARPZOV. indulget, à BRUNNEMANNO ideo notatus, non adeo videri improbandam, vid. Genes. II, 3. Exod. XX, 8. XXIII, 12. XXXI, 13. XXXV, 2. 3. Levit. XXIII, 3. Num. XXVIII, 25. Deut. V, 12. In specie quaeritur: an diebus dominicis Status imperii, in suo territorio, vias publicas exteris mercatoribus & aurigis, occludere, eisdemque hoc medio ab sabbatum sanctificandum permovere queat? quod in novissim. Volum. Responfor. Argentorat. studio SCHILTERI 1701. publicato, negative Respons. 5. deciditur, eam præcipue ob causam, quod talis prohibitio collisioni & bellis ansam præbere possit, nec præceptum de sabbato sanctificando, tam rigidum videatur, ut necessaria peregrinatio ob illud omitterenda sit. Cæterum uti posterior ratio saltem ostendit, quod fieri queat, prior autem, quid factu consultum sit; ita si vim Superioritatis territorialis spectes, quaestio affirmari posse videtur.

2. Quod si autem feriæ saltem ratione objecti sacræ sint, tum Imperanti humano subjacent, adeoque ex hujus voluntate judicandum, quid in iis fieri aut omitteri debeat. Dubium igitur non est, quin in illis citatio emitti ac insinuari queat, imo revera ita juris esse, regulariter dicendum, nam l. fin. C. de fer. loquitur de die dominico, hinc quoad cæteras ferias licentia erit asserenda. add. THOMAS. in not. ad Strauch. dissert. 24. §. II.

## OBSERV. L.

*Feris etiam humanis*) Quid in feriis humanis liceat, nec ne, illud omne ex legibus humanis dependet. In specie *AUTOR* recte docet (1) processum esse nulum in die feriato, invita parte, peractum, licet dies ratione unius tantum sit feriatum, licet enim *EKHOLT* b. §. 5. putet, *usum loci judicii* esse respiciendum, attamen ex *partium consideratione* hoc decidi debere, alii rectius censent. *vid. THOMAS. d. l.* (2) quod privati feriis necessariis renunciare queant, repentinis & honorariis non item, nam illæ lege *permittente*, hæ *obligant* sunt introductæ.

## OBSERV. LI.

*Dilatio*) Est res omnibus gentibus communis nec à Romanis repetenda. Eam verò *AUTOR* non satis perspicuè declarat. Malim sic dicere. Dilatio sumitur vel pro *tempore*, & est *certum temporis spatium, ad aliquid in judicio peragendum, concessum*, vel pro *actu*, & est *spatii memorati concessio*. Quod si quis tempore nondum elapso, novum spatium petat, tum & hujus concessio est dilatio, ratione verò dilationis præcedentis dicitur *Prorogatio*, quia illa velut extenditur. Ex quibus liquet, prorogationem non esse peculiarem actum, dilationi contradistinctum, sed potius sequentem dilationem, ratione præcedentis, saltem sic dici. Dilationum autem Varietas, quam *AUTOR* quoque indicat, ab indole processus, in Provincia usitati, oritur.

2. Officium Judicis in concedenda dilatione æquitate dirigitur. Debèt scil. ita se gerere, ut neutri parti gravis sit. Cum autem vinculum illud sit paulo laxius, ideo Jus Romanum magis illa definiivit, numerum dilationis.

tionum præscribendo, *lit. C. Q. Conf. BERGER. b. qv. 4. THOMAS. ad Strauch. dissert. 24. §. 10.* sed illa moribus non observari, fatetur *AUTOR*.

## TIT. XIII. DE EDENDO.

### OBSERV. LII.

*Actionis libellus* ) Illud manifestum est, quod apud omnes Gentes libellus actionis in usu sit, cum in statu civili, privatis jus suum propria autoritate sibi asserere non liceat, hinc utique coram Judice competente desiderium suum contra adversarium proponere debent, quo ipso libellus existit. Hinc quid sit, de quo *lit. D. D.* communi ratione intelligitur. Porro varietas libelli, de qua *sign. †. à* diversitate Processus, in aliqua regione usitati, oritur.

### OBSERV. LII.

*Partes libelli* ) Confectio libelli, quam *AUTOR* hic & *lit. D.* declarat, dependet partim à *libertate*, hæc circa quemvis actum regulariter aliquas partes habet, partim à *prudencia*, hæc quippe exigit, ut actor libellum apte concipiat, quo finem intentum consequatur, aliàs enim suæ imprudentiæ hanc luet pœnam, ut non tantum scopo suo excidat, sed & impensas perdat, ad easque adversario restituendas quandoq; condemnatur, partim à *lege positiva*, hæc enim circa conceptionem, oblationem, mutationem actionum, uno libello proponendarum, numerum, aliaque hujus generis capita, varia disponere solet, *vid. BERGER. resolut. b.* ubi quidem magis ad ordinationes processuales cujusvis judicii, quam jus Romanum esse respiciendum, facile liquet, ut plane putem, leges Romanas non nisi  
con-

contorte huc trahi. Forte etiam in concipiendo libello aliquas habet partes *Imprudentia*, quo referrem omnes libelli *clausulas voluntarias*, hæ enim nullam habeat utilitatem, ut putem Advocatum eo ineptiorem esse censendum, quo magis clausulis ejusmodi abundat, brevitatem è contrario in eodem prudentiam arguere. In genere autem hoc liquet, quod quoad libellum nihil Romanis debeamus.

## OBSERV. LIII.

*Utile interdum est etiam remotam adjicere*) Utilitas in eo consistere censetur, quod si rem vindicem ex domino v. gr. per emtionem quæsito (ubi causam actionis proximam, *dominium*, & remotam *emtionem* exprimo) ac reus absolvatur, ego ex alia causa v. gr. donatione, testamento similive, rem denuo vindicare possim, nec mihi obstat exceptio rei judicatæ, quæ tamen esset nocitura, si sine expressione causæ remotæ, simpliciter ex dominio antea rem vindicasset. Verum crediderim, me denuo agere posse, licet antea simpliciter ex dominio egerim, dummodo ex probatione appareat, ex quibus titulis Dominium meum repetere voluerim, nam hæc etiam intentionem meam restringunt, adeoque ostendunt, quod sententia absolutoria, præter intentionem actoris secuta, & hinc orta exceptio rei judicatæ, non sit universalis, nec adeo actioni, ex aliis titulis movendæ, obesse queat.

## OBSERV. LIV.

*Non etiam in causa hypothecaria lit. C. n. 2.*) Imo in hac causa libellum alternative posse concipi, novissime recte adstruit Dn. BERGER in *resolut. b. qu. 3.* & prolixius peculiari programme *Edit. novissim.* adjecto. Quæ sententia adeo nobis admittenda videtur,

ut



ut non tantum, libellum alternativè conceptum, non ineptum esse putem, sed etiam illum longe rectius alternative, quam pure concipi existimem, nam hoc natura actionis hypothecariæ, si recte attendatur, exigit. Est hæc quidem realis, ac rem possessam persequitur, sed non absolute, ac propriis velut nervis, subsistit, verum *conditionem obligationis personalis* semper præsupponit. Quodsi igitur actor purè rem petat, tum mensuram juris & actionis sibi competentis videtur excedere, quia absolute petit, quod tamen sub conditione saltem ipsi præstandum est. Si vero reum ratione Præsuppositi, seu obligationis personalis, admoneat, an nimirum obligationem illam solutione tollere, vel ea non sublata, vim actionis hypothecariæ experiri velit, tum juri suo restricto, nec admodum durabili, convenienter agit, ex quo adeo alternatio, ut *possessor vel solvat vel pignus præstet*, evidenter fluit.

## OBSERV. LV.

*Exhiberi etiam debent instrumenta lit.O*) Juxta meum jus naturæ hæc exhibitio non adeo involuta videtur, si enim specialis fides eo nomine interposita est, tum hæc servari debet, quodsi hoc factum non sit, tum juxta æquitatem editio facienda, ne scil. proximus nostra pertinacia lædatur, & hætenus inter actorem, reum & tertium nihil intererit, sed hi omnes, postulante æquitate, ad editionem erunt obligati.

2. Sed leges civiles aliæque processuales, distinctius officium hoc determinaturæ, actorem, reum & tertium separant, ac insuper media, quibus contumaces adigi queant, certius definiunt, de quo *AUTOR*, ut hætenus legum Romanarum usus subsidiarius negari non posse videatur. Forte etiam quædam inter-  
cur-

currunt, quæ corruptionem Fori civilis redoleant, quorsum omnino referrem separationem actoris & rei, hæc enim non alio fine facta videtur, quam ut plures lites eo nomine excitari possent, nam aliàs solida ratio non subest, quare reus auctore favorabilior haberi debeat. Sic auctor ratione Replicæ editionem à Reo petere potest, sed limitandum id censet *Dn. BERGER in resolut. b. nisi replica libello inserta*, alit nimitis durum videtur, innocuam expressionem tam gravi dispendio multare, maxime cum libellus non tam ex formula, quam petitione æstimandus videatur, adeo ut quæ hanc excedunt, ad libellum non pertinere existimantur, licet in formula reperiantur.

## TIT. XIV.

## DE PACTIS.

## OBSERV. LVI.

*Pactum*) Pacta omnibus gentibus communia adeoque nec ipsa, nec eorum cognitionem à Romanis repetenda esse, facile liquet. Divisiones quoque pactorum, quas *AUTOR n. 1. 2. 3. 4. 5.* adducit, non Romanæ sunt, sed omnibus Gentibus communes, oriuntur enim à circumstantiis, quæ in quavis civitate occurrunt, quemadmodum etiam tacitæ voluntatis conjecturæ, quales *AUTOR n. 2.* adducit, nihil aliud sunt, quam communia mentis humanæ ratiocinia. Interim *AUTOR tacitum & presumptum s. fictum* consensum confundit, cum tamen propriè consensus tacitus sit, quando ex facto scientis vel facti omissione ratio voluntatem infert, alit præsumtus vel fictus est, quando ignorantis consensus æquitatis causa asseritur. De cætero hic est figmentum Juris Romani, quoad ne-

de extensione ad casus similes nonnulli dicunt, illa ex falsis hypothefibus oriuntur. *vid. observ. 42.*

## TIT. VIII.

## QUI SATISDARE COGANT.&amp;c.

## OBSERV. XLV.

*Cautio*) Hæc tripliciter heic ab *AUTORE* consideratur, (1) generaliter, *lit. D. †* (2) *specialissime*, dum cautio iudicio fisci expenditur verb. *ad cautionem iudicio fisci*, (3) *specialiter*, dum cautiones circa processum præstari solitæ adducuntur *lit. SS. l. n.*

2. Prima tractatio maximam partem est juris gentium, nam (1) ipse *cautionis* actus mutuo consensu absolvitur, adeoque omnibus gentibus communis est, hæc ea omnia, quæ circa negotia consensualia occurrunt, etiam hic habent locum. Porro (2) *necessitas cavendi* in hoc aut illo casu ex *aquitate* oritur, aliquando etiam ex *libera voluntate* dependet cautio. Amplius (3) cavendi modus *libertate & prudentia* dirigitur. Interim fatendum est, quod hoc & præcedens caput, seu *quando & quomodo* cavendum sit, certius definiant leges positivæ. Et Jure Romano quidem cautiones per solennia stipulationum carmina fieri debebant, quæ tamen in Germania generaliter cessant, ut alibi dicetur. Præterea certis in casibus cautionem fidejussoriam, pignoratitiam vel nudam exigebat, quo adeo respectu ejus aliquis est usus, si legibus patriis aliud non sit cautum. Denique (4) cautionum *effectus* naturalis est, nam tam promissor principalis, quam fidejussores, si intervenerunt, fidem datam, ex præscripto juris naturalis, servare debent. Ut adeo cautiones quidem in Germania occurrant, sed paucæ eo nomine debeamus Romanis.

3. Cau-

3. Cautio Judicio sisti, dicebatur olim *Vadimonium*, hinc enatæ locutiones: *vadimonium differre, missum facere, obire, deferere*. de quibus *POLLET. Histor. for. Rom. lib. 5. c. 1. 2. 3.* *Vadimonium* desertum dicitur *Eremodicium*, quamvis & Actoris absentiam sic dici existimet *BROIDÆLLS ad Pollet. histor. d. l. 5. c. 3.* Alii post litem contestatam, *Eremodicium* contrahi putant, *vid. HUBER. in posit. ad ff. si quis caution. in judic. sistend. caus fact. n. 7.* sed in hæc alii, quibus lubet, diligentius inquirent, nobis id admonendum est, quod cautio judicio sisti Romana, in Germania non occurrat, cum privatam in jus vocationem præsupponat. Interim quæ de modo cavendi, intuitu hujus cautionis, dixit *AUTOR*, illa aliis in casibus locum habent. *conf. BERGER. resolut. b.*

4. Quando & quomodo in Processu cavendum sit, de quo *AUTOR* tertio agit, id leges positivæ definiunt, ubi quidem potius ad leges patrias, quam Romanas respiciendum esse, ipse *AUTOR* indicat.

TIT. IX. X. XI.  
SI EX NOXALI CAUSA  
AGATUR &c.

OBSERV. XLVI.

*Dominus cavet*) Tituli noni nulla est utilitas, quia præsupponit mancipia & actiones noxales, imo etiam in jus vocationem privatam. In titulo 10. traditur obligatio ejus, qui caventem impediit, quo minus, prout promiserat, in judicio se sisteret. Et licet illa maximam partem naturalia sint, attamen in Germania usum non habent, cum casus, ad quem applicanda, amplius non occurrat. Quod si autem simi-

les existant, tum decisio ex generali principio, non ex applicatione Romanorum speciali repeti debet. In titulo II. effectus cautionis iudicio fisci expenditur. Nimirum promissor vel comparere vel interesse præstare debet, nisi iustis ex causis impediatur, has enim tacite excipi rationis est, nisi forte iis renunciatum. Quæ omnia naturalia iterum sunt, usum tamen non habent, quia cautio iudicio fisci ignoratur. Interim certum manet, quod pacta suos habeant effectus, quodque eadem recte interpretari conveniat, sed horum veritas ex hoc titulo non dependet, *conf. HUBER. posit. b. n. 3. 4.*

## TIT. XII.

## DE FERIIS ET DILATIONIB. &amp;c.

## OBSERV. XLVII.

*Feria*) Quid Tempus sit, aliorum est explicare, nec videtur hæc explicatio satis expedita, utut tempus omnium in ore sit. Quando verò intuitu temporis leges aliquid disponunt, dum nimirum necessitatem, actus quosdam suscipiendi, remittunt, aut susceptionem certorum actuum prohibent vel jubent, tum tempus cum illa moralitate spectatum *Feriarum* nomen sortitur, *vid. EKHOLT ad ff. b. §. 2. ac juridicæ est considerationis.*

2. Merum jus naturæ ferias ignorat, sed hæ omnes à lege positiva, divina vel humana dependent. Ex hac igitur, tum quid sint feriæ, tum quodnam earum initium, aut quæ species variæ, de quo *AUTOR lit. D. †.* intelligendum est, hinc legum Romanarum hic omnino usus subsidiarius erit. In specie circa doctrinam *AUTORIS* observandum, quod feriæ sacræ  
vel

vel ita tantum dicantur ratione *Objecti*, quo pertinet definitio *n. 1.* vel ratione *objecti & originis* simul, quæ non tantum cultum divinum respiciunt, sed & à Deo sunt ordinatæ, hoc sensu solum Sabbathum, feriarum sacrarum exemplum est. Porro ei, quod *AUTOR* dicit: *ferias messum à magistratu cujusvis loci determinari*, obstat *l. 2. C. de feriis*, & existimat *HILLIG. ad Donell. l. 24. c. 7. lit. p.* dictam legem ad preces solum consultoris pertinere, qui forte talis provinciæ, cujus solo illud tempus conveniret, fuerit incola. Alii ejus authentiam impugnant, cum non *THEODOSIUM*, seu inscriptio vult, sed *THEODORICUM*, Gothorum Regem, habeat autorem, *vid. STRALICH. ad Inst. dissert. 24. th. II. BERGER in resolut. b. qv. 3.*

## OBSERV. XLVIII.

*Ferias constituit Princeps*) Sabbathum à Deo est institutum. Cæteræ feriæ, divinæ & humanæ, ab imperante humano constituuntur, id quod ex natura Imperii civilis fluit, ac omnibus Gentibus commune, non præcise Romanum est. Magistratus inferiores jus illud non habere, ex eodem principio intelligitur, nec alia fuit sententia Romanorum, nam *l. 4. C. b. t. l. 7. de offic. Procons.* non de introductione feriarum, sed determinatione loquuntur, quo sensu etiam *l. 26. §. 7. ex quib. caus. major.* accipi, vel etiam in ea Imperantis tacita concessio supponi potest.

## OBSERV. XLIX.

*Diebus sacris*) Doctrina *AUTORIS* est accipienda de diebus sacris, secundum excellentiam sic dictis, qui scil. non tantum cultum Dei respiciunt, sed & à Deo sunt instituti. Et est sane quæstio non usque adeo expedita de præcepti illius divini (1) *universalitate* ac (2) *sen-*

(2) *sensu*, de quo late SELDEN. de J. N. G. juxta discipl. Ebraor. 13. c. 8. seqq. add. CUNÆ de Republ. Ebraor. 12. c. 22. 24. ZIEGL. ad Grof. l. 1. §. 17. BRUNNEM. J. E. l. 2. c. 1. membr. 1. §. 1. Quid AUTORI hic videatur, lit. E. edisserere voluit. Ego illud tantum adjicio, sententiam remissiore, cui CARPZOV. indulget, à BRUNNEMANNO ideo notatus, non adeo videri improbandam, vid. Genes. II, 3. Exod. XX, 8. XXIII, 12. XXXI, 13. XXXV, 2. 3. Levit. XXIII, 3. Num. XXVIII, 25. Deut. V, 12. In specie quæritur: an diebus dominicis Status imperii, in suo territorio, vias publicas exteris mercatoribus & aurigis occludere, eisdemque hoc medio ab sabbathum sanctificandum permovere queat? quod in novissim. Volum. Responfor. Argentorat. studio SCHILTERI 1701. publicato, negative Responf. 5. deciditur, eam præcipue ob causam, quod talis prohibitio collisioni & bellis ansam præbere possit, nec præceptum de sabbatho sanctificando, tam rigidum videatur, ut necessaria peregrinatio ob illud omittenda sit. Cæterum uti posterior ratio saltem ostendit, quod fieri queat, prior autem, quid factu consultum sit; ita si vim Superioritatis territorialis spectes, quæstio affirmari posse videtur.

2. Quodsi autem feriæ saltem ratione objecti sacræ sint, tum Imperanti humano subjacent, adeoque ex hujus voluntate judicandum, quid in iis fieri aut omitti debeat. Dubium igitur non est, quin in illis citatio emitti ac insinuari queat, imo revera ita juris esse, regulariter dicendum, nam l. fin. C. de fer. loquitur de die dominico, hinc quoad cæteras ferias licentia erit asserenda. add. THOMAS. in not. ad Strauch. dissert. 24. §. II.

## OBSERV. L.

*Feris etiam humanis*) Quid in feriis humanis liceat, nec ne, illud omne ex legibus humanis dependet. In specie *AUTOR* recte docet (1) processum esse nulum in die feriato, invita parte, peractum, licet dies ratione unius tantum sit feriatum, licet enim *EKHOLT* b. §. 5. putet, *usum loci iudicii* esse respiciendum, attamen ex *partium consideratione* hoc decidi debere, alii rectius censent. *vid. THOMAS. d. l.* (2) quod privati feriis necessariis renunciare queant, repentinis & honorariis non item, nam illæ lege *permittente*, hæ *obligante* sunt introductæ.

## OBSERV. LI.

*Dilatio*) Est res omnibus gentibus communis nec à Romanis repetenda. Eam verò *AUTOR* non satis perspicuè declarat. Malim sic dicere. Dilatio sumitur vel pro *tempore*, & est *certum temporis spatium, ad aliquid in iudicio peragendum, concessum*, vel pro *actu*, & est *spatii memorati concessio*. Quod si quis tempore nondum elapso, novum spatium petat, tum & hujus concessio est dilatio, ratione verò dilationis præcedentis dicitur *Prorogatio*, quia illa velut extenditur. Ex quibus liquet, prorogationem non esse peculiarem actum, dilationi contradistinctum, sed potius sequentem dilationem, ratione præcedentis, saltem sic dici. Dilationum autem Varietas, quam *AUTOR* quoque indicat, ab indole processus, in Provincia usitati, oritur.

2. Officium Iudicis in concedenda dilatione æquitate dirigitur. Debet scil. ita se gerere, ut neutri parti gravis sit. Cum autem vinculum illud sit paulo laxius, ideo Jus Romanum magis illa definiit, numerum dilationis.



tionum præscribendo, *lit. C. Q. Conf. BERGER. b. qv. 4. THOMAS. ad Strauch. dissert. 24. §. 10.* sed illa moribus non observari, fatetur *AUTOR*.

## TIT. XIII. DE EDENDO.

### OBSERV. LII.

*Actionis libellus*) Illud manifestum est, quod apud omnes Gentes libellus actionis in usu sit, cum in statu civili, privatis jus suum propria autoritate sibi asserere non liceat, hinc utique coram Judice competente desiderium suum contra adversarium proponere debent, quo ipso libellus existit. Hinc quid sit, de quo *lit. D. D.* communi ratione intelligitur. Porro varietas libelli, de qua *sign. †.* à diversitate Processus, in aliqua regione usitati, oritur.

### OBSERV. LII.

*Partes libelli*) Confectio libelli, quam *AUTOR* hic & *lit. D.* declarat, dependet partim à *libertate*, hæc circa quemvis actum regulariter aliquas partes habet, partim à *prudencia*, hæc quippe exigit, ut actor libellum apte concipiat, quo finem intentum consequatur, aliàs enim suæ imprudentiæ hanc luet pœnam, ut non tantum scopo suo excidat, sed & impensas perdat, ad easque adversario restituendas quandoq; condemnatur, partim à *lege positiva*, hæc enim circa conceptionem, oblationem, mutationem actionum, uno libello proponendarum, numerum, aliaque hujus generis capita, varia disponere solet, *vid. BERGER. resolut. b.* ubi quidem magis ad ordinationes processuales cujusvis judicii, quam jus Romanum esse respiciendum, facile liquet, ut plane putem, leges Romanas non nisi  
con-

contorte huc trahi. Forte etiam in concipiendo libello aliquas habet partes *Imprudentia*, quo referrem omnes libelli *clausulas voluntarias*, hæ enim nullam habeant utilitatem, ut putem Advocatum eo ineptiorem esse censendum, quo magis clausulis ejusmodi abundat, brevitatem è contrario in eodem prudentiam arguere. In genere autem hoc liquet, quod quoad libellum nihil Romanis debeamus.

## OBSERV. LIII.

*Utile interdum est etiam remotam adjicere*) Utilitas in eo consistere censetur, quod si rem vindicem ex domino v. gr. per emtionein quæsito (ubi causam actionis proximam, *dominium*, & remotam *emtionein* exprimo) ac reus absolvatur, ego ex alia causa v. gr. donatione, testamento similive, rem denuo vindicare possim, nec mihi obstat exceptio rei judicata, quæ tamen esset nocitura, si sine expressione causæ remotæ, simpliciter ex dominio antea rem vindicasset. Verum crediderim, me denuo agere posse, licet antea simpliciter ex dominio egerim, dummodo ex probatione appareat, ex quibus titulis Dominium meum repetere voluerim, nam hæc etiam intentionem meam restringunt, adeoque ostendunt, quod sententia absolutoria, præter intentionem actoris secuta, & hinc orta exceptio rei judicata, non sit universalis, nec adeo actioni, ex aliis titulis movenda, obesse queat.

## OBSERV. LIV.

*Non etiam in causa hypothecaria lit. C. n. 2.*) Imo in hac causa libellum alternative posse concipi, novissime recte adstruit Dn. BERGER in *resolut. b. qu. 3.* & prolixius peculiari programme *Edit. novissim.* adjecto. Quæ sententia adeo nobis admittenda videtur,

ut

ut non tantum, libellum alternativè conceptum, non ineptum esse putem, sed etiam illum longe rectius alternative, quam pure concipi existimem, nam hoc natura actionis hypothecariæ, si recte attendatur, exigit. Est hæc quidem realis, ac rem possessam persequitur, sed non absolute, ac propriis velut nervis, subsistit, verum *conditionem obligationis personalis* semper præsupponit. Quodsi igitur actor purè rem petat, tum mensuram juris & actionis sibi competentis videtur excedere, quia absolute petit, quod tamen sub conditione saltem ipsi præstandum est. Si vero reum ratione Præsuppositi, seu obligationis personalis, admoneat, an nimirum obligationem illam solutione tollere, vel ea non sublata, vim actionis hypothecariæ experi-ri velit, tum juri suo restricto, nec admodum durabili, convenienter agit, ex quo adeo alternatio, ut *possessor vel solvat vel pignus præstet*, evidenter fluit.

## OBSERV. LV.

*Exhiberi etiam debent instrumenta lit. O*) Juxta me-  
rum jus naturæ hæc exhibitio non adeo involuta vi-  
detur, si enim specialis fides eo nomine interposita est,  
tum hæc servari debet, quodsi hoc factum non sit, tum  
juxta æquitatem editio facienda, ne scil. proximus no-  
stra pertinacia lædatur, & hætenus inter actorem, re-  
um & tertium nihil intererit, sed hi omnes, postulante  
æquitatè, ad editionem erunt obligati.

2. Sed leges civiles aliæque processuales, distin-  
ctius officium hoc determinaturæ, actorem, reum &  
tertium separant, ac insuper media, quibus contumä-  
ces adigi queant, certius definiunt, de quo *AUTOR*,  
ut hætenus legum Romanarum usus subsidiarius ne-  
gari non posse videatur. Forte etiam quædam inter-  
cur-

currunt, quæ corruptionem Fori civilis redoleant, quorsum omnino referrem separationem actoris & rei, hæc enim non alio fine facta videtur, quam ut plures lites eo nomine excitari possent, nam aliàs solida ratio non subest, quare reus auctore favorabilior haberi debeat. Sic auctor ratione Replicæ editionem à Reo petere potest, sed limitandum id censet *Dn. BERGER in resolut. b. nisi replica libello inserta*, ast nimis durum videtur, innocuam expressionem tam gravi dispendio multare, maxime cum libellus non tam ex formula, quam petitione æstimandus videatur, adeo ut quæ hanc excedunt, ad libellum non pertinere existimantur, licet in formula reperiantur.

## TIT. XIV.

## DE PACTIS.

## OBSERV. LVI.

*Pactum*) Pacta omnibus gentibus communia adeoque nec ipsa, nec eorum cognitionem à Romanis repetenda esse, facile liquet. Divisiones quoque pactorum, quas *AUTOR n. 1. 2. 3. 4. 5.* adducit, non Romanæ sunt, sed omnibus Gentibus communes, oriuntur enim à circumstantiis, quæ in quavis civitate occurrunt, quemadmodum etiam tacitæ voluntatis conjecturæ, quales *AUTOR n. 2.* adducit, nihil aliud sunt, quam communia mentis humanæ ratiocinia. Interim *AUTOR tacitum & præsumtum s. fictum* consensum confundit, cum tamen proprie consensus tacitus sit, *quando ex facto scientis vel facti omissione ratio voluntatem infert*, ast præsumtus vel fictus est, *quando ignorantis consensus æquitatis causa asseritur.* De cætero hic est figmentum Juris Romani, quoad ne-

gotia humana, minime necessarium, cum omnibus illis casibus, in quibus ex consensu ficto obligatio repetitur, hæc vel ex tacito veniat, vel sine ullo consensu adstrui possit, & hinc etiam, ni fallor, est, quod præsumtum & tacitum sæpe confundatur.

## OBSERV. LVII.

*Ratione finis est vel obligatorium*) Divisionem hanc, qua pactum in *obligatorium* & *liberatorium* distinguitur, esse juris Gentium jam diximus, & posset addi tertia species, scilicet *Mixtum*, quod partim obligationem constituat, partim tollat, quale exemplum, nisi fallor, est in *Transactione*. Subdivisio autem pacti tam obligatorii, quam liberatorii, quam *AUTOR* hic adducit, non est juris Gentium, sed mere Romana, ac in Germania nullius usus, (si unicam illam, qua contractus in *bilaterales* & *unilaterales* distinguuntur, excipias) quod plenius liceat ostendere.

2. Quod igitur attinet pactum obligatorium, mero jure naturali synonyma sunt *Pactum contractus*, *conventio*, & ad ea nihil, nisi consensus serius, requiritur, hinc etiam hoc jure omnia pacta vel contractus sunt *consensuales*, & omnes illæ species, *AUTORI* hic memoratæ, ignorantur. Ab hac simplicitate naturali enormiter descivit Jus Romanum, & totum hunc locum difficilibus tricis opplevit, triplicem ob causam minime quidem necessarium, (1) quod quemvis consensum ad pactum validum non sufficere, (2) sine consensu obligationem oriri non posse, ac (3) pacta eodem modo interpretanda non esse, existimaverit.

3. Ex primo præsupposito orta est distinctio pactorum *nudorum* & *non-nudorum*, & *AUTOR* quidem sub his comprehendit *Contractus*, *pacta legitima* & ad-

*adjecta*. Sed menti Romanorum convenientius est, si solos contractus, pro pactis *Non-nudis*, quæ propria virtute obligationem pariant, habeamus, ac *Nuda* distinguamus in *Nuda in specie*, quæ nullam actionem post se habeant, & *Vestita*, quæ vel ex legis assistentia, ut *Legitima*, vel ob coherentiam cum contractu, ut *Adjecta pacta*, actionem producant, nam licet hæc ad agendum etiam prosint, attamen illud fit ob externum auxilium, in se verò manent pacta nuda, nec adeò cum Contractibus eadem classe censi possunt. Sed suis labris has relinquamus lactucas!

4. Uti autem hoc discrimen ad augendas lites clientesq; eo magis irretiendos videtur esse à Romanis introductum, ita à Germanis nunquam esse admissum, constans Doctorum est sententia, ipso fori usu satis etiam adprobata. Hinc exulat in Germania, *discrimen pactorum nudorum & non nudorum*, & per consequentiam *contractus & pacta* sunt synonyma, *pacta legitima & adjecta* sensu juris civilis cessant, ac omnis eo respectu mota concertatio est inanis, de *causa* sive *synallagmate* nulla amplius potest esse quæstio, cum omne pactum validum & efficax sit, ob consensum ferium.

5. Deinde jure Romano contractus distinguuntur in *Veros & quasi contractus*, quæ divisio inde orta est, quod nullam obligationem sine consensu oriri posse, Romanis persuasum fuisse videatur, ubi igitur hic defuit & tamē obligatio existit, consensum fingere placuit. Sed carere possumus quasi contractibus, quia in omnibus casibus, ubi hi afferuntur, obligatio vel ex consensu tacito descendit, vel lege positiva aut æquitate, sine prævio consensu, constituitur, hinc etiam li-

quet, quare nihil referat, quot quasi contractus quis afferere velit, (qua in re interpretes juris civilis variant) nam in re non necessaria quivis suo sensu potest abundare. Expunctis autem quasi contractibus, prædicatum *verorum contractuum* erit quoque otiosum.

6. Amplius contractus veri juxta leges Romanas sunt vel *nominati* vel *innominati*. Sed hi ex pactis nudis oriuntur, his ergo negatis, innominati quoque contractus cessant, id quod in loco proprio pluribus demonstrabimus. Cessantibus verò innominatis & *nominatorum* nomen expirabit. Denique nominatorum quatuor vulgo recensentur species, *consensuales, verbales, reales & literales*, sed uti *hor* ne quidem de jure civili recte asseri, alibi ostendam, ita manifestum est, quod *Verbales & Reales*, ex hypothesi de pactis nudis oriantur, adeoque hac sublata, etiam illi cessent. De verbalibus res certa est, nam stipulationes & pacta coincidere manifestum est, & vulgo conceditur, de realibus idem dicendum, nam v. gr. rogatio de pecunia danda, ac promissio de eadem suo tempore reddenda, perinde pro contractu consensuali haberi potest, ac locatio & conductio.

7. Denique contractus sunt *bonæ fidei & stricti juris*, quæ divisio itidem ultimato ex eo dependere videtur, quod ex quovis consensu, licet serio, actionem concedere noluerint Romani, nam hinc diversa interpretandi ratio invaluisse quoque videtur. Licet autem istam divisionem hodie quoque attendendam aut totum jus subvertendum esse existimet *A. FABER*, referente ac probante eam sententiam *Dn. BERGERO* in *resolut. ad lib. 18. tit. 5. in fin.* attamen ad *tit. de O. & A.* ostendere conabor, quod probabiliter illa recepta non sit.

8. Sic

8. Sic ergo in Germania simplicitas juris naturalis quoad pacta obligatoria obtinet, & omnia illa, sive contractus, tantum sunt *consensuales*, debentq; pro ratione circumstantiarum rectè explicari. Quòd si paulo mitius cum jure Romano agere, ac *quasi contractus* nec non *reales* admittere velis, tum ita dicendum. Pacta sive contractus sunt vel *ficti* vel *veri*, hi vel *reales* vel *consensuales* in quorum censum, præter contractus Romanorum consensuales, debere referri eorum pacta nuda, Legitima, Adjecta, stipulationes, fidejussiones, contractus innominatos, transactiones, pollicitationes, & una verba omne obligatorium pactum, quod in fictum aut realem contractum non incidat, ex dictis manifestum est.

9. Porro distinxerunt Romani pacta Liberatoria in *Nuda* & *Nannuda*, sed & hanc divisionem in foris Germaniæ esse incognitam & omnia pacta ejusdem efficaciz, certum est ac à *Dn. BERGERO in Resolut. b. qu. 4.* conceditur quoque. Et res quidem eodem recidit, sive omnia pacta ipso jure, sive ope exceptionis obligationem & actionem tollere dicas, nam *ipsum jus*, hic est, intuitu Germaniæ, otiosum nomen, licet ejus usum in compensatione, restitutione in integrum aliisque juris capitibus non plane negem. Sic igitur difficiles Romanorum tricz, quibus Tirones juris, non secus ac pueri manduco, terreri solent, in Germania nullius sunt usus.

## OBSERV. LVIII.

*Ope exceptionis & replicationis elidit lit. d. N.)* Qua occasione quæritur, si pactum intercesserit de non petendo, & mox aliud, ut petere liceat, an fidejussor ex primo excipiens, replicatione pacti posterioris repelli queat?



queat? asserit hoc *l. 27. §. 3. de pact.* negat verò *l. fin. eod.* EBERTUS in *dissertas. inaug. bab. Francof. 1685.* De eo quod sit ipso jure *membr. 1. sect. 2. p. 240.* testatur, NICOLAUM de PASSERIBUS octo conciliationes asserre. Ipse tamen EBERTUS *immedicabilem Antinomiam* fatetur. Verum ex generalibus obligationum constituendarum aut tollendarum principiis, facile hoc dissidium componitur. Nimirum *d. l. 27. §. 3.* loquitur de *fidejussore inscio & qui pactum prius nondum acceptaverat*, hinc potuit creditor & debitor illud novo pacto è medio tollere & mansit adeo fidejussor ex fidejussione sua obligatus, sed *d. l. fin.* agit de *fidejussore sciente & pactum liberatorium acceptante*, post quam acceptationem, secundum pactum ei nocere, ac liberationem semel obtentam, auferre non potuit.

2. Nec obstat, si quis contendere velit, etiam in primo casu, pactum prius inscio fidejussori prodesse debere, cum *actionem enervaverit, aut juxta mores nostras, penitus sustulerit*, nam responderem, non tam sublatam, quam suspensam esse actionem ratione fidejussoris, lex enim non aliter hic operatur, quam juxta voluntatem eorum, quorum interest, adeoque acceptationem præsupponit, hanc vero cum, quoad fidejussorem, anteverterit pactum alterum creditoris & debitoris, hinc satis liquet, prius fidejussori prodesse non potuisse; sed ais, *potest etiam pro ignorante ad effectum liberationis solvi!* Verum hoc est, si solutio in suo statu maneat, ut ex postfacto ab eo, in cujus favorem facta est, minimum tacite approbari queat, sed fac solventem à creditore volente pecuniam repetere, antequam debitor quicquam hac de re intelligat, tum procul dubio sub obligatione pristina hic manebit. Sed ita  
igno-

*ignorantia fidejussori nocet!* non nocet, verum fidejussio, qua obligationem suscepit, ei damnosa est, ignorantia vero saltem impedit, ne lucrum, liberationem scilicet ab obligatione, consequatur, quod non infrequens est, nam saepe lucro excidimus, ideo quod ejus acquirendi occasionem ignoremus.

## OBSERV. LIX.

*Debet etiam causa adesse lit. C.*) Essentia pactorum consistit in consensu vero, declarato & mutuo, quod omnes homines ex communibus principiis satis intelligunt. Sed an ad validitatem pactorum etiam requiratur *causa impulsiva*, quaeritur? *AUTOR* hoc affirmat (nam de tali causa cum loqui, plane arbitror) sed textus citati non adeo probant, nam *c. 14. X. de fid. instrum. & l. 25. §. fin. de probat.* per *causam* intelligunt ipsum pactum, dum docent, chirographum generaliter loquens, nec causam debendi i. e. contractum vel simile negotium, exprimens, nihil probare, in *l. 2. §. 3. de dol. except.* etiam per causam intelligitur pactum vel simile negotium obligatorium, quod per stipulationem vel expediendum vel novandum fuit, v. gr. si stipuler, ut quis mihi reddat pecuniam mutuo datam, illa stipulatio dicitur invalida, si causa illa s. mutuum non praecesserit. Idem sensus occurrit etiam in *l. 1. 3. de condict. fin. caus.* nam conditione sine causa, rem ab alio repetere solemus, si eam sine causa i. e. titulo habili possideat. Adhuc *l. 51. de pact.* per causam, pactum, vel simile negotium intelligitur, nam pactum liberatorium, quo quid remitto, quod ex certa causa mihi deberi existimabam, nullius momenti esse dicitur, si illa causa revera non adfuerit. Denique *l. 56. de pact.* hoc saltem docet, quod in pactis causa finalis adesse

*possit aut soleat*, non autem quod *debeat*, adeo ut, nisi de ea constet, pactum non valeat.

2. Hactenus igitur doctrina Autoris ambigua vel falsa videtur. Interim non plane fundamento destituitur assertio, quæ causam impulsivam exigit. Hinc distinguerem inter pacta *momentanea*, quibus simul & semel satisfit, in his causam aliquam rigidè non putarem esse requirendam, & *successiva*, quorum effectus successive se exerit, hæc non valebunt, nisi *causa impulsiva*, seu quod eodem recidere arbitramur, *intenta aliqua utilitas* adsit, nam ejusmodi pacta non tantum nullum habent usum, sed & sua duratione negotia humana turbare possunt, exempla sunt in *l. pen. de pact.* Cum autem pacta *utilitatis* non *vexationis* aut *ludibrii* causa sint introducta, hinc quæ ultimum hunc finem tantum intendunt, etiam mero jure naturali pro invalidis meritò habentur.

#### OBSE RV. LX.

*Celebrant pacta lit. S.* ) Naturaliter illi pacisci possunt, qui facultate consentiendi physica & morali gaudent ac libere & serio consentiunt. Quam doctrinam omnibus Gentibus communem, etiam Romani fundamenti loco supponunt, ac præterea facultatem illam quandoque magis circumscribunt, quales restrictiones occurrunt quoad Patrem & filium, Advocatum & clientem, Medicum & Ægrotum, nec non pupillum, minorem, prodigum & foeminam, de quibus *d. lit. S.* quorum adeo usus subsidiarius in Germania est. In genere autem circa hæc ac similia exempla observandum, quod aliquando leges civiles *pacta prohibeant*, aliquando *facultatem panitendi alteri paciscenti largiantur*, aliquando *pactis sua autoritate non*

*non assistant.* Illo casu nec obligatio oritur, nec pactum ultrò servari potest, isto obligatio quidem non adest, ultrò tamen pactum impleri potest, hoc obligatio naturalis oritur ad promissum implendum.

## OBSERV. LXI.

*Objectum sunt res lit. O* ) Juxta philosophiam generalem, omnibus hominibus communem, objectum pactorum sunt res *possibiles*, legibus divinis *licita & utiles*. Sed leges positivæ nonnunquam alias res à pactis remonent, quo spectant juxta jus Romanum *res extra commercium posita, litigiosæ & inprimis viventis hereditas*, quamvis illarum dispositiones Romanæ non ubique in usu sint, *vid. PISTOR. lit. 4. qu. 2. n. 43. HAHN. de jur. rer. conclus. 70.*

## OBSERV. LXII.

*Non subsistit pactum, ne dominus rem suam alienet lit. O.* ) Tale pactum etiam naturaliter videtur invalidum, ceu dixi *observ. 59.* si autem tertii inter sit, tum pactum valebit, quod si tamen contra hoc res alienetur, alia est quæstio, *an alienatio sit plane nulla, an alteri saltem competat actio ad interesse?* AUTOR prius asserit, alii posterius defendunt, *vid. BERGER in resol. b. qu. 6.* Ego crediderim AUTORIS sententiam esse veram, si juxta simplicitatem naturalem res decidenda foret, nam dominus pacto libertatem alienandi restrinxit, adeoque revera cessat facultas moralis, hinc alienatio de facto suscepta, nullius valoris, naturali æstimatione, esse potest. Ast juxta jus civile sententia altera verior est, hoc enim magis ad *traditionem*, quam *titulum* respici solet, hinc pactum vim traditionis impedire non posse existimatur, adeoque ad interesse jus saltem dat.

## OBSERV. LXIII.

*Vel obligationem lit. E.)* Effectus pactorum obligatoriorum juxta jus naturale est, ut *fides, juxta mensuram consensus dati, servetur*. Ab hac simplicitate discessit lex Romana (1) in *obligationibus* faciendi, ubi non præcise factum, sed interesse præstatur *lit. E. in fin.* Cæterum uti hæc res etiam de jure civili est dubia, cum alii obligationem ad factum præcise asserant, ac ob moram rei, volenti auctori saltem jus exigendi interesse largiantur, *vid. HUBER. posuit. ad Inst. d. V. O. n. 24.* ita admissa licet de jure civili, tamen in Germania usum non habere videtur, nec enim jure illo indiguerunt Germani, cum dispositionem naturalem habuerint, hinc probabiliter illud non receperunt, cum omnis receptio saltem in subsidium sit facta, accedit, quod illa dispositio Romana aliquam videatur continere imposturam, cum enim probatio ejus, quod interest, sit difficilis, facile eveniet, ut creditor nihil omnino accipiat; (2) in *pactis nudis*, sed istam captiositatem negligi ac merum jus naturæ penes nos observari, constans est sententia, *AUTORI* quoque recte probata. *add. MEY. P. 5. P. 408.*

## OBSERV. LXIV.

*Nisi sint pacta tantum preparatoria contractuum*) Imò licet talia saltem sint, tamen actio moribus inde competit, modo in iis serio quid conventum sit, nec res in nudis tractatibus substituerit. Nam Germani simpliciter (1) inhærent simplicitati naturali, quæ discrimen pactorum ignorat; (2) apud Romanos pacta preparatoria mediante stipulatione poterant valida reddi, sed dum illa verborum solennium carmina Germani non receperunt, eo ipso testati sunt, se iis non

nōn indigere, sed posse validas conventiones sine iis producere; (3) essent Germani Romanis hac in parte deterioris conditionis, si pacta pręparatoria inefficacia diceremus, quoniam, deficientibus stipulationibus, nullo satis expedito medio ea valida reddere possent, quod absurdum censi debet; (4) accedit etiam praxis apud *BERLICH. Decis. 143.* ubi pręjudicio Lipsiensi, Jenensi & Wittebergensi validitas pacto pręparatorio tribuitur. Denique (5) *AUTOR*, qui restrictionem probare debebat, nihil omnino solidi affert, nam *CARPZOVII* in partes vocatus, loquitur de *contra-ctui innominato*, in quo, ante traditionem, pęnitentię locum esse putat. Sed male existimatur, quod pęnitentię locus sit, de quo alibi dicemus, male etiam pactum, quod traditionem pręcedit, pro pręparatorio habetur, nam v. gr. consensus de rebus permutandis est, juxta interpretationem naturalem, ipse contractus principalis, ac traditio ad executionem pertinet, sed juxta hypothesen juris Romani, *ille & hec* sunt partes essentielles contractus innominati, hinc juxta neutrum respectum, consensus pro pacto pręparatorio haberi potest, hoc enim à negotio secuto principali penitus differt. *add. BERGER Resolut. h. qu. 6.*

## OBSERV. LXV.

*Accidentia conventionum*) Hęc, nempe *conditio, Dies & Modus* pactis ad temperandum consensum & modificandam obligationem adjici solent, hinc doctrinę hujus substantia est juris Gentium, à Romanis saltem probata. Intercurrunt tamen subinde dispositiones positivę, quales sunt, quę conditiones peculiari ratione interpretantur, impossibiles nonnunquam detrahunt, legata in hæredes transmitti nolunt, mortuo

ante

ante conditionem legatario vel hæredem ex certo tempore aut ad certum tempus institui prohibent, quæ nec ubique satis prudentes sunt, nec forte usu per omnia servantur.

## OBSERV. LXVI.

*Vel saltem an existiturus sit*) Mira est illa subtilitas, qua interpretes, & cum iis *AUTOR*, diem incertum *an*, sed certum *quando* se concipere posse putant. Si enim intelligis *quando* dies sit venturus, tum etiam scis, *quod* sit venturus, & si ignoras, *an* sit existiturus, tum fatuum est quærere, *quando* sit secuturus? quis enim non videt τὸ *quando* includere τὸ *an*, illo ergo certo, hoc non potest esse incertum? In exemplo, quo vulgo utuntur declarandæ sententiæ: *Cum Sempronius pubes erit, vid. BACHOV. ad Fr. V. 2. Disp. 13. rh. 6. lit. e.* committitur fallacia, nam existentia *an* supponitur, posito nimirum quod Sempronius sit victurus, hoc aut illo anno erit pubes. Ita autem utrumque certum est, *an* & *quando*, quod si autem τὸ *an* non supponas, adeo ut incertum sit, an Sempronius sit victurus, tum frustraneum erit quærere, quo tempore pubertatem sit consecuturus.

## TIT. XV.

## DE TRANSACTIONIBUS.

## OBSERV. LXVII.

*Transigere hic est*) Juxta jus Gentium, *pacisci* & *transigere*, synonyma sunt, sed juxta jus Romanum *transactio* pacti species est, nec hodie stricta illa suppositio semper observatur. Divisiones Transactionis hic alata, etiam juris Gentium sunt, dependent enim à circumstantiis in quavis gente occurrentibus.

OB.

## OBSERV. LXVIII.

Fit vel pacto lit. C.) Hodie transactio est negotium consensuale, & ad sui perfectionem, seposita conventionē speciali, nihil nisi consensum desiderat, stipulationes enim in genere cessant, præstatio autem rei hodie non est pars essentialis, quæ cum consensu tanquam altera parte essentiali, efficiat contractum innominatum, sed pertinet potius ad transactionis executionem seu impletionem.

## OBSERV. LXIX.

Transigunt qui contrahunt lit. S.) Naturaliter ad eum, qui suo nomine transigit, requiritur, ut (1) jus super quo transigendum & (2) libertatem disponendi de eodem habeat, quæ quidem regulariter præsumitur. Ut autem transigens habeat facultatem alienandi, id præcise non requiritur, nam per transactionē non semper alienamus, sed sæpe alteri rem, quæ ipsius est, relinquimus aut reddimus, hinc ex veriori sententia Vasallus etiam super feudo ita transigere potest, ut illud alteri concedatur. Ad eum vero, qui alieno nomine transigit, requiritur, ut sufficiente domini voluntate sit instructus. Quæ naturalia decreta jus Romanum approbavit, additis, quoad pupillos, tutores, Patres & liberos, declarationibus positivis.

## OBSERV. LXX.

Super causa controversa ex ultimis voluntatibus lit. O.) Transactio hæc, & altera super alimentis futuris, testamento relicta, invalida est ex dispositione Juris Romani, cujus adeo hætenus est usus. De cætero illæ transactiones non simpliciter, sed in favorem ejus, cui quid relictum, prohibita sunt, ob præsumptum scilicet dolum, quo legatarius representata pecunia ad trans-



transigendum inductus censetur. Ex quo consequitur, quod renunciatio simplex valorem quidem his transactionibus non conciliet, ceu rectè *AUTOR* docere videtur, nam per pecuniæ repræsentationem, perinde quis ad renunciandum, ac transigendum induci potest. At renunciatio jurata etiam de jure civili efficax videtur, qui enim jurat, ille nihil inconsideratè aut præcipitanter egisse censendus est, nec obsunt textus *AUTORI* citati, loquuntur enim de *negotiis simpliciter prohibitis*, ast has transactiones, ob præsumtam saltem deceptionem, favore legatarii esse invalidas, antea diximus, quæ præsumtio, adeoque invaliditatis causa, præstito jurejurando cessare videtur.

## OBSERV. LXXI.

*De commissis publicis permessa est transactio*) De delictis publicis naturaliter transactio licita videtur, ut nempe neque ratione actoris, neque rei, in peculiare delictum incidat, aut delicti commissi confessionem involvat, nam nulla lex divina tam rigide obligat, ut delinquentes præcise sint puniendi, sed hoc solum exigit, ne negligentia & conniventia Judicium sint impuniti, talis enim publica permissio animum delinquentibus adderet, ac publicè noxia foret. Exinde sequitur, quod conventio, quæ ad securitatem delinquentis incerti spectat, legibus divinis non improbetur; Accedit quod memorata transactio delinquentem non simpliciter pœnæ subtrahat, cum paciscentes saltem respiciat, in publicum autem non præjudicet, sed non obstante transactione, suspectus ab aliis inquisitioni aut accusationi ac pœnæ subjici queat. Cæterum in eò fere subsistit disquisitio, *an transactio extra crimen sit?*

fit? de eo enim non facile quæritur, an, *ad modum aliarum conventionum*, etiam *jus & actionem producat*, *cujus virtute invitatus ad eam implendam cogi queat*? quando enim urgente necessitate vel periculo paciscimur, tum ut plurimum conventionis executio statim fit, ut de actione aliqua nihil facile audiatur.

2. Illa admisit lex Romana saltem quoad delicta ultimo supplicio coercenda, in cæteris vero delictis publicis, transactionem noluit esse impunem, ceu refert *AUTOR*, quamvis fortasse rigor ille non ubique observetur, illud certe nimis videtur durum, quod reus transigens pro confesso habeatur, nam suspectum quidem illum facit transactio, non vero, æquâ æstimatione, statim confessum, hinc *STRUVIUS* in *S. I. C. exercit. 6. §. 62.* hodie de his delictis etiam licite transigi censet.

## OBSERV. LXXII.

*Privatis paciscendo extinguuntur actiones civiles*) De delictis privatis, tam quoad damni restitutionem, quam pœnam, naturaliter licita est transactio, adeo ut exinde actio ad implendum promissum, transigentibus rectè detur, nam delinquere quidem non licet, sed postquam delictum de facto est patratum, de obligatione & actione inde orta, ac ad privatum pertinente, perinde licitè conventio initur, ac de aliis juri-  
bus, quæ ex contractibus vel similibus negotiis veniunt. Publico autem tali transactione nullum fieri præjudicium, manifestum est, hinc jus Romanum transigentem reum pro confesso habet, eidemque infamiam irrogat, licet id iterum paulo durum sit, quod transigens statim pro confesso habeatur, cum, æquâ æstimatione, saltem suspectus sit. In genere forte  
notan-

notandum, quod de transactione de delictis, in foris Germaniæ nihil adeò audiatur, quia accusationes privatorum non sunt in usu, propter quas in primis apud Romanos de iis quæsitum fuisse videtur.

## OBSERV. LXXIII.

*Transactio inter transigentes non minorem auctoritatem habet lit. E.* ) Juxta mensuram consensus serio dati, transactionem servari jubet lex naturalis, adeo ut nec Princeps jus quæsitum auferre queat, quæ omnia cum similibus, generalia ac omnibus hominibus communia sunt. Frustra porro *AUTOR* distingvit *modum*, quo transactio inita, si ad usum modernum respicias, nam ad perfectionem transactionis nihil nisi consensus requiritur, ceu *observ. 88.* diximus. hinc eo dato, pœnitentia quoque cessabit, nec habebit locum condictio causa data causa non secuta, quæ omnia in loco proprio, ubi de Contractibus innominatis agendum erit, pluribus confirmabimus. Dispositio autem, quæ à transactione jurata resilientem punit in *l. 41. C. h. t.* est Romana, cujus usus in dubio asserti posse videtur.

## OBSERV. LXXIV.

*Infirmatur transactio lit. C.* ) Transactio valida naturaliter rescinditur mutuo dissensu, fieri autem impeditur metu, dolo & errore, efficaci scilicet, qui committitur in iis, quæ ad negotium pertinent, qualia sunt instrumentorum, ex quib9 transigitur, *veritas*, & in causa publica, *presentia*, non autem *rerum præstandarum æqualitas*, hinc ob enormē læsionem non rescinditur *d. lit. C.* quamvis non plane improbabilis sit sententia altera, quæ in transactione æqualitatem rerum aliquo

mo-

modo requirit, hinc legis positivæ interpretationi multum hic tribuendum, cætera sunt Juris Gentium.

LIB. III. TIT. I.  
DE POSTULANDO.

OBSERV. LXXV.

**D***icuntur Advocati*) An munus postulandi cum munere Advocatorum modernorum conveniat, id criticis indagandum relinquimus, illud certum, quod Advocatus sit persona moralis, cujus conceptum, sine adminiculo Juris Romani, ex communibus principiis, omnes homines formare sibi possunt, & differt Advocatus à Procuratore, *vid. EKH. ad ff. h.* licet hæc duo munera in eadem persona sæpe concurrant.

OBSERV. LXXVI.

*Recipiuntur lit. C.*) Munus advocati vel *consensu publico*, juxta statuta cujusvis Judicii, vel *privato*, conventionem scilicet privata, alicui defertur, & hæc quidem publicam constitutionem aliquando præsupponit, aliquando non. Quæ omnia à principiis communibus dependent, nec adeo præcise à Romanis repeti debent.

OBSERV. LXXVII.

*Advocare possunt lit. S.*) Naturaliter ad hoc munus quivis habilis est, qui Jura satis intelligit. Cæterum cum hæcabilitas in sensus non incurrat, hinc modus eam explorandi peculiaribus legibus positivis constitui solet. Præterea varia quoad sexum, religionem aliæque illæ requirunt *lit. S.* quorum adeo intuitu leges Romanæ usum subsidiarium præbent, *add. BERGER, Resolut. h. qu. 2.*

## OBSERV. LXXVIII.

*Non etiam famosi latronis lit. O.*) Advocatos in quavis causa patrocinium suum posse præstare, modo bona fide versentur, certum est, ac ex communibus principiis dependet, sicut etiam ex imperio civili est, quod ad munus suscipiendum cogi queant. Coactio tamen illa cessat intuitu famosi latronis, & causæ, quam sciunt injustam, sic enim *AUTOR* explicandus videtur, nam alias, salva conscientia, etiam in his patrocinium præstare posse Advocatos, modo nihil dolose agant, sed jura, qualia qualia sunt, deducant, dubium non videtur. Quod si verò quis vel scrupulo conscientiæ, vel alia causa permotus, causæ ejusmodi adesse velit, tum invitum cogere, nimis durum foret.

## OBSERV. LXXIX.

*Advocati præstent officium lit. O.*) Interposita inter Advocatum & Clientem conventionem, utriusque officium jure naturali constituitur. Ille enim obligatur ad causam fideliter agendam, si secus faciat, tum ex lege naturali damnum resarcire debet, ac insuper lege positiva punitur, quod specialius *AUTOR d. lit. O.* declarat. Hic autem, nempe Clientis, ad promissum honorarium exsolvendum obstringitur, ubi tamen nonnunquam incertum, quid actum sit, quæ voluntatis quæstiones juxta regulas interpretandi decidi debent, quod si certa legis positivæ interpretatio adsit, negligenda illa non est. Poterit de cætero Advocatus sibi *retinendo & agendo* prospicere, nec hodie de actionum nominibus valde laborandum est. Quæ omnia à Romanis confirmata sunt *lit. E.* solet insuper intuitu honorarii illius aliquando quid disponere lex positiva, v. gr. quod cedat peculio castrensis, aut quod

quod in concursu Creditorum privilegium Advocatus habeat, quale tamen *ALLTOR* recte negat *d. lit. E.*

## OBSERV. LXXX.

*Nec salarii nomine aliquid exigunt. si in propria causa expensas adversarius condemnatus sit lit. E.)* In Camera Imperiali id observari testatur *CARPZOV. d. l.* forte & alibi sententia ista obtinet, hinc solent Advocati in propria causa alium Advocatum (nonnunquam fortassis solum dicis gratia) assumere, quo hac ratione ab adversario, in expensas condemnato, salarium Advocati quoque consequantur. Si juxta æquitatem hæc res decidenda foret, tum salarium ipsi Advocato in propria causa adjudicandum esset, nam operæ non minus, quam res, æstimabiles sunt, hinc præfitarum æstimatio perinde recte petitur, ac impensarum factarum restitutio. *Ex l. 28. locat.* quam *ALLTOR* pro se allegat, ne quidem fidiculis adhibitis argumentum aliquod idoneum erui potest.

## TIT. II.

## DE HIS, QUI NOTANTUR INFAMIA.

## OBSERV. LXXXI.

*Infamia*) Præsupponit Existimationem, de cujus indole & varietate *vid. PUFEND. de I. N. G. l. 8. c. 4. §. 1.* Hujus loci est existimatio simplex, quæ quis pro homine probò habetur ac aptus est ad consequendam dignitatem aliaque jura in societate civili occurrentia. Hujus existimationis privatio, in genere dicitur Infamia.

## OBSERV. LXXXII.

*Juris infamia*) Est species pœnæ, dum ob delictum

etum lege positiva existimatio alicui ita auferitur, ut, emendato licet vitæ genere, macula tamen semper maneat, cujus *requisita, subjectum, effectum & contraria* AUTOR recenset, quæ passim interpretes explicant. Cæterum sicut in infamia tam irroganda, quam tollenda aut impedienda fortassis non ubique prudenter versati sunt Romani, ita in universum, infamia juris, quatenus viventibus imponitur, absurdum pœnæ genus censeretur debet, neque enim delinquentes emendat, qui legitimus omnium pœnarum, viventibus imponendarum, est scopus, sed ad majora potius facinora patranda disponit.

2. Ex quo sequitur, quod merito illa pœna usum habere non debeat. Quousque tamen illa revera in usu sit, id ex observantia Regionum erit dijudicandum. Pœnam infamiæ in Frisia, maxime quoad injuriam, licet atrocem, non observari, contra *HERBAJUM & SANDIUM* testatur *HUBER. in Ennom. ad l. 1. de his, qui not. infam. n. 2. p. 135.* Contrarium de Saxonica asserit *CARPZOV. Pr. Crim. p. 2. qu. 94. n. 69.* sed cum magis ex abstracta juris ratione, quam usu hominum loqui, ex *p. 3. qu. 135. n. 52.* putat *HUBER. d. l.* adducens insuper sententiam *SCOTANI*, hodie non tam facile ad infamiam procedi existimantis.

#### OBSE RV. LXXXIII.

*Facti infamia*) Hæc est nuda probitatis & hinc ortæ existimationis privatio (secus ac infamia juris, quæ maculam positivam velut inurit) hinc etiam emendato vitæ genere, ultro expirat, non secus ac adveniente sole, tenebræ cessant. Effectus omnis hujus infamiæ est, quod homines probi ejusmodi infames avertentur, ac cum iis circumspecte agant. Quod autē ejus-

eiusmodi infamibus dignitas negetur, ceterique effectus, quos *AUTOR* lit. E. recenset, hanc infamiam sequantur, id penitus falsum existimo, hæc enim aperte sibi contradicunt: *infamia facti sine imperii civilis notatione existit, & tamen habet effectus, qui ab imperio civili dependent.* Sola delicta & sententia hominum privata, neminem ad dignitates aliaque ejus generis, faciunt inhabilem, sed hic effectus à decreto Imperantis est. Imo tantum abest, ut infamia facti tollat dignitates, ut potius ejusmodi infames sæpe maximis in societate civili fruantur honoribus. Textus, quos *AUTOR* adducit, de *infamia juris* loquuntur, certe alium sensum bonis rationibus nemo iis tribuet.

## OBSERV. LXXXIV.

*Levis nota macula* ). Est ineptitudo ad consequendas dignitates aliaque jura præstantiora, ex sordido vitæ genere, vel infelici nativitate proveniens. Non est infamia neque juris, neque facti, ceu male existimat *ARNISÆUS* relatus *ISINGIO* de promot. honor. c. 4. n. 120. nullum enim præsupponit delictum, cum infamia juris tamen in eo convenit, quod sicut illa ob delictum, ita hæc ob sordidum vitæ genus, vel infelicem nativitatem, volente lege, quem faciat inhabilem ad dignitatem similiaque jura consequenda. Ex quo etiam liquet, quod macula illa fortassis non inique imponatur, nec enim citra delictum, pro probrosis, hi homines habentur, sed saltem aditus ad quædam jura ipsis negatur, quod aliis etiam in casibus evenire solet, qui tamen ab omni iniquitate vulgò absolvuntur. Quod si tamen homines magis essent sociales & minus superbi, forsitan levis notæ macula non adeo esset cognita.



TIT. III.  
DE PROCURATORIBUS ET  
DEFENSORIBUS.

## OBSERV. LXXXV.

*Procurator*) notat personam moralem, i. e. personam cum certo aliquo jure & obligatione spectatam, cujus adeo conceptum tam in genere, quam in specie, juxta varias circumstantias, sine juris Romani auxilio, nobis formare possumus, hinc definitio & divisiones hic allatae, non Romanae, sed omnibus hominibus communes censi debent. Hoc loco præcipuè de Procuratoribus judicialibus agitur, ad *titulum* vero *Mandati* tractatio generalis instituitur.

## OBSERV. LXXXVI.

*Constituuntur mandato lit. E.*) Constitutio Procuratoris judicialis fit quidem *mutuo consensu*, quod naturale est, sed *modus* lege positiva determinatur ac sanctione poenali munitur, ceu *AUTOR lit. C.* explicat. Uti autem hæc res dubio procul ex peculiaribus Judiciorum Ordinationibus præcipuè discenda est, ita Jus Romanum in subsidium hic adhiberi poterit, *conf. BERGER. Resolut. b.*

## OBSERV. LXXXVII.

*Observetur stitus curiae illius, ubi Procurator datur lit. C.*) hinc v. gr. Procurator in Saxonia constitutus etiam in Electoratu Brandenburgico recte agat, licet forte in hoc alius constituendi modus obtineat. Ita quidem secure Dd. pronunciant, sed non satis convenienter imperio civili, quare præcedens sententia non aliter locum habebit, quam si Dominus Territorii alterius leges ultro admiserit.

OB-

## OBSERV. LXXXVIII.

*Constituunt Procuratores lit. S.)* In personis constituentibus naturaliter requiritur (1) ut jus, intuitu cuius procurator constituendus, ad eas pertineat, vel saltem ex consensu domini de eo disponere illæ possint, *lit. S. n. 1.* circa quem domini consensum explicandum magnas partes habet Jus positivum. Sic juxta leges Romanas, Tutores ante L. C. saltem constituunt actores; Videtur tamen illa Legislatio non tam ad rem, quam nomen pertinere, ut mirum sit, quare augustum Judicium Camerale in causa illustri, tam anxie eam observandam existimaverit teste *MYNSINGERO d. l.* Amplius procurator alium constituere nequit jure civili, nisi post litem contestatam, & in Saxonia non aliter, quam si facultatem substituendi habeat, *vid. BERGER resolut. h. p. 87.* (2) ut usu rationis gaudeant *lit. S. n. 2. h.* ex quo libertas constituendi tamdiu præsumitur, donec restrictio legis positivæ occurrat, quæ quidem ex æquitate, quoad personas Judicii imbecillioris, in earum favorem fieri solet, *d. lit. S. n. 3. b.*

## OBSERV. LXXXIX.

*Constitui possunt omnes lit. P.)* In personis constituendis naturaliter requiritur usus rationis & aptitudo negotium committendum peragendi, in quibus igitur horum defectus occurrit, illi naturaliter impediuntur, cætera ex lege civili sunt. Interim quæstiones, *lit. P.* propositæ, hodie videntur esse otiosæ, si de procuratoribus judicialibus, quod Tituli hujus scopus exigit, accipiantur, vel enim *certi procuratores in judiciis sunt*, & tum cæteri omnes, licet alias satis habiles, excluduntur, *vel non sunt*, tum nemini, nisi qui Advocatus simul esse queat, munus procuratoris defertur.

## OBSERV. LXXXX.

*Ad aliena negotia lit. O.*) Naturaliter *quavis jura* per procuratorem explicare, ac contra aliorum impetitionem *se defendere*, nec non *quasvis obligationes*, exceptis iis quæ corpus affligunt, per alium explere licet, sed lex positiva illam libertatem restringere aliquando solet quoad actus majoris momenti, v. gr. Juramenta & causas criminales ac matrimoniales *lit. O.* Porro juxta libertatem naturalem vel *specialiter* instruere possumus procuratorem, vel *generali consensu defungi*, sed iterum lex positiva subinde quoad certa negotia specialem consensum postulat *lit. O.* qua in re Jus Romanum usum habet subsidiarium.

## OBSERV. LXXXXI.

*Procurator loco domini negotia gerit. lit. E.*) Inter Dominum & procuratorem ex negotio mandati reciproco obligatio jure naturali constituitur, quæ ad *Tit. Mandati* expendi solet. Hoc loco officium Procuratoris, intuitu litis, saltem proponitur, quod itidem naturale est, ac perspicue ita explicari potest: (1) *Procurator juxta fidem datam mandatum debet exequi*, adeoque etiam Dominum defendere, post sententiam appellare & ita porro. Hac de re judicandum ex consuetudine cujusvis Judicii, nec hodie defensio & appollatio erit necessaria. Quicquid autem ita gerit procurator, illud naturaliter utrique quidem, principaliter tamen Domino imputatur. Quod igitur post litem contestatam, procurator fiat dominus litis, totus processus in eum dirigatur, actiones utiles Domino acquirat *lit. E.* id ad subtilitates Romanorum judiciarias pertinet, quarum non magnus usus hodie esse videtur.

2. Quic-

2. Quicquid (2) *Procurator extra mandatum gerit*, v. gr. si sine illo transigat, solutionem acceptet &c. *illud domino non imputatur d. lit. E.* si vero (3) *negligens sit, domino ad interesse tenetur, negligentia vero, qua v. gr. fatalia non observavit, domino nocet ejusque adversario prodest.* Videtur enim dominus, intuitu adversarii sui, in negligentiam procuratoris consensisse, dum homini negligenti negotia commisit. Quia tamen hic consensus non usque adeo liquidus est, hinc non iniquum est, soli procuratori negligentiam imputare. Sic in Tribunali Wismariensi negligentia circa fatalia commissa non nocet Domino, sed saltem punitur, *vid. MEV. p. 5. D. 207. add. BERGER in Resolut. b. qu. 2. & sane minime sunt æqualia, damnum ex oscitantia procuratoris non pati, ac: ambiguo sumtuosoque processu ejus pensationem ab eodem exigere.*

## OBSERV. LXXXII.

*Finitur procuratoris potestas lit. D.)* Sicut mutuo consensu potestas hæc constituitur, ita eodem medio etiam tollitur. Naturaliter igitur cessat (1) ob *mutuum dissensum*, nec opus erit hodie consensu adversarii, de quo *ALLTOR* in *parenthesi*, quia ista necessitas fluebat ex apicibus processus Romani, (2) ob *dissensum unius re integra*, hoc enim natura negotii indulget, (3) *morte domini*, indicat enim defectum consensus, sed in judicialibus hic durat, non ob litem contestatam, uti de jure civili, sed ob expressum mandatum, hinc *ALLTOR*, dum ista recenset, fallaciam causæ committit. Si tamen principalis ipse litem egerit & mortuus fuerit, tum hæredem expresse litem reassumere debere censet *DN. BERGER b. p. 92.* quia necessitatem re-

assumendi, eo saltem casu, R. f. 1654. aliæque ordinationes provinciales, cum secutæ, remittant, quo per Procuratorem actum est. Posset tamen heic opponi rationis paritas, cum enim in casu litis, per Procuratorem actæ, reassumptio cesset, non aliam ab causam, quam quia mandatum de hæredibus conceptum ipsisque adeo necessitas processum continuandi voluntate defuncti injuncta erat, hæc vero ratio altero casu, ubi Principalis ipse litem tractavit, etiam locum habeat, hinc & hoc reassumendi necessitas cessabit, (4) *morte procuratoris*, nam & hæc defectum consensus indicat plerumque, cum persona sit electa.

## OBSERV. LXXXIII.

*Defensor*) Speciale erat de Jure Romano, quod quis sine mandato alium defendere posset, modo certas cautiones præstaret. Sed illa Romana in plerisque Judiciis Germaniæ hodie cessabunt, in foro Saxonico certe cessant, ubi tam actoris, quam rei procurator mandato instructus esse debet, nec cum cautionibus heic memoratis admittitur.

## TIT. IV.

QUOD CUJUS UNIVERSITATIS  
NOMINE VEL CONTRA  
EAM AGATUR.

## OBSERV. LXXXIV.

*Universitates*) Cum in Jurisprudencia jura hominibus competentia explicentur, hinc manifestum est, quod illa nihil ferè nisi personas morales, i. e. personas physicas cum aliquo jure spectatas, consideret, harum ergo conditio jura tractantibus debet esse cognitissima.

Sunt

Sunt autem vel *singulares*, ut Advocatus, Procurator, Dominus &c. vel *compositæ*, quando plures personæ physicae, certi juris gratia, consociantur. Ad hanc classẽ pertinet etiam *Universitas*, quam *AUTOR* nimis generaliter describit. Ex sententia *HUBERI* in *posit. b.* est *multitudo hominum certo sub regimine, permissu summae potestatis, communis commodi ergo, consociata*, quam pluribus ille deinceps explicat.

OBSERV. XCV.

*Syndicus* ) Ad exemplum aliorum hominum, etiam Universitas proprias res ac jura habet, ac varios actus in vita civili occurrere solitos suscipit. Sicut autem personæ singulares, prout visum fuit, vel immediate vel mediate agunt, ita Universitates, ob propriam sui conditionem, per alios regulariter agere debent, quos *Syndicos* dici moris est, horum igitur indolem & constitutionem *AUTOR* *lit. C. S. P. O.* adducit. Et constitutio quidem sine dubio naturalis est, quia mutuo consensu Universitatis & Syndici peragitur. Interim statuta positiva, quæ vel necessitatem hoc munus suscipiendi inferant, vel modum determinent, aut voluntatem constituentium recte explicant, similiaque definiant, intercurrere possunt, hinc Juri Romano in subsidium quoque hic locus erit. Denique officium tam Syndici, quam Universitatis, ejusque duratio, de quibus *lit. E.* ex principiis naturalibus dependet, juxta ea, quæ *observ. 91. 92.* diximus.

TIT. V.

DE NEGOTIIS GESTIS.

OBSERV. XCVI.

*Negotiorum gestio* ) Naturali æstimatione est tale negotium, quo quis amici negotia ex sola amicitia, sine

*sine illius mandato, utiliter gerit.* Atque juxta hanc nativam faciem, satis etiam habile est, ad obligationem reciprocam producendam. Gestor enim ex *suo facto* obligatur, dominus verò ex *accepta utilitate*, hanc enim nisi rependeret, tum alterum læderet, quod jus naturæ prohibet. Romani ex falsa, ut videtur, hypothese, quasi nulla obligatio efficax sine consensu mutuo oriri queat, negotiorum gestioni imaginem contractus affinxerunt, hinc illa dicitur *Quasi contractus lit. D.* sollicitudine & denominatione plane supervacanea.

## OBSERV. XCVII.

*Gerunt, qui non impediuntur lit. S.)* In gerentibus usus rationis requiritur hætenus, ut ad relarciendum damnum aliàs gerentes obstringi nequeat, cum enim ad hoc ex suo facto voluntario obligentur, obligatio illa necessario cessabit, si gerens usum rationis non habuerit, tum enim & gestio, & damnum fuerunt fortuita. Ut autem quis ex gestione, ad res, quas penes se habet, reddendas obligetur, aut etiam Dominus ei ad impensas refundendas obstringatur, ad hoc usus rationis non est in gerente necessarius, hinc si v. gr. pupillus aut furiosus negotia gesserint, ad damnum quidem refarciendum non erunt obligati, quin tamen res domino reddere teneantur, ac impensas utiliter factas recuperare queant, dubium non est, nam lex naturalis, sine voluntate prævia, has obligationes introducit, *add. l. 3. §. 4. b. t.*

## OBSERV. XCVIII.

*Nec prohibentur d. lit. S.)* Si prohibitio impedimentum naturale præsupponat, ut in furiosis & pupillis, tum assertio bene se habet, sed si simplex sit, tum  
falsa

falsa est, & male omnino *impediti* ac *prohibiti* conjunguntur; fac mulierem aut prodigum (qui aliàs solitarie pacisci prohibentur) aliena gerere negotia, ac damnum dare; ad hoc resarciendum utique tenebuntur, quia sua voluntate nocuerunt, secus ac illi, quibus usus rationis deest, ex quo disparitatis ratio etiam satis elucet. Nihil etiam domino imputari potest, sicut in contractibus, cum personis ejusmodi initis, nam hic, domino ignorante, sese negotiis ejus immiscuerunt.

## OBSERV. XCIX.

*Modo hoc faciant animo inducenda obligationis d. lit. S.)* Ratione *gestoris obligati* hoc non præcipiendum, quia animus ex ipso gestione facta satis apparet, pertinet ergo ad *dominum obligandum*, ut enim hic obstringatur, in gerente animus obligandi requiritur, nam alias si donandi animo ad aliena negotia accedat, impensas factas non recuperabit.

## OBSERV. C.

*Geruntur omnium lit. P.)* Ratio est, quia obligatio hic sine consensu, ob acceptam utilitatem, lege naturali introducitur, hinc eos quoque afficit, qui consentire non possunt. Et obligantur quidem personæ hæc inhabiles, mero jure naturali, *simpliciter ex utili gestione*, postquam enim gestor aliquid impendit, adeoque utilitatem personis illis attulit, tum ad ejus pensionem obligantur, quia secus faciendo gestorem læderent, & licet casus emolumentum collatum auferat, obligatio tamen manebit, quia damnum fatale est, gestor autem utilitatem cum suo damno revera contulit. Positivum ergo est, quod pupillus saltem teneatur, *si locupletior factus lit. P.* quod velut speciale,

ad



ad alias personas inhabiles non esse extendendum, recte admonet *EKHOLT b. §. 4.*

## OBSERV. CI.

*Negotia aliena lit. O.*) Negotiorum gestio versatur circa negotia (1) aliena, (2) quæ gerens talia scit, eademque (3) bona fide ac utiliter, citra (4) præviam necessitatem arctiorem, ex sola humanitate gerit *lit. O fr.* in quibus æstimandis Romani nonnunquam fuerunt nimis rigidi, sed cum omnis ille rigor ad diversa actionum nomina pertinuerit, ejus non magna hodie videtur esse habenda ratio. Inprimis otiosum videtur, scientiam præcise requirere, ac ei, qui negotia aliena, tanquam sua, ignorans gessit, actionem N. G. negare, nam talis errans duplicem habet intentionem, & sua, & si sciret, aliena negotia gerendi, hinc etiam ipsi Romani commentum suum, simili commento mox eluserunt, data actione N. G. utili.

## OBSERV. CII.

*Inde nascitur mutua obligatio lit. E.*) Officium Gestoris juxta Jus naturale est, (1) ut rationem reddat, (2) residua inferat, ac (3) damna voluntario data resarciat, pro damno autem interceptio lucri quoque habetur, nam ad hæc omnia ex suo facto teneri Gestorem, recta ratio facile ostendit, hinc Romanis hæcenus nihil debetur. De qua tamen culpa gestor teneatur, anceps inter interpretes est quæstio, *vid. EKHOLT b. §. 8.* Cæterum uti fortassis hæc res magis in scholis, quam foro auditur, cum in vita civili plerumq; non tam de gradu culpæ, quam ejus existentia, seu an in universum aliqua culpa commissa sit? quæri soleat, ita, si omnino aliquid hæc dicendum sit, putarem distinguendum esse juxta æquitatem naturalem,

an gestor nullam attulerit utilitatem? hoc casu omnem culpam merito præstat, cum enim Dominus, utpote ignorans, in nullam consenserit, omnis præstanda erit, cum hic eadem ratio sit, quæ in casu damni injuria dati, ubi culpam etiam levissimam præstandam esse, recte Romani agnoverunt in *l. 44. ad L. aquil.* an aliquam attulerit? tum dominus, in vicem velut gratitudinis, minimam culpam negligere, nec eo nomine rationem poscere debet, sed gestor saltem de levi, imo si beneficium majus fuerit, tantum de lata tenebitur, quod *AUTOR ex l. 3. §. 9. b.* notat, quod si tamen alius, citra compensationem humanitatis exhibita, gerere negotia voluerit, sed ob alterius interventum abstinuerit, tum gestor ad levissimam quoque erit obligatus. Juxta quam æquitatem Jus Romanum commode etiam accipi posse videtur. De casu non tenebitur, nisi culpa præcesserit, quo pertinet *l. 6. §. 3. l. ii. b. f.*

## OBSERV. CIII.

*Dominus negotii d. lit. E.)* Hic Gestorem debet indemnem servare ex lege naturali, nec opus est asserendæ obligationi, cum Romanis fingere vel præsumere ejus consensum, nam *allata utilitas* ad hoc sufficit, nisi enim hanc dominus rependeret, tum cum alterius damno vellet fieri locupletior, quod legibus naturalibus prohibitum, manet autem illa obligatio, licet collatam utilitatem casus interceperit, hunc enim gestor impedire non potuit, & nimis inhumanum fuerit, ab ejusmodi eventibus obligationem velle suspendere. Quod si uterque suo officio ultro non satisfaciat, *actione* cogitur, cujus nomina, juxta usum Juris Romani, *AUTOR* indicat *lit. D.* quæ hodie non ne-

*cessaria, sed arbitraria sunt. De lectione & sensu l. 47. b. t. autem, videtis ea, quæ contra censores admonuit HUBER. in Eunomia ad d. l. 47.*

## TIT. VI.

## DE CALUMNIATORIBUS.

## OBSERV. CIV.

*Calumniatores*) Hi dubio procul ex delicto suo naturaliter ad resarciendum damnum sunt obligati, præterea verò jure Romano puniuntur, de quo multa dicere non attinet, nam pœna illa Romana probabiliter in Germania usum non habet, non quod sit abrogata, sed potius quod nunquam sit recepta, id quod ex *constanti non usu*, qui positivam rejectionem omninò involvere videtur, satis liquet, nec possunt commode ejusmodi pœnæ adhiberi, plerumque enim homines inopia moventur ad hæc & similia delicta patranda, adeoque pœnam pecuniariam graviolem solvere nequeunt.

## LIB. IV. TIT. I.

## DE RESTITUTIONE IN INTEGRUM.

## OBSERV. CV.

*Restitutio in integrum*) Seposito jure Romano, duo sunt, quæ vim legum temperant, *dispensatio & Interpretatio*, quos diversis plane regulis niti, manifestum est, illa enim casum sub lege comprehensum, eximit pro autoritate, hæc eum nunquam sub lege fuisse comprehensum ostendit, illa fit à Legislatore, non verò à Magistratibus inferioribus, nisi illius permissu, hanc vero Magistratus & interpretes facere debent,  
potest

potest etiam eadem à Legislatore ipso vel in ipsa lege, vel ex postfacto fieri.

2. Ulterius quoad Interpretationem, nihil interest siue fiat ab ipsa lege, dum v. gr. quosdam casus à sua dispositione diserte illa excipit, siue fiat juxta legis mentem, à Judice & Interprete, nam hujus rei, mero jure naturali, idem videtur esse effectus eademque duratio. Hinc juxta æquitatis naturalis philosophiam, *ipsum jus & juris interpretatio* non differunt, & perinde est, utrum dicas v. gr. actum metu initum esse ipso jure nullum, an mediante genuina legis interpretatione enervandum.

3. His præsuppositis, Restitutio in integrum rectius explicari posse videtur. Scilicet *Restitutio gratia* satis apertè *species dispensationis*, adeoque non Romana, sed juris Gentium est. *Restitutio verò justitiæ*, fori Romani videtur inventum, nam sub hoc nomine revera conflatur *Dispensatio & interpretatio doctrinalis*, ac utraque ita conflata, opponitur interpretationi *legali*, seu *ei, quod sit ipso jure*, ita quidem, ut inter *restitutionem & ipsius juris auxilium* multum intersit, si *effectum & durationem* spectes, id quod sane speciale est, nec facile extra forum Romanum, apud alias Gentes reperietur.

4. Redolere autem istud Restitutionis inventum corruptionem fori Romani, satis quidem videtur liquidum. Nam (1) ista dispensationis & interpretationis commixtio Judicibus præbet occasionem involandi in jura summorum Imperantium; (2) interpretatio, restitutionis nomine malè involvitur, nam inde nihil nisi ambages oriuntur, dum summum aliquod ius, actusque iuxta illud validitatem, nec non

ejus rescissionem adstruere debemus, cum tamen sine isto circuitu planior omnis res sit, si actum ex sententia legis non valere contendas; (3) discrimen restitutionis & ipsius juris, non alio fine videtur excogitatum, quam ut homines eo magis irretiri ac lites multiplicari possent.

5. Merito igitur hac in parte Jurisprudentiæ succurrendum esset ea ratione, ut *dispensatio & interpretatio* separarentur, ac unaquæque subiecto habili relinqueretur, restitutionis in integrum nomine, vel plane expuncto, vel ad solam dispensationem relato. Postea interpretatio *doctrinalis & legalis* seu ipsum *jura* exaquantia, quoad effectum & durationem, forent. Sic auferetur occasio Magistratibus, restitutionis prætextu, leges latas eludendi, major erit hac in parte certitudo, nec ingenia discentium ambigua & inficeta doctrina corrumpentur. Interim Romana illa in Germania ex parte obtinent, ex parte cessant, ceu ex sequentibus magis apparebit.

#### OBSE RV. CVI.

*Est auxilium Pretoris extraordinarium lit. D.)* Ut *dispensatio & interpretatio* plane differunt, ita licet à Romanis, sub nomine restitutionis in integrum, sint compacta, discrimen tamen earum ideo tolli non potuit, sed ipsa restitutio diversam habet faciem, prout vel ad dispensationem vel interpretationem propius accedit. Hinc licet juxta apices juris Romani, in genere illa dicatur *Remedium extraordinarium*, certum tamen est, quod id nominis magis mereatur, si de lege dispenset, quam si eam interpretetur, hinc contra lapsus fatalium Minori restitutionem in integrum non elective, sed in subsidium saltem concedi, ex l. 13. §. *fin.*

*fin. C. de judic.* admonet *Dn. BERGER. in resolut. b.* nam restitutio talis sat apertè dispensationem re-  
dolet.

## OBSERV. CVII.

*Introducitur à Pratore lit. C.* ) Verum hoc est, si restitutionem cum peculiari sua forma, quam *observ. 105. n. 3. 4. 5.* delineavimus, consideres, nam aliàs dispensationem & interpretationem, ex quibus illa conflata est, à Prætoris Romani provisione non dependere, sed omnibus gentibus esse communes, satis patet.

## OBSERV. CVIII.

*Conceditur à Magistratu majori lit. C.* ) Admitti hoc debet, si restitutio ad dispensationem magis accedat, nam si interpretationi fuit propinquior, etiam Magistratus minor ejus peragendæ jus habuit, hinc dubium non est, quin Magistratus municipalis & judex pedaneus, de negotio coacto vel dolofo cognoscere potuerint, quare etiam Prætor, quando de restitutione doctrinali agit, se *judicium esse daturum* profitetur *l. 1. §. 1. de dol. sed animadversurum*, quando de authentica ipsi sermo est, *l. 1. §. 1. de minor.* ista enim nota Prætoris & Judicis potestatem distingui monet *HILLIG. ad Donell. l. 21. c. 4. lit. a.* nec obstat, quod restitutio sit remedium extraordinarium, adeoque Judicem pedaneum admittere non videatur, nam ita dicitur non ratione *processus*, sed *juris civilis*.

## OBSERV. CIX.

*Hodie omnes restituunt d. lit. C.* ) Observata tamen restitutionis differentia, nam si eadem dispensationis rationem habeat, ut si contra elapsum fatale, aut totum processum illa sit concedenda, tum Magistratus subalterni eam merito omittere debent, nisi forte casus

sus in jure civili sint expressi, horum enim intuitu facultas restituendi videtur esse concessa.

## OBSERV. CX.

*Ob causam metus*) Juxta duplicem illam restitutionis faciem pleraque, quæ sequuntur, sunt intelligenda; Nam si *causas* spectes, facilius habet locum restitutio, quæ interpretatur, quam quæ dispensat, porro quoad *modum petendi*, aliquid interest, nam pro obtinenda dispensatione authentica, plerumq; peculiaris imploratio institui solet, aut interpretationem seu restitutionem doctrinalem incidenter petere & obtinere licet. Quoad *Personas*, de quibus *lit. S. P.* discrimen illud forte non adeò observandum, sed intuitu *negotiorum*, de quibus *lit. O.* id iterum se exserit, nam validiora sunt negotia, quæ per dispensationem, quam quæ per interpretationem rescinduntur, & quis dubitet, præscriptionem juxta omnia requisita contra absentem completam, esse validiorem promissione coacta? hæc enim aliaque ejus generis negotia, revera saltem à Romanis valida putantur, & *summum jus*, quod hic in ore habent, summa est injuria, vel otiosum fori Romani commentum.

## OBSERV. CXI.

*Non etiam contra Parentes*) Non de quavis restitutione *d. l. 2.* esse accipiendam, sed saltem de ea, quæ ob lubricum ætatis fieri soleat, hancq; tantum in ea contra ipsos parentes, non verò contra tertium negari, pluribus ostendit *Dn. BERGER.* in peculiar. comment. *ad d. l. 2.* In specie respondet (1) *ad l. 2. si advers. donat.* eam loqui de casu, ubi ex facto paterno contra tertium petatur restitutio; (2) *ad l. 3. §. 7. de minor.* quæ ejusdem est argumenti; (3) *ad l. 2. C. si adv. rem. judic.*

*judic.* nempe ibi dari quidem restitutionem contra Patrem, non tamen contra factum Patris, sed Judicis, i. e. sententiam. Sed (4) in *l. 3. §. 5. de minor.* vestigium juris antiqui, *l. 2. C. qui & adv. quor.* abrogati superesse putat, quod tamen (5) *de l. 3. §. 6. de minor.* & (6) *de l. fin. §. 2. in fin. C. de bon. qua lib.* non dicendum, ad quas facilis est responsio. Juxta hæc adeo exceptio, quam *ex Nov. 115. AUTOR* hic adducit, juxta eundem sensum restrictum, s. de restitutione ob lubricum ætatis, erit quoque accipienda.

## OBSERV. CXII.

*Postulata restitutione lit. E.)* Restitutionis effectus, in genere est, quod actus alicujus susceptio vel amissio alicui non noceat. *AUTORIS* doctrina est particularis, respicitq; præcipue restitutionem Minorum contra contractus, nec non restitutionem, quam imminente executione, condemnatus contra totum processum postulat, quæ omnium maxime ad dispensationem accedit, adeoque Magistratibus subalternis interdicta censi debet. *add. DECIS. SAXON, 15.*

## TIT. II.

## QUOD METUS CAUSA GESTUM ERIT.

## OBSERV. CXIII.

*Ex hac causa restituitur.)* Proponitur hic negotium in se licitum, ad quod gerendum quis vera & iusta vi fuit compulsus *lit. R. n. 1. 2. 3.* ac de ejus valore quaeritur. Nimis autem manifestum est, juxta merum jus naturale, quod actus ejusmodi coactus haut valeat, quamvis enim coacte agens consenserit, ob delictum tamen cogentis, ad excitandam in coacto obligatio-



nem, consensus iste non sufficit. Ex quo consequitur, quod in foro civili coactus rem amissam ex jure antiquo vindicare, vel etiam pro ea conservanda & asserenda, exceptione & replicatione, juxta casuum diversitatem, uti queat. Porro certum est, quod cogens, perinde ut fur vel raptor, ratione rei ablatae teneatur, quodque adeo ex suo delicto, actione personali queat conveniri.

## OBSERV. CXIV.

*Nam qua metu fiunt, regulariter subsistunt d. lit. R. n. 3.)* Romani naturalia illa, quæ modo retuli, quidem admiserunt, sed fori sui tricis eadem fœdarunt, hinc arbitrantur (1) *negotium coactum summo jure valere*, quod *AUTOR* hic refert ac valida satis ratione nititur, sed frustra, esto enim, quod qualis qualis consensus in coacto sit, attamen ad excitandam in eo obligationem non sufficit, cum cogens ob delictum juri acquirendo sit inhabilis, (2) & *restitutione rescindendum esse*, hinc (3) *actio vetus nomen actionis utilis accepit*.

## OBSERV. CXV.

*Actionem quod metus causa*) Delictum cogentis & inde ortam peculiarem obligationem agnoverunt quoque Romani, eoque nomine peculiarem hanc dedere actionem, circa quam tamen etiam positiva interveniunt, quo pertinet (1) *remedium rescindens & rescissorium*, de cujus veritate in neutram partem certo pronunciare licet, cum processus antiquus non sit satis cognitus, (2) quod actio non detur contra hæredes, (3) quod intra annum ad effectum pœnæ consequendæ institui debeat.

2. Jam si quæras, quorsum pertineant illæ ambages Romanæ, aut quid intersit hic, utrum actum metu initum, *ipso jure nullum*, an *restitutione rescindendum* dicas, tum videtur omne discrimen ad processum & pœnam tripli pertinuisse, nam quoad ipsum damnum resarciendum, nihil inter ista discriminis est, restitutio enim in integrum, læso hic electionem tribuit ac perpetua est, perinde ac auxilium ipsius juris. Cum autem nec processus ille antiquus nec pœna tripli in usu sint, sed compellentes, perinde ut raptores, puniri soleant, *vid. CARPZ. Pr. Crimin. p. 2. qu. 90. n. 66.* hinc omnes illæ Romanorum ambages, ac speciatim restitutionis fabula, cessare quoque videntur, ut nihil nisi merum jus naturæ, *Observ. 113.* relatum, quantum ad damni restitutionem, in Germania obtineat. Ista tamen dispositio pœnalis, quam *AUTOR ex l. pen. C. b. t.* adducit, adhuc usum habebit.

## TIT. III.

## DE DOLO MALO.

## OBSERV. CXVI.

*AD restitutionem ex hac secunda causa*) Consideratur hic dolus, quatenus circa contractus aliaque negotia licita occurrit, ac de ejus effectu, negotiorumque illorum valore quæritur. Mero jure naturali distinguendum est, utrum *dolus causam dederit contractui*, an *in eum inciderit*, vel *secutus sit*. Illo casu negotium erit volente læso nullum, adeoque ille exceptione, replicatione & actione, contra decipientem, pro casuum diversitate utetur. Isto sive secundo casu, amplius considerandum erit, quo loco illud, in quo dolus commissus est, à læso fuerit habitum, si enim

fuit principalis contrahendi causa, (ut si quis servum cocum habere velit, & alter per dolum illam qualitatem affirmet) tum contractus quoque erit nullus, sicut in primo casu. Si vero illud non fuerit principalis causa, salvo negotio, ad interesse solum nascetur actio. Tertio vero casu, decipiens ad damnum pensandum erit obligatus, nam de valore negotii heic nulla est quaestio. Omnibus autem istis casibus de actionum nominibus non erit laborandum, cum naturaliter sufficiat, factum apte recensuisse, ac petitionem rite inde formasse.

2. Quod si deceptus, ex negotio invalido, rem suam in alterum transtulerit, tum eam naturaliter ex dominio, quod salvum est, à quovis vindicare poterit, nam actio ejus fuit invita per ignorantiam, adeoque ad effectum amittendi domini ei imputari nequit, maxime cum actio per vim extorta, quæ tamen aliquam in se continet voluntatem, & ideo mixta dici solet, dominium non auferat coactio.

3. Hæc naturalia, quæ simplicissima & maxime perspicua sunt, Romani (1) *ex parte admiserunt, ex parte neglexerunt, ac* (2) *de nominibus actionum, læsa concedendarum, ultra modum fuerunt solliciti.* Sed in Germania, inventa Romanis propria ferè negligia ac merum jus naturæ observari existimo, ut Romanis nihil nisi materiæ planissimæ corruptionem, ac inficeta præjudicia debere videamur. Interim ista bonorum malorumque commixtio efficit, ut plerique de usu hujus Tituli recte judicare nequeant, sed debebant illi meminisse, quod bona, quæ hic occurrunt, sine Romanis haberi queant, mala vero ab his unice sint. Verum de hoc paulo specialius videndum erit.

## OBSERV. CXVII.

*Atque contractum bonæ fidei ipso jure reddit nullum* (fig. †.) Primo igitur videndum, in quantum Romani in æstimando dolo, à simplicitate naturali defecerint necne. Præsupposita Terminorum explicatione, de qua *AUTOR n. r. b. add. DONELL. C. j. C. l. 15. c. 40. lit. D. seqq. ibique Hillig.* dolus, qui causam dat, contractum bonæ fidei facit ipso jure nullum, (hoc naturale) sed contractus stricti juris subsistit, at rescinditur, (hæ sunt ambages fori Romani) Eas verò non observari puto; nam primo hoc discrimen non tam certo jure civili, quam antiquorum glossatorum, Ultramontanorum & Citramontanorum, disputationibus potius est introductum, sed fac, niti illud certo jure civili pertinuit tamen unicè ad antiquum processum formularium, nam alias, quoad damni restitutionem, inter *ipsum jus, & rescissionem*, nulla hic est differentia, utrumque enim remedium & plenissime læso prospicit, & perpetuum est. Jam cum processus ille in Germania sit incognitus, etiam consuetudinaria cessabunt!

## OBSERV. CXVIII.

*Rei quoque ex tali causa à Domino tradita, dominium transfertur in accipientem*) Mirum sit, si ex contractu ipso jure nullo transferatur dominium! Hoc sane (1) *non est naturale*, quomodo enim sine suo consensu dominus amitteret naturaliter dominium? forte nec id (2) *jure Romano constitutum*, nam l. 3. §. 8. de *condict. c. d. c. n. f. & tot. tit. de condict. indebit.* loquuntur de errore simplici, ex eoque translationem domini fieri docent, sed ab hoc ad errorem, dolo elicitum N. V. C. l. 7. de *dol. Et l. 3. C. si adv. libert.* agunt de datione libertatis, à qua iterum

ad quosvis contractus inferre non licet, cum illius intuitu multa singularia esse admissa, notum sit. Tandem *L. 10. C. de rescind. vendit.* loquitur de læsione modica, quare nec exinde regula generalis potest constitui. Atque hanc sententiam, quod jure civili dominium ex contractu nullo non transferatur, novissime defendit *JOH. VOET. in Commentar. ad ff. b. t. n. 3.* cuius pars prior 1698. *Lugduni Batavorum* prodit. Quodsi tamen quis ita jure civili, prout Autor præcipit, constitutum esse pertendat, tum (3) *dispositio inepta* videtur, cum enim in casu vis illatæ, vindicationem intuitu tertii possessoris concedant Romani, cur non etiam, si dolus intervenerit, inprimis cum illa actionem saltem faciat mixtam, hic invitam! hinc (4) forte *etiam non recepta*, quod praxis confirmat, intuitu Belgii, apud *VOET. d. l.* quoad alias regiones, apud *CARPZOV. p. 1. C. 28. D. 18. 19. RICHTER. Decis. 87. n. 8. 9. 10.* imo ipsum *ALTOREM* infra de *A. E. V. lit. E. p. m. 584.*

## OBSERV. CXIX.

*Et dolum incidentem, quo sponte contrahens, in re vel modo contrahendi decipitur*) Ob hunc dolum, Romani contractum nullum aut rescindendum non putarunt, sed actionem saltem ad interesse dederunt, forte ideo, quod, cum quis liquida animi destinatione ad contrahendum accesserit, dolus incidens consensum quoad ipsum contractum exclusisse non videatur, id quod praxi etiam servari testatur *RICHTER d. L. n. 18.* ego tamen mentem læsi amplius considerandam esse existimo, juxta ea, quæ *observ. 116.* dixi, ratio enim hic allata universalis non est, nec semper obtinet.

## OBSERV. CXX.

*Ut nullum aliud subfit juris remedium n. 3.*) Sicut Romani in doli effectu, ac negotii eodem elicitu valore æstimando, a simplicitate naturali desciverunt, ut hætenus probavimus, ita præter eam, de nominibus actionum aut remediorum, quibus dolus vindicetur, ambiguum invexere doctrinam, ceu *observ. 116. n. 3.* innuimus, de quo nunc videndum. Nimirum juxta diversitatem contractuum bonæ fidei & stricti juris, diversa erat & exceptionum (quæ modo contestandæ erant, modo actionibus inesse credebantur, quod mysterium explicat *BACHOV. de action. disput. 6. §. 21.*) & actionum ratio ac denominatio, & si juxta apices juris civilis, nulla actio amplius superesset, tum Prætor dabat actionem doli subsidiariam, quæ adeo, docente *AUTORE*, locum habebat, si dolo quis læsus esset minimum usque ad duos aureos, (ob quamvis tamen læsionem dolosam, licet minimam, actio in factum fuit concessa, *vid. DONELL. l. 15. c. 40. l. dd.*) nec aliud juris remedium suppeteret *n. 1. 2. 3.*

2. Cæterum ultimum requisitum non satis certum est, sæpe enim Romani actionem doli dederunt, ubi alia actio competere videbatur, hinc inter se pugnare videntur, (1) *l. 9. §. 4. de dol. & l. 69. de solut.* (2) *l. 18. §. 2. de dol. & l. 5. in fin. quib. mod. ususf. amitt.* (3) *l. 35. de dol. & l. 42. ad L. aquil.* (4) *l. 34. de dol. & l. 16. P. V.* (5) *l. 7. §. 6. de dol. & l. 1. §. 4. si quadrup. pauper. fec. dic.* in quibus componendis operose desudat *HILLIG. ad Donell. l. 15. c. 40. lit. P.* *AUTOR* quoque generalem conciliandi rationem *n. 3. b.* suppeditare voluit.

3. Nos illam omnem sollicitudinem hodie super-

vacancam arbitramur, cum manifestum sit, pertinere eam ad antiquum processum formularium, adeoque hoc cessante & illam cessare, quare hodie sufficiet, si quis exceptione & actione apta uti queat, de nominibus haut erit laborandum.

## OBSERV. CXXI.

*Actio de dolo est pratoria*) Quodsi porro ipsam actionem doli consideremus, est quidem illa hactenus naturalis, quatenus ad damni restitutionem tendit, hinc etiam hodiè hoc nomine agitur. Sed insuper varia positiva circa eam occurrunt. Dicitur (1) *subsidiaria*, hoc cessare hodie, modo diximus, (2) *famosa*, hoc absurdum est, cum enim actio doli subsidiaria sit, quæ in locum actionis famosæ & non famosæ surrogari debeat, meritò indifferens fuisset formanda, nunc, ubi semper famosa est, evenit, ut non tantum idem delictum inæqualiter, sed & majus levi mitius puniatur. Sic in *l. 1. §. 4. de dol.* duplex perfidia, infamia non punitur, bene vero simplex; (3) *non datur contra heredes in solidum*, hoc iniquum, cum in genere æquitati consentaneum sit, ut heredes, qui bona accipiunt, ex iis solidum solvere debeant; hypothesis Romanorum contraria, nullo nititur fundamento. Porro audit (4) *arbitraria*, hoc ad processum antiquum pertinere manifestum est; denique (5) *intra biennium finire debet*, id quod à nostris processibus penitus abhorret. Quodsi igitur vel maximè admittas, actionem doli subsidiariam adhuc esse in usu, ea tamen, quæ *n. 2. 3. 4. 5.* notavimus, meritò cessarent.

## TIT. IV.

## DE MINORIBUS XXV. ANNIS.

## OBSERV. CXXII.

*Tertia causa restitutionis est*) Minores, i. e. impuberes & minores, seu pupilli & adolescentes, ut alias, ita in rebus agendis præcipue, Judicio non satis firmato utuntur, æquitas igitur postulat, ut iis hac in parte succurratur, ipsa tamen hanc rem liquido satis non definit. Merito itaque in civitate, Imperium civile & leges positivæ id magis ad liquidum deducunt, dum ætatem, intra quam ad agendum personæ illæ inhabiles censi debeant, definiunt, ipsis Tutores & Curatores adjungunt, sub quorum directione, cum aliis agant. Quod si hac provisione non obstante, tamen in agendo lædantur, tum æquitas quidem postulat, ut iis succurratur, in primis si non sola ætate, sed adversarii dolo læsio contingat, certior tamen hujus rei determinatio utique aliquid Autoritatis præsupponit, atque hinc invaluit *Restitutio in integrum*, qua efficitur, ne actus suscepti vel omissi, minoribus cum suo effectu morali imputentur iisque noceant, quæque hactenus merito id nominis gerit, cum Dispensationi Imperantis, quam interpretationi doctrinali, illa sit propiti-  
quior.

## OBSERV. CXXIII.

*Requiritur igitur*) *ALITOR* eam non male explicat, dum considerat (1) Ejus *requisita lit. R.* ubi circa n. 4. observandum, quod adversarii malitia nec semper concurret, nec etiam concurrere possit, cum sæpe minor solus agat v. gr. hæreditatem adeat aut repudiet, vel fatalia processus negligat, hinc juxta casus ha-  
biles



biles doctrina est intelligenda; (2) *petendi modum lit. Q.* ubi doctrina *AUTORIS* accipienda est de eo, quod plerumque fit, nam si res sit alienata, tum etiam aliquando, si minoris valde interfit, actione veteri illa repeti, atque ita restitutio incidenter peti ac obtineri potest, ceu ipse *AUTOR lit. P.* agnoscit; (3) *personam restituentem lit. C.* hodie eatenus Magistratus subalterni, restituere posse videntur, quatenus restitutio certo jure jam est determinata, casus autem dubii & majoris momenti, v. gr. si contra totum processum restitutio fieri debeat, Imperanti merito relinquuntur; (4) *personas restituendas lit. S.* (5) *contra quas fit restitutio lit. P.* (6) *negotia, quorum vis restitutione excluditur lit. O.* (7) *restitutionis effectum lit. E.* quæ doctrina particularis est, pertinetq; ad alienationes onerosas, hinc de effectu in genere judicari debet juxta casuum & obsectorum varietatem; (8) *contraria lit. C.* & (9) *similia lit. SS.* Est utique magna ratio, ut Universitates jure minorum gaudeant, nam ob peculiarem suum statum, perinde ut infantes, negotiis suis rite præesse nequeunt, sed lationibus valde sunt obnoxie.

2. Differt autem *restitutio* ab *auxilio ipsius juris* (1) *ratione probationis*, in illa latio probari debet, in hoc saltem defectus requisitorum legalium, v. gr. quod tutor vel curator abfuerit, quod alienatio sine decreto Magistratus facta sit &c. quæ probatio priore longe facilior est; (2) *durationis*, spes restitutionis, post majorennitatem quadriennio excluditur, sed auxilium ipsius juris, quinque, decem vel viginti annos durat *l. fin. C. si maj. fact. alien. vid. AUTOR infra lib. 27. tit. 9. in fin.* (3) *effectus*, si alienatio sit ipso jure nulla, tum plenissime minori prospicitur, ac rem semper pot-

potest repetere, aut si contra eam restitui debeat, regulariter à tertio rem non repetit, sed salvo contractu, saltem lationis emendationem ab adversario petit. Videtur tamen hæc differentia particularis esse ac ad contractus tantum pertinere, nam si minor fatalia negligat, aut aliud quid seorsim gerat, tum, quoad effectum, perinde erit, siue ipse jure tutus, siue restituendus dicatur. Atque illa omnia hodiernum quoque obtinent.

## TIT. V.

## DE CAPITE MINUTIS.

## OBSERV. CXXIV.

*Quarta causa restitutionis est capitis diminutio*) Siquis per capitis diminutionem maximam & mediam, bona amittat, lex naturæ utique requirit, ut successor creditoribus satisfaciatur, de quo *AUTOR in fin. b. actio verò utilis* hodie est nomen arbitrium, quo carere possumus. Si autem quis per emancipationem, capitis diminutionem minimam patiatur, tum per eam obligationes extinguere censuerunt Romani, quod iniquum commentum alio commento elusit Prætor, capite minutum in integrum restituendo *b. t.* Cæterum sicut ista restitutio forte jam jure civili evanuit, postquam emancipatio per imaginarias venditiones & manumissiones fieri desuit, ita procul dubio ejus neque directus, quod *AUTOR* concedit, neque indirectus hodie est usus. Interim alii, quibus dolet, quicquam ex quisquiliis Romanis perire, etiam hic usum asserunt, *vid. STRAUCH. ad I. differs. 17. §. 11.*

TIT.

## TIT. VI.

EX QUIBUS CAUSIS MAJORES  
XXV. ANNIS IN INTEGR.  
RESTIT.

## OBSERV. CXXV.

*Requiritur igitur*) Etiam majores 25. annis nonnunquam actus suscipiunt vel omittunt, ex quo damnum pati vel lucro excidere queant, ut tamen æquitas, & interdum quidem satis evidens, eis succurri jubeat. Cæterum cum circumstantiæ, quas æquitas illa præsupponit, nonnunquam sint lubricæ, hinc hac sola via majoribus læsis aut lædendis satis prospici non potest, sed certior definitio ab imperio civili proficiscitur, ex quo oritur *Restitutio in integrum*, quæ hoc nomen recte gerit, cum ad Dispensationem proxime accedat.

2. *AUTOR* varios casus n. 1. 2. 3. recenset ac imprimis ostendit, quomodo præscriptio stricto jure completa, ob absentiam, restitutione temperari soleat, quæ specialius persequi jam non attinet. Unicum saltem annotamus, quod Magistratus subalterni clausula illa Prætoris: *si qua alia justa causa mihi videbitur*, de qua n. 3. b. abuti non debeant, si enim Major à rigore legis, per evidentes æquitatis rationes, eximi nequeat, aut casus certo jure non sit determinatus, tum à restitutione illi merito abstinent eamque Imperanti relinquunt, nam alias, si plus potestatis ipsis relinqueretur, leges omnes isto prætextu facile eluderent.

## OBSERV. CXXVI.

*Hicce Prætor varie succurrit, lit. Q.)* De hoc ex casuum varietate judicandum. In genere tamen dici potest.

potest, quod restitutio petatur vel *seorsim* per peculiarem implorationem, quod quidem tum præcipue fiet, si restitutio dubia sit & processus principalis iam inceptus, e. gr. si quis contra elapsum fatale restitui velit, vel *incidenter*, per exceptionem vel actionem, ex iure veteri, quod videbatur amissum, resultantem. Sic absens rem suam stricto jure usucaptam vindicat, oppositamq; præscriptionis exceptionem replicatione elidit, nec opus est hodie, ut actionem veterem novo insigniamus nomine vel dominium aut simile ius fingamus, hæc enim sunt emblemata fori Romani.

## OBSERV. CXXVII.

*Interdum tamen hoc auxilium minori spatio durat lit. 2.*) Videtur esse inanis subtilitas in *d. l. 26. §. 3. h.* nam esto, quod v. gr. unius saltem diei restitutio fiat, attamen hunc per integrum annum utilem petere licet! Nisi forte hæc fuit Romanorum sententia, si usucapioni ante absentiam fere completa, breve tempus & minus annuo desit, ac postea quis absens esse coeperit, tum reverso non integrum annum, sed tantum temporis saltem, quantum, cum abesse incipiebat, usucapioni currenti deerat, concedi. Post introductum quadriennium captiosas eiusmodi tricas cessare putem.

## TIT. VII.

## DE ALIENAT. JUDIC. MUTANDI CAUSA FACTA.

## OBSERV. CXXVIII.

*Est alienatio rei possessa dolosa*) Contingere potest ut quis rem nostram, quam possidet, ob meritum futuræ liti adolose alienet, tum ex iure nostro naturaliter con-

tra novum possessorem agere, imo virtute ejusdem contra alienantem quoque, ad æstimationem rei alienatæ consequendam, experiri licet, quæ Romani quoque probarunt. Porro si quis contra novum possessorem agat, ac ea occasione peculiare damnum sentiat, tum is, qui dolose rem transtulit, ad id pensandum naturaliter est obligatus, sed Romani *summo jure* nullum remedium competere putabant, Prætor tamen *mediante restitutione* aliquod asseruit, quod *b. t.* explicatur. Hodie sine restitutionis figura, actio ipsa, quatenus naturalis est, locum quidem habebit, sed eam, ob probationis difficultatem, rarius institutum iri, plane existimem.

2. Cur ad materiam restitutionis non etiam referunt actionem Paulianam similesque, nam sicut rescissoria datur ob rescissam usucapionem, ita Pauliana ob enervatam alienationem, ut nimis manifestum videatur, utramque præsupponere restitutionem? Cur præcise sex restitutionis causæ asseruntur, quod *AUTOR* noster etiam bona fide hic commemorat? Videtur sane superstitionis quid hic intercurrere! Ego sic sentio: restitutionis figura Romana in plerisque exemplis hodie est otiosum nomen, hinc si ve illud recites, si ve omittas, rei ipsi nihil vel decedit, vel accedit. Interim otiosa à necessariis separasse, aut illa etiam expunxisse, ad doctrinæ soliditatem pertinet.

## TIT. VIII.

DE RECEPTIS, QUI ARBITR.  
RECEP. UT SENTENT.  
DICUNT.

## OBSERV. CXXIX.

*Arbitri*) Sunt personæ morales, quæ principiis communibus, aliquando etiam certæ Reipublicæ propriis, producuntur, hinc ea, quæ *lit. D. D. †.* traduntur, à Romanis præcise peti non debent, nisi quod nonnullæ species iis fuerint propriæ, quæ hodie ignorantur, brocardicum autem illud: *quod compromissa sint stricti juris*, rejici debet, cum illa potius juxta circumstantias, iisque innexas interpretandi regulas consuetas, explicanda sint.

## OBSERV. CXXX.

*Causa efficiens est lit. C.*) Constituuntur Arbitri *Compromisso*, quod juris Gentium est, nec adeo ratione ejus, in genere spectati, Romanis aliquid debemus. Absolvitur illud *consensu eorum, quorum interest lit. C.* quod itidem *Naturale*, non *Romanum* est. *Obligatio* ad dandum consensum, uti in aliis pactis, ita hic etiam regulariter non præcedit, sed ex *libertate* hoc negotium suscipitur, quæ etiam clausulas quasdam, juramentum vel pœnam, prout visum fuit, adjicit.

## OBSERV. CXXXI.

*Compromittere possunt lit. S.*) Compromissum est instar transactionis, hinc *naturaliter* omnes compromittere possunt, quibus jura controversa competunt, ac sufficienti judicio gaudent, vel etiam, si alieno nomine compromittant, domini consensu satis sunt in-

ad quosvis contractus inferre non licet, cum illius intuitu multa singularia esse admitta, notum sit. Tandem *L. 10. C. de rescind. vendit.* loquitur de læsione modica, quare nec exinde regula generalis potest constitui. Atque hanc sententiam, quod jure civili dominium ex contractu nullo non transferatur, novissime defendit *JOH. VOET. in Commentar. ad ff. b. t. n. 3.* cuius pars prior 1698. *Lugduni Batavorum* prodit. Quod si tamen quis ita jure civili, prout Autor præcipit, constitutum esse pertendat, tum (3) *dispositio inepta* videtur, cum enim in casu vis illatæ, vindicationem intuitu tertii possessoris concedant Romani, cur non etiam, si dolus intervenerit, inprimis cum illa actionem saltem faciat mixtam, hic invitam! hinc (4) forte *etiam non recepta*, quod praxis confirmat, intuitu Belgii, apud *VOET. d. l.* quoad alias regiones, apud *CARPZOV. p. 1. C. 28. D. 18. 19. RICHTER. Decis. 87. n. 8. 9. 10.* imo ipsum *ALTOREM* infra de *A.E.V. lit. E. p. m. 584.*

## OBSERV. CXIX.

*Et dolum incidentem, quo sponte contrahens, in re vel modo contrahendi decipitur*) Ob hunc dolum, Romani contractum nullum aut rescindendum non putarunt, sed actionem saltem ad interesse dederunt, forte ideo, quod, cum quis liquida animi destinatione ad contrahendum accesserit, dolus incidens consensum quoad ipsum contractum exclusisse non videatur, id quod praxi etiam servari testatur *RICHTER. d. l. n. 18.* ego tamen mentem læsi amplius considerandam esse existimo, juxta ea, quæ *observ. 116.* dixi, ratio enim hic allata universalis non est, nec semper ob-  
tinet.

## OBSERV. CXX.

*Ut nullum aliud subsit juris remedium n. 3.*) Sicut Romani in doli effectu, ac negotii eodem eliciti valore æstimando, a simplicitate naturali desciverunt, ut hætenus probavimus, ita præter eam, de nominibus actionum aut remediorum, quibus dolus vindicetur, ambiguum invexere doctrinam, ceu *observ. 116. n. 3.* inunimus, de quo nunc videndum. Nimirum juxta diversitatem contractuum bonæ fidei & stricti juris, diversa erat & exceptionum (quæ modo contestandæ erant, modo actionibus inesse credebantur, quod mysterium explicat *BACHOV. de action. disput. 6. §. 21.*) & actionum ratio ac denominatio, & si juxta apices juris civilis, nulla actio amplius superesset, tum Prætor dabat actionem doli subsidiariam, quæ adeo, docente *AUTORE*, locum habebat, si dolo quis læsus esset minimum usque ad duos aureos, (ob quamvis tamen læsionem dolosam, licet minimam, actio in factum fuit concessa, *vid. DONELL. l. 15. c. 40. l. dd.*) nec aliud juris remedium suppeteret *n. 1. 2. 3.*

2. Cæterum ultimum requisitum non satis certum est, sæpe enim Romani actionem doli dederunt, ubi alia actio competere videbatur, hinc inter se pugnare videntur, (1) *l. 9. §. 4. de dol. & l. 69. de solut.* (2) *l. 18. §. 2. de dol. & l. 5. in fin. quib. mod. usus f. amitt.* (3) *l. 35. de dol. & l. 42. ad L. aquil.* (4) *l. 34. de dol. & l. 16. P. V.* (5) *l. 7. §. 6. de dol. & l. 1. §. 4. si quadrup. pauper. fec. dic.* in quibus componendis operose desudat *HILLIG. ad Donell. l. 15. c. 40. lit. P.* *AUTOR* quoque generalem conciliandi rationem *n. 3. b.* suppeditare voluit.

3. Nos illam omnem sollicitudinem hodiè super-

VACA-



vacaneam arbitramur, cum manifestum sit, pertinere eam ad antiquum processum formularium, adeoque hoc cessante & illam cessare, quare hodie sufficiet, si quis exceptione & actione apta uti queat, de nominibus haut erit laborandum.

## OBSERV. CXXI.

*Actio de dolo est pratoria*) Quodsi porro ipsam actionem doli consideremus, est quidem illa hactenus naturalis, quatenus ad damni restitutionem tendit, hinc etiam hodiè hoc nomine agitur. Sed insuper varia positiva circa eam occurrunt. Dicitur (1) *subsidiaria*, hoc cessare hodie, modo diximus, (2) *famosa*, hoc absurdum est, cum enim actio doli subsidiaria sit, quæ in locum actionis famosæ & non famosæ surrogari debeat, meritò indifferens fuisset formanda, nunc, ubi semper famosa est, evenit, ut non tantum idem delictum inæqualiter, sed & majus levi mirius puniatur. Sic in *l. 1. §. 4. de dol.* duplex perfidia, infamia non punitur, bene vero simplex; (3) *non datur contra heredes in solidum*, hoc iniquum, cum in genere æquitati consentaneum sit, ut heredes, qui bona accipiunt, ex iis solidum solvere debeant; hypothecis Romanorum contraria, nullo nititur fundamento. Porro audit (4) *arbitraria*, hoc ad processum antiquum pertinere manifestum est; denique (5) *intra biennium finire debet*, id quod à nostris processibus penitus abhorret. Quodsi igitur vel maxime admittas, actionem doli subsidiariam adhuc esse in usu, ea tamen, quæ n. 2. 3. 4. 5. notavimus, meritò cessarent.

## TIT. IV.

## DE MINORIBUS XXV. ANNIS.

## OBSERV. CXXII.

*Tertia causa restitutionis est*) Minores, i. e. impuberes & minores, seu pupilli & adolescentes, ut alias, ita in rebus agendis præcipue, Judicio non satis firmato utuntur, æquitas igitur postulat, ut iis hac in parte succurratur, ipsa tamen hanc rem liquido satis non definit. Merito itaque in civitate, Imperium civile & leges positivæ id magis ad liquidum deducunt, dum ætatem, intra quam ad agendum personæ illæ inhabiles censi debeant, definiunt, ipsis Tutores & Curatores adjungunt, sub quorum directione, cum aliis agant. Quod si hac provisione non obstante, tamen in agendo lædantur, tum æquitas quidem postulat, ut iis succurratur, in primis si non sola ætate, sed adversarii dolo læsio contingat, certior tamen hujus rei determinatio utique aliquid Autoritatis præsupponit, atque hinc invaluit *Restitutio in integrum*, qua efficitur, ne actus suscepti vel omissi, minoribus cum suo effectu morali imputentur iisque noceant, quæque hæcenus merito id nominis gerit, cum Dispensationi Imperantis, quam interpretationi doctrinali, illa sit propinquior.

## OBSERV. CXXIII.

*Requiritur igitur*) *AUTOR* eam non male explicat, dum considerat (1) Ejus *requisita lit. R.* ubi circa n. 4. observandum, quod adversarii malitia nec semper concurrat, nec etiam concurrere possit, cum sæpe minor solus agat v. gr. hæreditatem adeat aut repudiet, vel fatalis processus negligat, hinc juxta casus habiles

biles doctrina est intelligenda ; (2) *petendi modum lit.* Q. ubi doctrina *AUTORIS* accipienda est de eo, quod plerumque fit, nam si res sit alienata, tum etiam aliquando, si minoris valde intersit, actione veteri illa repeti, atque ita restitutio incidenter peti ac obtineri potest, ceu ipse *AUTOR lit. P.* agnoscit ; (3) *personam restituentem lit. C.* hodie eatenus Magistratus subalterni, restituere posse videntur, quatenus restitutio certo jure jam est determinata, casus autem dubii & majoris momenti, v. gr. si contra totum processum restitutio fieri debeat, Imperanti merito relinquuntur ; (4) *personas restituendas lit. S.* (5) *contra quas sit restitutio lit. P.* (6) *negotia, quorum vis restitutione excluditur lit. O.* (7) *restitutionis effectum lit. E.* quæ doctrina particularis est, pertinetq; ad alienationes onerosas, hinc de effectu in genere judicari debet juxta casuum & objectorum varietatem ; (8) *contraria lit. C.* & (9) *similia lit. SS.* Est utique magna ratio, ut Universitates jure minorum gaudeant, nam ob peculiarem suum statum, perinde ut infantes, negotiis suis rite præesse nequeunt, sed læsionibus valde sunt obnoxia.

2. Differt autem *restitutio* ab *auxilio ipsius juris* (1) *ratione probationis*, in illa læsio probari debet, in hoc saltem defectus requisitorum legalium, v. gr. quod tutor vel curator abfuerit, quod alienatio sine decreto Magistratus facta sit &c. quæ probatio priore longe facilius est ; (2) *durationis*, spes restitutionis, post majorennitatem quadriennio excluditur, sed auxilium ipsius juris, quinque, decem vel viginti annos durat *l. fin. C. si maj. fact. alien. vid. AUTOR infra lib. 27. tit. 9. in fin.* (3) *effectus*, si alienatio sit ipso jure nulla, tum plenissime minori prospicitur, ac rem semper pot-

potest repetere, aut si contra eam restitui debeat, regulariter à tertio rem non repetit, sed salvo contractu, saltem læsionis emendationem ab adversario petit. Videtur tamen hæc differentia particularis esse ac ad contractus tantum pertinere, nam si minor fatalia negligat, aut aliud quid seorsim gerat, tum, quoad effectum, perinde erit, siue ipse jure tutus, siue restituendus dicatur. Atque illa omnia hodiernum quoque obtinent.

## TIT. V.

## DE CAPITIS MINUTIS.

## OBSERV. CXXIV.

*Quarta causa restitutionis est capitis diminutio*) Siquis per capitis diminutionem maximam & mediam, bona amittat, lex naturæ utique requirit, ut successor creditoribus satisfaciatur, de quo *AUTOR in fin. b. actio verò utilis* hodie est nomen arbitrium, quo carere possumus. Si autem quis per emancipationem, capitis diminutionem minimam patiatur, tum per eam obligationes extinguere censuerunt Romani, quod iniquum commentum alio commento elusit Prætor, capite minutum in integrum restituendo *b. t.* Cæterum sicut ista restitutio forte jam jure civili evanuit, postquam emancipatio per imaginarias venditiones & manumissiones fieri desiit, ita procul dubio ejus neque directus, quod *AUTOR* concedit, neque indirectus hodie est usus. Interim alii, quibus dolet, quicquam ex quisquiliis Romanis perire, etiam hic usum asserunt, *vid. STRAUCH. ad I. dissert. 17. §. 11.*

## TIT. VI.

EX QUIBUS CAUSIS MAJORES  
XXV. ANNIS IN INTEGR.  
RESTIT.

## OBSERV. CXXV.

*Requiritur igitur*) Etiam majores 25. annis nonnunquam actus suscipiunt vel omittunt, ex quo damnum pati vel lucro excidere queant, ut tamen æquitas, & interdum quidem satis evidens, his succurrere jubeat. Cæterum cum circumstantiæ, quas æquitas illa præsupponit, nonnunquam sint lubricæ, hinc hac sola via majoribus læsis aut lædendis satis prospici non potest, sed certior definitio ab imperio civili proficiscitur, ex quo oritur *Restitutio in integrum*, quæ hoc nomen recte gerit, cum ad Dispensationem proxime accedat.

2. *AUTOR* varios casus *n. 1. 2. 3.* recenset ac imprimis ostendit, quomodo præscriptio stricto jure completa, ob absentiam, restitutione temperari soleat, quæ specialius persequi jam non attinet. Unicum saltem annotamus, quod Magistratus subalterni clausula illa Prætoris: *si qua alia justa causa mihi videbitur*, de qua *n. 3. b.* abuti non debeant, si enim Major à rigore legis, per evidentes æquitaris rationes, eximi nequeat, aut casus certo jure non sit determinatus, tum à restitutione illi merito abstinent eamque Imperanti relinquunt, nam alias, si plus potestatis ipsis relinqueretur, leges omnes isto prætextu facile eluderent.

## OBSERV. CXXVI.

*Hiscæ Prætor varie succurrit, lit. Q.)* De hoc ex casuum varietate judicandum. In genere tamen dici potest.

potest, quod restitutio petatur vel *seorsim* per peculiarem implorationem, quod quidem tum præcipue fiet, si restitutio dubia sit & processus principalis iam inceptus, e. gr. si quis contra elapsum fatale restitui velit, vel *incidenter*, per exceptionem vel actionem, ex iure veteri, quod videbatur amissum, resultantem. Sic absens rem suam stricto jure usucaptam vindicat, oppositamq; præscriptionis exceptionem replicatione elidit, nec opus est hodie, ut actionem veterem novo insigniamus nomine vel dominium aut simile ius fingamus, hæc enim sunt emblemata fori Romani.

## OBSERV. CXXVII.

*Interdum tamen hoc auxilium minori spatio durat lit. Q.)* Videtur esse inanis subtilitas in *d. l. 28. §. 3. b.* nam esto, quod v. gr. unius saltem diei restitutio fiat, attamen hunc per integrum annum utilem petere licet! Nisi forte hæc fuit Romanorum sententia, si usucapioni ante absentiam fere completa, breve tempus & minus annuo defuit, ac postea quis absens esse coeperit, tum reverso non integrum annum, sed tantum temporis saltem, quantum, cum abesse incipiebat, usucapioni currenti deerat, concedi. Post introductum quadriennium captiosas eiusmodi tricas cessare putem.

## TIT. VII.

## DE ALIENAT. JUDIC. MUTANDI CAUSA FACTA.

## OBSERV. CXXVIII.

*Est alienatio rei possessa dolosa)* Contingere potest ut quis rem nostram, quam possidet, ob meritum futuræ liti adolose alienet, tum ex iure nostro naturaliter contra

tra novum possessorem agere, imo virtute ejusdem contra alienantem quoque, ad æstimationem rei alienatæ consequendam, experiri licet, quæ Romani quoque probarunt. Porro si quis contra novum possessorem agat, ac ea occasione peculiare damnum sentiat, tum is, qui dolose rem transtulit, ad id pensandum naturaliter est obligatus, sed Romani *summo jure* nullum remedium competere putabant, Prætor tamen *mediante restitutione* aliquod asseruit, quod *h. t.* explicatur. Hodie sine restitutionis figura, actio ipsa, quatenus naturalis est, locum quidem habebit, sed eam, ob probationis difficultatem, rarius institutum iri, plane existimem.

2. Cur ad materiam restitutionis non etiam referunt actionem Paulianam similesque, nam sicut rescissoria datur ob rescissam usucapionem, ita Pauliana ob enervatam alienationem, ut nimis manifestum videatur, utramque præsupponere restitutionem? Cur præcise sex restitutionis causæ asseruntur, quod *AUTOR* noster etiam bona fide hic commemorat? Videtur sane superstitionis quid hic intercurrere! Ego sic sentio: restitutionis figura Romana in plerisque exemplis hodie est otiosum nomen, hinc si ve illud recites, si ve omittas, rei ipsi nihil vel decedit, vel accedit. Interim otiosa à necessariis separasse, aut illa etiam expunxisse, ad doctrinæ soliditatem pertinet.

## TIT. VIII.

DE RECEPTIS, QUI ARBITR.  
RECEP. UT SENTENT.  
DICUNT.

## OBSERV. CXXIX.

*Arbitri*) Sunt personæ morales, quæ principiis communibus, aliquando etiam certæ Reipublicæ propriis, producuntur, hinc ea, quæ *lit. D. D. †.* traduntur, à Romanis præcise peti non debent, nisi quod nonnullæ species iis fuerint propriæ, quæ hodie ignorantur, brocardicum autem illud: *quod compromissa sint stricti juris*, rejici debet, cum illa potius juxta circumstantias, iisque innexas interpretandi regulas consuetas, explicanda sint.

## OBSERV. CXXX.

*Causa efficiens est lit. C.*) Constituuntur Arbitri *Compromisso*, quod juris Gentium est, nec adeo ratione ejus, in genere spectati, Romanis aliquid debemus. Absolvitur illud *consensu eorum, quorum interest lit. C.* quod itidem *Naturale*, non *Romanum* est. *Obligatio* ad dandum consensum, uti in aliis pactis, ita hic etiam regulariter non præcedit, sed ex *libertate* hoc negotium suscipitur, quæ etiam clausulas quasdam, juramentum vel poenam, prout visum fuit, adjicit.

## OBSERV. CXXXI.

*Compromittere possunt lit. S.*) Compromissum est, instar transactionis, hinc *naturaliter* omnes compromittere possunt, quibus jura controversa competunt, ac sufficienti judicio gaudent, vel etiam, si alieno nomine compromittant, domini consensu satis sunt in-



structi, Leges civiles inhabilitatem certarum personarum certius definiunt, compromittendi facultatem iis adimunt, ac rationem instruendi Procuratores amplius determinant.

## OBSERV. CXXXII.

*Arbitri eligi possunt lit. P.)* Ad arbitrum naturaliter requiritur *usus rationis & rei decidenda peritia*. His requisitis qui destituitur, ad hoc munus adspirare nequit. Sed lex civilis ulterius progreditur personasque naturaliter habiles, ut servos, minores repellit *lit. P.* sub iis etiam comprehendunt Judices, non tantum pedaneos, sed etiam Magistratus, quam communem sententiam propugnat quoque *Dn. D. RITTER in disp. Inaugur. de compromiss. for. Germ. bab. Altorf. 1693.* Enimvero uti illi obest *L. 3. §. fin. l. 4. b. t.* ad quas vulgares responsiones, *vid. BACHOV. in Prot. b.* forte non sufficiunt, ita *L. 9. §. 2. b. t.* quæ unice vulgo nituntur, eam non satis videtur sustinere, nam commodè accipi potest de *judice jubente & cogente eo sensu: Si quis judex est, arbitrium recipere ejus rei de qua judex est* (scilicet suo voto & per anticipationem, sicut solemus, quæ optamus, statim nobis tribuere) *inve se compromitti jubere* (quo nimirum Partes id, quod suo voto jam decreverat, in actum deducant, ac desideratum & jam avidè arreptum, Arbitri munus, ei deferant) *prohibetur L. Julia.* sic non opus erit, duos casus, *judicis scilicet ultro, & coacte electi*, cum vulgari sententia inde exsculpere. In aperto quoque est legis *Julia* ratio (in qua danda aliàs desudant, *vid. RITTER. d. dissert.*) nam æquitas naturalis saltem confirmatur. Ulterius cessabit quæstio, an jus civile, vel jure Canonico vel moribus nostris sit mutatum, cum

nihil peculiare illud constituerit. Sed hæc distinctius expediant, qui fori Romani historiam exactius callent. Alias circa compromissum etiam *questiones voluntatis* occurrunt, quales innuit *AUTOR lit. P. in fin.* quæ juxta communes conjecturas decidi debent.

## OBSERV. CXXXIII.

*Obiectum sunt omnes controversia lit. O.)* Quæ sunt privati arbitrii, nam ad alia, nullum pactum privatum extendi potest. Forte autem *res judicata* in illum censum non recte refertur, quid enim obstaret, quo minus partes judicio arbitri rem judicatam, quæ ipsis iniqua videtur, denuo subjiciant, *C. II. X. de arbitr.* ex quo contrarium asseritur, rationes statûs papalis ac hieroyrannidem satis aperte redolet, ut inde regula confici non possit.

## OBSERV. CXXXIV.

*Finis est, ut lites abbrevientur lit. F.)* Forte ut prolongentur & augeantur, qui enim lites seriò detestatur, is potius transiget, vel arbitratori rem, ex æquo & bono decidendam committet, qui vero in Arbitrum committit, ut is juxta consuetum processum rem definiat, is pruritus litigandi eo ipso satis ostendere ac novam instantiam quærere videtur, *l. 37. h. t.* quos *AUTOR* pro se allegat, saltem agunt, quod compromissa pertineant ad *lites finiendas*, id quod etiam de processu prolixissimo dici potest, non *abbreviandas*. *CARPZOVIVS* vero *d. l.* loquitur de alio compromisso, quo scil. in consueto judicio, processus ambagibus renunciatur. In universum hæc res non testimoniis, sed ex affectu hominum decidenda est.

## OBSERV. CXXXV.

*Coram arbitris observatur ordo judiciarius lit. Q.)*

Inito compromisso officium arbitri est, ut juxta merita causæ & consuetum vel conventionem definitum processum, litem definiat, hoc enim promissit adeoque naturale est, quod specialius deducitur *lit. Q.* Latam autem sententiam Partes ex eodem præcepto naturali observare tenentur, modo Arbitrator bona fide versatus sit, nam in dolum ejus non censetur consensisse, quæ pluribus *AUTOR lit. E.* cum actionibus contra invitos comparatis, recenset, ubi quidem ea, quæ de pacto simplici & confirmato recenset, hodie amplius non sunt necessaria, cum omni casu solus consensus seu simplex pactum sufficiat.

## OBSERV. CXXXVI.

*Arbitri officium solvitur lit. C.)* Tota hæc doctrina iterum naturalis est, nam omnes modi officium tollendi, ex voluntate paciscentium efficaciam suam sortiuntur. Hodie Arbitri compromissarii fortassis rarioris sunt usus. Aliàs laudantur *Compromissa fori germanici, vid. SCHILTER Exercit. 12. ad ff. th. 2.* quæ sunt conventiones, quibus litis ambages tolluntur, quo Judex competens vi jurisdictionis eo celerius controversiam finire queat, de quibus profellâ opera egit *D. RITTER d. disput. §. 12 seqq.*

## TIT. IX.

# NALITÆ, CAUPONES, STABULARII UT ACCEPTA RESTITUANT,

## OBSERV. CXXXVII

*DE Receptis)* Proponitur hic obligatio eorum, qui ex hospitum receptione quæstum faciunt, quæ ad damnum, hospitibus penes se illatum, resarciendum

dum obstringuntur. Quæ manifesta satis *equitate* nittitur, cum enim caupones, hospites velut ad se invitent, ac securam habitationem eo ipso promittant, hinc de omnibus, quæ diligentia humana præcaveri poterant, si invitis hospitibus accidant, respondere quoque tenentur. Interim *declaratio positiva* juris Romani obligationem illam facit certiore. Juxta hæc igitur principia, expendi possunt (1) *obligationis fundamentum lit. C.* ubi non opus est receptioni imaginem contractus ficti affricare, cum ex præmissis vera obligationis causa satis appareat; (2) *persona agentes lit. S.* (3) contra *quas agatur lit. P.* circa quod caput observandum, contra caupones cerevisias die Schenck-Wirthe hanc actionem etiam non dari, horum enim alia est ratio, cum ad eos non ex necessitate aliqua, & animo commorandi, sed saltem lætitiæ, mox transituræ, causa homines divertere soleant, *vid. LYNCKER. Res Decis. Jenens. Dec. 331.* (4) *materia,* quæ petitur *lit. O.* ubi, quæ de casu fatali non præstando *AUTOR* dicit, de casu extrinsecus contingente sunt accipienda, nam quatenus à facto hospitum idem dependet, eatenus de eo cauponem ceterosque teneri, paulo ante dicitur.

## OBSERV. CXXXVIII.

*Altera actio est in factum* ) Quod si Hospes læsus ostendere possit, se ab hominibus liberis, qui ministerium in caupona præstant vel ibidem habitant, damnum accepisse, tum caupo propter *culpam*, quæ ejusmodi homines penes se habet, ad damnum resarciendum tenetur *lit. C. S. P.* quod naturale est, sed lex civilis transmissionem hujus obligationis in hæredes male negat, *lit. P.* ac insuper delinquentem al-

tero tanto punit *lit. Q.* quæ poena probabiliter non est recepta *lit. I. n.* quod ex constanti non usu apparet. Juxta hæc huius actionis nulla est utilitas, nam ob solum damnum restituendum rectius agitur actione præcedente *de Recepto*, cum sit expeditior nec in ea præcise probari debeat, à quo damnum sit datum.

## OBSERV. CXXXIX.

*Concurrit cum hac, sed elective lit. SS.)* Cum famuli & inquilini, procul dubio, ex suo quoque delicto teneantur, *naturaliter* is ordo videtur, ut illi *principaliter*, caupo verò *in subsidium* sit obligatus, illi enim positive damnum dederunt, hic verò languidius sua negligentia saltem ad id concurrit, iuxta hæc adeo hospites læsi non *electione*, ut *ALTO* docet, sed *successione* gaudebunt. Cum tamen Hospitibus magis prospectum sit, si contra Caupones statim ipsis agere liceat, præterea hi contra famulos & inquilinos citius regressum habere queant, hinc nec iniqua est altera explicatio, qua *Electio* hospitibus læsis asseritur.

## OBSERV. CXL.

*Cessant duæ prædictæ actiones lit. C.)* Naturale est, ut læsus agere nequeat, si in damnum vel directe, dum eo modo se recipi passus est *n. 1.* vel indirecte, culpam committendo *n. 2. b.* consenserit. Hinc quaeritur, si in urbe aliqua populosa v. gr. Lipsiæ, tempore nundinarum, ubi plures aurigæ & qui in cauponis stabulari solent, fur aliquis audacior stabulum intrat, ac aquationis vel simili prætextu, non secus ac si equisonis munere fungeretur, nonnullos equos abducat & hoc modo furetur, an Caupo ad damnum re-

sar-

resarciendum sit obligatus? Negandum putarem, quia læsi culpa concurrat, nam ejusmodi rebus, quæ arctam custodiam non recipiunt, sed ad eas multis patet aditus, custodem apponere debebat.

## LIB. V. TIT. I.

DE JUDICIIS ET UBI QUISQUE  
AGERE VEL CONVENIRI  
DEBEAT.

## OBSERV. CXLI.

*Hic denotat instantiam judicalem*) Judicia (cujus nominis variam significationem videre licet in l. 12. §. 2. de judic. l. fin. §. 1. de inoffic. testam. tot. tit. si quis caution. in judic. sistend. caus. fact. l. 13. de judic. l. 2. §. fin. eod. add. SPEKHANS Centur. 3. class. 3. qu. 1.) Respublicas necessario consequuntur, cum aliis enim juribus, *jus quoque judicandi*, in Imperantem transfertur, hinc orta inter subditos controversia, non debent hi sibi ipsis jus reddere, sed potius in Judiciis ab Imperante constitutis, litigandum ipsis est. In univ-  
ersum igitur Judicia accipiuntur vel pro collegio per-  
sonarum, *vi judicandi ab Imperante instructarum*,  
vel pro complexu actionum variarum, *juris cum effe-  
ctu habendi causa susceptarum*, quo pertinet AUTO-  
RIS definitio; hoc respectu judicium etiam dicitur  
Processus, quæ omnia non Romana, sed iuris Gen-  
tium sunt.

## OBSERV. CXLII.

*Vario dividitur*) Judiciorum varietas oritur à cir-  
cumstantiis partim communibus, partim certa alicui  
Reipublica propriis, hinc species nonnullæ ubique  
G 5 occur-

occurrunt, quædam verò ad certas tantum civitates pertinent, *add. SPEKH. d. l. qu. 2. n. 2. HAHN ad Wesenb. b. n. 5.* Ex quo liquet, in hac tractatione pauca vel nihil nos debere Romanis, communia enim sine iis intelligimus, Judicia vero Romanis propria apud nos exulant.

## OBSERV. CXLIII.

*Constituitur judicium per litis contestationem lit. C.)* Verum hoc est de processu Romanorum antiquo, *conf. DONELL. Comm. jur. Civ. l. 23. c. 3. ibique Hillig.* sed in Germania Judicium constitui videtur per citationem, oblato actionis libello, factam, ut malè omnino, quæ de antiqua litis contestatione in jure Romano habentur, ad modernam trahantur, plus videtur hac in parte obesse, quam prodesse jus Romanum!

## OBSERV. CXLIV.

*Hodie facta censetur)* Consistit utique litis contestatio in contradictione Actoris & Rei quoad causam principalem, plerumque tamen illa pro sola Rei responsione supponitur, prout *AUTOR* ipse ad hunc significatum delabitur, dum *modum & divisiones* persequitur. De cætero, jure naturali facultas respondendi utique Reo concedenda est, modum verò respondendi leges positivæ definiunt, qua in re magis ad Ordinationes processuales cujusvis Territorii, quam jus Romanum respiciendum esse, facile liquet. Forte etiam nonnulla intercurrent, quæ Fori corruptionem redolent.

## OBSERV. CXLV.

*Personæ judicii lit. S.)* Doctrina de Personis Judicium constituentibus, qualem *AUTOR* hic adornat,

nat, non Romana, sed omnibus gentibus communis est, nam ex definitione Judicii, necessitas trium personarum, actoris, rei & Judicis resultat, ut autem personæ aliæ accedant, id necessitas expedientiæ & commoditas postulant, quæ omnibus hominibus iterum sunt communes. Proprior verò cujusvis Judicii habitus, dubio procul non ex jure Romano, sed propriis statutis intelligi debet.

## OBSERV. CXLVI.

*Actor, qui actionem intendit*) Quid actor sit, ex communibus intelligitur principiis. Naturaliter autem ad agendum habilis est, qui jus controversum habet, ac sufficienti judicio pollet, quod ultimum leges civiles sæpe distinctius definiunt, quarum usus subsidiarius est. Porro illud naturale est, ut quis saltem agere possit, non *debeat*, nisi forte obligatio eo nomine sit legitimè constituta.

## OBSERV. CXLVII.

*Reus, qui etiam fugiens dicitur*) De Rei conceptu & habilitate idem, quod modo asseruimus, dicendum. *Obligationem* vero quod attinet, fugere reus *non debet* naturaliter, si actori revera sit obligatus, sed hoc officium posse strenue negligere, inter artes vulgò habetur. Si vero nihil debeat, tum *poteſt*, imo in Judicio criminali, ubi de corpore, existimatione vel vita agitur, *debet* fugere.

## OBSERV. CXLVIII.

*Judex est persona*) Quid Judex sit, ex indole civitatum, ab omnibus intelligitur. Tractatio autem hæc videtur melius sic proponi posse: Judex spectatur vel ut *constituendus*, vel ut *constitutus*. Circa illum spectatur (1) *habilitas*, quæ, si actu judicare debeat,



beat, naturaliter ex usu rationis, juris peritia ac morum probitate, videtur æstimanda, cætera sunt ex jure positivo *lit. R. b.* Et nisi fallor, illa in Germania non ita simpliciter obtinent, quia satis aperte spectant ad judices pedaneos actu judicantes, hodie autem jurisdictio in patrimonium personarum etiam inhabilibus concedi solet. Interim possunt applicari ad eos, qui actu judicia exercent, *add. DECIS, SAXON. NOVISSIM. 39. (2) actus constitutionis*, absolvitur delatione Imperantis & acceptance Judicis, qui promissionem jurejurando ut plurimum confirmare debet, *vid. l. 14. C. de Jurisdic.* Atque hæc ferè apud omnes Gentes obtinent, *modus autem constituendi à statutis specialibus dependet.* In Judice constituto occurrit *jus* (quod in se spectatum, *Jurisdic.*, ratione litigantium, *Competentia* dicitur) & *Obligatio*, quæ ejus officium dirigit.

## OBSERV. CXLIX.

*Ut sit competens lit. R.)* Competentia Judicis est imperium aliquod seu potestas subalterna, cui subjectio ejusdem indolis respondet, hæc autem nomine *Fori* vulgò exprimitur, nam *forum sortiri*, nihil aliud est, quam alicui, intuitu jurisdictionis, subjectum esse. Illud autem ex natura imperii liquet, sufficere, si reus alicubi forum sortiatur, hic enim ad officium faciendum adigendus est, adeoque Judicis potestati subesse debet. De cætero forum oritur ex *imperio civili & lege positiva*, hinc uti ex statu Reipublicæ propriisque statutis, proxime cognoscendum est, ubi quis forum sortiatur, ita ea, quæ *AUTOR* ex jure Romano hic proponit, partim *communia*, partim *propria* sunt, adeoque in Germania aliquando locum inve-

inveniunt, aliquando cessant, aut certè ita crude applicari nequeunt.

## OBSERV. CL.

*In genere in omnibus causis ratione scilicet domicilii*) Generaliter forum oriri censet *AUTOR* *Rex domicilii*, quo autem assertioni sua constet ratio, domicilium ab Eodem latè supponitur, varietque distinguitur. Sed alii latam illam domicilii suppositionem improbant, cum omne domicilium ex habitatione æstimandum sit, adeoque eo nomine non aliud intelligi queat, quam quod *AUTOR* Accidentale dixit. Horum igitur sententiæ si quid dare velis, tum *fori generalitas* ex triplici causa repetenda erit, (1) ex *subjectione fundamentali*, hinc Romæ omnes subditi forum sortiebantur, sed hodie Status Germaniæ, qui non Monarchicus, sed Systematicus est, id non admittit. In singulis autem Statuum Territoriis locum quidem habere posset, sed videtur, præcipue ob jurisdictionem patrimoniam, id non admissum; (2) ex *origine*, de qua mox explicatius agam; (3) ex *habitatione seu domicilio*.

## OBSERV. CLI.

*Naturale siue originis*) Domicilium originis, quod ex nativitate oriatur, ridet *STRAUCHIUS* ad *J. differt. 21. §. 15.* dum ad omne domicilium, habitationem requiri existimat. Sed controversia non tam de *re*, quam de *verbo* est, nam ex *origine* forum oriri, & communis sententia, & *STRAUCHIUS* concedit, quod autem illa circa originem solam, seposita habitatione, domicilium quoque asserat, id Huic incongruum videtur, sed forte reperi posset, eodem jure asseri posse *domicilium originis*, quo *domici-*

*micilium dignitatis adstruitur in l. 11. de senator. l. 8. C. de incol.*

2. Verum de hoc alii contendunt. De eo heic dispiendum, *an & quomodo*, vel *ex origine*, ut præcipit *STRAUCHIUS*, vel *domicilio originis*, juxta stylum vulgarem, forum oriatur. Quæ *ALLTOR* hic differit, non satis sunt certa & perspicua. Ego puto duplex esse forum originis, alterum existit (1) *ex domicilio Patris & nativitate liberorum*, nam utique in eo loco, ubi Pater habitat & liberi nascuntur, (juxta intentionem scilicet Parentum, nam accidentia, vel nativitas alibi fortuito facta, non attenduntur) hi forum habent. (2) *ex nativitate Patris ac aliquando etiam matris* juxta *l. 1. §. 2. l. 6. §. 1. ad municip.* V. gr. Cajus natus est Lipsiæ, postea Dresdæ domicilium constituit, ac ibi genuit Sempronium, hic municeps est Dresdensis ob nativitatem propriam, de quo *n. r.* dixi, & Lipsiensis ob nativitatem Patris. Quo loco notandum, quod in æstimando hoc posteriori originis foro, præcisè in persona Patris sit subsistendum, ea ratione, ut filius ex nativitate sui Patris, & hic iterum ex origine sui Patris, & ita porro, forum originis sortiatur, hoc enim perspicuum est *ex dict. leg.* & si ulterius progrediaris, res illa in infinitum, aut usque ad Adamum, abiret, quod ridiculum est, de quo plura dici possent, si rei obsoletæ pluribus immorari, operæ foret præteritum. *Conf. THOMASIUM in disput.* De eo, qui est sine domicilio *c. 1. §. 52. seqq.* aliter hic philosophantem.

3. Oritur igitur forum originis, *ex nativitate propria & Patris*. De jure civili utrumque videtur obtinuisse, prius mutabile, posterius immutabile fuit,

*l. 6. pr. ad municip. l. pen. fin. C. eod.* Hodie posterius plane cessat, prius vero tamdiu durat, quamdiu liberi aliud non constituerunt. *AUTOR* utrumque videtur confudisse, nam (1) definitio est concepta de priori, sed mox dicit, (2) *hoc de jure civili esse immutabile*, (3) *hodie non attendi*, quæ affata ad posterius pertinent, at statim (4) addit: *si tamen non constat de translatione domicilii, affirmans probare debet*, quæ iterum ad prius pertinent. Interim *AUTOR* dum hæc omnia ad idem subjectum refert, sibi contradicit, nam *n. 3.* usum fori originarii negat, sed *n. 4.* admittit.

## OBSERV. CLII.

*In hoc domicilii foro reus convenitur omnibus reabilibus & personalibus actionibus* ) Ita est, sed hoc merito intelligendum juxta Reipublicæ statum talem, qualem jus civile præsupponit, hinc obtinet, si locus domicilii & rei sitæ eidem subsint imperanti, quod si autem, juxta statum Germaniæ generalem, res aliqua in alieno Territorio sit sita, tum non consultum erit actionem realem in loco domicilii institueri, quoniam non sine causa actori metuendum erit, ne executio deinceps claudicat.

## OBSERV. CLIII.

*In loco contractus* ) Quæ de competentia ob contractum, ex jure Romano proferuntur, illa etiam sunt referenda ad eum Reipublicæ statum, ubi tam locus domicilii, quam contractus, uni parent Domino, nam si extraneus in aliquo Germaniæ Territorio contraxit, tum hoc præcipue considerandum erit, an contra eum possit fieri executio, h. e. an bona aliqua in loco contractus habeat, hoc ubi fuerit

rit, indistincte actio recte movebitur, sed ubi spes executionis cessat, tum frustra inanis Processus instituetur.

## OBSERV. CLIV.

*In loco delicti*) Hæc etiam competentia præsupponit unitatem Reipublicæ, nam tum tradita juris Romani, ad Judices subalternos unius Imperantis, recte applicantur, nisi aliud jure germanico cautum. De cætero certum est, quod Imperans jurisdictionem Judicum sibi subiectorum eo modo, quo hic exponitur, formare queat, *vid. DECIS. SAX. NOVISS. 89. conf. FINCKELTH. de jur. sepult. concl. 34.*

## OBSERV. CLV.

*Sed etiam ubi repetitur*) Ut delinquens forum sortiatur tam in loco *delicti commissi*, quam *deprehensionis*, id utique expeditum est, si Judices subalternos eundem Dominum agnoscentes præsupponas, nam quoad hos, jurisdictio à communi Imperante sic formari potest. Verum si quis in alicuius Imperii Germanici Status territorio deliquerit, in aliis vero ditione deprehendatur, an hic quoque jus puniendi statim habeat? Hoc sane sine hæsitatione vulgò asseritur, nec incommoda huius assertionis apparent, si delinquens ultimo supplicio afficiatur. Sed si salva vita, puniri debeat, an (1) *punitus iterum puniri poterit, in loco delicti commissi, si forte ibi reperia-*  
*tur*? Si dicas; hoc sequitur incommodum, quod idem delictum bis puniatur, si neges, non apparet, ob quam causam alter jus puniendi amiserit. Ulterius si delinquens relegatione puniendus sit, num (2) *ex Territorio deprehensionis, an delicti commissi, an*  
et

*ex utroque relegandus erit?* Quicquid assumas, difficultates reperiēs non facile superandas! Videtur igitur nimis liberale pronunciatum, quo deprehendenti jus statim puniendi asseritur, nam ad hoc duo requiruntur, *subjectio & delictum*, jam esto, quod deprehensus deprehendenti hactenus sit subjectus, attamen ejus intuitu non deliquit, hinc deprehendens ex lege naturali videtur obligatus ad delinquentem remittendum, si vero Dominus loci delicti, eum recipere nolit, tum demum ille jus puniendi nanciscitur. Hoc posito etiam præcedentia quæ sita facilè solvuntur, nimirum Dominus loci delicti, amplius punire nequit, quia jure suo, se consensu proprio abdicavit. Amplius delinquens ex territorio deprehendentis, erit relegandus, in loco verò delicti commissi libere, ob consensum modo allegatum, deinceps versabitur. Sic juxta rectam rationem omninò pronunciatum videtur. Interim contraria sententia ex inhumanitate, ambitione vel etiam avaritia invaluisse videtur.

2. Aliàs tam quoad territoria diversa, quam iudices subalternos ejusdem domini, quæri potest, *cujus loci jura observanda sint, si alia in loco delicti, alia deprehensionis occurrant?* Circa quod ita dicendum videtur: si rigidiora jura sint in loco delicti, mitiora in loco deprehensionis, tum juxta illa puniri delinquens poterit, quamvis Judex etiam hæc sequi possit, si vero vice versa mitiora sint in loco delicti, rigidiora in loco deprehensionis, tum inhumanum fuerit hæc observare, nam contra hæc deprehensus non deliquit, & si tanto rigore delictum eo in loco, ubi illud patravit, fuisset prohibitum, forte illud non patraisset.

## OBSERV. CLVI.

*In loco rei sitæ*) Res sita operatur saltem forum particulare quoad subditos unius Territorii, aut si extraneus in aliquo territorio bona possideat, tunc contra illum generale forum efficit id, quod usus Germaniæ dudum comprobavit quoad bona feudalia, hinc multo magis in allodialibus quoque admitti debet, *add. LYNCKER Res decis. Jenens. p. 1. Dec. 126.* ubi docetur, quod Incolæ Saxones actione personali in loco rei sitæ conveniri non possint, cum quoad externos saltem bona forum generale efficiant.

## OBSERV. CLVII.

*Non etiam in Camera lit. N.*) Privilegium fori, quod personis miserabilibus jure Romano datum est, in Camera non observari, recte ait *AUTOR*, præsupponit enim unam Rempublicam, qualis in Germania non est, & pessimè Status imperii Magistratibus inferioribus comparantur. Dissentit tamen *EYBEN in disput. de caus. feudal. hab. Helmstad. 1672. sect. 3. §. 13.* ob Ordinationem Judicii aulici 1559. §. damit auct. Sed hac in parte plus tribuendum est Statui Germaniæ, per Instrumentum pacis Westphaliæ præcipuè formato, quam Ordinationibus antiquioribus & controversis.

## OBSERV. CLVIII.

*Rei si sit, clericius*) Privilegium fori quod vel Reis, vel causis datum sit, ex legibus peregrinis incongrue ut plurimum repetitur, cum plerumque Status Germaniæ præsens eas velut repudiet, quod in primis exemplo causarum feudalium pluribus ostendi in *Jur. feudal. C. 28. §. 7. seqq.*

## OBSERV. CLIX.

*Officium Judicis dicitur*) Hæc definitio idem per idem declarat. Clarius forte diceret, per officium intelligi vel ipsam *obligationem*, qua ad recte judicandum Judex obstringitur, vel *actionem* seu *judicium*, quod isti obligationi attemperandum est. Divisio in *Nobile & Mercenarium*, ad judices pedaneos & Processum Romanorum formularium pertinet, quia tamen utcunque ad nostros etiam Judices quadrat, hinc hætenus commemorari solet. Dirigitur autem officium Judicis lege naturali, nam ex hujus præscripto, (1) leges observare ac (2) ad factum rite applicare debet. Si secus faciat, non tantum læsis contra sententiam remedia competunt, sed & Judex lege positiva coerceri solet. De quæstione autem, otiosa magis quam necessaria, *utrum judex acta & probata, an conscientiam sequi debeat?* vid. FRANZ. *Resol. l. 2. R. 22.*

## OBSERV. CLX.

*In concursu harum præferuntur præjudiciales lit. O*) Materia judiciorum sunt causæ controversæ, quod ex generalibus principiis fluit. Si plures concurrant, tunc de *prælatione* ex *regulis prudentiæ & jure positivo* statuendum, quod *AUTOR* hic attingit. Paulo plenius ita habendum: *Præjudicialis actio & civili, l. 2. §. C. de ord. cognit. & criminali*, siue præjudicialis accusantem siue accusatum respiciat, præmittenda, *l. 1. 7. 3. 6. C. de Ord. cognit. l. 26. C. de adult.* Solet tamen in processu civili, aliquando quæstio præjudicialis incidenter tractari *l. 2. §. C. de Ord. cognit.*

2. *Actio civilis & criminalis*, si *uni contra unum* competat, pro lubitu actoris, vel simul, vel successi-



vè, prout visum fuerit, proponi potest *l. un. C. quand. act. civ. crim.* nisi forte civilis sit præjudicialis, tum enim prius instituenda *l. 37. de judic. l. 5. §. 1. de vi publ. l. 7. C. eod. l. 1. C. de appell. l. 26. C. ad L. Jul. de adult.* Si verò *duobus reciproce* competat, v. gr. mihi contra te datur actio civilis, tu contra me habes criminalem, tum vulgo dicunt, si civili per modum *exceptionis* opponatur quæstio criminalis, utramque simul posse tractari *l. pen. C. de ord. judic.* si per modum *accusationis*, criminalem prius esse tractandam, propter gravitatem *l. fin. C. de ord. judic. add. DECIS. SAXON. 88.* Denique *possessorium* præmittendum est *petitorio*, si successive utrumque pertractandum sit, quod etiam, ex hypothesi processus nimis tardi, utile *l. 24. d. R. V* hinc qui per imprudentiam forte petitorium instituit, eo omisso, ad possessorium regredi solet *l. 18. §. 1. de vi.*

3. Post materiam judiciorum, *modus procedendi* quoque considerandus erat, sed illum *AUTOR* omisit, ideo forte, quod in usum Germaniæ, ex legibus extraneis adæquatè ille tradi non possit, sed potius ex propriis Ordinationibus processualibus peti debeat. De iis autem quædam hic dicere, nostri non est instituti, prolixiora enim sunt, quam ut hujus angustia eadem capiat. In genere forte admonendum, quod universa judicandi ratio, quæ in Territoriis Germaniæ obtinere solet, non satis scopo suo sit attemperata, i. e. non ita instructa, ut per eam litigantes suum, prout par erat, consequi possint. Sed est hoc altioris indaginis, quam ut velut in transcurso experiri debeat, forte etiam magis odiosum, quam ut de eo quædam dicere consultum sit.

## OBSERV. CLXI.

*Effectus judicii inchoati est. lit. E.*) Oriuntur hi effectus à lege positiva, & quidem de jure civili, post *lisem contestatam*. Sed jam dixi *observ. 143.* quod hodie judicium à *Citatione* incipere videatur, hinc post hanc, effectus illi hodie asserendi videntur. Interim res non est adeò liquida, ex quo patet, quam inconsultum sit, leges peregrinas, peculiaria instituta præsupponentes, cum patriis miscere. Effectus autem judicii peracti, quos *AUTOR* innuit, ex imperio civili sunt, adeoque in quavis Republica occurrunt.

## TIT. II.

## DE INOFFICIOSO TESTAMENTO.

## OBSERV. CLXII.

*Testamentum inofficiosum*) Necessitas certam bonorum partem liberis, Parentibus & fratribus relinquendi, ex jure naturali repeti nequit, hoc enim à Parentibus, ob generationem, saltem exigit, quo liberos alant, quamdiu ipsis aliunde alimenta non suppetunt, liberi vero ex lege gratitudinis Parentes egenos alere debent, inter fratres autem ne quidem talis obligatio asseri potest, quamvis arctior humanitas inopi fratri succurrere jubeat. Juxta hæc igitur lex positiva necessitatem illam introduxit, quod si adeo civile hoc officium negligatur, ac testamento omnis hæreditas memoratis personis auferatur, tum dicitur *Inofficiosum*, hinc totus hic Titulus est de sensu legis civilis, cujus autoritas uti hætenus admitenda est, ita sententia sæpe satis est dubia.

## OBSERV. CLXIII.

*Tanquam species extraordinaria hereditatis petitionis*) Est hoc inter interpretes contröversum, dum alii putant, querelam hanc saltem ad rescissionem Testamenti inofficiosi pertinuisse, eo autem rescisso & impedimento sublato, hæreditatis petitione fuisse vindicatam hæreditatem. Expediant hoc alii, quibus arcana processus Romani vel penitus cognovisse datum, vel in eadem curiosius inquirere volupe est, id saltem admonendum, quod tota illa controversia in foro nullius sit usus, nam licet sententiam modo relatam assumas, attamen certum est, quod eodem libello & testamenti rescissio, & hæreditas peti, adeoque querela inofficiosi testamenti & hæreditatis petitio cumulari queant.

## OBSERV. CLXIV:

*Requiritur igitur ad eam lit. R.*) Quando habeat locum Querela I. T. id quæstionis est valde intricatæ, ob diversa jura se invicem subsequencia, ac diversam eorum explicationem ab interpretibus factam. Juxta jus Institutionum, Pandectarum & Codicis Pater liberos omnes, qui actuale jus succedendi ab intestato habent, debet vel instituere (quo factores bene se habet) vel nominatim exhæredare *l. 4. C. de liber. præter. vel exhæred.* Quod si liberos in potestate existentes, nominatim non exhæredet, tum testamentum ipso jure & penitus est nullum impugnaturque querela nullitatis *l. 30. ff. de liber. & postb.* si verò emancipatos nominatim non exclusit, tum testamentum per B. P. contra tabulas rescinditur §. 3. *I. de exhæred. liber.* quo casu certis personis legata debentur, *l. 1. 15. de legat. præst. B. P. contr. Lib. petia.*  
 si au-

si autem Pater liberos nominatim exhæredet, tum Testamentum summo jure subsistit, & nihil refert quantum ad solennitatem exclusionis sive (1) nulla, sive (2) insufficiens sive (3) habilis, in *Nov. 115.* scilicet contenta, exhæredationis causa sit addita, nam omnibus illis casibus opus est querela inofficiosi, qua de justitia testamenti seu causis exhæredationis disputetur. Mater vero & liberi testantes, liberos & Parentes nominatim exhæredare non debent, hinc sive eos exhæredaverint, sive præterierint silentio, si expresserint exclusionis causam, sive non, omni casu testamentum summo jure subsistit, ac de ejus justitia solum, instituta querela inofficiosi, disquiritur.

2. Breviter itaque. Querela inofficiosi quoad Patrem locum habet, si *nominatim* sed *injuste* liberos exhæredaverit, quoad matrem cæterosque verò, si *injuste* personas instituendas excluserint. Si *solennitas* desit in casu, ubi requiritur, tum querela nullitatis obtinet, si cum *solennitate* adsit *justitia*, tum omnis querela cessat.

3. Istam juris antiqui dispositionem per *Nov. 115. c. 3. 4.* quantum ad *modum exclusionis*, non esse mutatam, *AUTOR* putat, hinc hætenus dicta etiam de Jure Novellarum vera esse censet *lit. R.* quam sententiam accuratiores etiam interpretes, *VINNIIUS* & *HUBERUS* aliique admittunt, contententes, in *d. Nov.* non præscribi *novam exclusionis formam*, sed solum *determinari causas exhæredationis*, hætenus *arbitrarias & incertas*, nec non *exitum querela inofficiosi reddi certiore ejusque effectum temperari*; paucis: *d. Nov.* non pertinere ad *exclusionis solennitatem*, sed *justitiam*.

4. Sed communis fere *Dd.* sententia, quam *STRILVIUS* aliique sequuntur, aliter *d. Nov. 115.* accepit, quasi scilicet nova penitus excludendi forma, parentibus & liberis testantibus in eadem præscriberetur. Hinc juxta illam, (1) nullum est discrimen inter Patrem, matrem & liberos testantes, hinc (2) etiam ratione patris, exheredatio nominatim facta & præteritio, pari passu ambulant, nec (3) ejus respectu amplius liberi sui & emancipati, quoad effectum illegitimæ exheredationis differunt, porro non agnoscit illa (4) nullitatem testamenti totalem. Denique juxta eam, (5) hoc solum considerandum est, utrum exclusioni causa habilis, quæ scil. in *d. Nov. 115.* continetur, sit addita, nec ne.

5. Ergo summa hujus sententiæ eo redit: *Vel parentes & liberi testantes, exheredationi aut præteritioni causam aliquam, in d. Nov. 115. contentam, adjecerunt*, (nam etiam præteritioni vel tacitæ omissioni causa adjici potest, licet id non putet *HUBER. in posit. ad. ff. de liber. & post. § 27.*) *vel nullam aut inhabilem expresserunt.* Illo casu testamentum summo jure subsistit, ac per querelam inofficiosi, si ab hærede, adjecta ingratitudinis causa probari nequeat, quoad institutionem rescinditur. Hoc verò est ipso jure nullum & querela nullitatis, iidem saltem quoad institutionem hæredis, evertitur.

6. Non differunt ergo, juxta hanc sententiam, querela inofficiosi & nullitatis, *effectu*, bene tamen *duratione, transmissione, probatione & exitu*, hinc etiam putarem, querelam nullitatis processu summario posse tractari. De cætero utraque sententia probabilis est, prior tamen verior, sed posterior  
pla-

planior, & ideo forte communiter recepta. Obtinere certe videtur in Electoratu Saxoniae *Part. III. CONST. 9.*

## OBSERV. CLXV.

*Ex mente Imperatoris alia quoque admittantur*) Videtur distingvendum inter causas exhæredationis alias, & causæ in d. Nev. 115. expressa plura exempla; hæc admittuntur, non illæ, filium autem pro Patre fidejubeere nolentem, non posse exhæredari in Electoratu Saxoniae certum per *DECIS. NOVISS. 52.* Peculiarem quoad fratres fovet sententiam *FUCHSILLIS in disput. de impugn. testam. frater. per quer. inoffic. bab. Francof. 1692. dum c. 3. §. 4. negat,* causas exhæredationis quoad fratres, in casu turpis personæ instituendæ, esse definitas, & eos potius hoc casu nullo modo posse exhæredari contendit; inquam inquirere jam non vacat.

## OBSERV. CLXVI.

*Victoria tamen illorum etiam his prodest lit. S.)* Non improbabilis quoque est sententia contraria, quod scilicet pars eorum, qui agere nequeunt, maneat penes hæredem scriptum, quam post alios defendit *HUBER. in posit. ad ff. b. t. n. 4. seqq.* Videtur hoc insigne Legislationis Romanæ esse vitium, quod eos, qui æquale jus succedendi ab intestato habent, in jure movendi querelam disparaverit.

## OBSERV. CLXVII.

*Hæredibus prædictarum personarum regulariter non competit lit. S.)* Nam defunctus, qui querelam non instituit, censetur injuriam sibi illatam remisisse, hinc etiam ex contraria ejus voluntate tres fluunt exceptiones, nam transmittitur querela (1) si sit institu-

ta (2) saltem præparata, id quod quoad omnes hæredes obtinet, (3) si filius exhæredatus moriatur antequam scriptus hæres adierit, quod *AUTOR* recenset, quia enim ante aditam hæreditatem filius agere nequit, hoc tamen, si modo per hæredem, moras necessentem, licuisset, dubio procul fuisset factururus, hinc morte exhæredati, ante hæredis scripti aditionem interveniente, querela pro præparata habetur.

## OBSERV. CLXVIII.

*Successorium edictum hic locum habet in personis diversi, non ejusdem ordinis lit. S.)* Ratio diversitatis est: Personæ diversi ordinis, suo singulæ jure gaudent, hinc v. gr. liberis querelam omittentibus, Pater exhæredatus, si adsit, querelam ex suo jure instituit. Verum in personis ejusdem ordinis, jus ab una ad alteram transire, seu una ab altera illud consequi debet, hinc si præcedens jus non habuit, vel communicare noluit, sequens agere nequit, v. gr. filius juste exhæredatus agere non potest cum effectu, hinc nec nepoti agere licebit, quia omne jus à Patre accipere debebat. Idem est, si filius injuste quidem exclusus sit, sed agere nolit. Quod si tamen personæ ejusdem ordinis jus propriū habeant, etiam successio locum habere videtur, hinc v. gr. Patre juste exhaeredato vel querelam omittente, avus admittetur, non enim, sicut à filiis in nepotes, ita à Patre jus in avum transmittitur, sed hic potius jure proprio gaudet. *conf. VINN. select. quest. l. 1. c. 20.*

## OBSERV. CLXIX.

*In Saxonia hoc est mutatum lit. O.)* Si cum effectu Pater filio pupillariter substituere velit, non tantum ejus matri legitimam relinquere debet per  
CONST.

CONST. 8. p. 3. sed & , posito casu habili, avo & aviae juxta DECIS. NOVISS. 47.

## OBSERV. CLXX.

*Jure novo descendantium & ascendentium querela institutionem tantum impugnatur lit. E.*) Diversitatis ratio est: Jure antiquo exitus querelae erat perincertus, cum exheredationis causae non essent determinatae, adeoque actores facile succumbere possent, hinc periculum hoc merito compensabat plenior effectus & exheredati victores totum evertabant testamentum. Sed jure novo, facta causarum exheredandi determinatione, exitus querelae longe est certior nec facile exclusi succumbunt, hinc effectus querelae etiam est temperatus, ut saltem institutionem evertat.

## OBSERV. CLXXI.

*Excludunt hoc remedium lit. C.*) De his ita dicendum. Quaedam querelam *excludunt*, h. e. efficiunt, ut plane locum non habeat, nempe aliud *remedium n. 1. & relictio legitima n. 5.* quibus addi debet *justa causa ab heredem probata*, nam licet de facto, hoc casu agatur, attamen exitus ostendit, quod in rei veritate nulla actio auctori competierit. Quaedam *vere competentem tollunt*, scilicet *voluntatis agnitio n. 2. h.* quod naturale est, consensum tamen vivo Patri datum, lex civilis ex sua hypothesis, qua pacta circa viventis haereditatem improbat, invalidum esse jubet. Porro *prescriptio n. 3. & mors n. 4.* quae efficaciam ex lege civili habent.

## OBSERV. CLXXII.

*Nam relinquenda est liberis & Parentibus titulo institutionis lit. F.*) Debitum legitimae non aliter ex  
juro



jure naturali repeti potest, quam quatenus habet rationem alimentorum, quatenus vero simpliciter præstandum, eatenus ad jus civile pertinet, quod etiam *modum relinquendi* definit. Est scilicet legitima liberis & parentibus titulo institutionis relinquenda, si secus fiat, querela adhuc obtinet, quod tamen intelligendum de eo casu, ubi sine causa Parentes & liberi excluduntur, tum enim non aliter testamentum valebit, quam si in legitima instituuntur. At si iusta exhæredationis causa adsit, tum penitus possunt excludi, adeoque si forte ex commiseratione legitima legetur, hoc exclusi pro beneficio reputare debent, nullo autem modo illegalis relictionis prætextu testamentum cum effectu impugnare queunt.

## OBSERV. CLXXIII.

*Nisi filii favorem respiciat*) Fac Patrem, filium obæratum ea conditione in legitimam instituere, ut maximam partem liberis suis seu testatoris nepotibus præstet, eo scilicet fine, quo bona avita nepotibus aliquo modo servantur, nec omnia à filii creditoribus auferantur. Tale onus, legitimæ adjectum valebit juxta doctrinam *CARPZOVII d. l.*

## OBSERV. CLXXIV.

*Numerantur in hac computatione juste exhæredati d. lit. f.*) Cum legitimæ quantitas juxta numerum personarum variet, hinc utique scire refert, quarum in constituenda illa quantitate sit habenda ratio nec ne. In eo verò sæpe fluctuant ac ambigue vel etiam inique docent interpretes, quod, nisi fallor, exemplo *STRUVII S. 7. C. exerc. 10. §. 32.* etiam patet. Nobis variæ quæstiones sic breviter proponi posse videntur; (1) quæritur, an *instituti numerentur*? quod omni-

omnino afferendum, fac, Patrem tres liberos simpliciter, tres in legitima instituere, tum illorum, tam quoad legitimam constituendam, quam dividendam, erit habenda ratio, quare hi dimidiam legitimæ, seu quadrantem totius hæreditatis habebunt; (2) *an juste exhæredati?* hoc simpliciter negandum, habentur enim pro mortuis *l. 1. §. 5. de conjung. cum emancip. lib.* hinc neque in favorem neque præjudicium cæterorum erunt spectandi. Pone Patrem ex quinque liberis, quos habet, unum juste exhæredasse, cæteros in legitima instituisse, ac insuper extraneum hæredem scripsisse. Quatuor illi solum habebunt trientem, nec poterunt exhæredatum ad efficiendum semissem numerare. Vice versa si ex quatuor liberis, tres in legitima sint instituti, quarto juste exhæredato illi habebunt integrum trientem, nec poterit ex hoc, hæres scriptus, exhæredati prætextu, quartam partem retinere, atque hæc sententia in praxi etiam recepta est, ceu *CARPZOVIVS* cæterique hic citati testantur. *AUTOR* frustra dissentit, cujus sententia neque ratione, neque textu firmatur, nam *l. 8. §. 8. de inoffic. testam.* non loquitur de juste exhæredato, sed de eo, qui in gratiam hæredis scripti, legitimam vel hæreditatem repudiat, hujus portionem scriptus utique retinet; (3) *an statuto à successione exclusi?* hoc etiam negandum & consentit *AUTOR*, nam hi quoque mortuis comparandi, hinc obtinent ea, quæ de justè exhæredato proximè diximus; (4) *an renunciantes?* & hoc negarem, quia & illi mortuis similes, malè *CARPZOV. p. 3. C. 10. D. 14.* censet, illos numerari ad legitimam minuendam, non augendam, cum in favorem Patris & hæredis renunciassent

censeantur, nam hujus præsumptionis nullum est fundamentum, hinc merito etiam id rejicit *Dn. STRYK. in not. b. (5) an repudiantes?* hic distinguendum erit, utrum *quis in favorem eorum, qui legitimam petunt, repudiet*, (quod quidem juxta communem mortalium affectum, in dubio præsumendum videtur) hoc casu repudians faciet partem seu numerabitur ad legitimam augendam non minuendam, an *hæredis scripti*, tum vice versa, ad minuendam non augendam legitimam numerabitur. Sed si hoc casu v. gr. quinque liberi sint, num in favorem hæredis scripti repudians efficere potest, ut reliqui saltem accipiant trientem, an id solum, ut pars, quam ex semisse repudians alias fuisset habiturus, penes hæredem maneat? mihi prius videtur probabilius.

## OBSERV. CLXXV.

*Deducto ære alieno*) Quæstio, *an legitima sit pars bonorum vel hereditatis?* Ita ab *AUTORE* hic tractatur ac deciditur, ut facile quis existimare queat, eam esse otiosam, cum res eodem recidat, sive illud sive hoc asseras, nonne enim in effectu liberi idem habent, sive, deducto prius ære alieno, ipsis legitimam, ut partem bonorum, præstes, sive eam ex tota quidem hereditate assignes, ut tamen ad exsolutionem æris alieni, partem ratam conferre debeant? Quare vis quæstionis potius huc redit: *An legitima quantitas sit constituenda juxta quantitatem totius patrimonii, non deducto ære alieno, ac deinceps necessitas imponenda hæredi, ut de sua tantum parte omne debitum exsolvat?* V. gr. defunctus relinquit hereditatem 12000. imperialium, sed 4000. debet, heic quaeritur, an filius, qui legitimam petit, possit petere trientem  
ratio-

ratione totius massæ seu 4000. ita quidem, ut de residuis 8000. hæres scriptus aes alienum solus exsolvere cogatur, an verò filius partem aeris alieni ferre debeat, ita ut de 4000. imperialibus, vel ratam conferat, vel aere alieno antea deducto, de 8000. saltem, trientem accipiat? Sic quaestio non est otiosa. Regulariter autem liberi onus aeris alieni pro parte subire debent, nisi testator aliud voluerit, quod tum etiam factum videtur, si vel certam quantitatem vel corpus legitimæ loco assignaverit, *l. 13. C. de Hæred. instit.*

## OBSERV. CLXXVI.

*Secus in foro Saxonico*) Sed saltem ex sententia *CARPZOVII*, qui eo tandem inclinare videtur, liberis deberi legitimam de tota hæreditate, uxoris portione Statutaria hæctenus computata, postea verò hæredem scriptum de suo tantum illam exsolvere teneri. Interim *CARPZOVIVS*. ad jus civile etiam respicit, & in quaestione vel formanda vel decidenda non perspicue satis ac certo incedit.

## OBSERV. CLXXVII.

*Sed non bona adventitia*) Habet hæc res locum communem de Collationibus: Quid enim liberis conferre debeant nec ne, id non tantum ratione Legitimæ, sed præcipuè ratione totius successionis quaeritur, qua de re adeo in loco proprio agendum erit, *add. DECLS. SAXON. 50.*

## TIT. III.

## DE HÆREDITATIS PETITIONE.

## OBSERV. CLXXVIII.

*Hæreditas*) Quod hæreditas *Persona* vicem obtinere credatur, otiosum fori Romani commentum est, cujus in vita civili neque necessitas neque utilitas aliqua est. Quod autem pro jure accipiat, id solidum, sed non Romanum, verum omnibus Gentibus commune est. Ejus tamen indolem perspicuè satis non expressit *AUTOR*, clarius: *Hæreditas est complexus omnium jurium, realium & personalium, à defuncto in heredem translatorum*, l. 37. de A. O. H. l. 23. de A. A. P. nec non ex possessoris factio, hæredi noviter acquiritorum l. 28. §. 18. b. t.

## OBSERV. CLXXIX.

*Hæreditatis petitio*) Ex isto jure, naturaliter utique potest movere actionem hæres, cujus nomen & descriptionem *AUTOR* suppeditat, ut simul ad requisita legis civilis respiciat. Inprimis juxta hanc, dicitur *actio mixta*, quia scilicet præstationes personales videntur hic *jure actionis* petitiæ, cum in aliis actionibus realibus, officio judicis saltem adjudicarentur, quo ipso adeò liquet, esse hæc emblemata fori Romani, quæ hodie nullum habeant usum. Aliàs dicitur *actio universalis*, quatenus nimirum universa hæreditas ab aliquo peti eam vindicatur, nam si res singularis ab aliquo petatur, tum eam singularem esse, manifestum est, utut fortasse forum Romanum heic etiam aliquam universalitatem finxerit.

OB.

## OBSERV. CLXXX.

*Dividitur*) Hæreditatis petitio in varias species abit, nam (1) à *fundamento remoto* seu *lege*, quæ jus hæreditarium largitur, est *civilis*, de qua hic *possessoria*, quæ ex jure Prætorio oritur, *tit. 5. b. & fidei commissaria*, quæ ex juris civilis velut conniventia descendit, *tit. 6. b.* Prima est iterum *directa & utilis*: Cæterum hodie illa sunt otiosa, cum facile liqueat, omnes illas circumstantias indifferentes a Romanis esse observatas ad multiplicanda actionum nomina irretiendosque litigantes; (2) ab *objecto* est *universalis & Particularis*, de qua *tit. 4.* si modo per subtilitates fori Romani ita dicere licet; (3) à *fundamento proximo*, est vel *testamentaria*, quæ ex testamento, & *legitima*, quæ ab intestato datur. Hæc, si defunctus nullum posuerit impedimentum, nomen generale *hæreditatis petitionis* retinet, si vero ille testamentum invalidum vel inofficiosum objecerit, tum *Querela nullitatis vel inofficiosi* dicitur.

## OBSERV. CLXXXI.

*Causa efficiens lit. C.*) Fundamentum hæreditatis petitionis *lit. C.* ut & subjectum *lit. S.* satis pater, quæ autem de actione utili insperguntur, illa ex *Observ. præc.* interpretationem moribus convenientem sortiuntur, sunt scilicet illa ejusque generis aliæ denominationes hodie non *necessariæ*, sed *arbitrariæ*.

## OBSERV. CLXXXII.

*Adversus eum, qui lit. P.*) Juri hæredis in possessore hæreditatis respondet *obligatio*, quæ ex lege naturali descendit, nisi enim alteri suum restitueret, ipsum contra æquitatem læderet; is quoque, qui malitiose se liti obtulit vel dolo possidere desiit, naturaliter ad æsti-

mationem praestandam, ex suo facto obligatur, prior tamen casus malitiosae oblationis, videtur ad mores Romanorum pertinere nec hodie occurrere. Haec-nus igitur Romanis nihil nisi confirmatio hic debetur.

## OBSERV. CLXXXIII.

*Si fictus possessor litis aestimationem solverit, hoc vero nihil prodest d. lit. P.)* Imo prodest, si enim (1) fictus liberatur, vero iudicium accipiente, ac rem vel aestimationem praestante, ceu *AUTOR* paulo ante docet, utique etiam, ob paritatem rationis, verus liberari debet, si fictus haeredi satisfaciat, aliàs diversus agendi modus vel ordo, tam grave introduceret discrimen, quod dictum est absurdum! (2) fictus, praestando aestimationem, rem ab haerede velut emit, quod *AUTOR* infra *de in lit. jur. lit. E.* generaliter ex *l. p. rer. amot. l. 25. §. 1. solut. matrim. l. 46. 47. de R. V.* admittit, ergo sicut nunc, si rem haberet, eam in alios transferre posset, ita translatio olim facta, convalescere, ac adeo possessor securus reddi debet. Denique non obsunt (3) textus, quos pro se *AUTOR* allegat, nam hoc saltem volunt, possessorem verum non liberari *ipso jure*, ut ea fuerit differentia, vero possessore rem praestante, quoad fictum actio *evanescit*, ceu loquitur *d. l. 13. §. 14. b. t. i. e.* ipso jure ita tollitur, ut nec vola nec vestigium superfit, aut ficto aestimationem solvente, verus non liberatur *d. l. 13. §. 14.* nempe ipso jure, hinc adhuc ab eo recte (sed non efficaciter) petitur, *d. l. 7. de R. V. conf. l. 20. pr. de inter. in jur. fac.* quae cantilena hodie inanis est.

## OBSERV. CLXXXIV.

*Pro haerede vel possessore lit. P.)* Qualitas possessio-  
nis

nis in hæreditatis possessore triplicem ob causam attendi potest, (1) ad *fundandam vel potius denominandam actionem* (2) *temperandam vel variandam probationem ac* (3) *promovendum liti exitum*. De jure Romano ob omnia illa, & inprimis etiam primum, qualitas possessionis attendebatur, hinc ne acturus in limine impingeret, seu in nomine actionis movendæ erraret, possessor titulum allegare debebat. Cæterum cum talis allegatio à moribus judiciorum Germanicorum abeat, hinc dicendum videtur, quod qualitas possessionis, ob duo posteriora, hodie saltem attendatur, hinc ita se res habebit: si acturus ex interpellatione extrajudiciali, titulum possessoris forte intellexerit, ejus in formando libello poterit habere rationem, si verò de hoc non adeo certus sit, tum vel hæreditatem totam, vel rem singularem ex jure, per successionem ad se devoluto, petet, (quæ petendi ratio & hæreditatis petitioni, & cæteris actionibus, quas defunctus movisset, congruit) quod si reus litem ad hæc contestetur, tum intelliget actor ejus *intentionem*, ac simul, quæ *probatio* sit instituenda, quisque futurus sit *litis exitus*.

## OBSERV. CLXXXV.

*Singulares stricto jure lit. P.*) Contra eos, qui ab hæreditatis possessore causam habent, indistincte Hæreditatis petitio institui posse videtur, cum etiam contra hos, jus actoris hæreditarium probari, sufficiat, nec enim plus juris habere possunt, quam ipsorum Autor habuit. Agnoverunt etiam hoc in effectum Romani, sed fabulam actionis utilis inspersere, quæ hodie cessat. Quin tamen contra successores singulares etiam rei vindicatio queat institui, dubi-



um non est, (cum & contra hæredem prætenſum id fieri poſſe videatur, licet ita agere conſultum non ſit) atque id ſaltem vult *l. 2. C. b. t. de cujus adeo cum cæteris conciliatione gratis deſperare videtur WISSENBACHIIUS* relatus *HUBERO in poſit. ad ff. b. t. n. 8.*

## OBSERV. CLXXXVI.

*Petitur principaliter hereditas lit. O.)* Percenſet *AUTOR* ſpecialius officium poſſeſſoris, quæ omnia naturalia ſunt, & Romanis nihil debetur niſi confirmatio, & quod nonnunquam *circumſtantiam conſenſus*, quam æquitas naturalis præſupponit, liquidius determinaverint. Poſitiva autem, quæ aliàs intercurrunt, & mox à nobis proferentur, nullius fere hodie ſunt uſus.

## OBSERV. CLXXXVII.

*Exceptis ſervitutibus lit. O.)* Has enim in *reſtitutionem hereditatis non venire*, ego didici, ait *PAULUS* in *l. 19. c. 3. b. t.* & licet hæc ſententia ratione non deſtitui vulgo credatur, *vid. DONELL. Comm. 7. C. l. 19. c. 13. lit. i.* mihi tamen *PAULUS* non recte didiciſſe videtur, nam poterit vicinus ſervitutem perinde, ſicut alia jura, eo prætextu negare, quod ipſe ſit deſuncti hæres, hinc non alia, quam juris hæreditarii probatione, ab actore erit repellendus, quæ eſt ipſa hæreditatis petitionis intentio. Rationes oppoſitæ non valde urgent, (1) *nihil eo nomine poteſt reſtitui, ſicut eſt in corporibus*, ſed cur non *res ſerviens* perinde poſſet reſtitui, ſicut *res propria*, oppignorata pluresque aliæ? laborant Romani nonnunquam rerum moralium ignorantia, quam imprimis circa ſervitutes oſtendunt, (2) *ſed ſi non patiatir ire & agere,*  
pro-

*propria actione convenietur*, hæc tamen non statim excludit hæreditatis petitionem, quia pro ratione tituli possessoris, nunc antiquis actionibus, nunc hæc agendum est. Sed de hoc hodie non valde contendendum videtur, illud certum, quoad etiam circa servitutes duplex probandi ratio locum habere queat, an vero actionem dicere velis, confessoriam vel hæreditatis petitionem, nihil referet.

## OBSERV. CLXXXVIII.

*Et quantum tempore rei judicatae exinde locupletior factus sit. O.)* Sed mox dicit *AUTOR*, quod post litem contestatam, b. f. possessor, in m. f. possessorem degeneret, hic autem in solidum tenetur. Juxta hæc igitur quis simul tempore rei judicatae tenebitur quatenus locupletior factus, & in solidum, quæ non satis cohererent! *WISSENBACHIIUS* hos textus, & in specie *l. 36. §. pen. ac l. 25. §. 7. b. t.* desperatae conciliationis esse censet teste *HUBERO in posit. ad ff. b. n. 14. 15.* sed videtur facile res componi posse, si fructus distinguamus, nimirum ratione fructuum, ante litem contestatam perceptorum, bonæ fidei possessor suam qualitatem retinet, adeoque ex iis solum præstat, quantum tempore rei judicatae locupletior factus est, sed ratione fructuum, post litem contestatam perceptorum vel percipiendorum, habetur pro malæ fidei possessore, adeoque eorum intuitu in solidum obligatur, quamvis hoc posterius referendum esse putarem ad casum, ubi actoris jus est nimis manifestum, nam alias si possessor justam habeat contradicendi causam, tum à tempore litis contestatae, cum statim pro malæ fidei possessore habere nimis durum fuerit. In genere puto, quod hæc jura in vita civili

applicari nequeant, adeoque saltem in speculatione interpretum consistent, nam si quis perpendat hominum negligentiam, eorumque ad alios laedendos proclivitatem, nec non processuum diuturnitatem, quis crediderit, post elapsos plures annos, exactum fructuum perceptorum aut percipiendorum posse iniri calculū, & accurate ostendi, quorum respectu quis bonae vel malae fidei possessoris qualitatem gerat? Hinc semper transactione, vel remissione domini, ista res componitur.

## OBSERV. CLXXXIX.

*Simplex m. f. possessor non restituit pretium rei ante judicium acceptum perempta*) Quae de judicio accepto hic dicuntur, spectant ad antiquam litis contestationem, nec hodie ejus circumstantiae, in aestimanda possessoris obligatione, erit habenda ratio, sed hoc potius unice spectandum, an mora injusta à possessore revera sit commissa, ac inter eam & casum secutum sit connexio, nam his positis, erit obligatus possessor, cessantibus vero, ad nihil tenebitur, hinc si v. gr. m. f. possessor ante litem motam, extrajudicialiter fuerit interpellatus, ac res perierit, tum ad ejus pretium exsolvendum tenebitur, si statim restituta, apud dominum non fuisset peritura. Vice versa si post litem motam, res pereat, ut etiam apud dominum fuisset certo peritura, tum ad nihil erit possessor obligatus, quia mora fuit innocua.

## OBSERV. CXC.

*Ulsque ad tempus rei judicatae*) Nec hic terminus usu servatur, vid. BRIUNNEM. ad l. 1. C. de usur. rei jud. sed obligatio quoad fructus praestandos tamdiu

po-

potius uniformi modo durat, quamdiu possessor omnia, quæ debet, nondum exsolvit.

## OBSERV. CXCI.

*Deducit possessor*) Vice versa actor possessori ad impensas refundendas naturaliter obligatur juxta circumstantias *AUTORI* hic memoratas, nam nihil amplius hic juri Romano tribuendum, quam consensus eorum, quorum interest, quamque æquitas naturalis præsupponit, certior determinatio.

## OBSERV. CXCII.

*Actor probare debet*) Probatio, uti aliàs, ita etiam hic jure naturali requiritur. Præsumtio autem quoad vitam hominis, ex communi mortalium conditione desumitur, nam non adeo multi annum 70. supergrediuntur, nec tamen illum attingere, inter homines inusitatum est, hinc in dubio usque ad illum annum quis vixisse meritò præsumitur. Illud certum, quod hæc præsumtio sit magis rationabilis, quam illa, qua quis usque ad 100. annum vivere præsumitur juxta doctrinam *FINCKELHUSII Obs. 100.* nam in iis, quæ rarò eveniunt, præsumptiones collocare non decet.

## OBSERV. CXCIII.

*Judicio hoc accepto*) Quid, lite mota, possessorem facere oporteat, illud omne iterum ex communibus æquitatis & prudentiæ regulis dependet, nam ita se gerere debet, ne vel Actor vel Creditores hæreditarii, vel ipse lædantur. Quæ autem de juramento in litem insperguntur, illa ad antiquum processum formularium pertinent, nec hodie sunt in usu.

## OBSERV. CXCV.

*Præscribitur hæc actio 30. annis*) A petitione hæreditatis paternæ vel avitæ non nisi triplicato tempore, seu 90. annis, liberos excludi, docet *CARPZOV. p. 3. C. 14. D. 30.* sed illa interpretum nonnullorum sententia est minus probabilis, de qua in materia bonorum possessionis amplius dicendum erit.

## TIT. IV.

SI PARS HÆREDITATIS  
PETATUR.

## OBSERV. CXCV.

*Si defunctus unum filium & uxorem prægnantem reliquit, ille quartam tantum petit*) Dispositionem hanc Romanam ridet *AUTUMNUS*, satius esse existimans, si usque ad nativitatem posthumi, omnis divisio suspendatur, alimentis saltem præsentis filio assignatis. Sed *HILBER. in Eunom. ad. d. l. 3.* Censori id regerit, quod filius abscisse jus suum urgere possit, si præsentis egeat pecuniæ, forte mercator in articulo asserendæ fidei constitutus, nec fortunas suas aliter sustinere valens! tum vero divisionem à iudice evitari non posse, adeoque dispositioni Romanæ locum fore. Sed hoc adhuc poterat contra Romanos excipi, nugatorium videri, quod provisionem suam attemperaverint casu rarissime evenituro, cum ratio potius ad ea, quæ plerumque eveniunt, nos respicere jubeat.

## TIT. V.

DE POSSESSORIA HÆREDI-  
TATIS PETITIONE.

## OBSERV. CXCVI.

*H*Æc competit bonorum possessori) i. e. hæredi prætorio, qui actuali bonorum possessione destituitur, cæterum uti hodie juris prætorii exiguus in materia successionis est usus, ita si etiam ejus aliqua adhuc esset autoritas, de nomine tamen actionis non valde foret laborandum, licet, quod hic traditur, ultro adhibere nihil vetet.

## TIT. VI.

DE FIDEI COMMISSARIA  
HÆREDITATIS PETITIONE.

## OBSERV. CXCVII.

*N*on contra fiduciarium) Sed contra hunc datur persecutio extraordinaria l. 178. §. 2. de V.S. Interim facile liquet, omnem hanc sollicitudinem pertinere ad forum Romanum & processum formularium, hinc si hodie ab ipso etiam fiduciario, hæreditatem petat fidei commissaria hæreditatis petitione fidei commissarius, eum non esse erraturum putem, modo petitionem ipsam recte formet. Quemadmodum etiam otiosa quaestio est hodie, an fidei commissaria hæreditatis petitio sit actio civilis vel prætorica? vid. l. 1. 2. 3. b. l. 1. de Hæred. petit. HAHN ad Wesenb. b. Quod si tamen quis illas fori Romani tricas stricte observare velit, is hætenus suo sensu abundare poterit.

LIB. VI. TIT. I.  
DE REI VINDICATIONE.

## OBSERV. CXCVIII.

*Rei vindicatio*) Dominium tale jus est, quod omnes homines ex communibus principiis intelligunt, ut hactenus Romanis nihil debeatur. Ex eo porro *naturaliter* potest moveri actio, quam *ACTOR* ex communi sensu definit *lit. D.* sed juxta usum fori Romani distinguit *sign. †* quæ hodie non sunt necessaria. Hinc frustra ea porro est Ejus sollicitudo, quam in tradendo *fundamento lit. C. & subiecto lit. S.* adhibet. Quomodo autem dominium acquiratur, illud alibi exponitur.

## OBSERV. CXCIX.

*Datur contra possessorem lit. P.*) Juri actoris respondet *obligatio in possessore*, quæ dubio procul jure naturali constituta est, nisi enim possessor domino suum redderet, eum læderet. Quæ vero de actione directa & utili *ACTOR* iterum inspergit, ea hodie præteriri possunt. Obligatio autem, quæ ex facto defuncti dolo originem habet, de qua *lit. P. in fin.* mero jure naturali in hæredem transit in solidum, quam æquitatem decreto juris Romani præferendam esse arbitror.

## OBSERV. CC.

*Petuntur hac actione res singulares lit. O.*) Officium possessoris eo pertinet, ut rem cum fructibus restituat juxta circumstantias hic memoratas, quæ omnia iterum sunt naturalia & jure Romano saltem probata. Quemadmodum etiam id ex communibus

bus prudentiæ regulis fluit, ut actor rem, quam petit, certo designet, *add. BERGER. resolut. b. De cætero quoad applicationem horum jurium repeto ea, quæ dixi observ. 188.*

## OBSERV. CCI.

*De percipiendis & consumptis, licet inde locupletior factus, securus est lit. O.)* Bonæ fidei possessorem de consumptis teneri, quatenus locupletior factus, verior videtur sententia, ceu recte contendit *HUBER. in posit. b. n. 13.* nam mero jure naturali dubio procul eo modo obligatur, quo prætextu enim ex re aliena lucrum prætenderet? Licet autem ab illa dispositione, citra iniquitatem, discedere potuerit jus Romanum, (cum consensus domini heic supponi queat) attamen in dubio discessisse non putandum est, maxime cum circa hæreditatis petitionem, æquitatem illam observaverit, nec contrarium hic ex indiciis habilibus appareat, nam §. 35. *J. de R. D. §. 2. J. de O. J. l. 4. §. 2. fin. reg. l. 22. C. de R. V. l. 4. §. 19. de usurpat.* quas *AUTOR* pro se allegat, nihil aliud probant, quam quod de *consumptis fructibus*, bonæ fidei possessor non teneatur, quæ doctrina, limitationem æquitatis modo propositam, non respuit, maxime, cum fructus vix pro consumptis haberi queant, quando id, quod inde redactum, adhuc exstat. Ratio autem disparitatis, quam inter hæreditatis petitionem & rei vindicationem esse putant, quod *illa scilicet actio mixta habeatque præstationes personales, hæc non, vid. STRUV. Exerc. 11. §. 23.* nimis est jejuna, nam omne illud discrimen pertinet saltem ad externum agendi modum, juxta apices processus Romani observandum, sed diversitatem obligationis in pos-  
sello-



sessore hæreditatis & rei singularis, non evincit. Hinc etiam corruunt ea, quæ amplius tricitur *STRUVIUS d. l.* nempe *neque rei vindicationem ad fructus consumptos posse extendi, neque ullam aliam actionem eo nomine proditam esse*, nam de ipsa actione res satis certa est, utut forte de nomine aut externo ejus habitu, res juxta subtilitates Romanas non usque adeo sit expedita.

## OBSERV. CCII.

*Mala fidei possessor hosce tantum tollit lit. O.*) Imo deducit per *L. 38. de H. P.* nulla enim solida differentia est inter possessorem hæreditatis & rei singularis, de illo autem concessit *AUTOR de heredit. petit. lit. O. in fin.* quod impensas utiles deducat, ergo de hoc idem concedere debet, nec obsunt valde textus, quibus hic in contrarium nititur, nam *L. 5. C. b. t.* loquitur de injusto invalore, qui furi similis, *L. 37. b. t.* agit de impensis domino vindicanti non utilibus, quas possessor tantum tollit, nam durum foret dominum adigere ad præstationem impensarum sibi haut utilem. Denique *§. 30. f. de R. D.* ibique contenta ratio de *animo donandi*, non est universalis aut simpliciter intelligenda, nam alioquin animus donandi etiam facultatem tollendi excluderet. Alias quæ in genere de officio domini, intuitu possessoris, hic dicuntur, naturalia sunt ac Romanis saltem confirmatio debetur.

## OBSERV. CCIII.

*Aktor hic probare debet lit. P. 2.*) Quæ de probatione hic habentur, illa iterum ex communibus æquitatis & prudentiæ regulis resultant. Dispositio autem poenalis contra mendacem reum comparata, positi-

fitiva & memorabilis est, potestque actori insigne afferre emolumentum, si modo in Judiciis nostris attenditur.

## OBSERV. CCIV.

*Aut ab hostibus redempta lit. E.)* Subest hic ratio specialis, nam ab hostibus capta amittuntur, nec habent regulariter postliminium, hinc si quis ab hoste quid comparet, is à vero domino rem accipit, hinc antiquus dominus rem amplius vindicare nequit, sed dato pretio eam à volente emit. In Electoratu tamen Saxoniz hæc demum procedunt, si quis, dum ab hoste rem redemit, ratione pretii ab antiquo domino recipiendi, judicialiter protestatus sit *DECIS. NOVISS. 90.* Quæ alias de exitu rei Vindicationis *AUTOR lit. E.* disserit, illa naturalia sunt, modus tamen executionis faciendæ à jure positivo est, nec hodie contra contumacem jusjurandum in litem adhiberi solet, sed res potius ipsi aufertur.

## TIT. II.

DE PUBLICIANA IN REM  
ACTIONE.

## OBSERV. CCV.

*Est actio in rem)* Quando dominium aut servitutum plene probare possumus, tum actio inde competens dicitur, *Rei Vindicatio & Confessoria*, si autem ea saltem afferre queamus, ex quibus probabiliter utrumque jus præsumitur, tum *naturaliter* utique actio etiam competit, nam jus præsumtum satis efficax censi debet contra illum, qui pari jure destituitur. Hactenus igitur *Rei Vindicatio & Confessoria*, etiam in casu dominii & servitutis probabiliter præsum-

sumtæ, institui possunt. Sed Romani putabant, jure civili nullam hoc posteriori casu competere actionem *l. 24. de R. V. §. 4. §. de interdikt.* Virum Prætor *PUBLICIUS* ob rationem æquitatis modo datam, in suo Edicto aliquam asseruit, ac deinceps procul dubio, *peculiarem formulam* dedit, inde invaluit nomen *actionis Publicianæ*.

2. Est igitur illa ipsa actio, quæ ex dominio vel servitute præsumta descendit, & Prætor eam non tam introduxit, quam potius detexit, habituque externo induit. In hunc sensum accipienda *Definitio lit. D. & causa efficiens lit. C.* Oritur scilicet hæc actio ex dominio, sed non tantum, verum ex alio etiam jure reali *l. 11. §. 1. b. t.* Non autem jura illa *singuntur*, ut *AUTOR* ait, sed *presumuntur*, quæ duo differunt. Et hæc agnovit asseruitque *PUBLICIUS* propter æquitatem (quam antea indicavimus) & necessitatem *lit. C.* hypotheticam nempe, quæ ex perversa Romani fori explicatione resultaverat.

## OBSERV. CCVI.

*Requiritur igitur lit. R.)* Ut publiciana asseri queat, illa omnia adesse debent, ex quibus dominium vel aliud jus præsumimus *d. lit. R. n. 1. seqq.* Ex quo liquet, inepte nonnullos *traditionem* præcise requirere, nam Prætor ejus saltem fecit mentionem, quia plerumque ad dominium constituendum illa concurrat, adeoque ex ea hoc præsumitur. Quod autem certo in casu, dominium sine traditione constituatur, adeoque sine hac illud præsumi queat, tum etiam Publiciana citra traditionem asseri poterit. Sane qui dissentiunt, scopum Prætoris aut fundamentum, ex quo universa illa dispositio Prætoris fluxit,

xit, non assequuntur. Porro non opus est, ut cum *AUTORE* inter *strictum jus* & *interpretationem* distinguamus, nam nec jure stricto traditio semper requiritur. Quando autem requisita bene se habent, tum competit hæc actio certis personis *lit. S.* contra possessores *lit. P.* quorum idem est officium, quod eorum, qui rei vindicatione conveniuntur, *lit. O.* de quibus plura dicere non attinet.

## OBSERV. CCVII.

*Si diversi non domini vendiderint, potior causa est possidentis lit. R.*) In his & sequentibus verbis *AUTOR* tacite conciliare nititur, *l. 9. §. 4. h. t. cum l. 31. §. fin. de A. E. V.* Nimirum cum *ULPIANUS* in *d. l. 9. §. 4.* ex duobus emtoribus, qui eandem rem à diversis non dominis emerant, & nunc de ea litigant, illum, qui possideat, præferendum existimet, sed *NERATIUS* in *d. l. 31. §. fin.* pro eo, cui primum res tradita est, pronunciet, hinc conatus interpretum eo tendit, ut *ULPIANUM* de casu emtorum inter se litigantium, *NERATIUM* vero, de casu, ubi illi contra tertium agunt, accipiant. Verum (1) ne leve quidem indicium exstat de tertio possessore in *d. l. 31. §. fin.* quin potius totus contextus arguit, comparari duos emtores, non ratione tertii, sed erga se invicem; (2) esto, quod de tertio possessore ibi agatur, attamen ratio, ob quam prior accipiens alteri præfertur, desumitur à *prioritate traditionis*, quæ adeo efficax quoque erit contra alterum emtorem possidentem, nam quæ ratio priorem accipientem alteri præfert, si tertius possideat, illa quoque ei prærogativam tribuit, si ipse emtor & posterior accipiens rem teneat, minimum hoc tamdiu erit præsumendum, donec

donec ratio disparitatis fuerit adducta, quod fortassis non facile fiet. Alii contendunt in *d. l. 31.* non liquere, duobus rem fuisse traditam, sed eundem, cui res primum tradita sit, fuisse etiam possessorem, *vid. HUBER. in posit. ad ff. b. n. 5.* Verum satis liquet, quod utrique sit res tradita ex verbis: *traditaque est, ut & qui prior jus ejus apprehendit*, & aliàs vix operae fuisset pretium, de hac re quæsiuisse, cum de jure civili satis certum sit, quod is, cui res tradita est, præferatur ei, qui eam tantum emit.

2. Videtur igitur vera subesse antinomia, sed *NERATII* sententia alteri præferri debet, nam si ego bona fide & justo titulo rem ab aliquo accepi, merito inde præsumor dominus, nam quod dicitur, me rem à non domino accipere, id *de veritate nobis incognita* accipiendum, nam juxta *opinionem & præsumptionem forensam* tradens dominus est, atque ita me quoque tradendo dominum fecit. Quod si igitur hoc posito, rem eandem alius ab alio quodam accipiat, pro hoc nulla domini præsumptio esse potest, quia pro priori illa militat, hinc merito prior accipiens, tanquam præsumtus dominus, posteriori, præsumptione tali destituto, præfertur, quæ *d. l. 31.* sententia & ratio esse videtur. Exinde tamen etiam liquet, quomodo textus contradicentes possis conciliare, nimirum distinguendum erit, utrum *tempore mota controversia de vero domino non constet*, tum habebit locum sententia *NERATII* juxta ea, quæ proxime diximus, an *ille apparuerit*, tum possessor erit defendendus juxta *l. 9. §. 4. b. t.* nam vero domino apparente, pro priori accipiente nulla amplius est præ-

præsumptio, hinc etiam posteriori, accipienti eide-  
que possessori præferri nequit.

## OBSERV. CCVIII.

*Hinc uno libello hac actio successive sive alternative  
jungi solet cum rei vindicatione lit. S.) Ex dictis observ.  
205. 206. liquet, quod actio publiciana, ob Roma-  
norum strictum jus, & processum formularium,  
videatur invaluisse, cum autem illa in Germania  
cessent, hinc nec actio publiciana amplius necessaria  
erit, sed potius rei vindicatio similisque actio realis,  
utroque casu, & ubi jus plene & ubi saltem præsumpti-  
ve probari potest, recte instituetur, hinc etiam cau-  
tela, de cumulanda rei vindicatione & publiciana, quam  
AIIOR hic inculcat, moribus nostris non est adeo  
consentanea. Interim licet nomen actionis publi-  
ciana hodie non sit necessarium, ultro tamen illud  
omnino adhiberi potest, imo nonnunquam pruden-  
ter ager Advocatus, si cautela memorata utatur, ne  
forte à Judice seculi flaviani parum gratam aliàs au-  
diat sententiam.*

## TIT. III.

SI AGER VECTIGALIS, ID EST  
EMPHYTEUTICARIUS  
PETATUR.

## OBSERV. CCIX.

*Contractus emphyteuticus) Poterunt hic duo specta-  
ri: (1) ipse contractus, qui lit. D. †. C. C. O. A. expo-  
nitur, quæ omnia naturalia sunt, ut nihil Romanis,  
nisi forte nomen, debeatur lit. C. id addo, plane opus  
non videri, ut peculiare contractum emphyteuticum  
asseramus, si enim gratis in alterum dominium trans-  
fera-*

feratur, erit *donatio*, si interveniente pretio, *emptio & venditio*, & licet speciale quid, quoad præstationem Canonis annui accedat, ideo tamen perinde opus non erit peculiarem comminisci contractum, atque nullus asseri solet, quoties à consuetis regulis alias receditur. *STRUVIUS exercit. 11. §. 62. 63.* putat *promissionem* emphyteuseos fieri emtione venditione vel simul contractu, sed *constitutionem* contractu emphyteutico & traditione, eodem fere modo, quo feudum promitti ac constitui solet. Sed ista quidem sententia nullo fundamento nititur adeoque rejicienda est, neque enim istæ ambages ullo in loco proditæ sunt; (2) *contrahentium officium*, jure naturali, obligantur ad fidem servandam, sæpe tamen quæstiones voluntatis oriuntur, quæ juxta consvetas interpretandi regulas decidi debent *lit. E.* in qua doctrina nihil Romanum est, nisi actionum nomina.

## OBSERV. CCX.

*Re autem tradita constituitur jus emphyteuticum lit. E.)* Est hoc species dominii utilis, quæ non Romanis propria, sed omnibus potius gentibus communis est. Ejus constitutio est vel *naturalis*, quando inter vivos, contractu emphyteutico, vel in eventum mortis, ultima voluntate constituitur, modum tamen constituendi etiam hic lex positiva definit; vel *civilis* seu *positiva*, quæ fit per præscriptionem, ad quam regulariter *possessio*, qua quis jus sibi asserat, *bona fides* & *lapsus temporis præfiniti* requiritur, si non dominus rem teneat, etiam *titulus* accedere potest, *vid.* *STRAUCH. ad J. Exerc. 7. §. 20.*

## OBSERV. CCXI.

*Hoc jus transmittitur ad hæredes lit. S.)* Sicut  
cir-

circa dominium in genere, ita etiam speciatim circa emphyteusim spectari potest (1) *libertas alienandi*, hæc quoad ultimam voluntatem illibata est, ceu docet *AUTOR*, quamvis quoad emphyteusim Ecclesiasticam nonnulli dissentiant, *vid. BRUNNEM. J. E. l. 2. c. 15. §. 12.* quoad actus vero inter vivos eadem lege civili est restricta, ut nimirum sine *consensu domini* alienatio fieri nequeat, ceu contendit *AUTOR*. Sed nimis generalis est hæc doctrina, hinc potius dicendum, quod *venditio, sine denunciatione domino facta, fieri nequeat*, ob jus scil. protimiseos, quod hoc casu, itidem ex legis civilis provisione, intra duos menses ei competit, quod si autem intra hoc tempus voluntatem suam non declaraverit, tum licite emphyteusis venditur, breviter: *non poteris vendi sine domini scientia, bene tamen sine consensu*, in aliis autem alienationibus, domini scientia nequidem necessaria videtur, *l. 3. C. de jur. emphyt.* A novo emphyteuta domino debetur laudemium, cuius tum *quantitas*, tum *solvendi necessitas*, magis ex moribus germanicis, quam jure civili dijudicari debet; (2) *effectus*, quicquid dominium alias operatur, illud quoque efficere solet emphyteusis, de quo *lit. E.* quæ omnia naturalia sunt, ut nihil, nisi actionum nomina, Romanis adscribenda videantur.

## OBSERV. CCXII.

*Extinguitur jus emphyteuticum*) Vel naturaliter ob consensum, quo pertinet doctrina *lit. C. n. 1. 2. 4. 5.* vel ex dispositione juris civilis per *prescriptionem n. 3.* (quæ possessionem, bonam fidem & lapsum temporis requirit, si non domini emphyteusim teneant,



ex titulo etiam illa oriri potest) ulterius *deteriorationem* n. 6. porro *venditionem*, sine scientia domini factam ac plene consummatam *arg. 11. f. 55.* sic capienda doctrina n. 7. cum autem in Saxonia res immobiles ante resignationem judicalem non censeantur plene alienatæ, dominus vero emphyteuseos regulariter etiam sit dominus jurisdictionalis, adeoque sine ejus scientia alienatio plena fieri nequeat, hinc *CARPZOV. p. 2. C. 38. D. 13.* pœnam juris civilis in Saxonia non adeo obtinere concludit; denique ob *non solum canonem* n. 8. circa quam dispositionem solennes quæstiones occurrunt, de quibus passim interpretes.

2. Ut exempli loco nonnullas adducamus, quaeritur (1) an si ex pluribus emphyteutis unus non solvat, solventi quoque emphyteusis adimatur? quod negandum, *vid. CARPZ. p. 2. C. 38. D. 5.* (2) an evitet amissionem, si ideo non solvat, quod compensare queat? quod simpliciter affirmandum putamus, compensans enim jam olim solvit, *diff. ZOES. ad ff. locat. n. 8.* (3) quis emphyteutam privare possit? dominus non hæres, *arg. l. 7. C. de revoc. donat.* (4) cui emphyteusis auferenda? soli emphyteutæ, non hæredi, licet hoc præcipiat *ZOESIUS d. l.* (5) quomodo fiat ablatio? per processum judicalem *ZOES. d. l. n. 93.* (6) à quo tempore? à facta Domini declaratione, hinc fructus interim perceptos emphyteuta lucratur *vid. CARPZ. p. 2. C. 38. D. 12.* (7) quando cesset amissio? de quo *AUTOR* verbis: *nisi emphyteutarius*, cui doctrinæ quoad purgationem moræ & remissionem tacitam contradicit *HUBER. in posit. ad 7. de locat. n. 28. 29.*

## OBSERV. CCXIII.

*Affinia hujus contractus*) Ad ea quoque refertur *Affictus*, cujus fit mentio in *cap. fin. X. de restit. spoliat.* & est *locatio compascuorum pro animalibus relictorum* ex sententia quorundam *vid. EKHOLT ad. ff. locat. §. 10.* Alii sic dicunt: Est *contractus*, quo pro parte *fructuum exigua*, alicujus *prædii ususfructus*, impensis & periculo conducentis, per *aversionem* ita alicui conceditur, ut utrique *possessio* & *jus percipiendi sibi ex contractu debitam fructuum partem competat.* Ita ex *JANI* differt. de affictu, refert *LYSER in jur. Georg. l. 1. c. 22. n. 12.* addens, contractum sic dici ab *affittare* vel *fittare*, locare conducere, eundem quoque affictus contractum, illis locutionibus: *dare ad firmam*, *accipere ad coptimam*, à contume, costuma consuetudine, indicari.

## LIB. VII. TIT. I.

## DE USUFRUCTU.

## OBSERV. CCXIV.

*Servitus*) Sumitur vel pro *jure*, vel pro *obligatione.* *AUTOR* utrumque significatum conjunxit. De cætero *servitus* ejusque variae species, hic relatæ, ex communibus resultant principiis, adeoque aliis gentibus satis sunt notæ, nec præcise hæc cognitio à Romanis repetenda.

## OBSERV. CCXV.

*Constituitur à lege lit. C.)* Constitutio in universum est vel *civilis*, quam *AUTOR* innuit, dum *usum fructum*, à lege, *Judice* & *præscriptione* constituit, vel *naturalis*, quando *mutuo consensu* vel in *eventum mortis*, vel *inter vivos*, *jus illud produci-*

tur. *Modum* tamen etiam hic sæpe lex positiva definit, in specie, ex ejus præscripto, ad usumfructum inter vivos constituendum requiritur traditio, *vid. VINN. ad §. fin. j. de servit. n. 5.*

## OBSERV. CCXVI.

*Concurrente bona fide & titulo*) Ususfructus præscribi poterit, si adsit (1) possessio, quæ animum acquirendi indicet, (2) bona fides & (3) lapsus temporis præfiniti. Sed (4) Titulus intervenire nequit, quicquid *AUTOR* in contrarium dicat, nam eo interveniente, non opus est præscriptione, sed potius consensu ususfructus constituitur. Quod si autem quis domini *silentium vel patientiam* pro Titulo habere velit, is in terminis luderet, ita enim titulus in materia præscriptionis non sumitur. Potest interim quis suo sensu abundare, modo perpendat, se iis, qui Titulum negant, hac ratione non contradicere. Quod si Non dominus rem teneat, tum etiam ex Titulo præscriptio Ususfructus oriri potest, nec tamen præcise hoc casu idem est necessarius, nam si Non dominus expresso suo consensu præscriptioni ansam præbere potest, idem etiam efficere poterit, consensu tacito, seu silentio & patientia.

## OBSERV. CCXVII.

*Acquirere possunt usumfructum omnes lit. S.)* Doctrina de personis usumfructum acquirentibus, iterum juris Gentium est, quod tamen ususfructus filiofam. relictus, Patri quoque acquiratur, id ex jure Romano est, quæ dispositio uti nullà laborat iniquitate, adeoque merito observatur, ita præciso non erat necessaria, nam Patri potuisset competere, vivo filio ac in potestate existente, ususfructus exercitium, per-

perinde sicut id emtori, donatario vel conductori competere solet.

## OBSERV. CCXVIII.

*In corporales lit. O.*) Materia usufructus ex communibus fuit principiis, ille autem error, quo in *rebus corporalibus & incorporalibus*, tanquam duobus distinctis objectis, usufructus consistere putatur, juri Romano, vel ejus interpretibus proprius est, nam aliàs, juxta rei veritatem, res incorporalis seu jus, certo modo concessum, semper facit usumfructum, res vero corporalis ejus objectum unice constituit. Hinc si quis etiam Nominis usumfructum habere dicatur, Nomen ipsum facit usumfructum, sed pecunia vel similis res, exinde percipienda, ejus objectum. Sed hæc ad Scholas, & solidam cognitionem pertinent, in foro usum non adeo habent.

## OBSERV. CCXIX.

*Usufructu legitime constituto lit. E.*) Quæ hic de *jure & obligatione vel usufructuarii, vel Proprietarii* dicuntur, illa omnia naturalia sunt, ac ex usufructu constituto, necessitate velut naturali fluunt. Jus Romanum illa confirmat, ac actionibus forensibus nomina largitur, nonnunquam etiam otiose, tricatur, quale est illud, *quod usufructuarius jus possideat civiliter, rem verò naturaliter*, nam harum denominationum nulla est utilitas vel necessitas.

## OBSERV. CCXX.

*Proventus metallicos, modo bi renascantur lit. E.*) Jus positivum quoque aliquando definit, quid circa usumfructum pro *substantia*, quid pro *fructu* haberi debeat, quæ definitio in primis quoad proventus metallicos necessaria est, nam poterit probabiliter tota metallo-

rum massa, in terra latens, ac in multos annos forte suffectura, pro *substantia* haberi, juxta quod proventus metallici *fructuum* instar erunt, atque hæc sententia placuit juri civili, si proventus renascantur, quæ tamen conditio non videtur dabilis. Nec minus probabilis est altera sententia, quæ proventus metallicos pro *substantia*, emolumentum vero inde percipiendum, pro *fructu* habet, quæ probatur in Electoratu Saxoniz quoad usumfructum legalem P. 3. Const. 25. nec dubitem, illam dispositionem ad testamentarium & conventionalem esse extendendam. Alibi tamen forte jus civile observatur, de civitatibus montanis Ducatus Brunsvico-Luneburgensis ejus usum asserit EISENHART *de regal. metallif. jur. c. 4. §. 17.* Cæterum hætenus dicta pertinent ad metallifodinas ante usumfructum institutas, nam si usufructuarius in fundo usufructuario de novo venas metallicas aperiat, de iisque investiat, tum illæ ad ipsum, dominio irrevocabili, juxta jus Germanicum, pertinent, hinc apud nos l. 9. §. 3. l. 13. §. 5. 6. *de usufr. l. 7. §. 13. 14. solut. matrim.* nullum habent usum, quæ de re pluribus egi in *differt. de jur. metallor. §. 32. 34.*

## OBSERV. CCXXI.

*Et alienum nec usufructuarius omnium bonorum exsolvit*) Hoc tamen ante usumfructum concessum deducitur, hinc restandem eodem recidit & æris alieni incommodum in effectu utique Usufructuarius sentit.

## TIT. II.

## DE USUFRUCTU ACCRESCENDO.

## OBSERV. CCXXII.

*Ususfructus accrescit*) Poterat oriri dubium circa voluntatem testatoris usumfructum pluribus legantis, ad quem, uno vel altero usufructuario deficiente, portio vacans pertinere debeat, an ad testatoris heredem, an ad ceteros legatorios? hoc igitur pro his lex Romana decidit, cujus determinationem merito sequimur.

## TIT. III.

## QUANDO DIES USUFRUCTUS LEGATI CEDAT.

## OBSERV. CCXXIII.

*Ab adita hereditate*) Alia quaestio voluntatis, à quo scilicet tempore usufructus, ex mente testatoris, acquiratur, jure Romano definitur, quæ interpretatio hætenus utique admittenda erit, cum authentica doctrinali præferatur. Interim potuisset etiam constitui, ut usufructus pure legatus à tempore mortis acquireretur, nam licet jus utendi fruendi ad hæredes non transmittatur, quod *AUTOR* urget, attamen hoc non impedit, quo minus à die mortis acquisitio usufructus fiat, effectus enim hic foret, ut Usufructuarius vivus ab hoc tempore fructus acquirat, aut etiam eos, si ante aditionem hæredis moriatur, ad hæredes suos transmittat.

## TIT. IV.

## QUIBUS MODIS USUSFRUCTUS ET USUS AMITTITUR.

## OBSERV. CCXXIV.

*Finitur ususfructus*) Modi usumfructum tollendi sunt vel *naturales*, qui ex consensu vim sortiuntur, quo pertinet (1) *mors n. 1.* nec enim ultra vitam consensum est, etiamsi, ut præcipit *AUTOR*, ante diem vel conditionem (resolutivam) illa accadat, nam dies vel conditio eo saltem fine adjecta censetur, ut ultra eam ususfructus non duret, licet usufructuarius diutius vivat, quod si igitur mors ante illa eveniat, tum manet jus commune (2) *diei vel conditionis existentia n. 2.* (3) *totalis rei interitus n. 5.* (4) *resolutum jus constituentis n. 6.* (5) *consolidatio n. 7.* Vel *Civiles*, quorum efficacia ex lege civili est. Eo spectat (1) *lapsus 100. annorum* quoad personas morales compositas *n. 1.* (2) *capitis diminutio n. 3.* (3) *prescriptio partialis*, si non utamur per modum, & *totalis*, si non per tempus *n. 4.* (4) *Cessio extraneo facta n. 8.* si modo illa admitti debet.

## OBSERV. CCXXV.

*Heredibus simul constitutus, defertur primis*) Si ex circumstantiis hæc testatoris voluntas appareat, tum sententia *AUTORIS* erit admittenda. Aliàs ex *cit. l. 14. C. de usufr.* illa non probatur. *BACHOV. ad 7. de usufr. §. fin. n. 2.* ait: *se tam crassum errorem* (quo præcedens assertio ex *d. l. 14.* probatur) *satis mirari non posse.* Illud certum, quod in illo textu non sit sermo de *herede usufructuarii*, sed *testatoris*. Scilicet legaverat quis alicui fundum ea lege, ut *usufructu-*

*fructus apud heredem (à testatore institutum) maneret.* Dubitabat antiquitas de valore hujus legati, ideo quod, cum ususfructus apud heredem manere deberet, hæc autem denominatio in infinitum extendi posset, nunquam ille ad proprietatem reverti posse videatur. Sed **JUSTINIANUS** Eam fluctus in simpulo movisse ostendit, cum nulla in parte hic casus à consuetis ususfructus regulis abeat, id quod etiam nimis manifestum est, nam per heredem intelligitur *ordinarius usufructuarius*, ac isto nomine saltem designatur, quia simul à testatore hæres erat institutus.

## OBSERV. CCXXVI.

*Cessione extraneo facta*) Quod per hanc statim amittatur Ususfructus, id non satis liquidum est. Sane quod cedens se penitus abdicet suo jure, adeò ut ex hac causa ad proprietatem id statim revertatur, illud quidem dici non potest, cum satis manifestum sit, cedentem saltem ratione extranei suo juri renunciare, quod si vero hic, juxta Ejus votum, illo frui nequeat, tum neutiquam illud plane abjicit, ut Proprietarius statim sibi asserere queat. Possunt huc quodammodo inflecti verba §. 1. *f. de donat. Cedens extraneum magis, quam se vult habere, magis tamen se, quam proprietarium.* Ergo in pœnam cessionis, amissionem sancitam esse oportet! Sed talis sanctio probari nequit, nam in *l. 66. de jur. dot.* satis liquere videtur, quod hoc solum JCeus intendat, maritum, cum post divortium penitus usumfructum in uxore transferre nequeat, eo modo transferre eum debere, quo possit, juxta illud: *facimus ut quimus, quando, ut volumus, non licet, quamobrem non, cedit, sed concedit*



*dit uxori usumfructum, seu non jus, sed exercitium ejus in eam transfert,*

OBSE RV. CCXXVII.

*Finito usufructu res cum fructibus lit. E. )* In hoc & similibus casibus, ubi res aliqua defuncti hæredibus aufertur ac in alios transit, de fructibus non usque adeo expedita quæstio incidere solet, quam etiam leges positivæ variè determinant, ceu exemplo juris Romani & Saxonici intelligitur. Posset omnis illa difficultas ac incertitudo sanctione planissima & æquissima tolli; si fructus pendentes eorumque impensæ inter defuncti hæredes & futurum successorem pro rata temporis dividerentur, de quo dixi in jur. feud. c. 26. §. 70. seqq. §. 82.

TIT. V.

## DE USUFRUCTU EARUM RERUM, QUÆ USU CONSUMUNTUR.

OBSE RV. CCXXVIII.

*Quasi usufructus hic est jus utendi fruendi) Rectius ita: Est dominium in rebus fungibilibus vel æstimatis ea conditione constitutum, ut morte, capitis diminutione vel cessione accipientis interveniente, res ejusdem generis vel ejus æstimatio restituatur.* Rei datæ dominium igitur penitus in accipientem transit, jus tamen personale, quo suo tempore concedens tantundem exigere potest, est ipsi loco proprietatis, atque hinc similitudo cum vero usufructu exoritur.

OBSE RV. CCXXIX.

*Introductus SCTo lit. C. )* Ex allata definitione liquet, quod quasi usufructus sit juris Gentium, nam naturam rerum

rerum fungibilium, juxta conditiones memoratas, eum admittere, adeoque ab omnibus hominibus illum posse constitui, satis manifestum est. Scum itaque Romanum nihil novi constituit, sed quid fieri possit, saltem declaravit, introducta insuper cavendi necessitate.

## OBSERV. CCXXX.

*Constituitur à lege*) Constitutio est vel *legalis* vel *consensualis*, & ob conditionem objecti, hic traditio naturaliter quoque, tam in constitutione conventionali, quam testamentaria, requiritur.

## OBSERV. CCXXXI.

*In rebus, quæ usu consumantur lit. O.*) Sunt hæc objectum ordinarium, fieri tamen potest, ut etiam res non fungibiles, mediante æstimatione, in quasi usumfructum dentur, quod imprimis quoad res mobiles, quæ non diu durant, sed usu deteruntur ac pereunt, fieri potest, v. gr. si quis mihi usumfructum equorum ea lege concedat, ut non illi ipsi, sed eorum æstimatio, vel alii ejusdem valoris equi reddantur, ex qua concessionis ratione id commodi accipiens sentit, quod res interim gratis accipiat ac minori incommodo pretium earum deinceps præstare possit. Interim non consultum est, res accipere in quasi usumfructum, ubi eas in verum habere licet, ceu bene admonuit *Dn. BERGER in resol. b.* Atque juxta hunc sensum etiam vestimentorum quasi ususfructus esse potest, quem forte etiam *TRIBONIANUS* in §. 2. *J. de usufr.* respexit.

## OBSERV. CCXXXII.

*Hic per traditionem lit. E.*) Effectum factæ concessionis *AUTOR* declarat *lit. E.* in specio recte asserit, quod

quod cautio non sit de *forma* quasi-ususfructus, pertinet enim tantum ad *securitatem* concedentis. Quæ autem de *actione confessoria* in casu quasi-ususfructus legati, sed nondum traditi, mox addit, illa explodi debent, nam videtur *AUTOR* solo ususfructus nomine seductus, actionem ad veras servitutes pertinentem, huc traxisse, alias enim tractura rei eam certissime repudiat & leges citatæ nihil omnino in contrarium faciunt.

## OBSERV. CCXXXIII.

*Finitur lit. C.)* Etiam *cessione*, si usufructuarius ante tempus ordinarium elapsum, jus suum in dominum transferat, vel hic jus personale eique respondentem obligationem usufructuario remittat. Præterea certum est, quod quasi-ususfructus etiam ad *certam diem vel conditionem* constitui queat, hinc *his existentibus* expirabit. *Prescriptionem* autem rei, *interitum* & *cessionem extraneo faciendam*, conditio objecti repudiat. Nomina actionum forensium, de quibus *lit. C. in fin.* hodie sunt usus arbitrarii.

## TIT. VI.

SI USUSFRUCTUS PETATUR  
VEL AD ALIUM PERTINERE  
NEGETUR.

## OBSERV. CCXXXIV.

*Explicationem hujus rit.)* Licet servitutes à diverso vel *subiecto* vel *duratione* distinguantur in *personales* & *reales*, attamen omnes, ratione *formæ* seu *essentiæ*, sunt *jura realia*, hinc etiam indistincte actione *confessoria* vindicantur, & *negatoria* eliduntur, qua-

quarum adeo explicationem generaliter deinceps *AUTOR* instituet.

## TIT. VII. DE OPERIS SERVORUM.

OBSERV. CCXXXV.

*Servitus operarum*) Circa operas serviles triplex occurrebat jus, nempe *ususfructus*, *usus* & *peculiaris operarum servitus*, quæ jura satis distinguere, forte non ubique satis in proclivi fuit. Forte etiam ab hominibus malè solertibus, discrimen ad lites multiplicandas fuit introductum! quod tamen certè non dixerim.

## TIT. VII. DE USU ET HABITATIONE.

OBSERV. CCXXXVI.

*Usus est jus*) Inter usum, quem hic *AUTOR* consueta methodo expendit, & usumfructum, gradualis est differentia. Cum enim ille ad quotidianum & necessarium usum repertus à Romanis credatur, hinc fuit necessitas immediatæ & parcioris perceptionis, quæ in usufructu longe largior est. De cætero discrimen illud pro ratione *personarum* & *rerum* nunc intenditur, nunc remittitur. Crediderim ob lubricam æstimationem, quæ nonnunquam occurrit, Usum esse hodie rarioris usus, cum melius videatur, si amicis vel omnino non, vel large satis prospiciamus.

OBSERV. CCXXXVII.

*Quod ex habitatione accedit*) Habitatio minus jus est Usufructu ædium, nam qui hunc habet, potest ex ædi-

ædibus omne emolumentum, quod salva earum substantia, & modo honesto percipi potest, percipere, sed habitator saltem percipit commodum, quod habitando percipitur, hinc præjudicium apud *HAHN loc. cit.* Daß der Habitator, vermöge obgedachter Benlage, nicht weiter denn zur Wohnunge, nicht aber zu Haltung Viehes, wie auch Einerndtung und Einbringung Futters in die Scheuren, berechtigt sey.

## TIT. IX.

USUFRUCTUARIUS QUEM-  
ADMODUM CAVEAT.

## OBSERV. CCXXXVIII.

*Cautio usufructuaria*) Est dubio procul actus, omnibus Gentibus communis, quem æquitas naturalis etiam suscipi jubet, sed obligatio magis adstricta, ex *jure Romano* est *lit. D.* fructus tamen ante cautionem præstitam perceptos, usufructuarius non restituit, pertinet enim illa saltem ad securitatem, non vero est conditio sine qua non, hinc sine ea fructus etiam recte percipiuntur. Quod si tamen hæres rem usufructuariam possideat, eamque, nisi præstita cautione, præstare nolit, tum ipse fructus usque ad cautionem lucratur, usufructuarius enim, moras nectendo, in hoc consentit, atque eo pertinet *obstans l. 24. de usufr. legat.*

## OBSERV. CCXXXIX.

*Prætoria præstatur in vero lit. C.)* An prætor vel lex civilis necessitatem cavendi introduxerit, illud in Germania frustra inculcatur, quousq; autem illa fuerit

rit extensa, *AUTOR* quoad personas, quibus cavetur *lit. P.* & quæ cavent *lit. S.*, amplius ostendit.

## OBSERV. CCXL.

*In vero usufructu cavetur lit. F.) Sensus cautionis ex fine facile intelligitur, quod caput juris Gentium est, modus vero cavendi lit. Q.* iterum est ex jure Romano. Denique *officium caventis lit. E.* jure naturali dirigitur, de nominibus autem actionum hodie non valde laborandum est.

## OBSERV. CCXLI.

*Excludunt hanc cautionem lit. C.)* Sicut lex ipsa cavendi necessitatem aliquando tollit, ita cum in favorem proprietarii eam regulariter introducat, hinc illam proprietarius omnino remittere potest. Id vero singulare, & juri Romano adscribendum est, quod Testator eam remittere nequeat, nam cum proprietatem legare potuisset, videbatur potestas cautionem remittendi, ei quoque adscribenda. Illud autem facile liquet, quod cessante cautione, jura & actiones non cessent, de quo *in fin. b.* illa enim hæc non introducit, sed saltem firmat.

## LIB. VIII. TIT. I.

## DE SERVITUTIBUS.

## OBSERV. CCXLII.

*Servitutes*) Occasione vicinitatis, inter homines invaluerunt servitutes, hinc dubio procul juris Gentium sunt. Interim Romani accuratius eas circumscripserunt, ita ut præcise ex utilitate prædiorum, quam aut accipiunt, aut præstant, æstimari illæ debeant. Nonnunquam etiam ultra debitos limites

L

viden-

videntur procurrisse Romani, ac nimia accuratone variis litigiis ansam dedisse.

## OBSERV. CCXLIII.

*In urbanas & rusticas*) Si omnino hæc divisio admittenda, tum explicatio ejus, quam *BACHOVIIUS & VINNIUS* dant, communi est probabilior. Sed tota illa divisio nullius est momenti, nec alio pertinet, quam ut circa eam vanæ concertationes moveri queant, jura enim sunt eadem, siue servitutem rusticam siue urbanam dicas. Vulgò quidem quoad præscriptionem, multum inter eas putant interesse juxta *l. 6. de S. P. U.* sed fallacia causæ committitur, nam discrimen illud non à qualitate rustica & urbana sed ab intrinseca servitutum diversitate dependet, ceu ad *tit. 6.* pluribus ostendam, add. *Dn. THOMAS. disputat. de servitut. stillic. hab. Lips. 1689.*

## OBSERV. CCXLIV.

*Nam ratione essentia sue servitutes omnes sunt continuae*) Doctrina hæc est ambigua, clarius forte ita: Servitus est continua (1) ratione *juris & obligationis*, sed (2) respectu *utilitatis præstandæ* quædam servitutes sunt *continuae*, ut negativæ & ex affirmativis v. gr. servitus oneris ferendi, tigni immittendi, quædam *discontinuae*, ut servitus itineris, actus aliæque. Præterea (3) ratione *aptitudinis utilitatem recipiendi aut præstandi*, Romani servitutes voluerunt esse continuas, quo pertinet regula: *Servitutes debent habere causam perpetuam*, sed eos neque in explicatione causæ perpetuæ, neque in regulæ applicatione sibi satis constituisse, ac omnem illam subtilitatem foro displicuisse, pluribus contendit *THOMAS. d. disert. §. 26. seqq.*

2. Nos pauca annotabimus. Videtur igitur (1) doctrina illa præcipue pertinuisse ad servitutes affirmativas, quarum usus per intervalla suspenditur, (nam in negativis & affirmativis, quarum usus est continuus, de causæ perpetuitate non adeo potest dubitari) deinde (2) causa perpetua modo ad prædium dominans, modo serviens refertur. Primo respectu per *causam* intellexere incommodum, quod in aliud prædium avertere cupimus, *perpetuitatem* verò *causæ* ex eo æstimarunt, si quid naturaliter, licet non assidue, fiat *l. 28. de S. P. II.* Altero autem, per *causam* intelligunt commodum, quod aliunde accipimus, *perpetuitatem* verò hic non simpliciter ex eo, quod naturaliter quid fiat, judicant, sed potius, ut *naturale & perpetuum* sit, simul exigere videntur *d. l. 28. & l. un. §. 4. de font.* Juxta hæc adeò, quoad *definitionem causæ perpetuæ*, à contradictione, quam ipsis imputat *Dn. THOMAS. d. dissert. §. 30.* liberari possunt Romani, nimirum dicunt, *causa perpetua est, quæ naturaliter sit, & cisterna non habet causam perpetuam*, cum tamen *imbribus, adeoque naturaliter concipiatur d. l. un. §. 4. de font.* nam dicendum est, quod prior descriptio ad prædia dominantia pertineat, in servientibus autem, de quibus altera propositio loquitur, non sufficiat, sed in his potius requiratur, ut utilitatem & naturaliter, & perpetuo, seu suo velut marte præstent.

3. Jam quod usum regulæ attinet, in ejus applicatione, quoad prædia dominantia, sibi non satis consistere Romani, quoad servientia autem, Praxi & foro eadem displicuit. Sic in *l. 28. de S. P. II.* servitus, pavimenti proluendi causa, constitui posse negatur,



quod non adsit causa perpetua, seu naturalis, & tamen servitus fumi *l. 8. §. 5. si serv. vind.* cloacæ in *l. 7. de servit.* admittitur, sed & hæc incommoda non naturaliter existunt, sed manu fiunt, certe solida diversitatis ratio inter illa non facile reddi potest, licet hoc interpretes consentiant, *vid. HILBER. in posit. ad ff. commun. pradior. n. 4. seqq.* Porro ex cisterna servitutem concedi posse negatur in *l. un. §. 4. de font.* quia non habet causam perpetuam, seu aquam vivam, sed hodie ex quocunque loco constitui solet, ait, *l. 9. de S. P. R. add. THOMAS. d. dissert. §. 34.* Ex quibus facile liquet, in Germania inanes illas subtilitates nullius esse usus, sed constituendis servitutibus, quævis commoda vel incommoda, quæ circa prædia occurrere solent, sufficere.

## OBSERV. CCXLV.

*Constituuntur à lege lit. C.)* Servitutum constitutio est vel civilis vel naturalis juxta ea, quæ circa usumfructum *Observ. 215. 216.* diximus. Ambages autem illæ, quas circa personas constituentes & acquirantes subinde fecerunt Romani, dum stricto jure servitutem constituere posse negantur, sed tamen ex æquitate Prætoria ad constitutionem vel acquisitionem admittuntur, hodie nullius usus sunt. Idem dicendum de illa dispositione, qua vicinus vel socius alteri servitutem acquirere posse negatur, nam est consecrarium ejus, quæ stipulationem tertio factam generaliter improbat, quæ hodie cessat, & utique valent illa negotia, si tertii rati habitio sequatur, de quo in loco proprio pluribus dicemus.

## OBSERV. CCXLVI.

*Nam proprietarius ne consentiente quidem usufructuario potest lit. C.)* Proprietarius enim servitutem suo saltem consensu imponere nequit, propter jus usufructuarii, hujus autem consensus nihil conferre potest, ad onus reale & perpetuum imponendum, ita *BACHOV. d. l.* sed rationem esse vanam facile liquet, constante enim usufructu, consensus proprietarii & usufructuarii ad excitandam & sustinendam servitutem sufficit, illo autem sublato, ex solo proprietarii, integrum jus nunc habentis, consensu illa valet. Alii *d. l. 15. §. fin. de usufr.* emendant, & novissimè *HUBER. in Eunom. ad d. l.* post varias sententias, sic tandem eam emendandam censet: *Proprietatis dominus non nisi (pro: ne quidem, ceu vulgo legitur) consentiente fructuario servitutem imponere potest.* Sed de hoc alii, quibus lubet, viderint, illud certum videtur, quod dispositio, quæ juxta vulgarem lectionem adest, in Germania nullius sit usus, quis enim crediderit, quævis insulsa à Romanis nos receperisse?

## OBSERV. CCXLVII.

*Quasi traditione per usum & patientiam constituitur lit. R.)* Cur vero quasi traditione? Nec enim *servitus*, sed *res serviens* traditur, perinde sicut se res habet in constitutione domini, ubi non dominium, sed res datur, hac autem tradita, illud oritur? Fluunt illa ex falsis rerum moralium vel incorporalium conceptibus, interim Scholastica sunt, nec in foro nocent.

## OBSERV. CCXLVIII.

*In hac prescriptione requiritur quasi possessio, titulus*

*tulus & bona fides lit. R.*) Clarius ita: Requiritur (1) *possessio*, quæ in affirmativis facta aliquo, quod dominus prædii dominantis, non vi, clam aut precario, suscipit, in negativis vero, prohibitione, domino prædii servientis facta, hujusque acquiescentia acquiritur (2) *bona fides*, (3) *lapsus temporis*. Sed (4) *titulus* regulariter non est necessarius *vid. observ. 216*.

## OBSERV. CCXLIX.

*He servitutes tanquam qualitates prædiorum*) Servitutes sunt ratione essentiae suæ *jura realia*, ac contra quemvis impediens effectum habent. Præterea verò hæ affectiones ipsis tribuuntur, sunt (1) *qualitates prædiorum* i. e. possessoribus, sub perpetuo ad rem possessam respectu, competunt) *individue*, quia objectum dividuum non habent, (2) *omnibus fundi servientis partibus inherentes*, quæ inepta est subtilitas Romanorum, ab ipsis in foro statim rejecta. Quæ autem vi servitutis constitutæ fieri possint aut debeant, de quo *lit. E.* id juxta factæ constitutionis mensuram, ex communibus principiis judicandum.

## TIT. II.

## DE SERVITUTIBUS PRÆDIORUM URBANORUM.

## OBSERV. CCL.

*Eadem servitus*) De hoc non valde esse laborandum, dixi *observ. 243*. Interim ex exemplis hujus & sequentis tituli liquet, magis ad mentem Romanorum esse illam sententiam, quæ servitutes urbanas ex ædificiis quibuscunque, rusticas verò ex locis

locis vacuis æstimat, quam eam, quæ ex diversitate prædii dominantis id discrimen repetit, quam *AUTOR* etiam sequitur.

## OBSERV. CCLI.

*Alius tollendi*) Mihi illa explicatio maximè probabilis videtur, qua una servitus asseritur, quæ respectu prædii dominantis, *alius tollendi*, servientis vero, *non tollendi*, dicatur, adeo ut prior locutio *jus*, posterior *obligationem* notet, nam licet quis vi libertatis altius tollere queat, attamen *solus* hoc facere nequit, sed hoc jus contra vicinum specialiter acquirendum est. *AUTOR* in effectu etiam hanc explicationem sequitur, eamque cum altera, magis communi, conciliare nititur. Eadem explicatio adhibenda est *servituti luminum & ne luminibus officiatur*, nec non: *Prospectus & ne prospectui officiatur*, sunt scilicet termini relativi, quorum alter jus prædii dominantis, alter obligationem servientis, respectu ejusdem utilitatis, indicat.

## TIT. III.

## DE SERVITUTIBUS PRÆDIORUM RUSTICORUM.

## OBSERV. CCLII.

*Servitutes rusticae sunt*) Circa eas hoc generaliter admonendum, quod quoad singularum effectum dijudicandum, mensura constitutionis, seu præscriptio, testamentum vel conventio probe considerari debeant, hinc etiam non valde laborandum videtur de discrimine v. gr. actus & viæ in genere, quia ut plurimum hæc res specialiter per conventiones simi-

lesque actus determinatur. Alias alia etiam jura realia, quæ non sint servitutes, quoad Prædia laudantur, v. gr. jus *braxandi*, de quibus ita in genere dicendum videtur, quod toties adsit servitus, quoties ex prædio vicini utilitas percipitur, si autem indefinite ex pluribus utilitatem percipere liceat, tum jus illud rationem servitutis non habebit. Sæpe etiam talia jura nihil aliud sunt, quam effectus dominii, certe jus *braxandi* modo laudatum tale est, nisi forte lex positiva dominium restrinxerit.

## TIT. IV.

COMMUNIA PRÆDIORUM  
TAM URBANORUM, QUAM RU-  
STICORUM.

## OBSERV. CCLIII.

**D**E hoc tit. vide ea) Argumento hujus tituli inprimis ostenditur, quod divisio servitutum in *urbanas & rusticas*, nullius sit utilitatis, nam omnia capita, quæ circa servitutes occurrunt, utrobique sunt eadem, quod ex inductione constat. Unaquæque etiam servitus cum habet effectum, quem ejus indoles & constituendi ratio exposcit, à qualitate autem rustica & urbana nunquam peculiaris effectus juris dependet, hinc divisio illa, cum movendis otiosis concertationibus ansam præbeat, rectius negligitur, quam conservatur.

## TIT. V.

SISERVITUSVINDICETUR VEL  
AD ALIUM PERTINERE  
NEGETUR.

## OBSERV. CCLIV.

*Servitus vindicatur actione confessoria*) Hæc ex servitute constituta *naturaliter* descendit, quemadmodum etiam officium Rei ex *lege naturali* dependet. De cætero *ALLTOR* eam satis explicat, nomina tamen actionis directæ & utilis, hodiè non necessaria, sed arbitraria sunt. Unicum speciatim observari meretur. Docet *ALLTOR lit. C.* quod ex *servitute constituta hæc actio descendat*, sed *lit. O.* contendit, quod *ejus objectum sint servientes constituta*, quomodo igitur eadem res actionis simul est *fundamentum & objectum*, atque ita eodem tempore penes actorem est & non est? Videtur sane ex ambigua rerum corporalium & incorporalium vindicatione, quam sibi vulgo imaginantur, hoc etiam assertum fluxisse! Interim defendi potest, si primo loco servitutum formaliter acceptam, seu *jus servitutis*, altero verò servitutem materialiter suppositam, i. e. *rem servientem* intelligas.

## OBSERV. CCLV.

*Actio negatoria*) Est ipsa rei vindicatio, quâ dominus rem suam, ab alio ex prætenſa servitute possessam, vindicat. Possessio aliqua constantior in adversario debet præsupponi, nam alias interdicto retinendæ possessionis potius is repellitur. De cætero à consueta rei vindicatione hæc differt, quod in hac

non de *Dominio*, (utpote cujus respectu, actor in possessione non controversa est, adeoque eâdem secure hætenus nititur) sed saltem de *ejus libertate*, huicque *opposita servitute* quaratur, ad quam omnis etiam probatio dirigenda. Atque hinc procul dubio etiam factum est, quod non *Rei vindicatio*, sed *actio negatoria* potius audiat.

## OBSERV. CCLVI.

*Quæ probanda, si adversarius est in quasi possessione servitutis*) Hæc sententia aliquando mihi perplacuit, sed nunc communis sententia contraria, verior videtur, nam actor simpliciter negat, adeoque moraliter ei impossibile est, negationem hanc removendo omnes actus, quo servitus adversarii sit constituta, probare, huic verò facilius est, actum aliquem constituentem allegare & probare, hinc ab eo merito probatio semper ex igitur, quando actor servitutem simpliciter negat. Nec obsunt huic sententiæ textus *AUTORI* allegati, nam *l. 8. §. 3. b. t.* non de *onere probandi*, sed *necessitate agendi* loquitur, *l. 14. de probat.* & *l. 7. §. fin. de liberal. caus.* agunt de *libertate & ingenuitate personæ*, quæ probari potest, cum à *nativitate* dependent, alia verò est ratio libertatis rerum, quæ semper adest, quamdiu servitus non est constituta, hujus autem negatio probatu est impossibilis, hinc affirmanti probatio merito imponitur.

## OBSERV. CCLVII.

*Datur directæ domino*) De personis agentibus *lit. S.* & cum quibus agatur *lit. P.* nihil amplius admonendum, sed objectum *lit. O.* magis intelligetur, si dicas, *esse rem nostram ab altero ex prætensa servitute possessam.* Officium denique adversarii lege naturali

rali dirigi manifestum est, utique enim hæc à rebus alienis abstinere nos jubet, si in illis nullum jus habeamus.

2. Liceat occasione actionis negatoriae, mentionem injicere famosi illius *casus unius*, de quo §. 2. *J. de action.* agitur. Nobis verba *JUSTINIANI* controversia sic explicanda videntur. *Quod genus actionis in controversiis rerum corporalium* (i. e. ubi de ipso dominio quaeritur) *proditum non est.* Nam in his is agit, qui non possidet, (huic autem nihil prodest, negatoria agere, cum non sufficiat negasse, rem alterius esse, sed dominium actoris positive probandum sit) ei verò, qui possidet, non est actio prodita (dominus & possessor actione negatoria non indiget, cum domino & possessione secure nitatur) *per quam neget rem actoris esse*, (i. e. ejus, qui actor quidem nondum est, ob jactantiam tamen extrajudicialem forte talis est futurus) *sane uno casu* (quando scilicet adversarius à verbis ad facta procedit, ac possessionem in re alterius, sibi asserere incipit) *qui possidet* (dominus) *nihilominus is actoris partes obtinet* (dum scilicet interdicto retinendae possessionis turbantem repellit, quæ actio itidem negatoria est) *sicut in latioribus Digestorum libris opportunius apparebit* (de hoc enim interdicto in lib. 43. aliquot exstant tituli.)

3. Summatim ergò circa rem nostram tres casus sunt distinguendi, vel quis (1) *sibi asserit servitutem ac possessionem quoque obtinet*, tum actio negatoria instituitur, vel (2) *dominium verbis prætendit*, tum actio aliqua negatoria non occurrit, possessor enim eam non indiget, ei vero, qui non possidet, illa nihil prodest; vel (3) *possessionem facto sibi, aut ob jactatum domi-*  
*nium*



nium aut servitutem, asserere incipit, tum interdicto retinendæ possessionis, quod itidem negativum est, repellitur. Sic omnia satis plana sunt, nec opus est textus emendatione, vel violenta aut longius petita ejus explicatione.

4. Peculiariter *Casu illo uno* inclarescere voluit D. JAUCHIUS MISNENSIS, dum 1694. ejus *Enodationem*, qua unus ille casus, ab interpretibus hucusque frustra quæsitus, nec dum inventus è Digestorum Voluminibus eruatur, atque Eruditis spectandus exhibeatur, publicæ luci exponere voluit. Relatis & improbatis aliorum expositionibus, summa ejus sententiæ eò redit: Controversum illum versiculum: *sane uno*, non agere de *necessitate agendi*, sed *probandi*, ac innuere talem casum, ubi sit (1) *controversia de re corporali*, (2) *quis possideat*, & (3) *is nihilominus actoris partes obtineat*, hoc est, *rem suam esse*, probare debeat. Hunc autem casum reperiri in *l. pen. & ult. de public. in rem action.* nam dominum actione publicana conventum, actoris partes obtinere, si exceptionem dominii à se objecti probare debeat, *vid. ENODAT. p. 9.*

5. Atque cum hoc invento mirificè sibi placet D. JAUCHIUS, hinc aliquot rationibus p. 8. persuadere vult, *merito illum casum in d. §. 2. non esse expressum*, in specie addit, potuisse IMPERATOREM casum istum clarius indicare, sed non credidisse, tam stupidos fore interpretes, quin casum illum facile pervidere possent. Ipsi porro persuasissimum est; à nemine melius quid inventum iri p. 11. imò nihil obstare putat, quo minus *evenia illud ARCHIMEDIS* usurpet p. 14. Adhuc, *se difficultatem d. §. 2. optulan-*

*tulante Deo (vid. HILBER. orat. de Pedantismo in Thomaf. Philos. aulic. p. 290.) solvisse, profitetur p. 22. ac tandem concludit p. 39. se verissimum esse expertum illud Comici: nihil tam difficile esse, quin querendo investigari possit. Cum etiam postea ab Amicis privatim quædam dubia opponerentur, publice verò illa sententia in Dissertatione quadam, sub D. STRAUSSII, ANTECESSORIS WITTEMBERGENSIS, præsidio habita, improbareretur; D. JAUCHIUS 1697. Vindicias pro se adornavit, in iisque conjunctim objectionibus respondit, totam disquisitionem hoc epiphonemate obsignans: Quamvis igitur interpretationes meas nemini obtrudere cupiam, & quemque suo abundare sensu facile patiar, certus tamen sum, à JCtis non magis alium Casum unum, quam à Judæis alium Messiam esse expectandum.*

6. Enimvero nobis inventum illud Archimedeum à mente Imperatoris plane abluere videtur. Tres illas notas, quas posuit D. JAUCHIUS & nos n. 4. retulimus, admittimus quidem, sed ultima explicatio minus est probabilis, nam illis verbis: *Is nihilominus actoris partes obtinet*, potius intelligi necessitatem agendi, quam probandi, contextus satis persuadet, ceu n. 2. ostendimus. Sed fac, istis verbis probationem innui, (quæ sententia quorundam non plane improbabilis est) illa tamen explicatio JALLCHII, qua hoc præcise de probatione dominii accipit, mere cerebrina, & eo saltem fine inventa videtur, quo casus ex *l. pen. & ult. de publ. in rem action.* gloriam Archimedis ei paraturus, deinceps huc quadraret, nam de tali probatione speciali ne gry quidem

exstat, quod rejiciendæ illi explicationi sufficit, præterea formula illa : *Sicut in latioribus Digestorum libris opportunius apparebit*, satis innuit, non respici ad specialem casum, sed ad locum aliquem communem. Non obstat, *quod tamen hic sit questio de re corporali*, nam inde non sequitur, quod *possessor dominium probare debeat*, sed hoc saltem, *quod illud probandum sit*, an autem hoc faciat actor vel reus, hætenus nihil refert. Juxta hæc igitur non tantum casus ex *d. l. pen. & ult. de public. in rem actio.* sed & eodem jure alter, quo dominus contra possessorem in *l. 9. pr. de R. V. l. 36. eod. &c.* aut quo dominus præsumtus contra non dominum in *l. 9. §. 4. de public. in rem act. l. 31. §. 2. de A. E. V.* agit, huc referri posset, nam etiam in utroque possessor actoris partes obtinet, i. e. excipit ac exceptionem probare debet, plus non requirit IMPERATOR, licet verba Ejus finalia (quod hætenus supposuimus) de Probandi necessitate intelligas. Sed de hoc satis!

## TIT. VI.

QUEMADMODUM SERVITU-  
TUTES AMITTUN-  
TUR.

## OBSERV. CCLVII.

*Amittuntur servitutes*) Vel *naturaliter* ob consensum, quo pertinet specialis conventio, resolutio juris in constituyente, confusio, rei interitus, remissio domini, vel *civiliter* per præscriptionem, & nihil hodie refert, si ve ipso jure si ve ope exceptionis eas tolli dicas, ut frustra omnino illa inculcentur.

OB-

## OBSERV. CCLIX.

*Ufus intermissione*) Hoc non est generale, sed pertinet ad servitutes affirmativas. Quare ita potius habendum: Ad præscriptionem extinctivam seu privativam requiritur (1) *possessio libertatis*, in hac constituitur dominus prædii servientis, quoad servitutes *negativas*, si actum servituti contrarium suscipiat, ac dominus prædii dominantis non contradicat, *affirmativas* vero, si prædii dominantis dominus usum penitus omittat, (2) *bona fides*, quæ tamen solum quoad negativas, & affirmativas, ubi ex facto oritur præscriptio, necessaria videtur, nam quoad affirmativas, quæ solo nonusu pereunt, eandem incongruè exegeris, (3) *lapsus temporis*, circa quem non usque adeo de jure civili res expedita est, *vid. HUBER. posit. ad ff. quib. mod. ususfr. amitt. n. 1. ibique Thomas.*

## OBSERV. CCLX.

*In urbanis solus nonusus non sufficit*) Committitur fallacia causæ. Verum est, quod aliquid discriminis heic inter servitutes sit, sed id à qualitate urbana vel rustica non dependet. Res potius ita se habet. In servitutibus *negativis* possessio & præscriptio incipit à facto ejus, qui præscribere vult, sed in *affirmativis*, ab omissione usus totalis ejus, contra quem præscribitur. Jam quoad usum, aliquid inter affirmativas servitutes interest, quarundam enim exercitium in solo facto consistit, ut itineris, actus & viæ, quædam vero ad sui exercitium, & factum requirunt, & structuram aliquam præsupponunt, ut servitus tigni immittendi &, nonnunquam, aquæductus. Ex hoc discrimen Præscriptionis resultat, nam si in illis factum omittatur, tum usus statim penitus cessat, & alter in possessione li-

ber.

bertatis constituitur ac præscribit, sed in his, licet factum desinat, non tamen ideo penitus cessat usus, quamdiu structura, exercendæ servituti necessaria, manet, quare & hæc tollenda est ab eo, qui libertatem præscriptione acquirere gestit. Atque hoc est, quod in *d. l. 6.* licet non satis apte, inculcatur discrimen, quod à qualitate urbana & rustica non dependere, ex hæcenus dictis liquet, hinc si v. gr. stabulo debeatur servitus tigni immittendi, adeoque juxta vulgarem hypothesein, hoc casu, rustica sit, attamen ad inchoandam præscriptionem, facto præscripturi opus erit, claro indicio, qualitatem rusticam & urbanam nullas hic habere partes.

## LIB. IX. TIT. I.

SI QUADRUPES PAUPERIEM  
FECISSE DICATUR.

## OBSERV. CCLXI.

*Requiritur*) Ut ex pauperie Dominus obligetur, *naturaliter* requiritur, ut *ejus animal proprio motu, ab homine vel alio animali non instigatum, nocuerit*, quod etiam jure Romano probatum, ceu *ALLTOR n. 1. 2. 4. 5.* ostendit, *add. HUBER. Eunom. b.* Ut autem damnum dederit *contra naturam generis sui*, de quo *n. 3.* id saltem à jure civili requiritur, nec tam ad obligationem alterandam, quam nomen actionis mutandum pertinet. Aliàs naturali æstimatione perinde est, siue contra siue secundum generis sui naturam, animal nocuerit, modo proprio motu id fecerit, quo loco tamen fatendum est, quod illa diversitas non plane negligenda sit, nam major est velut

petu-

petulantia, si animal contra, quam secundum Generis sui naturam noceat, cum hic gravior naturæ sit impulsus, adeoque pauperies non tam voluntaria videatur, præterea, si animal secundum generis sui naturam det damnum, hominum culpa plerumque concurrat, cum contra naturam, facilius sine hac nocere queat.

## OBSERV. CCLXII.

*Actio si quadrupes*) Posita pauperie, secundum requisita modo memorata, quaeritur an & quomodo dominus obligetur? Et licet GROTIIUS J. B. P. l. 2. c. 17. §. 21. existimet, eum naturaliter ad nihil teneri, sed omnem ejus obligationem ex jure civili esse, attamen contrarium verius est & facile ostendi potest. Scilicet si bestia nocens nullius foret, tum procul dubio læsus ejus capiendæ jus haberet & reliqui homines ex jure naturali obligarentur, ne ipsum impedirent. Postquam autem animalia in dominium sunt redacta, in eventum damni, ab his proprio motu dati, obligatio memorata ipsos dominos afficit, nec enim in præjudicium socialitatis dominium potuit constitui, aut hoc privilegium velut nocendi animalibus conciliari. Obligatur igitur dominus naturaliter ad patiendum, quo læsus animal noxium, in damni illati reparationem occupet, quod si hoc nolit, tum ipse damnum resarcire debet, ex quo satis & veritas & indoles obligationis domini apparet. Atque hæc omnia jus civile confirmavit, additis fori sui carminibus & sanctione pœnali, qua mendacium domini, animal suum esse negantis, coërceatur, prout AUTOR ista refert h. Quod si ante litem motam, sine culpa domini, animal perierit, obligatio hujus evanescit,

ceu recte etiam docetur in *L. 1. §. 13. b. t.* nam ad dediti-  
 onem originarie obligatur dominus, obligatio ad  
 damnum refarciendum, ex voluntate ejus, deditio-  
 nem recusantis, saltem succedit. Corpore igitur  
 noxio sublato, nec illa oriri, nec hæc succedere  
 potest.

## TIT. II.

## AD LEGEM AQUILIAM.

## OBSERV. CCLXIII.

**D**amnum injuria datum) Hoc nomine generali-  
 ter omne delictum, quo alicui damnum infertur,  
 intelligi potest. Sed Romani, quo illud ad delicta  
 privata referrent, conceptum restrinxerunt, ceu do-  
 cet definitio *b.* Hodie tamen, cum poena privata ces-  
 set, *publicum* potius, quam *privatum* erit delictum.  
 Ex diversa autem suppositione hoc liquet, quod quæ-  
 dam hujus delicti requisita ad excitandam obligatio-  
 nem sint necessaria, quædã verò sint arbitraria pertine-  
 antq; tantum ad delictum hoc determinandum, illud-  
 que ab aliis distinguendum. Illa etiam ex *jure natu-  
 rali dependent*, hæc *mere Romana sunt*.

## OBSERV. CCLXIV.

**Requiritur**) Requisite *necessaria & naturalia* tra-  
 dit *AUTOR* *n. 1. 2.* Sed non satis perspicue, clarius  
 ita. Ad damnum requiritur, ut quis (1) sua voluntate  
 (2) invito (3) contra legem nocuerit. *Arbitraria* au-  
 tem & *positiva* innuit *n. 1. 3.* sed iterum plenius sic di-  
 cendum. Opus est, ut damnum sit datum (1) in re,  
 quæ in patrimonio est, (2) ejus corruptione (3) corpore  
 nostro facta. Si medium requisitum desit, tum adest  
 aliud delictum, v. gr. furtum, si primum & tertium,  
 actio

actio directa legis Aquiliæ locum non invenit. Ex quo liquet, de arbitrariis illis requisitis hodie non valde esse laborandum, in primis quando nomen actionis saltem variatur.

## OBSERV. CCLXV.

*Non datur, si liber homo statim perierit*) Imo datur illis personis, quas defunctus obligatione perfecta alere debuit, uxori puta & liberis, non quidem ut hæredibus, sed potius ut personis occisione defuncti principaliter lasis, quæque non ex jure transmissio, sed proprio agant. Quibus notatis, nec *l. 36. §. 1. de Leg. aquil.* huic sententiæ oberit, & argutiis *THOMÆ*, quas *d. l.* spargit, facile responderi potest, qui de cætero contrarium de jure civili nequitiam probavit. Caterum cum æstimatio & vitæ, & alimentorum illis personis præstandorum sit lubrica, hinc ut plurimum mediante transactione cum occisore inita, hæres componitur, *conf. PUFEND. de J. N. G. l. 3. c. 1. §. 7.*

## OBSERV. CCLXVI.

*Ex hoc delicto descendit actio*) Obligatur delinquens ex jure naturali ad damnum sarcendum, quod probavit *Lex Aquilia* ac simul pœnam constituit in delinquentem. Ad utrumque simul exigendum datur *actio L. aquiliæ lit. D.* cujus divisiones *sign. †* hodie non sunt necessariæ. Non descendit illa unice ex lege aquilia, ceu quidem *lit. C.* asseri videtur. Datur *leso lit. S.* contra ladentem & plures obligantur correaliter *lit. P.* quæ omnia hætenus sunt naturalia. Quod autem hæres nocentis regulariter non obligentur *d. lit. P.* id positivum & iniquum est, cum enim



plagis & verberibus accipere pecuniam, sed illa jus exigendi æstimationem non tollunt.

## OBSERV. CCLXIX.

*Probare tenetur ipsius culpam lit. pr.)* Recte, licet enim incendia plerumque hominum culpa & facto fiant, ceu dissentientes ex *l. 3. §. 1. de offic. Pref. Vig. l. 11. de peric. & commod. rei vend.* urgent, attamen inde non statim sequitur, quod præcise culpa vicini intervenerit, ceu *d. l. 11.* etiam hæc discernit, atque illa sententia *DECIS. SAXON. 80.* probata est.

## TIT. III.

DE HIS, QUI EFFUDERINT  
VEL DEJECERINT.

## OBSERV. CCLXX.

*Actio de dejectis*) Occurrit hic (I.) *Negligentia*, quam committit Paterfam. dum ex sua domo aliquid dejici vel effundi patitur, eum in locum, ubi vulgò iter fit (II.) *Negligentis officium*. Obligatur ille *naturaliter* ad damnum resarciendum, sed eo ordine, ut principaliter ipse dejicens teneatur, quamvis etiam non iniquum sit, ordine illo neglecto, obligationem ei statim impingere, quæ fuit sententia Romanorum, quam *AUTOR* hic exponit. Est igitur actio, quæ hic adducitur, in se utique *naturalis*, sed jus Romanum obligationis ordinem magis definivit, actionem distinxit *sign. †.* concurrentium prærogativam determinavit *lit. S.* transmissionem in hæredes haut admisit *lit. P.* pœnam adjecit, ac durationem actionis sanxit *lit. O.*

## OBSERV. CCLXXI.

*Altera actio hic proposita est*) Agitur hic de alia Negligentiæ specie, qua nondum nocitum est, noceri tamen potest, ejusque coercendæ ratio Romana hic exponitur, sed cum illa nimis dura sit, ac in foro nihil de ea audiatur, hinc non recepta videtur. Sufficiet igitur, (quod natura suggerit) alterum admonuisse, quo rem nocituram tollat, si contumax sit, pœna aliqua recte coercetur.

## TIT. IV.

## DE NOXALIBUS ACTIONIBUS.

## OBSERV. CCLXXII.

*Actiones noxales*) Postquam mancipia brutis sunt æquata, eadem domini circa illa certis in casibus occurrit obligatio, quæ circa hæc, quæque adeo ex hac hypothese, naturalis, ac à Romanis saltem probata est juxta ea, quæ *Observ. 261. 262.* diximus. Caterum cum hodie mancipia regulariter exulent, hinc illius rei nullus usus, ceu admonet *AUTOR lit. I. n.* nam ex delictis famulorum mercenariorum, quos hodie habemus, non aliter domini obligantur, quam quatenus sua voluntate ad illa concurrunt, quod confirmatum *DECIS. SAX. 79.* Uti autem concursus ille ex circumstantiis est judicandus, ita manifestum est, quod eo posito obligatio domini plane diversa sit ab ea, qua ex facto mancipiorum, proprio motu nocentium, apud Romanos tenebatur.

## LIB. X. TIT. I.

## FINIUM REGUNDORUM

## OBSERV. CCLXXXIII.

*Actio finium regundorum* ) Ei, cui jus in aliquam rem competit, *naturaliter* quoque licet, ejus fines tueri, quæ actio revera est *rei Vindicatio*. Interim non opus est, *dominium* hic operosè probare, actor enim in possessione rei principalis est, ejusq; dominium ab adversario in dubium non vocatur, (quod supponitur) præterea alter plerumque fines sine titulo possidet, hinc sufficit *finium cum re principali connexionem* ostendere, quo facto Judex alterum naturaliter obligatum, ad satisfactionem ex legis naturalis jussu adigere debet.

2. Ista naturalia probarunt Romani, sed cum variis additamentis positivis. Qualia sunt (1) nomen finium regundorum, quod tamen ob speciale objectum, non immerito retinetur; (2) divisio in actionem directam & utilem *sign.* † quæ hodie supervacanea; (3) quod sit actio mixta *lit. C.* ubi *AUTORIS* explicatio, quoad personalitatem hujus actionis, satis insuper est contorta. Cæterum hodie illo emblemate etiam non indigemus, nam pertinet ad forum Romanum, ubi intererat, an præstationes personales *jure actionis*, an *officio judicis* peterentur, illo casu aderat actio mixta, hoc simplex, *vid. HUBER posit. ad §. de offic. jud. n. 10. ad ff. de R. V. n. 15.* (4) stricti juris *lit. C.* quod prædicatum hodie quoque esse otiosum *ad tit. de O. & A.* ostendam; (5) quod actio hæc non detur sociis, intuitu fundi communis & proprii *lit. S.* interim istam dispositionem neque ratio

]Cui,

Jcti, neque remedium surrogatum in *d. l. 4. §. 7. b. t.* satis tuetur, hinc eam hodie nullius usus esse existimem; (6) sollicitudo quoad actionum nomina *lit. O.* quæ hodie etiam cessat; (7) actionis duratio *lit. C.* circa quam observandum, quod, si fines ablati in alium justo titulo transferantur, longi temporis præscriptione, actio finium regundorum tolli videatur, *l. 2. §. 6 pro emtor. vid. PERETZ. ad Cod. fin. regund. n. ii.*

## TIT. II.

## FAMILIÆ HERCISCUNDÆ.

## OBSERV. CCLXXIV.

*Actio familia herciscundæ*) Si quis legitimo modo jus hæreditarium acquisierit, is utique contra co-hæredem jus suum persequi potest, & hic ex jure naturali obligatur ad ea, quæ alterius sunt, ipsi præstanda. Hinc præsentis doctrinæ substantia est iterum juris Gentium, Romani saltem eam confirmarunt ac dispositionibus positivis, otiosis, ad actionum nomina, & necessariis, ad valorem rei judicatæ, actionis durationem similiaque pertinentibus, subinde auxerunt, quæ vel ex *observ. præc.* intelligi possunt.

## OBSERV. CCLXXV.

*Quatenus verò personalis, ad præstationes personales ex obligatione, ex quasi-contractu lit. C.)* Ad otiosas dispositiones merito hæc refertur, quando enim rem meam ab aliquo vindico, tum is utique eorum quoque intuitu obligatur, quæ ipsius facto contigerunt, aut quæ actor in communem hæreditatem utiliter impendit, sed ideo quasi-contractum fingere, ea

exstat, quod rejiciendæ illi explicationi sufficit, præterea formula illa : *Sicut in latioribus Digestorum libris opportunius apparebit*, satis innuit, non respici ad specialem casum, sed ad locum aliquem communem. Non obstat, quod tamen hic sit questio de re corporali, nam inde non sequitur, quod possessor dominium probare debeat, sed hoc saltem, quod illud probandum sit, an autem hoc faciat actor vel reus, hætenus nihil refert. Juxta hæc igitur non tantum casus ex d. l. pen. & ult. de public. in rem action. sed & eodem jure alter, quo dominus contra possessorem in l. 9. pr. de R. V. l. 36. eod. &c. aut quo dominus præsumtus contra non dominum in l. 9. §. 4. de public. in rem act. l. 31. §. 2. de A. E. V. agit, huc referri posset, nam etiam in utroque possessor actoris partes obtinet, i. e. excipit ac exceptionem probare debet, plus non requirit IMPERATOR, licet verba Ejus finalia (quod hætenus supposuimus) de Probandi necessitate intelligas. Sed de hoc satis!

## TIT. VI.

# QUEMADMODUM SERVITU- TUTES AMITTUN- TUR.

## OBSERV. CCLVIII.

*Amittuntur servitutes*) Vel naturaliter ob consensum, quo pertinet specialis conventio, resolutio juris in constituyente, confusio, rei interitus, remissio domini, vel civiliter per præscriptionem, & nihil hodie refert, si ve ipso jure si ve ope exceptionis eas tolli dicas, ut frustra omnino illa inculcentur.

## OBSERV. CCLIX.

*Ufus intermissione*) Hoc non est generale, sed pertinet ad servitutes affirmativas. Quare ita potius habendum: Ad præscriptionem extinctivam seu privativam requiritur (1) *possessio libertatis*, in hac constituitur dominus prædii servientis, quoad servitutes *negativas*, si actum servituti contrarium suscipiat, ac dominus prædii dominantis non contradicat, *affirmativas* vero, si prædii dominantis dominus usum penitus omittat, (2) *bona fides*, quæ tamen solum quoad negativas, & affirmativas, ubi ex facto oritur præscriptio, necessaria videtur, nam quoad affirmativas, quæ solo nonusu pereunt, eandem incongruè exegeris, (3) *lapsus temporis*, circa quem non usque adeo de jure civili res expedita est, *vid. HUBER. posit. ad ff. quib. mod. ususfr. amitt. n. 1. ibique Thomas.*

## OBSERV. CCLX.

*In urbanis solus nonusus non sufficit*) Committitur fallacia causæ. Verum est, quod aliquid discriminis heic inter servitutes sit, sed id à qualitate urbana vel rustica non dependet. Res potius ita se habet. In servitutibus *negativis* possessio & præscriptio incipit à facto ejus, qui præscribere vult, sed in *affirmativis*, ab omissione usus totalis ejus, contra quem præscribitur. Jam quoad usum, aliquid inter affirmativas servitutes interest, quarundam enim exercitium *in solo facto consistit*, ut itineris, actus & viæ, quædam vero ad sui exercitium, & *factum requirunt, & structuram aliquam præsupponunt*, ut servitus tigni immittendi &, nonnunquam, aquæductus. Ex hoc discrimen Præscriptionis resultat, nam si in illis factum omittatur, tum usus statim penitus cessat, & alter in possessione li-

ber.

bertatis constituitur ac præscribit, sed in his, licet factum desinat, non tamen ideo penitus cessat usus, quamdiu structura, exercendæ servituti necessaria, manet, quare & hæc tollenda est ab eo, qui libertatem præscriptione acquirere gessit. Atque hoc est, quod in *d. l. 6.* licet non satis apte, inculcatur discrimen, quod à qualitate urbana & rustica non dependere, ex hæcenus dictis liquet, hinc si v. gr. stabulo debeatur servitus tigni immittendi, adeoque juxta vulgarem hypothesein, hoc casu, rustica sit, attamen ad inchoandam præscriptionem, facto præscripturi opus erit, claro indicio, qualitatem rusticam & urbanam nullas hic habere partes.

## LIB. IX. TIT. I.

SI QUADRUPES PAUPERIEM  
FECISSE DICATUR.

## OBSERV. CCLXI.

**R**equiritur) Ut ex pauperie Dominus obligetur, *naturaliter* requiritur, ut *ejus animal proprio motu, ab homine vel alio animali non instigatum, nocuerit*, quod etiam jure Romano probatum, ceu *ALLTOR* n. 1. 2. 4. 5. ostendit, *add. HUBER. Eunom. b.* Ut autem damnum dederit *contra naturam generis sui*, de quo n. 3. id saltem à jure civili requiritur, nec tam ad obligationem alterandam, quam nomen actionis mutandum pertinet. Aliàs naturali æstimatione perinde est, siue contra siue secundum generis sui naturam, animal nocuerit, modo proprio motu id fecerit, quo loco tamen fatendum est, quod illa diversitas non plane negligenda sit, nam major est velut  
petu-

petulantia, si animal contra, quam secundum Generis sui naturam noceat, cum hic gravior natura sit impulsus, adeoque pauperies non tam voluntaria videatur, præterea, si animal secundum generis sui naturam det damnum, hominum culpa plerumque concurrat, cum contra naturam, facilius sine hac nocere queat.

## OBSERV. CCLXII.

*Actio si quadrupes*) Posita pauperie, secundum requisita modo memorata, quaeritur an & quomodo dominus obligetur? Et licet *GROTIUS* *J. B. P. l. 2. c. 17. §. 21.* existimet, eum naturaliter ad nihil teneri, sed omnem ejus obligationem ex jure civili esse, attamen contrarium verius est & facile ostendi potest. Scilicet si bestia nocens nullius foret, tum procul dubio læsus ejus capiendæ jus haberet & reliqui homines ex jure naturali obligarentur, ne ipsum impedirent. Postquam autem animalia in dominium sunt redacta, in eventum damni, ab his proprio motu dati, obligatio memorata ipsos dominos afficit, nec enim in præjudicium socialitatis dominium potuit constitui, aut hoc privilegium velut nocendi animalibus conciliari. Obligatur igitur dominus naturaliter ad patiendum, quo læsus animal noxium, in damni illati reparationem occupet, quod si hoc nolit, tum ipse damnum resarcire debet, ex quo satis & veritas & indoles obligationis domini apparet. Atque hæc omnia jus civile confirmavit, additis fori sui carminibus & sanctione poenali, qua mendacium domini, animal suum esse negantis, coërceatur, prout *AUTOR* ista refert h. Quod si ante litem motam, sine culpa domini, animal perierit, obligatio hujus evanescit,



ceu recte etiam docetur in *L. 1. §. 13. b. f.* nam ad dediti-  
 onem originarie obligatur dominus, obligatio ad  
 damnum resarciendum, ex voluntate ejus, deditio-  
 nem recusantis, saltem succedit. Corpore igitur  
 noxio sublato, nec illa oriri, nec hæc succedere  
 potest.

## TIT. II.

## AD LEGEM AQUILIAM.

## OBSERV. CCLXIII.

**D**amnum injuria datum) Hoc nomine generali-  
 ter omne delictum, quo alicui damnum infertur,  
 intelligi potest. Sed Romani, quo illud ad delicta  
 privata referrent, conceptum restrinxerunt, ceu do-  
 cet definitio *b.* Hodie tamen, cum poena privata ces-  
 set, *publicum* potius, quam *privatum* erit delictum.  
 Ex diversa autem suppositione hoc liquet, quod quæ-  
 dam hujus delicti requisita ad excitandam obligatio-  
 nem sint necessaria, quædã verò sint arbitraria pertine-  
 antq; tantum ad delictum hoc determinandum, illud-  
 que ab aliis distinguendum. Illa etiam ex *jure natu-  
 rali dependent*, hæc *mere Romana sunt*.

## OBSERV. CCLXIV.

*Requiritur*) Requisite *necessaria & naturalia* tra-  
 dit *AUTOR* *n. 1. 2.* Sed non satis perspicuè, clarius  
 ita. Ad damnum requiritur, ut quis (1) sua voluntate  
 (2) invito (3) contra legem nocuerit. *Arbitraria* au-  
 tem & *positiva* innuit *n. 1. 3.* sed iterum plenius sic di-  
 cendum. Opus est, ut damnum sit datum (1) in re,  
 quæ in patrimonio est, (2) ejus corruptione (3) corpore  
 nostro facta. Si medium requisitum desit, tum adest  
 aliud delictum, v. gr. furtum, si primum & tertium,  
 actio

actio directa legis Aquiliæ locum non invenit. Ex quo liquet, de arbitrariis illis requisitis hodie non valde esse laborandum, in primis quando nomen actionis saltem variatur.

## OBSERV. CCLXV.

*Non datur, si liber homo statim perierit*) Imo datur illis personis, quas defunctus obligatione perfecta alere debuit, uxori puta & liberis, non quidem ut hæredibus, sed potius ut personis occisione defuncti principaliter laxis, quæque non ex jure transmissio, sed proprio agant. Quibus notatis, nec *l. 36. §. 1. de Leg. aquil.* huic sententiæ oberit, & argutis *THOMÆ*, quas *d. l.* spargit, facile responderi potest, qui de cætero contrarium de jure civili neutiquam probavit. Cæterum cum æstimatio & vitæ, & alimentorum illis personis præstandorum sit lubrica, hinc ut plurimum mediante transactione cum occifore inita, hæres componitur, *conf. PUFEND. de J. N. G. l. 3. c. 1. §. 7.*

## OBSERV. CCLXVI.

*Ex hoc delicto descendit actio*) Obligatur delinquens ex jure naturali ad damnum sarcindum, quod probavit *Lex Aquilia* ac simul pœnam constituit in delinquentem. Ad utrumque simul exigendum datur actio *L. aquiliæ lit. D.* cujus divisiones *sign. †* hodie non sunt necessariæ. Non descendit illa unice ex lege aquilia, ceu quidem *lit. C.* asseri videtur. Datur *leso lit. S.* contra ladentem & plures obligantur correaliter *lit. P.* quæ omnia hætenus sunt naturalia. Quod autem hæres nocentis regulariter non obligentur *d. lit. P.* id positivum & iniquum est, cum enim

hæres bona defuncti accipiat, eorum vero intuitu obligatio sit constituta, merito hæc ad hæredes transire debebat. Exigitur illa actione *damnum & poena pri-  
vata lit. O.* sed ratio puniendi Romana hodie cessat, quod etiam assererem de poena inficiationis, est enim hac de re altum in foro silentium, ex quo probabiliter colligitur, illa non esse recepta. Interim hoc juris gentium est, quod nocentes in unaquaque civitate pro ratione delicti commissi puniri queant. *Duratio* hujus actionis *lit. N.* est ex jure positivo. Ex tricis autem fori Romani fluxit *actio cognata lit. SS.* sed *probationem lit. pr.* jus naturale exigit.

## OBSERV. CCLXVII.

*Quale vulnus aliquando curatum est lit. P.)* Componit hic Autor implicite *L. II. §. 3.* cum *L. 51. pr. b. t.* Nempe si prior mortifere vulneravit, sed dubie, alter vero occidit, tum ille de vulnerato, hic de occiso tenetur juxta *L. II. §. 3.* sed si lethalitas primi vulneris certa sit, tum uterque de occiso tenebitur secundum *d. l. 51.* quæ conciliandi ratio non plane improbabilis est, ceu ex *L. 15. §. i. b.* colligitur. Alii tamen verum agnoscunt dissensum & decisionem *d. l. 51.* præferendam censent, *vid. THOMAS in nor. ad Huber. posit. ad J. d. L. aquil. n. 26.* De eo etiam poterat dubitari, an posterior de occiso teneatur, si prior certum vulnus lethale jam inflixerit? Nam non tam occidit, quam fata imminentiâ acceleravit! Videtur de hoc ex circumstantiis pronuncian- dum, nam si quis vulneris præcedentis vel ejus qualitatis ignarus, dolo alterum vulnere lethali afficiat, tum merito pro homicida habebitur, atque talem casum Romani videntur supposuisse, quod si autem ex

intempestiva commiseratione, quo scilicet à dolore alterum eo citius liberaret, eum peremerit, à crimine veri homicidii absolvendus videtur. De cætero hodie hujus disquisitionis nulla est utilitas intuitu legis aquiliæ, ( utpote cum pœna privata, ob illas circumstantias, ex primo vel tertio illius legis capite petenda, cesset, ) bene tamen respectu Legis Corneliz, seu quando de pœna publica homicidii quæritur.

## OBSERV. CCLXVIII.

*Non etiam deformitas aut dolores lit. O. )* Sed sine sufficiente causa ita statuunt Romani, esto enim, quod liberum corpus non recipiat æstimationem, ex eo nihil aliud sequitur, quam quod in commercium non deducatur, non vero, quod læsus deformitatem & dolores æstimare ipse nequeat, sic existimatio hominis non recipit æstimationem, & tamen injuriâ affectus, illam æstimat. Non est igitur, cur dispositionem illam Romanam magni usus credamus. In specie JOH. THOM. de nox. animal. c. 9. n. 15. refert: Canisium in Summ. Jur. Canon. l. 3. tit. 10. Gomezium Resolut. Tom. 3. c. 6. n. 12. Zæsium ad ff. si quadrup. paup. fec. n. 3. existimare, quod lex illa cesset in fœmina nondum nupta, quæ propter deformitatem, difficilius maritum sit inventura, quam tamen sententiam ipse censet tantis Dd. indignam, & indigniorem multo fœmina ingenua, non forma sibi, sed virtute maritum quærente. Verum ista THOMÆ epicrisis in Scholasticis quidem declamationibus, sed non in vltâ civili usum videtur habere. Id addo, nonnullos ex quadam animi magnitudine vel vera vel affectata, deformitatis & dolorum æstimationem respuere, cum vile & abjectum videatur pro-

plagis & verberibus accipere pecuniam, sed illa jus exigendi æstimationem non tollunt.

## OBSERV. CCLXIX.

*Probare tenetur ipfius culpam lit. pr.*) Recte, licet enim incendia plerumque hominum culpa & facto fiant, ceu dissentientes ex *l. 3. §. 1. de offic. Pref. Vig. l. 11. de peric. & commod. rei vend.* urgent, attamen inde non statim sequitur, quod præcise culpa vicini intervenerit, ceu *d. l. 11.* etiam hæc discernit, atque illa sententia *DECIS. SAXON. 80.* probata est.

## TIT. III.

DE HIS, QUI EFFUDERINT  
VEL DEJECERINT.

## OBSERV. CCLXX.

*Actio de dejectis*) Occurrit hic (I.) *Negligentia*, quam committit Paterfam. dum ex sua domo aliquid dejici vel effundi patitur, eum in locum, ubi vulgò iter fit (II.) *Negligentis officium*. Obligatur ille *naturaliter* ad damnum resarciendum, sed eo ordine, ut principaliter ipse dejicens teneatur, quamvis etiam non iniquum sit, ordine illo neglecto, obligationem ei statim impingere, quæ fuit sententia Romanorum, quam *AUTOR* hic exponit. Est igitur actio, quæ hic adducitur, in se utique *naturalis*, sed jus Romanum obligationis ordinem magis definivit, actionem distinxit *sign. †.* concurrentium prærogativam determinavit *lit. S.* transmissionem in heredes haut admisit *lit. P.* poenam adjecit, ac durationem actionis sanxit *lit. O.*

## OBSERV. CCLXXI.

*Alter a actio hic proposita est*) Agitur hic de alia Negligentia specie, qua nondum nocitum est, noceri tamen potest, ejusque coërcendæ ratio Romana hic exponitur, sed cum illa nimis dura sit, ac in foro nihil de ea audiatur, hinc non recepta videtur. Sufficiet igitur, (quod natura suggerit) alterum admonuisse, quo rem nocituram tollat, si contumax sit, poena aliqua recte coërcebitur.

## TIT. IV.

## DE NOXALIBUS ACTIONIBUS.

## OBSERV. CCLXXII.

*Actiones noxales*) Postquam mancipia brutis sunt æquata, eadem domini circa illa certis in casibus occurrit obligatio, quæ circa hæc, quæque adeo ex hac hypothese, naturalis, ac à Romanis saltem probata est juxta ea, quæ *Observ. 261. 262.* diximus. Caterum cum hodie mancipia regulariter exulent, hinc illius rei nullus usus, ceu admonet *AUTOR lit. I. n.* nam ex delictis famulorum mercenariorum, quos hodie habemus, non aliter domini obligantur, quam quatenus sua voluntate ad illa concurrunt, quod confirmatum *DECIS. SAX. 79.* Uti autem concursus ille ex circumstantiis est judicandus, ita manifestum est, quod eo posito obligatio domini plane diversa sit ab ea, qua ex facto mancipiorum, proprio motu nocentium, apud Romanos tenebatur.

## LIB. X. TIT. I.

## FINIUM REGUNDORUM

## OBSERV. CCLXXIII.

*Actio finium regundorum* ) Ei, cui jus in aliquam rem competit, *naturaliter* quoque licet, ejus fines tueri, quæ actio revera est *rei Vindicatio*. Interim non opus est, *dominium* hic operosè probare, actor enim in possessione rei principalis est, ejusq; dominium ab adversario in dubium non vocatur, (quod supponitur) præterea alter plerumque fines sine titulo possidet, hinc sufficit *finium cum re principali connexionem* ostendere, quo facto Judex alterum naturaliter obligatum, ad satisfactionem ex legis naturalis jussu adigere debet.

2. Ista naturalia probarunt Romani, sed cum variis additamentis positivis. Qualia sunt (1) nomen finium regundorum, quod tamen ob speciale objectum, non immerito retinetur; (2) divisio in actionem directam & utilem *sign.* † quæ hodie supervacanea; (3) quod sit actio mixta *lit. C.* ubi *AUTORIS* explicatio, quoad personalitatem hujus actionis, satis insuper est contorta. Cæterum hodie illo emblemate etiam non indigemus, nam pertinet ad forum Romanum, ubi intererat, an præstationes personales *jure actionis*, an *officio judicis* peterentur, illo casu aderat actio mixta, hoc simplex, *vid. HUBER posit. ad 7. de offic. jud. n. 10. ad ff. de R. V. n. 15.* (4) stricti juris *lit. C.* quod prædicatum hodie quoque esse otiosum *ad tit. de O. & A.* ostendam; (5) quod actio hæc non detur sociis, intuitu fundi communis & proprii *lit. S.* interim istam dispositionem neque ratio

Jcti,

Jcti, neque remedium surrogatum in *d. l. 4. §. 7. b. t.* satis tuetur, hinc eam hodie nullius usus esse existimem; (6) sollicitudo quoad actionum nomina *lit. O.* quæ hodie etiam cessat; (7) actionis duratio *lit. C.* circa quam observandum, quod, si fines ablati in alium justo titulo transferantur, longi temporis præscriptione, actio finium regundorum tolli videatur, *l. 2. §. 6 pro emptor. vid. PERETZ. ad Cod. fin. regund. n. 11.*

## TIT. II.

## FAMILIÆ HERCISCUNDÆ.

## OBSERV. CCLXXIV.

*Actio familia herciscundæ*) Si quis legitimo modo jus hæreditarium acquisierit, is utique contra cohæredem jus suum persequi potest, & hic ex jure naturali obligatur ad ea, quæ alterius sunt, ipsi præstanda. Hinc præsentis doctrinæ substantia est iterum juris Gentium, Romani saltem eam confirmarunt ac dispositionibus positivis, otiosis, ad actionum nomina, & necessariis, ad valorem rei judicatæ, actionis durationem similiaque pertinentibus, subinde auxerunt, quæ vel ex *observ. præc.* intelligi possunt.

## OBSERV. CCLXXV.

*Quatenus verò personalis, ad præstationes personales ex obligatione, ex quasi-contractu lit. C.)* Ad otiosas dispositiones merito hæc refertur, quando enim rem meam ab aliquo vindico, tum is utique eorum quoque intuitu obligatur, quæ ipsius facto contigerunt, aut quæ actor in communem hæreditatem utiliter impendit, sed ideo quasi-contractum fingere, ea



verò est misera subtilitas, vanaque, quæ inde oritur, scientia.

OBSE RV. CCLXXIV.

*Neque obligationes lit. O.*) Intuitu juris personalis eique respondentis obligationis locum non habet actio familiæ herciscundæ (1) ratione rei debita, hæc enim non est penes cohæredem, hinc ad ejus præstationem conveniri nequit, sed penes debitorem, à quo adeo actione veteri, defuncto competente, v. gr. ex mutuo, emto &c. illa exigenda est. Nec (2) ratione ipsius juris & obligationis dividenda, nam hæc vel omnino dividi nequeunt, ut si cohæredibus à Tertio servitus promissa debeat, hinc frustra eo nomine movebitur actio, vel jam ipso jure divisa sunt, ut si extraneus certam pecuniæ summam cohæredibus debeat, tum igitur divisione actione familiæ herciscundæ urgere velle, frustraneum fuerit, cum unusquisque suam partem statim à debitore exigere queat. Bene tamen (3) ratione jurium & obligationum plurium, singulis hæredibus sigillatim & in solidum assignandorum, & hoc est, quod ALLTOR dicit, interdum per indirectum illa in hoc judicium deduci. Fac defunctum reliquisse aliquot hæredes & plura nomina activa, quæ vocant, hæc omnia illis pro parte hæreditariâ sunt communia, quo igitur hoc nomen huic, alterum illi in solidum competat, factum cohæredum intercedere debet, cujus intuitu actione F. H. agi potest. Pone ulterius, defunctum reliquisse nomina passiva seu obligationes, tum omnes cohæredes singulis creditoribus pro rata tenentur, si verò unicuique proprius debitor assignandus sit, factum cohæredum intercedat, oportet, talem tamen assigna-

gnationem Creditoribus nullum facere præjudicium, sed his integrum esse, debita sua ab omnibus cohæredibus exigere, manifestum est, *add. HUBER in posit. b.*

## OBSERV. CCLXXVII.

*Instituta hac actione nemo concedit alterum cohæredem esse lit. E.)* Est quæstio voluntatis, an agens familiæ herciscundæ actione adversarium cohæredem esse concedat? Et licet hoc affirmandum videatur, cum vel solum actionis institutæ nomen talem confessionem involvat, attamen non improbabiler quoque negatur, nam actor non faterur, sed præsupponit alterum esse cohæredem, ac ex hac hypothesi divisionem urget, errore igitur cognito, hypothesin, quam hactenus neque veram neque falsam dixit, deferere ac totam hæreditatem petere potest, atque hanc interpretationem confirmat *l. 37. b. t.* cujus adeo emendatio frustra suscipitur, *add. HUBER Eunom. ad. d. l.*

## OBSERV. CCLXXVIII.

*Licet falso cohæredi adjudicatum & immodice quis læsus sit lit. E.)* Ratio hujus assertionis ex rei judicatæ autoritate videtur repetenda, nec iniqua est illa dispositio Romana, qui enim per totum processum non tantum ignorat adversarium esse cohæredem, sed & eum per sententiam pro tali declarari patitur, ille vix culpa caret, adeoque damnum suæ negligentiae imputare debet. Interim aliis illa sanctio nimis dura videtur, quibus respondet *HUBER in Eunom. ad l. 36. b. t.* adjiciens, quod à senatu Lutetia Parisino, Præsidente Brissonio, juxta illam sententiam, sit judicatum, Jaco-

Jacobo Chezellio integrum textum in Curia recitante.

OBSERV. CCLXXIX.

*Privato autem heredum arbitrio facta divisione lit. E.)* Liquet igitur, quod divisio vel ultro fiat à cohæredibus vel processu ab invito extorqueatur, quod imprimis fieri solet, si alter in possessione sit, alter verò extra eam constitutus reperiatur. Ipsa divisio vero est *contractus consensualis & onerosus, quo duo pluresve juri, quod in rebus communibus habent, renunciant ea lege, ut reliqui, ipsorum respectu, idem faciant, quo ita soluta communione, jus & res distincte singulis acquirantur.* De officio dividendum, quoad implendam divisionem, non adeo quæri solet, cum plerumque contractum executio comitetur, sed de officio consequente, quoad emendandam lationem, sæpius quæstiones occurrunt, quales *AUTOR* hic proponit. In specie quæritur, an in æstimanda latione *l. z. C. de rescind. vendit.* præcise observanda sit? quod *AUTORI* non videtur, aliis tamen dissentientibus, *vid. THOMAS. ad HUBER. Posit. comm. divid. n. 13.*

OBSERV. CCLXXX.

*Judex in hoc judicio aequitatem observet)* Hujus officium communibus *aquivalis & prudentia* regulis dirigitur, quod specialius *AUTOR* declarat, nonnunquam etiam divisionis *modus* jure positivo determinatur, ut in Saxonia, ubi major dividit, minor eligit, quod tamen solum obtinet, si duo masculi adsint, alias forte potius vel arbitrio Judicis divisio instituitur, quod si masculus & foemina concurrant, ille,

ille, licet major, eligit, hæc cum Curatore dividit,  
*CARPZOV. d. l. D. 7. II.*

## OBSERV. CCLXXXI.

*Dummodo unus hereditatem tanquam suam possederit lit. C.)* Nam si communiter possideant, etiam post 30. annos ad divisionem provocare possunt, nec enim in his terminis præscriptio potest habere locum cum desit possessio, & hætenus etiam hic verum sit: rebus meræ facultatis non præscribitur. Præstationes tamen personales, posita licet communi possessione, præscribi posse videntur.

## TIT. III.

## COMMUNI DIVIDUNDO.

## OBSERV. CCLXXXII.

*Actio communi dividundo)* Sociis quoque rei singularis ex suo jure naturaliter contra socios ad divisionem agere licet, & hi tam rem principalem, quam accessiones ex lege naturali præstare debent, quemadmodum Judex etiam divisionem ita facere tenetur, prout æquitas & prudentia requirit, quæ omnia Romanis probata, & nonnullis sanctionibus positivis aucta sunt h. t. de quibus ex præcedentibus facile judicari potest.

## OBSERV. CCLXXXIII.

*Oritur quatenus realis, ex jure in re lit. C.)* Hæc etiam actio dicitur *mixta* ex usu fori Romani, nam alias sufficere poterat, si realis diceretur, sicut enim rei vindicatione & rem & accessiones petimus, nec tamen ideo mixtura aliqua asseritur, ita idem circa hanc actionem fieri poterat. Qui autem eam mere  
 per-

personalem esse contendunt, ideo, quod de dominio non controvertatur, illi plane falluntur, nam utique de dominio, non quidem *vindicando*, sed *dividendo* est quaestio. In distinguendo etiam *actionis hujus & pro socio*, usu, nimium fuere solliciti Romani, *vid. HUBER. posit. b. t.* quam inanem scientiam nemini invidemus, sed magnificere non possumus.

## TIT. IV.

## AD EXHIBENDUM.

## OBSERV. CCLXXXIV.

*P*etit<sup>ur</sup> *actione ad exhibendum*) Illud certum est, cum, qui habet jus rem penitus consequendi, habere etiam jus, ejus exhibitionem petendi, hoc enim in illo virtualiter continetur. Eo fine apud Romanos actio ad exhibendum movebatur *h. t.* in cujus tamen natura explicanda non adeò conveniunt. Sed planissimè dici potèst, oriri eam ex particula quasi illius juris, ex quo actio principalis movetur. Quibus autem limitibus ejus *usus* fuerit circumscriptus, quæque *eam instituendi* fuerit *ratio*, id *AUTOR* hic explicare nititur. Sed forte multa sunt, quæ nos non satis intelligimus, quamvis ista ignorantia non valde noceat. Illud certum videtur, quod actio ad exhibendum, nisi forte brevissimo processu fuit terminata aut cum principali actione cumulata, vel plane in illam degeneravit, magnam vel imprudentiam, vel fori Romani corruptionem arguat, *add. SCHIL-*

*LER ad ff. Exercit. 20.*

§. 41.

LII.

## LIB. XI. TIT. I.

## DE INTERROGAT. IN JURE FACIENDIS ET INTERROGATOR. ACTIONIBUS.

## OBSERV. CCLXXXV.

*Hæ interrogaciones fiebant coram Magistratu*) Juxta processum antiquissimum requirebantur interrogaciones ad *fundandam actionem*. Sed hoc etiam de jure civili sublatum est. Postea eædem sunt adhibitæ ad *faciendam probationem*, quod *AUTOR* pluribus hic persequitur. Sed in Saxonia & forte plerisque aliis Germaniæ Territoriis illæ interrogaciones plane cessant. Si verum fateri licet, magis illæ ad processum extendendum, quam abbreviandum pertinent, adeoque magis fori corruptionem, quam prudentiam quandam redolere videntur, si enim per testes aut documenta probare velis, non opus est, ut adversarium ratione rei controversæ interrogas, si verò illæ probationes deficient, satis erit ei statim detulisse juramentum, quam peculiare formasse positiones, ac desuper ipsum interrogasse.

## TIT. II.

## DE QUIBUS REBUS AD EUNDEM JUDICEM EATUR.

## OBSERV. CCLXXXVI.

*Propter continentiam causarum*) Est hic articulus jure positivo constitutus, hinc omnis quæstio est de voluntate Legislatoris, & licet forte ea, quæ de judi-

dici

dicibus pedaneis jure Romano cauta sunt, ad nostros etiam Magistratus utcumque applicari queant, certum tamen est, quod hodie in hac re adjudicanda, ad *statum Territorii & leges proprias* primario sit respiciendum, id quod generaliter admonuisse sufficiat, nam de ipsis quaestionibus Scriptores forenses passim agunt.

## TIT. III.

## DE SERVO CORRUPTO.

OBSERV. CCLXXXVII.

*Actio de servo corrupto*) Ostenditur hic, quod servum corrumpens, & damnum pensare & poenam sustinere debeat, illud naturale, hoc positivum est, utrumque vero hodie incognitum, quia objectum hujus delicti non amplius occurrit. Quae autem de utili actione nonnulli dicunt, falsos redolent conceptus, qui enim liberos aut uxorem alterius corrumpit, is ad damnum pensandum & poenam sustinendam non tenetur, quia Romani circa servos ita pronunciarunt, sed quia principia generalia, ex quibus etiam illi, quoad servos, conclusionem elicuerunt, hoc exigunt. Interim rara est uxoris vel liberorum corruptorum actio, nam uti talis corruptio probatu difficilis, ita plerumque etiam cum propria actoris ignominia conjuncta est.

## TIT. IV.

## DE FUGITIVIS.

OBSERV. CCLXXXVIII.

*Differt fugitivus ab erroneo*) Quicquid de officio vel servorum vel aliorum hominum heic cautum  
repe-

reperitur, illud ex principiis naturalibus dependet, decreta tamen illa apud nos non occurrunt, quia objectum regulariter deficit. Quæ de vindicandis hominibus propriis habentur, illa ex dominio fluunt adeoque naturalia quoque sunt, solent tamen leges positivæ vim dominii citius excludere, ob peculiarem objecti conditionem. Denique quæ sint officia domini & famulorum mercenariorum, id iterum juxta mensuram conventionis præcedentis, definit lex naturalis, de quo in loco proprio agitur.

## TIT. V.

## DE ALEATORIBUS.

## OBSERV. CCLXXXIX.

**L**udus in genere est) Videtur hæc definitio idem per idem explicare. Clarius forte diceres: Ludus est conventio, qua duo pluresve sub conditione eventus incerti, fortuna vel licita arte procurandi, sibi aliquid donant. Prout igitur eventus tulerit, ita nunc hic, nunc alter aliquid lucratur, vel etiam sine aliqua jactura singuli à conventionē discedunt.

## OBSERV. CCXC.

*Contra sentit Jacobus Anglia Rex*) Contendens, lusum latrunculorum esse nimis consultam & philosophicam stultitiam, vid. BECMAN. doctrin. moral. c. 8. §. 12. Nec videtur sane ejusmodi rebus ludicris quæque nullum alium finem, quam recreationem, habent propositum, ingeniū vel ars tribuenda esse. Sed ita solent homines otiosi & voluptatibus dediti, qui ineptiis suis imaginem prudentiæ & artis circumponunt, quo otii sui ignavi ignominiam, quantum in se est, abscondant nec cordatioribus delirare videantur.



## OBSERV. CCXCI.

*Hujusmodi ludi sua natura & jure natura non habentur pro prohibitis*) Officium lusurorum triplex est (1) *antecedens*, ubi quæritur, an ludere liceat? quod jure divino asseritur, modo modice & sincere ludatur, illi verò, qui ludos in consuetudinem vertunt, & quod plerumque sequitur, artibus furtivis utuntur, dubio procul contra leges divinas peccant; (2) *Concomitans*, abstinendum scilicet est à lationibus, nec eventus, quem alter à fortuna vel alterius peritia dependere, bona fide credebat, artibus illicitis procurandus; (3) *Consequens*, ob fidem datam promissum est servandum, si nondum impletum sit. Quodsi dolus intercesserit, tum latio erit emendanda. Cæterum cum raro intra limites debitos homines consistant, hinc in civitatibus, plerumque ludi prohibentur vel certo modo limitantur, de quo *AUTOR* lit. E.

## OBSERV. CCXCII.

*Hodie perditum solutum non repetitur propter l. 3. de condict. ob turp. caus.)* Sententia *AUTORIS* ea esse videtur: hodie ludos permitti, nec perditum a deo repeti, ex ea ratione, quam alias sectari soleat lex civilis, nempe, quod in pari turpitudine melior sit conditio possidentis, nam alias directe ex d. l. 3. quoad mores nostros nihil probari potest. Videtur quoque *AUTOR* sibi hic contradicere, paulò ante enim ludos pronunciavit licitos, hic vero eos rebus turpibus annumerat, sed ibi usum, hic abusum forte respicit. De cætero in genere nihil tutò asseri posse videtur, sed hæc res ex ordinationibus politicis singulorum Territoriorum dijudicanda est. Ubique fere  
cju s-

ejusmodi sanctiones occurrunt, sed ut plurimum non servantur, cujus mali causam periti facile intelligunt, hinc etiam illæ non alium fere habent usum, quam ut per eas leves muscæ, quas forte ludendi lubido aliquando cepit, irretiri ac pecunia emungi queant.

## OBSERV. CCXCIII.

*Sponsiones*) Circa has spectari potest (1) *actus*, quo pertinet *definitio & moralitas lit. D. N.* licitæ quidem sunt sponsiones, sed non adeò necessariae, & facile liquet, eas esse ab hominibus otiosis ac luxui & voluptati deditis inventas. Porro requirit actus ille *consensum verum & personas ad paciscendum aptas* nec non *materiam habilem lit. O.* circa quam sæpe quæstiones voluntatis occurrunt, quæ juxta consuetudinem interpretandi fundamenta decidi debent. (2) *spondentium officium*, dum sit sponsio, à deceptione abstinere, legitime autem initam implere debent, contra invitos actio datur *lit. E.* circa cujus denominationem hodie non valde laborandum.

## OBSERV. CCXCIV.

*Fiunt de rebus præteritis lit. O.*) Sed si has alter certo sciat, num valebit sponsio? Ita puto, imputet enim sibi alter, quod cum eo inierit sponsionem, de quo ipsi non constabat, sciret an ignoraret rem controversam, nam hoc posito, ille in omnem eventum consensit. Multo magis autem hoc verum est, si alter scientiam professus sit, alterumque de sponsione non temere incunda admonuerit. Quod si vero ad interrogationem, dissimulaverit vel negaverit scientiam alterumque ita dolose ad sponsionem allexerit,

tum ea non valebit. Alii aliter. *vid. BEGMAN. doct. mor. c. 8. §. fin.*

## OBSERV. CCXCV.

*Dolus tamen abesse debet & captiositas lit. O.)* Utriusque tamen, si adsint, non idem est effectus, nam dolus sponsonem vitiat, sed captiositas negligitur & sponsio juxta consuetum significatum valet, reservationum quippe mentalium ac inusitati sensus circa pacta nulla est habenda ratio, quia alias facile eorum effectus his inventis eludi posset.

## TIT. VI.

## SI MENSOR FALSUM MODUM DIXERIT.

## OBSERV. CCXCVI.

*Actio in factum)* Si quis renunciatione falsi modi alios læserit, tum dublo procul, ex juris naturalis præscripto, damnum resarcire cogitur, ubi etiam illud rationi est consentaneum, ut mitius cum eo procedamus, qui ex amicitia saltem id muneris suscepit, quam cum illo, qui hujus rei peritiam est professus. Hæc naturalia hic probavit lex Romana, introducta insimul actionis hujus præscriptione, negatque Ejus in hæredes transmissione. Quod si mensor cum altero contrahente in alterius perniciem colluserit, tum læso velut correi videntur obligati, adeo ut is vel ab illo vel ab hoc solidum consequi possit.

## TIT. VII.

DE RELIGIOSIS ET SUMTIBUS  
FUNERUM, ET UT FUNUS DU-  
CERE LICEAT.

## OBSERV. CCXCVII.

*DE sepeliendi equitate & modis*) De sepultura quoad mores nostros plenius egi in specim. Jur. Eccles. l. 4. c. 9. ex quo nonnulla delibabo. Sepultura est actus, quo defunctorum corpora terræ mandantur, eo fine, quo ibi maneat & naturali modo tandem in cineres resolvantur. Apud Romanos sepulchris loca privata erant destinata, quæ ideo religiosa audiebant lit. R. cujus rei hodie nullus usus. Hodie in cœmiteriis homines sepeliuntur, quorum dominium cum ad Ecclesias parochiales pertineat, hæ non immerito pro usu rei suæ, ex bonis defuncti aliquid exigunt lit. I. n. qua de re plura dixi vel indicavi d. c. 9. §. 9. 10. 11. seqq.

## OBSERV. CCXCVIII.

*Est honesta*) Varietatem sepulturæ etiam tradidi d. c. 9. §. 2. Homines autem vivos regulariter ad mortuos honeste sepeliendos ex lege naturali obligari, nisi hi delictis atrocibus, & poenæ humanæ subiectis, sese socialitate fecerint indignos, his tamen hæreticos, verbi divini & sacramentorum contemtores ac excommunicatos, non recte annumerari, amplius existimavi d. c. 9. §. 3. seqq.

## OBSERV. CCXCIX.

*Si quis mortuum inferi*) Hoc quoque naturale est, ut is, qui in sepulchrum alienum mortuum inferit, do-

mino eo nomine satisfacere debeat. Hic tamen propria autoritate cadaver eximere non debet, cum hoc imperio civili quodammodo repugnet, si tamen hoc faciat, orimen sepulchri violati non committit, ceu perperam *AUTOR* hic asserit, sibi ipsi contrarius infra *de sepulchr. violat. lit. C.*

## OBSERV. CCC.

*Si quis impediatur inferre*) Nec minus hoc caput naturale est, ut nimirum ab eo, qui nobis circa illationem mortui nostri molestus est, satisfactionem exigamus. De cætero hoc & præcedens caput hodie circa sepulchra hæreditaria occurrit, *vid. d. c. 9. §. 6.*

## OBSERV. CCCI.

*Si quis propter debitum cadaver arrostat*) Quoad actum sepeliendi, humanitas jubet, ne illum, ad defuncti ignominiam, impediamus, contra secus facientes lex civilis pœnam decernit, de qua *b.* Aliàs ille peragitur variis ceremoniis, de quibus dixi *d. c. 9. §. 16.* ad eas quoque pertinet solennis deductio, cui ex lege humanitatis interesse tenemur, inprimis verò hæc exigit, ne funus comitantibus, ac inprimis propinquis & hæredibus, simus molesti, id quod lex positiva certius definit, de qua *b.*

## OBSERV. CCCII.

*Sumtus petuntur actione funeraria*) Si quis, qui non erat obligatus, impensas in funus fecerit, is dubio procul eas naturaliter ab iis repetere potest, ad quas ea res pertinebat, id quod leges Romanæ confirmarunt. Non opus autem est, ut quasi contractum fingamus, nam ob acceptam utilitatem obligatio existit. Privilegium autem prælationis, quod in  
con-

concurso actio funeraria habet, est ex jure positivo, *conf. d. c. 9. §. 20. seqq.*

OBSERV. CCCIII.

*De hac actione cognoscit judex secularis*) Ubi controversiæ, occasione sepulturæ ortæ, ventilari debent, id ex statu cujusvis Territoriæ ac Imperantis voluntate judicandum, qui etiam processum in his causis observandum definit, *add. STRYK. in not. h. p. 295. Spec. jur. Eccles. d. c. 9. §. 24. 25.*

TIT. VIII.

DE MORTUO INFERENDO  
ET SEPULCHRO ÆDIFICANDO.

OBSERV. CCCIV.

*Interdictum de mortuo inferendo*) Hoc & alterum interdictum de sepulchro ædificando, hætenus utique naturale est, quatenus per ea jus nostrum defendimus, modus tamen procedendi jure positivo maximam partem definitur.

LIB. XII. TIT. I.

DE REBUS CREDITIS, SI CERTUM PETATUR ET DE  
CONDICTIONE.

OBSERV. CCCV.

*Mutuum*) Definitio hæc juxta hypotheses juris civilis recte se habet, quodsi autem mutuum, secundum simplicitatem naturalem, pro contractu consensuali habeas, tum erit *contractus de re fungibili*

danda, eademque in genere suo tempore reddenda, vid. notat. ad tit. de pact. obs. 57. n. 7. quod si actum illum, quo alter pecuniam se mutuo daturum promittit, pro obligatorio habeas, tum res eodem recidit, siue mutuum, contractum realem dicas, ac actum illum præcedentem pro pacto præparatorio habeas, siue ex conjunctione horum actuum, unum contractum consensuale efficias.

## OBSERV. CCCVI.

*Si uterque tantum in translationem dominii consensit, aliter est*) In hac doctrina nullus est sensus, hinc *Dr. STRYK.* in not. sic legendum censet: *Si uterque in translationem dominii consensit: si unus tantum, aliter est*, quamvis nec hac emendatione sensus restitui videatur. Ego puto, pro *tantum* legendum esse *tamen*, ut propositio illa per modum limitationis præcedenti doctrinæ subjiciatur, nam hoc, nisi fallor, *AUTOR* intendit: *Error em impedire mutuum & dominii translationem*, tum sequitur limitatio: *Si uterque tamen in translationem dominii* (ut ut circa causam vel titulum error & dissensus subsuerit) *consensit, aliter est*; ut doctrina eo collimet: errorem circa ipsam translationem, impedire, sed circa causam vel titulum, non impedire dominii translationem.

2. Sed ultimum controversum est, ob famosos illos textus in *l. 18. pr. b. t. & l. 36. de A. R. D.* ad quorum conciliationem, *AUTORIS* doctrina non pertingit. Multi de conciliatione desperant, quod mihi non probatur, cum satis perspicuum sit, *ULPIANUM* in *d. l. 18.* effatum *JULIANI* in *d. l. 36.* paulo generalius, juxta intentionem utriusque contrahentis, distinctius explicare, seu quaestioni an, sub-

subjicere quaestionem *quomodo*, id quod ex addita ipsius doctrinae paraphrasi facile liquet: *si ego pecuniam tibi quasi donaturus dederō, tu (meae intentionis ignarus) quasi mutuam accipias. Julianus scribit, donationem non esse, (quia alter ob errorem, voluntatem donantis non accepit) sed an mutua sit videndum. Et puto nec mutuam esse (ob eandem rationem, quia scilicet error in causis commissus, unionem voluntatum ad certum contractum impedivit,) magisque nummos accipientis non fieri (nempe irrevocabiler & juxta intentionem donantis, ratio) cum alia intentione acceperit. Quare si eos consumserit, licet conditione (ex mutuo, nam non veritas, sed opinio accipientis hactenus spectatur, & juxta hanc, actio contra ipsum conceditur) teneatur, (quam dans instituit, postquam, cognito errore, accipientis intentionem ex postfacto rescivit) tamen doli exceptione uti poterit, (postquam non minus accipienti prima dantis intentio innotuit) quia secundum voluntatem dantis (primam) nummi sunt consumpti (& hanc accipiens, errore cognito, ex postfacto acceptat.) Igitur JULIANUS dominium transferri putabat, modo quoad translationem consensus adsit, ut ut quoad causas seu titulos error & hinc ortus dissensus subfuerit, ULPIANUS alterius dispicit, juxta quem titulum translatio domini facta censi queat, quae adeo male priori sententiae opponuntur. Id addo, casum illum non tam in vita civili existere, quam à Jctis saltem, declarandae erroris diversitati & efficaciae, fingi, quis enim tam incuriosus erit, ut, quando paciscitur, alterius animum & intentionem non exploret? Sententia HUBERI, quam p. 2. Digress. l. 2. c. 6. proponit*



ac in Eunom. *ad l. 18. de R. C.* repetit, quaque textus illos de *dissensu consulto & expresso* accipit, ita ut in *d. l. 18.* partes peremptoriè dissenserint, sed in *d. l. 36.* dissensus magis generosus, quam irreconciliabilis fuerit, parum probabilis est. Cum enim id certissimum sit, quod, quamdiu partes expresse dissentiant, nihil agatur, quis crediderit Jctos de hoc, tanquam re singulari, fategisse?

## OBSERV. CCCVII.

*Et rei traditione lit. C.)* Est hæc pars mutui essentialis, si id pro *contractu reali* habeas, de cætero Jcti nonnulli in exigenda traditione nimis fuerunt rigidi, ceu ex *l. 34. pr. mand.* apparet, quam cum *l. 15. b. t.* vix composueris, sed illarum tricarum hodie nullus est usus. Quodsi autem mutuum pro *contractu consensuali* habeas, tum traditio pertinet ad *executionem obligationis in mutuante, & mutuatarii obligationem actu excitandam*, perinde sicut se res habet in aliis contractibus successivè obligantibus, ut locatione, conductione similibusque.

## OBSERV. CCCVIII.

*Mutuum dare impediuntur lit. S.)* Doctrina de personis *lit. S. P.* & materia *lit. O.* est juris Gentium, nisi quod hinc inde personæ, aliàs non inhabiles, ab hoc contractu, lege civili removeantur, ut Præsides Provinciarum & filii fam. *add. DECIS. SAXON. 16.*

## OBSERV. CCCIX.

*Procurator mutuum accipiens, hic tantum naturam nuncii habet lit. P. in fin.)* Sed hoc ad tricas fori Romani pertinet, quarum hodie nullus usus. Scilicet in aliis contractibus Procurator actiones *directas* sibi que *utiles* domino acquirit, sed in mutuo est instar  
nun-

nuncii, qui voluntatem alterius simpliciter exponit, adeoque nudi instrumenti rationem habet, hinc actio *directa* domino & contra ipsum competit, sed quid hæc ad Germaniam?

## OBSERV. CCCX.

*Effectus primus est obligatio lit. E.)* Hanc ex jure naturali oriri, certum est, qualis autem sit, ex consensu præcedente judicandum, hinc si mutuum pro contractu consuali habeas, obligatio tam ad mutuantem, quo det, quam mutuatarium, quo rem acceptam suo tempore reddat, pertinebit.

## OBSERV. CCCXI.

*In eodem genere, eadem quantitate & qualitate repetendam)* In mutuo tantundem reddi debere, certum est, sed quid tantundem sit, id sæpe non adeo liquidum. In genere tamen dicendum, æqualitatis investigandæ duplicem esse normam, *naturam mutui & specialem conventionem*. Juxta illam (ad quam nunc unice respiciemus,) duplex regula summatim obtinet (1) *si res olim accepta ex suo genere restitui nequeat ob raritatem* (v. gr. vinum, vel certum pecuniæ genus, olim acceptum, difficulter nunc haberi potest) *tum debet præstari æstimatio præsentis temporis l. 22. b. e.* nam sicut creditor, re ipsa ex suo genere restitutà, præsentis temporis pretio frueretur, ita rei æquipollentis æstimatio ad idem tempus redigenda est; (2) *si vero res ex suo genere restituatur, tum debet restitutio fieri juxta genus proximum & quantitatem ac qualitatem, quæ fuit tempore contractus*, nam aliàs creditor non acciperet tantum, quantum dedit, sed vel plus vel minus, quod naturæ contractus ac æquitati repugnat. Quodsi adeo monetæ bonitas vel

in.

intrinseca vel extrinseca mutetur, ad tempus contractus erit respiciendum, & ex eo obligatio debitoris judicanda.

2. Nonnulli interpretes ista quidem admittunt, sed in applicatione falluntur, quod exemplo illustrabimus. *STRUVIUS* in *S. J. C. exerc. 16. §. 31.* post alios contendit, mutata bonitate extrinseca, seu valore, attendi valorem, qui fuerit tempore contractus, quod ita explicat, ut siue minutus siue auctus fuerit valor, tantam summam restituere teneatur debitor, quantam, computatione juxta valorem nummorum, tempore contractus datorum, instituta, accepit, adeoque si auctus sit valor, & idem forte genus nummorum solvatur, debitor deducere possit incrementum, quod veteri accessit æstimationi, sin verò minutus, debeat supplere, ut summa credita conficiatur & restituantur.

3. In eodem casu *CARPZOV. p. 2. C. 28. D. 5.* tempus contractus attendi docet, sed vim & sensum istius locutionis, contrariò plane modo explicat, nimirum incrementi vel decrementi nullam haberi rationem, sed solutionem fieri antiquo valore, quo etiam sensu istam locutionem accepit ipsa *CONSTITUTIO 28. Dn. THOMAS. in not. ad Strauch, dissert. 13. th. 10 p. 152.* censet, *CARPZOVII* quidem decisionem esse æquiorē & veriorē, sed *STRUVII* (cum quo etiam facit *STRAUCHIUS*) computationem accuratiorē, cum juxta *Carpzovianam*, revera non tempus contractus, sed solutionis consideretur, per ea, quæ accurate *FRANSKIUS Exerc. 9. qu. 2. §. 35. seqq.* disseruerit.

4. Sed mihi *STRUVII*, omniumque, qui eandem

dem foveant sententiam, decisio non tantum iniqua, sed & computatio falsa sibi quæ ipsi contraria, *CARPZOVII* vero & computatio, & decisio, accurata æquaque videtur. Quid enim manifestius est, quam respici tempus contractus, si presentis valoris aucti vel imminuti nulla habeatur ratio, quod vult *CARPZOVIVS*, & contra, respici tempus solutionis, si valore aucto, debitor quid retineat, imminuto, addat? hinc male *STRUV.* sibi imaginatur tempus contractus; Confundunt scilicet, qui ita computant, *summam & valorem*. Quoad illam ad tempus contractus quidem respiciunt, v. gr. dedi mutuo 100. imperiales, summa hæc, quæ fuit tempore contractus, reddenda. Sed eam non conficiunt valore antiquo, sed novo, atque ita quoad hunc, non respiciunt tempus contractus, sed solutionis. De iniquitate autem hujus sententiæ non est dubitandum, nam si aucto valore quid retinet debitor, tum minus, si imminuto, addit, plus, quam accepit, præstat, illo casu creditor, hoc debitor læditur. Sed hæc delibasse sufficiat, plura in hanc rem dicere, instituti vetat angustia.

## OBSERV. CCCXII.

*Hodie etiam ex pacto & mora*) Atque hoc, in specie quoad moram (nam de pacto non dubitatur) in omnibus contractibus stricti juris, quos vocant, observandum puto, quod contra *AUTOREM*, in sequentibus passim contrarium asserentem, semel admonuisse sufficiat. Nam ubique eadem æquitatis ratio subest & *d. Rec. Imper.* non corrigit, sed æquitatem saltem conservat, ac receptionem juris Romani impedit, quamvis nequidem strictè accipiendus sit, licet

tum ea non valebit. Alii aliter. *vid. BECMAN. doctr. mor. c. 8. §. fin.*

## OBSERV. CCXCV.

*Dolus tamen abesse debet & captiositas lit. O.)* Utriusque tamen, si adsint, non idem est effectus, nam dolus sponsonem vitiat, sed captiositas negligitur & sponsio juxta consuetum significatum valet, reservationum quippe mentalium ac inusitati sensus circa pacta nulla est habenda ratio, quia alias facile eorum effectus his inventis eludi posset.

## TIT. VI.

## SI MENSOR FALSUM MODUM DIXERIT.

## OBSERV. CCXCVI.

*Actio in factum)* Si quis renunciatione falsi modi alios læserit, tum dubio procul, ex juris naturalis præscripto, damnum resarcire cogitur, ubi etiam illud rationi est consentaneum, ut mitius cum eo procedamus, qui ex amicitia saltem id muneris suscepit, quam cum illo, qui hujus rei peritiam est professus. Hæc naturalia hic probavit lex Romana, introducta infimul actionis hujus præscriptione, negataque Ejus in hæredes transmissione. Quodsi mensor cum altero contrahente in alterius perniciem colluserit, tum læso velut correi videntur obligati, adeo ut is vel ab illo vel ab hoc solidum consequi possit.

## TIT. VII.

DE RELIGIOSIS ET SUMTIBUS  
FUNERUM, ET UT FUNUS DU-  
CERE LICEAT.

## OBSERV. CCXCVII.

*DE sepeliendi aequitate & modis*) De sepultura quoad mores nostros plenius egi in specim. Jur. Eccles. l. 4. c. 9. ex quo nonnulla delibabo. Sepultura est actus, quo defunctorum corpora terræ mandantur, eo fine, quo ibi maneant & naturali modo tandem in cineres resolvantur. Apud Romanos sepulchris loca privata erant destinata, quæ ideo religiosa audiebant lit. R. ejus rei hodie nullus usus. Hodie in cœmiteriis homines sepeliuntur, quorum dominium cum ad Ecclesias parochiales pertineat, hæ non immerito pro usu rei suæ, ex bonis defuncti aliquid exigunt lit. I. n. qua de re plura dixi vel indicavi d. c. 9. §. 9. 10. 11. seqq.

## OBSERV. CCXCVIII.

*Est honesta*) Varietatem sepulturæ etiam tradidi d. c. 9. §. 2. Homines autem vivos regulariter ad mortuos honeste sepeliendos ex lege naturali obligari, nisi hi delictis atrocibus, & poenæ humanæ subiectis, sese socialitate fecerint indignos, his tamen hæreticos, verbi divini & sacramentorum contemtores ac excommunicatos, non recte annumerari, amplius existimavi d. c. 9. §. 3. seqq.

## OBSERV. CCXCIX.

*Si quis mortuum infert*) Hoc quoque naturale est, ut is, qui in sepulchrum alienum mortuum infert, do-

mino eo nomine satisfacere debeat. Hic tamen propria autoritate cadaver eximere non debet, cum hoc imperio civili quodammodo repugnet, si tamen hoc faciat, orimen sepulchri violati non committit, ceu perperam *AUTOR* hic asserit, sibi ipsi contrarius *infra de sepulchr. violat. lit. C.*

## OBSERV. CCC.

*Si quis impediatur inferre)* Nec minus hoc caput naturale est, ut nimirum ab eo, qui nobis circa illationem mortui nostri molestus est, satisfactionem exigamus. De cætero hoc & præcedens caput hodie circa sepulchra hæreditaria occurrit, *vid. d. c. g. §. 6.*

## OBSERV. CCCI.

*Si quis propter debitum cadaver arrostet)* Quoad actum sepeliendi, humanitas jubet, ne illum, ad defuncti ignominiam, impediamus, contra secus facientes lex civilis pœnam decernit, de qua *b.* Aliàs ille peragitur variis ceremoniis, de quibus dixi *d. c. g. §. 16.* ad eas quoque pertinet solennis deductio, cui ex lege humanitatis interesse tenemur, inprimis verò hæc exigit, ne funus comitantibus, ac inprimis propinquis & hæredibus, simus molesti, id quod lex positiva certius definit, de qua *b.*

## OBSERV. CCCII.

*Sumtus petuntur actione funeraria)* Si quis, qui non erat obligatus, impensas in funus fecerit, is dubio procul eas naturaliter ab iis repetere potest, ad quas ea res pertinebat, id quod leges Romanæ confirmarunt. Non opus autem est, ut quasi contractum fingamus, nam ob acceptam utilitatem obligatio existit. Privilegium autem prælationis, quod in  
con-

concurſu actio funeraria habet, eſt ex jure poſitivo, *conf. d. c. 9. §. 20. ſeqq.*

OBſERV. CCCIII.

*De hac actione cognoscit judex ſecularis*) Ubi controverſiæ, occasione ſepulturæ ortæ, ventilari debeant, id ex ſtatu cujuſvis Territoriæ ac Imperantis voluntate judicandum, qui etiam proceſſum in his cauſis obſervandum definit, *add. STRYK. in not. h. p. 295. Spec. jur. Eccleſ. d. c. 9. §. 24. 25.*

TIT. VIII.

DE MORTUO INFERENDO  
ET SEPULCHRO ÆDIFICANDO.

OBſERV. CCCIV.

*Interdictum de mortuo inferendo*) Hoc & alterum interdictum de ſepulchro ædificando, hætenus utique naturale eſt, quatenus per ea jus noſtrum defendimus, modus tamen procedendi jure poſitivo maximam partem definitur.

LIB. XII. TIT. I.

DE REBUS CREDITIS, SI CERTUM PETATUR ET DE  
CONDICTIONE.

OBſERV. CCCV.

*Mutuum*) Definitio hæc juxta hypotheſes juris civilis recte ſe habet, quodſi autem mutuum, ſecundum ſimplicitatem naturalem, pro contractu conſenſuali habeas, tum erit *contractus de re fungibili*



danda, eademque in genere suo tempore reddenda, vid. notat. ad tit. de pact. obs. 57. n. 7. quod si actum illum, quo alter pecuniam se mutuo daturum promittit, pro obligatorio habeas, tum res eodem recidit, sive mutuum, contractum realem dicas, ac actum illum præcedentem pro pacto præparatorio habeas, sive ex conjunctione horum actuum, unum contractum consensuale efficias.

## OBSERV. CCCVI.

*Si uterque tantum in translationem dominii consensit, aliter est*) In hac doctrina nullus est sensus, hinc *DN. STRYK.* in not. sic legendum censet: *Si uterque in translationem dominii consensit: si unus tantum, aliter est*, quamvis nec hac emendatione sensus restitui videatur. Ego puto, pro *tantum* legendum esse *tamen*, ut propositio illa per modum limitationis præcedenti doctrinæ subjiciatur, nam hoc, nisi fallor, *AUTOR* intendit: *Error em impedire mutuum & dominii translationem*, tum sequitur limitatio: *Si uterque tamen in translationem dominii* (ut ut circa causam vel titulum error & dissensus subfuerit) *consensit, aliter est*; ut doctrina eo collimet: errorem circa ipsam translationem, impedire, sed circa causam vel titulum, non impedire dominii transitionem.

2. Sed ultimum controversum est, ob famosos illos textus in *l. 18. pr. h. t. & l. 36. de A. R. D.* ad quorum conciliationem, *AUTORIS* doctrina non pertingit. Multi de conciliatione desperant, quod mihi non probatur, cum satis perspicuum sit, *ULPIANUM* in *d. l. 18.* effatum *JULIANI* in *d. l. 36.* paulo generalius, juxta intentionem utriusque contrahentis, distinctius explicare, seu quæstioni an, sub-

subjicere quaestionem *quomodo*, id quod ex addita ipsius doctrinae paraphrasi facile liquet: *si ego pecuniam tibi quasi donaturus dederō, tu (meae intentionis ignarus) quasi mutuam accipias. Julianus scribit, donationem non esse, (quia alter ob errorem, voluntatem donantis non acceptavit) sed an mutua sit videndum. Et puto nec mutuam esse (ob eandem rationem, quia scilicet error in causis commissus, unionem voluntatum ad certum contractum impedivit,) magisque nummos accipientis non fieri (nempe irrevocabiliter & juxta intentionem donantis, ratio) cum alia intentione acceperit. Quare si eos consumserit, licet conditione (ex mutuo, nam non veritas, sed opinio accipientis hactenus spectatur, & juxta hanc, actio contra ipsum conceditur) teneatur, (quam dans instituit, postquam, cognito errore, accipientis intentionem ex postfacto rescivit) tamen doli exceptione uti poterit, (postquam non minus accipienti prima dantis intentio innotuit) quia secundum voluntatem dantis (primam) nummi sunt consumpti (& hanc accipiens, errore cognito, ex postfacto acceptat.) Igitur JULIANUS dominium transferri putabat, modo quoad translationem consensus adsit, utut quoad causas seu titulos error & hinc ortus dissensus subsuerit, ULPIANUS alterius dispicit, juxta quem titulum translatio dominii facta censi queat, quae adeo male priori sententiae opponuntur. Id addo, casum illum non tam in vita civili existere, quam à JCtis saltem, declarandae erroris diversitati & efficaciae, fingi, quis enim tam incuriosus erit, ut, quando paciscitur, alterius animum & intentionem non exploret? Sententia HUBERI, quam p. 2. Digress. l. 2. c. 6. proponit*

ac in Eunom. ad l. 18. de R. C. repetit, quaque textus illos de *dissensu consulto & expresso* accipit, ita ut in d. l. 18. partes peremptoriè dissenserint, sed in d. l. 36. dissensus magis generosus, quam irreconciliabilis fuerit, parum probabilis est. Cum enim id certissimum sit, quod, quamdiu partes expresse dissentiant, nihil agatur, quis crediderit Jctos de hoc, tanquam re singulari, fategisse?

## OBSERV. CCCVII.

*Et rei traditione lit. C.)* Est hæc pars mutui essentialis, si id pro *contractu reali* habeas, de cætero Jcti nonnulli in exigenda traditione nimis fuerunt rigidi, ceu ex l. 34. pr. mand. apparet, quam cum l. 15. b. t. vix composueris, sed illarum tricarum hodie nullus est usus. Quodsi autem mutuum pro *contractu consensuali* habeas, tum traditio pertinet ad *executionem obligationis in mutuante, & mutuatarii obligationem actu excitandam*, perinde sicut se res habet in aliis contractibus successivè obligantibus, ut locatione, conductione similibusque.

## OBSERV. CCCVIII.

*Mutuum dare impediuntur lit. S.)* Doctrina de personis lit. S. P. & materia lit. O. est juris Gentium, nisi quod hinc inde personæ, aliàs non inhabiles, ab hoc contractu, lege civili removeantur, ut Præsides Provinciarum & filii fam. add. DECIS. SAXON. 16.

## OBSERV. CCCIX.

*Procurator mutuum accipiens, hic tantum naturam nuncii habet lit. P. in fin.)* Sed hoc ad tricas fori Romani pertinet, quarum hodie nullus usus. Scilicet in aliis contractibus Procurator actiones directas sibi que utiles domino acquirit, sed in mutuo est instar nun-

nuncii, qui voluntatem alterius simpliciter exponit, adeoque nudi instrumenti rationem habet, hinc actio *directa* domino & contra ipsum competit, sed quid hæc ad Germaniam?

## OBSERV. CCCX.

*Effectus primus est obligatio lit. E.)* Hanc ex jure naturali oriri, certum est, qualis autem sit, ex consensu præcedente judicandum, hinc si mutuum pro contractu consensuali habeas, obligatio tam ad mutuantem, quo det, quam mutuatarium, quo rem acceptam suo tempore reddat, pertinebit.

## OBSERV. CCCXI.

*In eodem genere, eadem quantitate & qualitate repetendam)* In mutuo tantundem reddi debere, certum est, sed quid tantundem sit, id sæpe non adeo liquidum. In genere tamen dicendum, æqualitatis investigandæ duplicem esse normam, *naturam mutui & specialem conventionem*. Juxta illam (ad quam nunc unice respiciemus,) duplex regula summam obtinet (1) *si res olim accepta ex suo genere restitui nequeat ob raritatem* (v. gr. vinum, vel certum pecuniæ genus, olim acceptum, difficulter nunc haberi potest) *tum debet præstari æstimatio præsentis temporis l. 22. b. e.* nam sicut creditor, re ipsa ex suo genere restitutâ, præsentis temporis pretio frueretur, ita rei æquipollentis æstimatio ad idem tempus redigenda est; (2) *si verò res ex suo genere restituatur, tum debet restitutio fieri juxta genus proximum & quantitatem ac qualitatem, quæ fuit tempore contractus*, nam aliàs creditor non acciperet tantum, quantum dedit, sed vel plus vel minus, quod naturæ contractus ac æquitati repugnat. Quodsi adeo monetæ bonitas vel in-

intrinseca vel extrinseca mutetur, ad tempus contractus erit respiciendum, & ex eo obligatio debitoris iudicanda.

2. Nonnulli interpretes ista quidem admittunt, sed in applicatione falluntur, quod exemplo illustrabimus. *STRUVIUS* in *S. J. C. exerc. 16. §. 31.* post alios contendit, mutata bonitate extrinseca, seu valore, attendi valorem, qui fuerit tempore contractus, quod ita explicat, ut siue minutus, siue auctus fuerit valor, tantam summam restituere teneatur debitor, quantam, computatione juxta valorem nummorum, tempore contractus datorum, instituta, accepit, adeoque si auctus sit valor, & idem forte genus nummorum solvatur, debitor deducere possit incrementum, quod veteri accessit æstimationi, sin verò minutus, debeat supplere, ut summa credita conficiatur & restituantur.

3. In eodem casu *CARPZOV. p. 2. C. 28. D. 5.* tempus contractus attendi docet, sed vim & sensum istius locutionis, contrario plane modo explicat, nimirum incrementi vel decrementi nullam haberi rationem, sed solutionem fieri antiquo valore, quo etiam sensu istam locutionem accepit ipsa *CONSTITUTIO 28. Dn. THOMAS. in not. ad Strauch, dissert. 13. th. 10. p. 152.* censet, *CARPZOVII* quidem decisionem esse æquiorē & veriorē, sed *STRUVII* (cum quo etiam facit *STRAUCHIUS*) computationem accuratiorē, cum juxta *Carpzovianam*, revera non tempus contractus, sed solutionis consideretur, per ea, quæ accurate *FRANSKIIUS Exerc. 9. qu. 2. §. 35. seqq.* disseruerit.

4. Sed mihi *STRUVII*, omniumque, qui eandem

dem foveat sententiam, decisio non tantum iniqua, sed & computatio falsa sibi quæ ipsi contraria, *CARP-ZOVII* vero & computatio; & decisio, accurata æquaque videtur. Quid enim manifestius est, quam respici tempus contractus, si præsentis valoris aucti vel imminuti nulla habeatur ratio, quod vult *CARPZOVII*; & contra, respici tempus solutionis, si valore aucto, debitor quid retineat, imminuto, addat? hinc male *STRUV.* sibi imaginatur tempus contractus; Confundunt scilicet, qui ita computant, *summam & valorem*. Quoad illam ad tempus contractus quidem respiciunt, v. gr. dedi mutuo 100. imperiales, summa hæc, quæ fuit tempore contractus, reddenda. Sed eam non conficiunt valore antiquo, sed novo, atque ita quoad hunc, non respiciunt tempus contractus, sed solutionis. De iniquitate autem hujus sententiæ non est dubitandum, nam si aucto valore quid retinet debitor, tum minus, si imminuto, addit, plus, quam accepit, præstat, illo casu creditor, hoc debitor læditur. Sed hæc delibasse sufficiat, plura in hanc rem dicere, instituti vetat angustia.

## OBSERV. CCCXII.

*Hodie etiam ex pacto & mora*) Atque hoc, in specie quoad moram (nam de pacto non dubitatur) in omnibus contractibus stricti juris, quos vocant, observandum puto, quod contra *AUTOREM*, in sequentibus passim contrarium asserentem, semel admonuisse sufficiat. Nam ubique eadem æquitatis ratio subest & *d. Rec. imper.* non corrigit, sed æquitatem saltem conservat, ac receptionem juris Romani impedit, quamvis nequidem strictè accipiendus sit, licet

licet eum pro lege correctoria habeas, nam vulgaris assertio contraria nullo nititur fundamento.

## OBSERV. CCCXIII.

*Literarum obligatio non oritur ex presunto mutuo, sed ex singulari contractu*) Dedi tibi chirographum, in quo confessus sum, me accepisse à te pecuniam suo tempore restituendam. Postea ex chirographo agis & pecuniam petis, ego oppono exceptionem non numeratæ pecuniæ, quaeritur (1) *quatenus negotium dato chirographo sit celebratum?* (2) *quid circa illud justum?*

2. *AUTOR* cum communi Dd. schola, quoad prius, censet, chirographi datione, peculiarem *contractum literalem* esse initum, sed mihi sententia *BACHOVII* contraria placuit in *disputat.* De putativo contractu literali *hab. Lips. 1691.* in qua adhuc persisto arbitrorque, chirographum datum saltem pertinere ad probationem, contractum autem vel nullum, vel mutui similemve subesse, ac inde obligationem debitoris oriri.

3. Probatur hæc sententia (1) *ex intentione actoris, in mutuo vel simili negotio* (si extensionem admittas) *se fundantis, Rei, sua exceptione fundamentum illud negantis ac processus exitu*, nam prout vel Actoris vel Rei intentio ad liquidum fuerit deducta, ita vel condemnatio vel absolutio sequitur, atque hæc ratio efficax est, siue intra siue post biennium agatur, quod latius deduximus *d. disp. §. 5.* (2) *ex eo, quod datio chirographi etiam occurrat circa negotium liberatorium lit. O. b.* manifesto indicio, eam per se non esse contractum, sed saltem negotium probatorium, quod circa negotia, obligatoria & liberatoria occurrat; (3) *ex silen-*

*silentio veterum Jctorum, qui Triboniano fuerunt sagaciores d. disp. §. 6. 7. (4) ex ipsa Autoris confessione, mox enim ait: Objectum materiale est pecunia, formale non tantum ex causa mutui, sed etiam ex aliis causis data vel sperata, hic enim manifeste distinguit negotia obligatoria à probatoriis, & chirographi dationem ad hæc pertinere ostendit, nam profecto nullius sensus est doctrina, si dicas: Chirographum i. e. peculiaris contractus literalis, versatur circa pecuniam non tantum ex causa mutui, sed etiam ex aliis causis datam, quomodo enim contractus circa contractum occupabitur? Ast si dicas: Chirographum, velut instrumentum probatorium, circa ea versatur, tum sani sensus doctrinam proposuisti.*

## OBSERV. CCCXIV.

*Licet enim actor se fundet) Vult hic AUTOR elidere primam nostram rationem, sed irritò conatu, si enim numeratio est fundamentum executionis, quod fatetur, erit etiam fundamentum actionis, nam actio sine executione est non ens, neque enim actionem ex eo æstimare debemus, quod quis de facto eam instituat, sed ex eventu ejus veritas judicanda, hinc tantum abest, ut hæc responsio AUTORIS sententiam nostram destruat, ut eam potius confirmet. Cætera, quæ opponi solent, discussi d. dispur. §. 8.*

## OBSERV. CCCXV.

*In solo contractu chirographario obligationem inducit) Vult hic AUTOR communem sententiam confirmare, sed rationibus infirmis. Nam definitio, causa efficiens & impulsiva supponunt id, de quo quæritur. Persona autem saltem ostendunt, quod heic subsit negotium, non autem, quod chirographum sit*



fit peculiaris contractus, *objectum* verò sententiam communem non probare, sed destruere, *observ.* 313. n. 3. ostendi. Quod etiam de *effectu* dicendum, nam numeratione non interveniente, obligationem efficacem & veram non oriri, ipse *AUTOR* fatetur. Frustra etiam pro communi sententia, *autoritas Triboniani* allegatur, ei enim nihil dandum, cum legem non ferat, sed potius in re concipienda occupetur, *vid. d. disp. §. 9. seqq.*

## OBSERV. CCCXVI.

*Querela non numerata pecunia*) Sed quicquid sit de ipsa negotii qualitate, sive quis chirographum pro contractu, sive instrumento probatorio habere velit, hætenus nihil valde refert, id deinde quæritur, *quid circa illud negotium sit justum?* ista quæstio continet (1) *an ex chirographo conventus, exceptionem non numeratæ pecuniæ opponere, vel alias se defendere queat?* quod tam de jure naturali, quam civili b. asseritur; (2) *quis probare debeat?* juxta meram juris naturalis æquitatem, excipiens probare debet, quia chirographum contra ipsum pro actore facit præsumptionem. Verum jus civile, actori, intra biennium, à tempore dati chirographi, agenti, necessitatem probandi imposuit, addita simul contra reum mendacii convictum pœna, *vid. d. disput. §. 14. 15. 16.* Atque illa juris civilis sanctio, fabulæ, de peculiari contractu chirographario, ansam dubio procul præbuit, nam si chirographum sub consuetis probandi regulis fuisset relictum, nemini tale quid in mentem venisset.

## OBSERV. CCCXVII.

*Conceditur hac querela ob summam aequitatem lit. C.)* Circa istam dispositionem juris civilis, *HUBERI in praelect. ad 7. de liter. obligat. n. 1.* stilo, singularem & enormem quatuor notari possunt: (1) *moralitas* est æqua, ex mente *AUTORIS b.* sed id falsum esse, ostendimus *d. disp. §. 17. 18. 19. 20. 21.* Exceptio naturalis, seu non privilegiata, æqua quidem est, sed non hæc civilis & privilegiata; (2) *sensus*, quorsum pertinent illa omnia, quæ *ALITOR lit. S. P. O. E.* proponit, & nos paulò latius discussimus *d. disput. §. 22. seqq. usque ad 40.* in qua quidem disquisitione ejus sententiam modo probamus, modo rejicimus; (3) *usus*, nempe obtinet illa dispositio, si recepta, nec ei lege contraria vel pacto derogatum sit, quo pertinent tradita *AUTORIS lit. C.* quæ fusius iterum deduximus *d. disp. §. 41. usque ad 51. (4) Epicrisis*, nimirum est illa dispositio *iniqua, incerta & inutilis*, hinc rectius prospiceretur negotiis humanis, si ea neglecta, merum jus naturæ observetur, sic enim fabula de contractu literali, cum sexcentis quæstionibus dubiis cessaret, & chirographi dati vis ex consuetis probationum & præsumptionum regulis judicanda foret, *vid. d. disp. §. 52. 53.*

## OBSERV. CCCXVIII.

*Licet instrumentum intervenerit, quod paratam executionem habeat lit. O.)* Sed huic non posse opponi exceptionem non numeratæ pecuniæ privilegiatam, ostendi in *d. disput. §. 26. 27. 28.* nam ea est natura processus executivi, ut reus vel recognoscat vel juratò diffiteatur chirographum, probatio verò per testes & instrumenta, vel delatio juramenti exulat.

Jam si reo exceptionem privilegiatam opponere liceret, ad istam probandi rationem, actori confugiendum esset, quod tamen naturæ processus executivi repugnat, ut satis liqueat, hanc exceptionem illam excludi. Aliud est in exceptione non privilegiata, hanc reus opponere potest, si eam in continenti probare queat.

## TIT. II.

## DE JURE JURANDO SIVE VOLUNTARIO, SIVE NECESSARIO SIVE JUDICIALI.

## OBSERV. CCCXIX.

**J**usjurandum ) Est actus dubio procul omnibus gentibus communis, hinc etiam ejus, quatenus est actus religiosus, natura, eoque pertinentia officia, ex generalibus intelliguntur principiis. Circa usum vero specialem, quem in vita civili præbet, nonnumquam leges positivæ speciales occurrunt, ceu ex sequentibus apparebit.

## OBSERV. CCCXX.

*Est religiosa rei alicujus asseveratio* ) Sed hæc definitio etiam perjurio applicari poterit, nec facile apud Scriptores aliquam reperias, quæ hoc vitium evitet. Quare sic potius dicendum: Jusjurandum est *actus religiosus, quo Dei vindictam in nos deposcimus, si mentiamur aut fallamus, ubi tamen neque mentimur, neque fallimus aut fallendi propositum habemus.* Consistit adeò in doles juramenti (1) in provocatione vindictæ divinæ, (2) sub conditione mendacii vel perfidiæ facta, ubi tamen (3) illa conditio s. mendacium

& perfidia non adest. Duo priora etiam in perjurio occurrunt, nam & in hoc vindicta Dei, sub conditione mendacii & perfidiæ provocatur, sed tertium distinguit juramentum à perjurio, nam ibi conditio deficit, hic adest. Id autem plerumque homines ignorant, hinc etiam juramentum & perjurium discernere, seu an id vel hoc subsit, scire sæpe non possunt.

## OBSERV. CCCXXI.

*Jurare Christiani possumus lit. N.)* Per jus naturale hoc licet, neque enim irreverentiam vel contemptum Dei involvit, Ejus provocare vindictam sub conditione mendacii aut perfidiæ, dummodo illud aut hæc non subsit. Sed ais, actum esse frustraneum, quid enim opus est, sub conditione, quæ non adest, Dei iram & vindictam provocare? Verum de hoc inter homines non constat, quare ut probabiliter certi reddantur, mendacium aut perfidiam non adesse, hinc provocatio illa est suscipienda. Porro nec jus divinum revelatum juramenta prohibere, ab aliis jam demonstratum est.

## OBSERV. CCCXXII.

*Causa efficiens proxima est lit. C.)* Circa actum juris jurandi, consueta capita occurrunt, quæ tota tractatio, ratione substantiæ suæ, juris Gentium est, ac in Jurisprudencia Universali locum suum quoque habet, hinc breviter eam perstringemus. Juramentorum (1) *finis* est, ut homines ita adigantur ad dicendam veritatem & servanda promissa, ex quo apparet, juramentorum usum ob humanam malitiam invaluisse; (2) fiunt illa *voluntate vera & seria*, quæ liquidam totius negotii cognitionem præsupponit, ac

proprio motu se ad hoc determinavit *lit. C.* (3) à *personis habilibus*, quæ negotium intelligunt, nec de mendacio, perfidia aut perjurio sunt suspectæ *lit. S.* aliàs vel perjurium vel jusjurandum inconsideratum & temerarium adest; (4) super *assertione vera & promissione licita, seria ac possibili lit. O.* Illorum autem (5) *forma est vel essentialis*, quæ in consulta reverentique vindictæ divinæ provocatione consistit, vel *accidentalis*, quam libertas & lex positiva determinat *lit. R. R.* Denique (6) *effectus est veritatis præsumptio & promissorum confirmatio lit. E.* quæ tamen non aliter sequitur, quam præsupposita materia habili. Tandem (7) *contraria lit. C.* videntur esse triplicis generis. Quædam enim *juramentum fieri impediunt*, nempe defectus potestatis & voluntatis, si prohibitio, impossibilitas, imprudentia, error, dolus aut metus adsint, quædam *legitime factum tollunt*, ut remissio, quæ ad promissoria saltem pertinet, quædam *in ejus locum succedunt*, nempe juramentum temerarium ac inconsideratum, nec non perjurium, hoc est *provocatio vindictæ divinæ, sub conditione, si mentiamur aut fallamus, facta, ubi tamen mentimur aut fallere volumus.* Conditio illa an adsit vel desit, soli Deo, dum vindicta ejus provocatur, notum est, hinc etiam, si quid *asseratur*, homines latet, juramentum an perjurium subsit, si vero *promittatur*, tum indoles actus olim suscepti ex postfacto apparet.

2. De officio jurantium, quod *AUTOR* hinc inde insperfit, etiam nonnulla magis exacte dicenda sunt. Quo autem recte id intelligatur, observandum est, quod juramentum duplici modo spectari queat,

queat, vel ut est *actus hominis erga Deum*, qui respectus est perpetuus, & inde fluit *officium generale*, quod præcepta divina de Deo colendo ac speciatim religionis christianæ placita dirigunt, vel ut est *instrumentum expediendorum negotiorum in vita civili*, tum sæpe quaeritur, an quis juramentum præstare debeat, an vero ab ejus præstatione sit immunis? hinc oritur *officium speciale*, cujus norma sunt præcepta socialitatis ac philantiæ, nec non leges humanæ.

3. *Officium generale* est (1) *antecedens*, ubi quaeritur, an jurare licitum sit? de quo jam diximus *obs. præc.* Temere tamen neque juramentum præstandum, neque poscendum, contra quod in vita civili, sub pietatis specie, graviter sæpe peccatur, dum ad impedienda delicta maximè inolita jusjurandum promissorium exigitur, atque ita ipsis perjurium additur; (2) *Concomitans*, nimirum per Deum jurandum est, cum reverentia & pietate juramentum præstandum, ac inprimis cavendum, ne sub specie juramenti pejeremus. Præterea jus humanum exigere solet, ut jusjurandum immediate ac cum certis solennibus præstetur. (3) *Consequens*, nempe præstito juramento, miraculum haut est expectandum, aut alio modo superstitioni indulgendum. Præterea quod juratum est, servari debet.

## OBSERV. CCCXXIII.

*Juramentum dividitur*) Quatenus jusjurandum est in vita civili instrumentum negotiorum expediendorum, eatenus magna ejus est varietas, quam *ALLTOR* hic per varias divisiones non malè explicat; Uti autem circa singulas species *officium generale* Deumque respiciens præsupponitur, ita insuper

*speciale* quoad necessitatem præstandi occurrit. Et aliquando quidem merum jus naturale juramentum deferri vetat, aliquando id præstari jubet, aliquando ejus usum permittit, præterea nonnunquam ex conventionem ad jurandum quis obligatur, sæpe autem lex civilis jurandi necessitatem imponit ac modum definit, prout circa singulas species solers harum rerum indagator veram necessitatis causam facile inveniet, ut quoad singulas eam annotare opus non sit.

## OBSERV. CCCXXIV.

*Excipiuntur autem Parentes & Patroni obst. l. 34. §. 4. b. t.)* Communiter emendetur hic textus, ut pro *neque legatur aque*, quam lectionem in Pandectis Noricis occurrere *PACII* testimonio asserunt, *vid. MARTIN ad Ordin. Proc. Saxon. tit. 18. §. 6. n. 13. seq. ad BACHOV. ad Tr. V. 1. Disp. 21. thes. 4. lit. G.* Sed est illa emendatio satis dura & longius petita, cum altero loco, pro *neque sit aque*, altero autem pro *neque legendum ac*, inter quæ sane magna est disparitas, ut non appareat, quomodo illa sint permutata. Probabilior videtur emendatio, si verba: *de calumnia*, ab imperita manu infracta adeoque omittenda esse dicas, hoc enim facto sermo erit de juramento principali. Potuit autem illa corruptio facile accidere. Locutus erat *JCTUS* in præcedentibus de utroque juramento: *Qui jusjurandum defert, prior de calumnia debet jurare, si hoc exigatur: deinde sic ei jurabitur.* Pergit: *Hoc jusjurandum* (nempe principale, de quo verba immediate præcedentia agunt,) *neque patrono neque parentibus remittitur*, ut idem docere voluisse videatur, quod totidem fere verbis proponit *PAULLUS* in *l. 14. b. t.* sed

glos.

glossator aliquis ista legens existimavit, pertinere ultima verba ad jusjurandum calumniæ, de quo etiam in præcedentibus sermo fuerat, ac infracto suo glossate, totam sententiam pervertit.

## OBSERV. CCCXXV.

*Neque defertur stuprum confesso ratione promissi matrimonii*) Delatio juramenti purgatorii communibus æquitatis regulis dirigitur, hinc nemini deferri debet, nisi contra quem indicia quædam militant. Interim horum æstimatio non semper satis est expedita. Sic quæritur: *an ex stupri confessione, oriaur præsumptio promissi matrimonii, adeo ut confessus juramento hanc elidere debeat?* Quod *AUTOR* recte negat, quæ sententia uti in *DECIS. SAXON. 81.* probata, ita à nobis in *specim. Jur. Eccles. l. 5. c. 5. §. 13. seqq.* contra objectiones dissentientium pluribus confirmata est.

## OBSERV. CCCXXVI.

*Expensæ autem ipsi non etiam adjudicantur*) Qui juramentum purgatorium præstitit, adversario quidem impensas suas reddere non tenetur, sed an illas, quas ipse fecit, recuperare possit, quæritur? *AUTOR* hoc negat, sed apud *CARPZOV. p. 1. C. 22. D. 17.* in causa civili juranti impensæ à Scabinis sunt adjudicatæ. Regulariter sententia prior obtinebit, nam damnum, quod jurans patitur, fortuitum, non voluntarium est, hinc ab altero ejus pensationem exigere nequit. Quod si probare queat, indicia, quæ juramento elidere debuit, adversarii dolo esse excitata, tum ab hoc impensas merito recuperabit. In genere caveant illi, quibus inquisitio intenditur, & qui se innocentes norunt, ne pro abolenda forte litis molestia,



lestia, purgatorium præstent, nam sic impensas ferro debebunt, à quibus innocentia, ultro & sine juramento tandem apparens, eos reddit immunes.

## OBSERV. CCCXXVII.

*Voluntarium*) Jusjurandum voluntarium nihil aliud est, quam conditio conventioni vel obligatoriae vel liberatoriae adjecta, hinc sicut alias conditio pacta perficit, si existat, perimit vero, si deficiat, ita à jurejurando etiam vis omnis conventionis hic dependet. Ex quo etiam liquet, quod ex generalibus conventionum conditionalium principiis, tota hæc res dijudicanda, adeoque Romanis nihil hoc nomine tribuendum sit.

## OBSERV. CCCXXVIII.

*Delatum & susceptum omnino præstandum*) Nempe juxta indolem conditionum potestativarum, quas aliquis vel implere, vel lucro sperato carere debet, sic etiam hoc loco præcise non est jurandum, sed vel hoc agendum, vel omiſſa conditione, à conventionione discedendum. Ex eodem fundamento etiam cætera, quæ mox *AUTOR* subjicit, intelligenda; Potest scilicet jusjurandum remitti, quia sic promissor conditionem in sui præjudicium pro impleta habet, sed non revocari, quia à conditionali conventionione unus, altero invito, recedere nequit, nec videtur admittenda limitatio: nisi nova probationes supervenerint, nam conventio hæc, animo transigendi, non ob defectum probationis (ut delatio juramenti judicialis, de qua cit. l. ii. C. b. t. agit) initur.

## OBSERV. CCCXXIX.

*Non negativè lit. O.*) Fluit hæc assertio ex falsa hypothesis, quæ communiter fovetur, quasi scilicet  
vin-

vinculum sponsaliorum non subsit privato arbitrio, quæ solum in favorem judicii Ecclesiastici videtur introducta, nam alias idonea ratione probari nequit, quod sponsalia mutuo dissensu solvi nequeant.

## OBSERV. CCCXXX.

*Quod in specie vocatur judiciale*) Pertinet hoc jurandum ad species probationis, & possunt circa illud tria spectari: (1) *delatio*, (2) *susceptio*, & (3) *præstatio*. Quoad *delationem* observandum, ne quis contra æquitatem eadem oneretur, ut si is, qui præsumptione munitur, jurare cogeretur. *Facultas deferendi* ex generalibus fuit principiis, modus autem ex libertate & lege positiva dependet, ubi quidem magis ad leges processuales cujusvis territorii, quam Romanas erit respiciendum.

## OBSERV. CCCXXXI.

*Aut perjurus*) Imo potius perjurus deferre juramentum non poterit, nam relationis impedimentum non statim quidem impedit delationem, si illud scilicet sine culpa deferentis adsit, aut si ex hujus delicto fluat, omnino delationi obstare videtur, cum absurdum videatur, ut quis suo delicto alteri electionem auferre queat. Accedit, quod perjurus ad calumniæ juramentum non admittatur, sine hoc autem delatio est inefficax.

## OBSERV. CCCXXXII.

*In causis matrimonialibus idem est, quod in juramento voluntario lit. O.*) Adeoque affirmative, sive pro matrimonio, non vero negative, seu contra illud deferri potest. Ita vulgo! Sed foeminam ratione concubitus & promissi matrimonii negative juramentum deferre posse, ita ut utroque respectu illud

præstandum sit, pluribus rationibus defendit *Dn. BERGER in resolut. b.* Ego autem ulterius progressus sum, ac generaliter forte probavi, quod intuitu sponsaliorum validorum, negative juramentum deferri queat *in specim. Jur. Eccles. l. 5. c. 5. §. 3. seqq.* Quoad causas injuriarum, quarum etiam *AUTOR lit. O.* meminit, *add. DECIS. SAXON. 17.* De criminalibus verò quærere, vix operæ pretium est, cum accusationes privatorum fere exulent, adeoque usus juramenti judicialis occurrere nequeat.

## OBSERV. CCCXXXIII.

*Delatum non potest recusari lit. E.)* Postea susceptio spectari potest. Et necessitas quidem suscipiendi juramentum delatum est ex jure positivo, quod tamen non simpliciter obligat, nam juramentum illegitimum vel frustraneum non desiderat, præterea ad conservandam utriusque partis æqualitatem, deferens de calumnia jurare debet, denique & illi ipsi, cui delatum, electio aliqua conceditur, hinc in universum sic dici potest: Aliquando juramentum *delatum recusari potest*, quo spectat doctrina *n. 1. 2. 3. 4. 5. 7. aliquando non potest*, tum vel conscientia probationibus defendenda, vel juramentum referendum, vel suscipiendum, quæ omnia lex positiva potissimum dirigit, & magis hic valent leges processuales cujusvis regionis, quam jus civile, *conf. ORD. PROC. SAXON. tit. 18 §. 2. 9. DECIS. SAXON. 18. 19.*

## OBSERV. CCCXXXIV.

*Et in Saxonia etiam de calumnia jurare)* Quod deferens & juramentum calumniæ, & relatum, simul præstare debeat, illud rationem non adeo habet, licet  
sic

sic putet *CARPZOV. d. l.* nam illud in hoc virtualiter continetur, qui enim jurare potest, adversarium sibi aliquid debere, is eo ipso utique satis ostendit, quod non malitiose ab eo exegerit juramentum, quod nihil debeat. Merito igitur iste juramentorum abusus tollendus esset.

## OBSERV. CCCXXXV.

*Neque innocentiam aliter probare*) Ne hæc assertio est satis certa, cum enim deferens ob novas probationes, juramentum delatum revocare queat, *l. ii. C. b. t.* cur non etiam possit iis uti, quando per relationem ad ejus arbitrium probatio rediit? Non juvant sententiam *AUTORIS* textus citati, nec enim absolutam jurandi necessitatem deferenti imponunt, sed ipsum sine causa non posse juramentum recusare, ac de relatione, velut re sibi molesta, queri, cum ipse hoc probandi medium primus elegerit, saltem docent, quæ facultatem, probationibus conscientiam defendendi, non excludunt. Interim sententia illa in Saxonia est recepta, *CARPZOV. d. p. 1. C. 14. D. 4.*

## OBSERV. CCCXXXVI.

*Sed præstari debet in continenti*) Post susceptionem sequi debet *præstatio*, cujus modum leges positivæ iterum definiunt nec non præstiti vel remissi effectum amplius determinant, quæ omnia primario, ex ordinationibus judiciorum peculiaribus, petenda sunt. Quando autem moritur ante præstationem is, cui juramentum delatum, hoc ideo pro præstito non erit habendum, quod absque consensu deferentis, talis interpretatio regulariter non sit facienda. Nec obicit, quod hoc admissio, quis in peccato mortuus censeridebeat, id enim neutiquam admittendum, nam esto, quod

quod quis se ad jurandum obrulerit, cum probe sciret, se jurare non posse, potuit tamen, sicut cæterorum, ita & hujus peccati, remissionem obtinere, atque ita bene mori, ut amovendo dubio illi non opus sit recurrere ad inhumanum illud dictionem: *non omnis moriens est Jobannes Evangelista*. Interim contraria sententia, quod nimirum juramentum pro præstito habeatur, non plane iniqua est, & in Saxoniciis Judiciis observatur.

## OBSERV. CCCXXXVII.

*Dicitur necessarium*) Juramentum suppletorium Judex ob æquitatem deferre debet, nam eo omisso altera pars læderetur. Ita confirmavit lex civilis *lit. C.* nec obstat *l. 31. b. t.* nam consuetudo necessitatem & obligationem non tollit, quod *debemus*, meritò etiam *solemus* facere. Ut tamen memorata Judicis obligatio se exferat, termini habiles ponendi sunt, de quibus *lit. O.* Porro æquitas exigit, ut de *veritate* juretur *lit. S.* durum enim nimis foret, ab alterius opinione jurata litis eventum suspendere, quod si autem adversarii consensus accedat, tum induit naturam juramenti judicialis. Ex eodem fundamento fluit, ne in causis gravioribus suppletorium admittatur, licet consueta requisita adsint, aut quod in criminalibus ejus usus plane cesset *lit. O.* de quo tamen hodie non valde laborandum, cum accusationes privatz non sint in usu. Is porro, cui juramentum delatum, aut debet jurare, aut adversario cedere *lit. E.* quod ex imperio civili fluit, referre autem juramentum nequit, nec obstat *l. 12. §. 1. C. b. t.* propositio enim, quæ nimis generaliter ibidem relationē asserit, ad juramentum judiciale debet restringi, talia enim sunt prædicta,

ta, qualia permittuntur esse à suis subjectis, ceu vulgatus habet canon.

## OBSERV. CCCXXXVIII.

*Vel etiam retrahatur & causa ex integro agitur propter instrumenta noviter reperta*) Ergo etiam post rem judicatam, de novo causa agitari potest, quod expressius adhuc *AUTOR* docet *infra de re, judic. lit. E. n. 3.* Ratio est, quia sententia non absolutè ob-  
tinet, sed potius eatenus saltem causam decidit, qua-  
tenus à jurejurando suppletorio dependet, hinc juri,  
ex ordinariis probationibus venienti, hætenus non  
est præjudicatum, ut eadem hic subsit ratio, ac si quis  
ex certa causa conventus, absolutus sit, quem ex alia  
causa denuo convenire licet. Et est quoque jura-  
menti judicialis ac suppletorii dispar ratio, illud enim  
consensu partium, animo transigendi, ac absque  
condicione deficientis probationis, defertur, hinc sen-  
tentiâ secutâ, lis penitus tollitur, hoc vero, sine con-  
sensu partium, unice ob defectum probationis in-  
jungitur, adeoque litem non penitus, sed juxta men-  
suram eorum, quæ hætenus sunt acta, sententia se-  
cuta saltem tollit.

## OBSERV. CCCXXXIX.

*Quale est juramentum calumnia generale*) Usus  
hujus juramenti unice est à lege positiva, hinc omnia,  
quæ hic proponuntur, ejus sensum respiciunt. Exi-  
stimavit scilicet lex civilis, temeritatem litigantium  
posse impediri, si tam Partes, quam Earum Advocati,  
quoad singulos Processus, de credulitate, quod ni-  
mirum bonam causam se habere existiment, jura-  
rent, ac eodem etiam juramento, bona fide se singula  
processus capita esse tractaturos, promitterent. Enim-  
vero

vero uti optandum esset, quo litigantium temeritas cessaret, ita obtinendo illi fini juramentum non sufficit, hinc medium inhabile frustra adhibetur: Posset sane litigandi pruritus mediis efficacioribus reprimi, nisi litis ambages in quæstum multis cederent. Et cum hæc ratio status apud Romanos quoque obtinuerit, hinc juramentum calumniæ solum in speciem videtur fuisse exactum, ut, cum nihil magis, quam litium multitudinem desiderarent, incautis tamen hoc fucō contrarium persuaderetur. Hinc in Saxonia meritò hoc juramentum non tam est abrogatum, ut *AUTOR* docet, quam potius nunquam admis- sum, & insulsa est epicrisis *GOEDENI* apud *CARPZOV. p. 1, C. 12. D. 21. consuetudinem hanc diabolicam* vocantis, cum potius imprudens sit pietas, quæ delictum delicto addit. Licet vero *AUTOR*, excepta Saxonia, ubique hoc jusjurandum in usu esse dicat, est tamen assertio illa temeraria, nec adeo statim admittenda, nam in Belgio & foro Magdeburgico idem quoque exulare testatur *MARTIN ad O. P. S. tit. 34. §. 1. n. 2.* Interim in Saxonia simile fere juramentum hodie obtinet juxta *DECIS. SAXON. 70.*

### TIT. III.

## DE IN LITEM JURANDO.

### OBSERV. CCCXL.

**H***ic est juramentum*) Jusjurandum in litem est species probationis, qua rei pretium, vel juxta opinionem communem, vel propriam ostenditur. Requirit adeo illud æquitas naturalis, quatenus sine eo, de rei æstimatione constare, ac læso satis fieri nequit.

Quan-

Quando verò res ipsa haberi potest, & tamen ad coercendum dolum rei, jusjurandum hoc admittitur, tum ejus usus à jure civili dependet, quod amplius etiam definit, utrum de veritate, an affectu jurandum sit, prout illa conjunctim hic explicantur.

2. Exinde etiam usus intelligi potest, nam quatenus juxta processum antiquum, ad coercendam contumaciam rei non restituentis, juramentum hoc præstabatur, eatenus usum non habet, cum potius sententia semel lata executioni detur, ac adeo res reo auferatur actorique adjudicetur. Quodsi verò res perierit, tum æstimatio jurejurando hoc adhuc hodie definitur, hinc v. gr. in casu rei depositæ, commodatæ similisve deperditæ, vel quando ex recepto agitur, ac culpa aliqua Cauponis concurrit, usum illud habet. Respiciendum porro est, utrum dolo vel culpa perierit res, nam hoc casu verum rei pretium, illo verò affectionis læso volenti erit præstandum, nam alias plenam damni restitutionem non obtinet, & indignum foret ab alio, ludibrio haberi, ac rebus gratissimis ejus petulantia privari, restituta saltem æstimatione simplici, ac longe infra rem amissam, ex nostro quidem affectu, subsistente. Interim hæc absolute lex naturalis non postulat, sed positâ læsi voluntate, sicut igitur hæc rem in alium statum deducere potest, ita lex positiva idem facere potest & solet, regulariter tamen pro juramento affectionis, in casu doli commissi, erit pronunciandum.

## OBSERV. CCCXLI.

*Hæc differentia inter actiones bonæ fidei & stricti juris, directas & contrarias, hic hodie non est sublata) Sed forte etiam nunquam admissa! est enim hoc dis-*



crimen mere Romanum ac per subtilitates processus antiqui introductum, hinc probabiliter cum ipso processu nunquam receptum est, cum mero jure naturali dolus in omnibus actionibus ejusdem sit efficaciae, Germani autem hoc apicibus juris Romani prætulisse videantur, cum idem Eorum affectus circa alia juris Romani capita, v. gr. pacta & stipulationes, appareat. Et licet *CARPZOVIVS* nobis consentiens, in allegatione Autorum, non recte versatus sit, quod ei *AUTOR* hic opponit, id tamen alicujus erit efficaciae, quod *d. P. 1. C. 23. D. 19. n. 9.* se non meminisse *hanc differentiam in praxi multum attendi* testetur, nam ex illo Nonusu pater, concurrentibus rationibus modo datis, quod dispositio Romana non sit recepta.

## OBSERV. CCCXLII.

*Simile huic juramento est Zenonianum*) Hoc cæteraq; hic allata juramenta itidem ad probationem pertinent, nec iniquum est, quod vel læsus suo jurejurando rem determinet, vel delinquens jurare cogatur, cum suo delicto utrique ansam præbuerit. De cætero, deficientibus aliis probationibus, etiam lex naturalis jubet, ut ad eruendam veritatem illis mediis utamur, ut hætenus lex positiva illa saltem confirmaverit.

## TIT. IV.

## DE CONDICTIONE CAUSA DATA, CAUSA NON SECUTA.

## OBSERV. CCCXLIII.

*Condictio causa data, causa non secuta*) Expenditur sub hoc nomine status negotiorum bilateralium, vel

vel non procedentium, vel saltem nondum impleto-  
rum ac consummatorum, adeoque substantia hujus  
materiæ est juris Gentium. Romani autem partim  
communia & naturalia probarunt, partim ab iis dis-  
cesserunt, ceu ex sequentibus apparebit.

## OBSERV. CCCXLIV.

*Oritur ex obligatione, ex quasi-contractu*) Hoc  
figmentum est mere Romanum, nam ut rem possis  
repetere ob *cessionem alterius*, hoc ex consensu, non  
ficto, sed tacito est, utique enim, si rem des ob  
causam, hoc agitur tacite, ut hac non secuta, illam tibi  
repetere liceat, si lege positiva aliud non constituitur.  
Quod autem ob *pœnitentiam* dantis, res possit re-  
peti, id unice est ex jure Romano, hinc ex hujus san-  
ctione, non ex aliquo quasi-contractu, facultas est  
repetenda.

## OBSERV. CCCXLV.

*Licet hoc ipsum expresse inter partes actum fuerit*)  
Nam expressio ejus, quod tacite inest, non mutat  
naturam actus, ita ex mente *AUTORIS*! Sed mu-  
tat tamen illud, cui opponitur, nam si id, quod tacite  
alias inerat, exprimatur, hoc sane amplius tacitum  
dici nequit, utur quoad obligationem nihil intersit!  
Verum vix operæ pretium est, de his tricis contendere,  
eo tamen fine ista observasse, utile erit, ut constet,  
quam vanis quæstionibus studium juris vexari so-  
leat.

## OBSERV. CCCXLVI.

*Requiritur igitur*) In genere conditio c. d. c. n. f.  
præsupponit negotia bilateralia, in quibus vel ab  
utraque parte æque principalis debet fieri præstatio,  
vel ubi principalis non aliter fit, quam si ab altero

itidem per modum conditionis seu causæ sine qua non, aliquid fiat. Præcipue autem Romani hanc conditionem, intuitu Contractuum innominatorum, qui à datione incipiunt, considerarunt, quo etiam respicit *AUTOR*, ut tamen nonnunquam ad alia etiam negotia, v. gr. dationem dotis *lit. R. n. 2.* solutionem falso procuratori factam *lit. P.* dilabatur.

## OBSERV. CCCXLVII.

*Hinc venditor rem venditam & emptori traditam, hac actione repetere haut potest lit. R. n. 2.)* Sed hoc ex præmissis malè infertur, nam *obligatio* Venditoris perperam pro *causa* habetur, cum potius *solutio pretii ab emptore facienda*, rationem *causa* habeat, quæ utique adhuc *futura* est, ut eadem omnino hic adsint requisita, quæ in contractibus innominatis occurrunt, & aliàs si quis argutari vellet, nec in his conditio locum haberet, cum v. gr. permutans minimum ex obligatione naturali ad dandum teneatur, adeoque ex *causa præterita* dedisse dici queat. Quodsi igitur inter contractus nominatos & innominatos aliquid discriminis, quoad usum conditionis nostræ, est, id omne à lege civili debet deduci. Verum si accuratius rem expendas, vel nullum, vel certe non magnum discrimen subesse videtur. Nam ita quidem est; venditor rem traditam ab emptore repetere nequit, sed hoc ratione tertii videtur intelligendum, ut nimirum repetitio cesset, si vel in tertium sit translata res, vel concursus creditorum circa bona emptoris existat. Hoc autem respectu in contractibus etiam innominatis repetitio cessat, *l. 4. C. de rer. permut.* ceu ipse *AUTOR lit. P.* fatetur. Quodsi autem emptor rem adhuc habeat, nec pro-

promissionem impleat, tum perinde ab eo res data repeti posse videtur, atque illa ab eo, qui ex contractu innominato eam accepit, repetitur, nisi forte hoc discriminis adhuc asserere velis, in contractibus innominatis dantem habere electionem, utrum alterum ad contractum implendum adigere, an datum repetere velit, in nominatis vero, prius ei esse agendum, repetitionem autem saltem in subsidium competere: Quamvis illam differentiam non facile admiserim, nam nihil æquius est, quam ut, uno fidem non servante, alteri quoque, si ita placeat, facultas recedendi detur, inprimis autem hoc verum erit in contractibus, ubi alter aliquid facere debuit, v. gr. in locatione conductione, nam altero operas non præstante, merces data utique erit repetenda. Planè illa differentia, quod in innominatis ob poenitentiam res repetatur, in nominatis non item, de jure civili certa est.

## OBSERV. CCCXLVIII.

*Ob cessationem accipientis*) Ob hanc naturaliter competit repetitio, quia dans non aliter dedit, quam ea lege, ut accipiens aliquid vicissim præstaret, hoc ergo cessante, repetitio locum habet. Exceptio est, nisi dans simpliciter dederit, tum enim cessabit repetitio, animus autem dantis, ex circumstantiis erit colligendus, de quo *AUTOR* b. qui tamen dationem ob turpem causam, ad hunc locum non recte retulit.

## OBSERV. CCCXLIX.

*Nisi res simpliciter data sit ob rem sine conventionem*) Componit *AUTOR* hic l. 5. §. 1. de P. V. cum l. sim. b. 1. Nimirum dedi tibi scyphos, ut mihi servum dares.

Periit hic casu, quæritur, an rem datam repetere queam? negat hoc *l. 5. §. 1. de P. V.* & merito, quia enim rem, quam perire posse non ignorabam, pro mea comparare volui, utique post dationem, res illa est meo periculo, perinde sicut se res habet in emtione venditione, ubi periculum rei venditæ, venditione perfecta, ad emptorem spectat. E contrario affirmat *l. fin. b. t.* sed recte ait *AUTOR*, rem hic esse datam sine conventionem; Scilicet desiderabat quis pro sua re, rem alterius; Spe futuræ conventionis, per anticipationem, statim rem suam præstat, altero super conventionem ineunda adhuc de liberante. Interim res, quam dans optabat, periit, res data igitur repeti potest, quia accipiens voluntatem dantis, seu conventionem oblatam, hæc tenus nondum acceptavit, nec nunc in ejus præjudicium, nimis serò acceptare potest. Ex quo liquet repetitionem etiam locum fuisse habituram, licet negotium emtionis subfuisset. Hæc responsio vel conciliatio utique melior est altera illa, quæ repetitio, ob *cessationem* accipientis, negatur, sed, ob *pœnitentiam* dantis, asseritur, nam hæc mera est cavillatio, cum verba cum effectu sint accipienda; præterea id probari nequit, quod pœnitentia, etiam post rem promissam casu sublatam, locum habeat. Quoad alia *ad d. l. fin. b. t.* pertinentia, conf. *HUBER. Ennom. b.*

## OBSERV. CCCL.

*Si causa consistit in faciendo lit. K.*) Quoad hanc, *AUTORIS* distinctio non est satis perspicua; malim distinguere, utrum *simpliciter opera utilis sit promissa*, v. gr. Capuam ire, tum causa non secuta, locum habet

bet repetitio, perinde sicut in locatione conductione, operis casu non praestitis, merces vel non solvitur, vel soluta repetitur; an *opera certum aliquod respiciat obiectum*, v. gr. servum manumittere, hoc casu, servo extincto, repetitio cessat, fuit enim causa *mixta & quodammodo dandi*, hinc obtinet id, quod *observ. praec.* diximus.

OBSERV. CCCLF.

*An verò ob pœnitentiam dantis* ). Hoc unice ex jure civili est, quod hac in parte, ab æquitate & simplicitate naturali, enormiter descivit. De cætero facultas pœnitendi non pertinet ad omnia negotia, in quibus cōditioni nostræ locus est, sed saltem ad contractus innominatos, hinc si v. gr. legatum præstitum sit, ut aliquid fiat, hæres ex pœnitentia illud repetere nequit. Hodie pœnitentia, & inde movenda cōdictio, penitus exulat, nam negotia, quæ apud Romanos, post unius præstationem, ut contractus innominati valebant, apud nos ante aliquam præstationem, ex solo consensu, ut alia negotia consensualia, valent, de quo amplius in loco proprio dicemus. Tantum itaque cōdictio, ob cessionem accipientis, hodie obtinet, juxta ea, quæ *observ. 347. 348. 349. 350.* diximus.

**TIT. V.**

DE CONDICTIONE OB TUR-  
PEM VEL INJUSTAM  
CAUSAM.

OBSEV. CCCLII.

**O**ritur ex obligatione, ex quasi-contractu lit. C.) Cur non potius ex delicto obligatio repetitur? Hæc  
P 3 sano

sane explicatio magis perspicua est, & aliàs figmentum quasi - contractus ad omnes obligationes, transferri potest. Quicquid sit, illud certum est, quod accipiens *naturaliter* obligetur, juxta requisita hic memorata, ad rem restituendam, & quod hactenus Romanis saltem confirmatio debeat.

## OBSERV. CCCLIII.

*Hæc si concurrant, etiamsi dominium sit translatum*) Hæc translatio, si adest, non ex lege naturali, sed civili dependet, videturque restringenda ad eum casum, ubi res accepta in tertium est translata, ut huic auferri nequeat, nam si accipiens rem adhuc habeat, domini nullus comparet effectus, quia ad eam reddendam est obligatus. Videtur etiam illa dispositio civilis, quodammodo iniqua, ac per tricas fori Romani, juxta quas *nemo rem suam, nisi furi condicebat*, introducta, nam alias æquitati magis est consentaneum, ut is, qui rem suam alterius delicto amittit, à quovis eam vindicare queat.

## OBSERV. CCCLIV.

*Melior est conditio possidentis & datum hac conditione non repetitur*) Hoc quoque juris civilis est, nammero jure naturali, repetitio locum habet, licet utriusque subsit turpitudine, esto enim, quod dans etiam peccet, sufficit tamen, quod res ipsius fuerit, & quod accipiens titulum retinendi idoneum non habeat, nam ex eo repetitio necessario fluit. Non obstat, quod dantis turpitudine pœnam mereatur, nam hanc debet Publico, exinde accipiens nullum jus consequitur, accedit quod pœna delicto debeat esse attemperata, hinc non statim amissione rei inconsulta puniri debet. Sanctio juris civilis est quodammodo ab-

absurda, nam juxta eam alter delinquens damnum, alter lucrum sentit. Evitandæ absurditati vulgo huic quoque lucrum auferendum esse volunt, sed ut illa sententia nondum est extra controversiam posita, ita ea admissa, aliud incommodum restat, quod dans ultra meritum sæpe coërceatur. Fac juvenem incautum ac Veneris cæstro percitum, meretrici callidæ, aut Studiosum novitium, Veterano, secundis partibus agendis vacare solito, quo sibi in duello assisteret, cum summo rei familiaris detrimento, magnam pecuniæ summam solvisse, nimis certe durum fuerit, illius & hujus delictum tam gravi jactura coërcere, cum satius sit, danti suum reddere ac utrumque pro ratione admissi punire.

## OBSERV. CCCLV.

*Si justus metus intervenerit, actio quod metus causa competat*) Nam hoc casu nulla dantis, sed solius accipientis, subest turpitudine. Turpe quidem est furari vel adulterium committere, at si deprehensus vi injusta & vera adigatur ad aliquid solvendum, hactenus nulla ejus turpitudine occurrit, sed is alterius delictum saltem patitur.

## OBSERV. CCCLVI.

*Ipso jure nulla est promissio*) Sollicitudo, cui hic *AUTOR* cum aliis interpretibus indulget, hodie est otiosa, quia quoad processum, nihil interest, utrum actionem ipso jure non competere, an exceptione eam excludi dicas. Quare hodie ita se res habet; si de actionis turpitudine statim judici constet, merito processus negatur, ac actor potius punitur, si vero illa non statim appareat, processus utique est permit- tendus, non quasi hoc casu promissio ipso jure va-



leat, sed quia factum est hactenus illiquidum, adeoque de veritate obligationis judicari nequit, sed hactenus iudicium est suspendendum.

## OBSERV. CCCLVII.

*Sed sine usuris*) Hodie vero accipientem ad usuras teneri, ob generalem æquitatis rationem, recte dicitur, quod in specie quoque ex R. J. 1600. §. So viel nun 139. recte asserit Dn. STRYCK in not. h. conf. Observat. 312.

## OBSERV. CCCLVIII.

*Condictio ob injustam causam*) Præsupponit etiam hæc actio *obligationem naturalem*, quod notasse satis est, nam de nomine actionis hodiè parum laborandum.

## TIT. VI.

## DE CONDICTIONE INDEBITI.

## OBSERV. CCCLIX.

*Condictio indebiti in specie ita dicta*) Generaliter omnis condictio indebiti est, nam alteri res non debetur, hinc reperti potest. In specie verò illa hoc nomen gerit, quæ erroneam solutionem præsupponit. De cætero actio hæc *naturalis* est, & vel ex consensu tacito oritur, vel ex simplici æquitate dependet; Quasi-contractus hic necessario cum Romanis non est fingendus, multo minus cum *AUTORE* lit. C. ille asserendus, si verbis consensus exprimatur, quia hæc sibi contradicunt, *vid. Obser. 345.*

## OBSERV. CCCLX.

*Requiritur datio*) Ut condictio locum habeat, *AU-*  
*TOR*

*TOR* quatuor requirit, sedentia præter necessitatem multiplicat, cum requisitum *secundum & quartum* coincidunt, quare ita dicendum; Ad conditionem requiritur, ut (1) detur (2) indebitum (3) per errorem tanquam indebitum.

## OBSERV. CCCLXI.

*Sive ex causa præterita & necessaria*) Doctrinam, quam *n. 2.* proponit *AUTOR*, merito debuisset subjungere doctrinæ, *n. 4.* propositæ. Nimirum in solvente requiritur *error facti*, ceu *d. n. 4.* docetur, sed non quemvis errorem facti sufficere, amplius *d. n. 2.* ostenditur, quæ doctrina adeo per modum limitationis alteri subjicienda. Distinxerunt quippe Romani, juxta ductum rectæ rationis, utrum quis per errorem supponat *causam in se necessariam s. efficacem*, v. gr. mutuum, emtionem similemve, tum error facit locum repetitioni, an *voluntariam seu inefficacem*, quæ, licet vera esset, aliquem in foro civili efficaciter non obligaret, v. gr. si quis credat per errorem, se beneficium ab aliquo accepisse, adeoque ad antidota ei teneri: Hic error pro concomitante habetur, nec operatur repetitionem *l. 65. § 2. b. t.* Ratio diversitatis à qualitate causæ dependet, cum enim causa necessaria, si adsit, efficaciter aliquem obliget, hinc error circa eam commissus potuit quem impellere, quo solvat, ne, prout juxta hunc errorem metuebat, si secus faciat, ab adversario conveniatur. At causa voluntaria, licet adsit, neminem efficaciter obligat, hinc probabile non est, quod, si quis eam per errorem supponat, ad solvendum ista persuasionem sit permotus, sed talis potius solutio ultro facta censetur seu pro voluntaria donatione habetur.

Atque hanc distinctionem *AUTOR* *lit. R. n. 2.* obscure satis tradidit, cujus adeo doctrinam brevi paraphrasi sic illustrare liceat; *Tanquam debitum, sive ex causa praterita & necessaria* (v. gr. mutuo) *alias* (si ex voluntaria solvat) *consentur voluisse donare.* (e. gr.) *Quod ex obligatione naturali imperfecta* (putativa seu per errorem supposita) *solvitur, tanquam indebitum non repetitur.* Hinc (exemplum speciale) *ex obligatione ad antidora datum, licet nullum praecefferit beneficium,* (adeoque obligatio illa saltem per errorem fuerit supposita, quod etiam unice hic spectatur) *hac tamen actione non repetitur.*

## OBSERV. CCCLXII.

*Requiritur ut solutum sit indebitum*) Hoc requisitum maximam partem, juxta jus Romanum recte hic declaratur. Id tamen in genere observandum, hodie indebitum uniforme saltem esse statuendum, nam ut indebitum ratione *juris & hominis* distinguamus, nulla postulat necessitas, hoc enim est etiam indebitum juris. Porro *indebitum naturale* vel *civile tantum*, amplius hodie non occurrit, quia strictum jus, quod circa illud aliquam obligationem censebatur introduxisse, hodie est otiosum nomen, ceu experientia probat, obligatio verò naturalis perfecta, in foro nostro semper (excepta saltem obligatione filiisfam. mutuum accipientis, nam hoc exemplum sub doctrina juris civilis remanet) etiam probatur, hinc indebitum civile evanescit. De cætero evidens est, quare posito *errore efficaci & vero indebito*, repetitio locum habeat, accipiens enim nullum retinendi jus habet, nec ei aliquid donatum, hinc, ne alium lædat, rem reddere tenetur. Nec minus perspicuum est,

cur

cur utroque illo requisito, vel altero saltem deficiente, repetitio cesset, si enim solvens debuit, accipiens solutum meritò retinet, & si vel maxime is errorem probet, non eo magis tamen rem repetere poterit, cum impediendæ repetitioni sufficiat obligatio. Vice versa si quidem nihil debuit, attamen sine errore efficaci solvit, accipiens rem, ut donatam, lucratur.

## OBSERV. CCCLXIII.

*Item in eo, qui injusta Judicis sententia est absolutus, manet naturalis obligatio, jure civili non simpliciter reprobata*) Hinc si solvat absolutus per errorem facti, ob obligationem illam naturalem, solutum repetere nequit, quemadmodum contra illum, ob eandem rationem, etiam compensari potest, *vid. infr. de Compensat. lit. O. n. 5.* Ita *AUTOR*. Sed sententiam illam falsam esse, & absolutum neque ad effectum retinendi, neque compensandi, naturaliter esse obligatum, plane existimo, nam (1) ob auctoritatem rei judicatæ, in *l. 25. de stat. hom.* generaliter confirmatam, absolutus, licet injustè, ab omni obligatione liber existimari debet, maxime cum (2) injustè condemnatus pro vere & efficaciter obligato habeatur, quod *AUTOR* hic & *de Compensat. d. l.* agnoscit, nam sententiæ absolutoriæ non minor est auctoritas, quam condemnatoriæ, si hæc obligationem efficacem operatur, illa eam tollit, nec facile quis discrimen hic solide probaverit. Nec obstant (3) *l. 60. pr. h. t. & l. 8. §. 1. rem rat. hab.* quam *infra de Compens. d. l.* *AUTOR* adjicit, nam *prior* loquitur de eo, qui manente adhuc judicio, & antequam ei constaret, qualis sententia sit secutura, solvit, ac adeo solvendo obligationem agnovit futuroque rei judicatæ beneficio quasi

renun-

renunciavit, dum in omnem eventum, siue absolva-  
tur, siue condemnetur, consensit perinde ac is, qui:  
*siue navis ex Asia venerit, siue non venerit*, promisit.  
Perperam igitur ex hoc casu speciali, generalis asser-  
tio quoad obligationem Absoluti conficitur, nec ca-  
ptanda est ratio JCrī: *Licet enim absolutus sit, natura*  
*tamen debitor permanet*, cum eam, juxta substratam  
materiam, intelligi recta ratio jubeat. Ejusdem  
fere sensus est etiam *posterior*. Exegerat procurator  
à debitore, præstita cautione rati, pecuniam, & qui-  
dem, ut videtur, extrajudicialiter, mox dominus de  
eadem pecunia agit & litem amittit. Debitor abso-  
lutus ex cautione convenit Procuratorem, solutam-  
que pecuniam repetit, ( sic enim vim præstitæ cautio-  
nis acciperem ) sed dominus, procuratoris sui defen-  
sor, opposita doli exceptione debitorem repellit, quia  
naturale debitum manet. Ex his liquet, quod hic et-  
iam casus sit specialis, nam absolutus debitor, jam  
olim ante absolutionem, procuratori solverat, atque  
ita obligationem suam agnoverat, hinc generalis do-  
ctrina inde iterum male conficitur. Breviter: *Textus*  
*objecti loquuntur de debitore absoluto, qui suo con-*  
*sensu & confessione vim rei judicata à se repulit, à quo*  
*ad simpliciter absolutum male infertur*. Quod si au-  
tem absolutus sponte & sine errore solvat, in quod  
inclinat Dn. STRYCK in not. b. tum repetitio cessat,  
non ob obligationem, sed voluntatem dantis, vid. l. 28.  
b. t. ibique HUBER. in Eunom. qui tamen Censoribus,  
plus quam par est, indulget.

## OBSERV. CCCLXIV.

*Inde fidejussor omiſſa diviſianis exceptione* ) Sed hoc  
exemplum ad doctrinam præcedentem non pertinet,  
fide-

fidejussor enim non tantum naturaliter, sed & civiliter, ad solidum creditori solvendum obligatur, Exceptio autem divisionis saltem ostendit, quod, si cautus sit & velit, ab illa obligatione, ex parte liberari queat, si igitur, neglecta illa exceptione, solvat, tum repetitio, creditoris intuitu, cessat, non ob obligationem naturalem tantum, sed & civilem.

## OBSERV. CCCLXV.

*Non obstante obligatione ad antidora, solum repetet*) Huic contrariari videtur, quod n. 2. docuit *AUTOR* in verbis: *hinc ex obligatione ad antidora datum, licet nullum praeceperit beneficium, hac tamen actione non repetitur.* Verum sunt casus plane diversi, supra egit *AUTOR* de errore, hic de indebito, ibi asseritur, quod, si quis per errorem se ad antidora obligatum putet ac solvat, repetere nequeat, quia error saltem est concomitans, hic vero contenditur, quod is, qui per errorem facti efficacem & habilem solvit, possit repetere, nec repetitionem impediat obligatio naturalis imperfecta, quæ in solvente revera adfit.

## OBSERV. CCCLXVI.

*Sententia veterum & Bachovii*) Ita sane est, quod illa sententia, quæ in jure errantibus simpliciter hanc conditionem concedit, parum rationis habeat, nam error juris aliquando ita crassus est, ut pro scientia non possit non haberi, hinc minimum ille indistincte cum errore facti comparari nequit. Accedunt plures textus, in quibus ob errorem juris, repetitio negatur, nec valet dissentientium exceptio, *in illis subfuisse quoque in solvente obligationem naturalem*, nam ita supponitur id, de quo quæritur, cum illa obligatio naturalis

turalis sit maximè controversa, imò melioribus rationibus negari, quam asserti queat. Præcipuum dissentientium fundamentum est in *l. 8. de jur. & fact. ignor.* ubi ait JCTus: *Caterum omnibus juris error in damnis amittenda rei sue non nocet.* Ad id elidendum, uti nolim distinguere inter *damnum rei amittenda & amissa*, cum hoc satis manifeste cavillatorium sit, ita responsio alia non deerit, nam nulla jubet necessitas, ut effatum illud ad *conditionem indebiti* referamus, cur non possit referri ad *confessionem*, pro-ut *AUTOR tit. de Confess. lit. E. n. 5.* id accepit, aut ad *usucapionem*, eo sensu, errorem juris, quem possessor fovet, dominis non obesse seu non parere præscriptionem juxta *l. 4. eod.*? Imò, si quis fortius philosophari velit, is dixerit, JCTORum Romanorum auctoritatem heic esse nullam, nisi cum oratione conveniat, quem enim effectum error juris, in impedienda repetitione habeat necne, id ex ejus indole judicandum, hanc igitur si non recte æstiment Romani, iis liberè contradici!

## OBSERV. CCCLXVII.

*Concurrentibus his quatuor requisitis, rei solute dominium in accipientem transfertur*) Hoc non *naturale*, cum sine consensu dominium naturaliter transire nequeat, sed *positivum* est, habetque effectum non tam ratione accipientis, utpote ad restitutionem simpliciter obligati, quam ratione Tertii, in quem res translata est. Si tamen accipiens insignem dolum commiserit, adeo ut conditione furtiva conveniri queat, ceu paulò ante admonuit *AUTOR*, tum translatio domini simpliciter cessat.

## OBSERV. CCCLXVIII.

*Ratione probationis notandum*) Tota hæc doctrina naturalis est, nam & æquitas probationem postulat, & simul, quis eam peragere debeat, ostendit, nam cum, qui vel contra se habet præsumtionem, vel, cum in neutram partem esset præsumtio, aliquid directe vel indirecte affirmat, probare debere, æquum est, atque ex eo fundamento omnes assertiones speciales hic fluunt. De eo quidem poterat dubitari, an probatio indebiti recte ab aliquo exigatur, cum videatur hæc esse probatio negativæ, quæ aliàs impossibilis esse solet. Verum poterit indebitum allegans, eo nomine alteri deferre juramentum, præterea negatio circumstantiis solet esse stipata, v. gr. si quis ex errore putet se hoc vel illo die, ab aliquo mutuum accepisse, aut ideo indebitum dicat, quod jam solverit, quæ circumstantiæ probari possunt.

## OBSERV. CCCLXIX.

*Quartum requisitum, error scilicet, regulariter etiam ab actore probandum dicitur*) Recte; nam error facti est, & quidem ejusmodi, quod non facile hominibus, rerum suarum satagentibus, accidere solet, quod si autem solvens, talis sit persona, cui error non infrequenter obrepat, tum error præsumitur, adeoque alter animum donandi probare debet, id quod etiam perspicue traditur *d. l. 25. pr. §. 1. de probat.*

## OBSERV. CCCLXX.

*Datur autem adversus accipientes vel delegantes lit. P.*) Positis requisitis, facile liquet, cui, adversus quem, & ad quid detur condictio indebiti, quæ *lit. S. P. Q.* amplius **AUTOR** persequitur. In specie datur



datur contra *delegantes*. Fac me creditori meo te delegasse, teque ex errore, quo mihi te obligatum putabas, id passum esse, ac creditori de novo promississe, & vel ultro, vel ad actionem motam, solvisse, tum à creditore nihil poteris repetere, quia error ad delegationem non pertinuit, sed tu creditori pure promissisti, sine expressa conditione: *si mihi debeas*, unde ille rem promissam cum effectu exigere, vel solutam retinere potest, quia verò pro me indebitè passus es te delegari, hinc perinde, ac si mihi indebitè solvisses, à me rem repetis.

## OBSERV. CCCLXXI.

*Cessat hac conditio lit. C.)* De hoc ex præcedentibus facile judicari potest. Nimirum ob duas causas in universum cessat conditio, vel si solvens *debuerit*, vel *donaverit*, quæ naturalia sunt, lex tamen positiva nonnunquam voluntatem authentice interpretatur, quod in casibus, de quibus *n. 2. 3. b.*, contingit. Sed in *n. 1.* voluntas donandi est satis manifesta, & consuetis interpretandi regulis intelligitur, quemadmodum etiam ex iis patet, quod conditio non cesset, *si quis promittat, quod soluti nomine nihil movere velit*, de quo *n. 3. b.*, nam illa promissio solum eo pertinet, quod ratione debiti, si quod revera subfuerit, nulla amplius lis deinceps esse debeat, non autem quod, si præter intentionem indebite quid sit solutum, id repeti nequeat.

## OBSERV. CCCLXXII.

*Neque ob renunciationem expressam)* Sed mirum foret, si renunciatio conditionem non tolleret, cum tamen scientia eam excludat, utrobique autem eadem subsit ratio, nam qui scienter indebitum solvit, is & scit

scit indebitum, & illud donat, in renunciante verò voluntas præcedit, dum quis in eventum secuturæ scientiæ renunciat, ac scientia sequitur, quæ diversitas ordinis diversum jus parere nequit. *Ex l. 19. de testam. inoffic.* quam *AUTOR* allegat, nullum argumentum idoneum pro sententia contraria elici potest, cum ibi solum dicatur, quod adiens ex testamento, quod invalidum esse ignorat, successioni legitimæ non censetur renunciassse, quæ enim illa illatio: *Si aditio erronea renunciationem juris non involvit, ergo renunciatio expresse facta jus competens non tollit?* Ratio autem, quam addit *AUTOR*, quod hæc *renunciatio ex eodem errore, quo est solutio, procedat*, plane falsa est, quomodo enim renunciatio ex errore procederet, quæ disertè erroris, qui subesse poterat, facit mentionem juriq; inde competituro renunciat? Nec etiam hæc renunciatio pro dolose elicitâ haberi potest, nec enim, sicut spe futuræ numerationis, & chirographum dare, & exceptioni non numeratæ pecuniæ renunciamus, ita etiam & indebite solvere, & conditioni indebiti renunciare solemus, nihil enim est, quod nos ad hoc alliciat, hinc renunciatio pro maxime deliberata haberi debet. *add. Observ. 554.*

## TIT. VII.

## DE CONDICTIONE SINE CAUSA.

## OBSERV. CCCLXXIII.

**C**onditio sine causa) Id æquitas manifestè postulat, ut dominus rem suam ab alio, licet cum eo non contraxerit, aut hic non deliquerit, petere possit.

possit, ita quidem, ut dominium operose probare non debeat, sed hoc solum ei ostendendum sit, quod rem sine sua voluntate amiserit. Atque hanc æquitatem Romani agnoverunt, ac, data conditione sine causa, confirmarunt, quo nomine actionis adeo hodie uti possumus, neglectis cæteris tricis, quæ circa Ejus divisionem, & fundamentum occurrunt, cum nec illa, nec hoc indigeamus.

## LIB. XIII. TIT. I.

## DE CONDICTIONE FURTIVA.

## OBSERV. CCCLXXIV.

**C**ondictio furtiva) Fur obligatur ex delicto suo (1) ad *damnum sarcendum*, quod naturale est; (2) ad *penam*, quam lex positiva introducit. Ad explendam illam obligationem, datur condictio furtiva, quæ adeo naturalis est. Circa illam tamen tricæ quædam occurrunt, quales sunt (1) prædicatum conditionis irregularis *lit. D.* (2) divisio *sign. f.* ac (3) hinc orta, quoad ejus applicationem, sollicitudo *lit. S.* (4) quod actio hæc sit dativa *lit. C.*, quibus omnibus hodie facile caremus.

## OBSERV. CCCLXXV.

*Ut commodatario lit. S.*) Quoad hunc aliosque jure reali destitutos distinguendum, utrum sine *illorum culpa res ablata sit*, tum soli domino condictio competit, an *culpa eorum*, tum domino competit electio, velintne agere contra furem, an contra eos, qui ex contractu ipsi obligati sunt, si *illud fecerit*, suumque consecutus sit, tum hi & ratione Domini liberantur, quia eorum culpa inefficax fuit, & contra  
fu-

furem agere nequeunt, si *hec*, ac hi æstimationem præstiterint, tunc iis merito contra furem concedenda est conditio.

OBSE RV. CCCLXXVI.

*A quibus solvens nihil repetit lit. P.) Furtius pro hac sententia facit l. 1. §. 14. de tutel. & ration. sed nihilominus rationi magis videtur consentaneum, si furi solidum solventi, contra cæteros demus regressum, quia (1) plures correi simul ad summam unam, atque ita unusquisque pro rata tantum, tenentur. Ob compendium tamen creditoris, singuli elective integram summam exsolvere, atque ita partem suam præstare, ac pro sociis expendere debent, hinc si unus solidum solvat, utique id, quod pro alio expendit, repetere potest; (2) absurdum foret, si in pari delicto, unus damnum resarcire cogeretur, altero immuni, ac super malitia sua, in sinu velut gaudente. Ex quibus etiam satisfieri poterit dissentientibus, vel enim d. l. 38. §. fin. de admin. & peric. tutor. & l. 1. §. 14. de tutel. & ration. distrab. sunt accipiendæ de actione à læso concedenda, eo scilicet sensu, quod læsum exceptione faciendæ cessionis morari non deceat, vel liberiori philosophia, erroris Jcti erunt insimulandi, nec enim hoc piaculum fuerit, cum legem positivam ibi non condant, sed potius circa effectum obligationis correalis explicandum occupantur, in quo si fallantur, libere iis contradigi poterit. Rationes certe eorum non valde urgent. Dicunt (1) *solventem proprii delicti penam subire*, sed hoc falsum esse, accuratior obligationis correalis consideratio ostendit; obligantur quidem singuli correi elective ad solidum creditori exsolvendum, at singuli solidum non*

debent; (2) *nullam societatem maleficiorum, vel communicationem justam damni, ex maleficio esse.* Prava applicatio! turpe quidem est furari, hinc etiam ad rem furtivam communicandam nulla est obligatio, sed non est turpe, laeso eo nomine satisfacere, in hoc igitur dum fur solvens alterius negotium licitum gerit, eum utique sibi ad partem restituendam obligat.

## OBSERV. CCCLXXVII.

*Etiam si nihil ad illos ex delicto pervenerit & fur laqueo suffocatus fuerit*) Quod hæredes furis regulariter in solidum teneantur, etiam ubi nihil ad eos pervenit, id naturale est, licet cum hypothese Romanorum non conveniat, hinc etiam de horum sententia adhuc inter interpretes disputatur. An verò casu illo speciali, ubi fur laqueo est suffocatus, solida quoque rei furtivæ æstimatio præstanda sit, ejus decisio à voluntate Legislatoris, pœnam constituentis, dependet, si enim simpliciter pœnam exigat, tum æstimatio quoque peti poterit, si verò eam à privata satisfactione suspendat, adeò ut illà securà, pœna capitalis cesset, tum hæc illam vice versa consumit, quæ sententia in Saxonia Electorali obtinet, v. *DECIS. SAXON. 86.* quamvis forte satius sit, pœnas ita temperare, ut à privato arbitrio illæ non dependeant.

## OBSERV. CCCLXXIIX.

*Contra successores singulares non datur hac actio*) Ex furto sane, vel obligatione transmissa hi obligari nequeunt. Interim ob solam rei furtivæ possessionem, propria obligatione tenentur, ita quidem, ut dominum operose dominium rei suæ probare non oporteat, sed satis sit, eum possessionem rei que amis-

sio;

sionem ostendisse, atque eo nomine contra possessores comparata est *condictio sine causa*, de qua *obstans* §. 26. *J. de R. D.* loquitur, quæ & eorum obligationem naturalem, & probationis facilitatem innuit. Quod si b. f. possessor rem alienaverit vel consumserit, tum tenetur saltem naturaliter, quatenus est locupletior factus, quod in *DECIS. SAXON.* 87. confirmatum.

## OBSERV. CCCLXXIX.

*Etiamsi aestimatio cura & sumptibus furis creverit lit. O.*) Hoc quoque naturale est, ut fur, quanti unquam res plurimi fuit, præstare debeat, est enim semper in mora, adeoque ad omnia, quæ hinc consequuntur, tenebitur, porro nec expensas meliorationis repetere potest, quia in earum amissionem consensit, cum imputare sibi debeat, quod in rem alienam malè acquisitam eas fecerit.

## OBSERV. CCCLXXX.

*Consuetudo, quæ rem furtivam Magistratui addicit, irrationabilis est*) Ratio manifesta, quia Magistratus contra præceptum naturale, domino rem aufert. Nec obstat *l. 9. de jur. fisc.* nam ex verbis finalibus: *persecutionem eorum, quæ scelere acquisita probari possunt, fisco competere posse*, male quis regulam generalem conficeret, quod fiscus scelere quæsitæ sibi possit asserere, cum præsupponant casum plane specialem, in quo delictum fuerat saltem occasio, effeceratque, ut legitimo deinceps titulo hæreditas mariti uxori esset quæsitæ, à quo ad alios casus dissimiles inferri nequit.

## OBSERV. CCCLXXXI.

*Aut ad petitionem partis processum instituerit*) Ut

expensas judiciales dominus hoc casu magistratui restituat, asserit quidem *RICHTER d. l.* assertumque præjudiciis illustrat, sed ex *ORD. CRIM.* illud non probat, & videtur utique cum iniquitate conjunctum, ut dominus expensas postuletur, qui sine sua culpa rem amisit ac litis molestias sufferre debuit. Sed forte utilitas æquitati hic prævalet, *add. LYNCKER. Res. Dec. Jen. P. I. Decis. 310.*

## TIT. II.

## DE CONDICTIONE EX LEGE.

## OBSERV. CCCLXXXII.

**C**ondictio ex lege) Sollicitudo, qua casus illi inquiruntur, quibus hoc actionis nomine utendum sit, est consecrarium processus Romani antiqui adeoque apud nos cessat, interim nihil impedit, quo minus certas actiones, quibus aliàs peculiare nomen non est, nomine *condictionis ex lege, canone, ex moribus vel consuetudine*, insigniamus. Libertas non est sublata, licet necessitas cesset, hinc usus harum actionum recte se habet, modo à superstitione leguleja liberetur.

## TIT. III.

## DE CONDICTIONE TRITICIARIA.

## OBSERV. CCCLXXXIII.

**U**nde hac ita dicatur nihil certi habemus) Nonnulli id nominis à prætore *Trititio*, alii à *tritico*, quod hac actione primo fuerit petatum, alii à *verbis Edicti primis*, repetunt, *vid. EKHOLT ad ff. h. t.* Novissime

sime JOH. VOET. in comment. ad ff. b. probat conjecturam HOTOMANNI, existimantis nomen illud exinde fluxisse, quod olim Magistratus Provinciales, ex Sctis provincialibus, certam imposuerint tritici quantitatem, ad certa loca deferendam, vel pro tritico pecuniam, si nimis dissita essent loca, collationi tritici destinata, cumque illa denunciatio conferendi, *condictio triticiaria* diceretur, ac plerumque eveniret, ut pro tritico pecuniam seu æstimationem persolverent Provinciales, hinc paulatim eveniret, ut quoties loco rei debita, pretium ejus seu æstimatio petenda esset, actio illa, *condictio Triticiaria* appelleretur. Hactenus Ille. Forte non immerito, mutatis mutandis, huc referres epicrisin WISSENBACHII ad ff. Disp. I. qua eos, qui de origine vocis *Digesti infortiati* satagunt, insectatur: *quid hoc aliud est, quam otio & literis abuti in investigatione vocis barbare & insulse.*

## OBSERV. CCCLXXXIV.

*Describitur quod sit actio personalis*) Hodie *condictio Triticiaria*, otiosum nomen est, licet enim ejusmodi casus evenire possint & soleant, quibus rem morosum, ad æstimationem rei debita, condemnari æquum sit, attamen sufficiunt nomina actionum, ex negotiis illis descendendum, consueta, ut generali illo, ad usum fori Romani pertinente, facile careamus. Quod si tamen quis ultro illo uti velit, ejus libertas non erit reprehendenda.

2. Alias hoc loco disquiri solet, cujus temporis æstimatio præstanda sit? quæ disquisitio valde involuta est ob textus varie & ambigue loquentes, v. gr. l. 2. §. 3. commod. l. 3. de condict. tritic. l. 3. §. 3. de A. E.



*V. l. 8. de cond. furt. l. pen. rev. amot. l. 59. seqq. d. V. O. l. 37. pr. mand.* quos etiam adducit ac breviter componit *HUBER. in posit. ad ff. b. t. n. 4. seqq.* Fusius autem ea de re agunt cum alii, tum in specie *JOH. VOET. in comment. ad ff. b. t. VINN. 5. Q. l. 1. qn. 36.* Mihi placet illa sententia, quæ contendit, quod jure Romano, excepto casu specialis conventionis, in stricti juris contractibus præstari debeat, quanti res a tempore moræ, usque ad litem contestatam, in bonæ fidei conventionibus autem, usque ad tempus rei judicatæ, plurimi fuerit, ut adeo ad textus diversimode loquentes, terminus *à quo & ad quem* distinguere, ac præterea probe observari debeat, an & quando in casibus specialibus mora commissa sit.

3. Cæterum hodie discrimen Terminum ad quem, negligendum esse arbitror, fuit enim ex processu Romanorum formulario, nam ideo in strictis judiciis, tempus litis contestatæ spectabatur, quia Judex formulæ petitionis adstringebatur, petitur autem res, uti nunc est, cum petitur: sed in bonæ fidei judiciis, cum judex formulæ non ita adstrictus sit, sed possit etiam eorum, quæ postea contingunt, rationem habere, hinc faciendæ æstimationis arbitrium usque ad tempus rei judicatæ, ei fuit relictum, *vid. VINN. select. qu. l. 1. qu. 39.* Hodie igitur hæc regula erit observanda, ut *solvatur, quanti res plurimi fuerit, à tempore moræ* (quæ juxta diversitatem obligationis puræ, in diem & conditionalis, prudenter erit æstimanda) *usque ad tempus rei judicatæ, aut potius actualis præstationis.* Quæ res manifestam habet æquitatem, si enim tempore intermedio major fuerit æstimatio, quam tempore præstationis, tum  
ab-

absurdum fuerit, si reum sua mora melioris æstimationis commodum, actori auferre potuisse dicas, quodsi autem tempore præstationis, æstimationem auctam supponas, tum imputet sibi reus, quod æstimationem minorem citius non præstiterit, æqua igitur erit moræ interpretatio, si eam actori non obesse, reo verò nocere dicas.

## TIT. IV.

DE EO QUOD CERTO LO-  
CO DARI OPORTET.

OBSERV. CCCLXXXV.

**A**ctio de eo quod certo loco) Exponitur sub hoc nomine caput aliquod, ad conventiones, locum certum respicientes, in genere pertinens, ac refertur partim id, quod naturale est, partim quod mere positivum, ac ad ambages fori Romani spectat, quæ commixtio efficit, ut vulgo juri Romano plus hac in parte tribuatur, quam par est.

2. Nimirum si quis seria conventionē, certo in loco se soluturum promiserit, ac debitor in illum locum non veniat, tum juxta simplicitatem naturalem indistinctè, i. e. non habita conventionis præcedentis ratione, licitum est creditori, alio loco reum convenire, dummodo actionem (1) eo loco instituat, ubi reus alias forum sortitur, hoc enim ex natura imperii civilis introducti sequitur; (2) juxta regulas prudentiæ, petitionem aptè formet, ac adeo prioris loci faciat mentionem, imò ea quoque observet, quæ circa formandos libellos lex positiva alias requirit; (3) actoris & rei interesse æstimetur, cum enim

Q 5

alio

alio loco actio moveatur, æquitas postulat, ne alter exinde damnum sentiat. Juxta hæc manifestum est, actionem, quæ alio loco instituitur, non esse novam aliquam, sed illam ipsam, quæ ex conventionem descendit, peculiares saltem circa eam occurrere circumstantias, quarum sit habenda ratio.

3. Jus Romanum illam simplicitatem naturalem admisit in negotiis bonæ fidei, hinc eorum intuitu nulla peculiaris actio asseritur, quoties alio loco agitur. In negotiis verò stricti juris, potestatem alio loco agendi, consueto sibi, sed ferè inani ac simulato rigore, negavit, hinc Prætor statim succurrit ac concessa agendi facultate, actionis formulam paulo aliter, ut videtur, instruxit, hinc quoties alio loco, ex negotio stricti juris, v.gr. stipulatione aut mutuo, agitur, actio antiquum nomen non retinet, sed *arbitraria*, & *actio de eo quod certo loco*, dicitur.

4. Cæterum cum omnes illæ ambages sat manifeste antiquum processum formularium redoleant, hinc eas in Germania plane exulare dicendum est. Quare hodie jus naturale observamus, ac reo in locum conditum non veniente, ex conventionem præcedente actionem sub consueto nomine instituimus, eademque adversarium, observato loci interesse, ad satisfactionem compellimus.

#### OBSERV. CCCLXXXVI.

*Est personalis & arbitraria*) His præmissis, quoad singula hujus tractationis capita, decreta naturalia à tricis fori Romani facile separari poterunt. Actionis igitur hujus adducit *AUTOR* (1) in genere *naturam lit. D. N.* quorum sensus est, esse quidem ipsam actionem antiquam, sed quæ ob concessionem

Præ-

Prætoris & peculiarem formulam, novo nomine gaudeat, nam adjecta illa *qualitas* nihil amplius infert. Hodie verò illa exploditur & quævis actio, alio loco instituenda, est illa ipsa, quam Romani sub hoc involucro proposuerunt. (2) *fundamentum & requisita lit. C. R.* quæ sollicitudo etiam hodie cessat, cum ex quavis conventionione, actio ordinaria alio loco institui queat. Interim etiam de jure civili verum est, quod ob *temporis adjectionem* non opus fuerit actionis arbitrariæ ambagibus, ceu recte dicitur *n. 2. b.* nam *loci & temporis* dispar est ratio, qui alio loco agit, ille plus petere videbatur, hinc actione arbitraria opus erat, sed qui post tempus agit, is plus non petit, nam quod hodie mihi debes, illud multo magis cras à te exigere potero, hinc pura actione illud petere licet. Hodie hæ sunt otiosæ fabulæ. (3) *actorem & reum lit. S. P.* (4) *materiam lit. O.* (5) *locum actionis instituenda lit. II.* (6) *conventionis diversitatem d. lit. II. verb. si quis*, quæ omnia naturalia sunt, & hodie obtinent, modò angustias fori Romani, qua illa de negotiis stricti juris saltem exaudiuntur, abstergas. OBSERV. CCCLXXXVII.

*Ex interesse Rei etiam post moram lit. O.* ) Actione alio loco instituta, actoris interesse imò & Rei casu, quo minus in locum conditum veniret, impediti, esse attendendum, facile liquet. Sed si reus sua voluntate eò non veniat, an postea, si alibi agatur, Ejus interesse sit habenda ratio, quæritur? *AUTOR* id asserit, sed cum *CUJACIO* negat *BACHOV.* *ad Tr. V. 1. D. 23. th. 4. lit. C.* quibus etiam *Dn. STRYCK* in not. *b.* accedit. Sed videtur prior sententia defendi posse, mora enim voluntaria reum qui-

quidem obligat ad interesse auctori præstandum, jure tamen proprium petendi, ipsum non privat, nam si interesse auctori præstet, tum perinde est, ac si moram non commisisset, quia moram non committere, & commissam emendare, paria sunt, in casu autem moræ non commissæ, dubio procul interesse Rei attenditur. Finge mercatorem Lipsiensem cum Brunsvicensi contraxisse, quod Huic, ex vino Francico, quod Hamburgi ille habebat, centum amphoras die Michaelis Hamburgi tradere velit. Lipsiensis traditionem non facit, hinc Nundinis sequentibus Paschalibus, Brunsvicensis ipsum Lipsiæ actione urget, traditionemque ibi fieri vult, quaritur, an Lipsiensis ob moram, sumtus transvectionis ferre debeat? negarem hoc, nam mora ipsum saltem obstringit ad interesse auctori præstandum, quo facto absolutus est à mora, ac proprium interesse recte urget. Sed ais, quid si Brunsvicensis interesse suum in præstatione Lipsiæ facienda, situm esse dicat? responderem, hoc eum facere non posse, cum non interesse futuri aut præsentis, sed præteriti, ex loco condicto æstimandi, ratio habeatur.

#### OBSEV. CCCLXXXVIII.

*Ad interesse, quod non est in obligatione, hæc actio non superesset lit. O.*) Si creditor debitum in certo loco solvendum, in alio sponte recipiat, tum id, quod ejus intererat, censetur remisisse & hætenus sententia *AUTORIS* admitti poterit, nec obstat *l. 2. §. 7. h. e.* loquitur enim de solutione tertio, adeoque sine creditoris principalis consensu, facta. Si vero creditor recipiens quoad interesse suum protestetur, tum actio ei, illius intuitu, naturaliter erit salva, sed juxta

ta jus Romanum, etiam hoc casu actionem negare videntur, cum interesse non debeat ex obligatione contractus, sed officio iudicis, cui, sublata actione, amplius non sit locus, *vid. BACHOV. d. l.* Sed illa ratio ad iudices pedaneos ac processum formularium pertinet, ac hodie cessat.

## TIT. V.

## DE CONSTITUTA PECUNIA.

## OBSERV. CCCLXXXIX.

**C**onstitut a pecunia) Etiam sub hoc nomine utilia & inutilia incautis propinantur. Nimirum si quis vel debitum proprium repetat, vel obligationem alienam suscipiat, tum dubio procul jure naturali fidem datam servare jubetur. Sed cum apud Romanos regulariter pacta nuda non valerent, heic tamen ob geminam promissionem negotium valere debere existimaretur, hinc Prætoris provisione speciali *Constitutum* effectum est, quod non simpliciter ut *negotium consensuale*, sed potius sub ratione *pacti legitimi* vim obligandi haberet. Cum porro verba solennia peculiarem efficerent contractum, hinc *discrimen Constituti & Fidejussionis* enatum est, atque sub hac forma speciali *AUTOR* Constitutum juxta consuetudinem capita expendit.

2. Sed cum hodie, neque hypothesis de pactorum nudorum invaliditate, neque verborum solennitas seu stipulatio admissa sit, hinc forma illa specialis, quam Jus Romanum Constituto affingit, cum suis consecrariis cessat, ac apud nos Constitutum ut *negotium Consensuale*, ob consensum serium, valet, ac quatenus alienas respicit obligationes, cum fidejussio-

ne

ne aut expromissione coincidit. Debent igitur illa omnia, quæ jus Romanum adpersit, abstergi. In specie est (1) otiosa quæstio, sitne constitutum, contractus, an pactum legitimum *lit. D?* nam hæc hodie coincidunt. Cessat quoque (2) disquisitio, an fidejussio inutilis valeat tanquam constitutum *lit. C?* Poterit etiam (3) constitui Tertio secus ac præcipitur *lit. P.* nam generaliter hypothesis Romana de invaliditate conventionum tertio factarum, hodie improbat, id quoque, ut alibi, ita hic (4) sine usu est, quod de ipso jure & ope exceptionis *d. lit. P.* dicitur, amplius hodie (5) debitum civile, aut ultra præcedentis debiti quantitatem, constitui potest, secus ac docetur *lit. O.* nihil enim, nisi serius consensus, ad valorem promissionis requiritur, quodsi vero constitutum sit instar fidejussionis, tum utique debiti principalis quantitatem excedere nequit, nisi quis sibi ipsi velit contradicere. Id addo, nomine Constituti nos hodie plane carere posse, nam si respiciat obligationem alienam, nomen fidejussionis vel Expromissionis sufficit, propriam vero obligationem raro repetimus, & si fiat, novatio erit.

## TIT. IV.

## COMMODATI VEL CONTRA.

## OBSERV. CCCXC.

**C**ommodatum). Est dubio procul contractus omnibus Gentibus usitatus, hinc ea, quæ *AUTOR* hic explicando affert, non Romana, sed omnibus hominibus communia decreta sunt. Id tamen Romanum est,

est, quod commodatum pro contractu reali habeatur, adeoque traditio ad ejus essentiam spectet, ac id à pacto præparatorio distinguatur, nam juxta simplicitatem naturalem, ad exemplum locationis conductionis, etiam commodatum est *contractus consensualis*, quo quis ad certum & gratuitum rei usum concedendum, ac accipiens ad rem, finito usu, illam restituendam obligatur, *conf. observ. 305.*

## OBSERV. CCCXCI.

*Ex hoc contractu neque dominium lit. E.*) Tota hæc doctrina naturalis est, nam juxta mensuram consensus præcedentis & de jure & obligatione contrahentium judicari debet. In specie obligatur *commodatarius naturaliter* ad fidem servandam, & damnum sua voluntate invito datum resarciendum. Præterea poterit per legem positivam puniri, ceu inquit *AUTOR lit. R. n. 2.* Hodie commodatarius furtum amplius committere non videtur, quia procul dubio illa delicti æstimatio, jure civili facta fuit, intuitu actionis dupli & quadrupli, quæ hodie cessat. Contra invitum commodatarium datur *actio commodati directa lit. D. N.* quo officium naturale impleat, id quod latius deducitur *lit. P. O.* in qua tractatione sæpe quæstiones voluntatis: *quid scilicet promissum sit, aut num damnum voluntarium invito illatum?* occurrunt, quæ ex consuetis interpretandi principiis decidi debent, & ab *AUTORE* etiam recte satis decisæ sunt. Id verò positivum est, quod actio commodati dicatur *civilis*, non *Prætoria*, nec obstat *l. i. pr. b.* quæ non de legislatione, sed applicatione Prætorie loquitur. Hodie hæc sollicitudo inanis est. Vice versa Commodans, naturaliter quoque ob-

liga-



ligatur, quo alterum indemnem servet, hoc damnum voluntarium resarciat, invitus *actione commodati contraria* turgetur *lit. D. SS.* Quod si commodatum pro contractu consensuali habeas, tum ad usum rei concedendum, commodans quod obligabitur.

## OBSERV. CCCXCII.

*Eamque rei propria præferre tenetur lit. O.*) Quoad officium commodatarii, in specie quaeritur, *an rem commodatam in communi periculo propria præferre teneatur?* *AUTOR* id asserit, nisi forte commodata sit vilior propria, tum enim hanc illi recte præferri, adeo ut si sit secus factum, propriae pretiosioris æstimatio à commodante peti queat. Sed uti hæc ultima assertio, seu *limitationis declaratio* evidenter falsa est, (ex quo capite enim commodans obligatus foret ad refusionem pretii, neque enim vel damnum dedit, vel aliquid promisit, ex quibus fundamentis obligatio naturalis efficax repeti debet, cessat etiam dispositio legis civilis? Et quam absurdum esset aliquem ideo ad præstandam rei pretiosæ æstimationem adigere, quod ipsius res vilis servata sit, præstabit igitur rem perire, quam salvam manere! Denique ex eo, quod commodatarius rem suam pretiosiores commodatæ viliori præferre queat, hoc saltem sequitur, quod, si jure suo utatur, commodanti ad nihil teneatur, aut si ut negligat, imprudentiæ suæ poenam luat, minime vero, quod eo nomine commodantem habeat obligatum) ita nec *regula* nec *exceptio* admittenda videtur, cum nec ratione, nec *d. l. §. 4. b. t.* fulciatur, illis enim verbis: *Nisi forte, cum possit res commodatas salvas facere, suas prætulit,* non præcise hoc docetur, quasi res com-  
mo-

modata propriis regulariter sit praeferenda, sed id solum innuitur, quod, si quis, cum posset res commodatas salvas facere, suarum tantum rationem habuerit, adeoque illarum intuitu, culpam commiserit, tum de damno teneatur, nam in eo totus est *JECTUS*, ut ostendat, commodatarium de culpa saltem, non de casu fortuito teneri, hinc etiam in ultimis verbis tales circumstantias supposuisse censendus est, ex quibus culpa aliqua argui queat, nam cuius rei propriae praelationis culpam inesse nemo dixerit.

2. Quæ cum ita sint, malim hic distinguere, utrum *orto periculo sat temporis superfuerit, ut & rem propriam & commodatam in tutum subducere potuerit commodatarius*, hoc casu, si commodatam neglexerit, culpæ reus est & tenetur, ac eo referrem *d. l. 5. §. 4. b.*, an *utrumque facere non potuerit*, tum & conversatio fortuita, & damnum fatale censi debet, cuius igitur res servata est, ille de bono hoc sibi gratulabitur, nec alteri ad quid præstandum jure perfecto obligatus erit, cuius autem res periit, ille æquo animo malum fatale feret, nec ab altero aliam expectabit emendationem, nisi quam generositas fors ei imperat.

## OBSERV. CCCXCIII.

*Hac vero prius instituta, remanet actio L. Aquiliæ, quatenus plus continet*) De concursu actionis commodati & L. aquiliæ, lis fuisse videtur inter *ULPIANUM* in *l. 7. §. 1. b. t.* & *PALLIUM* in *l. 34. §. fin. de O. & A.* (si nimirum pro *remanere* legas: *non remanere*, quod ratio subjecta suadet & nonnulli codices volunt) in qua componenda post alios laborat *HILLIG.* ad *Donell. Comm. l. 21. c. 3. lit. P. 2.* cæterum

cum tota controversia respiciat actionem L. Aquiliæ, quatenus pœnalis est, hæc qualitas autem apud nos cesset, hinc omnis illa sollicitudo hodie est otiosa.

## OBSERV. CCCXCIV.

*Occasione l. 5. §. 2. b. agetur hic generaliter de dolo, culpa & casu*) Tota hæc doctrina, quam ex d. l. 5. §. 2. vulgò eruunt, ultimato ex decretis naturalibus de *damno sarciendo & fide servanda*, dependet, adeoque, quatenus sana, naturalis est. Hinc & *indoles doli*, culpæ ac casus fortuiti, eorumque effectus ex generalibus principiis intelligitur.

## OBSERV. CCCXCV.

*Dolus*) Hujus conceptum omnes homines ex communi ratione sibi formare, ejusque effectum intelligere possunt, quod autem *sola scientia* sufficere negetur, id universale non est, cum d. l. 29. *mand.* saltem loquatur de *scientia in lesionem propriam directâ*, ex qua utique dolus non sequitur, sed ab hac ad aliam inferre non licet. Quod porro dolus conventionem excludi posse negetur, id eo sensu verum est, quod non valeat conventio, ut dolus formaliter talis, impune possit admitti, ne tamen dolus unquam committatur, id utique conventionem effici potest, ut videatur doctrina Romanorum in inanem definere subtilitatem.

## OBSERV. CCCXCVI.

*Culpa latè*) Philosophia de culpa, etiam naturalis ac omnibus hominibus communis est. In specie *Culpa Imprudentiæ*, quæ proprie nomen culpæ meretur, videtur commodissime definiri posse, quod sit *voluntas obliqua, qua alterius damnum directe quidem non volumus, nec tamen illud plane nolumus*. Quamvis amplius distinguendum sit, utrum versemur

mur in re *licita*, ut domum custodire, fures abigere &c. tum obtinet definitio allata, an in *illicita*, hoc casu voluntas obliqua, etiam pro dolo nonnunquam reputatur, sic si vulneraturus occidat, dolo hoc censetur fecisse, utut occisionem directe non voluerit, *vid. infr. ad L. Cornel. de sicar.*

## OBSERV. CCCXCVII.

*Hujus ut & diligentia sunt tres gradus*) Hæc doctrina rationem habet, nam in omnibus rebus, quæ gradibus distinguuntur, quos tamen accurate & juxta ἀκριβειαν mathematicam dimetiri non licet, tres saltem gradus asseri possunt, duo extremi, & tertius, qui inter utrumque sit, nam si quatuor, quinque vel plures asserere velis, tum accuratè ostendendum foret, ubi alter incipiat, alter desinat, quod tamen rei natura non admittit, ast si in numero ternario subsistas, difficultatem istam effugies, nam duo extrema & tertium interjacens asserenti, cura accuratæ dimensionis non incumbit. Juxta hæc ergo tam diligentia quam negligentia humana habet duo extrema, vel enim summa est, vel infima, his interjacet media, quæ modo illi, modo huic est propinquior. De cætero pro ratione objectorum, diversa utique illorum graduum est æstimatio, nam sane aliter diligentia & culpa æstimatur in re pretiosa, quæque exquisitam requirit custodiam, quam in re vili & quæ proletariam saltem exigit diligentiam. Ex quibus adeo liquet, doctrinam hanc non tam Romanam, quam potius communem esse. De cætero *AUTOR* singulos gradus satis persequitur, ubi nonnulla Grammatica vel Critica, ad sensum vocabulorum pertinentia, intercurrent.

## OBSERV. CCCXCVIII.

*Hac culpa interdum in concreto accipitur*) Distinctio hæc, qua culpa levis, alia in *abstracto*, alia in *concreto* esse perhibetur, solido caret fundamento, ac eo fine saltem ab interpretibus est excognita, quo regulas de præstatione culpæ, præcipitanter à Romanis formatas adeoque sæpe fallentes, utcunque defenderent, nam cum v. gr. socius valde negligens, saltem de lata culpa, exquisitè autem diligens, de levissima quoque tenetur, vulgares verò regulæ à socio exigant simpliciter culpam levem, ideo quò hæc componerent interpretes, dixerunt, esse quidem illam istam culpam, latam & levissimam in *abstracto*, i. e. si in thesi, & abstrahendo à certo subjecto, utraque spectetur, sed utramque tamen esse culpam levem in *concreto*, i. e. si ratione proprii subjecti unaquaque consideretur. Sed si tu neges, recte duplicem æstimandæ culpæ normam constitui, aut contraria prædicata eidem rei imponi, quo quæso argumento commentum suum illi persuadebunt? Non est igitur, cur errorem errore tegamus, satius omnino fuerit, omissis ejusmodi commentis, regularum vulgarium vitia libere ostendere, de quo mox.

## OBSERV. CCCXCIX.

*Quid in unoquoque contractu præstandum sit*) Si nullus contractus præcesserit, tum regulariter omnis culpa præstanda, quia nihil adest, ex quo læsi in damnum consensus colligi queat, quod etiam Romani recte agnoverunt in *L. 44. ad L. Aquil.* Humanitas tamen aliquando temperamentum postulat, cujus rei exemplum in Negotiorum Gestore est, de quo suo loco diximus. *vid. l. 3. §. 9. de N. G.* Quod si autem  
con-

contractus aliquis præcesserit, qui casus hujus loci est ac ab *AUTORE* quoque spectatur, tum adhuc pro regula erit supponendum, quod *quævis culpa, modo revera admissa sit, damni restitutioni locum faciat*, quia tamen aliquid præcessit, quod læsi consensum secum ferre queat, hinc perpetua addenda erit limitatio, *nisi læsus in aliquem culpa gradum consenserit*, de hoc enim lædens non tenebitur. Consensum autem illum Romani ex *conventionem expressa & contractuum natura* collegerunt, quo pertinent vulgares regulæ, ab *AUTORE* quoque hic relatæ & probatæ. Enim verò doctrina illa Romana duplici laborat vitio: Primo, quod ultimum fundamentum, *consensum scilicet læsi*, ex quo ultima ratio negatæ præstationis culpæ desumitur, perspicue non indicaverint; secundo, quod neglectis circumstantiis evidentioribus, ex natura contractuum, velut circumstantia minus perspicua ac obscurius significante, consensum læsi & inde ortum præstandæ culpæ temperamentum eruere voluerint, hinc nec in applicatione res satis successit, sed regulæ sæpe fefellerunt, interpretibusque ansam præbuerunt, excogitandi culpam in abstracto & concreto, quo distinctionis hujus ope, regulas defenderent, de quo paulo ante dictum. Quare potius dicendum, consensum læsi esse colligendum (1) ex *conventionem expressa*, quæ circumstantia est omnium liquidissima, & hætenus recte sentiunt Romani, hac deficiente; (2) ex *modo contrahendi*, nam si quis v. gr. deposito se offerat, is omnem diligentiam merito adhibere debebit. Quod si peculiaris modus non adsit, (3) ex *persona*, cum qua contrahimus, nam non aliam diligentiam, quam quâ illa suas res prosequi

mus, sed alias quoque circumstantias ac inprimis materiam substratam attendamus.

## OBSERV. CCCCI.

*Hanc enim æstimationem unum gradum addere docet Frank.)* Sed sine ratione, nam *l. 52. §. 3. pro soc.* positive saltem docet, quod in contractibus mediæ diligentiae, æstimatio taxationis, casum fortuitum non transferat, quid inde? *l. 5. §. 3. commod.* loquitur de æstimatione venditionis gratia facta, quod verba: *qui æstimationem se præstaturum recipit*, satis ostendunt. Generaliter itaque dicendum, quod æstimatio taxationis causa facta, periculum casus fortuiti nunquam transferat, sed eo saltem sine fiat, quo citra ambiguum disceptationem statim constet, quid, culpa commissa, & re deperdita vel deteriorata, alterum præstare oporteat, inprimis autem hæc admittenda videntur, si, juxta *Observ. 399.* culpæ præstationem, ex natura contractus non primario esse æstimandam supponas.

## TIT. VII.

DE PIGNORATITIA  
ACTIONE.

## OBSERV. CCCCII.

*Pignus denotat*) Quæ de diverso Pignoris significatu, ac in specie de contractu pignoratitio *AUTOR* differit *lit. H. D. N. C. S. O.*, illa omnia iterum juris Gentium sunt, nisi quod Pignus habeatur pro contractu reali, ac ad sui perfectionem requirat traditionem, hoc enim Romanis tribuendum, cum juxta simplicitatem naturalem pignus etiam sit *contractus*

*consensualis, quo in securitatem crediti debitor rem tradere, ac creditor, soluto debito, eandem illam restituere tenetur. Juxta hanc suppositionem, inter contractum pignoratitium & pactum hypothecae ea fuerit differentia, quod ibi hoc agatur, ut creditor in sui securitatem, pignus accipiat, hic vero solum jus reale, securitatis causa, constituatur, hinc ibi opus erit traditione ad implendam fidem contractumque consummandum, sed hic traditio, ob securitatem, facienda non erit.*

## OBSERV. CCCIII.

*Adjicitur interdum huic contractui pactum antichreos) Pactum hoc ex libertate posse adjici, ac juxta ejus mensuram, jus & obligationem lege naturali introduci manifestum est, quemadmodum etiam evidens, quod paciscentes legibus positivis se submittere, ac speciatim decreta usuraria observare debeant. De cetero effectus pacti antichretici, fere ex voluntate paciscentium, dependet, quae, ut & differentiam ejus à contractu retrovenditionis, pluribus persequitur Dn. BERGER in resolut. h. quae legi merentur.*

## OBSERV. CCCIV.

*Quod ex justa causa in pignoribus reprobavit) Pactum commissorium naturaliter quoque videtur invalidum, ideo quod non satis sit liberum, sed mediis, necessitatis aut vis injustae quid habentibus, extortum, quia tamen vis non adeo aperta est, ideo nisi lex civilis accederet, pactum illud ita simpliciter invalidum dici non posset. Ex eo autem sequitur, quod lege aut consuetudine omnino permitti queat, secus ac nonnulli sentiunt, n. 4. h.*

O R-



## OBSERV. CCCCIV.

*Ex hoc contractu pignoratitia creditor tenetur*) Officium creditoris lege naturali dirigitur, ac summatim in eo consistit, ut fidem datam servet ac damna voluntaria resarciat, quæ *AUTOR* juxta varios casus & præstationes specialius exsequitur, ut fontes hic indicasse sufficiat.

## OBSERV. CCCCVI.

*Illa enim est prætoria*) De differentia actionis Pignoratitiæ & Hypothecariæ ita habendum est. Illa est ex contractu, hæc ex jure pignoris reali, illa exferit se pignoris jure sublato, hæc jus validum præsupponit ex eoque movetur, illa datur debitori & creditori, hæc tantum creditori, illa competit contra creditorem & debitorem eorumque hæredes, hæc contra quemvis possessorem, illa repetit rem olim oppignoratam præstationesque personales persequitur, hæc rem adhuc oppignoratam vindicat.

## OBSERV. CCCCVII.

*Et illarum fructus, quos creditor percepit vel percipere debuit lit. O.*) Hanc officii partem non semper obtinere, sed tum demum, si res fructifera ac inprimis prædium aliquod sit oppignoratum, facile patet. De cætero creditor sibi gratis hoc onus imponi haut patietur, sed tunc obtinebit, si antichresis ei sit concessa, tum enim fructuum tam perceptorum, quam percipiendorum calculus erit ineundus, quo constet, quid ille usurarum nomine possit retinere, & quid reddere, vel in sortem sibi imputari, pati debeat. Cum autem hæc officii pars creditori sit molestissima, dum & sollicitam rei culturam ab eo exigit, ac ancipitirationum redditioni eum subjicit, hinc

cautelas ei commendant, quo scil. rem vel sibi sub pacto retractus vendi, vel saltem pro certa pensione locari curet, *vid. Dn. STRYK in not. b.* quæ cautelae rationem habent, cum eo pertineant, ut volente debitor, à necessitate præstandi fructus vel plane liberetur creditor, vel citra calculi ancipitis molestias, ei suo defungi liceat officio, cavendum tamen videtur, ne sub specie aliûs contractus, contra leges usurarias peccetur.

## OBSERV. CCCCVIII.

*Ita ut debitor etiam post 30. & 40. annos debitum offerre & hac actione pignus repetere possit lit. C.)* Verissimam puto hanc sententiam, nec tamen utar illa ratione, quod *hæc actio ante solutum debitum non nascatur adedque nondum nata præscribi nequeat, solvendi porro facultas nullo tempore tollatur.* Nam huic alii, & non sine veri specie, contradicunt, nam facultati repetendi pignus, quæ sub conditione: *Si solvat debitum*, debitori competit, in creditore specialis ac molesta respondet obligatio, quæ adeo cum sibi respondente jure solvendi & repetendi, perinde præscriptibilis videtur, ac obligatio ex mutuo eique respondens jus præscriptioni subjacent. In primis autem allata ratio elidi posse videtur exemplo juris retractus, nam huic ex veriori sententia præscribitur, sed posset quis causari, hoc jus se demum exferere post solutum pretium, facultati autem solvendi nunquam præscribi! quo igitur argumento hæc præscriptio defenditur, eodem etiam hætenus quoad lutionem pignoris eadem defendi posse videtur, *vid. HUBER. posit. ad ff. quib. mod. pign. solv. ibique Thom. a. c.* Id potius urgeo, præscriptionem illam inanem esse futuram, esto enim, quod creditor jus luendi ex  
con-

contractu competens præscriptione tollat, nihil inde lucrabitur, nam ratione rei ipsius & dominii acquirendi, neque titulum, neque, quod magis est, possessionem habet, cum ut creditor hætenus saltem rem tenuerit, ergo debitori integrum fuerit ob dominium rem repetere, quid igitur opus est intuitu juris luendi, inanem asserere præscriptionem? Ex quo liquet, nullam præscriptionem efficacem locum habere, licet debitum oblatum vel solutum sit, quod tamen nonnullis videtur, *vid. STRYK in not. b.* dummodo per contradictionem creditor in possessione dominii non sit constitutus. Atque juxta hanc rationem, discrimen inter jus retractus & luendi pignus, perspicue etiam ostendi potest, nempe illud præsupponit translationem dominii in emtorem factam, dummodo igitur obligatio rem reddendi, per temporis lapsum extinguatur, dominium fit irrevocabile ac emtor rem retinere potest, hinc juxta communem mortalium affectum, ac consueta præscriptionum requisita, jus retractus merito præscriptibile perhibetur. At jus luendi pignus, translationem dominii aut saltem ejus possessionem vel illius acquirendi animum, non præsupponit, hinc frustra præscriptio inefficax, intuitu juris luendi asseritur. Tandem ex his patet, ut id obiter adjiciam, neque quoad rem precario concessam, neque locatam (licet conductor mercedem non solvat, nam non requiritur ad impediendam præscriptionem, ut ille titulum possessionis semper agnoscat, sed saltem, ne mutet,) neque commodatam neque depositam locum habere præscriptionem, nisi per contradictionem domino factam, possessionis titulum mutaverint detentores, aut per longissimum tempus

pus se pro dominis gesserint, ut verus dominus illud probabiliter rescire potuerit. Interim cum res commodata ad breve tempus soleat concedi, deposita verò semper repeti possit, ideò de præscriptione harum actionum raro quæritur, *conf. THOMAS. in not. ad Huber. d. l.*

## OBSERV. CCCCIX.

*Actio pignoratitia contraria*) Obligatio debitoris iidem naturalis est, vel enim ideo tenetur, quod creditori sua voluntate damnum dederit, vel quod hic in illum utilitatem aliquam contulerit, quam quidem recte æstimare par erit. Doctrina igitur Romana communia decreta saltem exhibet eademque confirmat.

## LIB. XIV. TIT. I.

## DE EXERCITORIA ACTIONE.

## OBSERV. CCCCX.

*Actio exercitoria*) Sub hoc nomine neque peculiaris contractus, neque actio proponitur, sed ostenditur saltem, quod actio ex contractu Magistri navis, contra Præponentem detur, quæ tota doctrina iterum naturalis est, Romani tamen ei, more suo, emblemata fori sui affricarunt. Summatim duo spectari possunt, (1) *quomodo fiat, ut Magister navis, Exercitorem in contrabendo repræsentet?* Fit scilicet illud per *consensum*, qui quoad Patrem & filium, dominum & servum, nomen suum generale retinet, quoad personas verò liberas, in peculiarem abit contractum, & possunt huc referri, quæ *tit. 3. de constitutione Institoris* dicuntur; (2) *Effectus contractuum à*

Ma

*Magistro navis celebratorum*, quæ consideratio tum officium *Magistri contrahentis*, tum *Exercitoris consentientis* continet.

2. Magister navis, si sit homo liber, durante officio, ex contractibus suis agere & conveniri potest, non ut inde ipse aliquid lucretur, vel damnum sentiat, sed ut saltem massæ negotiationis res debitas inferat, vel ex illa has præstet, secundum ea, quæ *ALLTOR Tit. 3. lit. E.* proposuit, nam illa quoque, mutatis mutandis, huc pertinent.

3. Exercitor consentiens ex illis contractibus potest (1) *conveniri in solidum*. Actio, quæ contra eum instituitur est illa ipsa, quæ ex contractu *Magistri* descendit, nempe emti, locati mutui &c. prout hic vel ille contractus celebratus est. A Romanis insuper novo nomine illa fuit donata, ut *Actio Exercitoria* audiat *lit. D. N.* Nihil amplius igitur, quam nomen & forte peculiaris agendi formula, accessit, in quæ *adjectitia qualitas*, quam hic sibi imaginantur interpretes, resolvitur. Datur autem actio contra Exercitorem ob *consensum*, quod Romani, sed per otiosas ambages, quæ hodie nullius usus, agnoverunt *lit. C.* Accurate igitur inquirendum, quousque Exercitor consenserit, quod bene explicatur *d. lit. C. n. 1. 2. 3.* Posito consensu, contrahentes *lit. S.* ab Exercitoribus *lit. P.* res debitas *lit. O.* petunt. Cum verò etiam de jure civili agnoverint, nomine exercitoriae actionis opus non est, *d. lit. O.* multo magis hodie illud negligi poterit. Nihil tamen impedit, quominus id, velut rem innoxiam etiam retineamus, modo per id falsos conceptus nobis ingenerari, aut à solida hujus rei cognitione nos abduci non patiamur, quem

quem sane effectum illa nomina apud multos habent; (2) *in solidum quoque agere*, nam in contractus non tantum ratione oneris, sed & commodi consensit. Licet vero Romani hoc negare videantur *lit. O. verbis: Exercitores vero*, attamen non tam simpliciter negant, quam potius ineptas molliuntur ambages, dum vel cessionem requirunt, vel utilem saltem actionem admittunt, cum enim domino Procuratoris actiones utiles active & passive concedant *l. 13. §. 25. de A. E. V.* exercitori omnem actionem eos negasse probabile non est. Hodie istis ambagibus opus non esse, sed exercitorem, modo doceat (quod ad factum pertinet) contrahentem suum fuisse Magistrum, eumque juxta leges præpositionis contraxisse, agere posse, plane arbitror.

## OBSERV. CCCCXI.

*Licet Magister pecuniam alio vertat lit. O. in fin.)* Obligatio domini hic non resultat ex versione actuali vel collata utilitate, sed ex ejus expresso consensu. Circumstantiæ vero, quarum hic meminit *AUTOR*, non alio fine attenduntur, quam ut constet, contractum mutui à Magistro navis celebratum, habere rationem medii, ad finem principalem ducentis, adeoque sub mandati Exercitoris contineri, hoc igitur si circumstantiæ memoratæ insinuent, satis est, bene an male pecuniam accipiens collocaverit, hactenus nihil refert.

## OBSERV. CCCCXII.

*Apud Hollandos lit. P.)* Quousq; Exercitores in contractus Magistris sui consentiant, id non ubique satis liquidum est, hinc sæpe ista certius definit lex positiva, & Romani quidem large satis istum consensum sunt

sunt interpretati, ut rigidior inde contra exercitores nascatur obligatio, quam interpretationem Romanam nec æquitati, nec publicae utilitati convenire censet *GROTIUS d. l. 2. c. II. n. 13.* sed nihil solidi, quo id probet, affert. Interim remissior interpretatio, qualis apud Hollandos viget, etiam reprehendi non debet, sed gaudent hac in parte leges positivæ moresque populorum aliqua libertate.

## TIT. II.

## DE LEGE RHODIA DE JACTU.

## OBSERV. CCCCXIII.

*Hic cavetur*) In casu verae necessitatis licitum esse res alienas perdere, ut tamen periculo ista ratione depulso, omnes, ad quos illud pertinuit, pro rata damnum ferre ac resarcire debeant, ex communi ratione patet. Lex Rhodia igitur nihil novi constituit, sed decreta illa naturalia, ad certum necessitatis casum, saltem applicavit, aut ex principiis illis generalibus, specialem conclusionem, ejus intuitu, elicit, quod in locis maritimis, similes leges etiam facere solent, *vid. HAHN ad Wesenb. b.*

## OBSERV. CCCCXIV.

*Ubi consideranda* (1) *Jactus*) Tria summatim spectari possunt: (1) *necessitas* (2) *quid in casu necessitatis liceat* (3) *quid eo depulso faciendum sit.* Per necessitatem hic intelligitur periculū naufragii, quod nobis & rebus nostris imminet, &, quo jura mox explicanda producat, requiritur, ut sit (1) *vera* i. e. vi fatali excitata, nam si per culpam alicujus, eadem producat, is solus ad damnum resarciendum tenebitur *n. 1. b.* (2) *communis*, nam aliàs de caeterorū obligatione quæri

nequit, (3) *rerum quarundam corruptione vel ejectione probabiliter depellenda*, alioquin enim frustraneum fuerit res ejicere, aut si rebus ejectis periculum non cesset, restitutio nulla erit facienda.

## OBSERV. CCCCXV.

*Objectum sunt merces n. 1. lit. O.*) Posita igitur necessitate, licitum est res quasdam ejicere, ut tamen, quantum fieri potest, regulæ prudentiæ observentur *d. lit. O.* nam licet aliàs res alias perdere, jure naturali prohibeatur, attamen cum illa ejectione, majus malum probabiliter depelli queat, hinc non immeritò præsumitur, obligationem legum naturalium hoc casu suspendi, adeo ut actus, aliàs prohibitus, licite suscipi queat, de quo alibi latius disseritur.

## OBSERV. CCCCXVI.

*Contributio*) Rebus ejectis, tertio quæritur, quid cæteros facere oporteat? Obligantur scilicet, ut æquali contributione damnum resarciant *n. 2. h.* licet enim, posito periculo, pati quis debeat, ut in salutem communem, res suæ ejiciantur, attamen ut is solus damnum ferat, nulla æquitatis specie postulari potest, sed illud potius omnibus pro rata bonorum, imponi debet, hinc ipse etiam læsus in partem damni venire debet. Cæterum ut illa obligatio se exferat, requisita necessitatis, *Obs 414.* memorata, attendi debent. *Fatalis* ergo necessitas requiritur, alias ille solus damnum resarciet, à cujus voluntate id dependet. Debet quoque esse *communis*, nam si quis proprio periculo res suas amiserit, is ab aliis, ex aliquo merito, nihil repetere potest, humanitas tamen ipsi succurrere jubet. Denique *hoc medio periculum depulsum sit*, oportet, aliàs enim ejectio cæteris nihil profuit, hinc



ex hoc capite obligari nequeunt, *n. z. b.* Positis autem requisitis, dubio procul omnes ad contributionem tenentur *lit. S.* quia in salutem omnium ejectio facta est, utque damni restitutio recte fiat, rerum amissarum & servatarum justa ineunda est æstimatio, *lit. O.* qua in re determinationes positivæ multum valere possunt.

## OBSERV. CCCCXVII.

*Petitur hac collatio actione locati*) Hæc redolent ambages processus Romani, nam aliàs certum est, quod læsus contra singulos habeat actionem efficacem, sed Romanis fere persuasum fuit, omnem actionem ex contractu esse repetendam. De cætero æquissimum est, ut servatæ merces tamdiu detineantur, donec læso satisfactum sit, nam aliàs vix damni restitutionem obtinebit, rebus enim per plures distractis, actio velut dissipatur, aut ob æstimationis, non facile deinceps ineundæ, defectum, inanis redditur.

## OBSERV. CCCCXVIII.

*Cessat hac contributio lit. C.*) Ut damni restitutio peti queat, damnum debet esse datum, hinc si res ejectæ recuperentur, dubio procul contribuendi necessitas vel cessat vel diminuitur. Quo fine autem *AUTOR* sibi objiciat *l. 43. §. pen. de furt.* non satis assequor, forte tamen hoc intendit, res ejectas haberi pro derelictis, adeoque earum dominium amitti, & consequenter æstimationem illarum esse præstandam. Verum esto, quod res ejectæ habeantur pro derelictis, (de quo tamen, juxta liberam philosophiam, adhuc dubitari potest,) illa tamen derelictio non absolute erit accipienda, certe eousque extendi non poterit,

ut rebus recuperatis ac à domino receptis, earum æstimationo nihilominus sit præstanda.

## OBSERV. CCCCXIX.

*Hæc contributio etiam locum habet lit. SS.)* De æquitate & extensione Legis Rhodiæ peculiarem conscripsit dissertationem *AUTOR*. Licet verò decisio, quam in casibus similibus suppeditant, non malè se habeat, quia tamen dispositio L. Rhodiæ saltem subsumptio quædam est, seu conclusio specialis, ex generali juris naturalis præcepto elicita, ideo id præjudicium, ex jure Romano haustum, redolet, quod in decidendis aliis casibus, non ad fontem, sed rivulum recurrant, quæ sane juris Romani nimia, ac in opprobrium velut legis naturalis, facta æstimationo censuram meretur.

## OBSERV. CCCCXX.

*Neque hic distinguendum, an quodammodo certum fuerit, dirutam domum nihilominus perituram nec ne)* Mihi tamen sic distinguendum esse videtur: vel *quis sine justa causa ædes diruit*, tum ad damnum farciendum tenetur, nisi forte, præter omnem intentionem, eò incendium pervenerit atque ita ædes nihilominus conflagrassent, tunc enim dolus fit inefficax l. 7. §. 4. *quod vi aut clam*. Vel ob *justam causam seu probabilem periculi metum*, hoc casu diruens indistincte, siue incendium eò pervenerit, siue non, ex facto suo, ad damni restitutionem non est obligatus, quod enim lege permittente fit, injustum non est, nec damni restitutionem operatur, l. 49. §. 1. *ad L. aquil.* qui textus sic optime componuntur. Licet autem diruens hoc, & aliquando, præcedenti casu non teneatur, alii tamen est cunctio, annon alii

damnum resarcire cogantur, ubi distinguendum erit, utrum ille, *cujus culpa incendium est exortum, sit solvendo*, hic omne damnum, quod vel incendium dedit, vel ejus extinguendi causa factum est, resarcire cogetur, *an solvendo non sit*, tum vicini, in quorum commodum ædes sunt destructæ, damnum restituere debent, si modo incendium aliàs probabiliter ædes destructas non consumsisset, quia enim tum destructio fuit medium cæteras conservandi, merito illi, quorum ædes servatæ, juxta consueta necessitatis jura, ad damni restitutionem erunt obligati, si vero, incendio latius evagante, nihilominus ædes illæ periissent, obligatio illa cessabit, damnum enim illud non tam ad aliorum utilitatem factum, quam potius fatale, & incendio datum, censeri debet, hinc nulla apparet ratio, quare alii fortuitum damnum luere debeant, ut hactenus omnino, secus ac sentit *AUTOR*, distinctio illa attendenda sit.

2. Cæterum, ut dicam, quod sentiam, jura illa per speculationem quidem ita possunt supponi, sed quoad applicationem, vix habebunt usum. Nam quod attinet obligationem destructoris, non facile ad liquidum satis deduci poterit, utrum justa, an injusta causa ædes destruxerit, sine hoc autem obligatio ejus non habebit effectum. Porro quod concernit eum, cujus facto incendium est exortum, uti sæpe de hoc plane non constat, adeoque de ejus obligatione quæri nequit, ita quando satis certus est, ut plurimum tamen restituendo tam gravi damno impar est, hinc obligatio & actio est inanis. Denique nec quoad vicinos facile quis expediet, in quorum utilitatem præcise destructio ædium cesserit, quare nec constabit,

bit, tum quoniam sunt obligati, tum quantum singuli præstare debeant, hinc etiam experientia testatur, quod illi, quibus vel incendium, vel ejus occasione, aliorum hominum factum, damnum dedit, ut plurimum soli illud ferre cogantur, nisi fors amicorum humanitas ultroneo beneficio malum levaverit. Laudandæ igitur sunt ordinationes nonnullorum locorum, qui ejusmodi mala toti universitati imponunt ejusque membra ad aliquem damni emendationem obligant.

## TIT. III.

## DE INSTITORIA ACTIONE.

## OBSERV. CCCCXXI.

**I**nstitor est) Neque hic peculiaris contractus aut actio proponitur, sed solum docetur, quod ex contractu ejus, qui negotiationi terrestri præpositus est, is etiam teneatur, qui eum præposuit; quæ doctrina plane convenit cum illa, quam tit. i. vidimus, sive spectemus decreta naturalia, sive otiosas fori Romanambages. Nos brevi applicatione & fundamenta & utriusque doctrinæ convenientiam monstrabimus. Primo igitur expenditur *Institoris constitutio lit. D. C. S. P. O.* Deinde *contractuum ab institore initorum effectus*, hic respicit vel *Institorem*, qui agere & conveniri potest *lit. E.* vel *Præponentem*, qui *convenitur in solidum* actione institoria, quæ est ipsa actio ex contractu, daturque ob consensum *lit. D. C. S. P. O.* hinc accurate inquirendum, quousque dominus consenserit. In specie ex hoc fundamento judicandum, an institor literas cambii acceptare vel domini loco

cas dare queat. Porro etiam ex contractu institoris, *contra alios agere potest* præponens, licet Romani per ambages hic iterum inceserint *lit. E. vid. Observ. 410.*

## OBSERV. CCCCXXII.

*Affirmans aliquem institorem esse, hoc probet lit. C.)*  
Sed potest etiam quis per quasi contractum negotiorum gestionis, atque ita per consensum præsumtum, institor fieri, hinc ejus constitutio præsumetur, nec probanda erit! quod, nisi fallor, *AUTOR* vult ex objecta *l. i. b. t.* Verum si quis, sine prævio domini consensu, alterius negotiationi se offerat, tum inter ipsum & dominum quidem ob administrationem nascitur obligatio & hætenus juxta hypotheses juris Romani, quasi contractus seu consensus præsumtus adest, quo respectu is etiam in *d. l. i.* asseritur. Sed ut ex tali administratione, dominus inscius extraneis etiam obligetur, id quidem nulla æquitas permittit, hinc etiam hoc respectu nullus quasi contractus aut consensus præsumtus asseri potest. Breviter: adest consensus præsumtus ratione *gestoris & domini*, non etiam *domini & extranei*, hinc nisi hic constitutionem probet, nihil obtiner.

## TIT. IV.

## DE ACTIONE TRIBUTORIA.

## OBSERV. CCCCXXIII.

**E**X *contractibus servorum*) Sex casus in jure civili occurrunt, in quibus actiones adjectivæ qualitatis, quas vocant, moventur, quarum fundamenta *AUTOR* summatim hic exhibet. Paulo clarius forte sic dici poterit: Ex contractibus servorum vel filiorumfam. actio contra dominos & patres datur

pus se pro dominis gesserint, ut verus dominus illud probabiliter rescire potuerit. Interim cum res commodata ad breve tempus soleat concedi, deposita verò semper repeti possit, ideò de præscriptione harum actionum raro quæritur, *conf. THOMAS. in not. ad Huber. d. l.*

## OBSERV. CCCCIX.

*Actio pignoratitia contraria*) Obligatio debitoris itidem naturalis est, vel enim ideo tenetur, quod creditori sua voluntate damnum dederit, vel quod hic in illum utilitatem aliquam contulerit, quam quidem recte æstimare par erit. Doctrina igitur Romana communia decreta saltem exhibet eademque confirmat.

## LIB. XIV. TIT. I.

## DE EXERCITORIA ACTIONE.

## OBSERV. CCCCX.

*Actio exercitoria*) Sub hoc nomine neque peculiaris contractus, neque actio proponitur, sed ostenditur saltem, quod actio ex contractu Magistri navis, contra Præponentem detur, quæ tota doctrina iterum naturalis est, Romani tamen ei, more suo, emblemata fori sui affricarunt. Summatim duo spectari possunt, (1) *quomodo fiat, ut Magister navis, Exercitorem in contrahendo repræsentet?* Fit scilicet illud per *consensum*, qui quoad Patrem & filium, dominum & servum, nomen suum generale retinet, quoad personas verò liberas, in peculiarem abit contractum, & possunt huc referri, quæ *lit. 3. de constitutione Institoris* dicuntur; (2) *Effectus contractuum à*

Ma.

*Magistro navis celebratorum*, quæ consideratio tum officium *Magistri contrahentis*, tum *Exercitoris consentientis* continet.

2. Magister navis, si sit homo liber, durante officio, ex contractibus suis agere & conveniri potest, non ut inde ipse aliquid lucretur, vel damnum sentiat, sed ut saltem massæ negotiationis res debitas inferat, vel ex illa has præstet, secundum ea, quæ *ALLTOR Tit. 3. lit. E.* proposuit, nam illa quoque, mutatis mutandis, huc pertinent.

3. Exercitor consentiens ex illis contractibus potest (1) *conveniri in solidum*. Actio, quæ contra eum instituitur est illa ipsa, quæ ex contractu Magistri descendit, nempe emti, locati mutui &c. prout hic vel ille contractus celebratus est. A Romanis insuper novo nomine illa fuit donata, ut *Actio Exercitoria* audiat *lit. D. N.* Nihil amplius igitur, quam *nomen* & forte *peculiaris agendi formula*, accessit, in quæ *adjectitia qualitas*, quam hic sibi imaginantur interpretes, resolvitur. Datur autem actio contra Exercitorem ob *consensum*, quod Romani, sed per otiosas ambages, quæ hodie nullius usus, agnoverunt *lit. C.* Accurate igitur inquirendum, quousque Exercitor consenserit, quod bene explicatur *d. lit. C. n. 1. 2. 3.* Posito consensu, contrahentes *lit. S.* ab Exercitoribus *lit. P.* res debitas *lit. O.* petunt. Cum verò etiam de jure civili agnoverint, nomine exercitoria actionis opus non est, *d. lit. O.* multo magis hodie illud negligi poterit. Nihil tamen impedit, quo minus id, velut rem innoxiam etiam retineamus, modo per id falsos conceptus nobis ingenerari, aut à solida hujus rei cognitione nos abduci non patiamur, quem

quem sane effectum illa nomina apud multos habent; (2) *in solidum quoque agere*, nam in contractus non tantum ratione oneris, sed & commodi consensit. Licet vero Romani hoc negare videantur *lit. O. verbis: Exercitores vero*, attamen non tam simpliciter negant, quam potius ineptas molliuntur ambages, dum vel cessionem requirunt, vel utilem saltem actionem admittunt, cum enim domino Procuratoris actiones utiles active & passive concedant *l. 13. §. 25. de A. E. V.* exercitori omnem actionem eos negasse probabile non est. Hodie istis ambagibus opus non esse, sed exercitorem, modo doceat (quod ad factum pertinet) contrahentem suum fuisse Magistrum, eumque juxta leges præpositionis contraxisse, agere posse, plane arbitror.

## OBSERV. CCCCXI.

*Licet Magister pecuniam alio vertat lit. O. in fin.)* Obligatio domini hic non resultat ex versione actuali vel collata utilitate, sed ex ejus expresso consensu. Circumstantiæ vero, quarum hic meminit *AUTOR*, non alio fine attenduntur, quam ut constet, contractum mutui à Magistro navis celebratum, habere rationem medii, ad finem principalem ducentis, adeoque sub mandati Exercitoris contineri, hoc igitur si circumstantiæ memoratæ insinuent, satis est, bene an male pecuniam accipiens collocaverit, hactenus nihil refert.

## OBSERV. CCCCXII.

*Apud Hollandos lit. P.)* Quousq; Exercitores in contractus Magistri sui consentiant, id non ubique satis liquidum est, hinc sæpe ista certius definit lex positiva, & Romani quidem large satis istum consensum sunt



sunt interpretati, ut rigidior inde contra exercitores nascatur obligatio, quam interpretationem Romanam nec aequitati, nec publicae utilitati convenire censet *GROTIUS d. l. 2. c. 11. n. 13.* sed nihil solidi, quo id probet, affert. Interim remissior interpretatio, qualis apud Hollandos viget, etiam reprehendi non debet, sed gaudent hac in parte leges positivae moresque populorum aliqua libertate.

## TIT. II.

## DE LEGE RHODIA DE JACTU.

## OBSERV. CCCCXIII.

*Hic cavetur*) In casu verae necessitatis licitum esse res alienas perdere, ut tamen periculo ista ratione depulso, omnes, ad quos illud pertinuit, pro rata damnum ferre ac resarcire debeant, ex communi ratione patet. Lex Rhodia igitur nihil novi constituit, sed decreta illa naturalia, ad certum necessitatis casum, saltem applicavit, aut ex principiis illis generalibus, specialem conclusionem, ejus intuitu, elicit, quod in locis maritimis, similes leges etiam facere solent, *vid. HAHN ad Wesenb. b.*

## OBSERV. CCCCXIV.

*Ubi consideranda* (1) *Jactus*) Tria summatim spectari possunt: (1) *necessitas* (2) *quid in casu necessitatis liceat* (3) *quid eo depulso faciendum sit.* Per necessitatem hic intelligitur periculum naufragii, quod nobis & rebus nostris imminet, &, quo jura mox explicanda producat, requiritur, ut sit (1) *vera* i. e. vi fatali excitata, nam si per culpam alicujus, eadem producat, is solus ad damnum resarciendum tenebitur *n. 1. b.* (2) *communis*, nam alias de caeterorum obligatione quaeri

nequit, (3) *rerum quarundam corruptione vel ejectione probabiliter depellenda*, alioquin enim frustraneum fuerit res ejicere, aut si rebus ejectis periculum non cesset, restitutio nulla erit facienda.

## OBSERV. CCCCXV.

*Objectum sunt merces n. 1. lit. O.*) Posita igitur necessitate, licitum est res quasdam ejicere, ut tamen, quantum fieri potest, regulæ prudentiæ observentur *d. lit. O.* nam licet aliàs res alias perdere, jure naturali prohibeatur, attamen cum illa ejectione, majus malum probabiliter depelli queat, hinc non immeritò præsumitur, obligationem legum naturalium hoc casu suspendi, adeo ut actus, aliàs prohibitus, licite suscipi queat, de quo alibi latius disseritur.

## OBSERV. CCCCXVI.

*Contributio*) Rebus ejectis, tertio quæritur, quid cæteros facere oporteat? Obligantur scilicet, ut æquali contributione damnum resarciant *n. 2. h.* licet enim, posito periculo, pati quis debeat, ut in salutem communem, res suæ ejiciantur, attamen ut is solus damnum ferat, nulla æquitatis specie postulari potest, sed illud potius omnibus pro rata bonorum, imponi debet, hinc ipse etiam læsus in partem damni venire debet. Cæterum ut illa obligatio se exferat, requisita necessitatis, *Obs 414.* memorata, attendi debent. *Fatalis* ergo necessitas requiritur, alias ille solus damnum resarciet, à cujus voluntate id dependet. Debet quoque esse *communis*, nam si quis proprio periculo res suas amiserit, is ab aliis, ex aliquo merito, nihil repetere potest, humanitas tamen ipsi succurrere jubet. Denique *hoc medio periculum depulsum sit*, oportet, aliàs enim ejectio cæteris nihil profuit, hinc

ex hoc capite obligari nequeunt, *n. z. b.* Positis autem requisitis, dubio procul omnes ad contributionem tenentur *lit. S.* quia in salutem omnium ejectio facta est, utque damni restitutio recte fiat, rerum amissarum & servatarum justa ineunda est æstimatio, *lit. O.* qua in re determinationes positivæ multum valere possunt.

## OBSERV. CCCCXVII.

*Petitur hac collatio actione locati*) Hæc redolent ambages processus Romani, nam aliàs certum est, quod læsus contra singulos habeat actionem efficacem, sed Romanis fere persuasum fuit, omnem actionem ex contractu esse repetendam. De cætero æquissimum est, ut servatæ merces tamdiu detineantur, donec læso satisfactum sit, nam aliàs vix damni restitutionem obtinebit, rebus enim per plures distractis, actio velut dissipatur, aut ob æstimationis, non facile deinceps ineundæ, defectum, inanis redditur.

## OBSERV. CCCCXVIII.

*Cessat hac contributio lit. C.*) Ut damni restitutio peti queat, damnum debet esse datum, hinc si res ejectæ recuperentur, dubio procul contribuendi necessitas vel cessat vel diminuitur. Quo fine autem *AUTOR* sibi objiciat *l. 43. §. pen. de furt.* non satis assequor, forte tamen hoc intendit, res ejectas haberi pro derelictis, adeoque earum dominium amitti, & consequenter æstimationem illarum esse præstandam. Verum esto, quod res ejectæ habeantur pro derelictis, (de quo tamen, juxta liberam philosophiam, adhuc dubitari potest,) illa tamen derelictio non absolute erit accipienda, certe consueque extendi non poterit,

ut rebus recuperatis ac à domino receptis, earum æstimatione nihilominus sit præstanda.

OBSERV. CCCCXIX.

*Hæc contributio etiam locum habet lit. SS.)* De æquitate & extensione Legis Rhodiæ peculiarem conscripsit dissertationem *AUTOR*. Licet verò decisio, quam in casibus similibus suppeditant, non malè se habeat, quia tamen dispositio L. Rhodiæ saltem subsumptio quædam est, seu conclusio specialis, ex generali juris naturalis præcepto elicita, ideo id præjudicium, ex jure Romano haustum, redolet, quod in decidendis aliis casibus, non ad fontem, sed rivulum recurrant, quæ sane juris Romani nimia, ac in opprobrium velut legis naturalis, facta æstimatio censuram meretur.

OBSERV. CCCCXX.

*Neque hic distinguendum, an quodammodo certum fuerit, dirutam domum nihilominus perituram nec ne)* Mihi tamen sic distinguendum esse videtur: vel *quis sine justa causa ædes diruit*, tum ad damnum faciendum tenetur, nisi forte, præter omnem intentionem, eò incendium pervenerit atque ita ædes nihilominus conflagrassent, tunc enim dolus fit inefficax l. 7. §. 4. *quod vi aut clam*. Vel ob *justam causam seu probabilem periculi metum*, hoc calu diruens indistincte, sive incendium eò pervenerit, sive non, ex facto suo, ad damni restitutionem non est obligatus, quod enim lege permittente fit, injustum non est, nec damni restitutionem operatur, l. 49. §. 1. *ad L. aquil.* qui textus sic optime componuntur. Licet autem diruens hoc, & aliquando, præcedenti causa non teneatur, alia tamen est curatio, annon alii

damnum refarcire cogantur, ubi distinguendum erit, utrum ille, *cujus culpa incendium est exortum, sit solvendo*, hic omne damnum, quod vel incendium dedit, vel ejus extinguendi causa factum est, refarcire cogetur, *an solvendo non sit*, tum vicini, in quorum commodum ædes sunt destructæ, damnum restituere debent, si modo incendium aliàs probabiliter ædes destructas non consumsisset, quia enim tum destructio fuit medium cæteras conservandi, merito illi, quorum ædes servatæ, juxta consueta necessitatis jura, ad damni restitutionem erunt obligati, si vero, incendio latius evagante, nihilominus ædes illæ periissent, obligatio illa cessabit, damnum enim illud non tam ad aliorum utilitatem factum, quam potius fatale, & incendio datum, censi debet, hinc nulla apparet ratio, quare alii fortuitum damnum luere debeant, ut hactenus omnino, secus ac sentit *AUTOR*, distinctio illa attendenda sit.

2. Cæterum, ut dicam, quod sentiam, jura illa per speculationem quidem ita possunt supponi, sed quoad applicationem, vix habebunt usum. Nam quod attinet obligationem destructoris, non facile ad liquidum satis deduci poterit, utrum justa, an injusta causa ædes destruxerit, sine hoc autem obligatio ejus non habebit effectum. Porro quod concernit eum, cujus facto incendium est exortum, uti sæpe de hoc plane non constat, adeoque de ejus obligatione quæri nequit, ita quando satis certus est, ut plurimum tamen restituendo tam gravi damno impar est, hinc obligatio & actio est inanis. Denique nec quoad vicinos facile quis expediet, in quorum utilitatem præcise destructio ædium cesserit, quare nec consta-

bit, tum quoniam sunt obligati, tum quantum singuli præstare debeant, hinc etiam experientia testatur, quod illi, quibus vel incendium, vel ejus occasione, aliorum hominum factum, damnum dedit, ut plurimum soli illud ferre cogantur, nisi fors amicorum humanitas ultroneo beneficio malum levaverit. Laudandæ igitur sunt ordinationes nonnullorum locorum, qui ejusmodi mala toti universitati imponunt ejusque membra ad aliquem damni emendationem obligant.

### TIT. III.

## DE INSTITORIA ACTIONE.

### OBSERV. CCCCXXI.

**I**nstitore est) Neque hic peculiaris contractus aut actio proponitur, sed solum docetur, quod ex contractu ejus, qui negotiationi terrestri præpositus est, is etiam teneatur, qui eum præposuit; quæ doctrina plane convenit cum illa, quam tit. 1. vidimus, sive spectemus decreta naturalia, sive otiosas fori Romanambages. Nos brevi applicatione & fundamenta & utriusque doctrinæ convenientiam monstrabimus. Primo igitur expenditur *Institoris constitutio lit. D. C. S. P. O.* Deinde *contractuum ab institute initorum effectus*, hic respicit vel *Institute*, qui agere & conveniri potest *lit. E.* vel *Præponentem*, qui *convenitur in solidum* actione institoria, quæ est ipsa actio ex contractu, daturque ob consensum *lit. D. C. S. P. O.* hinc accurate inquirendum, quousque dominus consenserit. In specie ex hoc fundamento judicandum, an institutor literas cambii acceptare vel domini loco

cas dare queat. Porro etiam ex contractu institoris, *contra alios agere potest* præponens, licet Romani per ambages hic iterum incesserint *lit. E. vid. Observ. 410.*

## OBSERV. CCCCXXII.

*Affirmans aliquem institorem esse, hoc probet lit. C.)*

Sed potest etiam quis per quasi contractum negotiorum gestionis, atque ita per consensum præsumtum, institor fieri, hinc ejus constitutio præsumetur, nec probanda erit! quod, nisi fallor, *AUTOR* vult ex objecta *l. i. b. t.* Verum si quis, sine prævio domini consensu, alterius negotiationi se offerat, tum inter ipsum & dominum quidem ob administrationem nascitur obligatio & hætenus juxta hypothesen juris Romani, quasi contractus seu consensus præsumtus adest, quo respectu is etiam in *d. l. i.* asseritur. Sed ut ex tali administratione, dominus inscius extraneis etiam obligetur, id quidem nulla æquitas permittit, hinc etiam hoc respectu nullus quasi contractus aut consensus præsumtus asseri potest. Breviter: adest consensus præsumtus ratione *gestoris & domini*, non etiam *domini & extranei*, hinc nisi hic constitutionem probet, nihil obtinet.

## TIT. IV.

## DE ACTIONE TRIBUTORIA.

## OBSERV. CCCCXXIII.

**E**X *contractibus servorum*) Sex casus in jure civili occurrunt, in quibus actiones adjectivæ qualitatis, quas vocant, moventur, quarum fundamenta *AUTOR* summatim hic exhibet. Paulo clarius forte sic dici poterit: Ex contractibus servorum vel filiorumfam. actio contra dominos & patres datur

vel ob *utilitatem*, tum actio induit nomen actionis de in rem verso, nec opus est, ut consensum præsumentum asseramus, nam sive velint, sive nolint, collata utilitas sufficit, ut actio ex contractu veniens, contra ipsos intentari queat; vel ob *consensum*, hic est vel *specialis*, quo contractus in specie suscipi jubetur, tum actio, sub nomine actionis quod iussu, se exserit, vel *generalis*, qui declaratur vel *præponendo* negotiationi maritimæ, unde exercitoria actionis, aut terrestri, hinc institoria actionis nomen innotuit, vel *concedendo patrimonium* seu *peculium*, hæc concessio est vel *simplex*, ob hanc actio contractus sub nomine actionis de peculio movetur, vel *cum scientia negotiationis filialis aut servilis conjuncta*, tum obtinet actio tributoria.

## OBSERV. CCCCXXIV.

*Ob quam datur actio tributoria*) Quando dominus servo peculium, vel Pater filio peculium profectitium concesserant, ac sciebant, quod servus aut filius in mercibus peculiaribus negotiarentur, tum creditoribus eatenus tenebantur, ut merces illas peculiare inter se & creditores distribuerent, ita quidem, ut ipsis jus deducendi illud, quod servis aut filiis fam. crediderant, non competeret, sed peculio omnibus non sufficiente, in partem damni venire, seu pro rata aliquid de suis debitis amittere cogerentur; sic enim consensum, quo concedendo peculium & permittendo negotiationem, in contractus censebatur consensisse, explicabat Prætor Romanus. Quod si inique distribuissent, tum ad emendandam illam iniquitatem erant quoque obligati.

2. Sed



2. Sed illud quæritur, an *actione tributoria*, seu potius *actione ex contractu*, sub hoc nomine movenda, utrumque, *distributio* inquam & *distributionis* dolose emendatio, fuerit petitum? Negat hoc *AUTOR*, putatque, quod emendatio *distributionis* iniquæ hac actione saltem fuerit petita, *lit. D. N. C. S. P. O.* cujus sententiæ etiam alii sunt, ut *BACHOVIIUS*, *WISSENBACKIUS* & *HUBERUS*, censentes, *distributionem* ipsam autoritate Prætoris summario brevique processu fuisse peractam. Sed hæc sententia ab omni verisimilitudine videtur aliena, hinc omnino quæstionem affirmandam, ac primario ipsam *distributionem*, deinde vero *ejus emendationem*, si acciderit iniquitas, hac actione petitam fuisse censeo, *vid. HAHN ad Wesenbec. b. t.*

3. Nam (1) actio tributoria & de peculio elective concurrere dicitur, §. 5. *J. quod cum ei qui. l. ii. ff. b. t.* jam sicut actio de peculio ad divisionem debiti que solutionem tendit, ita actionem tributariam ad eundem quoque finem tendere, vi asserti illius concursus, dicendum est. (2) quis credat, in casu simplicis concessionis, & ubi domino vel Patri jus deducendi debita propria competiit, creditores sua debita ordinario processu, instituta scilicet, sub nomine actionis de peculio, actione ex contractu, petiisse, sed in casu scientiæ dominicæ vel paternæ ac deficientis privilegii deductionis, eos levato velo processisse, ac sine actione ordinaria *distributionem* statim obtinuisse, cum tamen circumstantia scientiæ sæpe probatu videatur fuisse difficilis? Hinc (3) probabilius est, creditores plerumque duplicem intentionem, ut dominus vel sine, vel cum deductione solvat, ob difficul-

tatem probandi, conjunxisse, ac prout deinceps scientia domini vel Patris probata fuit vel non, ita etiam litem diversum habuisse exitum. Quodsi, cessante privilegio deductionis, Pater vel dominus latebras quærat, ac per indirectum iniqua distributione obtinere conetur, quod directo consequi ipsi non licebat, tum denuo ad distributionis iniquæ correctionem agitur; Nec obsunt huic sententiæ (4) textus oppositi, nam *l. 7. §. 2. b. t.* positive saltem dicit, quod ad corrigendam distributionem dolosam actio tributoria detur, de quo non controvertitur, *l. fin. b. t.* majorem quidem videtur causari difficultatem in verbis: *tributoria actione tunc demum agi potest, cum dominus, in distribuendo pretio mercis, Edicto Pratoris non satisfecit*, sed cum vel in initio *d. l.* doceatur, quod perinde tributoria ad divisionem agi soleat, ac actione de peculio, nec ista agendi ratio reprehendatur, hinc dicendum est, quod verba sequentia non præcise definiant casum tributorie instituendæ, sed designent solum tempus, quo ratione modi dividendi agendum sit, ut sententia eo redeat; si agatur ad divisionem debitique consecutionem, arbitrium dividendi hætenus domino vel patri erit relinquendum, aut si ex postfacto iniqua distributio appareat, tunc demum dividendi modus, actione tributoria impugnari poterit. Sed his pluribus immorari, forte operæ pretium non est.

## OBSERV. CCCCXXV.

*Quod Doctores etiam ad liberi hominis negotiationes extendunt lit. O.)* Sed illa extensio legulejos arguit conceptus, non enim ex conclusione speciali, sed ex principio generali similes decisiones sunt repeten-

rendæ, hinc si homo liber plures exerceat negotiationes, singularumque intuitu peculiares habeat creditores, tum manifesta æquitas separationem bonorum imperat, aut, si jam separata sint, conjungi prohibet, iniquum enim foret, si alterius negligentia jus aliorum, propriâ vigilantia quæsitum, immi-  
nueret, nulla itaque cogit necessitas, ut ex hoc titulo auxilium quæramus.

## TIT. V.

QUOD CUM EO, QUI IN  
ALIENA POTESTATE EST, NE-  
GOTIUM GESTUM ESSE  
DICITUR.

## OBSERV. CCCXXVI.

**E**t *filiusfam. suo nomine*) Expenditur hic generatim effectus contractuum à filiofam. celebratorum quoad ipsum contrahentem. Interest scilicet, utrum *ut institor similisve administrator rerum paternarum contraxerit*, tum non aliter tenetur, quam quousque illa qualitas durat, ut *heres* tamen Patris, dubio procul obligabitur, an *ut filiusfamilias*, hoc casu obligatur in solidum, quia & homo liber est, & suo nomine contraxit, nec videtur aliquid interesse, an peculium profectitium habeat nec ne, modò dolo se ad contrahendum non fuerit inductus. Quia tamen spe futuræ hereditatis paternæ se obligavit, ideo si ex illis nihil vel modicum accipiat, æquum videtur, ut executio temperetur, atque hoc magis definiverunt leges Romanæ, concedendo *beneficium Competentiæ*, quod si tamen longius tempus

à morte Patris elapsum sit, filiusque sat locuples deprehendatur, in solidum arbitrio judicis condemnari potest, *l. 4. §. 4. b. t.* nec dubitem, quin idem obtineat, si quovis tempore solvendo sit.

OBSERV. CCCCXXVII.

*De hodierno jure*) Cum hodie quoque filii fam. sint sub patria potestate, ac bonis propriis regulariter destituantur, non videtur dubitandum, quin dispositio Romana hodie quoque sit in usu. Hoc tamen forte diffidendum non est, jus Romanum præcipue pertinuisse ad filios fam. peculio profectio instructos, quales hodie raro occurrunt.

TIT. VI.

## DE SENATUS CONSULTO MACEDONIANO.

OBSERV. CCCCXXVIII.

**H***Oc Sctum est jus*) Licet filii fam. ex suis contrahibus, & posito imputationis fundamento, Patres eorum quoque inde obligentur, attamen publicæ utilitatis ratio Romanis exegisse visa est, ut, quoad mutuum pecuniæ, limitatio adderetur, hinc *Sctum Macedonianum prodit*. Totus igitur hic titulus est de sensu *legis positivæ*, qui juxta solennes quæstiones traditur, de quibus multa dicere non attinet, cum passim ab interpretibus illa explicantur. Interim usus juris Romani hac in parte omnino agnoscendus est.

OBSERV. CCCCXXIX.

*Quod hodie secus lit. O. n. 2.*) Si Pater sit apud hostes, tum non opus est, ut Scti causam in pendentem esse dicamus, cum simpliciter filius exceptione uti queat, nam Pater captus regulariter non sit servus hostium,  
cum

cum illa servitus inter Christianos cesset, quod si autem ab infidelibus captus sit, non eò magis suspensione illi opus erit, licet enim apud ipsos hostes pro servo habeatur, attamen apud nos ille saltem *absentis* loco habetur, est enim illa impositio hostium à sola lege civili, quæ extra territorium obligare nequit, nam ineptam illam Romanorum de aliquo jure Gentium persuasionem, ac hinc ortas, non minus insulas juris postliminii & Legis Cornelie fictiones à Germanis esse receptas, nulla probabili ratione asseri potest, de quo alibi iterum agemus.

## OBSERV. CCCXXX.

*Patribus non obstante l. i. C. ne fil. pro patr. Lit. E.S.)* Videtur quidem in dicto textu asseri, quasi Patres ex mutuo peculiotenus teneantur, sed potest etiam textus commodè sic explicari, ut *regulam cum duplici exceptione* exhibeat, qua explicatione posita, nihil obest. Res fiet clarior, si cum brevi paraphrasi illum sistamus: *Neque ex (contractu) ejus, quem in potestate habet,* (addamus verba, quæ paulo post sequuntur) *amplius quam de peculio actionem sustinere cogitur,* (hæc est regula de obligatione Patris) *si sine ejus jussu contractum est,* (hæc prima est exceptio, nam hoc casu Pater tenetur in solidum) *neque si contra SCtum Macedonianum mutua pecunia data est,* (hoc casu plane non tenetur, hinc oritur altera exceptio, quæ planior fit, si particulam *si* omittas, quæ aliàs suspecta est. *vid. BRUNNEMAN. ad d. l. i.*) De cætero hodie Pater rarò opus habere videtur exceptione SCti Macedoniani, præsupponit enim filios fam. peculia profectitia possidentes, quales hodie rarò occurrunt. Sepositis autem pecuniis, neque ex mutuo

mutuo, neque ullo alio contractu filii, jure communi Pater tenetur, nisi jussus, aut versio in ejus utilitatem, accesserit, deficit enim imputationis fundamentum, nec adeò indiget auxilio S<sup>c</sup>ti Macedoniani.

## OBSERV. CCCCXXXI.

*Non etiam renunciatione, licet jurata, etiam de jure Canonico & secundum conscientiam*) Ratio hujus asserti forte ita reddenda: S<sup>c</sup>tum non prohibuit quidem mutuum, hinc licite illud reddi potest, prohibuit tamen, in odium feneratorum, violentam exactionem, hinc omnia illa media, quibus efficaciter filiumfam. adstringere voluit fenerator, improbat, eademque, ob utilitatem publicam nomine quasi & consensu feneratoris, remittit ac tollit, quo posito, solutionem recte negat filiusfam. nec tamen ejus conscientiam, vel obligatio naturalis, vel renunciatio, vel juramentum turbare potest, cum illa omnia, non secus ac si ipse fenerator id suo consensu fecisset, autoritate publica sublata sint, si cui tamen illa non sufficiant eximendo scrupulo, is recte ager, si mutuum reddat, quia in genere hoc licet.

## LIB. XV. TIT. I.

## DE PECULIO.

## OBSERV. CCCCXXXII.

**H***ic est quasi patrimonium*) Quemadmodum patria potestas maximam partem est ex jure civili, ita apud Romanos eam satis fuisse ab initio rigidam, nec valde à potestare dominica diversam, notum est. In specie utriusque potestatis effectus erat, ne servi & filiusfam. proprii quid haberent, sed solum ex  
con-

concessione dominorum & Patrum precariâ, nonnunquam res quasdam, à rationibus dominicis & paternis distinctas, possiderent, quæ *Peculii* nomine veniebant. Rigor ille semper manfit quoad servos, hinc vel nihil, vel peculia uniformia saltem tenebant. Sed quoad liberos, moribus, ut videtur, magis mitescens, multum remissus est, hinc varietas Peculiorum existit, quicquid enim liberis occasione militiæ vel sagatæ vel togatæ obveniebat, illud pleno jure illi acquirebant ac ad exemplum Patrumfam. libere illud administrabant, hinc exortum *peculium militare* seu *castrense* & *Quasicastrense*. Amplius quicquid citra militiam, nec ex re patris, ipsis acquirebatur, ejus proprietas ad liberos, ususfructus vero ad Patrem spectabat, hinc enatum est *Peculium adventitium regulare*, successu tamen temporis vel lege, vel voluntate relinquentium, in certis casibus ususfructus Patri ademptus, hinc *Adventitium irregulare* innotuit. Quodsi vero vel ex re Patris, sine consideratione militiæ vel meritorum, aut Ejus occasione, liberis aliquid obveniat, illud in totum, juxta rigorem juris antiqui, ad Patrem pertinet nomenque *peculii profectitii* gerit, quæ omnia latius *AUTOR* persequitur, nobis vero fundamenta indicasse satis est.

## OBSERV. CCCCXXXIII.

*Ususfructus legitima, liberis necessario relinquenda, patri non potest adimi*) Contrarium verius videtur, nam (1) pro libertate Matris est præsumptio; (2) cum legitima sit debitum legale, quod regulariter ad liberos pertinere volunt leges, hinc ea Matris intentio quam proxime ad legum mentem accedere videtur,

tur, quæ vult, ut quam plenissime liberi hac portione sua potiantur. Amplius si (3) mater liberos potest instituere sub conditione, *si Pater eos emancipaverit, l. 25. C. de inoffic. testam.* atque hac ratione huic usufructum subtrahere, cur non etiam directè idem ei facere liceat? Sed non opus est, ut rationes afferamus, cum dissentientibus (4) probatio incumbat, hos enim probare oportet, matris libertatem heic esse restrictam, huic vero probando non sufficit *d. Nov. 117. c. 1.* neque enim, ut dissentientes eam accipiunt, in eâ legitima & cætera bona comparantur intuitu usufructus paterni, ac matri, illius respectu, facultas adimendi negatur, horum verò asseritur, sed potius conferuntur saltem ratione *liberioris dispositionis quoad liberos*, hoc sensu: *legitima necessario liberis est relinquenda, sed cætera bona ipsis pro libitu matris possunt dari & non dari.* Patet illud comparationis *Tertium*, & consequenter nostræ explicationis veritas ex rubrica: *ut liceat matri & avia, & aliis parentibus, post legitimam partem liberis derelictam, quomodo voluerint, residuam facultatem suam disponere.* Porro id patet ex *c. 1. sancimus igitur, licentiam esse & matri & avia aliisque parentibus, postquam reliquerint filiis partem, quæ lege debetur, quod reliquum est sue substantiæ sive in solidum &c.* hæc inquam satis liquido ostendunt, Justiniano in mentem non venisse, legitimam & cætera bona comparare ratione usufructus paterni, sed Eum hoc saltem egisse, ut, quid matri, liberorum intuitu, eo respectu liceat nec ne, ostenderet. Postquam adeo hoc discrimen asseruerat, deinde in verbis sequentibus *d. c. 1. libertatem matris, quoad cætera bona, positivè amplius declarat,*  
in-



inter alia adjiciens, posse etiam matrem Patri usumfructum in iis adimere, quo ipso non negatur, quin idem quoad Legitimam fieri queat, quia, ut hactenus probavimus, hoc respectu nulla est facta comparatio, hinc etiam verba sequentia: *Hæc enim & extraneis relinquere poterant, unde nulla parentibus utilitas nasceretur*, non ita sunt accipienda, quasi describant bona, in quibus ususfructus Patri possit adimi, sed potius libertatem matris positive declarare, Patrique querendi causam adimere, censenda sunt. Atque hæc sententia in quibusdã dicasteriis etiam probata est, *vid. BERLICH. Dec. 137. MEV. p. 7. Decis. 356.* quamvis novissime sententiam *AUTORI* hic probatam etiam tueatur *Dn. BERGER. in resolut. h. qu. 2.*

## OBSERV. CCCCXXXIV.

*Idem dicendum de muneribus Patrinorum*) Hæc sententia parum probabilis est, nam Pater quidem consideratur, sed saltem, ut status seu conditio infantis ejus persona judicetur, non autem, ut ei donetur. Alii pecuniam lustricam peculio quasi castrensi accensent, cum occasione baptismi, velut spiritualis militiæ, liberis obveniat, sed & hoc contortum est, nam ad actum illum sacrum pecunia non pertinet, sed in memoriam, ac nonnunquam quale quale auxilium, saltem datur. Est igitur maxime probabilis sententia, quæ illa munera peculio adventitio annumerat, quamvis, an ususfructus Patri relinqui debeat, non adeo liquidum sit, sed utrumque probabiliter defendi posse videatur, *vid. STRICK ad Brun. J. E. l. 2. c. 1. membr. 2. §. 13.*

## OBSERV. CCCCXXXV.

*Actio de peculio est personalis*) Est ipsa actio ex contractu servi vel filiusfam. descendens, quæ domino imputatur ob peculii concessionem, adjectitia qualitas est novum nomen, & solidam cognitionem non tam promovet, quam ab eadem potius abducit, quia etiam dominus & Pater non in solidum in contractus consenserunt, sed saltem peculiotenus, hinc actio de peculio, aut potius actio contractus, sub hoc nomine mota, non semper in solidum competere dicitur.

## OBSERV. CCCCXXXVI.

*Hæc actio hodie plus difficultatis, quam utilitatis habet*) Diversitas peculiorum quoad filiosfam. omnino adhuc obtinet, illa tamen peculii profectitii species, quam Pater filio, ad separatam œconomiam vel negotiationem, concedebat, hodie incognita est, hinc cum & cessent peculia servorum, actio de peculio plane à foro exulat. Quodsi tamen casus concessi peculii prolixioris aliquando occurrat, etiam actio hæc locum inveniet, quamvis non opus sit, nomine actionis de peculio uti, sed ex contractu directe agi possit, allegata saltem imputationis causa, ceu circa actionem exercitoriam, institoriam, quod jussu & de in rem verso, ipsi Romani agnoverunt, §. *fin. j. quod cum eo qui.*

## TIT. II.

QUANDO DE PECULIO  
ACTIO ANNALIS EST.

## OBSERV. CCCCXXXVII.

**A***ctio de peculio*) Est hæc quidem ipsa actio ex contractu, adeoque dubio procul tamdiu durat, quam-

quamdiu aliàs actio ex contractu durare solet, sed ideo tamen non semper contra Patrem vel dominum competit, quia imputationis fundamentum non semper durat. In specie hoc tollitur soluta potestate, sed id in puncto velut consistere non debet, cum creditores inde lædi queant, hinc Prætor aliquod spatium definiit, cuius tamen, ob antedicta, nulla hodie est utilitas.

## TIT. III.

## DE IN REM VERSO.

## OBSERV. CCCCXXXVIII.

**A**ctio *de in rem verso*) Est ipsa actio ex contractu, à filio, servo vel homine libero, in nostram utilitatem celebrato, resultans. Nomen actionis *de in rem verso* saltem accessit, eo verò carere possumus, quod multo magis de actione *directa & utili* dicendum. Fundamentum *existentiæ*, est ipse contractus, *imputationis* verò, *versio* seu *collata utilitas*, circa quam nonnunquam lubrica æstimatio occurrit, qua in re determinatio positiva quid valere potest, *lit. C.* Ut insuper ejus, contra quem actio datur, *consensum præsumtum* allegemus, opus non est, cum frustra exigatur consensus ejus, qui dissentire nequit. Positis & probatis his requisitis cum effectu agi potest, *lit. pr. S. P. O. In C.*

## OBSERV. CCCCXXXIX.

*Hic præventioni locus est lit. S.)* Si duo in utilitatem domini contraxerint, versionem tamen actualement ab utraque parte impedierit casus, videbatur quidem dominus utrique obligatus, cum uterque utilitatem, quan-

quantum in se fuit, contulerit, & damnum, quod dominus sentit, sit fatale, cum tamen hoc durius etiam videri queat, ideo lex civilis hoc ita temperavit, ut dominus uni, qui alterum prævenit, saltem sit obligatus, cui definitioni standum erit.

## OBSERV. CCCCXL.

*Non etiam fidejussori lit. S.)* Ratio tamen Jcti in d. l. 18. b. t. non valde urget, sed potius in circulum recurrere videtur. Et sane si fidejussor venditori solvat pecuniam pro re, quæ in utilitatem domini vendita ac versa est, tum meritum venditoris in fidejussorem transit, hinc ex eodem fundamento, quo ille, pecuniam merito repetit. Sed de hoc non valde laborandum, nam fidejussor solidum facile consequetur vel actione à venditore cessa, vel negotiorum gestorum. Imo hodie, ubi ante excussum debitorem principalem, fidejussor creditori solvere non solet, ista quæstio vel oranino non, vel rarissime occurret.

## OBSERV. CCCCXLI.

*Extinguitur jus hujus actionis lit. C.)* Ipsa actio quidem non extinguitur, sed fundamentum imputationis, eo, quod versum erat, servis vel filiis reddito, tollitur, ut amplius contra dominum & Patrem actio institui nequeat, modo bona fide, non in præjudicium Creditorum, restitutio fuerit facta,

## TIT. IV.

## QUOD JUSSU.

## OBSERV. CCCCXLII.

**A**ctio quod jussu) Hæc etiam est ipsa actio, quæ ex contractu servi, filiifam. & quandoque hominis libe-

liberi descendit ac novum saltem nomen sortitur, quia ob specialem consensum in alios datur. Occurrit ergo contractus ac consensus in illum. Præcipue ergo videndum, an consensus adsit & adhuc duret, præterea consensus ille non tantum approbationem contractus alieni, sed & propriam conventionem aliquando involvit, hinc consentiens & ex contractu alieno, sub nomine actionis quod jussu, & proprio, actione mandati conveniri potest, quæ juxta consuetudinem capitæ *ALTOR* hic expendit.

## OBSERV. CCCCXLIII.

*Cum hac actione quandoque concurrat actio de peculio & de in rem verso, sed elective*) Ita vulgo docere solent, sed accurate loquendo non concurrunt diversæ actiones, sed potius multiplex circa eundem contractum adest consensus vel similis imputandi causa, adeo ut una eademque actio, ob diversam causam, vel sub suo nomine proprio, vel novo aliquo adventitio, contra consentientem institui queat. Breviter: *non concurrunt diversæ actiones, sed unius actionis diversa nomina multiplexque imputandi fundamentum*, quod paulo distinctius, propter vulgare præjudicium, declarari meretur.

2. Equidem ille consensus quo quis aliquem negotiationi maritimæ & terrestri præponit, in eodem objecto concurrere nequit, hinc etiam, prout vulgaris habet stilus, actio exercitoria & institoria non concurrunt, sed cætera imputandi fundamenta concurrere possunt. Fac dominum præposuisse servum suum negotiationi terrestri, hic adest primus consensus, ipsi etiam dedisse peculium, tum existit secundus, deinde jussu ejus speciali mutuum accepisse servum,

hic est tertius, illudque in utilitatem negotiationis vertisse, hinc oritur quarta imputationis causa. His positis, vulgo contendunt, concurrere hic elective actionem institoriam, de peculio, quod jussu & de in rem verso, sed minus solide, rectius dixeris, adesse in exemplo allato unam actionem, nempe conditionem ex mutuo, sed quæ ob quadruplicem causam, domino imputari queat, hinc prout visum fuit, vel sub nomine actionis institoriae, de peculio, quod jussu aut de in rem verso, vel, omissis illis nominibus adventitiis, sub nomine proprio, allegatâ imputandi aliquâ causâ, eam contra dominum posse moveri.

3. Interim ad prudentiam actoris pertinet, ut illud imputandi fundamentum alleget, quod plenissimum & probatu facillimum est, hinc in allato exemplo rectissime urgebit *consensum specialem*, hic enim dominum in solidum obligat, ac facile probari potest. Parum prudenter autem ageret, si ad *peculii concessionem*, vel *versionem* provocaret, quia illa difficilioris sunt probationis, nec imputationem in solidum semper admittunt, nec recte satis *prepositionem* adduxerit, nam & circa eam disputari potest, an usque ad mutui acceptionem produci queat. Atque illa fere suboluerunt *JUSTINIANO* in §. 5. *§. quod cum eo qui in alien.* licet perspicue satis mentem non expresserit.

4. Aliquando etiam duplex imputandi fundamentum cumulativè concurrit, ac unum alteri surrogatur, hinc actio eadem duplex nomen simul gerit, diversumque, pro ratione diversi imputationis fundamenti, habet exitum. Casus est in §. 4. *§. d. r.* scilicet

licet servus, peculio instructus, decem aureos mutuo accepit, quinque in utilitatem domini vertit, quinque vero quolibet modo consumsit. Hic creditor actione ex mutuo, quinque simpliciter petit, ob versionem, & hactenus actio de in rem verso dicitur, quinque verò ex peculio petit & eatenus accipit, quatenus in peculio est, quia dominus largius non consensit, & hoc intuitu, actionis de peculio nomen occurrit. Rectissime itaque subjicitur: *Licet enim una sit actio* (nempe in casu allato, conditio ex mutuo) *qua de peculio, deque eo, quod in rem domini versum sit, agitur,* (quod duplex nomen ideo hic concurrit, quia duplex imputandi fundamentum adest, & utrumque à creditore in casu proposito urgeri debet) *tamen duas habet condemnationes,* quia nimirum fundamenta imputandi diversæ sunt indolis & efficaciz. A veritate igitur & mente Cæsaris abluunt interpretes, quando contendunt, unam dici actionem ideo, quod conjunctim actio de peculio & de in rem verso proponi queat, ut præter alios *VINNIVS* in not. ad d. §. 4. & *HUBERVS* in posit. ad j. d. t. n. 24. nec obsunt valde, quæ illi urgent, (1) *actionem de peculio deque in rem verso, diversas esse, res loquitur,* ait *HUBER*, imo potius res saltem loquitur, quod *collata utilitas, & concessio peculii* sint diversa, quodque adeo eadem actio, ob illam, actio de in rem verso, ob hanc verò, de peculio dici queat; (2) *caterum actio de in rem verso, non minus sola & per se institui potest, quam illa de peculio,* ratiocinatur *VINNIVS*, sed inde non sequitur, quod duæ distinctæ actiones adsint, sed hoc saltem, quod eidem actioni utrumque nomen adscrititium, non sit semper applican-

dum, sed sufficiat unum. Et ita est, pone in casu d. §. 4. servum omnia decem in utilitatem domini ver-  
tisse, hic omnia possunt peti actione de in rem verso,  
nec opus est nomine actionis de peculio, quod si ta-  
men servus peculium habeat, & creditori visum sit, ex  
eo potius debitum petere, hoc quoque ei licebit, hinc  
orietur actio de peculio; Sed inquire quæ illa sit, &  
deprehendes, quod sit illa ipsa condictio ex mutuo,  
quæ sub involucre actionis de in rem verso poterat  
etiam proponi, quodque adhuc verum sit effatum  
d. §. 4; licet enim ana sit actio, qua de peculio, deque  
eo, quod in rem domini versum sit, agitari. Summa  
igitur eo redit: Una semper adest actio ex contractu,  
sed prout vel unum, vel multa imputandi fundamen-  
ta adsunt, ita vel unum, vel plura nomina adscititia,  
& quidem, prout fundamenta illa singula sufficiunt  
aut non, vel elective vel cumulative gerit.

5. Ex his etiam declarari potest discrimen *actionis ne-  
gotiorum gestorum & de in rem verso*, de quo alias quæri  
solet, vid. THOMAS. in nos. ad Huber. d. n. 24. nimirum  
illa nullum verum contractum præsupponit, sed ex  
utilitate immediato alicui collata resultat, ac contra  
ipsum solum competit, hæc autem verum contra-  
ctum cum aliquo celebratum prærequirit & est ipsa  
actio ex contractu, daturque in contrahentem, quia  
tamen illud negotium in alius utilitatem quoque effe-  
cit, hinc actio vel sub nativo suo, vel adscititia actio-  
nis de in rem verso, nomine, ad hunc etiam porrigi-  
tur. Denique ex his liquet, quantas tricas, otiosa  
actionum nomina, in Jurisprudencia excitare soleant.  
Si enim contractus ab aliis celebrati, ac fundamen-  
tum, propter quod illi aliis imputari queant, nude  
spe-



spectentur, explicatio non adeò erit involuta, at postquam invaluere nomina illa actionis exercitoria, institoria, quod iussu &c. tum adjectitia qualitates, earumque fontes, nec non actionum illarum concursus, ab interpretibus adstrui cœperunt, quæ tamen & in se vana sunt, & propriorem solidamque cognitionem impediunt.

LIB. XVI. TIT. I.

## AD SENATUS CONSULTUM VELLEJANUM.

OBSERV. CCCCXLIV.

**S***ctum Vellejanum*) Cum fœminæ, perinde ac mares, usu rationis gaudeant ac res proprias possideant, hinc liquet, quod seposita lege civili, perinde illæ ex contractibus obligentur, ac mares, dummodo alias conventiones suis gaudeant requisitis. Quia tamen illæ ad intercessionem subeundas nimis proclives videbantur Romanis, hinc Sctum Vellejanum non tam prohibuit mulierum intercessionem, prout *AUTOR* loquitur, quam potius mulieribus intercedentibus facultatem pœnitendi concessit, adeo ut facta intercessio ob hanc causam nullius sit valoris. Hanc igitur dispositionem merè civilem & positivam *AUTOR* juxta consuetudinem capita explicat, circa quæ aliqua annotare non attinet, cum passim apud interpretes illa prostant.

OBSERV. CCCCXLV.

*Obstatuta & jura contraria*) Hæc approbanda esse puto, nam Sctum Vellejanum in vita civili nullam habet utilitatem, quod vel inde liquet, quod id, velut rem incommodam, plerumque mediante renun-

ciatione, è medio tollere conentur homines, & nulla est iniquitas, si foemina ex intercessione serua obligetur, quod si enim dolo vel metu ad contrahendum sit inducta, tum jure communi tuta est. Sicut autem Sctum Vellejanum in vita civili nullum habet usum, ita è contrario in Jurisprudencia plures quaestiones dubias excitat, ac per consequens, ipsis negotiis humanis molestum est, hæc igitur si quis æqua æstimatione perpendat, facile deprehendet, fortiores rationes pro sublatione quam conservatione illius Scti suppetere. In Saxonia, ubi ad exemplum pupillorum & minorum foeminae sub Curatoribus agunt, Scti non videtur magnus usus, absque Curatore enim foeminae neque ex intercessione, neque ex ullo alio alicujus momenti contractu obligantur, hinc auxilio Scti non indigent, si autem Curator accedat, tum plerumque renunciatio quoque interveniet.

## TIT. II.

## DE COMPENSATIONIBUS.

## OBSERV. CCCCXLVI.

**C**ompensatio hic est ) Potest etiam sic dici: *Est debitum ob aliud debitum reciprocum, sublatio, ab eo tempore, quo utrumque existit, ex communi mortalium affectu, autoritate legis, facta.* Nihil adeò hæcenus spectatur, quam an *mutuum debitum* revera adsit, quod enim quædam debita, licet vera, non sint compensabilia, id à lege civili est, natura verò hujus actus omnia admittit.

## OBSERV. CCCCXLVII.

*Est vel perpetua vel temporalis* ) Hæc divisio accuratius paululum evolvi meretur. *Perpetua compen-*  
sa-

fatio (quæ etiam *Plena* vel *Paradi*ci potest) fit, quando ita debitum in creditum imputatur, ut ab eo statim tempore, quo cœpit, utrumque sit sublatum, & creditori pro eo, quod ei alius debebat, cedat id, quod huic ipse rursus debet, & vice versa reus propter id, quod actor ei debebat, retineat illud, quod actori vicissim debet. *Temporalis* vero (quæ etiam *Minus plena* & *Mixta* dici potest) accidit, quando à tempore mutui debiti, neuter quidem ad solutionem præcise tenetur, nec tamen utrique statim in solutum cedit, quod alter alteri debet, sed mutua ista imputatio vel contributio non aliter exitum habet, quam debito reciproco, per prævium factum, in sui æstimationem, resoluta. *Prior* actoris & rei prætensionem in perpetuum excludit, sed *posterior* saltem jus dat Reo, negandi solutionem actori, donec hic ratione debiti reciproci, illi satisfecerit, quod si igitur haut placeat, debita mutua in sui æstimationem resolvere ac reciproca imputatione defungi, tum à conditione compensandi plane receditur, ac unusquisque alteri debitum proprium exsolvit, obligationesque adeò non compensatione finali, sed vera solutione tolluntur, quo ipso Compensationis hujus temporalitas satis apparet. Quando igitur vel plena vel minus plena compensatio locum habeat, ex *ob-jecto* apparet. Nimirum si de debiti reciproci pretio, mutuaque ejus habitudine statim constet, plena compensatio obtinet. Si vero debiti mutui pretium ejusque proportio non statim appareat, minus plena locum habet. Debita autem quoad quantitatem æqualia, non præcise requiri, facile liquet, cum sufficiat, quod in summa concurrente possit fieri com-

pensatio. Ita dicendum, si solam Compensationis naturam spectes, nam an leges quædam debita hic plane removeant, postea erit videndum.

OBSERV. CCCXLVIII.

*Fit ab ipsa lege*) Mutua illa debiti creditique contributio non demum fit, quando reus in judicio compensationem allegat, sed adest, simulac mutuum debitum existit, hinc compensatio *ipsa lege* seu *ipso jure* fieri dicitur, quasi scilicet, debitore & creditore non cogitantibus, ipsa lex mutuam illam imputationem peragat. Nonnulla autem hic notari merentur: (1) *ipsum jus* hic non esse nomen inane, aut hodie otiosum, prout quidem est, si v. gr. obligatio ipso jure, vel ope exceptionis tolli dicitur, cum præsentī in re, nominis illius effectus satis appareat; (2) *ipsum* illud *jus* non esse mære Romanum, sed hanc potius cujusvis debitoris intentionem & votum esse, ut à tempore reciproci debiti liberetur, quare lex Romana commune illud omnium gentium desiderium in sua civitate saltem expressit, quod si id factum non esset, nihilominus ex natura rei hoc litigantes ostenderent; (3) non tantum compensationem plenam, sed & minus plenam *ipso jure* fieri posse, si naturam rei consideres, de illa non est dubium, sed & idem de hac dici debet, cum enim mutuum adsit debitum, rationis est, ut ab initio utriusque ratio habeatur, ac unum alteri opponatur, plena tamen utriusque imputatio aut peremptio non antea effectum habet, quam prævia æstimatione utriusque pretium & proportio fuerit ostensa. Ea tamen omnia (4) non aliter locum habent, quam si velit ille, cujus interest, quamvis igitur compensatio non demum fiat ab eo tempore, quo allegatur, attamen

men non aliter fit, quam sub conditione voluntatis debitoris, quamdiu itaque de hac non constat, res omnis est in suspensio, existente verò hac conditione, compensatio retro fit à tempore mutui debiti.

1. Non opus est illi rei adstruendæ operosa probatione, nam regulariter nemo tenetur suo jure præcise uti, sed liberum ei est, eo uti & non uti, merito igitur etiam in compensatione illa libertas præsumitur, maxime cum à posteriori liquidò conspiciatur, nam si v. gr. actor à me petat centum, qui tantundem mihi quoque debeat, quis mihi vitio verteret, si sciens & prudens exceptionem compensationis omittam, ac soluto debito, peculiari actione rursus exigam, quod mihi debetur? Lex sane inepta censeri debet, quæ ejusmodi in casibus libertati obicem poneret. Imò si rem recte expendamus, *ipsum jus*, quod compensationem facit, hic non tam habet rationem legis, quam potius vicem saltem debitoris subit. Cum enim Romaniprehenderent, naturam mutui debiti admittere, ut statim ejus compensatio fieret, persona tamen eam peragens videretur necessaria, sed debitor ipse, utpote de hac re nondum actu sollicitus, adduci non posset, ideo voluerunt Romani ipsam Legem seu Legislatorem nominare, qui adeo hic non intervenit ut Legislator, sed ut voluntatis affectusque privati interpres, ac ideo nullam imponit necessitatem. Usus hujus observationis infra circa effectum se exseret. Interim alii alios de ipso jure habent conceptus. Sic *EBERTUS* in tractatu *de Eo, quod sit ipso jure*, (quem per modum Disputationis inauguralis sub *Pres. Dn. STRYKII Francof. 1685.* luci publicæ exposuit,) *membr. 2. Sect. 2. §. 34. p. 533.* contendit: *effectum*  
Com-

*Compensationis ipso jure perfecta esse, ut debitores & Creditores inviti teneantur pati, quo utriusque debitum & creditum, momento orientis ab altera parte debiti, compensatione tollatur, cujus asserti & causam & veritatem amplius ibidem ostendere nititur, sed mihi nihil persuadet.*

## OBSERV. CCCCXLIX.

*Propter æquitatem lit. C.)* Æquitas illa manifesta est, nam si quis creditori suo, qui ipsi vicissim aliquid verè & liquido debebat, præcise solvere cogeretur, tum utique læsionem sentiret, quia id, quod in effectu jam solvit, denuo præstaret, & licet eo nomine jus exigendi ei competat, attamen paria non sunt; *rem retinere & ambiguo sumtuosoque processu amissam recuperare.* Non minus tamen liquidum est, quod æquitas illa non sit *absoluta*, sed *hypothetica*, quæ circumstantias præsupponat, quibus mutatis vel sublati, illa cesset. Quod si igitur debitor consentiat, tum lex naturalis compensationem non præcipit, idem est, si ob publicam utilitatem, loco debitoris lex civilis velut consentiat, ex quo fundamento omnes exceptiones fluunt, ubi positis licet compensandi requisitis, compensatio tamen cessat, quamvis forte in omnibus casibus, leges positivæ à pravis respectibus non penitus queant absolvi.

## OBSERV. CCCCL.

*Secus est, si tempore juramenti mutuum adfuerit debitum lit. S.)* Præsuppositis Compensationis fundamentis, deinde *AUTOR* generaliter debita compensanda expendit, dum varios refert casus, quibus compensatio locum habeat vel cesset. In specie docet (1) *quod is, qui se soluturum juravit, tamen*  
com-

*compensare queat, si post juramentum, ex altera parte debitum superveniat*, censetur enim jurasse, *rebus sic stantibus*, solvam tibi, si solus debitor mansero, sed si tu ex postfacto meus quoque debitor evadas, tum facultate compensandi me neutiquam abdicavi; (2) *is vero compensare nequeat, qui cum mutuum debitum jam adesset, se soluturum juravit*, hic enim sat manifeste juri compensandi renunciavit. Ultimæ huic assertioni objicit *c. 7. 2. X. de jurejur.* Sed prior textus potius primæ obstat, ceu recte ipsum quoque accepit *Dn. BERGER in resolut. b.* posterior verò secundæ, quem tamen *HIC* sine responsione transmisit. Brevisiter dici potest; in *d. c. 7.* contineri exceptionem à regula *AUTORIS* prima, ratio vero ejus est: quod debitor creditoris debitum reciprocum secuturum sciret, hinc dum, stante hac probabili scientia, se soluturum juravit, ob superveniens debitum antea prævisum, compensare nequit. Ex *d. c. 2.* autem colligi posse videtur, quod compensatio locum habeat, licet quis, mutuo debito existente, se soluturum juraverit, secus ac præcipiebat *AUTOR* in secunda regula. Verum loquitur *d. c.* de compensatione *impropria & apparente*, à qua ad *veram* inferre non licet. Nimirum qui per metum, licet jurato, promisit, ille plane non obligatur efficaciter, sed alii hoc sub figura compensationis proponunt, dicendo: coactum quidem obligari ad solvendum promissum, sed cogentem vicissim obstringi ad id restituendum, hinc obligationes has se mutuo perimere, ac coactum velut compensatione liberari, juxta hæc igitur compensatio obtinet, licet quis mutuo debito existente se soluturum juraverit, sed ut diximus, nec vera obli-

li

ligatio coacti, nec adeo vera compensatio hic subest.

## OBSERV. CCCCLI.

*Ex Kalendario lit. S.)* Per hoc intelligi librum, in quem pecuniæ fœneratitiæ fuerint collatæ, dicit *BRUNNEMAN ad d. l. 3. C. b. r.* Nomen autem Kalendarii inde originem habet, quod usuræ singulis Calendis exigendæ solvendæque illi libro fuerint inscriptæ. *v. l. 41. §. 6. de Legat. 3. l. 41. de reb. cred. l. 18. §. 2. de muner. & honor. l. 9. §. 7. de admin. rer. ad civit. pertinent. GERHARD, NOODT de fœn. & usur. l. 2. c. 1.*

## OBSERV. CCCCLII.

*Compensatio tamen, qua ante cessionem obstabat domino, obstat etiam cessionario lit. S.)* Quod verum est, licet omnia cedentis bona, ac in specie etiam nomen cessum, cessionario fuerint oppignorata, antequam cedens debitori cesso rursus aliquid debere cœperit, cujus ratio est, quod hypotheca generalis non impediatur, quo minus debitor res quasdam alienet, à debitoribus suis debita exigat, exactamque pecuniam consumat, ac vice versa ipsis valide obligetur, quæ obligationes adeo, post cessionem factam, cessionario eidemque creditori hypothecario quoque obervunt, de quo plura annotavit *Dn. BERGER in resolut. b. qu. 1.*

## OBSERV. CCCCLIII.

*Compensari potest quod debet hæres cum eo, quod debebatur defuncto, licet hæreditas cum beneficio inventarii fuerit adita lit. S.)* Nam dum hæres ex persona defuncti agit, eo ipso satis testatur, quod ejus personam repræsentare velit, hinc inventarium amplius repræ-



repræsentationem non impedit, sed securitatis gratiâ hætenus saltem confectum est. Quæ autem mox subjiciuntur: *modo solvendo sit, aliàs hoc tantum pro quantitate hereditatis procedit*, illa ad casum præcedentem non quadrant, quando enim defunctus fuit creditor, ac ex ejus jure agitur, tum de viribus hereditatis non est quærendum. Præsupponit igitur illa limitatio casum inversum, ubi hæres, velut creditor, ex jure proprio agit, eidemque ex persona defuncti, velut debitoris, compensatio opponitur, hanc eatenus pati debet, quatenus hereditas solvendo est, hinc textus ita suppleri debet: *item quod debetur heredi cum eo, quod debebat defunctus, modo solvendo sit &c.*

## OBSERV. CCCCLIV.

*Fit compensatio in rebus, non etiam factis lit. O.)* Specialius nunc requisita debitorum compensandorum *AUTOR* persequitur, circa quam doctrinam, in memoriam probe revocandum est, quod ille non de omni, sed *perpetua* saltem compensatione, quæ scilicet non tantum à lege fit, sed & sine prævio æstimationis facto, exitum habere debet, secundum ea, quæ *observ. 447.* diximus, loquatur, quo sensu etiam verissima est doctrina, nam illa compensatio utique talia debita præsupponit, quorum æstimatio, sine ulteriori taxatione, jam patet. Male igitur *AUTOR* à nonnullis, qui compensationem etiam quoad species defendunt, dissentientibus æcensetur, nam compensationem *temporalem* in omnibus debitis veris & puris Idem admittit, ceu infra videbimus. De cætero facile patet, quare in factis non admittatur compensatio, nam si ego factum, quod alteri præstare debebam, omittam ac velue

pens

penes me retineam, tum non consequor illam utilitatem, quam per alterius factum intendebam, sicut vice versa alter, omissione sui facti, commodum meo facto ipsi conciliandum non obtinet, breviter: *In factis non obtinet functio, nec idem est, suum factum retinere & ab altero prestitum accipere.*

## OBSERV. CCCCLV.

*Ubi compensari docet eandem speciem utrinque debitam lis. O. n. 4. in fin.)* - V. gr. Promisisti mihi usumfructum fundi Tusculani, idem ususfructus tibi legatur ab eo, cui ego successi, hic compensatione defungi nobis licet, ut neuter aliquid præstet. Displicet quidem illa *STRAUCHII* sententia *AUTORI* in tract. *Synopt. de compens. §. 8.* & *Dn. THOMASIO* in not. ad *Strauch. d. l.* sed mihi verissima videtur, nam adest mutuum debitum, præterea unusquisque retinet quod alteri præstare debebat, unusquisque enim nostrum pecunia data usumfructum redimere, ac alteri ex obligatione sua præstare debebat, quam pecuniam, interveniente compensatione, lucratur. Non obest, si dicas, *in compensatione requiri debita numero diversa*, nam talia hic adsunt, si ve debitum formaliter, pro ipsa obligatione, si ve materialiter pro re debita accipias, ceu ex modo dictis liquet, vel, *in compensatione opus esse, ut unusquisque rem debitam retineat, hic autem neutrum aliquid retinere*, nam ita saltem videtur, cum uterque potius pecuniam, quam in speciei debite comparisonem expendere debuisset, lucretur. Est sane hæc sententia longè probabilior, quam si *confusionem* in dicto casu asserere velis, nam illa præsupponit jus & obligationem unicam, quæ si in eodem sub-

subjecto concurrant, evanescunt, at hie mutuum  
jus & mutua obligatio adest, quæ non confusione,  
sed compensatione tolluntur.

362. OBSERV. CCCCLVI.

*Ita compenset verus debitor injuria judicis absolu-  
tus lit. O. n. 5.)* Aut erratum typographicum hic sub-  
est, aut *AUTOR* mentem non satis feliciter expres-  
sit, cum potius dicendum fuisset: *Ita compense-  
tur contra verum debitorem injuria judicis absolutum,*  
quod ex tractat. *Synopt. b.* etiam satis liquet. De cæ-  
tero falsam puto illam sententiam, non absolutus  
propter auctoritatem rerum judicatarum, ad aliquem  
effectum externum plane non est amplius obligatus,  
quod etiam obstand *l. 2. C. b. t.* satis ostendit, ad quam  
neque *AUTOR*, neque ullus alius solide respondebit,  
hinc si absolutus ex alio capite contra pristinum credi-  
torem agat, exceptionem compensationis, ob debi-  
tum absolute peremptum, pati non debet. Nec  
obstant *l. 60. de cond. indeb. & l. 8. §. 1. rat. rem. hab.*  
nam in illis specialem contineri casum, supra *Observ.*  
363. pluribus ostendi.

363. OBSERV. CCCCLVII.

*Non etiam in depositi directa actione, cum res vel  
æstimatio petitur lit. O)* Si res ipsa deposita petatur, æs-  
timatio certa est, sed si rei ipsa peremptæ æstimatio exigat-  
ur, tum nihil obstat, quo minus actori depositarius  
compensationem opponat. Sententia contraria ex fal-  
sa hypothesis, quam forte nec ipse *AUTOR* satis alias  
probat, hic tamen per incuriam quandam sequitur,  
resultat. Nimirum vulgò fere credunt, quasi quoad  
species, nulla plane locum habeat compensatio, cum  
igitur actio depositi à lege compensandi speciatim

ciatione, è medio tollere conentur homines, & nulla est iniquitas, si fœmina ex intercessione seria obligetur, quod si enim dolo vel metu ad contrahendum sit inducta, tum jure communi tuta est. Sicut autem Sctum Vellejanum in vita civili nullum habet usum, ita è contrario in Jurisprudencia plures quæstiones dubias excitat, ac per consequens, ipsis negotiis humanis molestum est, hæc igitur si quis æqua æstimatione perpendat, facile deprehendet, fortiores rationes pro sublatione quam conservatione illius Scti suppetere. In Saxonia, ubi ad exemplum pupillorum & minorum fœminæ sub Curatoribus agunt, Scti non videtur magnus usus, absque Curatore enim fœminæ neque ex intercessione, neque ex ullo alio alicujus momenti contractu obligantur, hinc auxilio Scti non indigent, si autem Curator accedat, tum plerumque renunciatio quoque interveniet.

## TIT. II.

## DE COMPENSATIONIBUS.

## OBSERV. CCCCXLVI.

**C**ompensatio hic est ) Potest etiam sic dici: *Est debiti ob aliud debitum reciprocum, sublatio, ab eo tempore, quo utrumque existit, ex communi mortalium affectu, auctoritate legis, facta.* Nihil adeò hactenus spectatur, quam an *mutuum debitum* revera adsit, quod enim quædam debita, licet vera, non sint compensabilia, id à lege civili est, natura verò hujus actus omnia admittit.

## OBSERV. CCCCXLVII.

*Est vel perpetua vel temporalis* ) Hæc divisio accuratius paululum evolvi meretur. *Perpetua compensa-*

fatio (quæ etiam *Plena* vel *Paradici* potest) fit, quando ita debitum in creditum imputatur, ut ab eo statim tempore, quo exipit, utrumque sit sublatum, & creditori pro eo, quod ei alius debebat, cedat id, quod huic ipse rursus debet, & vice versa reus propter id, quod actor ei debebat, retineat illud, quod actori vicissim debet. *Temporalis* vero (quæ etiam *Minus plena* & *Mixta* dici potest) accidit, quando à tempore mutui debiti, neuter quidem ad solutionem præcise tenetur, nec tamen utrique statim in solutum cedit, quod alter alteri debet, sed mutua ista imputatio vel contributio non aliter exitum habet, quam debito reciproco, per prævium factum, in sui æstimationem, resoluta. *Prior* actoris & rei prætensionem in perpetuum excludit, sed *posterior* saltem jus dat Reo, negandi solutionem actori, donec hic ratione debiti reciproci, illi satisfecerit, quod si igitur haut placeat, debita mutua in sui æstimationem resolvere ac reciproca imputatione defungi, tum à conditione compensandi plane receditur, ac unusquisque alteri debitum proprium exsolvit, obligationesque adeò non compensatione finali, sed vera solutione tolluntur, quo ipso Compensationis hujus temporalitas satis apparet. Quando igitur vel plena vel minus plena compensatio locum habeat, ex *objecto* apparet. Nimirum si de debiti reciproci pretio, mutuaque ejus habitudine statim constet, plena compensatio obtinet. Si vero debiti mutui pretium ejusque proportio non statim appareat, minus plena locum habet. Debita autem quoad quantitatem æqualia, non præcise requiri, facile liquet, cum sufficiat, quod in summa concurrente possit fieri com-

pensatio. Ita dicendum, si solam Compensationis naturam spectes, nam an leges quædam debita hic plane removeant, postea erit videndum.

## OBSERV. CCCXLVIII.

*Fit ab ipsa lege*) Mutua illa debiti creditique contributio non demum fit, quando reus in judicio compensationem allegat, sed adest, simulac mutuum debitum existit, hinc compensatio *ipsa lege* seu *ipso jure* fieri dicitur, quasi scilicet, debitore & creditore non cogitantibus, ipsa lex mutuam illam imputationem peragat. Nonnulla autem hic notari merentur: (1) *ipsum jus* hic non esse nomen inane, aut hodie otiosum, prout quidem est, si v. gr. obligatio ipso jure, vel ope exceptionis tolli dicitur, cum præsentem in re, nominis illius effectus satis appareat; (2) *ipsum* illud *jus* non esse merè Romanum, sed hanc potius cujusvis debitoris intentionem & vorum esse, ut à tempore reciproci debiti liberetur, quare lex Romana commune illud omnium gentium desiderium in sua civitate saltem expressit, quod si id factum non esset, nihilominus ex natura rei hoc litigantes ostenderent; (3) non tantum compensationem plenam, sed & minus plenam *ipso jure* fieri posse, si naturam rei consideres, de illa non est dubium, sed & idem de hac dici debet, cum enim mutuum adsit debitum, rationis est, ut ab initio utriusque ratio habeatur, ac unum alteri opponatur, plena tamen utriusque imputatio aut peremptio non antea effectum habet, quam prævia æstimatione utriusque pretium & proportio fuerit ostensa. Ea tamen omnia (4) non aliter locum habent, quam si velit ille, cujus interest, quamvis igitur compensatio non demum fiat ab eo tempore, quo allegatur, attamen

men non aliter fit, quam sub conditione voluntatis debitoris, quamdiu itaque de hac non constat, res omnis est in suspensio, existente verò hac conditione, compensatio retro fit à tempore mutui debiti.

2. Non opus est illi rei adstruendæ operosa probatione, nam regulariter nemo tenetur suo jure præcise uti, sed liberum ei est, eo uti & non uti, merito igitur etiam in compensatione illa libertas præsumitur, maxime cum à posteriori liquidò conspiciatur, nam si v. gr. actor à me petat centum, qui tantundem mihi quoque debeat, quis mihi vitio vertet, si sciens & prudens exceptionem compensationis omittam, ac soluto debito, peculiari actione rursus exigam, quod mihi deberur? Lex sane inepta censeretur, quæ ejusmodi in casibus libertati obicem poneret. Imò si rem recte expendamus, *ipsum jus*, quod compensationem facit, hic non tam habet rationem legis, quam potius vicem saltem debitoris subit. Cum enim Romani prehenderent, naturam mutui debiti admittere, ut statim ejus compensatio fieret, persona tamen camper agens videretur necessaria, sed debitor ipse, utpote de hac re nondum actu sollicitus, adduci non posset, ideo voluerunt Romani ipsam Legem seu Legislatorem nominare, qui adeo hic non intervenit ut Legislator, sed ut voluntatis affectusque privati interpres, ac ideo nullam imponit necessitatem. Usus hujus observationis infra circa effectum se exseret. Interim alii alios de ipso jure habent conceptus. Sic *EBERTUS* in tractatu *de Eo, quod fit ipso jure*, (quem per modum Disputationis inauguralis sub *Pref. Dn. STRYKII Francof. 1685. luci publicæ exposuit*), *membr. 2. Sect. 2. §. 34. p. 533.* contendit: *effectum*

*Com-*

*Compensationis ipso jure peracta esse, ut debitores & Creditores inviti teneantur pati, quo utriusque debitum & creditum, momento orientis ab altera parte debiti, compensatione tollatur, cujus asserti & causam & veritatem amplius ibidem ostendere nititur, sed mihi nihil persuadet.*

## OBSERV. CCCCXLIX.

*Propter æquitatem lit. C.)* Æquitas illa manifesta est, nam si quis creditori suo, qui ipsi vicissim aliquid verè & liquido debebat, præcise solvere cogeretur, tum utique læsionem sentiret, quia id, quod in effectu jam solvit, denuo præstaret, & licet eo nomine jus exigendi ei competat, attamen paria non sunt; *rem retinere & ambiguo sumtuosoque processu amissam recuperare.* Non minus tamen liquidum est, quod æquitas illa non sit *absoluta*, sed *hypothetica*, quæ circumstantias præsupponat, quibus mutatis vel sublati, illa cesset. Quod si igitur debitor consentiat, tum lex naturalis compensationem non præcipit, idem est, si ob publicam utilitatem, loco debitoris lex civilis velut consentiat, ex quo fundamento omnes exceptiones fluunt, ubi positis licet compensandi requisitis, compensatio tamen cessat, quamvis forte in omnibus casibus, leges positivæ à pravis respectibus non penitus queant absolvi.

## OBSERV. CCCCCL.

*Secus est, si tempore juramenti mutuum adfuerit debitum lit. S.)* Præsuppositis Compensationis fundamentis, deinde *AUTOR* generaliter debita compensanda expendit, dum varios refert casus, quibus compensatio locum habeat vel cesset. In specie docet (1) *quod is, qui se soluturum juravit, tamen*

com-



compensare queat, si post juramentum, ex altera parte debitum superveniat, censetur enim jurasse, rebus sic stantibus, solvam tibi, si solus debitor mansero, sed si tu ex postfacto meus quoque debitor evadas, tum facultate compensandi me neutiquam abdicavi; (2) *is vero compensare nequeat, qui cum mutuum debitum jam adesset, se soluturum juravit*, hic enim sat manifeste juri compensandi renunciavit. Ultimæ huic assertioni objicit *c. 7. 2. X. de jurejur.* Sed prior textus potius primæ obstat, ceu recte ipsum quoque accepit *Dn. BERGER in resolut. b.* posterior verò secundæ, quem tamen *HIC* sine responsione transmisit. Breviser dici potest; in *d. c. 7.* contineri exceptionem à regula *AUTORIS* prima, ratio vero ejus est: quod debitor creditoris debitum reciprocum secuturum sciret, hinc dum, stante hac probabili scientia, se soluturum juravit, ob superveniens debitum antea prævisum, compensare nequit. Ex *d. c. 2.* autem colligi posse videtur, quod compensatio locum habeat, licet quis, mutuo debito existente, se soluturum juraverit, secus ac præcipiebat *AUTOR* in secunda regula. Verum loquitur *d. c.* de compensatione *impropria & apparente*, à qua ad *veram* inferre non licet. Nimirum qui per metum, licet jurato, promisit, ille plane non obligatur efficaciter, sed alii hoc sub figura compensationis proponunt, dicendo: coactum quidem obligari ad solvendum promissum, sed cogentem vicissim obstringi ad id restituendum, hinc obligationes has se mutuo perimere, ac coactum velut compensatione liberari, juxta hæc igitur compensatio obtinet, licet quis mutuo debito existente se soluturum juraverit, sed ut diximus, nec vera ob-

ligatio coacti, nec adeo vera compensatio hic subest.

## OBSERV. CCCCLI.

*Ex Kalendario lit. S.)* Per hoc intelligi librum, in quem pecuniæ foeneratitiæ fuerint collatæ, dicit *BRUNNEMAN ad d. l. 3. C. b. t.* Nomen autem Kalendarii inde originem habet, quod usuræ singulis Calendis exigendæ solvendæque illi libro fuerint inscriptæ. *v. l. 41. §. 6. de Legat. 3. l. 41. de reb. cred. l. 18. §. 2. de muner. & honor. l. 9. §. 7. de admin. rer. ad civit. pertinent. GERHARD, NOODT de fan. & usur. l. 2. c. 1.*

## OBSERV. CCCCLII.

*Compensatio tamen, quæ ante cessionem obstabat domino, obstat etiam cessionario lit. S.)* Quod verum est, licet omnia cedentis bona, ac in specie etiam nomen cessum, cessionario fuerint oppignorata, antequam cedens debitori cesso rursus aliquid debere cœperit, cujus ratio est, quod hypotheca generalis non impediat, quo minus debitor res quasdam alienet, à debitoribus suis debita exigat, exactamque pecuniam consumat, ac vice versa ipsius valide obligetur, quæ obligationes adeo, post cessionem factam, cessionario eidemque creditori hypothecario quoque oberrunt, de quo plura annotavit *Dn. BERGER in resolut. b. qu. 1.*

## OBSERV. CCCCLIII.

*Compensari potest quod debet hæres cum eo, quod debebatur defuncto, licet hæreditas cum beneficio inventarii fuerit adita lit. S.)* Nam dum hæres ex persona defuncti agit, eo ipso satis testatur, quod ejus personam repræsentare velit, hinc inventarium amplius repræ-

repræsentationem non impedit, sed securitatis gratiâ hætenus saltem confectum est. Quæ autem mox subjiçuntur: *modo solvendo sit, aliàs hoc tantum pro quantitate hereditatis procedit*, illa ad casum præcedentem non quadrant, quando enim defunctus fuit creditor, ac ex ejus jure agitur, tum de viribus hæreditatis non est quærendum. Præsupponit igitur illa limitatio casum inversum, ubi hæres, velut creditor, ex jure proprio agit, eidemque ex persona defuncti, velut debitoris, compensatio opponitur, hanc eatenus pati debet, quatenus hæreditas solvendo est, hinc textus ita suppleri debet: *item quod debetur heredi cum eo, quod debebat defunctus, modo solvendo sit &c.*

## OBSERV. CCCCLIV.

*Fit compensatio in rebus, non etiam factis lit. O.)* Specialius nunc requisita debitorum compensandorum *AUTOR* persequitur, circa quam doctrinam, in memoriam probe revocandum est, quod ille non de omni, sed *perpetua* saltem compensatione, quæ scilicet non tantum à lege fit, sed & sine prævio æstimationis facto, exitum habere debet, secundum ea, quæ *observ. 447.* diximus, loquatur, quo sensu etiam verissima est doctrina, nam illa compensatio utique talia debita præsupponit, quorum æstimatio, sine ulteriori taxatione, jam patet. Male igitur *AUTOR* à nonnullis, qui compensationem etiam quoad species defendunt, dissentientibus accensetur, nam compensationem *temporalem* in omnibus debitis veris & puris Idem admittit, ceu infra videbimus. De cætero facile patet, quare in factis non admittatur compensatio, nam si ego factum, quod alteri præstare debebam, omittam ac velut

penes

penes me retineam, tum non consequor illam utilitatem, quam per alterius factum intendebar, sicut vice versa alter, omissione sui facti, commodum meo facto ipsi conciliandum non obtinet, breviter: *In factis non obtinet functio, nec idem est, suum factum retinere & ab altero praestitum accipere.*

## OBSERV. CCCCLV.

*Ubi compensari docet eandem speciem utrinque debitam* (lit. O. n. 4. in fin.) V. gr. Promisisti mihi usumfructum fundi Tusculani, idem ususfructus tibi legatur ab eo, cui ego successi, hic compensatione defungi nobis licet, ut neuter aliquid praestet. Displicet quidem illa STRAUCHII sententia *AUTORI* in tract. *Synopt. de compens.* §. 8. & Dn. THOMASIO in not. ad. *Strauch. d. l.* sed mihi verissima videtur, nam adest mutuum debitum, praeterea unusquisque retinet quod alteri praestare debebat, unusquisque enim nostrum pecunia data usumfructum redimere, ac alteri ex obligatione sua praestare debebat, quam pecuniam, interveniente compensatione, lucratur. Non obest, si dicas, *in compensatione requiri debita numero diversa*, nam talia hic adsunt, sive debitum formaliter, pro ipsa obligatione, sive materialiter pro re debita accipias, ceu ex modo dictis liquet, vel, *in compensatione opus esse, ut unusquisque rem debitam retineat, hic autem neutrum aliquid retinere*, nam ita saltem videtur, cum uterque potius pecuniam, quam in speciei debita<sup>ae</sup> comparisonem expendere debuisset, lucretur. Est sane haec sententia longè probabilior, quam si *confusionem* in dicto casu asserere velis, nam illa praesupponit jus & obligationem unicam, quæ si in eodem sub-

subjecto concurrant, evanescent, aut hic mutuum jus & mutua obligatio adest, quæ non confusione, sed compensatione tolluntur.

## OBSERV. CCCCLVI.

*Ita compenset verus debitor injuria judicis absolutus lit. O. n. 5.)* Aut erratum typographicum hic subest, aut *AUTOR* mentem non satis feliciter expressit, cum potius dicendum fuisset: *Ita compensetur contra verum debitorem injuria judicis absolutum, quod ex tractat. Synopt. h.* etiam satis liquet. De cætero falsam puto illam sententiam, non absolutus propter autoritatem rerum judicatarum, ad aliquem effectum externum plane non est amplius obligatus, quod etiam obstand *l. 2. C. b. t.* satis ostendit, ad quam neque *AUTOR*, neque ullus alius solide respondebit, hinc si absolutus ex alio capite contra pristinum creditorem agat, exceptionem compensationis, ob debitum absolute peremptum, pati non debet. Nec obstant *l. 60. de cond. indeb. & l. 8. §. 1. rat. rem. hab.* nam in illis specialem contineri casum, supra *Observ. 363.* pluribus ostendi.

## OBSERV. CCCCLVII.

*Non etiam in depositi directa actione, cum res vel æstimatio petitur lit. O)* Si res ipsa deposita petatur, assertio certa est, sed si rei ipsa peremptæ æstimatio exigatur, tum nihil obstat, quo minus actori depositarius compensationem opponat. Sententia contraria ex falsa hypothese, quam forte nec ipse *AUTOR* satis alias probat, hic tamen per incuriam quandam sequitur, resultat. Nimirum vulgò fere credunt, quasi quoad species, nulla plane locum habeat compensatio, cum igitur actio depositi à lege compensandi speciatim

excipiatur, putarunt hoc non posse intelligi de casu, ubi res ipsa deposita petitur, cum per regulam ille compensationem non admittat, ergo, quo vera ad sit exceptio, crediderunt, compensationem in deposito esse negandam, etiam cum æstimatio rei peremptæ exigitur. Verum præsuppositum illud neutiquam est admittendum, cum utique etiam quoad species juxta jus civile, locum habeat compensatio, hinc sat exceptionis adest, si in deposito compensationem neges, quando res ipsa repetitur, quando autem æstimatio præstanda, tum regulæ compensandi consuetæ manent. Nec obest, quod in *l. pen. C. de pos.* compensatio etiam negetur, quando *pecunia est deposita*, nam ibi pecunia, velut certa species fuit deposita, toto contextu hanc explicationem efflagitante. Nec id obstat, quod per culpofam amissionem pinguis jus consequi non debeat depositarius, quam quod habeat ante rei amissionem, vid. STRYCK. in not. b. ad p. 274. nam jus compensandi non oritur ex culpa, sed objecto, quando enim res eò redacta, ut non res, sed ejus æstimatio restituenda sit, tum per retentionem nulla amplius singularis perfidia committitur, sed deponens potius animum fallendi vel lædendi satis ostendit, si rem, quam in effectum, dum iterum debet, jam penes se habet, denuo exigit, hinc compensatio merito admittenda, culpa autem plerumque impunis non est, cum ut plurimum depositarius gravioris æstimationis præstatione eam luere debeat.

## OBSERV. CCCCLVIII.

*Emtor annuorum reddituum n. 6.)* V. gr. dedi tibi mille pro 50. annuis redditibus, tu postea à me, v. gr. ex testamento, petis mille, quæritur, an sortem mille im-

imperialium, antea datam, compensare queam? Negatur, quia emtor reddituum sortem datam repetere nequit, sed solum venditor, si velit, illam reddere potest, *CARPZ. d. l.* quare debitum illud verum & purum non est, nec adeo compensabile.

## OBSERV. CCCCLIX.

*Illiquidi cum liquido nulla est compensatio n. 7.)* Mero jure naturali etiam illiquidum cum liquido compensari potest, si probabilis subfit suspicio, fore, ut is, qui nobis illiquide aliquid debet, accepto suo debito, nos eludat. In foro autem civili leges processuales istam rem amplius definiunt, quod inquit *AUTOR b.* Hodie ex diversitate Processus Ordinarii & Executivi hæc res dependere videtur, in illo enim illiquidi compensatio quoque admittetur, in hoc vero debita liquida requiruntur, alias exceptio compensationis ad Reconventionem rejicitur.

## OBSERV. CCCCLX.

*Temporalis compensatio est.)* Hujus indolem jam explicavi *Obs. 447.* An vero illa in genere quoad debita pura & liquida locum habeat, licet res diversi generis vel species debeantur, illud inter interpretes non satis est expeditum, de quo peculiari dissertatione, cui titulus *Resolutio questionis juridica, utrum compensatio inter res diversi generis sit admittenda?* Lipsiæ 1695. habita, *Dn. D. SCHREITERUS* disquisivit. Mihi probabile videtur, quod de jure civili antiquo, compensatio tantum in quantitativis, idque saltem quoad judicia bonæ fidei, fuerit admissa, *l. 23. de compens. l. 56. §. 3. de jur. dot. l. 5. de impens. in rem dot. fals. §. 30. j. de action.* Postea vero mediante exceptione doli ad judicia etiam stricti juris compensandi

facultas fuit extensa. *d. §. 30.* tandem *JUSTINIANUS* in *l. fin. C. b. t.* generaliter quoad omnes actiones admisit compensationem, hinc jure novo eam quoad res diversi generis ac species obtinere ac frustra à nonnullis, ex falsis suis præjudiciis, constitutioni illi limitationes addi, *v. VINN. in not. ad d. §. 30.* plane arbitror, quod, nisi fallor, etiam *AUTOR* hic præcipit. Effectus autem istius rei est, ut vel uterque rem debitam præstare debeat, vel utraque res in sui æstimationem, mediante taxatione, resolvatur, ac mutua obligatio vel in totum, vel ratione summæ concurrentis tollatur. Cæterum, licet hæc probabiliter de jure civili defendi queant, hodie tamen ferè eò deventum est, ut compensatio tantum in quantitibus aut rebus, de quarum pretio & mutua proportionem, sine ulteriori taxatione, jam constat, locum habere existimetur, cætera ad Reconventionem ablegantur.

## OBSERV. CCCCLXI.

*Ex momento mutui debiti debitores ipso jure liberantur lit. E.)* Ipsum jus hic non esse nomen inane, *Observ. 448.* etiam admonui. Quo loco tamen notandum, quod duplici alio sensu ipsum jus in hac materia allegari soleat, qui uterque nobis videtur otiosus. Nimirum quando dicitur, quod compensatio *ipso jure* seu penitus, non *ope exceptionis*, obligationem tollat, adeoque compensationis allegatio non sit exceptio *juris*, sed *facti*, id hodie inane est, nam eodem recidit, siue obligationem & actionem ipso jure, siue ope exceptionis sublatam dicas, quantum ad ipsum obligationis interitum (nam à tempore, quo sublatio fiat, hætenus abstrahimus) & nemo hic discrimen



men aliquod probaverit. Porro quando compensatio ipso jure actionibus quibusdam inesse, aliis vero mediante exceptione doli induci dicitur l. 30. §. de action. id & de jure civili recentiori & dubio procul, moribus nostris nullius est usus, cum ad antiquum processum formularium pertineat.

## OBSERV. CCCCLXII.

*Et propter ejusmodi compensarum debitum errore solutum, datur condictio indebiti.* ) Poterit etiam solvens, quod sibi debetur, propria actione exigere, quod vult dissentiens ZONESIUS, ut adeo hæc duo simul stare posse arbitremur, si id, quod *Observ. 448. n. 4.* inculcavi, quod nempe ipsum jus, invitis partibus, compensationem non inducat, fundamenti loco supponamus. Nam si mihi debeas centum ex mutuo, ego tantundem tibi ex testamento, posteaque mihi ex errore centum ex mutuo solvas, hos tanquam indebite solutos repetere poteris, si compensatione utaris, & centum, quos ego ex testamento tibi debebam, in causam mutui imputes, & illos eo loco habeas, ac si mihi olim propter mutuum solvisses, nam cum ita jam acceperim, quod mihi debetur, utique indebitum est, quicquid postea solvitur. Quod si verò, errore cognito, compensandi conditione nolis uti, (quod tibi ex nostro præsupposito licet) tum manent causæ separatæ, adeoque tu solvisti quicquid debebas ex mutuo, & a me deinde propria actione exigis, quod ex testamento tibi debeo. De cætero tamen nonnunquam aliquid interesse potest, utrum conditione indebiti, an propria actione utaris. Fac te mihi centum ex testamento debere cum usuris biennii, post biennium ex testamento tibi tantundem debere incipio. Tu à me

exigis pecuniam legatam, egoque salvo, cum tamen potuissem compensare, quid agendum? Consultum erit actione exempto agere, tum enim non tantum possum consequi usuras biennii, sed & sequentis temporis, nam debitor exigendo legatum, noluit uti compensatione, adeoque manserunt causæ separatae & usurae currunt, sed si facta legati solutione, conditionem indebiti institutam, causatus me ad legatum præstandum non fuisse obligatum, cum legatarius ex emto mihi debeat, adeoque hoc debitum, vice solutionis olim à me factæ, sit, tum propriæ utilitati obnitor, sic enim saltem consequar usuras biennii, quia volo, ut debita illa se mutuo perimant, & licet hætenus alter id haut voluerit, dubio procul tamen hanc meam voluntatem nunc avide arripiet.

2. Ex eodem præsupposito nostro, alia quaestio recte decidi poterit. Debes mihi centum ex mutuo, postea incipio tibi debere centum ex emto, sed inis mecum pactum, quod ista centum petere nolis, quaeritur, an ego cum effectu, centum ex mutuo à te petere queam? non videtur *Dn. THOMASIO in not. ad Huber. posit. de Compens. n. 18.* quia debitum utrumque, simulac extiterit, compensatione perierit, & adeò pactum de non petendo, revera fuerit inane. Sed contrarium nobis dicendum videtur, quia compensatio ipso jure non aliter inducitur, quam *partibus volentibus*, cum verò præsentī in casu, mutuatarius idemq; postea venditor debitum suum emtori remiserit, eo ipso testatus est, se nolle compensatione uti, hinc debitum ex mutuo, per superveniens creditum ex emto, non fuit imminutum, sed mansit potius integrum, hinc recte etiam exigitur.

## OBSERV. CCCCLXIII.

*Nulla obstante prescriptione*) Finge metibi debere centum ex emto, elapsi sunt 20. anni, postea ex testamento centum mihi debere incipis. Post duodecimannos ago adversus te ex testamento, tu opponis compensationem ex causa emti, ego replico, actioni emti, 32. annorum lapsu, esse præscriptum. Sed non sum audiendus, à tempore enim mutui debiti utrumque est sublatum, hinc præscriptio nihil invenit quod tolleret, sed mutua illa peremptio semper allegari potest. Plane si post elapsos 30. annos, centum ex testamento mihi debere incipias, hos valide exigere potero, nec tibi ex causa emti compensationem objicere licebit, quia hoc debitum jam præscriptione erat sublatum, antequam tu mihi aliquid debere inciperes.

## OBSERV. CCCCLXIV.

*Compensationis cognata sunt Retentio*) Hanc esse ipsam compensationem temporalem, aliqui volunt, vid. Dn. STRYCK. in not. b. ad p. 275. Mihi horum actuum convenientia vel disconvenientia sic explicanda esse videtur: Omnis compensatio est etiam retentio, nam in compensatione perpetua retinetur debitum proprium in satisfactionem crediti, in compensatione verò temporali, res debita quoque retinetur, donec quoad reciprocum debitum satisfactio obtenta, hætenus igitur ista coincidunt. Cæterum exquisitè loquendo, per retentionem intelligitur primus ille compensationis temporalis actus, quo id, quod alteri debeo, ob debitum reciprocum retineo, quod si igitur, post hanc retentionem, alter, quod ipse debet, actu præster, tum in nudæ retentionis terminis

res mansit, si vero eam sequatur reciproci debiti æstimatione mutuaque imputatio, tum mensura nudæ retentionis exceditur.

## TIT. III.

## DEPOSITI VEL CONTRA.

## OBSERV. CCCCLXV.

**D***epositum*) Recurrit hic consueta observatio. Est scilicet depositum actus omnibus gentibus communis, hinc ea, quæ pro illo explicando hic afferuntur, non juris Romani, sed Gentium sunt, nisi quod traditio ad perfectionem depositi requiratur, hoc enim positivum est. Aliàs mero jure naturali pactum præparatorium & contractus principalis coherent, depositumque est *contractus consensualis, quo quis ad rem in custodiam gratuitam, recipiendam eamque, pro lubitu deponentis, illam restituendam obligatur. vid. Observ. 402.*

## OBSERV. CCCCLXVI.

*Item immobiles lit. O.)* Notissima hanc in rem est controversia. Nobis id saltem adjicere placet, depositum rei immobilis maxime perspicue defendi posse videri, si custodiam in eo positam esse contendas, ne res vel auferatur, vel ab aliis occupetur, illud ad mobiles, hoc ad immobiles pertinet, ac exemplo sequenti inprimis patet.

## OBSERV. CCCCLXVII.

*Deponens obligatur minus principaliter lit. E.)* Quæ de officio deponentis & depositarii hic dicuntur, illa iterum naturalia sunt, cum vel eo pertineant, ut fides data servetur, vel damnum voluntarium resarcia-

ciatur, de voluntate tamen, quid scilicet vel promissum, vel an & in quantum nocitum sit, nonnunquam quæstiones dubiæ occurrunt, in quibus determinandis & consuetæ interpretandi principia, & sanctiones juris civilis, attendi debent. Præterea quædam juris Romani pœnæ & privilegia nonnunquam intercurrent.

OBSERV. CCCCLXVIII.

*In deposito regulari etiam ante diem additum, pro lubitu deponentis obs. l. 1. §. 22. b.)* Vulgo hunc textum de sequestro aut deposito irregulari accipiunt, quæ responsio tamen violenta videtur, cum nullo indicio illa qualitas appareat. Rectius igitur dicitur: *Item ibi non negare, quin res deposita statim sit restituenda, sed hoc saltem asserere, quod moram faciens nonnunquam à dolo excusetur.* Dederat enim regulam, *quod dolo faciat, qui reposcenti rem non reddat*, tum subjungit exceptionem, *qua nonnunquam à dolo liberetur*, fit autem illud quoque, si per errorem juris, ante existentiam conditionis, se ad reddendum non teneri arbitretur, adeoque ex falsa hac persuasione moras nectat.

OBSERV. CCCCLXIX.

*Depositarius si in communi periculo, relicta re deposita, eripuerit suam)* Hæc doctrina fundamento destitui videtur, nam si depositarius rem propriam vilio-rem, depositæ pretiosiori præferat, tum deponenti non statim erit obligatus, cum ob summam animi perturbationem, prælatio potuerit esse fortuita, imo si etiam fuerit voluntaria, non ideo tamen illicò erit culposa, neque enim prærogativa rei depositæ hoc in casu certo jure nititur. Longe inconcinnius autem videtur, deponentem, ob servatam rem vilio-rem, ad restitu-

sionem pretii rei majoris adigere, cum illa obligatio ex nullo fundamento queat repeti, hinc potius heic quoque adhibendam putamus distinctionem, qua *Observ. 392. n. 2.* usi sumus.

## OBSERV. CCCCLXX.

*De dolo secundi depositarii non ultra tenetur, quam ut adversus illum actiones suas deponenti præstet*) Hæc sententia tum demum obtinere videtur, si ob justam causam, v. gr. imminens incendium, primus depositarius rem alteri dederit, tum enim manifesta æquitas postulat, ne ultra cessionem actionis sibi competentis teneatur, modo in ipsa etiam persona eligenda circumspecte satis egerit. Aliàs si contra voluntatem deponentis, & sine probabili causa, rem apud alium deposuerit, tum ob culpam commissam de omnibus respondere tenebitur, quæ eam sequuntur, atque ita, ob dolum secundi, si deponens cessione nolit esse contentus, in solidum tenebitur.

## OBSERV. CCCCLXXI.

*Nec admittitur compensatio, nec retentio licet ob expensas necessarias lit. E.*) Hæc non simpliciter admittenda esse puto, compensatio cessat, si res ipsa deposita repetatur & ex debito extraneo exceptio compensationis objiciatur, si vero æstimatio præstanda sit, tum compensatio obtinet. Porro ob expensas necessarias retentio in ipsa re deposita locum habet, nec obstat *L. n. C. b. t.* quæ retentionem ob debitum extraneum prohibet, nam hæc explicatio eo magis admittenda, quo major, si contrariam sequaris, subest iniquitas, quomodo enim à doli suspitione se liberabit deponens, si rem depositam repetat expensis necessariis liquidis, (nam tales supponere par est) non  
re-

restitutis? Breviter: si rei æstimatio petatur, compensatio perpetua obtinet: si res ipsa deposita, retentio & compensatio temporalis cessant ob debitum extraneum: ob expensas necessarias, locum habent. *vid. Observ. 457.*

OBSERV. CCCCLXXII.

*Sequestrum*) Est etiam contractus juris gentium, præterea officium judicis, ne invitis partibus rem in sequestrum det, quam, inito sequestro, officium partium, jure naturali dirigitur, & cum objecti indoles hoc exigit, obligatio sequestris plerumque longe latior est, obligatione simplicis depositarii. Contra invitam datur actio, quæ *prescriptis verbis* regulariter non dicitur, non obstat *l. 9. §. 3. de dol.* ibi enim in dubio adhibitum fuit nomen actionis, præscriptis verbis, quia conditio, sequestro adjecta, nondum extiterat, adeoque nomine actionis sequestrarie uti, Jcto inconcinnum videbatur, hodie tota illa sollicitudo supervacanea est.

LIB. XVII. TIT. I.

MANDATI VEL CONTRA.

OBSERV. CCCCLXXIII.

**M***andatum*) Quæ de indole hujus negotii *ALTOR* tradit *lit. D. N. †. C. S. P. C. R.* illa omnia *juris gentium* sunt, si hæc excipias, (1) quod ad validitatem mandati requiratur, ut mandantis semper interfit, *sign. †. n. 6.* id quod fuit ex hypothese civili, quod in utilitatem tertii contrahere non liceat, quæ hodie cessat, ut alibi dicitur; (2) quod mulieres intercessionis causa mandare nequeant aut virile munus mandato su-

fufcipere, *lit. P.* (3) quod mandatarius, post litem contestatam, ex dominio litis acquisito, mandare queat. *lit. P.* cujus dominiitidem hodiè nullum usum esse arbitror, licet alii aliter sentiant, hinc omnem mandatarii judicialis facultatem ex mandantis concessione æstimandam puto. In hunc censum etiam pertinet (4) sollicitudo circa nomen actionis, qua honorarium exigatur *lit. R.* quæ hodie quoque otiosa est. Porro quæ de *officio contrahentium* dicit *ALTOR lit. E.* & latius persequitur, dum actionem directam & contrariam expendit, illa etiam, si pœnas nonnullas intercurrentes excipias, sunt naturalia, fluunt enim ex præceptis de damno sarciendo & fide servanda, hinc hæctenus Romanis nihil nisi confirmatio debetur.

## OBSERV. CCCCLXXIV.

*Commendatio lit. SS.*) Quod ex hac ut & ex Consilio regulariter nulla sequatur obligatio, *vid. DECIS. SAXON. 42.* id quoque naturale est, quando enim animus obligandi deest, tum ex actu suscepto obligatio sequi nequit. Exceptiones, quas *FINCKELTHALLS* aliique tradunt, ad duo genera revocantur; Obligatio scilicet sequitur (1) si dolus interveniat, (2) si de animo obligandi ex circumstantiis constet; hinc personæ, commendandi consulendique modus & similia probe expendi debent.

## OBSERV. CCCCLXXV.

*Ipsi vero contra mandatorem, quoad excessum, nulla, nec negotiorum gestorum actio, competit*) Si tamen mandatarius, ratione pretii, fines mandati excesserit, tum etiam mandans non habebit actionem mandati, quoad ipsam rem, si majus pretium præstare nolit, sed



sed solum ad interesse, perinde ac si mandatarius nullam omnino rem comparasset, agere poterit. Fac me tibi mandasse, ut equum compares pro centum imperialibus, tu dedisti 150. A me quidem excessum petere nequis, attamen nec ergo à te petere possum, quo pro centum rem mihi præstes, sed tu saltem ad interesse teneberis, perinde ac si nullam rem comparasset.

## OBSERV. CCCCLXXVI.

*Quam si in proprios usus convertit, tenetur ad centesimas obf. l. 10. §. 3. b. t.)* Per usuras legitimas in d. l. 10. §. 3. intelligi centesimas, docet quoque GERHARD NOODT de usur. l. 2. c. 5. existimans legitimo modo idem esse ac ad legitimum modum, & ante JUSTINIANUM, licuisse usque ad centesimam stipulari usuras, ac adeo centesimam fere nomine legitimæ usuræ venisse, v. l. 1. §. 3. de pign. l. 4. 1. de naut. fæn. l. 8. in quib. caus. pign. tac. contrab. Cæterum ut dispositio illa videtur esse restringenda ad eum casum, ubi aliqua mandatarii calliditas vel dolus subfuit, ita eam per l. 26. C. de usur. esse sublatam, aut saltem hodie non observari aliqui contendunt. vid. BERGER in resolut. b. qu. 4.

## OBSERV. CCCCLXXVII.

*Non etiam quod casu fortuito*) Ita recte dicitur, licet enim mandans sua voluntate etiam hoc damnum dedisse videatur, dum ei mandato præbuit occasionem, cum, si mandatarius domi mansisset, illud non accepisset, attamen à parte altera considerandum est, quod mandatarius, dum ultro mandatum suscepit, in ea omnia censeatur consensisse, quæ ejus executionem nonnunquam comitantur, ex quo etiã ad textum ob.

obstantem in eoque contentum dixerim, *quod nemini officium debeat esse damnosum*, responderi potest, habet scilicet perpetuam limitationem: *nisi quis in damnum consenserit*. Juxta hæc igitur non est, cur *l. 26. §. 6. b. t. de curialitate* non debere observari, cum *ACCURSIO*, cui *ALTUMNIUS & GROENEWEGEN*, teste *HAHNIO loc. cit.* adstipulantur, arbitremur.

## OBSERV. CCCCLXXIIX.

*Solvitur mandatum lit. C.*) Ultima ratio, cur mandatum solvatur, in quovis casu, *à defectu consensus* dependet, ex quo liquet, etiam hanc doctrinam esse naturalem, quamvis non negandum sit, quin aliquando voluntatem partium certius determinet lex positiva.

## OBSERV. CCCCLXXIX.

*Et nisi tale negotium sit commissum, quod ante mortem mandatis impleri nequeat obst. l. fin. in fin. de solut.)* Quod morte mandatum solvatur, id etiam *à consensu* est, nam & mandans intuitu sui censetur aliquid mandasse, & certam etiam personam elegisse, hinc morte, re integra, superveniente, mandatum evanescit. Quod si tamen expresse ultra mortem mandatum extendatur, tum naturaliter utiq; ob consensum durabit, id quod in *l. 12. §. fin. l. 13. b. t.* etiam agnitum est; sed obloquitur *l. fin. de solut.* quod *contrarium durissimum & scabrosum* dicit *SALICETUS*; Quomodo alii respondeant, vel etiam textum cum *CUJACIO* emendent, refert *BACHOV. d. l.* Ego, salvo rectius sentientium judicio, crediderim, *ICtum* non negasse, quin expresse consensu ultra mortem mandatum extendi queat, (nam hoc absurdum est, adeoque non temere præsumi debet)

bet) sed eundem declarasse *naturam mandati*, sive regulam vulgatam: *mandatum morte extinguitur*, ea quidem ratione, ut ostenderet, non quævis exempla ad regulam illam quadrare, adeoque in iis distinguendis & dijudicandis non cautos esse debere. Id quod ex addita textui paraphrasi fiet manifestius: *Ei, qui mandatum meo* (quod negotium me vivo & initur & executioni datur) *post mortem meam stipulatus est*, (hoc est alterum negotium, & Mandati præcedentis scopus) *recte solvitur, quia talis est lex obligationis*, (stipulatio non pure, sed in diem mortis meæ erat concepta, hinc ante mortem nihil peti poterat, post mortem verò recte potest, quia & ambo contrahentes adhuc vivunt, & si etiam decessissent, tamen huius generis conventiones in hæredes active & passive transmittuntur) *ideoque etiam invito me recte solvitur*, (nam ex mandatu quidem meo profecta est stipulatio, sed postquam illa inita est, tanquam perfectum negotium inter contrahentes valet &, me etiam invito, suum habet & effectum & exitum) *Ei autem*, (hætenus igitur allatum exemplum non est congruum, nec regulæ declarandæ inservit, sed quod nunc sequitur, aptum est & huc pertinet) *cui iussi debitorem meum post mortem meam solvere*, (quod unicum negotium hic subest ac post mortem impleri debet) *non recte solvitur, quia mandatum morte dissolvitur*, si scilicet juxta regulam seu naturam mandati pronuntiandum sit, annon verò juxta specialem mandantis voluntatem aliud dici debeat, id non negatur.

## TIT. II. PRO SOCIO.

### OBSERV. CCCCLXXX.

**S***ocietas*) Quæ de contractu hoc *AUTOR* disse-  
rit *lit. D. N.†. C. S. O. d. A.* illa Romanis non de-  
bentur, sed communia rectæ rationis sunt decreta,  
nisi quod lex positiva libertatem contrahendi quibus-  
dam personis adimat *lit. S.* aut delictum quandoque  
puniat *lit. O.*

### OBSERV. CCCCLXXXI.

*Fit solo consensu utcumque declarato, etiam facto  
lit. C.)* Hinc si duo bona conferant ac velut socii con-  
junctim negotientur, tum etiam pro sociis erunt ha-  
bendi, licet expressam conventionem inter se non  
inierint. Quod si tamen unus cum exteris saltem ne-  
gotietur, ejusque nomine contractus concipiantur,  
tum adversus illum solum exteri agere potuerunt,  
quoniam alterius socii personam plane non respexe-  
runt. Erunt igitur tales quidem socii inter se, sed non  
quoad externos, nisi hi cum ambobus contrahere in-  
cipiant.

### OBSERV. CCCCLXXXII.

*Nec ob delictum jure condemnatus rem ex communi  
consequitur lit. O.)* Unde vero illud accipiet, cum  
stante societate universali, nemo sociorum aliquid  
proprii habeat? Crediderim hætenus pœnam ex com-  
munibus bonis utique esse sumendam, sed facta di-  
visione, hoc damnum ad solum socium delinquen-  
tem pertinere, nisi reliquorum condonatio acce-  
dat,

dat, quæ sane inter socios universalis videtur frequentissima.

## OBSERV. CCCCLXXXIV.

*Communicantur res*) Officia sociorum, quæ nunc *AUTOR* explicare incipit, respiciunt *ipsos socios* vel *Exteros*. Illa ut recte intelligantur, triplex societatis status distingui debet, *perfecta, consummata & soluta*. Si societas *perfecta* sit, consensu scilicet de rebus conferendis plane dato, tum obligantur socii ob fidem datam, ad consummandum contractum seu jura & res communicandas, quod quidem naturaliter solo consensu fieri potest, sed juxta jus civile, traditio & cessio nonnunquam requiritur, ceu hic docetur.

## OBSERV. CCCCLXXXV.

*Lucrum & damnum*) Societate *consummata & constante*, officium sociorum est, lucrum, juxta mensuram consensus præcedentis, communicare, ac damnum sustinere, modo sit fortuitum vel utriusque culpa datum, nam si unus sua voluntate damnum dederit, hoc solus ferre cogitur, nisi cæterorum condonatio accedat. De cætero multiplex conventio hoc fine iniri potest, quod per exempla hic illustratur, quæ tota doctrina iterum naturalis est, illa etiam conventio, qua societas leonina, quam vocant, intenditur, naturaliter invalida videtur ob contradictionem, nam societati talis conventio contraria est, hinc utrumque contrahentes serio voluisse censeretur nequeunt. Denique *soluta societate*, præstationes modo adductæ recurrunt, ac insuper de rerum communium separatione ac restitutione quæri solet.

## OBSERV. CCCCLXXXVI.

*Lucrum non est, nisi deducto omni damno & contra*) Per modum limitationis vel temperamenti, hoc variis conventionum exemplis hic relatis subjicitur. In specie quoque refertur ad illum casum, ubi conventum est, ut quis partem lucri ferat, de damno non teneatur, *vid. §. 2. f. de societ.* Sed dixerit quis, hæc sibi contradicere, si enim lucrum non est, nisi deducto damno, alter revera damnum sentit, cum tamen vi conventionis initæ, nil nisi lucrum sentire deberet! Dicendum est, quod utique illius conventionis nullus sit effectus, si finita demum societate, calculus subducatur, seu lucrum & damnum computetur, aut si juxta statuta tempora utriusque ratio incatur, aliquis ejus est effectus, nam si per tempus statutum, nil nisi lucrum fuerit perceptum, tum socius ejus partem accipit, si, subductis hac vice rationibus, damnum postea eveniat, illud alter socius hætenus ferre tantum cogitur, ut alter de lucro olim percepto nihil conferre debeat. Existimatum scilicet fuit, tales conventiones stricte esse accipiendas, ut satis sit, si aliquo casu alter lucrum sine damno percipiat.

## OBSERV. CCCCLXXXVII.

*Actio pro socio*) Ad officium explendum socii coguntur *actione pro socio*, quam dum *AUTOR* explicat, naturalem sociorum obligationem iterum attingit. De cætero locum potest habere illa actio societate perfecta, consummata, & soluta, quamvis, si ex affectu hominum hac de re judicandum sit, illo & isto respectu, rarius illa usum sit habitura. Quando enim eo deventum est, ut socii se judicio pulsare velint, tum nec societatem ingredientur, nec initam diu continuabunt.

## OBSERV. CCCCLXXXVIII.

*Hoc refarcire socio debet, sine compensatione lucri cum damno* Obft. l. ii. de N. G.) A negotiorum gestore, de quo d. l. loquitur, ad socium non valet consequentia, ille enim ultro ex mera benevolentia ad negotia accersit, hinc lucri cum damno compensatio merito admittitur, at socius specialiter ad lucrum procurandum est obligatus, hoc igitur si faciat, obligationem implet, hinc hoc nomine compensationem prætere nequit, sed damnum, quod dedit, sine lucri illius consideratione, specialiter refarcire cogitur. Interim non dubitem, quin socii, quibus societatem continuare placet, facile istam compensationem sint admissuri.

## OBSERV. CCCCLXXXIX.

*Sed non ad res communes dividendas*) Misera est illa fori Romani subtilitas, qua minutias ejusmodi confectari placuit. Si duo in communionem incidant, dum v. g. ipsis res legata est, illi & ad res dividendas, & ad præstationes personales obtinendas agunt *actione communi dividundo*, at si speciali conventionione societas inita sit, tum ista separari debent, adeo ut ad rerum divisionem agatur *actione communi dividundo*, ad obtinendas præstationes personales, *actione pro socio*. Interim istæ petitiones eodem libello conjungi possunt, ut hætenus res eodem recidat, sive unam sive duas actiones afferas. Illa sane neque eruditionem, neque aliud quid eximium, sed artem tabulariam redolent. vid. *Observ. 283.*

## OBSERV. CCCCLXXX.

*Habent autem socii beneficium competentie, etiam si certa tantum rei vel negotiationis socii sint* obft. l. i. §.

*de re judic.*) Beneficium competentiae, uti alias, ita hic etiam est ex jure civili, quod tamen an & socio particulari idem concedere voluerit, valde dubium est. Varie quidem *l. 16. de re jud.* cum *l. 63. b. t.* conciliare nituntur, *vid. ZOES. b. n. 43. DONELL. l. 27. c. 9. lit. H. ibique Hillig.* Sed allata vix tollendo dubio sufficiunt, quemadmodum nec crediderim, ea, quae hic admonuit *Dn. BERGER in resolut. qu. 5.* ineundae concordiae sufficere. Subfuisse aliquem inter JCtos hac in re dissensum, ex *d. l. 63.* non obscure liquet, & facile hic accidere potuit, cum non tam ex jure aliquo scripto, quam potius ex æquitate naturali adstruere voluerint beneficium competentiae, in hac vero æstimanda nonnunquam diversas esse posse sententias, negari nequit. Probabile itaque est, quod vel *ULPIANUS* sententiam in *d. l. 63.* propositam, mutaverit in *d. l. 16.* vel per inadvertentiam quandam secutus sit scriptores dissentientes, in quos forte altero loco inciderat, id quod non infrequens esse, multis exemplis ostendi potest. Quodsi omnino aliquid pro conciliatione mihi tentandum sit, dicerem verba *d. l. 16. socium autem omnium bonorum accipiendum est*, non esse intelligenda ratione societatis, sed *periculi*, quod socio convento imminet, ut ea sit sententia: *socium omnium bonorum*, i. e. de omnibus suis bonis periclitantem, seu omnia bona, si penitus solvere debeat, amissurum, *accipiendum est*, nam alias, si satis solvendo sit, beneficio hoc non gaudet. Sic nulla suberit difficultas, cum ejusmodi omnium bonorum socius, etiam possit esse particularis. Sed huic etiam conciliationi quivis pro suo arbitrio pretium statuat!



## OBSERV. CCCCXCI.

*Solvitur Societas*) Ultima ratio in omnibus societatem solvendi modis, à *consensu* sociorum desumi debet, hinc solutio illa juris gentium est, nam intuitu *certarum personarum* societas initur, hinc *mors* arguit defectum consensus ac societatem tollit. Si *mutuus dissensus* superveniat, res liquida est, sed & *unius renunciatio* animam velut societati subtrahere valet, cum non conveniat invitos affectuque parum amico sese invicem prosequentes, in societate detinere, hinc natura negotii facultatem renunciandi in se continet. Denique ex *rebus & tempore* defectum consensus etiam colligi, manifestum est.

## OBSERV. CCCCXCII.

*Neque valet pactum, ut haeres socii in societatem succedat*) Videtur invaliditas hujus pacti etiam naturaliter defendi posse, nam ea est indoles societatis, ut non nisi inter amicos, prævia deliberatione omnia accurate exputantes, esse soleat, talis igitur conventio, qua vel invitus societatem ingredi, vel ab invitis recipi debeat, naturæ illius negotii repugnat, hinc ob contradictionem valere nequit. Quia tamen hæc res à voluntate hominum dependet, ideo certior determinatio à jure civili est, quæ etiam exceptiones admittere potest & solet.

## OBSERV. CCCCXCIII.

*Renuncians socium quidem à se, sed non se à socio liberat*) Hoc quoque naturale videtur, quod callida renunciatio ratione renunciantis valida, ejus vero, cui illa facta, invalida sit, nam qui renunciat, ille socium, quantum in se est, dimittit, & huic hoc acceptare integrum est, hinc merito renuncians juxta legem, quam

ipse dixit, tractatur. Is vero, cui renunciatio facta, renunciantem non dimisit, nec ut ita faciat, obligatus est, hinc societatis obligatio in illo durat. An autem callida subsit renunciatio nec ne, id caute judicari debet, nec crediderim socium omnium bonorum indistincte doli reum esse, si societati renunciet, quo hæreditarem aliquam solus lucrifaciat, ceu dicitur in *l. 65. §. 3. b. t. §. 4. 7. eod.*

## DE SOCIIS CUM EXTRA- NEIS CONTRAHEN- TIBUS.

### OBSERV. CCCCXCIV.

**S***omnes socii simul contraxerunt* ) Postea dispiciendum de officio sociorum erga externos, vel horum erga illos, *vid. Observ. 484.* Et illud quidem certum est, quod ex contractibus socii aliis, & hi illis, naturaliter obligentur, sed in eo difficultas est, an socii, pro correis credendi & debendi, in ejusmodi contractibus haberi debeant nec ne. Dependet illud utique ex eorum voluntate, hæc vero cum sæpe sit incerta, hinc interpretationi legis positivæ, si adsit, multum erit tribuendum. *AUTOR* juxta varios casus hanc rem explicare nritur, sed forte non satis recte. Si omnes contrahant, eos saltem pro rata obligare & obligari contendit. Sed cum per contractum societatis, una quasi persona effecti sint socii, putarem potius, omnes in isto casu correos credendi & debendi fieri, nec obest *l. 9. C. si cert. pet.* nam correos sine voluntate paciscentium non fieri docet, sed hic voluntatem, ex contractu societatis colligendam, adesse, non male dicitur. Atque hæc sententia obtinet in Saxonia Ele-

cto-

torali teste *CARPZ. P. 2. C. 17. D. 12.* qui etiam in *fin. b.* allegatur. In Gallia quoque *vid. PERETZ ad C. de duob. reis n. 17. & AUTOR* eam sequitur *infra de duob. reis lit. E. n. 4.* Ex eo autem hoc etiam sequetur, quod unus ex sociis Solidum exigere queat, nec ratione cæterorum vel mandatum exhibere vel de rato cavere teneatur, quamvis de hoc amplius ex Judiciorum observantia judicandum sit.

## OBSERV. CCCCXCV.

*Si unus ex sociis cum extraneo contraxit proprio nomine*) Hæc sententia admittenda videtur ob rationem allatam, nam neque socii reliqui extraneum, neque hic illos obstringere voluerunt, hinc nec ex postfacto, contractu dudum inito, hoc velle possunt. Videtur autem in primis hoc evenire, si socii ipso facto societatem inierint, ac unius nomine omnis negotiatio peragatur, *vid. Observ. 482.*

## OBSERV. CCCCXCVI.

*Nomine societatis, siquidem à reliquis tanquam institor*) Si unus nomine societatis contraxerit, (quod quidem non ex eo solo æstimandum, quod nomen societatis prætexatur, sed potius ex eo, quod secundum societatis legem, de rebus ad eam pertinentibus contrahatur) non opus videtur illis ambagibus, ut inquiretur, an contrahens, velut institor cæterorum spectari queat nec ne, sed simpliciter dicendum, quod cæteri ex illo contractu in solidum obligentur, in quod etiam *AUTOR* tandem inclinatur, nam hoc efficit societatis contractus præcedens. Porro ob paritatem rationis, cæteris sociis agendi jus quoque erit asserendum, nam ambages, quas Romani fecerunt & refert *AUTOR b.*

redolere antiquum processum, & hodie cessare, jam admonui *Observ. 410. n. 3.*

LIB. XVIII. TIT. I.  
DE CONTRAHENDA EM-  
TIONE ET DE PA-  
CTIS &c.

OBSERV. CCCCXCVII.

**E**mtio venditio ) Hunc contractum esse juris gentium, & communiter fatentur, & experientia satis confirmat, hinc ea omnia, quæ hic *lit. D. N. † C. S. O.* traduntur, ex communibus omnium gentium principiis dependent, nisi quod nonnunquam aliqua pœna intercurrat, vel facultas contrahendi, quoad certas personas vel res, specialius restringatur, aut quæstio voluntatis certius determinetur, in quibus usum juris civilis agnoscere par est.

OBSERV. CCCCXCVIII.

*Interim locus est penitentiae, cum arrha tamen dispendio, si quæ data est*) Merito hoc ad casum emtionis venditionis imperfectæ refertur, quod in primis ex *d. l. 17. C. de fid. instr.* patet, nam si emtio perfecta sit, tum cum dispendio arrhæ recedere non licet, sed alter, si velit, ad contractum implendum, adigere perfidum potest, quamvis sæpe in perfidiæ futuræ remedium arrha & exigatur &, evitandis litis molestiis, retineatur Ratio autem, quare ab imperfecta etiam venditione recedens, arrharum dispendium subire debeat, est, quod pactum de emendo subfuerit, cujus adeo violatio hoc modo coercetur.

OBSERV. CCCCXCIX.

*Nisi talem esse ignoraverit uterque vel solus emptor,*

*NAM*

*nam tum venditor obligatur ad interesse obft. l. 62. §. 1. b. nifi habuerit jufam ignorantia caufam lit. O. n. 3.)*

Quando res extra commercium pofita, venditur, contractus quidem eft nullus ratione intentionis principalis, fecundaria tamen, ejus occasione, ad interesse præftandum, in venditore quandoque nascitur obligatio, quo respectu adeo contractus valere dicitur. Hoc ut distinctius explicet *AUTOR*, tres casus distinguit, vel enim (1.) uterque rei qualitatem ignorat, vel (2.) solus emtor vel (3.) solus venditor. Ultimo casu venditorem ad nihil teneri, facile liquet, cum emtor se ipsum velut deceperit, at primo & secundo casu eum ad interesse obligari, *AUTOR* dicit. Deinde secundo casui subjicit *objectionem ex d. l. 62. §. 1. & limitationem* modo relatam. Sed uti hæc ad illum casum secundum non quadrat, adeoque ad primum referenda videtur, (frustra enim de justa ignorantie causa, aliquid quoad venditorem admonetur, quando ejus scientia supponitur) ita an objectio ad eum pertineat, non immerito dubitatur. Equidem *Dn. BERGER* in *resolut. b. qu. 3.* eo objectionem refert, idque secundo casui objici putat, quod *emtio non teneat*, responderetque hoc solum verum esse quoad obligationem principalem, non verò secundariam ad interesse. Verum mihi probabilius videtur, quod, sicut limitatio, ita & objectio ad primum casum spectet, & hoc objiciatur, venditorem ignorantem ad interesse non posse esse obligatum, cum in *d. l. 62. §. 1. ex deceptione* obligatio reputatur, quæ in ignorantem non cadit. Debet igitur quoad primum casum, juxta indicium subjæctæ limitationis, amplius distingui, utrum venditor ignorans justam ignorantie causam

## TIT. II. PRO SOCIO.

OBSERV. CCCCLXXX.

**S***ocietas*) Quæ de contractu hoc *AUTOR* differit *lit. D. N.†. C. S. O. d. A.* illa Romanis non debentur, sed communia rectæ rationis sunt decreta, nisi quod lex positiva libertatem contrahendi quibusdam personis adimat *lit. S.* aut delictum quandoque puniat *lit. O.*

OBSERV. CCCCLXXXI.

*Fit solo consensu utcumque declarato, etiam facto lit. C.)* Hinc si duo bona conferant ac velut socii conjunctim negotientur, tum etiam pro sociis erunt habendi, licet expressam conventionem inter se non inierint. Quod si tamen unus cum exteris saltem negotietur, ejusque nomine contractus concipiantur, tum adversus illum solum exteri agere potuerunt, quoniam alterius socii personam plane non respexerunt. Erunt igitur tales quidem socii inter se, sed non quoad externos, nisi hi cum ambobus contrahere incipiant.

OBSERV. CCCCLXXXII.

*Nec ob delictum jure condemnatus rem ex communi consequitur lit. O.)* Unde vero illud accipiet, cum stante societate universali, nemo sociorum aliquid proprii habeat? Crediderim hætenus poenam ex communibus bonis utique esse sumendam, sed facta divisione, hoc damnum ad solum socium delinquentem pertinere, nisi reliquorum condonatio accedat,

dat, quæ sane inter socios universalis videtur frequentissima.

## OBSERV. CCCCLXXXIV.

*Communicantur res*) Officia sociorum, quæ nunc *AUTOR* explicare incipit, respiciunt *ipsos socios* vel *Exteros*. Illa ut recte intelligantur, triplex societatis status distingui debet, *perfecta*, *consummata* & *soluta*. Si societas *perfecta* sit, consensu scilicet de rebus conferendis plane dato, tum obligantur socii ob fidem datam, ad consummandum contractum seu jura & res communicandas, quod quidem naturaliter solo consensu fieri potest, sed juxta jus civile, traditio & cessio nonnunquam requiritur, ceu hic docetur.

## OBSERV. CCCCLXXXV.

*Lucrum & damnum*) Societate *consummata* & *constante*, officium sociorum est, lucrum, juxta mensuram consensus præcedentis, communicare, ac damnum sustinere, modo sit fortuitum vel utriusque culpa datum, nam si unus sua voluntate damnum dederit, hoc solus ferre cogitur, nisi cæterorum condonatio accedat. De cætero multiplex conventio hoc fine iniri potest, quod per exempla hic illustratur, quæ tota doctrina iterum naturalis est, illa etiam conventio, qua societas *leonina*, quam vocant, intenditur, naturaliter invalida videtur ob contradictionem, nam societati talis conventio contraria est, hinc utrumque contrahentes serio voluisse censeri nequeunt. Denique *soluta societate*; præstationes modo adductæ recurrunt, ac insuper de rerum communium separatione ac restitutione quæri solet.

## OBSERV. CCCCLXXXVI.

*Lucrum non est, nisi deducto omni damno & contra*) Per modum limitationis vel temperamenti, hoc variis conventionum exemplis hic relatis subjicitur. In specie quoque refertur ad illum casum, ubi conventum est, ut quis partem lucri ferat, de damno non teneatur, *vid. §. 2. 7. de societ.* Sed dixerit quis, hæc sibi contradicere, si enim lucrum non est, nisi deducto damno, alter revera damnum sentit, cum tamen vi conventionis initæ, nil nisi lucrum sentire deberet! Dicendum est, quod utique illius conventionis nullus sit effectus, si finita demum societate, calculus subducatur, seu lucrum & damnum computetur, aut si juxta statuta tempora utriusque ratio ineatur, aliquis ejus est effectus, nam si per tempus statutum, nil nisi lucrum fuerit perceptum, tum socius ejus partem accipit, si, subductis hac vice rationibus, damnum postea eveniat, illud alter socius hætenus ferre tantum cogitur, ut alter de lucro olim percepto nihil conferre debeat. Existimatum scilicet fuit, tales conventiones stricte esse accipiendas, ut satis sit, si aliquo casu alter lucrum sine damno percipiat.

## OBSERV. CCCCLXXXVII.

*Actio pro socio*) Ad officium explendum socii coguntur *actio pro socio*, quam dum *AUTOR* explicat, naturalem sociorum obligationem iterum attingit. De cætero locum potest habere illa actio societate perfecta, consummata, & soluta, quamvis, si ex affectu hominum hac de re judicandum sit, illo & isto respectu, rarius illa usum sit habitura. Quando enim eo deventum est, ut socii se judicio pulsare velint, tum nec societatem ingredientur, nec initam diu continuabunt.



## OBSERV. CCCCLXXXVIII.

*Hoc refarcire socio debet, sine compensatione lucri cum damno* *Obst. l. ii. de N. G.*) A negotiorum gestore, de quo *d. l.* loquitur, ad socium non valet consequentia, ille enim ultro ex mera benevolentia ad negotia accersit, hinc lucri cum damno compensatio merito admittitur, at socius specialiter ad lucrum procurandum est obligatus, hoc igitur si faciat, obligationem implet, hinc hoc nomine compensationem prætere nequit, sed damnum, quod dedit, sine lucri illius consideratione, specialiter refarcire cogitur. Interim non dubitem, quin socii, quibus societatem continuare placet, facile istam compensationem sint admissuri.

## OBSERV. CCCCLXXXIX.

*Sed non ad res communes dividendas*) Misera est illa fori Romani subtilitas, qua minutias ejusmodi confectari placuit. Si duo in communionem incidant, dum v. g. ipsis res legata est, illi & ad res dividendas, & ad præstationes personales obtinendas agunt *actione communi dividundo*, at si speciali conventionione societas inita sit, tum ista separari debent, adeo ut ad rerum divisionem agatur *actione communi dividundo*, ad obtinendas præstationes personales, *actione pro socio*. Interim istæ petitiones eodem libello conjungi possunt, ut hætenus res eodem recidat, sive unam sive duas actiones afferas. Illa sane neque eruditionem, neque aliud quid eximium, sed artem tabulariam redolent. *vid. Observ. 283.*

## OBSERV. CCCCLXX.

*Habent autem socii beneficium competentie, etiam si certa tantum rei vel negotiationis socii sint* *obst. l. 16.*

*de re judic.*) Beneficium competentiae, uti alias, ita hic etiam est ex jure civili, quod tamen an & socio particulari idem concedere voluerit, valde dubium est. Varie quidem *l. 16. de re jud.* cum *l. 63. b. t.* conciliare nituntur, *vid. ZOES. b. n. 43. DONELL. l. 27. c. 9. lit. H. ibique Hillig.* Sed allata vix tollendo dubio sufficiunt, quemadmodum nec crediderim, ea, quae hic admonuit *Dn. BERGER in resolut. qu. 5.* ineundae concordiae sufficere. Subfuisse aliquem inter JCtos hac in re dissensum, ex *d. l. 63.* non obscure liquet, & facile hic accidere potuit, cum non tam ex jure aliquo scripto, quam potius ex aequitate naturali adstruere voluerint beneficium competentiae, in hac vero aestimanda nonnunquam diversas esse posse sententias, negari nequit. Probabile itaque est, quod vel *ULPIANUS* sententiam in *d. l. 63.* propositam, mutaverit in *d. l. 16.* vel per inadvertentiam quandam secutus sit scriptores dissentientes, in quos forte altero loco inciderat, id quod non infrequens esse, multis exemplis ostendi potest. Quodsi omnino aliquid pro conciliatione mihi tentandum sit, dicerem verba *d. l. 16. socium autem omnium bonorum accipiendum est*, non esse intelligenda ratione societatis, sed periculi, quod socio convento imminet, ut ea sit sententia: *socium omnium bonorum*, i. e. de omnibus suis bonis periclitantem, seu omnia bona, si penitusolvere debeat, amissurum, *accipiendum est*, nam alias, si satis solvendo sit, beneficio hoc non gaudet. Sic nulla suberit difficultas, cum ejusmodi omnium bonorum socius, etiam possit esse particularis. Sed huic etiam conciliationi quivis pro suo arbitrio pretium statuat!

## OBSERV. CCCCXCI.

*Solvitur Societas*) Ultima ratio in omnibus societatem solvendi modis, à *consensu* sociorum defumi debet, hinc solutio illa juris gentium est, nam intuitu *certarum personarum* societas initur, hinc *mors* arguit defectum consensus ac societatem tollit. Si *mutuus dissensus* superveniat, res liquida est, sed & *unius renunciatio* animam velut societati subtrahere valet, cum non conveniat invitos affectuque parum amico sese invicem prosequentes, in societate detinere, hinc natura negotii facultatem renunciandi in se continet. Denique ex *rebus & tempore* defectum consensus etiam colligi, manifestum est.

## OBSERV. CCCCXCII.

*Neque valet pactum, ut heres socii in societatem succedat*) Videtur invaliditas hujus pacti etiam naturaliter defendi posse, nam ea est indoles societatis, ut non nisi inter amicos, prævia deliberatione omnia accurate exputantes, esse soleat, talis igitur conventio, qua vel invitus societatem ingredi, vel ab invitis recipi debeat, naturæ illius negotii repugnat, hinc ob contradictionem valere nequit. Quia tamen hæc res à voluntate hominum dependet, ideo certior determinatio à jure civili est, quæ etiam exceptiones admittere potest & solet.

## OBSERV. CCCCXCIII.

*Renuncians socium quidem à se, sed non se à socio liberat*) Hoc quoque naturale videtur, quod callida renunciatio ratione renunciantis valida, ejus vero, cui illa facta, invalida sit, nam qui renunciat, ille socium, quantum in se est, dimittit, & huic hoc acceptare integrum est, hinc merito renuncians juxta legem, quam

ipse dixit, tractatur. Is vero, cui renunciatio facta, renunciantem non dimisit, nec ut ita faciat, obligatus est, hinc societatis obligatio in illo durat. An autem callida subsit renunciatio nec ne, id caute judicari debet, nec crediderim socium omnium bonorum indistincte doli reum esse, si societati renunciaret, quo hereditatem aliquam solus lucrifaciat, ceu dicitur in *l. 65. §. 3. h. t. §. 4. 7. eod.*

## DE SOCIIS CUM EXTRA- NEIS CONTRAHEN- TIBUS.

OBSEV. CCCCXCIV.

**S***omnes socii simul contraxerunt*) Postea dispiciendum de officio sociorum erga externos, vel horum erga illos, *vid. Observ. 484.* Et illud quidem certum est, quod ex contractibus socii aliis, & hi illis, naturaliter obligentur, sed in eo difficultas est, an socii, pro correis credendi & debendi, in ejusmodi contractibus haberi debeant nec ne. Dependet illud utique ex eorum voluntate, hæc vero cum sæpe sit incerta, hinc interpretationi legis positivæ, si adsit, multum erit tribuendum. *AUTOR* juxta varios casus hanc rem explicare nritur, sed forte non satis recte. Si omnes contrahant, eos saltem pro rata obligare & obligari contendit. Sed cum per contractum societatis, una quasi persona effecti sint socii, putarem potius, omnes in isto casu correos credendi & debendi fieri, nec obest *l. 9. C. scert. pet.* nam correos sine voluntate paciscentium non fieri docet, sed hic voluntatem, ex contractu societatis colligendam, adesse, non male dicitur. Atque hæc sententia obtinet in Saxonia Ele-  
cto-

ſorali teſte *CARPZ. P. 2. C. 17. D. 12.* qui etiam in *fin. b.* allegatur. In Gallia quoque *vid. PERETZ ad C. de duob. reis n. 17. & AUTOR* eam ſequitur *infra de duob. reis lit. E. n. 4.* Ex eo autem hoc etiam ſequetur, quod unus ex ſociis Solidum exigere queat, nec ratione cæterorum vel mandatum exhibere vel de rato cavere teneatur, quamvis de hoc amplius ex Iudiciorum obſervantia judicandum ſit.

## OBSERV. CCCCXCV.

*Si unus ex ſociis cum extraneo contraxit proprio nomine*) Hæc ſententia admittenda videtur ob rationem allatam, nam neque ſocii reliqui extraneum, neque hic illos obſtringere voluerunt, hinc nec ex poſtfacto, contractu dudum inito, hoc velle poſſunt. Videtur autem in primis hoc evenire, ſi ſocii ipſo facto ſocietatem inierint, ac unius nomine omnis negotiatio peragatur, *vid. Obſerv. 482.*

## OBSERV. CCCCXCVI.

*Nomine ſocietatis, ſiquidem à reliquis tanquam inſtitor*) Si unus nomine ſocietatis contraxerit, (quod quidem non ex eo ſolo æſtimandum, quod nomen ſocietatis prætexatur, ſed potius ex eo, quod ſecundum ſocietatis legem, de rebus ad eam pertinentibus contrahatur) non opus videtur illis ambagibus, ut inquiretur, an contrahens, velut inſtitor cæterorum ſpectari queat nec ne, ſed ſimpliciter dicendum, quod cæteri ex illo contractu in ſolidum obligentur, in quod etiam *AUTOR* tandem inclinatur, nam hoc efficit ſocietatis contractus præcedens. Porro ob paritatem rationis, cæteris ſociis agendi jus quoque erit aſſerendum, nam ambages, quas Romani fecerunt & refert *AUTOR b.*

redolere antiquum processum, & hodie cessare, jam admonui *Observ. 410. n. 3.*

LIB. XVIII. TIT. I.  
DE CONTRAHENDA EM-  
TIONE ET DE PA-  
CTIS &c.

OBSERV. CCCCXCVII.

**E**mtio venditio ) Hunc contractum esse juris gentium, & communiter fatentur, & experientia factis confirmat, hinc ea omnia, quæ hic *lit. D. N. † C. S. O.* traduntur, ex communibus omnium gentium principiis dependent, nisi quod nonnunquam aliqua pœna intercurrat, vel facultas contrahendi, quoad certas personas vel res, specialius restringatur, aut quæstio voluntatis certius determinetur, in quibus usum juris civilis agnoscere par est.

OBSERV. CCCCXCVIII.

*Interim locus est pœnitentiæ, cum arrha tamen dispendio, si quæ data est*) Merito hoc ad casum emtionis venditionis imperfectæ refertur, quod in primis ex *d. l. 17. C. de fid. instr.* patet, nam si emtio perfecta sit, tum cum dispendio arrhæ recedere non licet, sed alter, si velit, ad contractum implendum, adigere perfidum potest, quamvis sæpe in perfidiæ futuræ remedium arrha & exigatur &, evitandis litis molestiis, retineatur. Ratio autem, quare ab imperfecta etiam venditione recedens, arrharum dispendium subire debeat, est, quod pactum de emendo subfuerit, cujus adeo violatio hoc modo coercetur.

OBSERV. CCCCXCIX.

*Nisi talem esse ignoraverit uterque vel solus emtor,*

*nam*

*nam tum venditor obligatur ad interesse obft. l. 62. §. 1. b. nifi habuerit jufam ignorantia caufam lit. O. n. 3.)*

Quando res extra commercium pofita, venditur, contractus quidem eft nullus ratione intentionis principalis, fecundaria tamen, ejus occasione, ad interesse præftandum, in venditore quandoque nascitur obligatio, quo respectu adeo contractus valere dicitur. Hoc ut distinctius explicet *AUTOR*, tres casus distinguit, vel enim (1.) uterque rei qualitatem ignorat, vel (2.) solus emtor vel (3.) solus venditor. Ultimo casu venditorem ad nihil teneri, facile liquet, cum emtor se ipsum velut deceperit, at primo & secundo casu eum ad interesse obligari, *AUTOR* dicit. Deinde secundo casui subjicit *objectionem* ex *d. l. 62. §. 1. & limitationem* modo relatam. Sed uti hæc ad illum casum secundum non quadrat, adeoque ad primum referenda videtur, (frustra enim de justa ignorantie causa, aliquid quoad venditorem admonetur, quando ejus scientia supponitur) ita an objectio ad eum pertineat, non immerito dubitatur. Equidem *Dn. BERGER* in *resolut. b. qu. 3.* eo objectionem refert, idque secundo casui objici putat, quod *emtio non teneat*, respondetque hoc solum verum esse quoad obligationem principalem, non verò secundariam ad interesse. Verum mihi probabilius videtur, quod, sicut limitatio, ita & objectio ad primum casum spectet, & hoc objiciatur, venditorem ignorantem ad interesse non posse esse obligatum, cum in *d. l. 62. §. 1. ex deceptione* obligatio reputatur, quæ in ignorantem non cadit. Debet igitur quoad primum casum, juxta indicium subjæctæ limitationis, amplius distinguî, utrum venditor ignorans justam ignorantie causam

habeat nec ne, illo casu non tenebitur, hoc vero erit obligatus, quia talis ignorans pro sciente & decipiente quodammodo habetur, sic non oberit *d. l. 62. §. 1.*

## OBSERV. D.

*Non etiam res emtoris propria, licet ignoraverit suam esse obft. 34. §. 3. b. §. ult. j. b. t.)* Si res emtoris propria ematur, tum emtio nequidem quoad obligationem secundariam ad pretium restituendum, valida, sed obligatio illa extra contractum nasci creditur. Non obstat *l. 34. §. 3.* (*Dn. BERGER b. qu. 6. respondet ad §. 4. d. l.*) nam propositio ibi occurrens: *quod si venditor scit, emtor ignoravit, utrinque obligatio contrahitur*, ad casum propositum referri, non etiam ad emtionem rei propriæ extendi debet, nec *§. fin. j. b. t.* loquitur enim de emtionem rei extra commercium positæ, à qua ad emtionem rei propriæ, juxta subtilitates Romanorum, non valet consequentia. De cætero facile liquet, ista redolere forum Romanum & hodie esse otiosa, nam non de obligatione & actione ipsa, sed saltem de ejus nomine disputatur.

## OBSERV. DI.

*In dubio respiciendum, an res vel pecunia potior sit, & minus habetur pro additamento)* Sollicitudine hac, an data pecunia & re, emtio venditio vel permutatio contrahatur, hodie supersedere possumus, nam permutatio hodie quoque est contractus consensualis, ac dato consensu, pœnitentiam non admittit perinde sicut emtio & venditio.

## OBSERV. DII.

*Nam tum negotium subsistit in vim donationis, modo res tradatur etiam novo jure)* Nisi fallor hæc est sententia *AUTORIS*, donationem, sub specie emtionis



nis factam, ne quidem ad effectum agendi, novo jure valere, quia scilicet (sic conjicio) lex, quæ donationibus vim agendi inesse vult, velut correctoria, stricte accipi debet de donationibus aperte celebratis. Verum vulgati illius dictæ nulla solida est ratio, hinc legem illam generaliter acciperem. Hodie dubio procul ex tali donatione actio competit.

## OBSERV. DIII.

*Justum autem pretium esse censetur*) Quæ hic de pretio amplius tradit *AUTOR*, à scopo abludunt. Haftenus enim per pretium intellexit pecuniam numeratam, quæ pro re datur, sed quæ hic differit, pertinent ad æstimationem rerum in commercium venientium in genere. Est igitur Pretium hoc sensu *quantitas moralis rebus & actionibus in commercium venientibus voluntate hominum eo fine imposita, ut illæ inter se comparari ac vel æquales vel inæquales haberi queant.* De causis, ob quas res pretium aliquod habeant, aut hoc quandoque intendatur vel remittatur, non una omnium est sententia. Mihi certum videtur, quod in universum duplex causa sit, (1.) *aptitudo præstandi aliquem usum*, nam res nullius usus, nullum solent habere pretium; (2.) *raritas*, seu ut res promiscue omnibus non sufficiat, alias enim si res aliqua sit inexhausti usus, tum nullius pretii est, licet sit utilissima, quod exemplo aquæ regulariter intelligitur. Ob has causas, res pretia habent, & cum in illis dentur gradus, hinc hæc etiam, pro diverso illarum statu, crescunt vel minuuntur, de cætero impositio pretii, juxta illas causas, fit vel lege vel pacto, ceu *AUTOR* hic innuit. Ex his etiam varietas pretii ostendi potest; Nempe est vel *virtuale*, quod ex habitu rerum, seu cau-

sis modo relatis, resultat, ac sine impositione rebus inest, vel *formale*, quod voluntate hominum determinatur. Hoc à *modo imponendi*, est *legale & conventionale*, ab *objecto*, vel *vulgare*, quod in cæteris rebus, excepta pecunia, reperitur, vel *eminens*, quod in nummo est, & sic dicitur, quia ad illud cæterarum rerum pretia exiguntur, & id omnium rerum pretiis æquale fieri potest. Sed de his aliisque huc pertinentibus, alibi pluribus philosophandum est.

## OBSERV. DIV.

*Substantialia hujus contractus*) Per *substantialia* intelliguntur ea, quæ *ad essentiam emtionis pertinent*, nempe consensus, merx & pretium, per *Naturalia* vero *Accidentia*, quæ *regulariter emtionem comitantur*, quo referas scripturam, quæ plerumque super hoc contractu conficitur. *Naturalia intrinseca & inseparabilia*, quæ *ex essentialibus principiis promanent*, cum *ALLTORE* nolim adstruere, nam hæc potius ad substantialia debent referri, quo pertinent evictionis præstatio, hanc enim essentia emtionis venditionis postulat, nisi enim emtori, re evicta, evictio præstetur, tum negotium illud in donationem degenerat. Denique *Accidentalia* in specie sunt, quæ *modo adsunt, modo absunt pro lubitu contrahentium*, ex quo eorum à Naturalibus differentia satis elucet. Ex his etiam liquet, quod hæc doctrina, divisione bimembri, commode proponi queat, nimirum Emtio & Venditio, nec non cæteri contractus constant vel *essentialibus* vel *accidentalibus*, hæc vel *naturalia*, vel *accidentalia in specie* dicuntur.

## OBSERV. DV.

*Accidentalia in specie sunt*) Quæ sub hoc nomine  
*All-*

**AUTOR** de arrha, die, conditione & modo differit, illa naturalia sunt, quia ex voluntate paciscentium fluunt, pacta adjecta, de quibus *n. s.* itidem juris gentium sunt, sed multa addidit lex Romana, quæ in illum censum referri non possunt.

## OBSERV. DVI.

*Neque dominium - - - obst. l. 16. de solut.)* Pendente conditione suspensiva, dominium in emtorem non transferri, licet ei interim res tradita sit, facile liquet, deficit enim consensus, nec obst. *d. l. 16.* quæ nimis violenter à **CUJACIO**, prout **BACHOV.** *d. l.* testatur, exponitur inserta particula *non*, qua explanatione minime opus, cum loquatur textus de *traditione pura*, quæ adeo si dominium transferat, hoc nemini mirum videri potest. Apparebit id ex paraphrasi textui addita: *Si quis, qui sub conditione pecuniam promissit*, (hoc est primum negotium conditionale) *dedit eam* (i. e. non nude tradidit ex causa præcedenti conditionali, sed potius talem summam, qualem antea sub conditione promiserat, pure jam donavit) *ea conditione*, (i. e. ea lege vel pacto, neque enim his verbis actus suspensivus, sed declarativus intelligitur) *ut si conditio* (primæ promissioni adjecta) *existisset, in solutum cederet*, (quicquid scilicet interim donatum est) *existente conditione liberari eum* (sic enim conventum est) *nec obstare, quod ante ejus pecunia facta est*, qui enim hoc obstaret? pecunia pure donata erat, ea tamen lege, ut donatarius vice versa ex promissione conditionali, si fors conditio existat, nihil exigat, igitur & proprietas transferri potuit, & pactum liberatorium suo tempore habet effectum, quibus adeo inter se bene convenit! Breviter: Is, qui sub conditione ob-

liga-

ligatus est, pure tantam summam donat, sed eo pacto ut vice versa ex promissione conditionali si forte committatur, donatarius nihil exigat. Effectus igitur hujus liberalitatis est, ut, si conditio primæ promissionis deficiat, tamen accipiens rem datam retineat, si vero existat, summam donatam in debitum conditionale, nunc purificatum, imputare debeat.

## OBSERV. DVII.

*Nisi venditor, justo errore lapsus, conditionem existisse crediderit*) Putat *AUTOR*, dominium ante conditionis suspensivæ existentiam, traditione transferri, si venditor conditionem extitisse, & se ad tradendum obligari, per errorem existimet. Hoc non *naturale*, sed *positivum* est, ac ex eo fluit, quod etiam per solutionem erroneam dominium transferri existiment, de quo dixi *Observ. 367*. Interim hoc loco vix apparet, quis istius rei sit effectus, nam deficiente conditione, à quovis res data, conditione sine causa, repeti posse, adeoque translationis valor tandem à conditionis existentia dependere videtur.

## OBSERV. DVIII.

*Pacta adjecta*) Hæc ac accidentalia retulit *AUTOR*, sed prout eadem hic expendit, ad illa indistincte non pertinent. Agitur enim etiam de iis pactis, quæ essentiam contractus afficiunt, eumque plane transformant, tum vero pactum accidentis rationem non habet, cum hoc rei, salvâ ejus substantiâ, accedat. De cætero juxta jus naturale, omnia pacta licita & seria sunt valida, sed leges Romanæ diversitatem quoad valorem introduxerunt, quam *AUTOR* hic persequitur, nobis non libet otiosis illis immorari controversiis,

fiis, cum hodie, spreto jure Romano, merum jus naturale sequamur.

## OBSERV. DIX.

*Pacta resolutiva*) De pactis venditioni adjici solitis generaliter notandum, quod illa quoque jure naturali dirigantur, nam pro ratione consensus præcedentis, illud jura ac obligationes largitur, hinc sollicitè semper investigandum, quid actum sit, leges tamen civiles nonnunquam modum paciscendi præscribunt ac quæstiones voluntatis certius determinant.

## OBSERV. DX.

*Emtioni & venditionis contraria sint dolus*) De effectu doli & metus in impediendis contractibus, supra in loco proprio pluribus fuit disquisitum ac ostensum, quod tria Romanæ (qualis etiam est, quod exceptio doli b. f. judiciis insit) hodie fere cessent. In primis probatum quoque ibi est, quod hodie perinde sit, siue contractum metu extortum, ipso jure nullum, siue rescindendum dicas, ut controversia, quæ n. 2. indicatur, sit otiosa.

## OBSERV. DXI.

*Error qui scientiam & voluntatem excludit*) Distinguendum hic est inter errorem *efficacem*, qui scilicet committitur circa ea, quæ vel negotii natura vel paciscentium destinatio tempestitiva ac declarata requirit, & *concomitantem*, qui in iis, quæ ad negotium, neque ex hujus natura, neque destinatione agentium pertinent, occurrit. Hic naturaliter emtione non vitiat, quia consensum necessarium haut excludit, quoad illum vero amplius distinguendum, quo loco res aliqua fuerit habita, si enim eam errans principaliter respexit, tum contractus erit nullus ac errans recedendi facultas.

tatem habebit, si vero non adeo principaliter eam consideravit, utut adesse maluerit, tum salvo contractu, nascitur jus ad interesse, ut si quis domum, qua valde indigebat, emerit, illa vero servitutibus onerata sit, hoc casu emtor rem liberam quidem mallet, nec tamen libertatem præcipue respexisse videtur.

2. Hæc naturalia sunt, eaque hodie obtinere, imò & apud Romanos in foro obtinuisse arbitror; Doctrinam vero horum si species, illa non adeo plana ac constans per omnia videtur. Nimirum cum *ex pertinentia rei ad negotium*, omnem erroris efficaciam æstimare debuissent, illi *ex naturali rei habitu* hoc definire voluerunt, hinc an in corpore, materia vel qualitate erratum sit, considerarunt, cum tamen non quo loco quid intuitu rei habeatur, sed quo id habuerint paciscentes, considerari debeat, quamobrem si rei qualitatem præcipue respexerint, error circa eam commissus, perinde faciet negotium nullum, ac si in corpore erratum sit. Quamvis autem circumstantiæ, quas illi spectarunt, genuinum fundamentum, ex quo erroris efficacia æstimanda sit, subinde, obscurius licet, indicent, attamen quia illud perspicue non agnoverunt, hinc decisiones secutæ, fere tantum sunt fortuitæ, quæ aliquando bene, aliquando male se habeant, aliquando etiam ambiguae sint. Non est igitur, cur ista docendi ratione valde delectari debeamus, cum longe planius rem omnem proponere & intelligere liceat.

#### OBSE RV. DXII.

*Error circa contractum (e. g. quando alter putat locari, alter vendi) facit, ut nihil agatur* Hactenus recte!

Ast si alter animo volvat donationem, alter mutuum, tum

tum quidem etiam certus contractus non initur, translatio tamen domini non impeditur, quia ejus intuitu consensus sufficiens adest, ut hactenus *acquisitio domini à causis acquirendi* omnino abstrahi queat, quod rationem non pati, frustra contendit *HUBER in Ennom. ad l. 18. de R. C. n. 1.* nam acquisitio à causis acquirendi non simpliciter abstrahitur, sed saltem, quatenus ut specificè consentientes spectantur. *vid. Observ. 306.*

## OBSERV. DXIII.

*Error circa personam, cum qua contrahitur, idem facit*) Imo non idem facit in contractibus onerosis, ac in specie, emtione & venditione, nam error circa personam est saltem concomitans, cum *certa vel hac persona* ad contractum non pertineat, nisi destinatio specialis accesserit. Fac emtorem sibi penitus persuasisse, venditorem esse, v. gr. Sempronium, contractu inito, deprehendit se circa personam errasse, an ideo à contractu recedere poterit, non puto, ob rationem modo datam. Nec obsunt textus in contrarium allegati, loquuntur enim de *actibus beneficis vel singularem persone industriam requirentibus*, in his personam ad negotium pertinere, ac errorem circa eam commissum, esse efficacem concedo, sed non sequitur: *personae quandoque est habenda ratio, ergo semper & in quibusvis actibus*, fluunt illa ex neglecto genuino erroris æstimandi fundamento, de quo *Observ. 511.* Gemina præcedenti quæstio est, *an error circa causam impellentem occurrens, faciat contractum nullum?* v. gr. Accepto falso nuncio, res meas, quibus hoc tempore valde indigeo, periisse, accedo venditorem aliasque emo, causa, quæ me ad contrahendum im-

pellat, vel occultatâ, vel narrative saltem expositâ. Contractu perfecto, nuncium falsum esse deprehendo, quæritur an à contractu recedere queam? non arbitror, nam causâ impellens, extra casum specialis destinationis, quæ hic facta non erat, ad negotium non pertinet, adeoque error ejus intuitu commissus, saltem est concomitans, id quod in simili casu agnoverunt Romani *l. 12. 13. de novat. vid. Observ. 370.*

## OBSERV. DXIV.

*Rei qualitates tum emtio subsistit*) Nec hoc generaliter verum est, nam si qualitas ad negotium ex destinatione pertineat, ac præcipue eam emtor respexerit, tum error commissus est efficax ac contractus nullus. Ex quo etiam ratio diversæ decisionis, quæ in *l. 11. §. 1. b. t.* occurrit, quaque error circa *virginitatem*, non obesse, circa *sexum* vero, nocere dicitur, facile reddi potest, nam quæ in *d. l.* affertur, in circulum recurrit. Nimirum servæ virgines & mulieres, indicio aliquo externo non adeo distinguuntur, hinc ex nulla re liquet, quod servam emturus, virginitatem ad emtionem destinaverit, hinc error in ea commissus, est concomitans & innoxius. Ast sexus vestibus discernitur, quæ adeo satis etiam indicant, quod emturus sexum ad negotium pertinere voluerit, quare error circa illum occurrens, efficax est & contractum impedit.

## OBSERV. DXV.

*Ita ut illud debeat, de quo venditor sensit*) Verum hoc est in terminis *d. l. 34. b. t.* (generaliter verò electio venditori tribui nequit,) fit enim interpretatio contra emtorem, qui in illo casu legem contractui dixerat, prout recte conjecit ACCURSIUS, dicit enim Ictus: *in emtione fundi dictum esse, adeoque probabile est,*



est, quod emtor venditorem ad rem aliquam accessoriam præstandam obligaverit, hinc ejus erat, verba apertius concipere. Non obstat *l. 39. de pact.* particula enim *quorum non describit* & facit propositionem universalem, sed *distinguit*, ut particularis inde emergat propositio, contra eos scilicet venditores, qui legem contractibus dicunt fieri interpretationem, propositio igitur particularis alii particulari non contradicit, ut non opus sit, fluctus in simpulo movere, ac cum *CUFACIO*, pro *venditor* legere *emtor*, de quo *BACHOV. d. l.*

## OBSERV. DXVI.

*Simulatio*) Per hanc etiam excludi consensum adeoque impediri contractum, manifestum est, sæpe tamen sub negotio simulato, revera aliud geritur, cui si leges obstant, id non valet. v. gr. Si (1.) ab eo, in quem donationis præsumptio non cadit, (2.) illi, qui fœnerare solitus est, (3.) modico pretio res vendatur, (4.) cum pacto de retrovendendo, censetur hæc emtio venditio inita ad velandam usurariam pravitatem & invalida est, revera enim sub specie emtionis, contractus mutui & pignoratitius cum pacto antichretico immodico celebratus est. Si vero leges negotio simulate gesto non sint contrariæ, idem valet non obstat. *l. fin. C. plus valer. quod agit.* nam non loquitur de simulatione *voluntaria & mutua*, sive de tali casu, ubi sub specie alius contractus, alium contractum scribere placet, sed potius de errore circa contractum *de alterius elicto*, qui adeo efficit, ut nihil agatur.

## OBSERV. DXVII.

*Facienda est interpretatio contra illam, qui verbis obscura & ambigua protulit*) Obscuritas, de qua *r. b.*

consensum, morali æstimatione, quoque tollit, dum illum apparere non patitur. Non tamen obscuritati statim cedendum est, sed potius tentandum, annon per regulas ratiocinandi & interpretandi, eadem tolli ac sensus erui queat. Regulæ autem illæ non hic tradi, (quo collimat doctrina *AUTORIS* b.) sed potius præsupponi, in loco verò proprio, professa opera explicari debent, quod quidem in Jure Romano factum non est, id quod ad Ejus defectus & novos merito retuleris. Quod in specie attinet vulgatam regulam: *Fieri interpretationem contra eum, qui apertius poterat legem contractui dicere*, illa evidentem habet rationem, imputet enim sibi, quod clarius verba non conceperit. Sic si emtor servum rei venditæ addi postulet, debebitur ille, de quo sensit venditor, arctior enim obligatio in illo non reperitur, licet forte emtor de certo aliquo servo cogitavit, debebat enim hoc expressisse, quod dum non fecit, negligentia suæ poenam meritò velut luit. Vice versa, si venditor pecuniam promissam, in speciebus, quas vocant, solvi paciscatur, emtor suo defungetur officio, si infimas vel maximè viles solvat, utut venditor de melioribus cogitaverit, nam, dum hoc non expressit, arctior obligatio inde non est enata. Ex quo liquet, regulam illam non magis venditori, quam emtori obesse, sed ad contrahentes in genere pertinere, hinc circa applicationem solum videndum, in cujus potestate fuerit verba apertius concipere.

## TIT. II.

## DE IN DIEM ADDITIONE.

## OBSERV. DXVIII.

**A**ddictio in diem) Cum per hanc pactum venditioni additum intelligatur, facile liquet, doctrinam hanc, maximam partem, esse naturalem, cum pro ratione conventionis initæ, lex naturalis jura & obligationes largiatur, si enim addictio ita concepta sit, ut venditionem puram resolvere debeat, tum alia ejus sunt jura, quam si eo fine adjiciatur, ut venditionem suspendat, adeò ut hæc demum, deficiente emtore magis liberali, perficiatur, prout *AUTOR* illa hic persequitur. Usus tamen juris Romani in eo præcipue videtur consistere (1.) quod pactum hoc, venditionibus fiscalibus addat, (2.) quod modum paciscendi definiat, cum enim addictio in diem, quando venditionem puram resolvit, dominium immediatè & retro venditori reddere debeat, hinc in civitate non sufficit, qualicunque consensu, à subditis illud concipi, sed requiritur, ut juxta præscriptum juris civilis concipiatur (3.) dubias voluntatis quæstiones subinde certius determinet.

## OBSERV. DXIX.

*Tacita est, quæ ex legis dispositione inest*) Addictio Romana, sive expressa, sive tacita, si quid judico, præsupponit emtionem uni emtori, pretio non plane vilii aut inæquali, voto tamen venditoris non omnino satisfaciente, factam & rei traditione ut plurimum consummatam. Nimirum sæpe, dum pecuniæ egeamus, res nostras viliori pretio distrahere cogimur, quæ igitur id, quod hætenus deest, aliquando forte consequatur

sequamur, ideo, si ad hoc emptorem permovere liceat, additionem adjicimus, qua venditio, in eventum largioris pretii, vel suspenditur, vel, quod frequentius est, resolvi præcipitur. Atque hanc additionis venditionisque præcedentis suppositionem speciatim occurrere in venditionibus fiscalibus Romanis, ex textibus hic citatis, nobis probabile videtur.

2. Hæc si admittas, manifestum est, quod venditio, additione stipata, penitus differat ab illa venditione, quæ *Auctio* dicitur, quoque res in plures licitatores distrahenda proponitur, ea lege, ut plus licitanti illa cedat, nam in hac neutiquam dici potest, quod emptio, simulac primus licitatus est, statim sit perfecta, ab eaque, alio licitatore plus offerente, abeat, sed dicendum potius, quod omnes illæ licitationes tractatum saltem rationem habeant, donec per eas ad pretium summum perveniatur, eodemque emptio, intra statutum tempus, concludatur, sicut enim, ubi inter duos ordinaria emptio venditio subest, prima emptoris licitatione, emptio non statim perficitur, sed diversis demum instantiis contractus conciliatur, ita ubi in plures empturientes res distrahenda proponitur, hoc agitur, ut plurium licitatione, non plures contractus in eantur & mox resolvantur, sed potius pretium, venditori solvendum, efficiatur, eodemque contractus concludatur. Sane contraria sententia nimis contorta videtur, fac me librum asse liceri, emptio est perfecta, sed additione munita, alter mox duos asses affert, emptio resolvitur, & nova, eodem cum pacto, initur, hunc tertius vincit, tum iterum nova emptiois resolutio & constitutio adstruenda erit. Cur non malim dicere, dominium in auctionibus, hac mente esse, quod

quod velit pro re sua accipere pretium, quod maximum fuerit, licet in se spectatum, satis vile sit, ex hac igitur intentione constare, quod plures licitationes fecutæ, non tot peculiares contractus efficiant, sed pretium unius contractus determinent, quodque adeo, dum illud licitationum certamen adhuc fervet, contractus nondum sit perfectus, sed res in terminis nudi tractatus subsistat?

3. Ex his intelligi potest, quo loco Venditiones sub hasta, sive Romanæ, sive Saxonicæ haberi debeant? Ego non puto, quod illæ, ad singulas licitationes, pro emtionibus perfectis, additione in diem resolutoria stipatis, haberi queant, sed mutua illa licitantium certamina, pro tractatu saltem, quo demum ad unius emtionis perfectionem deveniatur, reputanda esse arbitror. Hinc (1.) additionem tacitam, quæ venditionibus fiscalibus inest, à venditionibus sub hasta seu subhastationibus, distinguere debere existimo, nimirum sive fiscus simpliciter sive sub hasta rem vendidisset, ei id privilegii competebar, ut, meliore conditione intra certum tempus oblata, ab emtione recedere posset. Clare satis hoc discrimen apparet ex *l. 21. §. fin. ad municip. l. 1. C. de vend. reb. civ.* ubi privilegium tacitæ additionis, ad venditiones civitatum municipalium non pertinere dicitur, sed quis dubitet, quin civitates per modum auctionis vel subhastationis res suas distrahere potuerint? hinc illud ab hac venditionis specie differre, necessario consequitur. (2.) Ex dictis consequitur, quod in subhastationibus Saxonis licitator pœnitere, ut & venditor consentientibus creditoribus à venditione, sub hasta suscepta, recedere possit, porro quod primus licitator, simulac alius plus

obtulit, liber sit, licet nova licitatio à judice subhastante nondum sit acceptata, prout tres illæ assertiones placuerunt *CARPZOV. P. 1. C. 32. D. 44. 45.* aliisque eum sequentibus, nam emtio hætenus fuit imperfecta, ac in terminis nudi tractatus constitit. Equidem *Dn. BERGER in resolut. b.* eas improbat, quia existimat, statim, atque quis licitatus est, perfectam esse emtionem venditionem, sed hac lege, ut allata deinceps, intra statutum hæstæ fiscali tempus, meliori conditione, res sit inempta. Enim verò hanc hypothesin minus esse probabilem, ex dictis forsitan satis liquet. Nec hoc obsit, quod admissa licitatoris pœnitentia, hic subhastationes morari, vel alio modo, suo jure abuti queat. Nam hoc quidem non negaverim, sed ideo ex tractatu præparatorio plures perfectæ emtiones, reclamante negotii indole, non sunt excuspendæ. Si in subhastationibus tolleretur jus primæ licitationis, utpote quod ex confusione auctionum, & venditionum, additione munitarum, originem habere videtur, ac in universum illæ, ad exemplum fere auctionum, breviori tempore circumscriberentur, tum abusus facile cessarent, sed dubio procul ex secretiori jurisprudentia aliquid suppetit, quod pro his allegare liceat.

## OBSERV. DXX.

*Modo hoc pactum fiat (1.) verbis directis ----- (2.) re adhuc integra*) De primo requisito seu verbis non valde videtur laborandum, præsupposita enim paciscendi facultate, quod hic fit, ad mentem paciscientium deinde saltem est respiciendum, hæc igitur sive ex directis sive obliquis verbis appareat, nihil hætenus refert, ut verba captare incongruum videatur, id

id quod etiam *l. 41. de R. V.* satis innuit. Secundum vero requisitum, ut nempe ante traditionem pactum ineatur, necessarium est, nam si per traditionem dominium in eintorem sit translatum, tum simplici pacto effici non potest, ut dominium immediate venditori iterum acquiratur, quia titulus & traditione dominia acquiruntur, ast si dominium à venditore nondum abierit, tum pacto effici potest, ut non alia conditione emtori res acquiratur, quam salvo, in eventum oblatae melioris conditionis, venditori dominio per *l. 32. de usufr. l. 19. de servit.* aliosque textus ad *tit. seq. lit. E.* citatos. *add. CARPZOV. P. 1. C. 28. D. 20, 21.*

## OBSERV. DXXI.

*Imo in continenti*) Quæ hic amplius *AUTOR* subjicit, illa nec per omnia cum hypothesebus juris civilis consentiunt, & hodie nullius sint usus, siue enim in continenti, siue ex intervallo pactum adjiciatur, ejusdem illud est effectus, modo ante traditionem, vel resignationem judicalem in Saxonia, concipiatur, si autem post traditionem, siue res non amplius integra, adjectum sit, tum non plane est inefficax, ceu *AUTOR* præcipit, sed potius producit jus personale.

## OBSERV. DXXII.

*Qui idem offerens, aliis præfertur*) Ut prior emtor præferatur, si idem, quod secundus offert, dare velit, id ex indole negotii evidenter fluit, nam scopus additionis in diem, si recte perpendatur, non is est, ut ab emtione abeat præcise, sed ut Venditor pretii, quod ipsi non satis adæquatum videtur, tempore tamen venditionis majus obtinere non potuit, augmentum sperare, & nonnunquam etiam consequi possit, oblata

igitur meliori conditione non alia est primi emtoris obligatio, quam ut plus, quam olim dedit, seu idem, quod alter offert, nunc præstet, hoc verò si nolit, tum re abscedere cogitur. In subhastationibus Saxonis, idem juris tribuitur primo licitatori, ut nempe idem quod cæteri, soliturus præferatur, quod ex confusione venditionis additione munitæ, & Auctionis, originem habere videtur, *vid. observ. 519.* nam alias subhastationes juxta legem auctionum judicare debent, adeo ut nulla primi licitatoris sit prærogativa, sed is rem obtineat, qui cæteros omnes pretio vincit. Illud obiter quoad subhastationes Saxonicas adjiciendum, quod si creditor plus quidem altero offerat, sed ea conditione, ut ratione sui crediti præ aliis impetret prælationem, is non audiatur, sed alter potius, qui sine ejusmodi conditione minus obtulit, rem accipiat, *vid. DECIS. SAXON. 71.*

## OBSERV. DXXIII.

*Conditionaliter sub conditione suspensiva*) Hæc ciscendi ratio videtur esse rarior, de cætero respicit utilitatem emtoris, sicut prior, venditoris. Nam si pure res vendatur, sed eo pacto, ut oblato majori pretio & emtore primo augmentum sui pretii recusante, ab emtione abeat, tum periculum rei venditæ est penes emtorem, hinc si res intra additionis terminum pereat, tum venditor hoc quidem sentit incommodi, quod majus pretium sperare nequeat, interim tamen pecuniam solutam retinet, vel promissam exigit. Quod si vero venditio suspendatur, donec constiterit, an quis intra certum terminum majus pretium sit oblaturus, nec ne, tum periculum est venditoris, hinc re casu perempta, non tantum spe majoris pretii excidit, sed



sed & pecuniam solutam reddere tenetur, vel promissam exigere nequit, ut adeo diversa illa paciscendi ratio ad cautelas contractuum pertineat.

## TIT. III.

## DE LEGE COMMISSORIA.

## OBSERV. DXXIV.

**L** *Ex Commissoria*) De hac, nisi fallor, idem in genere admonendum, quod de additione *Observ. 518.* diximus, nempe hanc doctrinam esse quoque naturalem, cum ex pacto jus & obligatio nascatur. Usus tamen juris Romani ibi laudatus hic quoque commendari potest, in specie ex dispositione juris civilis, lex commissoria, venditionibus fiscalibus facile inesse, nonnullis censetur. *vid. BERGER in resolut. b.* Quæ autem de modo paciscendi *AUTOR* disse-rit *lit. C.* illa ex *Observ. 520. 521.* explicanda sunt.

## OBSERV. DXXV.

*Nisi emtor partem pretii solutam perdat l. 4. §. 1. b.)* Fluctuare videtur *AUTOR*, hic enim, velut certum, asserit, quod emtor, si partem pretii solutam perdat, fructus omnes reddere non teneatur, sed paulo post, in poenam perfidiæ, emtorem pretium solutum perdere, simpliciter contendit, ac sententiam eorum, qui hoc ad casum perceptorum fructuum æqualium restringunt, refert quidem, sed in medio relinquit. De cætero durior illa sententia, quæ emtorem pretio soluto simpliciter privat, neque in jure civili satis est fundata, neque negotii indoli convenit, nam scopus legis commissoriæ, si debite perpendatur, non est, ut venditor aliquid intuitu emtoris lucretur, sed ut ratione  
pre-

pretii securus sit, merito igitur huic scopo ejusjus attemperatur.

## OBSERV. DXXVI.

*Emtorem usque ad litis contestationem moram purgare posse, docet Cujacius*) Sed textus allegati assertioni probandæ non sufficiunt, quia loquuntur de obligatione vel unice vel principaliter implenda, ejus igitur impletionem creditor etiam post moram facile admiserit, hinc usque ad litem contestatam mora purgari posse dicitur, cum lis eo fine fere instruat, adeoque promittunt illa inopinata Creditor contentus esse queat. Sed in præsentī casu Venditor, ob moram emtoris, pinguius jus consecutus est, quod adeo oblatione tardiori invito eripi non posse videtur. Quod si nihilominus de jure civili ita obtinuisse pertendas, attamen hodie illa res nullius erit usus, cum nostra litis contestatio, cum Romana illa, quæ sub initium litis statim fiebat, comparari hac in parte non possit.

## OBSERV. DXXVII.

*Periculum tamen est penes emtorem*) Hæc sententia verissima est, cum reservatio dominii non absolute, sed solum ob securitatem pretii sit facta, quod latius deducit Dn. BERGER. b. qu. 5. addita cautela propter variantes interpretum sententias Venditori utiliter observanda. Interim sententiam dissentientis CARPZOVII (qui quidem in mea editione de anno 1681. ut consentiens, sed perperam, allegatur,) etiam probat Dn. THOMAS. in not. ad posit. Huber. de G. E. V. n. 6. quod res pereat suo domino, cui tamen ex ratione allata facile satisfieri poterit.

TIT.

TIT. IV.  
DE HÆREDITATE ET  
ACTIONE VEN-  
DITA.

OBSERV. DXXVIII.

**V***Endi potest hæreditas*) Quoad venditionem hæreditatis occurrit (1.) *ipsum negotium*, circa quod, præter definitionem & divisionem, consensus, personæ & materia occurrunt, quam ultimam *AUTOR* saltem adduxit, (2.) *officium venditoris & emptoris*, quod juxta mensuram consensus exoritur, ac latius exponitur in verbis: *Si vendita hæreditas ad venditorem*. Ex quo liquet, substantiam hujus doctrinæ esse juris gentium. Inprimis etiam hic frequentes sunt quæstiones voluntatis, qualis quoque est celebris illa de jure accrescendi, an hoc ad emptorem pertineat? seu ut alii malunt loqui, an venditor id, quod ipsi accrevit, emptori præstare debeat? Cum autem pretium quantitati rei venditæ sit attemperatum, hinc facile liquet, tam pingue jus, ex quo venditor alterum tantum & amplius, favente fortuna, lucrari queat, pro illo in emptorem non esse translatum. Ex jure civili in hac materia est (1.) quod hæreditas indistincte vendi nequeat, (2.) quæstionum voluntatis certior determinatio, ac (3.) emblemata fori Romani de actionibus directis & utilibus similiaque.

OBSERV. DXXIX.

*Venditor manet quidem jure hæres*) Quod venditor semper hæres manere, ac emptor nunquam talis fieri dicatur, id etiam ad otiosa emblemata fori Romani aliquo modo pertinet. Equidem si illa asser-

tione

tionem hoc solum significetur, quod creditores venditorem adhuc convenire queant, aut quod debitores hæreditarii, per ignorantiam venditori solventes, excusari debeant, vel emtori invitis regulariter creditoribus hæreditariis non teneatur, tum in illa doctrina merito nihil desideres, nam illa omnia evidentem habent rationem, venditor enim suo facto creditoribus se subtrahere ac invitis alium debitorem substituere non potuit, sicut etiam vice versa debitoribus, per ignorantiam venditori solventibus, nihil potest imputari, denique emtor, emtionem celebrando, creditoribus hæreditariis se statim non obligavit, cum venditor æquipollens recipiendo, pristinae obligationi adhuc subsistat. Verum quod Venditor simpliciter ad effectum agendi, hæres adhuc esse, aut emtor nunquam plenum agendi jus consequi existimetur, ad quod etiam decurrunt Romani, id utique inane & hodie nullius usus est.

## DE ACTIONE VENDITA.

OBSE RV. DXXX.

*Actionis venditio est*) Actionis venditio vulgo solet haberi pro exemplo *venditionis rerum incorporalium*, sed in omni venditione & res incorporalis seu jus, & corporalis seu objectum ejus concurrunt, hoc solum interest, quod nonnunquam objectum præsens, aliquando absens & actione exigendum vendatur. De cætero ad exemplum venditionis in genere, duo summatim hic spectari possunt, (1.) *negotium ipsum*, circa quod consueta capita occurrunt *lit. D. N. C. S. O.* (2.) *jus & obligatio venditoris & emtoris*, quæ juxta consensum præcedentem, lege naturali producuntur *lit.*

lit. E. hinc substantia hujus doctrinæ est juris Gentium. Ex jure positivo sunt nonnullæ restrictiones, quoad personas paciscentes & materiam, quæ aliquem usum habent, præterea ambages quædam fori Romani, quæ hodie cessant.

## OBSERV. DXXXI.

*Venditor emptori obligatur cedere*) Circa alienationes actionum jure civili distinguere solent *titulum*, quem emptio venditio, donatio similisve actus exhibet, & *modum*, nempe cessionem, quam cum *mandato* coincidere putat *AUTOR*, sed alii distinguunt *titulum*, *modum* & *mandatum*, quod sit medium instituendæ actioni cessiæ necessarium. *vid. STRAUCH. Exerc. 17. §. 16.* Uti autem illa aliis curiosius excutienda relinquimus, *vid. HILBER. in posit. ad §. de mand. n. 9. seqq.* ita id hic observamus, quod hodie *solo titulo*, omnis actionum alienatio fiat, cætera vel ad *probationem* pertineant, nam consensu interposito, opus est, ut cessionis instrumentum conficiatur, quo quis translationem probet, præterea si, occultata alienatione, alterius nomine agere velit, mandato quoq; indiget, sed & hoc non ad alienationem, sed probationem, saltem requiritur. Hæc cum ita sint, venditio & cessio actionum hodie fere synonymicè accipiuntur, quamvis sub cessione etiam donatio similisve alienatio comprehendi queat. Quo loco notandum, quod actio hypothecaria in Saxonia Electorali extrajudicialiter quoque cedi queat, *vid. DECIS. ELECTOR. 40.*

## OBSERV. DXXXII.

*De personalibus an & quando huic emptori opponi possint lit. E. n. 3.*) Quando venditor verum jus in alterum non transtulit, tum manifestum est, quod putativus

tivus debitor cessus perinde se defendere queat contra cessionarium, ac se defendere potuisset contra ipsum cedentem, hic enim plus juris in alium transferre non potuit, quam ipse habuit. Hinc etiam cessionario posse opponi exceptiones reales, passim adstruunt, sed de personalibus, quas vocant, res non adeo expedita videtur. *SANDIUS*, ex relatione *Dn. STRYCKII in not. b.* distinguit, an cessionarius agat actionibus directis, ex persona cedentis, an utilibus nomine proprio, priori casu exceptionem personalem obstare dicit, posteriori non item, præsertim si titulo oneroso sibi quæsi verit actiones. \* Enim verò illa sententia neutiquam est admittenda, cum discrimen allatum ex solis verbis compositum sit, à quo tam notabilem juris effectum suspendere, nimis incongruum fuerit, fac enim, cessionarium experiri actione utili & nomine proprio, ille tamen nihilominus allegare debet antecessorem, à quo causam habeat, atque ita infirmitatem juris sui proprio testimonio ostendere. *LENZIUS d. l.* distinguit inter exceptiones personales, *quæ negotium non contingant*, qualis sit exceptio banni & excommunicationis, & *quæ illud attineant*, ut exceptio doli. Illas non obstare putat, si nomine proprio cessionarius agat, secus si nomine cedentis. Quoad *has* vero amplius distinguit inter acquisitionem onerosam & lucrativam, ita, ut illo casu exceptio doli cessionario non noceat, bene vero hoc. Verum & hanc doctrinam vel falsam, vel certe hodie sine usu arbitramur, nam commentum actionis directæ & utilis, seu nomine alieno vel proprio instituendæ, levius esse, quam ut hic aliquid operari queat, modo annotavimus, &  
fane

sane si quis banno vel excommunicatione, jura sua plene amiserit, (jure an injuria, jam non disquiritur) quomodo ab hoc jus aliquod efficax derivare poterit cessionarius? Porro si contractus dolo sit celebratus, & actio inde competens, cessa, peremptoria utique ratio hic etiam adest, quod jus revera nullum adfuerit, adeoque nihil cedi potuerit, hinc simpliciter exceptio doli cessionario obstabit. Non quidem me latet, quod discrimen acquisitionis onerosæ & lucrativæ, in l. 4. §. 27. seq. de except. dol. fundatum videatur, sed videntur Jcti Romani malè hic ratiocinari, in primis cum exceptio metus ab iis etiam contra tertium concedatur, dolus autem in annullandis contractibus ex eorum sententia, metu sit potentior. Præterea videtur illa doctrina esse consecrarium summi juris, quod cum hac in parte in Germania non sit admissum, hinc consequens etiam cessabit, maximè cum non appareat, cur tricas Romanas æquitati naturali præferre debeamus.

## OBSERV. DXXXIII.

*Emtor etiam ante cessionem, post rescriptum D. Pii, sola juris potestate exercet actiones utiles*) Quicquid hic de actionibus utilibus vel directis dicitur, illud omne hodie otiosum & nullius usus censori debet, nam nihil aliud considerandum est, quam, an cessionarius factam venditionem aut cessionem probare queat, vel an instructus sit mandato, si forte cessionem propalare nolit.

## OBSERV. DXXXIV.

*Cessa venditor juris intellectu nihilominus est & manet dominus actionis*) Dominium illud actionis, in ordine ad emtorem & debitorem cessum scientem, in  
Z eptum

ceptum Romanorum commentum est, quod olim exigui fuit usus, in Germania autem dubio procul nihil significat. Ast, in ordine ad *debitorem ignorantem* haftenus quidem effectum habet, quod hic debitum exactum licitè cedenti possit solvere, quanquam planius poterat dici, cedentem quidem nullum amplius habere jus, debitorem tamen ignorantem, vel ultro vel ad instantiam Cedentis, recte huic posse solvere, cum cessionarius damnum, si quod indefentit, suæ negligentiae imputare debeat.

## OBSERV. DXXXV.

*Emtor licet per cessionem neque actionis, neque rerum debitarum dominus fiat*) De rebus ipsis res satis certa, harum enim dominium emtor demum consequitur, si à debitore actualiter ei præstentur. Sed quod actionis dominium Emtori negetur, seu clarius, actio ipsa pleno jure ad eum non pertinere dicatur, illud itidem ad otiosas fori Romani ambages referendum est, cujus hodie nulla utilitas, cum non alium habeat effectum, quam diversi quoad actionem nominis.

## OBSERV. DXXXVI.

*Juramentum deferre*) Juramentum tamen præstare non poterit cessionarius, cum facti alieni ignarus esse queat, hinc nec relatio locum habebit *arg. l. 11. §. 2. rer. amot.* quod si tamen adversarius juramento credulitatis velut esse contentus, tum hoc cessionarius præstare posse videtur, id quod etiam de jure Saxonico defenderem, nam cessionarius hic non consideratur ut procurator alterius, quem jura Saxonica à juramento arcent, sed ut creditor principalis, qui pro se & suo nomine jurat. Quod si autem actio ad certam



tam speciem competens, cessa sit, & debitor vel possessor dolose illam non præstet, an cessionarius jurare poterit in litem? *Dn. BERGER in resolut. b. qu. 12.* putat, posse illum jurare non pro se, sed instar procuratoris specialis, in animam cedentis. Sed putaverim cessionarium pro se jurare posse & debere, nam actio cessa ipsius est, præterea adversarius suo dolo cessionarium lædit, hinc merito hic proprio juramento damni æstimationem determinat. Atque hoc etiam satis probatur *arg. l. 13. §. 1. de pact. l. 23. de procurat.* quæ de *dominio litis accessorio* non recte accipiuntur, cum de *principali* loquantur, adeoque id, quod *l. 7. de in lit. jur.* exigit, contineant, res ipsa enim loquitur, quod cessionarius omne actionis jus, adeoque dominium principale, si ita loquendum est, habeat, dominium vero, quod cedenti adhuc asseritur, inane Romanorum commentum sit.

## OBSERV. DXXXVII.

*Non etiam quod venditoris persone competit*) Imo etiam hoc privilegio uti potest cessionarius. Nam (1.) quamdiu persona privilegiata existit, tam diu privilegii exercitium & emolumentum aliis delegari potest, accedit (2.) quod res, virtute privilegii exacta, aliis præstari queat, cur igitur jus exigendi aliis cedi non posset? (3.) privilegii personalis, ususfructus, & ris agendi ob injuriam vel ingratitudinem, eadem omnino est ratio, sed posteriora cedi posse recte docuit *AUTOR lit. O.* cur igitur prius cedi nequiret? amplius (4.) si cessionarius, dissimulata cessione, nomine cedentis, velut simplex procurator agat, tum dubio procul ejus privilegio uti, ac lucrum, hoc modo

obtentum, sibi deinceps servare potest, id quod etiam *cautela* loco vulgo commendant, cur igitur aperte tantundem ei agere non liceret? inepta sane erit legislatio, quæ tam facile potest eludi! Denique (5.) textus, quos *AUTOR* pro se allegavit, nihil probant, nam primo generalis responsio est, quod autoritatibus hic nihil sit tribuendum, cum enim ex natura juris cedendi hæc res sit explicanda, ideo si in ejus æstimatione, lapsi sunt Cti, ab iis libere dissentire licet, sed secundo, salva eorum autoritate, specialius responderi potest. Nimirum *l. 4. §. C. de procur. l. 25. ff. eod. l. 13. §. 1. de pact. l. 1.* (non 2. ut vulgo legitur) *§. 11. 12. quand. appell.* nihil aliud docent, quam *jus cessum esse cessionarii proprium*, inde vero nihil, quod huc faciat, inferri potest, cum maneat in questione, annon cedens privilegium personale, ad effectum percipiendi emolumenti, alteri quoque cedere, atque ita ejus quodammodo facere potuerit *l. 86. de R. J.* negat saltem privilegii personalis *transmissionem*, quæ *deficiente persona privilegiata* locum inveniat, non *cessionem*, quæ illa salva fiat, quæ responsio etiam pertinet ad *l. 19. §. 1. de reb. autor. jud. possid.* cum & in ea de transmissione saltem agatur. Ex *l. fin. de tutel. & ration. l. 52. de pecul.* nihil aliud colligitur, quam pupillo competere privilegium, cessibile illud sit nec ne, ibi non definitur. *l. 42. de admin. & peric. tutor.* nec non *l. 21. de tutel. & ration.* altera obscurior, loquuntur de casu speciali, ubi Cedentis privilegium ante cessionem erat extinctum, quod utique in cessionarium transire nequit. Nimirum si tutor pupillo solidum solvat, tum actio ratione alterius tutoris non quidem plane extinguitur, cum pro eo alter saltem

ex-

exponderit, ratione tamen pupilli, utpote solidum consecuti, plane expirat, hinc privilegium simul evanescit, licet igitur actio cedi queat, cum non simpliciter solutione fuerit sublata, attamen privilegium in sola pupilli persona fundatum, cedi nequit, cum, pupillo suum consecuto, penitus sublatum sit.

## OBSERV. DXXXVIII.

*Sic privilegio uxoris & liberorum ejus, ratione dotis, non gaudet*) Sed hoc etiam nego ob modo dicta, leges citatæ nihil aliud dicunt, quam privilegium mulieris esse personale & non transmissibile, cessibilitatem vero non negant. In specie *CARPZOV. d.l.* ex lubricis disputat hypothesebus, ac à negata transmissione, ad negationem cessionis infert, quam illationem tamen ipse *AUTOR lit. O.* recte improbavit. In genere observandum, quod circa jura cessibilia sæpe fluctuant interpretes, dum laudata aliqua personalitas ipsis imponit, ego crediderim, esse regulam certissimam & omni exceptione majorem: *Quoties res exacta in alium potest transferri, toties etiam jus eam exigendi potest cedi.* Sic quæritur, an jus luendi, quod debitori eo casu, quo, facta subhastatione, emtore non existente, creditori qua tali res adjudicata est, competit, cedi queat? id quod, aliis licet dubitantibus vel negantibus, vi regulæ datæ asserere non dubito.

## OBSERV. DXXXIX.

*Lege Anastasiana*) Si quis fraudulentis persuasionibus ad faciendam cessionem inducatur, tum mero jure naturali etiam cessio erit invalida, verum cum illa res lubricæ nimis sit æstimationis, hinc circumstantias paulo certius definivit lex Anastasiana, cujus adeo sensum, pœnam & usum *AUTOR* hic tradit, circa quæ

solennes quæstiones passim explicatæ occurrunt. In Electoratu Saxoniz per *DECIS. SAXON.* 28. id temperamentum accepit, quod valeat venditio, si pretium partem actionis dimidiam attingat.

TIT. V.

DE RESCINDENDA VEN-  
DITIONE ET QUANDO LICET  
AB EMTIONE DISCE-  
DERE.

OBSERV. DXXXX.

**V***Enditio propriè rescindi dicitur*) LæSIONEM in contractu emtionis ex præscripto juris naturalis esse emendandam, satis certum est. Sed in foro civili illa dictamina tam exacte observari non possunt, sed sæpe emendatio læsionis conscientiz cujusvis relinquitur. Quo igitur constet, quousque decretis naturalibus vis legum civilium tributa sit necne, ita distinguendum videtur: Si dolo alterius læsio evenerit, tum ejus emendatio semper peti potest, ita quidem, ut læso aliquando integrum sit à contractu recedere, aliquando, eo manente, interesse saltem persequi, de quo supra ad tit. *de dolo malo* actum est. Si vero læsio sine dolo accadat, tum, si contractus adhuc velut ferveat, aut promissio eo nomine facta sit, etiam ob leviolem agi potest, ceu liquet ex iis, quæ *AUTOR* ad tit. *de C. E. V.* de errore dixit, nec non ex iis, quæ ad tit. *de A. E. V.* ut & ad tit. *de edilis. edit.* proponit. Si autem post longius tempus, ob læsionem non dolosam, quis agere vel queri velit, tum remedium in foro civili non aliter conceditur, quam si enormis illa sit. Hæc querela præsupponit contractum summo jure validum, quod

quod hic non est inane nomen, nam inde consequitur, quod læsus non simpliciter possit à contractu recedere, sed saltem læsionis emendationem, vel, si fieri queat & lædenti placeat, contractus rescissionem petere debeat, *vid. CARPZ. P. 2. C. 43. D. 7.* id quod ex consensu repetendum erit, nam læsus contractum voluit, hinc contentus esse poterit, si modo læsio emendetur. Uti autem querela illa vel per modum exceptionis, vel actionis proponi potest, ceu docet *AUTOR*, ita de hujus nomine hodie non valde laborandum videtur.

## OBSERV. DXLI.

*Propter equitatem, ut ut eam tyrannicam putet Molin. lit. C.)* Querela enormis læsionis poterit dici *aqua*, quatenus læsionem emendari petit, *tyrannica* tamen, quatenus ob enormem saltem succurrit. Et licet forte hoc prædicatum durius sit, attamen ab ineptitudine & iniquitate non penitus illa sanctio absolvi posse videtur, dum læsionem, in puncto velut consistentem, requirit, cum potius aliqua latitudo hic videatur necessaria, si læsio sit ad dimidium, vel paulo infra illud, læso non succurritur, sed si vel unico nummo dimidium excedat, tum ei querela datur; sed ejusmodi mathematicum terminum à quo, negotia humana & æquitas non videntur admittere. Imo in universum prægnans ratio non subest, cur æquitas naturalis heic fuerit velut deserta, nec ob quamvis læsionem actio concedatur, nam multitudo litium inde non erit metuenda, cum ob difficultatem probandi, non temere læsus, ob quamvis læsionem, sit actionem instituturus.

## OBSERV. DXLII.

*Sed requiritur, ut læso dimidium excedat -----*

tionem hoc solum significetur, quod creditores venditorem adhuc convenire queant, aut quod debitores hæreditarii, per ignorantiam venditori solventes, excusari debeant, vel emtori invitis regulariter creditoribus hæreditariis non teneatur, tum in illa doctrina merito nihil desideres, nam illa omnia evidentem habent rationem, venditor enim suo facto creditoribus se subtrahere ac invitis alium debitorem substituere non potuit, sicut etiam vice versa debitoribus, per ignorantiam venditori solventibus, nihil potest imputari, denique emtor, emtionem celebrando, creditoribus hæreditariis se statim non obligavit, cum venditor æquipollens recipiendo, pristinae obligationi adhuc subsistat. Verum quod Venditor simpliciter ad effectum agendi, hæres adhuc esse, aut emtor nunquam plenum agendi jus consequi existimetur, ad quod etiam decurrunt Romani, id utique inane & hodie nullius usus est.

## DE ACTIONE VENDITA.

OBSERV. DXXX.

*Actionis venditio est*) Actionis venditio vulgo solet haberi pro exemplo *venditionis rerum incorporalium*, sed in omni venditione & res incorporalis seu jus, & corporalis seu objectum ejus concurrunt, hoc solum interest, quod nonnunquam objectum præsens, aliquando absens & actione exigendum vendatur. De cætero ad exemplum venditionis in genere, duo summatim hic spectari possunt, (1.) *negotium ipsum*, circa quod consueta capita occurrunt *lit. D. N. C. S. O.* (2.) *jus & obligatio venditoris & emtoris*, quæ juxta consensum præcedentem, lege naturali producuntur *lit.*

lit. E. hinc substantia hujus doctrinæ est juris Gentium. Ex jure positivo sunt nonnullæ restrictiones, quoad personas paciscentes & materiam, quæ aliquem usum habent, præterea ambages quædam fori Romani, quæ hodie cessant.

## OBSERV. DXXXI.

*Venditor emtori obligatur cedere*) Circa alienationes actionum jure civili distinguere solent *titulum*, quem emtio venditio, donatio similisve actus exhibet, & *modum*, nempe cessionem, quam cum *mandato* coincidere putat *AUTOR*, sed alii distinguunt *titulum*, *modum* & *mandatum*, quod sit medium instituendæ actioni cessæ necessarium. *vid. STRAUCH. Exerc. 17. §. 16.* Uti autem illa aliis curiosius excutienda relinquimus, *vid. HILBER. in posit. ad 7. de mand. n. 9. seqq.* ita id hic observamus, quod hodie *solo titulo*, omnis actionum alienatio fiat, cætera vel ad *probationem* pertineant, nam consensu interposito, opus est, ut cessionis instrumentum conficiatur, quo quis translationem probet, præterea si, occultata alienatione, alterius nomine agere velit, mandato quoque indiget, sed & hoc non ad alienationem, sed probationem, saltem requiritur. Hæc cum ita sint, venditio & cessio actionum hodie fere synonymicè accipiuntur, quamvis sub cessione etiam donatio similisve alienatio comprehendi queat. Quo loco notandum, quod actio hypothecaria in Saxonia Electorali extrajudicialiter quoque cedi queat, *vid. DECIS. ELECTOR. 40.*

## OBSERV. DXXXII.

*De personalibus an & quando huic emtori opponi possint lit. E. n. 3.*) Quando venditor verum jus in alterum non transtulit, tum manifestum est, quod putativus

tivus debitor cessus perinde se defendere queat contra cessionarium, ac se defendere potuisset contra ipsum cedentem, hic enim plus juris in alium transferre non potuit, quam ipse habuit. Hinc etiam cessionario posse opponi exceptiones reales, passim adstruunt, sed de personalibus, quas vocant, res non adeo expedita videtur. *SANDIUS*, ex relatione *Dn. STRYCKII* in not. b. distinguit, an cessionarius agat actionibus directis, ex persona cedentis, an utilibus nomine proprio, priori casu exceptionem personalem obstare dicit, posteriori non item, præsertim si titulo oneroso sibi quasiverit actiones. Enim verò illa sententia neutiquam est admittenda, cum discrimen allatum ex solis verbis compositum sit, à quo tam notabilem juris effectum suspendere, nimis incongruum fuerit, fac enim, cessionarium experiri actione utili & nomine proprio, ille tamen nihilominus allegare debet antecessorem, à quo causam habeat, atque ita infirmitatem juris sui proprio testimonio ostendere. *LENZIUS* d. l. distinguit inter exceptiones personales, *quæ negotium non contingant*, qualis sit exceptio banni & excommunicationis, & *quæ illud attineant*, ut exceptio doli. Illas non obstare putat, si nomine proprio cessionarius agat, secus si nomine cedentis. Quoad *has* vero amplius distinguit inter acquisitionem onerosam & lucrativam, ita, ut illo casu exceptio doli cessionario non noceat, bene vero hoc. Verum & hanc doctrinam vel falsam, vel certe hodie sine usu arbitramur, nam commentum actionis directæ & utilis, seu nomine alieno vel proprio instituendæ, levius esse, quam ut hic aliquid operari queat, modo annotavimus, &  
fane



sane si quis banno vel excommunicatione, jura sua plene amiserit, (jure an injuria, jam non disquiritur) quomodo ab hoc jus aliquod efficax derivare poterit cessionarius? Porro si contractus dolo sit celebratus, & actio inde competens, cessa, peremptoria utique ratio hic etiam adest, quod jus revera nullum adfuerit, adeoque nihil cedi potuerit, hinc simpliciter exceptio doli cessionario obstabit. Non quidem me latet, quod discrimen acquisitionis onerosæ & lucrativæ, in l. 4. §. 27. seq. de except. dol. fundatum videatur, sed videntur Jcti Romani malè hic ratiocinati, inprimis cum exceptio metus ab iis etiam contra tertium concedatur, dolus autem in annullandis contractibus ex eorum sententia, metu sit potentior. Præterea videtur illa doctrina esse consecrarium summi juris, quod cum hac in parte in Germania non sit admissum, hinc consequens etiam cessabit, maximè cum non appareat, cur tricas Romanas æquitati naturali præferre debeamus.

## OBSERV. DXXXIII.

*Emtor etiam ante cessionem, post rescriptum D. Pii, sola juris potestate exercet actiones utiles*) Quicquid hic de actionibus utilibus vel directis dicitur, illud omne hodie otiosum & nullius usus censori debet, nam nihil aliud considerandum est, quam, an cessionarius factam venditionem aut cessionem probare queat, vel an instructus sit mandato, si forte cessionem propalare nolit.

## OBSERV. DXXXIV.

*Cessa venditor juris intellectu nihilominus est & manet dominus actionis*) Dominium illud actionis, in ordine ad emtorem & debitorem cessum scientem, in-

eptum Romanorum commentum est, quod olim exigui fuit usus, in Germania autem dubio procul nihil significat. Ast, in ordine ad *debitorem ignorantem* haftenus quidem effectum habet, quod hic debitum exactum licitè cedenti possit solvere, quanquam planius poterat dici, cedentem quidem nullum amplius habere jus, debitorem tamen ignorantem, vel ultro vel ad instantiam Cedentis, rectè huic posse solvere, cum cessionarius damnum, si quod indesentit, suæ negligentiae imputare debeat.

## OBSERV. DXXXV.

*Emtor licet per cessionem neque actionis, neque rerum debitarum dominus fiat*) De rebus ipsis res satis certa, harum enim dominium emtor demum consequitur, si à debitore actualiter ei præstentur. Sed quod actionis dominium Emtori negetur, seu clarius, actio ipsa pleno jure ad eum non pertinere dicatur, illud itidem ad otiosas fori Romani ambages referendum est, cujus hodie nulla utilitas, cum non alium habeat effectum, quam diversi quoad actionem nominis.

## OBSERV. DXXXVI.

*Juramentum deferre*) Juramentum tamen præstare non poterit cessionarius, cum facti alieni ignarus esse queat, hinc nec relatio locum habebit *arg. l. 11. §. 2. rer. amot.* quod si tamen adversarius juramento credulitatis velut esse contentus, tum hoc cessionarius præstare posse videtur, id quod etiam de jure Saxonico defenderem, nam cessionarius hic non consideratur ut procurator alterius, quem jura Saxonica à juramento arcent, sed ut creditor principalis, qui pro se & suo nomine jurat. Quod si autem actio ad cer-  
tam

tam speciem competens, cessa sit, & debitor vel possessor dolose illam non præstet, an cessionarius jurare poterit in litem? *Dn. BERGER in resolut. b. qu. 12.* putat, posse illum jurare non pro se, sed instar procuratoris specialis, in animam cedentis. Sed putaverim cessionarium pro se jurare posse & debere, nam actio cessa ipsius est, præterea adversarius suo dolo cessionarium lædit, hinc merito hic proprio juramento damni æstimationem determinat. Atque hoc etiam satis probatur *arg. l. 13. §. 1. de pact. l. 23. de procurat.* quæ de *dominio litis accessorio* non recte accipiuntur, cum de *principali* loquantur, adeoque id, quod *l. 7. de in lit. jur.* exigit, contineant, res ipsa enim loquitur, quod cessionarius omne actionis jus, adeoque dominium principale, si ita loquendum est, habeat, dominium vero, quod cedenti adhuc asseritur, inane Romanorum commentum sit.

## OBSERV. DXXXVII.

*Non etiam quod venditoris persone competit*) Imo etiam hoc privilegio uti potest cessionarius. Nam (1.) quamdiu persona privilegiata existit, tam diu privilegii exercitium & emolumentum aliis delegari potest, accedit (2.) quod res, virtute privilegii exacta, aliis præstari queat, cur igitur jus exigendi aliis cedi non posset? (3.) privilegii personalis, ususfructus, aris agendi ob injuriam vel ingratitude, eadem omnino est ratio, sed posteriora cedi posse recte docuit *AUTOR lit. O.* cur igitur prius cedi nequiret? amplius (4.) si cessionarius, dissimulata cessione, nomine cedentis, velut simplex procurator agat, tum dubio procul ejus privilegio uti, ac lucrum, hoc modo

obtentum, sibi deinceps servare potest, id quod etiam *cautela* loco vulgo commendant, cur igitur aperte tantundem ei agere non liceret? inepta sane erit legislatio, quæ tam facile potest eludi! Denique (5.) textus, quos *AUTOR* pro se allegavit, nihil probant, nam primo generalis responsio est, quod autoritatibus hic nihil sit tribuendum, cum enim ex natura juris cedendi hæc res sit explicanda, ideo si in ejus æstimatione, lapsi sunt Jcti, ab iis libere dissentire licet, sed secundo, salva Eorum autoritate, specialius responderi potest. Nimirum *l. 4. g. C. de procur. l. 25. ff. eod. l. 13. §. 1. de pact. l. 1.* (non 2. ut vulgo legitur) *§. 11. 12. quand. appell.* nihil aliud docent, quam *jus cessum esse cessionarii proprium*, inde vero nihil, quod huc faciat, inferri potest, cum maneat in quaestione, annon cedens privilegium personale, ad effectum percipiendi emolumenti, alteri quoque cedere, atque ita ejus quodammodo facere potuerit *l. 86. de R. j.* negat saltem privilegii personalis *transmissionem*, quæ *deficiente persona privilegiata* locum inveniat, non *cessionem*, quæ illa salva fiat, quæ responsio etiam pertinet ad *l. 19. §. 1. de reb. autor. jud. possid.* cum & in ea de transmissione saltem agatur. Ex *l. fin. de tutel. & ration. l. 52. de pecul.* nihil aliud colligitur, quam pupillo competere privilegium, cessibile illud sit nec ne, ibi non definitur. *l. 42. de admin. & peric. tutor.* nec non *l. 21. de tutel. & ration.* altera obscurior, loquuntur de casu speciali, ubi Cedentis privilegium ante cessionem erat extinctum, quod utique in cessionarium transire nequit. Nimirum si tutor pupillo solidum solvat, tum actio ratione alterius tutoris non quidem plane extinguatur, cum pro eo alter saltem

ex-

exponderit, ratione tamen pupilli, utpote solidum consecuti, plane expirat, hinc privilegium simul evanescit, licet igitur actio cedi queat, cum non simpliciter solutione fuerit sublata, attamen privilegium in sola pupilli persona fundatum, cedi nequit, cum, pupillo suum consecuto, penitus sublatum sit.

## OBSERV. DXXXVIII.

*Sic privilegio uxoris & liberorum ejus, ratione dotis, non gaudet*) Sed hoc etiam nego ob modo dicta, leges citatae nihil aliud dicunt, quam privilegium mulieris esse personale & non transmissibile, cessibilitatem vero non negant. In specie *CARPZOV. d.l.* ex lubricis disputat hypothesebus, ac à negata transmissione, ad negationem cessionis infert, quam illationem tamen ipse *AUTOR lit. O.* recte improbavit. In genere observandum, quod circa jura cessibilia sæpe fluctuant interpretes, dum laudata aliqua personalitas ipsis imponit, ego crediderim, esse regulam certissimam & omni exceptione majorem: *Quoties res exacta in alium potest transferri, toties etiam jus eam exigendi potest cedi.* Sic quaeritur, an jus luendi, quod debitori eo casu, quo, facta subhaestatione, emtore non existente, creditori qua tali res adjudicata est, competit, cedi queat? id quod, aliis licet dubitantibus vel negantibus, vi regulæ datæ asserere non dubito.

## OBSERV. DXXXIX.

*Lege Anastasiana*) Si quis fraudulentis persuasionibus ad faciendam cessionem inducatur, tum mero jure naturali etiam cessio erit invalida, verum cum illa res lubricæ nimis sit æstimationis, hinc circumstantias paulo certius definivit lex Anastasiana, cujus adeo sensum, pœnam & usum *AUTOR* hic tradit, circa quæ

quod hic non est inane nomen, nam inde consequitur, quod læsus non simpliciter possit à contractu recedere, sed saltem læsionis emendationem, vel, si fieri queat & lædenti placeat, contractus rescissionem petere debeat, *vid. CARPZ. P. 2. C. 43. D. 7.* id quod ex consensu repetendum erit, nam læsus contractum voluit, hinc contentus esse poterit, si modo læsio emendetur. Ulti autem querela illa vel per modum exceptionis, vel actionis proponi potest, ceu docet *AUTOR*, ita de hujus nomine hodie non valde laborandum videtur.

## OBSERV. DXLI.

*Propter aequitatem, utut eam tyrannicam putet Molin. lit. C.)* Querela enormis læsionis poterit dici *aqua*, quatenus læsionem emendari petit, *tyrannica* tamen, quatenus ob enormem saltem succurrit. Et licet forte hoc prædicatum durius sit, attamen ab ineptitudine & iniquitate non penitus illa sanctio absolvi posse videtur, dum læsionem, in puncto velut consistentem, requirit, cum potius aliqua latitudo hic videatur necessaria, si læsio sit ad dimidium, vel paulo infra illud, læso non succurritur, sed si vel unico nummo dimidium excedat, tum ei querela datur; sed ejusmodi mathematicum terminum à quo, negotia humana & æquitas non videntur admittere. Imo in universum prægnans ratio non subest, cur æquitas naturalis heic fuerit velut deserta, nec ob quamvis læsionem actio concedatur, nam multitudo litium inde non erit metuenda, cum ob difficultatem probandi, non temere læsus, ob quamvis læsionem, sit actionem instituturus.

## OBSERV. DXLII.

*Sed requiritur, ut læsio dimidium excedat* -----

*Alii putant, dari querelam, si læso dimidium justii pretii excedat*) Ex his verbis non facile forsitan intelligas, quid sibi *AUTOR* velit. Interim res ita se habet: Quæritur de ratione computandi læsionem ultra dimidium. Hæc ratione Venditoris est satis expedita, nimirum ille læsus est ultra dimidium, *si ne quidem accipiat dimidium ejus quod dedit*, v. gr. si pro re, centum valente, ne quidem 50. accipiat, ubi quidem eo major est læsio, quo magis summa accepta, infra 50. subsistit. Ratione autem Emptoris duplex est interpretum sententia. Quidam enim eadem formula computant etiam hic læsionem, nimirum emptor læsus est, *si ne quidem dimidium acceperit pretii illius, quod dederit* v. gr. si in casu adducto, plus quam ducentos imperiales, pro re 100. valente, solverit, hanc computandi rationem in verbis primis, hic allatis, innuit *AUTOR*. Alii vero læsionem quoad emptorem ita computant: *si plus dederit ultra verum rei pretium, quam dimidium*, v. gr. si in casu allato plus quam 150. dederit, hunc computandi modum *AUTOR* in verbis postremis indicavit. De cætero potest illa diversitas etiam quoad læsionem ultra tertiam partem, quam Jus Württembergicum respicit, occurrere, nam juxta primam sententiam emptor læsus est, si pretii, quod dedit, ne quidem duas tertias habeat, v. gr. si pro re 12. valente, plus quam 18. dederit, juxta secundam vero, si ultra verum rei pretium, plus unâ tertiâ solverit, v. gr. in casu allato plus quam 16. præstiterit.

2. Posterior computatio veteribus potissimum placuit ac usu recepta est, teste *AUTORE*, sed prior recentioribus, *CUIJACIO*, *BACHOVIO* aliisque probatur, ac accuratior esse censetur, quod tamen temere  
non

non crediderim, quia arbitror potius Veterum illam computandi rationem, *veram, accuratam & equam*, hanc Recentiorum verò, *falsam, absurdam & iniquam* esse. Nam (1) dubio procul eadem computandæ læsionis norma, quoad venditorem & emtorem, supponi debet, minimum hoc tamdiu asserendum est, donec dissentientes contrarium probent. Hæc verò norma (2.) est res vendita, hæc enim pro certo tempore pretium certum habet, hinc normæ vicem subire potest, sed pecunia ab emtore solvenda, ante contractum indeterminata & vaga est, ac rei venditæ debet exquiri, hinc non norma, sed normatum est. Agnoscunt etiam (3.) ipsi dissentientes quoad venditorem, quod fundamentum computandæ læsionis, sit res vendita, ergo idem quoque, vi præsuppositi primi & secundi, quoad emtorem admittere debent. Ex his autem (4.) fuit computatio Veterum, seu quod eadem summa, quæ læsionem operatur ratione venditoris, eam quoque inducere debeat ratione emtoris, hinc cum in casu allato læsus sit venditor, si ei desint, ita hujus summæ defectus læsum quoque emtorem arguet.

3. Atque ex his origo & falsitas erroris contrarii facile quoque ostendi potest. Videntur scilicet Recentiores de fundamento computandæ læsionis haut fuisse solliciti, sed, philosophandi ratione superficialiâ, formulas solum captasse, cum igitur quoad venditorem læsio recte sic exprimatur: *sine quidem dimidium ejus, quod dedit, accipiat*, illi eadem formulâ, quoad emtorem, eam exprimendam esse censuerunt, hinc nata est diversa illa maximeque inæqualis computatio. Illam vero falsam esse, à priori cognoscitur, si utriusque, tam Venditoris, quam Emtoris, læsionem,



ad eandem normam, rem venditam scilicet, exigas, ex hac enim constabit, quod intuitu emtoris læsio sic exprimenda sit: *si pro re, quam accepit, plus dimidio, ultra verum pretium dederit.* A posteriori quoque falsitas apparet, si consideres absurda, quæ inde sequuntur: In casu *n. 1.* allato, quoad Venditorem, *norma*, juxta quam læsio æstimatur, *certa & uniformis* est, nimirum res, quæ centum valet, sed *summa ladens, gradibus distinguitur*, dum modo enim quinquaginta excedat, poterit de cætero esse 51. 52. 53. 60. &c. exinde igitur merito computationem veram agnoscimus. Sed quoad Emtorem, juxta computationem recentiorum, *norma* computandæ læsionis est *incerta & inconstans*, nimirum summa, quæ ducentos excedit, verum *summa ladens* est *certa & constans*, pretium scilicet rei venditæ. Singulari metamorphosi summa, quæ in Venditore constituit *normam*, in emtore est *quantitas ladens*! Quis igitur, præjudiciis vacuus, ex his non agnoscat, illam computationem à vero penitus aberrare? Quod si quis vulgatum illud: *Nihil tam absurdum est, quod non aliquando defenderit Philosophus*, ad interpretes juris civilis applicare velit, tum computationem hanc in exempli vicem non malè allegares.

## OBSERV. DXLIII.

*In computanda læsione respiciendum est*) Quæ hic de requisitis investigandi pretii, æstimandæ læsionis in genere, ejus probatione, personis læsis & lædentibus, materia, in qua læsio contingat, de indole & effectu obligationis, amplius differit *AUTOR*, illa, si non penitus, certe quoad substantiam suam sunt juris naturalis, adeoque ex communibus principiis dependent.

## OBSERV. DXLIV.

*Obst. l. 63. §. fin. ad L. falcid.*) Recte ait *ALLTOR*, in æstimanda læsione esse respiciendum ad tempus contractus, non ad præsens vel antecedens, nec obstat *d. l. 63. §. fin.* quando enim *PAULLUS* præcipit: *dum hic quoque non ex momentis temporum, nec ex ea, quæ raro accidat, caritate, pretia constituentur*, eo ipso non negat, quin ejus temporis, quo actus aliquis celebratus aut celebrandus est, in determinando pretio sit habenda ratio, sed potius hoc vult, non esse respiciendum ad tempus futurum, extra quod nunc agentes versentur, ut si hæres in definiendo rerum hæreditariarum pretio momenta temporum captare velit hoc modo: *jam quidem res aliqua tammi est, sed mox pretium mutabitur, hinc suspendenda erit pretii determinatio*! hanc scrupulosam sollicitudinem improbat, quia juxta eam res exitum habere nequit, secundum hæc non opus est, ut cum *Dn. BERGER* in *resolut. b. qu. 1.* à doctrina *AUTORIS* exceptionem in *L. falcidia* asseramus.

## OBSERV. DXLV.

*Aut res perierit apud tertium --- vel apud ipsum emtorem sive ejus culpa aut mora accesserit lit. P.*) Recte asseritur, quod emtor lædens læsionem emendare cogatur, licet res emta ejus culpa perierit. Ratio vero non inde sumenda est, quod culpa vel mora obligationem perpetuet, quo collimant textus, quos *ALLTOR* hic allegavit, sed potius inde, quod obligatio primitiva emtoris, ex læsione orta, maneat, quicquid etiam rei emtæ accidat. Ex qua ratione facile etiam respondetur ad *L. 18. §. 1. solut. matrim.* (non de heredit. petit. ceu falso impressum legitur) & *L. 25. §. 11. de*

*de hered. petit.* nimirum maritus, quoad res dotales, & bonæ fidei possessor, quoad res possessas, culpæ rationem non postulantur per *d. l. cum tamen ad rem restituendam obligentur*, ergo multo minus de culpa tenebitur emtor, qui irrevocabiliter dominium acquisivit. *Dn. BERGER b. qu. 2.* rationem diversitatis hic reddere conatur, sed non puto eò recurrendum esse, nam nec emtor de culpa tenetur, sed eam impune committit, quod autem læsionem emendare cogatur, id non est ex culpa, nunc commissa, sed ex obligatione primitiva, quæ cum ipso contractu enata est & hactenus semper subsistit.

## OBSERV. DXLVI.

*Sive non accesserit -- -- -- obst. l. 12. §. 1. de jur. dot. & c. lit. P.)* Hæc quoque assertio verissima est, emtorem scilicet ad emendandam læsionem obligari, licet res emta casu perierit, uam obligatio illa est principalis, adeoque semper durat, quicquid rei emtæ eveniat, ceu *Observ. preced.* monuimus. Non obstant huic assertioni textus, quos *AUTOR* magno numero objecit, nam *l. 12. §. 1. de jur. dot.* loquitur de debitore, ad quem periculum rei possessæ regulariter non spectat, & qui principaliter ad rem præstandam, in subsidium vero, ad justam ejus æstimationem tenetur, qui adeo, re casu extincta, ad solidam æstimationem non obligatur. Ab hoc verò ad emtorem, periculum rei sustinentem ac ad æstimationem principaliter obligatum, inferre non licet. *l. 91. §. 3. de V. O. l. 14. §. 1. deposit. l. 36. §. fin. de Legat. I. l. 1. §. fin. si cui plus quam per L. falcid.* loquitur de debitore speciei, & cujus adeo obligatio in re unice fundatur, hic casuali rei interitu liberatur, sed emtoris ob-  
liga-

ligatio in re emta non fundatur, hinc hac licet peremta, illa tamen manet. *l. 125. de R. J. reos actoribus favorabiliores* pronunciat, scilicet in dubio, sed hic obligatio rei satis certa est. *l. 4. C. de emanc. contendit beneficia in nullius injuriam tribuenda esse*, sed hoc ad casum nostrum applicari nequit, cum in eo, in nullius injuriam quid asseratur. In *l. 52. §. fin. ad L. aquil.* culpa requiritur, ut aliquis obligatus dici queat; Verum id pertinet ad eum casum, ubi ex facto obligatio de novo oriri debet, adeoque cum nostro casu nihil habet commune *l. 26. §. 4. de noxal. action. l. 62. pr. de furt.* ostendunt, quod sublata obligatione principali, accessoria seu secundaria quoque ruat. Sed hic est casus inversus, ubi obligatio secundaria ad rem præstandam, extincta est, quæ principalem, ad emendandam læsionem, simul non tollit.

2. Interim multi putant, quod re casu peremta, emtor læsionem emendare non debeat. In hac sententia est *Dn. STRYK in not. b. ad p. 343.* sic etiam *Dn. BERGER in resolut. b. qu. 3.* postquam ad textus responderat, subjicit: *Sic equidem olim Auctorem secutus existimavi. At nunc, re curatius aliquanto perpensa, parum abest, quin sententiam mutem.* Ratio mutatæ sententiæ est, quod emtor principaliter ad rem præstandam, subordinate verò seu secundario ad pretium supplendum obligetur, perinde sicut dominus primario ad restitutionem damni, secundario autem ad noxæ deditionem teneatur, sublata igitur, rei emtæ interitu, obligatione principali, accessoria quoque intercidat. Verum ista me nondum movent, ut sententiam, hætenus cum *AUTORE* probatam, mutem, nam in utroque præsupposito, quod retuli,

tota

tota rei series pervertitur. Dominus non tenetur primario ad damni æstimationem, & secundario ad noxæ deditiōem, sed potius vice versa, principaliter obligatur ad noxam dedendam, &, si hoc nolit, demum ad damni æstimationem, sane hanc obligationem ex nullo alio fundamento, quam negata deditiōe, facillè deduxeris, & hinc etiam est, quod noxa casu extincta, dominus liberetur juxta *l. 26. §. 4. de noxal. action.* quod profecto non posset admitti, nisi obligatio ad noxam dedendam esset principalis. Amplius emtor non obligatur principaliter ad rem præstandam, & secundario ad supplendum pretium, hoc enim si esset, venditor quoque læsus haberet principaliter jus ad petendam rem, & sic in effectu contractus nullus foret, quod tamen non est. Quare potius juxta intentionem contrahentium sic dicendum: Ambo probarunt contractum, hinc subsistit ille, læsione licet interveniente, nec læsus venditor habet jus illum evertendi, sed solum petendi læsionis emendationem, hæc igitur est obligatio principalis, quod si vero emtor rem, si adfit, malit reddere, cum venditori hoc non sit ingratum futurum, ideo id ei permittitur, hinc enascitur obligatio secundaria ad rem reddendam, quæ non semper adest, sed tum demum, si objectum permittat. Cum igitur præsupposita illa dubia sint, hinc illatio, inde facta, quod emtor re extincta liberetur, admittenda non erit. In præcedentium illustrationem, hoc perpendendum damus: Si quis justo pretio rem comparet, is totum pretium solvere cogitur, licet res accepta casu perierit, quod omnes concedunt, cur ergo, si viliori pretio rem emerit, pretium, re peremta, supplere non deberet? Subest sane utro-

bi-

bique eadem ratio, emtor dominus est, eique res perit, obligatio autem ad pretium vel solvendum vel sup-  
plendum, rei interitu non variatur. Ex quo liquet,  
nec hoc nostræ sententiæ cum effectu objici posse,  
*quod re peremta emtor nullum habeat lucrum*, nam  
non ex *lucro* durante ejus obligatio repetenda est, sed  
ex *contractu semel inito* eadem judicare debet, ac im-  
putet sibi emtor, quod rem perituram comparaverit,  
alioquin si ista ratio valeret, nec pretium, quod pro re  
emta debetur, solvendum foret, cum nec eo casu  
emtor, re extincta, lucrum habeat.

OBSERV. DXLVII.

*Secus est, si sua culpa rem amiserit*) Non est secus,  
sed potius eo etiam casu, quo emtor læsus rem emtam  
sua culpa amisit, efficacem habet actionem contra ven-  
ditorem, ut hic læsionem emendet, nam emtor fuit  
dominus, potuitq; sua re abuti, ut hætenus ne quidem  
proprie sic dictam culpam commiserit, hinc nec per  
istud factum suo jure privabitur. Deinde venditor  
principaliter ad læsionis emendationem est obligatus,  
receptio rei ac restitutio pretii, atque ita totius contra-  
ctus resolutio, velut res innoxia ac emtori non displic-  
itura, in subsidium ei, si locum habere queat, indul-  
getur; re igitur extincta, ad eam, eludendæ obligatio-  
ni principali, frustra recurret. Denique nulla vendi-  
tori inferitur injuria, cui, justum pretium retinuisse,  
hoc quoque casu satis esse potest. Atque hæc sen-  
tentia etiam placet Dn. STRYKIO in not. b. ad p.  
344.

OBSERV. DXLVIII.

*Non etiam datur venditori contra tertium posses-  
sorem*) Hæc assertio rectè se habet, ac per omnes am-  
plia-

pliationes hic allatas, ex principiis naturalibus defendi potest. Nimirum venditor transtulit dominium, ergo id cum effectu ab emtore amplius alienari potest. Rursus emtor ad læsionem emendandam quidem est obligatus, sed illa restitutio non est facienda ex re emta præcise, sed ex bonis in genere, hinc nec hæc obligatio validam translationem impedit, quodsi igitur hæc fiat, & emtor solvendo esse desinat, tum actio venditoris fit inanis, quod ad mala fatalia referre debet. Illud dubium non est, quin tertius, qui rem ex causa lucrativa accepit, hoc casu, ex lege humanitatis, aliqua præstatione, venditorem solari debeat, sed ista extra tabulas fori civilis est.

## OBSERV. DXLIX.

*Locus habet hac querela lit. O.)* Summa doctrinæ, hic latius propositæ, est, quod querela detur in omni contractu oneroso, quoties in læsionem non consensus est, id quod ex modo contrahendi accuratè judicari debet. De cætero eam, contra dissentientes in nonnullis exemplis eò facilius sustinueris, si attendas, quod necessitas restituendi damnum, non demum *l. 2. C. b. t.* introducta sit, sed quod illa ex naturali præcepto veniat, per *d. l. 2.* verò saltem approbata, imo restrictione duriori, ad læsionem enormem applicata sit.

## OBSERV. DL.

*Datur alternativè lit. O.)* Neque tamen illa alterratio vulgari modo, quasi scilicet ad utramque præstationis partem æqualiter se habeat, intelligi debet, sed potius sic explicanda est, ut lædentem principaliter ad emendationem læsionis, secundariò verò ad rescindendum contractum, dicamus obligatum, prout hunc

hunc ordinem *AUTOR* hic recte servavit. De cetero accuratam hujus ordinis observationem, non esse inanem, ex *Observ. 546. 547.* liquet.

## OBSERV. DLI.

*Tum debet integrum rei verum pretium supplere*) Etiam usuras supplementi emtor præstare deberet, si juxta legis naturalis ἀκριβεια, hic pronunciandum foret, dum enim re emta majoris pretii hætenus usus est, nec tamen supplementum præstitit, tam ob utilitatem perceptam, quam moram re ipsa commissam ad usuras obligatus est. Sed iste rigor in foro civili non observatur, ex quo fundamento. Venditor quoque à necessitate præstandi usuras pretii excedentis absolvitur, imò in genere accurata fructuum usurarumque computatio negligitur, ut de accessionibus neutra pars teneatur, ceu *AUTOR* hic secundum diversos casus tradit. *conf. BERGER resolut. b. qu. 8. 9.*

## OBSERV. DLII.

*Contractu ex hac causa rescisso, gabella pro contractu soluta, à fisco non repetitur*) Sive contractus subsistat, sive rescindatur id quod latus ejus occasione expendit, neque à fisco repetere potest, neque ab altero contrahente, nam fisci rationes ob alterius imprudentiam turbari, molestum est, contrahens vero id non accepit, hinc ab eo nihil peti potest, quare latus hoc damnum vel pro fortuito reputare, vel suæ negligentiae imputare debet, cujus nulla est restitutio. Atque hoc etiam de laudemio dicendum videtur, licet Magistratum ad illud restituendum obligari putet *FRANSKIUS* referente *STRYKIO in not. b. ad p. 349.* nam ratio allata quoad illud quoque locum habet.



## OBSERV. DLIII.

*Hac querela per modum actionis instituitur in foro domicilii*) Ubi actio hæc sit instituenda, quoque processu tractanda, id ex statu Reipublicæ ac voluntate cujusvis Imperantis dependet, ut hæcenus legibus Romanis hic nihil debeat.

## OBSERV. DLIV.

*Specialis ejusdem renunciatio lit. D.)* Mero jure naturali quævis renunciatio seria sufficit, sed ambiguus interpretum sententiis, eò fere deventum est, ut specialis sit necessaria, *l. fin. §. 3. de condit. indeb. & l. 19. inoffic. testam.* non negant, quin generalis renunciatio tollendo juri sufficiat, sed hoc solum docent, non quamvis renunciationem, aliumve actum qui ita videatur, esse statim generalem, cum ex subjecta materia ejus specialitas intelligi queat. De cætero circa specialem renunciationem hic non est necessaria *scientia justî valoris*, quam aliqui immerito requirunt, nam si talis scientia adesset, tum per hanc querela excluderetur, nec opus esset renunciatione, ceu recte *ANTOR* docuit supra *lit. C. verb. ad fundandam n. 2.* nec obstat, quod *juri ignorato non renunciemus*, nam hoc non ita simpliciter admittendum, sed dicendum potius, *juri ignorato & non cogitato non renunciari*, si vero de jure aliquo cogitemus, utut id adesse ignoremus, id, si revera adsit, renunciatione bene tollitur. *conf. Observ. 372.*

## OBSERV. DLV.

*Juramentum majoris, quo se contractum servaturum juravit*) De jure Saxonico Electorali hæc sententia utique admittenda per *d. Const. 35. p. 2.* sed juxta principia communia & jus civile omnino distinguere-  
rem

rem, utrum de læsione enormi, dum jurabatur, probabiliter fuerit cogitatum, an simpliciter contractus jurejurando firmatus. Illo casu querelam enormis læsionis, jurejurando excludi concedo, hoc autem nego, cum nec juramentum tacitas restrictiones, ex natura rei dependentes respuat, hinc sensus est, juro me servaturum esse contractum, modo ille suis constet requisitis, quæmobrem sicut in casu simplicis promissionis, citra notam perfidiæ, querela moveri posset, ita eadem in casu apppositi juramenti, citra notam perjurii quoque potest institui. Imo si juramentum quoad Minorem, hanc querelam non excludit, ceu mox *ALLTOR* fatetur, nec quoad Majorem, hunc habebit effectum, neque enim quoad illum, ratio desumitur ab ejus conditione vel statu, sed potius inde, quod de excludendâ querela non cogitaverit, adeoque juramentum, ultra jurantis intentionem, operari non debeat, sed juxta substratam materiam intelligendum sit, quæ ratio etiam quoad Majorem, locum habet. Denique pro contraria sententia nihil faciunt *l. 77. §. 23. de Legat. 2. arg. l. 1. & seq. auth. Sacramenta C. si advers. vendit.* cum saltem doceant, quod juramentum actus confirmet, juxta intentionem jurantium, sed hoc casu, subesse intentionem excludendi querelam, negamus.

## OBSERV. DLVI.

*De contractibus qui habent læsionem successivam*) Talis contractus est locatio conductio, in hac enim si quis inmodica mercede conduxerit, tum singulis annis, in quos merces constituta, læditur, cum igitur læsio successive contingat, & jus agendi eo modo nascatur, hinc etiam successive præscribitur, fac igitur

conductorem, per decem annos, uniuersam mercedem soluisse, à tempore autem initæ locationis, 36. annos elapsos esse, tum sex annis præscriptum est, quoad quatuor autem adhuc agi potest.

## OBSERV. DLVII.

*Aut aduersarius ex sua parte contractum non impleverit*) Distinguendi sunt casus, si enim contractus sit saltem perfectus, tum si alter promissum præstare nolit, in arbitrio alterius erit, an contumacem actione ad implendum contractum adigere, an jure retorsionis, & in ultionem velut alienæ perfidiæ, à contractu quoque abire velit, hætenus igitur facultas recedendi omnino adest. Si vero alter contractum à sua parte impleverit, altero tergiversante, datum repetere nequit, sed hunc ad implendum promissum actione cogere debet, non obst. *l. 6. C. de pact. inter E. & V.* loquitur enim de emtione vel *conditionali* vel *modali*, quod ex verbis: *certe rei contemplatione*, satis apparet, hinc quæ de non *impleta promissi fide* ibi dicuntur, non sunt intelligenda de *fide ordinaria*, qua emtor pretium solvere, sed de *extraordinaria* qua conditionem vel modum implere promiserat, hac non impleta, res data repetitur. *conf. Observ. 347.*

## TIT. VI.

DE PERICULO ET COM-  
MODO REI VEN-  
DITÆ.

## OBSERV. DLVIII.

*Emtio perfecta*) Illud omninò naturale est, ut emtione perfecta, periculum casuale ad emtorem pertineat, seposita enim lege civili, jam dominus est, eam verò admittam, habet tamen jus præstantius, adeo ut  
id,

id, quod penes venditorem adhuc relidet, saltem sit precarium, ac ab emtore pro lubitu, modo ipse præstanda præstet, advocari queat. Porro non minus naturale est, ut venditor ad damnum quod ejus facto voluntario accidit, aut quod pacto in se recepit, resarcien dum teneatur, hætenus igitur juri Romano, nihil nisi confirmatio debetur.

## OBSERV. DLIX.

*Aut venditor rem venditam iterum alteri vendiderit & pretium acceperit*) Modo secunda illa venditione moram non contrahat, aut rei interitui ansam præbeat. Pone me tibi vendidisse equum, qui tuo consensu per aliquot dies, penes me commorari debeat, interea alii denuo eum vendo pretiumque accipio, sed antequam is tradatur, furto vel simili casu perit, tum nihilominus periculum ad te spectat, adeoque pretium à te exigere, vel jam solutum retinere possum, nam casus ille accidisset, licet ego secundam venditionem non suscepissem, nulla igitur apparet ratio, quare hæc periculum in me transferre debeat. Alia quæstio est, an pretium à secundo emtore acceptum retinere, vel nondum solutum exigere queam? quam negandam puto, nam simulac secundam venditionem suscepim, obligatio ad interesse, vel saltem reddendum pretium exorta est, hæc igitur sicut effectum habuisset, si res vendita salva mansisset, ac primo emtori fuisset tradita, ita per ejus interitum extinguere non posse videtur.

## OBSERV. DLX.

*Licet res vendita eodem modo apud emtorem fuisset peritura*) Quæstionem hanc, an post moram etiam interitus rei naturalis ad debitorem pertineat, intricata-

tam & diffusam dicit *BACHOVIVS d. l.* sed juxta principia naturalia, Romanis etiam probata, breviter ita dicendum: Si inter moram & casum est connexio, id quod ex eo liquet, si creditor rem acceptam alienare vel aliò transferre, atque ita eam casui subducere potuerit, tum debitor casum præstare debet *l. 47. §. fin. de Legat. l.* si vero nulla inter moram & casum sit connexio, sed res, mora licet non commissa, nihilominus fuisset peritura, id quod ex circumstantiis iterum colligendum, tum à periculo debitor est immunis *l. 14. §. 1. de pos.*

## OBSERV. DLXI.

*Venditor tamen emptori cedere tenetur actiones*) His verò ambagibus hodie opus non esse arbitror, sed si casus à facto tertii dependeat, tum emptor directe contra nocentem agere poterit, modo doceat sibi rem plene fuisse venditam, nam istas cessiones redolere antiqua fori Romani carmina, nimiamque in denominandis actionibus sollicitudinem, facile liquet.

## OBSERV. DLXII.

*Nondum perfecta, periculum regulariter ad venditorem pertinet*) Hoc etiam naturale est, venditor enim, isto rerum statu, non nomine tantum, sed & re ipsa & cum effectu dominus est, adeoque ei res meritò perit, in determinanda tamen Venditionis imperfectione, quoad res quæ ad mensuram, pondus & gustum vendi solent, multumtribuendum juri Romano.

## OBSERV. DLXIII.

*Venditio facta sit ad quantitatem*) Quoad has res observandum, quod duplici, nonnullæ etiam triplici modo vendi queant. (I.) Per *aversionem*, ut si quis omne

mne vinum, quod in cella est, uno pretio, vel pra-  
 tum aliquod simpliciter emat, hoc casu emptio statim  
 perfecta est, ac periculum pertinet ad emptorem; (2)  
 ad *quantitatem*, tum antequam ad mensio vel appen-  
 sio intercedat, venditio est imperfecta, & periculum  
 venditoris; (3) ad *gustum*, hoc casu venditio non sim-  
 pliciter sed ratione qualitatis rei est imperfecta, hinc  
 hujus periculum ad venditorem ante degustatio-  
 nem pertinet. *vid. HUBER. in posit. ad J. de E. V. n. 24.*  
 Jam quod attinet existentiam, primus modus regu-  
 lariter cessat nec praesumitur, secundus vero ordina-  
 riè obtinet. In rebus, quæ degustationem admittunt,  
 prima & secunda contrahendi ratio concurrunt.  
 Hinc si v. gr. vinum venditum sit, ante admen-  
 sionem & degustationem, omne periculum est vendi-  
 toris, si facta sit admensio sine degustatione (quod  
 quidem non facile fiet) tum periculum quantitatis  
 ad emptorem, qualitatis ad venditorem pertinebit, si  
 verò vice versa, degustatio quidem intervenerit, sed  
 non admensio (id quod facilius contingere potest)  
 tum periculum qualitatis ad emptorem, quantitatis  
 ad venditorem spectabit. Potest etiam primus & ul-  
 timus contrahendi modus concurrere v. gr. si quis  
 sex amphoras, quæ jam repletae existunt, vel uno vel  
 in singulas constituto pretio emat *vid. CARPZOV. p.*  
*2. C. 25. D. 23. n. 7. 8.* hoc casu ante degustationem pe-  
 riculum qualitatis, erit venditoris, quantitatis vero,  
 simpliciter emptoris, subsecuta degustatione, etiam  
 qualitatis. **OBSERV. DLXIV.**

*Licet. e. g. decem oves è grege vendita fuerint & postea*  
*universus grex perierit obft. l. 34. §. 6. de G. E. V.)* Hoc  
 casu periculum est utique venditoris, fuit enim

venditio facta sine designatione certorum capitum, sub conditione annumerationis, hac igitur nondum secuta, omne damnum ad venditorem pertinet. Non obstat. *d. l. 34. §. 6.* nam ab emtione alternativa perfecta, ad conditionalem imperfectam, non licet inferre. In illa enim dux res electivè præstandæ determinantur, altera igitur venditoris, dum electionem & rem amittit, altera verò emtoris periculo est, quia objectum omne, quod in contractu erat, ita tollitur. Sed in hac non hoc agitur, ut vel hæ decem oves, vel iis deficientibus, tot aliæ ex reliquo grege præstentur, adeo ut illarum damnum ad venditorem, harum verò ad emtorem spectet, prout obiter consideranti videri potest, sed potius indefinite ex grege decem oves, sub conditione adnumerationis, emuntur, igitur & decem ovium & totius reliqui gregis periculum, pendente conditione, ad venditorem pertinet. *Dn. BERGER in resolut. b. qu. 4.* respondet ad *l. 35. §. 5. de C. E. V.* sed lectionem Codicis mei, de anno 1681. quæ *d. l. 34. §. 6.* objicit, præferendam existimo.

## OBSERV. DLXV.

*Eoque magis periculum ad venditorem pertinet -- --*  
*obst. l. 1. pr. b.*) Hic textus accipiendus est de venditione per aversionem facta, hoc enim probabile (1.) est ex eo, quod simpliciter periculum & qualitatis & quantitatis ad emtorem pertinere dicatur, idem suadet (2.) contextus, dum conditio degustationis non negligenda esse mox perhibetur, ut inde facile colligas diversos has assertiones præsupponere casus, denique (3.) collatio *l. 4. §. 1. b. t.* quæ ejusdem est Autoris, ex eodem libro depromta, id amplius evincit.

LIB.

## LIB. XIX. TIT. I.

DE ACTIONIBUS EMTI ET  
VENDITI.

## OBSERV. DLXVI.

**A**ctio emti) Quæ de actione Emti & Venditi *AU-  
TOR* prolixè satis commentatur, illa pertinent  
ad Officium Venditoris & Emtoris consequens. U-  
terque autem obligatur ad fidem servandam & da-  
num refarciendum, quoad prius præceptum sæpe  
occurrunt quæstiones facti seu voluntatis, *quid pro-  
missum sit*, in quibus determinandis & consuetæ inter-  
pretandi principia, & consuetudo regionis & inter-  
pretatio legis Romanæ authentica, si adsit, observari  
debent, circa posterius itidem in facto sæpe quæri-  
tur an *damnum invito ac alterius voluntate* acciderit, id  
quod ex circumstantiis quoque judicandum. Ex quo  
liquet, quod hæc doctrina, non Romana, sed natu-  
ralis sit.

## OBSERV. DLXVII.

*Qui per nuncium emit vel vendit, illi & contra illum  
directa hæc actio competit lit. P.)* Sed de nominibus ho-  
die non valde laborandum, hinc si etiam per procu-  
ratorem quis contraxerit, perinde erit, siue actio-  
nem directam, siue utilem dicere velis, hoc enim  
potius spectandum est, an is probare possit, quod  
ipsius nomine, per alium, contractum sit.

## OBSERV. DLXVIII.

*Non etiam quæ extra rem lit. O.)* Videtur *PAULUS*  
in æstimando eo quod interest, sibi ipsi contra-  
rari, nam in *l. 21. §. 3. h. t.* lucrum negotiatione  
quærendum excludit, sed in *l. 13. rem. nat. hab.* sub eo,



quod interest, comprehendit, quantum alicui ab sit, quantumque lucrari potuerit. Sed videtur hæc res à circumstantiis dependere, adeo ut lucrum probabiliter speratum ad rationes ejus quod interest, pertineat, incertum verò, ac vana saltem imaginatione repræsentatum, inde arceatur.

## OBSERV. DLXIX.

*Quibusdam in locis ad transferendum rei immobilis venditæ dominium requiritur judicialis resignatio lit. O. v. 1.)* Quod post *FRANSKIUM d. l.* frustra negare videtur *STRUV. S. J. C. Exerc. 23. §. 108.* Ex eo autem deducit *Dn. BERGER in resolut. b. qu. 4.* quod ante resignationem illam, venditor, utpote adhuc dominus, rem venditam oppignorare queat, adeo ut hypotheca hæc, hypothecæ ab emtore interim quoque constitutæ, sive priori sive posteriori, præferatur. Sed forte plus venditoris dominio tribuitur, quam meretur, est enim mere precarium, ac ab emtore pro lubitu avocari potest, licet enim emtor resignationem judicialem quandoque non statim impetrare possit, hoc tamen non fit ob constans aliquod venditoris dominium, sed potius vel ex mora legali, dum resignationibus certa tempora sunt statuta, vel intercessione tertii, vel cunctatione ipsius emtoris dependet, juxta hæc igitur incongruum fuerit dominino precario tribuere quod valido & efficaci tantum competit. Atque id etiam magis apparet, si consideres, quod emtor quoad periculum & commodum, jam pro domino habeatur, hæc enim satis ostendunt, dominio venditoris, notabilem aliquem effectum adscribi non posse. Denique si perpendas scopum resignationis judicialis, non videtur ea ex ratio-

rationibus privatis, sed publicæ potius utilitatis, esse introducta, quamobrem illa non tam requiritur, ut venditor per eam plenius jus in emptorem transferat, sed potius, ut publico nomine, ille dimittatur, hic vero pro domino declaretur, juxta respectus igitur privatos, venditor ante resignationem judicalem, jam omne jus amisisse adeoque nihil in præjudicium emptoris amplius facere posse videtur. Ex quibus etiam satis apparet, quare vel à domino in genere, vel in specie ab eo, cujus rem alius bona fide possidet, ad venditorem inferre non liceat, illi enim habent dominium efficax, hic vero precarium, & quod non tam dominium est, quam videtur. Sed de hoc dubio rerum forensium periti amplius viderint!

## OBSERV. DLXX.

*In debita qualitate lit. §. n. 3*) Quæ hic *AUTOR* de emendanda læsione emergente differit, iis in genere ob stare videtur *l. 2. C. de rescind. vendit.* juxta quam læsiones non dolosæ, saltem emendari jubentur, si dimidium excedant, interim à nullo interprete, quod sciam, hoc dubium movetur, & satis tamen apertum illud videtur! An igitur dicemus, nimis secure ex legibus antiquis, æquitatem naturalem simpliciter sectantibus, quæstiones propositas hic decidi, cum tamen *q. l. 2* leviores læsiones conscientia contrahentium unice committi, enormes vero in foro civili saltem emendari voluerit? Quod si hoc nolis, mihi quidem non alia conciliandi ratio jam succurrit, quam ea, quam *Observ. 540.* proposui, nempe ob læsiones etiam leviores agi posse, si post breve tempus, & contractu velut adhuc fervente, de iis querela moveatur.

## OBSERV. DLXXI.

*Hoc enim pactum neque ratione fisci, neque ratione contrahentium subsistit*) Hoc ita lege positiva, ob utilitatem publicam constitutum est, & confirmatum videtur *DECIS. SAXON. 65. nec obstat. l. 52. §. 2. de pact.* nam alia ratio est creditoris hypothecarii, qui ad tempus solum rem tenet, & emtoris, qui irrevocabiliter rem acquirit, ille igitur ratione tributorum indemnus conservari potest, non hic, *add. BERGER resolut. b. qv. 7.*

## OBSERV. DLXXII.

*Obst. l. fin. vers. respondit de jur. fisc.)* Hæc objectio non pertinet ad thesin immediatè præcedentem, quæ de emtore loquitur, sed ad remotiorem, de venditore conceptam. Debebat igitur hoc ordine res proponi; *vendita ante vindemias merces, tota restituenda est emtori,* (tum enim merces pro fructu pendente seu parte rei habetur adeoque emtorem sequitur) *facta verò venditione post vindemias, tota merces manet venditoris, licet locatio demum post venditionem finiatur,* (nam sicut hoc casu, locatione non facta, lucraretur fructus naturales, ita, illa intercedente, accipit mercedem, in horum locum surrogatam, tam illi enim quam hæc, sunt fructus percepti adeoque penes venditorem manere debent) *obst. l. fin. de jur. fisc. ibi enim dicitur, quod fructuum ante perceptorum pensio etiam sequatur emtorem, si ejus solvenda dies nondum venisset, cum venditio fieret.* Dicendum videtur, quod ibi habeatur exceptio à regula modo proposita. Scilicet venditione post fructuum naturalium perceptionem facta, merces regulariter sequitur venditorem, quia, ut diximus in locum fructuum naturalium sur-  
roga-

rogatur, adeoque horum jure censetur, aut si pensio-  
ni solvendæ certa dies præstituta sit, ante cujus exi-  
stentium solvere non teneatur conductor, tum, licet  
venditio post naturalium fructuum perceptionem  
facta sit, dummodo ante diem cedentem, pensio ac-  
quiritur emtori, quod in *d. l. fin.* dicitur, nam per  
conventionem, qua dies præstituitur, effectum est,  
ne pensio ex perceptione fructuum naturalium ex-  
stimari queat, sed potius, sine respectu ad naturales,  
tamdiu pro fructu pendente, emtoremque adeo se-  
cuturo, habeatur, donec dies existerit. Hanc respon-  
sionem si admittas, non opus est, ut cum *PEREGRINO*  
*d. l.* aliisque dicamus, in *d. l. fin.* speciale esse in em-  
tore, qui à fisco emerit, huic pensiones ideo relin-  
qui, quod locationi, à fisco factæ, stare teneatur,  
quo gravatus in uno, relevetur in altero.

## OBSERV. DLXXIII.

*Item tradit de pharmacopolio, quod est in domo vendita*)  
Quia scilicet, ex doctrina *COLERI d. Decis. 286.* est res  
immobilis. Verum licet hoc admittas, id tamen,  
quod eliciunt, inde non sequitur, nam pharmaco-  
polium suis mercibus instructum, est quidem *in do-  
mo*, sed non *de domo*, si ita loqui licet, sed potius velut  
res per se subsistens spectari debet, hinc etiam pro  
lubitu ejus, qui exercendi illius jure gaudet, ad hanc  
vel illam domum transferri potest. Alias dubia quæ-  
stio est, utrum pharmacopolium immobilibus, an  
mobilibus rebus annumerandum sit? seposita ta-  
men speciali legis dispositione, prius videtur esse  
magis probabile, nam universitas mercium, ex qui-  
bus illud componitur, ut res perpetuo & per se sub-  
sistens spectari solet, hinc etiam mercibus sigillatim

ventitis semper alia surrogantur, quo perpetuitas totius corporis conservetur, accedit quod in re immobili merces existant, quæ intentio producendæ immobilitati sufficit. Idem dicendum erit de tabernis mercatoriis, nam eadem harum est ratio. Exinde hoc quoque inferrem, statuta vel rescripta specialia, quibus merces venales, pro rebus mobilibus declarantur, non facile ita esse accipienda, ut doctrinam præcedentem turbent, cum commodè de mercibus sigillatim, & extra corpus vel massam negotiationis, spectatis, ut plurimum explicari queant. De officinis tonsoriis, Barbier stuben, minus dubii est, quod rebus immobilibus, & quidem per se subsistentibus, accenseri debeant, nam merces hic nullæ sunt, quæ in præcedentibus exemplis, dubium excitabant. *conf. BERGER resolut. h. qu. 10.*

## OBSERV. DLXXIV.

*Qui tibi habentur ut crescant, illos fructuum nomine emtori tribuunt*) Sed hæc sententia non est adeo probabilis, sicut enim animalia, quæ in fundo eo fine habentur, ut crescant, emtori fructuum nomine tribui non possunt, ita etiam pisces, qui in vivario aluntur, ejusdem fructus non erunt, nec adeo emtorem sequentur.

## OBSERV. DLXXV.

*Thesaurum tamen quem in vendito fundo, antequam traderetur, invenit venditor, retinet*) Contraria sententia verior videtur. Licet enim *l. 63. §. 4. de A. R. D. & l. 13. §. 8. de A. E. V.* quas, præter alias, dissentiens NEBELKRAH excitavit, non adeo huc quadrent, attamen ratio, quam cæteri textus etiam innuunt, satis hanc sententiam sustinet. Nimirum in-

signis

signis videtur esse Interpretum abusus, quando jura, quæ dominium verum & efficax præsupponunt, ad venditorem trahunt, qui tamen dominus saltem precarius, putativus magis quam verus est. Hinc licet regula illa vera sit, quod dominus thesaurum in suo inventum lucretur, attamen ad venditorem illa non pertinet, qui potius, ratione rei venditæ, pro extraneo habendus est, emptori autem potius jus adscribi debet, quod innuit *d. §. 3. j. de E. V. l. 1. C. de P. & C. R. V.* hinc vulgaris responsio: *quod loquantur de commodo intrinseco, seu eo, quod rei emptæ coheret*, illarum vim non elidit, nam ita quidem est, interim ratio acquisitionis in eo posita est, quod emptor in effectu rei emptæ jam sit dominus, quæ etiam quoad acquitendum thesaurum recte allegatur. Juxta hac igitur venditor jure extranei in hac quæstione censeri, & pars dimidia thesauri fortuito inventi ei tribui debet, quo fine provocatur ad *l. 67 de R. V.*

## OBSERV. DLXXVI.

*Per hanc traditionem venditor non necesse habet ut rem emptoris faciat -- -- sed sufficit, ut præstet ei, rem habere licere*) Clarius diceret; venditorem non debere transferre dominium verum, sed præsumtum; indoles enim negotiorum humanorum non admittit tantum rigorem, ut semper de veritate domini constare debeat, hinc sufficit, si ex circumstantiis probabile sit, dominium esse translatum. Quod autem *AUTOR* in venditione rerum fungibilium, præcise dominium transferendum esse, cum nonnullis arbitretur, id meras speculationes redolere, in vita autem civili nullum usum habere videtur, fac enim v. gr. vinum alienum vendi & tradi, num olfacere poteris em-

emtor rem esse alienam? nonne contentus esse debet præsumti dominii translatione? sane si nulla ei dubitandi ratio suppetat, plus exigere non potest. Nec obest, *quod ita furtum committatur & res nunquam usu capi queat*, nam primo hæc ratio quoad res mobiles non fungibiles etiam allegari potest, secundo esto, quod cesset usucapio, interim tamen suo modo valuit venditio, tertio potuit ipse venditor rei conditionem ignorasse, hinc vitium furti cessabit, denique in rebus fungibilibus, nisi forte præter intentionem diu asserventur, non opus est usucapione. Porro nec id obstat, *quod hæc res statim consumantur adeoque dominium vere translatum esse, necesse sit*, nam ex eo, quod res statim consumantur, hoc saltem sequitur, quod dominium & rei vindicatio veri domini quoad eas non adeo durabilis sit, sed mox extingui queat, minime verò, quod venditor præcise dominium transferre debeat, aut emtor ea exigere queat, quorum præstationem fors humana non admittit.

## OBSERV. DLXXVII.

*Actio venditi*) Obligatio emtoris, quam *AUTOR* nunc persequitur, jure naturali constituitur, ac à Romanis saltem confirmatur. Actionem vero directam & utilem *lit. S. P.* usuras officio judicis in hanc actionem venientes, stipulationem, pactum in continenti adjectum *lit. O.* esse emblemata fori Romani & hodie nullius usus, vix admoneri debet.

## OBSERV. DLXXVIII

*Et quidem ita solvendum ut nummos venditoris faciat lit. O.*) Circa hoc repetenda ea, quæ *Observ. 576.* dixi Romani dicerent, dominium nummorum præcise esse transferendum, ego tamen ipsis non cre-

crederem, cum commercii humani indoles id assertum repudiet, ut paulo ante ostensum; sed non videntur id dicere, nam in *l. ii. §. 2. b. t.* emtor nummos venditoris facere cogitur, scilicet *presumptive*, plus enim frustra exigit venditor, cum voti compos fieri nequeat, cum hac probatio sit perdifficilis imo quandoque impossibilis, hinc commercia ista ratione morari non decet. Quando autem *presumptio* illa eliditur, ac nummos alienos solutos esse apparet, tum emtor utique tenetur ceu docet *l. 7. G. b. t.* perinde, ac venditor eo casu evictionem præstare cogitur. Argumentum denique, quod ex *§. 2. j. de usufr.* desumitur, nummos scilicet esse rem fungibilem, jam *d. Observ. 576.* elisum est.

## OBSERV. DLXXIX.

*Hinc emtor, qui propter imminens evictionis periculum, pretium retinet, donec satisfactio præstetur, ad illius temporis usuras non tenetur -- -- dissent. Carpzov*) Sententia dissentientis *CARPZOVII* quæ etiam *Dn. STRYKIO* in *not. b.* placet, uti communior est, ita etiam æquior & verior videtur, licet enim emtor in mora non sit, attamen ex re tradita fructus percipere potuit; imo etiam plerumque percipit, hinc æquum est ut venditori æquipollens præstet, neque enim hujus consensus in damnum, quod negatis usuris sentiret, statim allegari potest, cum causa præstandæ satisfactionis possit esse dubia, nec adeo venditori, prompte eam non præstanti, aliqua culpa imputari queat. Equidem *AUTOR* nimis stricte, necessitatem præstandi usuras, ex mora repetere, perceptionis verò fructuum nullam rationem habere videtur, quæ tamen sententia ita simpliciter non procedit, Posi-



tive quidem dicere licet: *ob moram emtor usurasolvere debet, licet actu nullos fructus perceperit*, quod *AUTOR* mox inculcat, nam periculum deficientium fructuum, ad eum, velut dominum, pertinet. Requiritur tamen ut venditor rem præstiterit, adeoque, quantum in se est effecerit, quo emtor eos percipere queat, sine hoc enim, hic, solutionem differens, in mora esse dici nequit. Sed negative res non procedit: *negata mora, usurae non sunt solvenda*, quia sola fructuum perceptio ad id sufficere potest, hoc enim uti manifeste æquum est, ita in *l. 10. §. 1. de usur. l. 5. C. b. t. l. 13. §. 20. b. t.*, quas *AUTOR* mox allegat, satis etiam fundatur.

## OBSERV. DLXXX.

*Fide de pretio non habita, statim à die facta traditionis*) Recte dicitur, quod mora ab emtore statim committatur, simulac ei res tradita est, & is solutionem sine justa causa differt, nam in emtione venditione, obligatio reciproca est, quamprimum igitur venditor rem præstat, emtorem simul velut interpellat, quo & suæ obligationi satisfaciatur. Non obstat *l. 3. C. quib. in caus. in integr. restit.* loquitur enim de obligatione unilateralis, quando quis ex fidei commissio vel legato obligatus est, vel quando emtor fide de pretio habita, pecuniam debet, in his enim casibus, si obligatio pura sit, debitor non aliter in mora constituitur, quam per interpellationem, nisi minor sit creditor, tum enim re ipsa mora contrahitur. Nec *l. 5. C. de pact. int. emtor.* qui textus accipiendus est de casu, ubi fides de pretio habita est, nisi enim hoc supponas, oppositio duplicis casus, quæ ibi fit, vix recte se habet. Hoc verò admissio res omnis perspicua est; Ni-

Nimirum vendidi tibi rem, fide de pretio habita, quæritur an usuras pretii tardius exsolutiolvere debeas? respondetur in *d. l. si pactum eo nomine interpositum*, usuræ quoad omne tempus solvendæ, si non, à tempore moræ, quæ scilicet, pro ratione fidei habitæ, vel lapsu diei, vel interpellatione contrahatur *L. 13. C. h. t. l. fin. de peric. & comm. rei vend.* saltem docant, quod ob moram usuræ sint solvendæ, & quod mora probanda sit, quando autem illa contrahatur, id non definiunt.

## OBSERV. DLXXXI.

*Etiamsi emptor ex re vendita maximos, vel etiam nullos plane perceperit fructus*) Videtur *AUTOR* in his & sequentibus verbis, diversas quæstiones miscuisse, quæ tamen eodem modo decidi non possunt. Quæritur (1.) *an emptor saltem quincunces solvat usuras licet maximos fructus ex re empta perceperit?* Hoc affirmandum, quia emptor est dominus rei, quem adeo fructus merito sequuntur, usuræ autem per legem civilem sunt determinatæ, hinc emptor officium implet, si secundum quantitatem definitam eas præstet, ac imputet sibi venditor, quod rem suam cum pecunia commutaverit. (2.) *An emptor ob moram ad usuras teneatur, licet nullos fructus ex re empta perceperit?* Hoc quoque affirmandum, obligatio enim usurarum ob moram voluntariam semel constituta est, damnum vero emptorem velut dominum sequitur, distinctius dici potest: vel fructus non percipit ob negligentiam, tum merito ignaviæ suæ luit poenam, vel ob casum, hoc malum fatale terre debet, tanquam dominus, & imputet sibi, quod pecunia sua, rem, casibus obnoxiam, comparaverit. Humanitas tamen hoc casu emptoris

ris rationem haberi jubet, sed illa est extra publicas tabulas. (3.) *An ad usuras teneatur licet facultatem fructus percipiendi non habuerit?* Hoc quoque **AUTOR** affirmare videtur, quando *l. 16. §. 1. de usur.* in qua diserte hoc negatur, intelligi vult secundum *l. 13. §. 21. b. t. aliosque textus allegatos*. Nihil tamen certi de sententia **AUTORIS** pronunciabo, hoc saltem dicam, quæstionem allatam esse negandam, quando enim venditor rem non tradit, adeoque, quantum in se est, haut efficit, quo emtor fructus percipere queat, tum hic moram non committit, hinc ad usuras quoque non erit obligatus, id quod etiam *d. l. 16. §. 1. de usur.* ut & *l. 13. §. 21. b. t.* aperte docent. (4.) *An emtor si moram non committat, fructus tamen actu percipiat, usuras solvere teneatur?* hoc **AUTOR**, nisi fallor, negat, sed nisi venditor in illud emolumentum emtoris consentiat, affirmandum esse puto, per ea quæ dixi *Observ. 579.* In specie pro hac sententia facit *l. 13. §. 20. ff. l. 5. C. b. t.*, quas **AUTOR** quidem intellectas vult secundum *l. 13. §. 21. b. arg. §. 3. 7. de E. V. l. 1. C. de peric. & commod. rei vend.* eo scilicet sensu (sic enim conjicio) fructuum damnum & commodum sequi emtorem velut dominum, in quæstione autem de usuris præstandis, moram & facultatem fructus percipiendi, esse spectandam. Verum illa explicatio admitti quidem potest, in casu moræ commissæ, sed illos textus plus dicere, nempe solam fructuum perceptionem, mora licet nulla commissâ, etiam ad excitandam usurarum obligationem sufficere, palam est. Nec obstat, quod perceptio fructuum ad præstandas usuras obligare emtorem non posse videatur, cum hic jure domini illos perceperit, nam est quidem dominus, sed

sed cum respectu ad pretium, hinc quamdiu venditor facultatem hoc fruendi non habet (licet sine mora emtoris, modo propria ejus culpa non concurrat) tamdiu etiam emtor fructus, sine necessitate præstandi usuras, lucrari non posse videtur. Atque hoc etiam amplius confirmant *l. 1. §. 1. de usur. l. 60. pr. pro soc.* quas *AUTOR* sibi objicit, dum ob solum usum, socium ad usuras obligari docent. Vulgo quidem respondent, disparem esse rationem socii & emtoris, cum ille utatur re *communi vel communicanda*, hic vero *propria*, attamen si quis expendat, proprietatem emtoris non esse *absolutam*, sed *respectivam*, ceu modo annotavimus, ei laudata illa disparitatis ratio fortassis non satisfaciet.

## OBSERV. DLXXXII.

*Ultra consuetas usuras -- alia accessio exigere non potest ullaratione*) Ut penitus hæc quaestio intelligatur, duplex ejus sensus distinguendus videtur; (1.) *an sub nomine pena vel ejus quod interest, ultra consuetas usuras, ab emtore stipulari quid liceat, adeo ut illud simpliciter solvendum sit, commissa mora, licet nullum interesse subsit?* hoc omnino negandum, quia, eo admissio, leges usurariæ nullo negotio eluderentur; (2.) *an, si interesse revera probetur, aliquid eo nomine exigere queat, siue stipulatio eo sine facta sit, siue non?* hoc quoque *AUTOR* negat, sed obstat *l. 2. §. fin. de eo quod cert. loc.* ad quam responsio, quod loquatur de pecunia trajeciticia, sufficere non videtur, agitur enim de pecunia illà in certo loco reddendâ, adeoque eadem ibi consideratur ut sors, extra periculum constituta, quæque qualitatem pecuniæ trajeciticiæ exuit ac naturam ordinarii mutui assumit juxta *l. 1. C. de naut. fan.*

quam *AUTOR* ad tit. de naut. fœn. allegat. Malim igitur distinguere inter *certum* & *incertum interesse* quod cogitationibus solum repræsentari solet, nec enim infrequens est, ut homines cogitationibus fœnerent & nescio quæ lucra, suavi imaginatine sibi polliceantur. Illud omnino venditori volenti præstandum erit, nam & communis æquitas jubet, ut damnum illatum pensetur, & d. l. 2. §. *fin.* satis hoc confirmat. Hujus autem nulla erit habenda ratio. Atque ex his non difficulter responderi poterit textibus ab *AUTORE* allegatis. L. 21. §. 3. b. t. loquitur de interesse incerto, vid. *Observ.* 568. de quo etiam accipi potest l. *fin.* de per. & commod. rei vend. Ratio autem quæ ex l. 21. d. H. & A. V. desumitur, *lucrum scilicet non ex re sed negotiatione percipi*, longius petita est, nam elto, quod ex negotiatione lucrum percipiatur, attamen sine re nulla negotiatio potest institui, hinc dum emtor pecuniam debito tempore non solvit, utique intercepti lucri vel evenientis damni reus est. Quicquid sit de jure civili, juxta jus Saxonicum, ultra consuetas usuras, venditor interesse suum recte persequitur vid. *CARPZOV.* p. 2. C. 30. D. 9. 10. 11. quem *AUTOR* infra tit. de usur. lit. O. citat.

## OBSERV. DLXXXIII.

*Differentiam docet*) Hæc esse potest, stipulatio pœnæ tendit in fraudem legis usurariæ, quando enim emtor moram simpliciter committit, nec speciale damnum venditori eo ipso infert, gravi pœna non statim coercendus est, cum sæpe ob inopiam in mora sit, hinc satis visum est legi, si cunctationem quincuncium usurarum solutione penset, quam dispositionem pacto violare non licet. Sed quoad venditorem,

rem, nulla legis prohibitio adest, hinc in casum evi-  
 ctionis, duplum recte stipulamur, nec iniquum hoc  
 est aut nimis durum, nam raro res evincitur, ac a-  
 deo stipulatio habet effectum, si vero evictio seque-  
 tur, non immerito negligentia venditoris, quæ re-  
 solutioni contractus ansam præbet, quæque utilita-  
 tis publicæ rationis quoque turbare, adeoque odio-  
 sa videtur, dupli præstatione punitur, utrumque se-  
 cus est in mora emtoris, quæ & sæpius ob egestatem  
 accidere potest, commissa vero contractum non e-  
 vertit, hinc inhumanitati creditorum lege positiva  
 meritò occursum est.

## OBSERV. DLXXXIV.

*Si tamen ultra pretium, etiam factum*) Ad hunc ca-  
 sum, jus petendi id, quod interest, non esse præcise  
 restringendum ex *Observ. 282.* liquet, & sane quid  
 inter est, siue aliquem omissione, facti promissi, siue  
 pecuniæ debitæ dilata solutione lædas?

## TIT. II.

## LOCATI CONDUCTI.

## OBSERV. DLXXXV.

**L***ocutio conductio*) Doctrinam hanc esse juris natu-  
 ralis, vel ex eo liquet, quod vulgo etiam contra-  
 ctus hic consensualis & juris gentium dicatur, hinc  
 quæ de indole hujus negotii, juxta consuetudinem capita,  
*AUTOR* primò proponit, illa ex communibus re-  
 ctæ rationis principiis resultant. Numquam ta-  
 men consensus lege positiva accuratius definitur,  
 vel aliqua ejus sanctio, circa personas aut materiam  
 cæteraque capita occurrit.

## OBSERV. DLXXXVI.

*Suo domino potius quam extraneo operas suas pro*

*eodem pretio locent lit. C.)* In Saxonia Electorali per biennium, nisi justæ causæ, ut nuptiæ, avocaverint, coactæ ejusmodi operæ sunt dominis præstandæ *vid. Sächsisch. Gesinde-Ordn. tit. 3.* Quodsi autem Dominus prædium suum cum omnibus emolumentis alii locet, ac adeo conductor operis illis coactis quoque fruatur, tum ipsi domino, extra prædium habitanti, illæ non sunt exhibendæ, nisi conventionem vel præscriptionem aliud introductum, ejusmodi enim onera libertati naturali molesta, strikte merito accipiuntur.

## OBSERV. DLXXXVII.

*Ab academia recedenti equus locandus est lit. C.)* Hoc studiosorum privilegium non aliud habet fundamentum, quam cerebrum ineptientium glossatorum, nam *l. 22. C. de curs. publ.* quæ ei probando allegari solet, ad rem nihil facere manifestum est. Illud certum, quod hoc privilegium non aliter sibi assertere queant studiosi, quam si dominum ratione equi locati securum reddant.

## OBSERV. DLXXXVIII.

*Tacito utriusque consensu ab initio contrahi vix potest* Exemplum tacitæ conductionis hoc vulgo dant; si quis ædes sciente & patiente domino inhabitet & singulis annis certam pensionem solvat. Verum hoc rarius erit, frequentius, nisi fallor, in viatoribus occurrit, qui in diversorio coenaculum ad tempus tacite conducunt, hic enim perinde locatio tacite contrahitur atque emptio; venditio eo modo celebratur, si quis cibum in caupona capiat, imo uterque contractus concurrit, si quis per singulos dies, certum pretium, tam pro cibo, quam habitatione solvat.

## OBSERV. DLXXXIX.

*Si nimirum conductor tempore conductionis impleto lit. C.)* Non ex eo solum animus reconducendi colligitur, si finito locationis tempore, in re conducta maneat conductor, sed & ex eo, si ante tempus elapsum, tempestive locationi non renunciaret, id quod in primis hodie attendi, notum est. Ad quantum autem tempus reconductio facta censeretur debeat, id magis ex consuetudine locorum & regionum, quam jure civili dijudicari debet. *confer. BERGER b.*

## OBSERV. DXC.

*Objectum locationis & conductionis lit. O.)* Circa hoc id etiam spectandum, an sit res locari solita, nam alioquin in contractum non censebitur deducta, licet generaliter contractus loquatur. V. gr. Nobilis in prædio suo, hoc jure gaudet, quod subditi, quando filia elocanda est, certam avenæ quantitatem præstare debeant. Dominus ille prædium suum cum omnibus emolumentis alii certa mercede locat, exceptis tantum nonnullis, quæ sibi specialiter reservavit, de avena autem ad nuptias filiæ elocandæ præstanda nihil diserte dictum. Postea nuptiæ in tempus locationis incidunt ac avena à subditis præstatur, quam conductor ex generalitate contractus, per additas exceptiones etiam firmata, ad se pertinere contendit, & licet noverim, quod aliquando, in casu eveniente, Collegium aliquod juridicum pro conductore, ad privatam ejus consultationem pronunciaverit, cum omne illud debeat, quod specialiter non sit exceptum, probabilius tamen est sententia, quæ locatoris partes tuetur, quæritur enim de re locari non solita, quod ex omnibus circumstantiis satis apparet, hinc



hinc nisi diserte in contractum deducatur, suâ naturâ est excepta, ex quo etiam ratio contraria facile resolvitur, procedit scilicet illa in rebus locari solitis.

## OBSERV. DXCI.

*Sive sint incorporales*) Uti alias, ita hic etiam frustra velut separata species, sibi opponuntur res incorporales & corporales, cum ex inductione liquet, in omnibus casibus res incorporales seu jura, cum rebus corporalibus, velut objectis suis, concurrere. Sed hoc saltem ad modum docendi pertinet & scholasticum est!

## OBSERV. DXCII.

*Hujus tamen e. gr. res investita primo locatori obligantur pro ea parte qua conduxit*) Contrarium docet *AUTOR ad tit. in quib. caus. pign. tac. contrah. in fin.* ubi etiam *l. ii. §. 5. de pign. act.* quam hic velut textum probantem allegavit, tanquam obstantem sibi objicit. Observarunt hanc contradictionem jam *STRYKLIUS in not.* & *BERGER in resolut. b. qu. 1.* qui etiam primam sententiam probandam esse existimant. Cæterum mihi posterior *AUTORIS* assertio, quod nempe primo locatori in bonis subconductoris tacitum pignus non competat, non improbabiler defendi posse videtur, licet enim eam non adeo sustineant *l. 24. §. 1. locat. l. 53. de A. E. V.* quæ infra allegantur, at tamen considerandum est (1.) quod subconductor locatori nihil debeat, negata ergo obligatione principali, pignus non videtur locum invenire, accedit (2.) quod solutione sublocatori facta, locator contra subconductorem nihil juris habeat, ex quo iterum manifestum est, quod pignus aliquod, ejus intuitu, non subsit. Deniq; (3.) deficit legis dispositio, nam *l. ii.*

§. 5. de pign. action. tacitum pignus saltem afferit sublocatori, quoad locatorem vero non obscure illud negat. Videamus verba cum brevi paraphrasi. Unde si domum conduxeris & ejus partem mihi locaveris, egoque locatori tuo pensionem solvero. pignoratitia adversus te potero experiri, (quo scilicet res illatas, tibi que tacite oppignoratas, dimittas, seu me illas auferre patiaris.) Nam Julianus scribit solvi ei posse, & si partem tibi partem ei solvero, tantundem erit dicendum, (quæ omnia tamen procedunt, si subconductor bona fide & prudenter versatus fuerit, nam si locatori solvat, cum ei conductor jam solvisset, aut compensatione eum excludere posset, tum facit rem sui periculi, ac sublocatori nihilominus tenebitur) Plane in eam duntaxat summam: *invecta mea & illata tenebuntur, in quam cœnaculam conduxì, non enim credibile est, hoc convenisse, ut ad universam pensionem insula, frivola mea terentur* (occurritur prætextui, si nimirum sublocator, postquam pensionem meam locatori solveram, nihilominus res meas detinere velit, eam ob causam quod nondum omnis pensio soluta sit, adeoque pignus adhuc consistat, tum recte replicabitur, pignus saltem pro meæ pensionis quantitate esse constitutum) Videtur autem tacite & cum domino ad idem hoc convenisse, ut non pæctio cœnacularii, proficiat domino sed sua propria (removeri videtur alius prætextus quod sublocator, ex persona locatoris, pignus aliquod afferere nequeat, de cætero hæc verba ultima satis aperte pignus locatori tacite constitutum negant.) Atque hæc sententiam (4.) HAHNIUS & WISSENBACHIUS probant, teste EKHOLTO ad ff. in quib. caus. pign. tac. contr. §. 3. Quod si tamen quis discrepantes sen-

ten-

tentias conciliare velit, is non improbabilius uicere poterit: Principaliter res subconductioris, locatori non esse oppignoratas, quorsum referri possunt rationes allatae, ei tamen teneri in subsidium, si conductor non solvat.

## OBSERV. DXCIII.

*Qua est NB. pecunia numerata*) Si admittas illam sententiam, quod contractus innominati sint hodie, contractus consensuales, quam infra defendam, tum *NB. AUTORIS* est otiosum, nam si vel maxime contendas, negotium, in quo loco mercedis, alia res, quam pecunia numerata, datur, non esse locationem, erit tamen negotium consensuale ejusdem effectus. Plane illud certum est, quod illo etiam admissio, tamen colonus partiarius, proprie colonus vel conductor non sit, hic enim ne quidem rem aliquam, mercedis loco, praestat, sed ob exhibitionem operarum, in partem emolumenti admittitur, adeoque non colonus, sed *Socius* est.

## OBSERV. DXCIV.

*Locatio finitur lit. C.)* Contraria locationis conditionis, summatim duplicis sunt generis. Vel enim *ab initio statim invalida aut vitiosa est* propter metum, dolum, errorem ac enormem laesionem, de quibus ex dictis ad *tit. de C. E. V. & R. vendit.* judicandum, vel *legitime inita ex post facto desinit*, quod hic traditur ac ultimato ex consensu seu contrabendi modo fuit, adeoque naturale est, in determinando tamen explicandoque, etiam nonnunquam contra consuetudinem ratiocinandi principia, consensu, magnas habere partes legem positivam ac speciatim Romanam, negari nequit.

## OBSERV. DXCV.

*Ante biennium verò ob solam moram expelli non potest*) Singularis hæc est dispositio juris Romani, jure Canonico etiam probata, quæ videtur ad imitationem emptionis & venditionis introducta; sicut enim ab hac non temere recedi, sed cunctantem potius, additione contractus, ad eum implendum adigi voluerunt Romani *l. 14. C. de rescind. vendit. conf. Obser. v. 347.* ita per biennium idem in locatione observari jufferunt. Interim apud *RICHTERUM d. l. in dilato præjudicio nimis scrupulosa illa dispositio visa fuit, hinc biennii quidem fit mentio, sed illud tamen non præcise observandum esse pronunciatur, quavis pro valore juris civilis, hic omnino sententia ferenda videatur.*

## OBSERV. DXCVI.

*Generalis conventio de conductore non expellendo sufficere non videtur*) Poterat sufficere, nisi fluctuantibus interpretum calculis in aliam sententiam deventum esset, generalis enim locutio regulariter omnia comprehendit, & si quævis specialia, vim generalis conventionis effugiunt, hujus tandem nullus erit effectus, quod tamen interpretandi genus merito improbatur in *l. 54. §. 1. b. non occurrit conventio generalis, sed potius specialis, quæ id, quod ex natura contractus fluebat, conductorem scilicet injuste expulsum non iri, confirmabatur ac poena conventiculi amplius muniebatur, hæc utique non impedit, quo minus ob justam causam conductor expellatur, quia de hoc non erat conventio inita. Tantumdem etiam probat *arg. l. 3. de Legat. 1.* nempe ea, quæ negotiis insunt, si exprimantur, non lædere jus con-*

munne, id quod nobis haut obest. Est igitur duplex quæstio distinguenda, (1.) an conventio generalis jura competentia tollat, & an (2.) quævis conventio, generalis sit, *add. Observ. 554.*

## OBSERV. DXCVII.

*Non etiam singularis successor*) Quoad hunc, seposita legis civilis interpretatione, distinguendum, utrum succedat *jure proprio*, qualis est proprietarius usufructu finito, successor majoratus &c. hic locationi stare non tenetur, nec enim locator durabiliorem conductori promittere potuit conductionem, quam ejus jus permisit, an *voluntate locatoris* ut emtor, legatarius &c. hic juxta interpretationem naturalem locationi stare debet, dominus enim rem locando, alienandi libertatem ita restrinxit, ut durante locatione vel omnino non, vel non aliter, quam salvo conductoris jure, rem alienare possit. Atque hæc sententia in quibusdam locis etiam obtinet, ceu ex GROENEWEGEN hic indicatur. Verum jus Romanum aliter contractum locationis interpretatum est, quasi scilicet per eum libertas alienandi haut inhibeatur, sed alienatione facta, obligatio ad interesse, inde saltem nascatur, ideo forte, quod facultatem alienandi ex dominio dependere existimaverit, hoc autem locatione haut afficiatur vel imminuatur, quæ tamen ratio, si subsuit, recte se non habet, cum alienatio non ex dominio, sed libertate profluat, quæ contractu locationis potuit restringi. Malim igitur hanc substituere, nimis molestum juri Romano visum esse, si dominus ob locationem, vendendi occasionem commodam, ac non temere fortassis reddituram, dimittere cogeretur, quam si admittas, inter-

interpretatio juris Romani nec incongrua, nec iniqua est. Ea autem stante, cautus esse debet conductor, quo midiis habilibus libertatem alienandi coerceat.

## OBSERV. DXCIIX.

*Aut locator conductori juraverit, se contractum servaturum*) Nam juramentum saltem confirmat obligationem ex contractu locationis venientem, ad translationem verò dominii non pertinet, hinc sicut exceptio non numeratæ pecuniæ potest opponi, si quis se soluturum simpliciter promiserit, si juraverit, cum & promissio & juramentum sub conditione fiat, si pecunia revera mihi numerata fuerit, adeoque jusjurandum facultatem excipiendi non imminuat, quo spectat *arg. d. l. fin. C. de non num. pecun.* ita & in hoc casu. juramentum ad alienationem non pertinet, sed locatorem saltem obstringit, quo vel contractum servet, vel interesse præstet. Effectum autem hujus rei, nonnulli ita declarant, quod res locata alienari quidem queat, locator tamen perjurus sit ac ob perjurium puniri possit *vid. STRYK in not. b. ad p. 379.* Verum hanc sententiam à mente *AUTORIS* abludere putem, si enim alienatio cum perjurii vitio conjuncta esset, tum satius foret, evitando perjurio, alienationem improbare, quam hanc cum crimine admittere. Quamobrem dicendum erit, quod alienatio etiam sine perjurio fiat, modo interesse præstetur, nam quoties obligatio alternativa jurejurando confirmatur, toties perjurium tum demum committitur, si neutra præstatio sequatur.

2. Ita pro *AUTORE*. Sed ne quid diffitear, illa sententia min⁹ æqua & religiosa videtur, nam juramentum ad imminuendam alienandi libertatem non per-

pertinere, ego neutiquam concesserim, qui enim contractum se servaturum jurat, ille eo ipso facultati alienandi renunciat, ac renunciationem jurejurando confirmat, id quod ex scopo contrahentium satis patet, nam dubio procul conductor hanc promissionem, in sui securitatem, elicit, hinc ejus sententia non erit alternativa: *aut non alienabo, aut præstabo interesse*, seu pura: *simpliciter ab alienatione*, quo minus igitur illa valere debeant, nulla apparet ratio, eo ipso autem eliditur quoque argumentum ex *d. l. fin. C. d. non num. pecun.* depromptum. Non obstat (1.) *juramentum esse personalissimum, nec obligare successorem, præcipue singularem, vid. ZOES. d. n. 42*, licet enim successorem non obliget, attamen impedit, ne quis successor fieri queat, dum locator conventionem jurata facultatem alienandi exclusit, adeoque rem in aliam transferre nequit, nec est quod excipias (2.) *pactum de re non alienanda, non valere l. pen. de pact.* nam id saltem procedit, si alterius paciscentis non interfit, hic autem conductoris interesse, satis liquet.

## OBSERV. DXCIX.

*Vel promiserit se rem locatam ante tempus conductionis non alienaturum*) Ob hæcenus dicta, etiam hic dissentirem, nam locator conventionem seria, facultatem alienandi sibi ademit, & licet conventio personam tantum afficiat, neutiquam verò jus reale producat, attamen, ob frænum libertati personæ injectum, impediendæ dominii translationi sufficit, & alias conventio inita nullum haberet effectum, cum interesse ex solo contractu peti queat, atque hoc etiam ex *d. l. 7. de distr. pign.* confirmari potest, ibi enim venditio est nulla, non ob pignus, sed *conventionem in-*

*interesse paciscentis fundatam, quæ ratio etiam quoad conductorem obtinet, nam illa videtur mera esse petitio principii, si quis conventionem ejusmodi, non aliter effectum impediendæ alienationis habere contendat, quam si jus reale præsupponat, cum simpliciter dicatur, venditionem esse nullam ut pactioni stetur. Non obstat quod in venditione & locatione talis restrictio, de re non alienanda, tacite contineatur, & tamen alienatio valide fieri queat, nam hoc, præter simplicitatem naturalem, jure civili constitutum, ad eum casum extendi nequit, ubi specialis promissio accessit, cum geminata fides merito aliquem effectum habere debeat. Illud certum videtur, quod laudato Germanorum candori parum conveniat, si conventionum, bona fide initarum, vis, ex principiis à simplicitate naturali abeuntibus, ac græcam fidem redolentibus, temere evertatur. Interim cum ista res variantibus interpretum sententiis dubia sit reddita, hinc prudenter ager conductor, si conventioni, ex monito **AUTORIS**, pignus addi curet.*

## OBSERV. DC.

*Conductore à singulari successore expulso) Circa hanc doctrinam unus casus omissus est, quare ita summam dicendum: Expulso conductori tenetur locator ad interesse, si voluntate ejus alius successerit, dedit enim invito damnum, si vero proprio jure novus successor sequatur, tum interest, an conductor rei locatæ conditionem ignoraverit, & tenetur locator eodem modo, sicut in casu primo, subest enim eadem ratio, an sciverit, hic porro distinguendum, utrum jus locatoris exspiraverit eo modo, qui ab ejus & futuri successoris voluntate non dependebat, v. gr. si ususfructus vel*

Cc

jus



jus dotale morte extinguatur, tum nihil debetur conductori, damnum enim si quod sentit, invito non accidit, an eo, qui in arbitrio locatoris futurique successoris positus erat, e. gr. si jus dotale divortio, vel usufructus cessione solvatur, hoc casu itidem locator conductori interesse præstare tenetur ob paritatem rationis, nam licet successor proprio jure sequatur, attamen, quod citius jus ejus se exserat, id omnino à voluntate locatoris simul dependet, atque eo pertinet *obst. l. 25. § fin. sol. matrim.* ad quam tamen alii aliter respondent. *vid. BERGER resolut. b. qu. 10.*

## OBSERV. DCI.

*Aut alio modo locatoris interfit, conductorem à contractu non recedere*) Sed non putem, locatorem, re in successorem singularem translata, efficere posse, ut conductor invitatus in conductione manere debeat, siue enim ejus interfit, ne conductor à contractu recedat, siue actionem successori singulari cesserit, conductor tamen huic non erit obligatus, nam contraxit cum certa aliqua persona ejusque hærede, hæc igitur si à contractu abeat, nec ipse conductor amplius erit obligatus, & licet alias jus ex contractu ortum, per cessionem transferri queat, hic tamen id procedere non videtur, cum perinde, ut in societate, ad personam habeatur respectus, & multum illique interfit, à quo quis rem habeat conductam, & nimis iniquum foret, si locatori quidem, re in alium translata, facultas à contractu resiliendi daretur, conductori vero, idem juris illo casu non tribueretur, ac in genere multum interest, utrum *jus ex contractu transitorio & absolute acquisitum, in alium transferro possis*, quod merito asseritur, & an in contractu suc-

cess.

cessivo ac adhuc durante, alium substituere queas, quem alter contrahens, invitus admittere teneatur, quod recte negatur. OBSERV. DCII.

*Actio conducti*) Hactenus egit *AUTOR* de contractu locationis conductionis, multa tamen, ad officium contrahentium pertinentia, insperfit. Jam ex professo agere incipit de officiis ad executionem contractus initi spectantibus, quæ tota tractatio naturalis est. Obligatur igitur *Locator* naturaliter ad fidem servandam, & damnum sua voluntate invito datum, resarciendum, hinc fere non aliæ hic, quam voluntatis quæstiones, occurrunt, quid nimirum vel promissum sit, vel an invito damnum locatoris voluntate sit illatum, in quibus decidendis circumstantiæ accurate sunt circumspiciendæ. Contra invitum & reluctantem datur *Actio Conducti*, quam dum *AUTOR* expendit, eo ipso officium locatoris deducit, sed ita, ut, ob arctam connexionem, conductoris obligationem sæpe attingat.

## OBSERV. DCIII.

*Et quidem in locatione operarum lit. O.)* In hac naturaliter obligatus est locator ad operas fideliter & præcise præstandas, sed iure civili, interesse præstando liberari potest. *vid. HILLIG. ad Donell. l. 13. c. 9.* quamvis nonnulli etiam ius civile in genere sic accipiant, quod ad factum obligatus præcise illud præstare cogatur, eo tamen cunctante, Creditor interesse, si hoc malit, exigere possit, adeo ut nulla hic debitoris sit electio, sed exactio ejus quod interest, favorem Creditoris unice respiciat, *vid. HILBER positi. ad J. de V. O. n. 24.* quæ sententia eo magis admittenda videtur, quo magis ad æquitatem naturalem accedit. Quo autem ob-

gatio locatoris eique innexum officium Conductoris eo magis appareat, *Altor* recte tres casus expendit. Velenim operas non præstat ob *casum*, vel *conductoris* vel *propriam voluntatem*. Primo casu à locatore quidem nihil exigi potest, impossibilia enim præstare nequit, ad interesse verò non tenetur, cum nihil peccaverit. Vice versa à conductore mercedem. Idem exigere nequit, si spectes naturam contractus, hæc enim sub conditione operarum exhibitarum est promissa, Ex humanitate tamen conductor quandoque erit ad eam exsolvendam obstrictus sed ista in foro civili haut attenditur. Secundo casu locator nihil præstat, quia conductor operas non vult, mercedem tamen accipit, quia hic ab obligatione semel constituta, sua tantum voluntate se liberare nequit. Tertio interesse solvit, juxta ea, quæ sub initium diximus.

## OBSERV. DCIV.

*Tiro vero decimo octavo mense moreretur*) Sed non opus videtur ut tantum temporis elapsum supponamus, simpliciter locator mercedem promissam retinere & exigere posse videtur, quocumque tempore tiro moriatur, nam ipse operas præstare paratus est, casus verò à parte conductoris accidit eique adeo nocet, perinde ac si conductor re conductæ uti nequeat, ideo quod v. gr. à superiore avocetur, quo casu nihilominus integram mercedem exsolvit.

## OBSERV. DCV.

*Navi ad locum, unde discessit, tempestate retroacta, merces præstabitur*) Nam locator operas præstitit, adeoque conditionem, sub qua merces promissa erat, implevit, licet vero effectum optatum haut sint sortitæ hoc tamen locatori imputari nequit, cum enim

tem-

tempestas in ejus non sit posita arbitrio, adeoque desideratum operarum suarum effectum promittere præcise nequeat, hinc etiam id actum non est, sed hoc saltem conventum censeretur debet, ut operas suas, earumque effectum, quantum in se est, præstet.

## OBSERV. DCVI.

*Operis faciendi*) In hac locatione locator juxta fidem datam, opus intra conventum tempus perficere, ac damnum voluntate sua invito datum resarcire debet. Periculum autem operis ad dominum regulariter pertinet, nisi vel artificis culpa concurrat, vel pacto in se casum receperit, ex quibus principiis omnes decisiones speciales hic fluunt.

## OBSERV. DCVII.

*In locatione rerum*) Denique & in hac locationis specie, officium locatoris ex decretis naturalibus dependet, nam quæcunque hic proponuntur, illa omnia eo pertinent, ut vel fides data servetur, vel damnum voluntarium resarciatur, quæ generaliter admonuisse sufficiat, temperandæ rerum Romanarum æstimationi.

## OBSERV. DCVIII.

*Circa fructus*) Si usus rei locatæ non sequatur, ob casum fortuitum, vel circa rem, vel fructus evenientem, tum à locatore quidem eo nomine nihil peti potest, sed an hic pensionem exigere queat, de eo, adeoque officio conductoris, quæritur? Cardo negotii autem vertitur in promissione prævia, an scilicet in hunc etiam eventum pensio promissa sit nec ne, id quod ex circumstantiis colligendum, quas *AUTOR* diligenter satis hic persequitur, quamvis in iis æstimationis non ubique eadem omnium sit sententia. In

specie disputari solet, quando tructus à colono censentur percepti nec ne, de quo *n. 3. h.* Witebergenses Icti apud *ZIEGLER. Decis. 3.* non aliter frumentum perceptum existimant, quam si sit excussum & granariis illatum, quam sententiam *AUTOR* hic plane rejicit.

## OBSERV. DCIX.

*Qui operas rusticas intempestivè aut non debito modo fecit n. 4.)* Hunc *AUTOR* quidem remissionem petere non posse censet, licet illo anno sterilitas vel similis calamitas secuta sit. Sed contrarium verius videtur, nam negligentia est inefficax, nec ab ea defectus fructuum dependet, sed hic fuisset secutus, licet diligentissime colonus fundum coluisset, dum igitur sterilitas secuta, effectum negligentiae apparere non sivit, hinc colono nihil imputandum, sed casui potius damnumtribuendum est, qualis casus, cæteris paribus, remissionem operatur, id quod in casu plane simili recte etiam agnovit Ictus in *l. fin. §. 1. ad L. Rhod. de. jact.* Non obsunt textus in contrarium, allegati, nam in *l. 15. §. 3. b. t.* habetur rescriptum, in quo non licere à contrario sensu argumentum ducere, tralatitium est, fit ibi mentio *cultura*, non quasi eadem, ad obtinendam remissionem, velut conditio requiratur, sed quia in facto contingerat. *L. 25. §. 3.* loquitur de *culpa efficac*, cujus damnum colonus merito sentit.

## OBSERV. DCX.

*Qua conductor accepit damnum intolerabile num. 5.)* Hoc in decernenda pensionis remissione, præcipue attendi debet, adeo enim quævis sterilitas damnum non infert, ut sæpe conductores fundorum magnorum

rum vel integrarum praefectarum, malint sterilitatem quam ubertatem, cum hac eveniente, frumentum vili pretio vendendum sit. Hinc etiam putem ea, quæ de remissione pensionis dici solent, fere ad homines egenos modicorumque praediorum conductores pertinere. OBSERV. DCXI.

*Non prae se obligato ad quantitatem L. 2 C. de resc. vend.)* Hæc enim sanctio pertinet ad eos casus, ubi post longius tempus & cum damnum dudum digestum videretur, de læsione quaeritur, aut quando recens est læsio, tum ejus emendatio juxta simplicem æquitatem naturalem decernitur. *vid. Observ. 540. 570.*

## OBSERV. DCXII.

*Tum ex benignitate juris civilis regulariter merces arbitrio judicis vel in totum, vel pro parte est remittenda)* Ex solo jure civili remissionem non esse, sed æquitatem naturalem, illam imperare, hætenus dicta ostendunt, nec crediderim *ANTOREM* hoc negare. De cætero alii sunt rigidiores, qui nullam remissionem faciendam esse censent, licet requisita hætenus exposita adsint, quia scilicet conductor fructus pensione promissa, velut emerit, adeoque casus ferre debeat, seu quia locator facultatem utendi re sua conductori dederit, cujus fructuum spes eo tempore, quo contractus inibatur, tanti æstimabatur, adeoque, cum iste suum præstiterit, hunc quoque pensionem, quam promisit, præstare, æquum sit. *vid. PUFEND. de J. N. G. L. §. 6. §. 2.* Verum illa quidem explicatio locationi non convenit, qui enim sic philosophantur, illi locationem, perinde ac emtionem, pro contractu momentaneo habent, in quo simul & semel officio suo defungantur paciscentes, adeo ut quicquid deinde rebꝯ

permutatis accidat, id ejus periculo sit, qui rem illam sibi comparavit, cum tamen locatio sit contractus successivus, in quo contrahentes officium per partes implent hinc, si locator usum rei non exhibeat aliquo tempore, nec pensionem exigere potest, cum neutiquam explendo officio sufficiat, semel facultatem re sua utendi concessisse.

## OBSERV. DCXIII.

*Non etiam ob contingentem majorem ubertatem pensio ab initio conventa augetur*) Solent in hanc rem variae rationes adduci, ceu patet ex citatis scriptoribus, sed forte non usque adeo concludentes. Optima ratio esse videtur, quod conductor eo nomine nihil promiserit, sed locator potius lucrum, si quod subest, censeatur donasse, quam etiam allegavit *Dn. STRYK in not. b.* nam ea inter praestiones, quae in hoc contractu fieri debent, est diversitas, quod conductoris praestatio velut in puncto consistat ac semper certa sit, ea vero, quae a locatore fieri debet, gradibus distinguitur, adeo ut nonnunquam pensionis promissae quantitatem excedere queat, aliquando etiam infra illam subsistat, utro igitur modo se habeat, semper illa fit juxta naturam contractus, ac locator, conditionem rei suae satis intelligens, excessum censeatur donare, in primis cum ubertas, pensionem multum superatura, non facile accidat, aut lucrum conductori afferat, copia pretium fructuum minvente, hinc conductor etiam contractui inhæret ordinariæque praestatione defungitur. Ex *l. fin. vel pen.* (quam *BERGER b. qu. 16.* objicit) *C. de alluv.* nihil amplius colligi potest, quam ob naturalia incrementa rerum, pensiones vel lege positiva vel contractu augeri pos.

posse, verum hic non quaritur, quid ob ubertatem constitui voluntate pasciscentium possit, sed quid juxta indolem conventionis initæ fieri debeat. Ali-  
tèr se res habet si magna sterilitas fructum rei inter-  
cipiat, quia enim tum locator non præstat quod pro-  
misit, ideo nec conductor ad exsolvendam integram  
pensionem est obligatus, de quo antea dictum.

## OBSERV. DCXIV.

*Doliorum corruptorum scienter vel ignoranter locato-  
rum*) Non debet hæc doctrina ad dolia præcise re-  
stringi, cum generaliter potius hoc Jctus intendat,  
ex objecto seu re locata judicandum esse, utrum  
prætensa ignorantia admitti debeat nec ne, hinc v.  
gr. in dolis locatis ignorantia cum effectu obtendi  
non poterit, cum eorum conditionem facile scire  
liceat, ast in saltu pascuo locato aliter se res habet,  
quis enim à Patrefam, requireret, ut is præcise sciret,  
an mala herba in eodem nasceretur? hinc ignoran-  
tia ejus erit excusata.

## OBSERV. DCXV.

*Obst. l. 32. § 9. de admin. tutor.*) Nimirum ibi dicitur;  
quod consuetudo fuerit, ut ipsi domini, non condu-  
ctores, onera annonarum & contributionum susti-  
nuerint, ergo seposita consuetudine, ad conducto-  
res id onus pertinebit! Quomodo difficultas vulgo  
tolli soleat, ostendit *Dn. BERGER b. qu. 17.* forte con-  
suetudo est intelligenda ratione *fisci* eo sensu: mo-  
ris in illa regione fuisse, ut fiscus ab ipsis dominis non  
conductoribus onera publica exigere debuerit, cum  
alias sequatur possessorem, ab eoque illa exigat, sic  
ultimato onera ista locatorem manebunt, & tamen  
speciale quid in d. textu habetur.



## OBSERV. DCXVI.

*Actio locati*) Sub hoc nomine *AUTOR* persequitur officium conductoris, de quo tamen in præcedentibus non pauca jam admonuit. De cætero substantia hujus doctrinæ iterum naturalis est, nam vel ad fidem servandam, vel damnum resarciendum conductor obligatur, quæ obligatio jure naturali constituitur. Voluntatis autem quæstiones sæpe intercurrunt, in quibus determinandis aliquæ legis positivæ sunt partes.

## OBSERV. DCXVII.

*De quo si nihil constet, debetur in locatione rei finito usu*) Huic assertioni quidem non valde obest *l. placuit C. de collat. fund. patrim.* nam ibi ratio solvendæ pensionis expresse est definita, hic autem versamur extra terminos expressæ conventionis, ut taceam ibi non tam de *termino*, quam *modo* solvendæ pensionis agi, ac fundorum patrimonialium possessoribus partialem solutionem indulgeri. Interim ipsa *AUTORIS* doctrina, de pensione, finito demum usu solvenda, quam mox etiam quoad locationem operarum repetit, non adeo certa, ac indoli contractus conveniens videtur, est enim locatio conductio contractus successivus, in quo locator usum rei vel operarum successive exhibet, hinc reioni & æquitati est consentaneum, ut eodem modo conductor pensionem præster, & licet hic singulis momentis aliquam mercedis partem exhibere nequeat, sicut locator isto modo usum præstat, attamen ut, eximiâ usus parte præstitâ, mercedem ei respondentem solvat, id quidem natura contractus evidenter satis innuit, juxta hæc igitur non opus est ut pro conditione personarum

rum in certis casibus, cum *AUTORE* hoc saltem asseramus, cum indoles contractus id generaliter exigat. Atque ex his facile respondebitur textibus in contrarium allegatis. *L. 34. de R. J.* id quod minimum est, observari jubet. Sed id procedit *in dubio*, hic autem ex natura contractus satis ostendi potest officium conductoris. *Arg. l. 13. §. 8. de A. E. V.* huc non quadrat, quia à contractu simultaneo, in quo simul & semel partes suo officio funguntur, ad successivum male infertur, ut crediderim in comparatione hac intempestiva *πρώτων ψευδός* contrariæ sententiæ latere. De cætero rarius fortasse ad naturam contractus, in determinando conductoris officio, recurrendum erit, cum ut plurimum per conventionem specialem vel regionis consuetudinem istud definiatur. Apud Romanos Calendas Julias *l. 9. qui pot. in pign.* & Martias *l. 58. de usufr.* mercedibus solvendis olim fuisse solennes censet *HILLIG. ad Donell. l. 13. c. 8. lit. S.*

## OBSERV. DCXVIII.

*Quam penam tamen non ubique locorum observari tradit*) De Saxonia, quod poena illa ibi cesset, res certa videtur per ea quæ tradit *CARPZOV. p. 4. C. 35. D. II.* qui etiam fide *COVARRUVIÆ* aliorumque interpretum asserit, rigorem illum juris civilis communi totius orbis Christiani usu & praxi antiquatum esse, aliis tamen dissentientibus ac certos tantum casus à sanctione illa excipientibus, add. *STRYK in not. h. BERGER in resol. l. 43. tit. 3.*

## OBSERV. DCXIX.

*Culpam famulorum & similium, quos v. gr. inquitinus in ades conductas induxit, ipse non aliter præstat*) Hoc naturale est, factum enim alienum nobis imputari

tari nequit, nisi voluntas nostra concurrat, quæ vel ex culpa vel pacto nostro colligitur, quo pertinet *l. p. f. nat. caup. l. 30. §. 4. b.* ceu *AUTOR* admonuit, nam nautæ, caupones & stabularii, minimum ex interpretatione Prætoris, indemnitatem viatoribus promiserunt, qui rigor ad conductores non pertinet, in *d. l. 30. §. 4.* autem conductor ipse pactus erat, *add. DECIS. SAXON. 79.*

## OBSERV. DCXX.

*Adhibenda est distinctio casuum fortuitorum, quam tradit Carpzov*) Quæ de probatione casus fortuiti & culpæ *AUTOR* proposuit, illa naturalia sunt ac ex communibus resultant principiis, cum enim neque casus neque culpa præsumatur, hinc merito ab allegante probari debent. Quod vero attinet limitationem quoad culpam levissimam, *CARPZOV.* distinguit inter casus *qui sine culpa regulariter contingere solent*, ut sunt incursus hostium, impetus aquarum, mors animalium, & *qui regulariter absque culpa non eveniunt*, ut incendium, furtum, fuga hominum, illo casu adhuc locatori probationem culpæ imponit, hoc verò conductorem culpæ absentiam probare debere existimat.

2. Ceterum illa doctrina rationibus parum solidis nititur, nam (1.) exempla allata non adeò certa sunt, mors animalium perinde per culpam evenire videtur, ac furtum vel fuga hominum (2.) si conductori idem absentia culpæ probanda est, quia contra eum militat præsumtio juris, cur non idem obtinet quando de levi culpa agitur, hanc enim indistincte locatorem probare debere *d. l. d. 19.* asseritur? an magis culpa levissima quam levis præsumitur? hoc vero idonea aliqua

qua ratione non est probatum, hinc (3.) falsum puto ullam culpam à lege præsumi, adeoque neglecta illa distinctione, culpam vel levem vel levissimam ab allegante probantam esse censeo, quo tamen loco observandum, quod probatio etiam per conjecturas fieri queat, quæ nonnunquam efficiunt, ut alter juramento innocentiam ostendere debeat, sed ita non probat absentiam culpæ, sed culpam conjecturis imputatam elidit, quæ duo differunt. *add. DECIS. SAXON. 80.*

## DE CONTRACTIBUS INNOMINATIS.

### OBSERV. DCXXI.

*Contractus innominati*) Sunt commentum Juris Romani, quod merum jus naturale penitus ignorat & fluunt ex ista, de pactorum nudorum invaliditate, hypothesi. De cætero eorum indoles hic non satis exponitur, nam utraq; definitio allata, vel negativa est, vel obscurum per æque obscurum explicat Videamus distinctius: *Qui non habent certam naturam, neque specificum contrahendi modum*, (quid certa natura, quid specificus contrahendi modus sit, illud per obscurum est, sed fac illa satis liquida esse, an rei alicujus naturam intelligimus, si ista ab hac removeantur, si dicam Sempronius non est Gallus, num tu intelligis, cujas sit?) *nec nomen* (ex nominis defectu rem non intelligo) *neque certas & nominatas actiones producant* (sed nec hoc cognitionem rei instruit, si ejus effectum, nomine carere dicas) *causam tamen & negotium civile habent*, (quid illa sint, nondum satis ad liquidum deduxere interpretes. Sed sint illa in genere satis certa, intuitu tamen contractuum innominatorum

rum specialius ostendendum erat, quid causa sit, ac quousque illa negotium reddat obligatorium) siue sunt *contractus proprio & specifico nomine carentes* (hoc nihil explicare, jam diximus) *quibus aliquid praestatur, ut alter vicissim aliquid praestet*, hæc paulo propius quidem ad explicandam horum negotiorum indolem accedunt, adhuc tamen nimis generalia sunt, utrum enim præstatio illa ad perfectionem vel consummationem pertineat, aut quousque eadem negotium obligatorium reddat, id non ostenditur, in quo tamen negotii cardo vertitur.

2. Rectius igitur sic dicemus: *Contractus innominati sunt Contractus ex pacto nudo reciproco, & præstatione rei promissa, ab uno facta, compositi, eum cui præstatio exhibita, efficaciter ad promissum servandum obligantes.* Nimirum si nudum conventionis placitum v. gr. de rebus permutandis intercessisset, tum illud, velut nudum pactum, impune negligi poterat, sed si alter suum præstitisset, tum æquum videbatur Romanis, ut alter ad promissum implendum efficaciter obligaretur, hinc ex *conventionemutua*, ac *unius præstatione* velut duabus partibus essentialibus contractus innominati erant compositi, quod *lit. C.* recte docetur. Porro omnis valor respiciebat saltem eum, cui præstatio facta, is enim efficaciter ad promissum implendum obligabatur, ille vero qui suum præstiterat, poterat vel ob cessationem alterius, vel ob poenitentiam propriam præstitum repetere, modo tale quid esset, quod repeti posset, quod ultimum satis absurdum censeretur, cum enim ex pacto nudo unilaterali solum repeti nequeat, obligatione naturali repetitionem impediante, mirum omnino videri poterit, quod poenitentia in pacto nudo reciproco locum invenerit.

## OBSERV. DCXX.

*Eriam hodie lit. C.)* Dari hodie contractus innominatos sensu juris Gentium i.e. conventiones consensuales, certo aliquo nomine carentes, facile concesserim, plura enim sunt negotia, quam nomina, aut contractus innominatos sensu juris Romani hodie quoque in Germania occurrere, id vero hautquamquam admitterim, quicquid *AUTOR* aliique dissentiant, nam constans est sententia, quod *hodie pacta nuda ad effectum agendi sint obligatoria*, jam verò illa negotia, quæ post præstationem unius, Romanis dicebantur contractus innominati, ante illam sunt *pacta nuda*, ergo necessario consequitur, quod *pene nos, jam in illo statu sint obligatoria*, & quod adeo omnia illa negotia apud nos valeant ut *contractus consensuales*, præstationesque non amplius pertineant ad eorum *perfectiorem*, sed *consummationem*, perinde sicut v. gr. in emtione venditione præstationes mutux ad implementum contractus spectant, hinc etiam iisdem regulis, quibus contractus consensuales diriguntur, hæc negotia æstimare par erit.

2. Non obstat (1.) *doctrinam Romanam nullibi esse abrogatam*, nam non opus est abrogatione, ubi nulla exceptio facta, (2.) *pacta præparatoria ne hodie quidem sint obligatoria, talia autem esse conventiones, ex quibus contractus innominati fiunt*. Jam supra cit. de pact. lit. hoc effugio usus est *AUTOR*, sed falsum est, pacta præparatoria non esse obligatoria, ceu ibidem provimus, præterea falsum est, quod conventiones, ex quibus contractus innominati fiunt, sint pacta præparatoria. Hæc enim à negotio principali plane sunt distincta, sic v. gr. pactum de emendo, ab emtione

nc

ne penitus differt, illæ vero, juxta æstimationem naturalem, sunt ipsa negotia principalia, præstationes vero secutæ ad consummationem spectant, juxta jus Romanum autem, conventio cum præstatione unius secuta, contractum innominatum efficit, utro igitur modo illæ spectentur, neutiquam pro pactis præparatoriis haberi possunt, sunt enim vel ipsum negotium principale, vel negotii principalis pars essentialis, quod quidem de aliquo pacto præparatorio non temere asserueris. In specie haut officit (3.) *doctrina Carpzovii d. p. 2. C. 33. D. 23.* est enim nimis crude ex jure civili adornata, cum tamen de ejus valore jam quæstio sit.

## OBSERV. DCXXIII.

*Sunt vel regulares vel irregulares*) Hæc divisio uti hodie nullius est momenti, si admittas ea, quæ modo diximus, ita nec de jure civili valde est necessaria, solum enim *nomen* contractum non facit irregularem, cum hoc ex *forma obligandi* potius dependeat, præterea ne quidem nomina peculiaria hic occurrunt, *nomen* enim *permutationis*, generale est convenitque omnibus contractibus onerosis, contractus autem *æstimatorius*, forsitan frustra asseritur, de quo mox distinctius.

## OBSERV. DCXXIV.

*Inde datur actio præscriptis verbis*) Quæ eo tendit, ut alter, cui præstatio facta, à sua parte contractum impleat. Præterea vero competit danti condictio c. d. c. n. s. qua is vel ob *cessationem* accipientis, vel poenitentiam propriam repetit rem datam, quæque ex quasi contractu descendere vulgo existimatur, *vid. Observ. 344.* quamvis alii ex ipso contractu innominato

nato eam repetant. *vid. HUBER posit. ad ff. de condit. c. d. c. n. f. n. 4.* in quibus tricis nihil omnino situm est.

2. Ita de jure civili. Sed hodie aliter se illa habebunt, si admittas ea, quæ paulo ante disputavimus; Si enim contractus Romanorum innominati, hodie sunt contractus consensuales vel pacta nuda (hæc enim juxta simplicitatem naturalem, quam sequimur, coincidunt) actio, quæ ad eorum consummationem tendit, non *prescriptis verbis*, sed potius *condictio ex moribus*, dicenda erit, quamvis de hoc non valde laborandum sit, præterea non uni, sed utrique potius contrahentium dabitur. Condictio autem causa data causa non secuta locum non amplius inveniet ob *pœnitentiam*, quia hæc, conventionem initâ, non genere excluditur, nec etiam regulariter ob *cessationem accipientis*, quia in contractibus consensualibus ob hanc causam repetitio ordinarie non indulgetur. *vid. Observ. 347. 348. 349. 350. 351.* Ex his autem omnibus hæc sequitur conclusio, magnum esse interpretum abusum, quando omnia ferè negotia, juri romano incognita, ut cambium, assurationem, concessionem salinarum similiaque, contractus innominatos non tantum dicunt (hoc enim admitti test, cum sensu juris Gentium queat intelligi) sed ex regulis contractuum innominatorum Romanorum, in primis quoad pœnitentiam, æstimant, cum tamen & satis violenta sæpe fit applicatio, ac jus Romanum hac in parte probabiliter non sit receptum.



## TIT. III.

## DE ÆSTIMATORIA.

## OBSERV. DCXXV.

**C***ontractus æstimatorius*) Hic, quem vocant, *contractus* duplici modo supponi potest, vel *pro tali negotio*, quo certo pretio res æstimata vendenda datur, ut vel pretium solvatur, vel, venditione non secuta, res ipsa reddatur, vel *pro tali*, ubi non tantum præcedens tractatus intercedit, sed & ipsi accipienti, eventualiter, res venditur, seu ille vel ad rem reddendam, vel ad pretium simpliciter solvendum obstringitur. Prior contrahendi modus periculum rei acceptæ non transfert, bene vero posterior, illum porro in dubio esse asserendum putarem, nam utis, qui operas suas principaliter promittit, rei periculum sustineat, id extraordinarium, nec temere præsumendum est. *AUTOR* in definitione sua ad posteriorem modum respexisse, utrumque autem in tractatione miscuisse videtur.

2. Id vero quæritur, an *negotium hætenus delineatum, sit peculiaris contractus æstimatorius*? *AUTOR* sic omnino putat, sed ego arbitrer, juxta priorem contrahendi modum, esse *simplicem locationem* vel *mandatum*, prout merces intervenit vel non, juxta posteriorem verò, *locationem* aut *mandatum, sub lege periculi sustinendi initum ac eventuali emtione venditione propria stipatum*. Neque etiam *ICTI* Romani peculiarem contractum hic asserunt, sed dubitationis tollendæ gratia, cum ipsis satis liquidum non videretur, an emtio, locatio vel mandatum subsit, *actionem æstimatoriam* saltem proposuerunt, quæ adeo peculiarem con-

contractum in eutiquam arguit. Nec difficile fuerit, iis, quæ *AUTOR* hic concessit, occurrere. Definitio allata, quo modo cunque tandem accipiat, de locatione aut mandato, vel simplici vel qualificato intelligi potest, juxta ea, quæ *n. i.* diximus.

## OBSERV. DCXXVI.

*Fit consensu & rei datione*) Hoc fuit ex præconcepta falsa opinione de peculiari contractu innominato, quare dicendum potius, quod solo consensu hoc negotium perficiatur, traditio autem ad consummationem, ac accipientem certo modo obligandum pertineat, perinde ac conductor vel mandatarius ratione rei non antea obligantur, quam postquam illa tradita est.

## OBSERV. DCXXVII.

*Hinc transfertur dominium*) Et hoc falsæ hypothesos est confectarium, cui etiam ipse *AUTOR* lit. E. dum accipientem regulariter rei periculum non sustinere, rectè contendit, non obscure contradicit: Res potius ita se habet: Si res vendenda detur, tum neque dominium neque periculum transfertur, si vero ita concedatur, ut res vel pretium absolute reddatur, tum periculum quidem non verò dominium in accipientem transit, licet enim animus & voluntas ipsi accipienti rem quoque vendendi, in dante sit, attamen illa nondum sunt acceptata, sed hæc tænus eventualis saltem subest venditio, quod si autem accipiens declaret, sed pro pretio determinato rem retinere velle, tum negotium, quod tæctenus in terminis locationis vel mandati subtitit, in venditionem degenerat ac dominium transfert. Atque ex his facile occurri potest textibus in contrarium allegatis. In *l. i. pr. b.* nihil

aliud habetur, quam continere hoc negotium aliquid in se, quod ad venditionem accedat, sed inde non sequitur, quod dominium statim transferatur, quia saltem tractatus vendendi, non ipsa venditio subest, ceu modo ostendimus. Dare, est dominium transferre juxta §. 14. *J. de action. l. 75. §. fin. de V. O.* si scilicet animus transferendi adsit, hunc vero hic deficere, antea dicta ostendunt. Ad venditionem requiri, ut dominium transferatur, ait *l. 80. §. fin. de C. E. V.* sed hic subesse statim venditionem negamus.

## OBSERV. DCXXVIII.

*Differt tamen à venditione*) Hoc facile concesserim, posse tamen hoc negotium in venditionem degenerare, ex modo dictis patet. A mandato autem & operarum locatione idem differre, ex *d. l. 5. §. 3. mand. l. 39. locat. l. 65. de C. E. V. l. 2. h. t.* non probatur, nam mandato & locatione dominium quidem non transfertur, ceu *d. leges* præcipiunt, sed in hoc negotio dominium transferri, antequam idem in venditionem degeneret, id supponit quidem *AUTOR*, sed non probat. Juxta hæc non opus erit ut ad *l. 19. §. 1. de P. V.* respondeamus, quamvis etiam contra *AUTORIS* sententiam objectio parum valida inde depromi queat.

## OBSERV. DCXXIX.

*Hinc actio æstimatoria locum non habet, si quis alteri committat generaliter rem justo pretio vendendam lit. O.)* Hæc ex sua saltem hypothese, qua peculiarem contractum sibi hic imaginatur, *AUTOR* iterum asserit, allàs de jure civili nihil obstat, quo minus etiam hoc casu æstimatoria agi queat, quamvis utique ista contrahendi ratio apertius locationem aut mandatum innuat. Hodie de nominibus actionū parum laboran-

randum erit. Quæ porro mox sequuntur, *non suffere æstimationem taxationis gratia*, itidem non sunt mittenda, nam duplicem esse contrahendi rationem satis antea probavimus, hinc utraque merito cendi, minimè verò altera præcisè exigì debet. *Arg.*

§. 3. *commod. & l. 21. C. de jur. dot.* nihil ad rem faciunt, cum in thesi saltem doceant, quod diversa sit imandi ratio ac utriusque diversus effectus, imo periculum regulariter ad accipientem non pertinet, quod *lit. E.* agnoscitur, æstimatio sane plerumque taxationis gratiâ facta censi debet!

## OBSERV. DCXXX.

*Hic obligatur accipiens ut in D. licet res perierit lit. E.)* Im statim hoc ita temperatur, ut saltem per momentum exceptionis admittendum, regulariter autem periculo accipiens immunis pronunciandus sit, res ne se habet, & agnoscit adeo *AUTOR* duplicem contrahendi rationem, id quod si in præcedentibus quoque observasset, hæc doctrina cæteris assertionibus non contradiceret, ceu hinc inde annotavimus.

## OBSERV. DCXXXI.

*Non etiam qui dedit lit. E.)* Hæc iterum ex hypothecularis contractus innominati fluunt, hinc hæc non admittenda. De cætero facultas rem dandi, re integra, repetendi, etiam juxta nostram sententiam defendi potest, si mandatum supponas, res certa est, mandantem enim habere facultatem recandi, notum est, sed & idem dici potest, licet merces promissa sit, nam operæ hic non simpliciter censentur conductæ, sed si conductori alienatio rei tracta placeat, hinc ob hanc conditionem facultas recandi locum quoque hoc casu habebit.

## OBSERV. DCXXXII.

*Sufficit prestare pretium conventum, licet accipiens plus inde sit consecutus*) Verum hoc est, si eum contrahendi modum supponas, quo ita convenit, ut res vel pretium conventum simpliciter reddatur, adeoque res eventualiter ipsi accipienti pro illo pretio quoque sit vendita, nam exinde satis liquet, id, quod amplius consecutus est accipiens, ejus lucro esse debere, nec obstat *l. 13. de P. V. & l. 44. pro soc.* per quas *ZOESIUS ad ff. b. t. n. 3. & JOH. VOET in comm. ad b. t. n. 2.* dissentiunt, pertinent enim ad alterum contrahendi modum, quo nude res vendenda conceditur, quem *AUTOR in fin. h.* indicat, hoc enim casu accipiens excessum non aliter lucratur, quam si expresse ita conventum sit, ast ex prima contrahendi ratione voluntas hæc jam satis apparet.

## OBSERV. DCXXXIII.

*Quod secus est si quis tantum per locationem*) Ita est, si de re vendenda, nude actum sit, accipiens excessum pretii non consequitur, quia deficit voluntas! sed inde non sequitur, quod peculiaris detur contractus æstimatorius, a locatione aut mandato distinctus, sed id saltem inde patet, quod hi duo contractus intuitu rei vendendæ, duplici modo iniri queant. Ex quibus adeo omnibus satis forte patet, contractum æstimatorium frustra asseri. Nec opus etiam erit hodie *actione æstimatoria*, cum manifestum sit, eam ex fori Romani sollicitudine, qua de actionum nominibus nimium satagebant, habere originem, hinc actio *locati & mandati*, imo etiam *venditi*, si accipiens pro pretio convento, se rem retinere velle declaret, in omnes casus sufficiet, quamvis nomen *actionis æstimatoria*

etiam ultro adhiberi queat, imo, modo factum  
re censeatur, nomen actionis plane potest o-  
ci.

## TIT. IV.

DE RERUM PERMUTA-  
TIONE.

## OBSERV. DCXXXIV.

*Permutatio*) Est hodie *contractus consensualis de re a-*  
*liqua, pro sua re equivalente, habenda.* Perficitur *so-*  
*nsensu*, perinde ut emtio & venditio, *traditio ve-*  
*d consummationem* pertinet, licet *AUTOR* ex *fal-*  
*ypothesi* dissentiat *lit. C.* de cætero recte dicitur,  
d ea sit permutationis intentio, ut dominium  
imile ius reale transferatur, modo hoc non de  
*eritate*, quod *AUTOR* vult, ut mox circa objectum  
nctius videbimus, sed *opinione contrahentium* ex-  
iatur, nam sufficit si dominium præsumptive sit  
islatum.

## OBSERV. DCXXXV.

*licet dans fidem de pretio non habeat*) Hoc falsum exi-  
io, siue permutationem pro contractu innomi-  
o siue consensuali habeas, qui enim rem suam dat  
ege, ut statim alteram recipiat, is animum trans-  
ndi dominii non simpliciter habet, sed tum de-  
m, si alter promissum quoque impleat, hoc igitur  
secuto, dominium non est translatum, perinde  
t in emtione venditione. §. 41. *J. de R. D.* non est ca-  
ndus, cum enim fateatur *JUSTINIANUS* disposi-  
nem ejus non esse ex mero jure civili, sed potius ex  
gentium, hinc illa ad alia negotia, in quibus ea-  
a subest ratio, merito quoque applicatur. *L. 4. C.*

rum specialius ostendendum erat, quid causa sit, ac quousque illa negotium reddat obligatorum) sive sunt *contractus proprio & specifico nomine carentes* (hoc nihil explicare, jam diximus) *quibus aliquid præstatur, ut alter vicissim aliquid præstet*, hæc paulo propius quidem ad explicandam horum negotiorum indolem accedunt, adhuc tamen nimis generalia sunt, utrum enim præstatio illa ad perfectionem vel consummationem pertineat, aut quousque eadem negotium obligatorium reddat, id non ostenditur, in quo tamen negotii cardo vertitur.

2. Rectius igitur sic dicemus: *Contractus innominati sunt Contractus ex pacto nudo reciproco, & præstatione rei promissa, ab uno facta, compositi, eum cui præstatio exhibita, efficaciter ad promissum servandum obligantes.* Nimirum si nudum conventionis placitum v. gr. de rebus permutandis intercessisset, tum illud, velut nudum pactum, impune negligi poterat, sed si alter suum præstiterat, tum æquum videbatur Romanis, ut alter ad promissum implendum efficaciter obligaretur, hinc ex *conventionemutua*, ac *unius præstatione* velut duabus partibus essentialibus contractus innominati erant compositi, quod *lit. C.* recte docetur. Porro omnis valor respiciebat saltem eum, cui præstatio facta, is enim efficaciter ad promissum implendum obligabatur, ille vero qui suum præstiterat, poterat vel ob cessationem alterius, vel ob poenitentiam propriam præstitum repetere, modo tale quid esset, quod repeti posset, quod ultimum satis absurdum censi debet, cum enim ex pacto nudo unilaterali solum repeti nequeat, obligatione naturali repetitionem impediante, mirum omnino videri poterit, quod poenitentia in pacto nudo reciproco locum invenerit.

## OBSERV. DCXX.

*Etiam hodie lit. C.*) Dari hodie contractus innominatos sensu juris Gentium i.e. conventiones consensuales, certo aliquo nomine carentes, facile concessim, plura enim sunt negotia, quam nomina, at contractus innominatos sensu juris Romani hodie quoque in Germania occurrere, id vero hautquam admiserim, quicquid *AUTOR* alique dissentit, nam constans est sententia, quod *hodie pacta nuda effectum agendi sint obligatoria*, jam verò illa negotia, quæ post præstationem unius, Romanis dicuntur contractus innominati, ante illam sunt *pacta la*, ergo necessario consequitur, quod *penes nos, in illo statu sint obligatoria*, & quod adeo omnia illa negotia apud nos valeant ut *contractus consensuales*, estimationesque non amplius pertineant ad eorum *fectionem*, sed *consummationem*, perinde sicut v. gr. emptione venditione præstationes mutux ad incrementum contractus spectant, hinc etiam iisdem regulis, quibus contractus consensuales diriguntur, negotia æstimare par erit.

2. Non obstat (1.) *doctrinam Romanam nullibi esse abrogatam*, nam non opus est abrogatione, ubi nulla receptio facta, (2.) *pacta præparatoria ne hodie quidem obligatoria, talia autem esse conventiones, ex quibus contractus innominati fiant*. Jam supra tit. de pact. lit. hoc effugio usus est *AUTOR*, sed falsum est, pacta præparatoria non esse obligatoria, ceu ibidem provimus, præterea falsum est, quod conventiones, ex quibus contractus innominati fiunt, sint pacta præparatoria. Hæc enim à negotio principali plane sunt distincta, sic v. gr. pactum de emendo, ab emptione



ne penitus differt, illæ vero, juxta æstimationem naturalem, sunt ipsa negotia principalia, præstationes vero secutæ ad consummationem spectant, juxta jus Romanum autem, conventio cum præstatione unius secuta, contractum innominatum efficit, utro igitur modo illæ spectentur, neutiquam pro pactis præparatoriis haberi possunt, sunt enim vel ipsum negotium principale, vel negotii principalis pars essentialis, quod quidem de aliquo pacto præparatorio non temere asserueris. In specie haut officit (3.) *doctrina Carpzovii d. p. 2. C. 33. D. 23.* est enim nimis crude ex jure civili adornata, cum tamen de ejus valore jam quæstio sit.

## OBSERV. DCXXIII.

*Sunt vel regulares vel irregulares*) Hæc divisio uti hodie nullius est momenti, si admittas ea, quæ modo diximus, ita nec de jure civili valde est necessaria, solum enim *nomen* contractum non facit irregularem, cum hoc ex *forma obligandi* potius dependeat, præterea ne quidem nomina pecuniaria hic occurrunt, nomen enim *permutationis*, generale est convenitque omnibus contractibus onerosis, contractus autem *æstimatorius*, forsitan frustra asseritur, de quo mox distinctius.

## OBSERV. DCXXIV.

*Inde datur ælio præscriptis verbis*) Quæ eo tendit, ut alter, cui præstatio facta, a sua parte contractum impleat. Præterea vero competit danti condictio c. d. c. n. f. qua is vel ob cessationem accipientis, vel poenitentiam propriam repetit rem datam, quæque ex quasi contractu descendere vulgo existimatur, *vid. Observ. 344.* quamvis alii ex ipso contractu innominato

eam repetant. *vid. HUBER posit. ad ff. de con-  
c. d. c. n. f. n. 4.* in quibus tricis nihil omnino si-  
est.

Ita de jure civili. Sed hodie aliter se illa habe-  
t, si admittas ea, quæ paulo ante disputavimus ;  
nim contractus Romanorum innominati, hodie  
contractus consensuales vel pacta nuda (hæc  
n juxta simplicitatem naturalem, quam sequi-  
tur, coincidunt) actio, quæ ad eorum consumma-  
em tendit, non *prescriptis verbis*, sed potius *con-  
ex moribus*, dicenda erit, quamvis de hoc non  
elaborandum sit, præterea non uni, sed utrique  
us contrahentium dabitur. Conditio autem  
à data causa non secuta locum non amplius in-  
iet ob *pœnitentiam*, quia hæc, conventionem initâ,  
nere excluditur, nec etiam regulariter ob *cessa-  
m accipientis*, quia in contractibus consensuali-  
ob hanc causam repetitio ordinarie non indul-  
it. *vid. Observ. 347. 348. 349. 350. 351.* Ex his autem  
ibus hæc sequitur conclusio, magnum esse in-  
retum abusum, quando omnia ferè negotia, juri  
natio incognita, ut cambium, assecurationem,  
cessionem salinarum similiaque, contractus in-  
linatos non tantum dicunt (hoc enim admitti  
est, cum sensu juris Gentium queat intelligi) sed  
regulis contractuum innominatorum Roma-  
um, inprimis quoad pœnitentiam, æstimant,  
um tamen & satis violenta sæpe fit applicatio,  
ac jus Romanum hac in parte probabi-  
liter non sit receptum.

## TIT. III.

## DE ÆSTIMATORIA.

## OBSERV. DCXXV.

**C**ontractus æstimatorius) Hic, quem vocant, contractus duplici modo supponi potest, vel pro tali negotio, quo certo pretio res æstimata vendenda datur, ut vel pretium solvatur, vel, venditione non secuta, res ipsa reddatur, vel pro tali, ubi non tantum præcedens tractatus intercedit, sed & ipsi accipienti, eventualiter, res venditur, seu ille vel ad rem reddendam, vel ad pretium simpliciter solvendum obstringitur. Prior contrahendi modus periculum rei acceptæ non transfert, bene vero posterior, illum porro in dubio esse asserendum putarem, nam ut is, qui operas suas principaliter promittit, rei periculum sustineat, id extraordinarium, nec temere præsumendum est. *AUTOR* in definitione sua ad posteriorem modum respexisse, utrumque autem in tractatione miscuisse videtur.

2. Id vero quæritur, an *negotium hætenus delineatum, sit peculiaris contractus æstimatorius*? *AUTOR* sic omnino putat, sed ego arbitrer, juxta priorem contrahendi modum, esse *simplicem locationem vel mandatum*, prout merces intervenit vel non, juxta posteriorem verò, *locationem aut mandatum, sub lege periculi sustinendi initum ac eventuali emtione venditione propria stipatum*. Neque etiam *ICti Romani* peculiarem contractum hic asserunt, sed dubitationis tollendæ gratia, cum ipsis satis liquidum non videretur, an emtio, locatio vel mandatum subsit, *actionem æstimatoriam* saltem proposuerunt, quæ adeo peculiarem con-

tractum ne utiquam arguit. Nec difficile fuerit, quæ *AUTOR* hic concessit, occurrere. Definitio ita, quo modo cunque tandem accipiat, de locatione aut mandato, vel simplici vel qualificato intelligi potest, juxta ea, quæ *n. i.* diximus.

## OBSERV. DCXXVI.

(*et consensu & rei datione*) Hoc fuit ex præconcepta opinione de peculiari contractu innominato, are dicendum potius, quod solo consensu hoc negotium perficiatur, traditio autem ad consummationem, ac accipientem certo modo obligandum pertinet, perinde ac conductor vel mandatarius ratione non antea obligantur, quam postquam illa tradita est.

## OBSERV. DCXXVII.

(*Hinc transfertur dominium*) Et hoc falsæ hypothesis est confectarium, cui etiam ipse *AUTOR lit. E.* cum accipientem regulariter rei periculum non retinere, rectè contendit, non obscure contradicit: res potius ita se habet: Si res vendenda detur, tum neque dominium neque periculum transfertur, si pro ita concedatur, ut res vel pretium absolute reddatur, tum periculum quidem non verò dominium accipientem transit, licet enim animus & voluntas ipsi accipienti rem quoque vendendi, in dante t, attamen illa nondum sunt acceptata, sed hactenus eventualis saltem subest venditio, quod si utem accipiens declaret, sed pro pretio determinato rem retinere velle, tum negotium, quod hactenus in terminis locationis vel mandati subsistit, in venditionem degenerat ac dominium transfert. Atque ex his facile occurri potest rebus in contrarium allegatis. In *l. i. pr. b.* nihil

aliud habetur, quam continere hoc negotium aliquid in se, quod ad venditionem accedat, sed inde non sequitur, quod dominium statim transferatur, quia saltem tractatus vendendi, non ipsa venditio subest, ceu modo ostendimus. Dare, est dominium transferre juxta §. 14. *J. de action. l. 75. §. fin. de V. O.* si scilicet animus transferendi adsit, hunc vero hic deficere, antea dicta ostendunt. Ad venditionem requiri, ut dominium transferatur, ait *l. 80. §. fin. de C. E. V.* sed hic subesse statim venditionem negamus.

## OBSERV. DCXXVIII.

*Differt tamen à venditione*) Hoc facile concesserim, posse tamen hoc negotium in venditionem degenerare, ex modo dictis patet. A mandato autem & operarum locatione idem differre, ex *d. l. 5. §. 3. mand. l. 39. locat. l. 65. de C. E. V. l. 2. b. 1.* non probatur, nam mandato & locatione dominium quidem non transfertur, ceu *d. leges* præcipiunt, sed in hoc negotio dominium transferri, antequam idem in venditionem degeneret, id supponit quidem *AUTOR*, sed non probat. Juxta hæc non opus erit ut ad *l. 19. §. 1. de P. V.* respondeamus, quamvis etiam contra *AUTORIS* sententiam objectio parum valida inde depromi queat.

## OBSERV. DCXXIX.

*Hinc actio æstimatoria locum non habet, si quis alteri committat generaliter rem justo pretio vendendam lit. O.)* Hæc ex sua saltem hypothese, qua peculiarem contractum sibi hic imaginatur, *AUTOR* iterum asserit, allàs de jure civili nihil obstat, quo minus etiam hoc casu æstimatoria agi queat, quamvis utique ista contrahendi ratio apertius locationem aut mandatum innuat. Hodie de nominibus actionū parum laboran-

andum erit. Quæ porro mox sequuntur, *non suffe-  
e æstimationem taxationis gratia*, itidem non sunt  
mittenda, nam duplicem esse contrahendi ratio-  
nem satis antea probavimus, hinc utraque merito  
endi, minimè verò altera præcisè exigì debet. *Arg.  
§. 3. commod. & l. 21. C. de jur. dot.* nihil ad rem fa-  
nt, cum in thesi saltem doceant, quod diversa sit  
imandi ratio ac utriusque diversus effectus, imo  
vericulum regulariter ad accipientem non perti-  
t, quod *lit. E.* agnoscitur, æstimatio sane plerum-  
e taxationis gratiâ facta censerì debet!

## OBSERV. DCXXX.

*Hic obligatur accipiens ut in D. licet res perierit lit. E.)*  
im statim hoc ita temperatur, ut saltem per mo-  
m exceptionis admittendum, regulariter autem  
vericulo accipiens immunis pronunciandus sit, res  
ne se habet, & agnoscit adeo *AUTOR* duplicem  
ntrahendi rationem, id quod si in præcedentibus  
oque observasset, hæc doctrina cæteris assertioni-  
s non contradiceret, ceu hinc inde annotavimus.

## OBSERV. DCXXXI.

*Non etiam qui dedit lit. E.)* Hæc iterum ex hypothe-  
peculiaris contractus innominati fluunt, hinc ha-  
nus non admittenda. De cætero facultas rem da-  
n, te integra, repetendi, etiam juxta nostram sen-  
ntiam defendi potest, si mandatum supponas, res  
rta est, mandantem enim habere facultatem re-  
candi, notum est, sed & idem dici potest, licet mer-  
s promissa sit, nam operæ hic non simpliciter cen-  
itur conductæ, sed si conductori alienatio rei tra-  
æ placeat, hinc ob hanc conditionem facultas re-  
candi locum quoque hoc casu habebit.

## OBSERV. DCXXXII.

*Sufficit prestare pretium conventum, licet accipiens plus inde sit consecutus*) Verum hoc est, si cum contrahendi modum supponas, quo ita convenit, ut res vel pretium conventum simpliciter reddatur, adeoque res eventualiter ipsi accipienti pro illo pretio quoque sit vendita, nam exinde satis liquet, id, quod amplius consecutus est accipiens, ejus lucro esse debere, nec obstat *L. 13. de P. V. & l. 44. pro soc.* per quas *ZOESIUS adff. b. t. n. 3. & JOH. VOET in comm. ad b. t. n. 2.* dissentiunt, pertinent enim ad alterum contrahendi modum, quo nude res vendenda conceditur, quem *AUTOR in fin. h.* indicat, hoc enim casu accipiens excessum non aliter lucratur, quam si expresse ita conventum sit, ast ex prima contrahendi ratione voluntas hæc jam satis apparet.

## OBSERV. DCXXXIII.

*Quod secus est si quis tantum per locationem*) Ita est, si de re vendenda, nude actum sit, accipiens excessum pretii non consequitur, quia deficit voluntas! sed inde non sequitur, quod peculiaris detur contractus æstimatorius, a locatione aut mandato distinctus, sed id saltem inde patet, quod hi duo contractus intuitu rei vendendæ, duplici modo iniri queant. Ex quibus adeò omnibus satis forte patet, contractum æstimatorium frustra asserti. Nec opus etiam erit hodie *actione æstimatoria*, cum manifestum sit, eam ex fori Romani sollicitudine, qua de actionum nominibus nimium satagebant, habere originem, hinc actio *locati & mandati*, imò etiam *penditi*, si accipiens pro pretio convento, se rem retinere velle declaret, in omnes casus sufficiet, quamvis nomen *actionis æstimatoria*

etiam ultro adhiberi queat, imo, modo factum re censeatur, nomen actionis plane potest o-

## TIT. IV.

DE RERUM PERMUTA-  
TIONE.

## OBSERV. DCXXXIV.

*Permutatio*) Est hodie contractus consensualis de re a-  
qua, pro sua re equivalente, habenda. Perficitur so-  
lensu, perinde ut emtio & venditio, traditio ve-  
l consummationem pertinet, licet *AUTOR* ex fal-  
si pothesi dissentiat *lit. C.* de cætero recte dicitur,  
id ea sit permutationis intentio, ut dominium  
simile jus reale transferatur, modo hoc non de  
veritate, quod *AUTOR* vult, ut mox circa objectum  
novius videbimus, sed opinione contrahentium ex-  
iatur, nam sufficit si dominium præsumptive sit  
translatum.

## OBSERV. DCXXXV.

*licet dans fidem de pretio non habeat*) Hoc falsum exi-  
tio, siue permutationem pro contractu innomi-  
no siue consensuali habeas, qui enim rem suam dat  
eget, ut statim alteram recipiat, is animum trans-  
ferendi dominii non simpliciter habet, sed tum de-  
m, si alter promissum quoque impleat, hoc igitur  
secuto, dominium non est translatum, perinde  
ut in emtione venditione. §. 41. *J. de R. D.* non est ca-  
vendus, cum enim fateatur *JUSTINIANUS* disposi-  
tionem ejus non esse ex mero jure civili, sed potius ex  
jure gentium, hinc illa ad alia negotia, in quibus ea-  
dem subest ratio, merito quoque applicatur. *L. 4. C.*



*de Rer. permut.* indefinite loquitur de translatione domini, adeoque ad casus habiles debet referri. Juxta hæc nobis non erit respondendum ad *l. 3. de pign. action.* quamvis, admissa *AUTORIS* sententiâ, dici queat, agere illam de *traditione dolo improbiore elicitâ*, cujusmodi dolus in eo, cui res ex permutatione traditur, ab initio haut sit, licet igitur illa dominium non transferat, hanc tamen id transferre posse. Plane illa nonnullorum sententia, quod dominium demum mutua traditione transferatur, quam *AUTOR* hic indicat, non est admittenda, nisi forte eo sensu accipiat, quod tunc demum poenitentia & facultas repetendi cesset, tum enim juxta hypothesein juris civilis vera erit, quamvis hodie sola conventionem poenitentia excludatur.

## OBSERV. DCXXXVI.

*Permutant omnes lit. S.)* Tractatio de *personis permutantibus*, eadem est, siue permutationem pro contractu innominato, siue consensuali habeas, hinc nihil hic annotandum venit. Idem dicendum de *materia lit. O.* quæ itidem, juxta utramque hypothesein, eadem est.

## OBSERV. DCXXXVII.

*Hoc tamen in casu negotium propius accedit ad emtionem)* Res etiam venalis permutari potest, quod autem ab hac circumstantia, necessitatem præstandæ evictionis *AUTOR* repetat, id fuit ex falsa hypothese, quâ res *aliena* penitus à permutatione arceatur, cujus vanitatem mox ostendam. Hinc simpliciter ex natura permutationis, præstatio evictionis fuit, ac habet locum, siue res venalis, siue non venalis fuerit permutat. Equidem in *l. 1. C. b. t.* duo illi casus sibi

opponuntur, attamen ultimo casu evictionis præstatio non negatur, sed præter jus eam petendi, læso etiam facultas suum repetendi, elective asseritur. Plane hodie, ubi permutatio est contractus consensualis, sententia nostra sine dubio est admittenda.

## OBSERV. DCXXXVIII.

*Non etiam res aliena, nam ea data, nulla contrahitur permutatio*) Emptionem & venditionem quoad certos effectus recipere rem alienam, certum est, sed permutationem nullo plane modo eam admittere, vulgo putant. Sed uti hæc differentia dubio procul, si subesset, hodie cessaret, si permutationem pro contractu consensuali habeas, ita eam nec de jure civili obtinere, sed permutationem, etiam ut contractum innominatum spectatam, perinde ac emptionem, rem alienam admittere, plane arbitror. Nam (1.) cum de qualitate rei in foro civili non semper constet, utique dans suo satisfecit officio, si rem præsumptive propriam, & de qua aliud non apparet, in alterum transferat, sane plus exigere, est vim facere indoli negotiorum humanorum, ac vanæ indulgere speculationi, atque hoc (2.) satis confirmant l. 1. C. b. 1. l. 29. C. de evict. l. 1. §. 1. b. 1. l. 4. §. 17. de usurp. l. 7. §. 5. de public. in rem act. quas AUTOR sibi objicit, nam responsio communis, quod effectus ibi memorati sequantur, quia res fuerit venalis, vel accipiens à sua quoque parte contractum impleverit, rem non conficit, nam primam esse nullius momenti, observ. preced. ostendi, alteram vero quod attinet, effectus præstandæ evictionis quidem aliter sequi nequit, quam si accipiens suum quoque præstiterit, sed ita etiam se res habet in emptione venditione, quod autem effectus usucapio-

nis & actionis publicianæ demum etiam sequatur, post accipientis præstationem, id verò supponitur quidem, sed non probatur, potius illi effectus statim sequuntur simulac res à primo tradita est, id quod & generalitas *d. l. 4. §. 17. de usurp. l. 7. §. 5. de public. in rem action.* & ratio satis evincit. Nec obest (3.) *l. 1. §. 3. b. r.* quæ profecto nimis ineptè captatur, cum omnis recta ratio jubeat, ut illam, juxta indolem negotiorum humanorum, accipiamus de casu ubi constat, quod res aliena data sit, atque hæc sententia (4.) eo magis admittenda videtur, quod *STRAUCHIUS d. exerc. 16. §. 4.* eam etiam probet, cum ille alias ex tricipis vel juris civilis, vel interpretum, si modo ulla ratione illæ sustineri queant, non temere quid dimittere soleat. *conf. Observ. 576. 578.*

## OBSERV. DCXXXIX.

*Licet res nondum evicta sit*) Hæc assertio ad doctrinam proxime præcedentem non quadrat, hinc debet referri ad remotiorem. Scilicet ex sententia *AUTORIS*, re aliena data, accipiens conveniri nequit *actione præscriptis verbis*, sed tantum conditione ex bono & aequo, quasi causa data, causa non secuta, quæ Ejus verba sunt, paulò ante posita, tum recte sequitur ampliatio: *licet res nondum evicta sit.* Doctrinam autem illam falsam esse puto per ea quæ *observ. præced.* dixi.

## OBSERV. DCXL.

*Forma hujus negotii est*) Hodie illa consistit in serio consensu de rebus æqualibus permutandis, præstatio rerum ad consummationem vel executionem pertinet. An autem à permutatione de jure civili differat articulus de ut des, quod *AUTORI b. & tit. seq.* vide.

videtur, de eo alii, quibus lubet, dispiciant accuratius, mihi illud verosimile non videtur, nam in *L. §. 1. de P. V.* in qua ex professo hæc res explicatur, permutatio & articulus *do ut des*, synonymice accipiuntur, præterea valde probabile videtur, quod ut alias, ita hic etiam vocabulum *dandi* cum emphasi accipiat pro translatione domini, denique ista loquendi ratio, *do ut des*, actum seu translationem domini mutuum & simultaneam satis innuere videtur, hinc exempla, quæ ex legibus citatis hic afferuntur, à scopo plane abluunt, sed de his tricus alii contentant.

## OBSERV. DCXLI.

*Permutatione unius præstatione facta lit. E.)* De effectû permutationis hodie etiam aliter judicandum erit, quam hic scriptum est. Nimirum simulac conventio perfecte inita est, exclusâ omni poenitentia, uterque ad rem promissam præstandam efficaciter obligatur, perinde sicut se res habet in emtione venditione. Neuter tamen cum effectû agere potest, nisi â sua parte contractum simul impleat, nam alias agenti obstabit exceptio non impleti contractus. Porro, perfecta conventionione, res promissæ sunt mutuo Creditorum periculo, qua in parte, ob diversitatem objecti, aliqua inter Emtionem & Permutationem est differentia, in illa enim rei venditæ periculum spectat quidem ad emtorem, sed periculum pretii vice versa non sustinet venditur, quia scilicet quantitas debetur, quæ perire nequit, at in hac, par utriusque, in sustinendo periculo, est conditio, quia ab utraque parte certa debetur species.

## OBSERV. DCXLII.

*Actio præscriptis verbis)* Hodie actio potius dicenda

da erit *Conditio ex moribus*, quia ex pacto nudo oritur, quamvis & prius nomen retineri queat, cum sollicitudo fori Romani à Germania exulet. De cætero definito *AUTORIS* etiam ad mores nostros quadrat, modo dationem, non ad *perfectionem* contractus referas, sed pro *causa sine qua non* habeas, nam hodie actio oritur, simulac conventio seriò inita est, cum effectu tamen institui nequit, nisi actor à sua parte contractum impleverit. Porro obligationem Rei, actionisque adeò institutæ effectum *AUTOR* recte declarat, quæ ad mores nostros etiam quadrant, de cætero, nisi errare velis, attente legi debent.

## OBSERV. DCXLIII.

*Maxime si res postea evincatur*) Hæc ampliatio rectius fuisset omissa, quia sensum quodammodo turbat aut ambiguum reddit, nam hætenus docuit *AUTOR*, quod is, qui suum præstitit, agat adversus alterum, quo rem promissam quoque præstet, hinc non apparet, quomodo in his terminis, de evictionis præstatione quæri possit, nec enim actor, quoad rem à se datam, ita agat, nec ratione rei promissæ, utpote quæ nondum data est, adeoque evinci non potuit! Interim pro explicando *AUTORE* dicendum quod, obiter illa assertio inspersa sit occasione doctrinæ præcedentis, quæ de eo, quod interest, agit, quodque voluerit *AUTOR* duos exprimere casus, quibus ad interesse agatur, scilicet primo, si reus in re promissa præstanda sit morosus, deinde, si ob evictionem agatur, quæ assertio tamen de casu habili est exaudienda.

## OBSERV. DCXLIV.

*Nisi res perierit absque dolo vel culpa levi debitoris*) Recte ait *AUTOR*, reum liberari, si res promissa casu peri-

perierit, jacuit enim periculo creditoris, perinde sicut rei venditæ periculum, emtione perfecta, ad emtorem pertinet, ceu *Observ. 641.* jam admonuimus. Effectus hujus rei est, quod debitor rem acceptam retinere queat, adeo ut nec ex capite poenitentia dans illam repetere possit, ceu recte hic dicitur, nam facultas poenitendi juxta naturam contractus intelligenda, adeoque tamdiu saltem asserenda est, quamdiu debitor suam præstare potest, & mera est cavillatio, quando nonnulli repetitionem ex causa cessationis quidem negant, sed poenitentia concedunt. Non obstat. *l. fin. de condict. c. d. c. n. f.* nam agit de casu, ubi sine conventionem prævia, res erat data, hinc res separata dan- tis periculo nondum esse potuit, ceu bene *AUTOR ad d. tit.* respondit *vid. Observ. 349.* Hodie facultas poenitendi, admissa semel hypothese antea allatâ, dubio procul cessat, imo illud amplius ex ea sequitur, quod debitor re promissa sublata, alteram, quæ sibi promissa erat, recte exigit, perinde sicut venditor exigit pretium, licet ipse nihil præstet, si scilicet casus præstationem impediat.

## OBSERV. DCXLV.

*Non etiam ad rem datam repetendam*) Sed hoc fine agitur conditione causa data, causa non secuta, non obstat. *l. 4. C. b. t.* in qua actio præscriptis verbis eò pertinere dicitur, ut *vel fides placiti servetur, vel quoddatum est, causa non secuta restituatur*, cum enim talia sint prædicata, qualia permittuntur esse à suis subjectis, ideo prior præstatio saltem ad actionem P. V. referri, quoad posteriorem verò nomen conditionis c. d. c. n. f. subintelligi debet. Illud facile liquet, controversiam hanc non esse magni momenti, cum ad solum

lum actionis nomen pertineat. Hodie repetitio neque ex capite poenitentiae neque cessationis locum habebit, per ea quae diximus *Observ. 624* imò ne quidem illa, in casu lésionis enormis, locum inveniet, quod *AUTOR* mox hypothési juris civilis asserit, sed electio lédenti erit servanda.

2. Quo discrimen juris Romani & moderni ex nostra quidem sententia, clarius appareat, summam triplex negotii status est distinguendus, vel enim (1) *conventio de rebus permutandis tantum intercescit*, hoc casu jure Romano nulla obligatio efficax adest, sed jure naturali & moderno, perinde valida hic nascitur obligatio, ac in emtione venditione & res promissae mutuo sunt contrahentium, periculo: vel (2) *conventioni praestatio aut traditio unius accessit*, hoc casu tam jure Romano quam moderno accipiens ad promissum implendum adigi potest, sed id discriminis subest, quod praestatio facta, juxta illud, sit pars essentialis contractus, juxta hoc vero, saltem conditio sine qua non, quae ut valide agi queat praerequitur. Præterea de jure civili dans rem datam repetere potest, quod hodie cessat. Vel (3.) *præter consensum ab utroque facta est praestatio*, hoc casu jure Romano omnis poenitentia cessat, quod protul dubio hodie quoque ad exemplum emtionis venditionis consummatae obtinet.

#### TIT. V.

#### DE PRÆSCRIPTIS VERBIS.

##### OBSERV. DCXLVI.

**E***t mixta species esse videtur*) Plura vel mixtura, vel occasione usitatorum, saltem efformata exempla recenset *JOH. VOET. in comment. ad ff. l. e. num. 1.*  
*nimi-*

nimirum *do ut des & facias; facio ut des & facias; do & facio ut des; do & facio ut facias; do & facio ut des & facias, ut &: done des; do ne facias; facio ne des; facio ne facias, & similia*, nam plura adhuc occurrere vel effingi posse, certum est.

## OBSERV. DCXLVII.

*Articulus do ut des*) Circa singulos contractus innominatos, quos *AUTOR* hic refert, ac frustra regulares vocat, vid. *Observ. 623.* duo summatim spectari possunt, (1.) *ipsum negotium*, (2.) *officium contrahentium*. De utroque aliter juxta jus civile, quod *AUTOR* sequitur, aliter juxta modernum, *Observ. 622.* adstructum, erit judicandum. De articulo *do ut des*, satis à nobis actum, dum Permutationem explicavimus. Discrimen, quod hic laudatur, rejecimus *Observ. 640.* Illa porro differentia, quod articulus *do ut des*, sit stricti juris, permutatio, bonæ fidei, negata priori, ultro ruit, hodie in genere illud discrimen cessare ad *lit. d. O. & A.* ostendam.

## OBSERV. DCXLVIII.

*Do ut facias*) Hodie est *contractus consensualis*, quo aliquià pro exhibitione facti promittitur. Perficitur adeo solo consensu, sicut locatio conductio, traditio ac exhibitio saltem ad consummationem pertinet. Quoad personas nihil interest, siue contractum innominatum siue consensualem supponas, materia etiam, juxta utramque hypothesein, erit eadem, quamvis à materia locationis quandoque differat, *lit. O.* quod autem *AUTOR* rem alienam plane hinc arceat *lit. D.* id *Observ. 638.* rejecimus.

## OBSERV. DCXLIX.

*Hinc oritur actio præscriptis verbis*) Hodie potius  
con-



*condictio ex moribus, vid. Observ. 624. 642.* quo autem discrimen juris Romani & moderni appareat, triplex status distingui potest, vel (1.) *nuda conventio initia*, & nulla datur actio de jure civili, sed hodie ab utraque parte efficaciter ad implementum agi posse puto, vel (2.) *alter dedit*, hæc datio jure Romano est pars essentialis contractus, sed hodie saltem pars executionis, utroque autem jure agi potest, ut accipiens promissum impleat, jure tamen Romano promissor præstatione ejus quod interest, defungitur ex doctrina *AUTORIS* b. *vid. Observ. 603.* Præterea dans, ob *pœnitentiam*, rem datam repetere potest, quod hodie cessat, si vero accipiens *casu impediatur*, quo minus promissum impleat, tum repetitio locum habet etiam hodie, si *simpliciter opera utilis promissa sit*, si verò *certum respiciat objectum*, adeoque quodammodo *mixta & causa dandi sit*, repetitio cessabit, de quo casu accipiendus *AUTOR* lit. E. *in fin. b. vid. Observ. 350. 644.* vel (3.) *utriusque præstatio facta*, tum quia penitus consummatum est negotium, pœnitentia dubio procul cessat & casus, si quis accadat, ad accipientem pertinet, qua in re jus Romanum & modernum consentiunt.

## OBSERV. DCL.

*Eatio ut des*) Hodie est *contractus consensualis*, quo factum pro aliqua re promittitur, ad cujus indolem intelligendam repetenda sunt ea, quæ *Observ. 648.* diximus. Porro intelligendo contrahentium officio triplex negotii status, juxta *Observ. præc.* iterum distinguendus. In *primo & tertio* eadem obtinent, quæ modo diximus, in *secundo* verò, cessat etiam de jure civili repetitio, ob conditionem objecti, factum enim

enim infectum fieri ac repeti nequit, accipiens autem obligatur ad rem promissam præstandam, quæ in re quidem jus Romanum & modernum consentiunt, in æstimando tamen facto præcedente dissentiunt, illud enim factum exhibitum pro parte essentiali contractus, hoc autem pro conditione sine qua non, habet, juxta ea quæ *observ. præc. & 645.* diximus.

## OBSERV. DCLI.

*Et vix est ut hic antinomial negemus*) An is, cui factum exhibitum, ad implendum promissum actione præscriptis verbis, an doli, adigendus sit, magna est inter interpretes quæstio, propter variantes *PAULI & ULPIANI* sententias, & licet eam vulgò admittantur, cum sit subtilissimæ disquisitionis, imò *ἐκ τῶν ἀπόρων* teste *VINNIO d. qu. 46.* eamque varia ratione componere conentur *conf. STRAUCH. exerc. 16. §. 11.* attamen manifestum est, quod illa non ad solidam eruditionem, sed rabulariam fori Romani pertineat, ac hodie nullius usus sit, nam in genere de actionum nominibus hodie parum laborandum est, in specie actionem doli subsidiariam, haut esse in usu, ad *tit. de dolo* ostendimus; denique cum hodie articulus facio ut des, sit negotium consensuale, hinc conditione ex moribus ejus consummatio obtinetur.

## OBSERV. DCLII.

*Facio ut facias*) Est hodie *contractus consensualis de facto aliquo reciproce exhibendo initus.* Perficitur adeo solo consensu sicut locatio, mutua autem *facti* exhibitio ad consummationem pertinet. Ad intelligenda officia triplex negotii status distingui debet, & tum obtinent ea, quæ modo diximus circa præcedentia exempla.

## OBSERV. DCLIII.

*Actio præscriptis verbis*) Tota hæc de nominibus actionum philosophia, ad forum Romanum pertinet, nec Tironum opus esse creditur, ista debite posse expedire, sed hodie, ut aliquoties dictum, ista sollicitudine possumus supersedere, quæ tamen admonitio non eò pertinet, quasi nominibus istis ex libertate uti non liceat, aut quasi in denominandis actionibus consulto velut impingendum sit, necessitas nomenclaturæ Romanæ saltem negatur. *add. STRUV. S. J. C. exercit. 5. §. 40. in fin.*

## LIB. XX. TIT. I.

DE PIGNORIBUS ET HYPOTHECIS, ET QUALITER EA CONTRAHANTUR, ET DE PACTIS EORUM.

## OBSERV. DCLIV.

**P***ignus*) Inter jura realia etiam occurrit pignus, quod uti ex regulis utilitatis inter homines invaluit, ita ejus indolem & varietatem, sine adminiculo juris Romani, dubio procul intelligere possumus. Constitutio quoque pignoris, de quo *lit. C.* ex principiis communibus dependet, personæ enim habiles rerum suarum administratione gaudentes, immediate vel mediate, in re habili suo consensu illud constituunt, aliquando sine, aliquando cum traditione, prout regulæ utilitatis hoc exigunt, ex quo fundamento etiam leges positivæ actum judicalem aliquando requirunt. *add. DECIS. SAXON. 38.*

## OBSERV. DCLV.

*Convalescit tamen si non domino, constituenti succedat*

*verius*

verus dominus lit. C.) Kecte ita pronunciavit *MODESTINUS* in l. 22. b. nam adest dominium & domini consensus ex hæreditatis aditione colligendus, adeoque omnia concurrunt, quæ ad constitutionem pignoris requiruntur, hinc ab hoc tempore, ejus validitas meritò asseritur. Quod attinet obstantem l. 41. de pign. act. veram heic subesse contradictionem, exinde liquet, quod iisdem fere verbis idem casus proponatur & tamen contraria decisio detur, accedit, quod vulgares conciliandi modi. vid. *ZOES.* ad ff. quæ res pign. dar. poss. n. 5. examen rigidum non sustineant, nec tam textus explicent, quam torqueant, quicquid etiam dissentiat *STRALICH.* exerc. 13. §. 22. Interim dissentientis *PAULI* nulla erit habenda ratio, quia in applicatione principiorum generalium, jure quoque Romano probatorum, lapsus est, quo casu Ictorum autoritas non tantum potest sed & debet negligi, nisi quis errores veritati præferendos esse dicere velit. Nimirum generale principium est: *Quoties dominus habilis in oppignorationem consentit, toties pignus valet, jam subsumere licebit; in casu ubi non domino oppignoranti verus dominus succedit, talis consensus adest, qui nempe ex aditione colligitur, ergo quoque pignus valebit.* Sed *PAULUS* principium illud, ad casum præsentem quadrare, seu, consensum domini in pignus subesse negat, verum non probat, esto enim, ceu causatur, non sufficere ad competendam utilem actionem pigneratitiam, eundem esse dominum, qui etiam pecuniam debet, sufficit tamen, si idem dominus in pignus consentiat, quem consensum *PAULUS* ex successione colligere merito debuisset, deinde demus, illum improbe resistere, qui rei à se oppignorata,

postea consecutus est dominium, quo minus utilis actio contra eum moveatur, attamen locum habet vulgatum illud: *unius positio non est alterius exclusio*, & in hoc casu, & in altero etiam, qui controversus est, pignus valet, nec enim sequitur, si aliquis ita aperte consensit in pignus, ut actioni hypothecariæ circa improbitatem nequeat resistere (id quod contingit in altero casu ibidem proposito, ubi is qui rem oppignoraverat, postea dominium erat consecutus) ergo alius, qui sine ejusmodi aperta improbitate resistere posset (ut dominus non domino oppignoranti succedens) non consensit! Equidem pro *PAULO* allegari posset *l. fin. C. de evict.* ubi hæres fidejussoris qui pro venditore, evictionis nomine, se obligaverat, ex sua persona rem ab emtore vindicare potest, modo evictionem præstet. Ex eo enim colligitur, quod dominus alii succedendo, sibi ratione domini sui non præjudicet. Enimverò inter hos casus magna est disparitas, nam in casu *d. l. 41. de pign. action.* non agitur de dominio rei in alium transferendo, sed solum de pignore in re illa ad tempus constituendo, sed in *d. l. fin. C. de evict.* de dominio in emtorem transferendo questio est, facilius igitur verus dominus succedendo, in onus temporarium, quam amissionem domini sui, consentit. Deinde in *d. l. 41. defunctus* simpliciter se obligaverat, pignus creditori relictum iri, hanc igitur obligationem dominus succedens necessario suscipere, adeoque pignus suo consensu firmare debuit. Sed in *d. l. fin. defunctus* promiserat, quod ipse nolit rem emtori auferre, tertio verò evincente, evictionem velit præstare, dominus itaque succedendo, potest illam obligationem in se suscipere, & tamen

ex

ex suo dominio rem ab emtore vindicare, seu jure tertii uti, hinc nulla cogit necessitas, ut hæreditatem adeundo, suo dominio se abdicet. Calculo igitur recte subducto *ad l. fin.* nobis potius favet, nam generale principium, *quod hæres factum defuncti præstare debeat*, ibi firmatur, defunctum tamen non semper idem egisse, adeoque hæredem non semper ad idem præstandum obligari, simul commonetur, *add. l. n. C. de evict.*

## OBSERV. DCXLVI.

*Vel per conventionem etiam nudam lit. C.)* Cum pignus respiciat securitatem Creditoris, hinc ea etiam ineunda est ratio, ut scopus ille obtineatur. Quoad res mobiles igitur, quæ facile transferri possunt, hoc agendum est, ut Creditor eas in suam recipiat custodiam, eo fine initur *contractus pignoratitius*, quem, licet pro consensuali hodie habeas, tamen à pacto hypothecæ differre ostendimus *observ. 402.* Quoad res immobiles autem, vel mobiles non facile amovendas, quales sunt merces in tabernis mercatoriis, aut in genere, rerum mobilium complexus vel universitas, Creditor securus est, licet eas non possideat, dum modo in iis jus contra quemvis valiturum acquirat, eo fine ergo celebratur *Pactum hypothecæ*, quo necessitas rem tradendi, debitori haut injungitur, sed solum jus reale creditori in rebus illis tribuitur, ex quo, cessante solutione, eas aliquando vindicare queat. Atque ista paciscendi ratio, in illis rebus, eò citius fuit recipienda, quo molestius debitoribus foret, ob contractum debitum, rerum, quibus quotidie indigent, ex iisque rem faciunt, possessione abscedere. De cætero nuda illa conventio jus reale propria virtute, à legibus tributa, producit, ut aliquam tradi-

tionem fingere non opus sit. Qui autem ex conventionem illa, *contractum pignoratitium consensualem prætorium* efficiunt, illi de magno invento gloriari nequeunt, cum præter lulum in vocabulo, nihil occurrat, nam debitorem ad rem tradendam ex conventionem, quocunque demum nomine illa insigniatur, non teneri, certum est.

## OBSERV. DCLVII.

*Effectus consistit in jure persecutionis lit. E.)* Ex pignore legitime constituto, effectus heic memorati, naturaliter fluunt. In specie in quovis possessore occurrit obligatio, lege naturali constituta, ob quam pignus creditori præstare debent, hinc hæc ænus actio hypothecaria est naturalis, prædicata autem illa quod sit *prætoria, arbitraria, Serviana, quasi Serviana, directa, utilis*, ad emblemata fori Romani pertinent, ac hodie sunt usus, arbitrarii, imò nimia illa sollicitudo, qua usus actionis Servianæ & quasi Servianæ discernitur, inepta censi debet.

## OBSERV. DCLVIII.

*Etiā in speciali hypotheca)* Quod tertius possessor beneficio excussionis gaudeat, id quoque naturale censi debet; constituitur enim pignus in securitatem creditoris, adeò ut, non secuta solutione, suum inde consequatur, hinc natura horum actuum satis insinuare videtur, quod debitor prius sit excutendus. Interim negari nequit, quin ambiguas has voluntatis quæstiones certius determinet lex positiva, ut hæc ænus juris civilis aliquæ hic sint partes. Cum igitur hoc, beneficium ordinis generaliter approbaverit, hinc probabile videtur, quod etiam possessor specialis hypothecæ, eodem gaudeat, nec obstat

Nov.

*Nov. 112. c. 1.* loquitur enim de casu speciali, ubi Creditor debitori de hypotheca litem moverat, hic verò non obstante lite, rem erat alienaturus, tum enim disponitur, ut, procedente alienatione, ex pretio Creditori satisfiat, vel, hoc non facto, hic vindicandi licentiam habeat, à casu igitur hypothecæ in lite positæ venditæ, ad casum hypothecæ liberæ alienatæ, generaliter inferre non licet. Subfuisse autem litem quoad hypothecam, patet ex iis verbis: *ab hoc autem litigioso vocabulo hypothecas separari decernimus*, frustra enim fuisset quæsitum, *an hypotheca fiat litigiosa*, vel decisum, *quod talis non sit*, nisi litem motam fuisse supponas, hinc hæc est *IMPERATORIS* sententia, licet lis de hypotheca sit mota, attamen illa non sit litigiosa, scilicet ratione *dominii*, hinc non obstante lite, à debitore eoque domino potest alienari. Ex quo etiam liquet, verba illa: *ab hoc autem &c.* non recte à nonnullis, *vid. THOMAS. in not. ad Strauch. dissert. 22. th. 3. p. 299.* evertendæ nostræ responsioni urgeri, quasi scilicet *d. Nov.* de casu litis motæ non possit accipi, cum differte dicatur: *à vocabulo litigiosi hypothecam separari*, nam illis verbis non negari *litem*, sed saltem *vitium litigiosi quoad dominium*, ex dictis constat. Porro nec id obest, quod per alienationem hypothecæ specialis, creditoris conditio longe deterior reddatur, quam per alienationem rei, hypothecæ generali subditæ, ac proinde magis omnino hypothecario speciali quam generali consulendū esse videatur. *vid. BERGER in resol. b. qu. 2.* nam illa saltem ostendunt, quid constitui possit, non quid constitutum sit. De cætero uti beneficium excussionis nonnunquam plane excluditur *vid. STRUP. S. 7. C. exerc. 26. §. 38.* ita in hy-



potheta speciali illud eo casu cessare debere, ubi mortuo debitore, hæredes forum mutant, peræquum videtur, cum Creditor, non sine insigni incommodo actionem personalem alibi aliàs instituere cogatur, admissa scilicet, quæ in multis judiciis viget, sententiâ, quod hæres in foro contractus defuncti conveniri nequeat. In genere quod usum harum sententiarum forensem attinet, putat quidem *Dn. STRYK* in not. b. ad p. 404. quod sententia, quæ beneficium excussionis in speciali hypotheca negat, sit receptior, sed tamen *Dn. BERGER* d. n. qu. 2. sententiam *AUTORIS* usu fori Saxonici adhuc fere comprobata esse, fatetur, si modo ejus sententiam rectè assequor. *STRUVIUS* quoque d. exerc. 26, §. 38. secundum eam pronunciatum esse testatur.

#### OBSE RV. DCLIX.

*Præscribitur actioni hypothecaria*) Præscriptio uti dubio procul est ex jure civili, ita circa eam illa occurrit difficultas, quod frustra actioni hypothecariæ longius tempus, 40. scilicet annorum, quam actioni personali principali sit præstitutum, cum hac sublata, illa amplius durare nequeat. Et eo fere deveniunt, sublata licet per præscriptionem actione principali, hypothecariam tamen adhuc durare posse, vel ob obligationem naturalem, quæ ibi adhuc subsistit, vid. *STRYK* in not. b. *FIBIG. Coll. leg. disp. 13. qu. 10.* vel etiam ex propria sua, qua constet natura, juxta quam non aliter cesset hypotheca, quam si soluta sit pecunia aut creditori satisfactum, unde & aliis casibus subsistat, extincta licet obligatione principali l. 13. §. 4. l. 27. de pign. l. 9. §. 3. de pign. (pign. Act.) l. 1. 2. C. de luit. pign. l. fin. de duob. reis l. 74. de fideicom. (l. 59. ad Sc. Cr.

Tre-

Trebell.) *l. 38. §. ult. de solut.* ita cum aliis *STRUV. de exerc. 26. §. 40.* Enimvero illa dubium non videntur expedire, nam quod præscriptione quoad actionem principalem interveniente, obligatio naturalis maneat, id quidem maxime dubium imo plane falsum videtur, hinc etiam plerique interpretes fatentur, quod præscriptio ipso jure tollat actiones, *vid. infr. l. 44. tit. 3.* quod si nihilominus pertendas, vinculum naturale subesse, erit tamen tale, quod effectum externum non habeat, sed rectius omnis obligatio naturalis tamdiu negatur, donec dissentientes bonis rationibus eam probaverint, nam ex consensu iudiciorum, lex civilis jura & obligationes penitus tollere potest. Quod autem sublata obligatione principali, hypotheca propriâ suâ naturâ subsistere queat, ceu alterea sententia causabatur, id rationi plane repugnat, hypotheca enim pertinet ad securitatem crediti, nec alio nomine, ejus intuitu, creditori jus competit, jam fac creditorem persequi hypothecam, i. e. desiderare ut nomine crediti sibi exinde satisfiat, ubi tamen nullum creditum amplius subest! hoc vero est, contradictoria simul asserere! Textus in contrarium allegati nihil probant. In *l. 13. §. 4. de pign.* principalis obligatio neutiquam erat sublata, nec enim per sententiam condemnatoriam, sed solutionem illa tollitur, ceu ibidem dicitur. *L. 27. eod.* verbis *singamus nullam*, non dicit, quod sublata obligatione principali, duret hypothecaria, sed saltem, quod *animadversioni & auxilio Prætoris* locus sit, quæ scilicet eò pertineant, ut dominus ob servum oppignortum, inhumanius habitum, puniatur, ut taceam, Ictum non tam certò aliquid ibi asserere, quam solum incidenter aliquod dubium proponere. *L. 9. §. 3.*

*de pign. action.* (hæc enim intelligi videtur) loquitur de eo quod plerumque fit, nempe tamdiu durare pignus, donec creditori satisfactum, sed idem obtinet quoad præscriptionem quæ privatæ satisfactioni merito comparatur in *l. 2. C. de luit. pign.* obligatio personalis non penitus fuit sublata, cum probabiliter ille textus sit intelligendus juxta casum *l. 1. C. eod.* vel ubi ob aliud debitum, aut impensas *vid. l. 8. de pign. act.* retentio pignoris adhuc locum habet, quamvis alii *d. l. 2.* etiam emendent, in eo omnes videntur consentire, quod ad certum casum restringenda sit, *vid. BRUNNEM. ad d. l. 2. ZOES. ad ff. quib. mod. pign. solv. n. 3.* In *l. fin. de duob. reis* nihil habetur, quod huc faciat, nam quod obligatio cotrealis maneat, uno licet ex correis eidem exempto, exinde non sequitur, quod pignus etiam subsistat, actione principali per præscriptionem extincta. In *l. 59. ad SCt. Trebell.* (hæc enim omnino alleganda videtur, cum *l. 47. eod.* ad rem nihil faciat) obligatio principalis revera non est sublata, sed ex otiosa subtilitate saltem extincta videtur, hinc mirum videri non debet, quod pignus etiam manserit. In *l. 38. §. 5. de solut.* obligatio fidejussoria quidem erat extincta, sed tamen obligatio principalis manserat, hinc cum qualitas debitoris & fidejussoris in eodem subiecto concurreret, pignus subsistere potuit, ut taceam *AFRICANUM* in *d. l. 38. §. 5.* falsam sectari hypothesein, quasi confusio fiat, si obligatio accessoria & principalis in eodem persona concurrent, quæ etiam in *l. 93. §. 2. 3. l. 95. §. 3. eod.* reperitur, nam, si rationem & veritatem secteris, nulla subest confusio, sed obligatio fidejussoria, principali in eodem subiecto juncta, revera maquanet qua de re adit, de *Accept.* dicendi locus erit. 2. Jux-

2. Juxta hæc igitur pro certo supponendum putarem, actione principali per præscriptionem sublata, hypothecariam quoque necessario tolli. Quare tollendæ difficultati antea motæ, dicendum videtur, duplicem præscriptionem quoad actionem hypothecariam, ad debitorem hæredesque relatam, occurrere, *indirectam*, quæ extincta obligatione principali, per necessariam consequentiam, hypothecariam quoque tollat, quæque 30. annis absolvatur, nec hoc respectu quicquam mutasse *JUSTINIANUM*, & *directam*, quæ pignus & inde nascentem actionem seorsim perimam, hanc 40. annis esse circumscriptam, cum antea nullum tempus heic esset statutum *l. 7. C. de præscript. 30. vel. 40. ann.* Nam cum pignus duplici modo considerari queat, vel ut *accessio obligationis principalis*, vel ut *jus peculiare*, quod seorsim tolli queat, (obligatione enim principali sublata, pignus quidem subsistere nequit, ast hoc tolli potest, illa salva) hinc merito etiam duplex præscriptio, ejus intuitu, asseritur. *JUSTINIANUM* porro non de omni, sed directa saltem præscriptione agere, dum 40. annorum terminum constituit, ex eo probabile est, quod talis etiam præscriptio alio respectu quoad actionem hypothecariam occurrat, nam extraneo bona fide pignus possidente, longo tempore illa tollitur, actione principali salva. Sed ais, quid vero prodest directa illa & longior præscriptio, quando principalis actio breviori tempore extinguitur, ac per consequentiam accessoria quoque tollitur? Verum licet eo casu usum non habeat, utilis tamen est, si actionem principalem à præscriptione immunem, hypothecariam verò seorsim eidem sub-

jectam

jaetam supponas. Pone te debitum, hypothecâ mun-  
nitum, ante viginti annos solvere debuisse, perpe-  
tuo eo nomine, interpellatus es, adhuc elabuntur o-  
ctodecim anni, deinde eo nomine agitur, hic actio  
principalis propter interpellationem salva est, hy-  
pothecaria vero, quæ per 38. annos præscriptioni  
subfuit (neque enim crediderim, interpellationem,  
intuitu actionis principalis factam, ad hypothecari-  
am etiam porrigi, hoc enim ut statuamus, nulla co-  
git necessitas) adhuc durat, quia tempus, ejus dura-  
tioni præfixum, nondum penitus est elapsum. Sic  
usus præscriptionis directæ satis liquet.

## OBSERV. DCLX.

*In jure retentionis*) Cujus etiam hic est effectus,  
quod præscriptionem ratione debiti principalis im-  
pediat, cum enim pignus non aliam ob causam reti-  
neatur, quam quia alter debet, hinc in retentione,  
perpetua est interpellatio, cum sensus sit: rem tuam  
tibi non reddo eâque te frui haut patior, quia mi-  
hi debes. Ex quo liquet, hypothecæ aliam esse ratio-  
nem, hæc enim cum principali obligatione perit, nisi  
interpellatio accedat, nihil enim hic creditor nisi jus  
habet, hinc si pro eo conservando factum haut susci-  
piat, lapsu temporis idem perimitur, ast in pignore  
retentio est, quæ perpetuæ interpellationis vicem  
subit.

## OBSERV. DCLXI.

*Et potest Creditor pignus retinere etiam ob aliud debi-  
tum*) Accuratè tamen loquendo, debiti hujus intui-  
tu, nullum adest pignus, sed rei, pro alio debito ha-  
ctenus oppignoratæ, nuda retentio in subsidiû con-  
ceditur, cum debitor dolosè agere videatur, quando  
debito omni nondum soluto, rem suam repetere  
vult,

vult, nec adeò Creditori vitio verti queat, si viâ maximè compendiosâ utatur, ac rem debitoris, quam in sua potestate habet, tamdiu retineat, donec suum fuerit consecutus. Oritur igitur retentio non ex pignore, sed communi defensionis jure. Ex eo consequitur, (1.) quod quis in concursu Creditorum, contra creditores alios, jure illo retentionis uti nequeat, sed postquam debitum vi pignoris antiquioris consecutus est rem deinceps potioribus creditoribus relinquere, vel cum æqualibus partiri debeat (2.) quod retentio pignoris, quoad debita chirographaria, præscriptionem neutiquam impediât, cum his enim nullam habet connexionem, adeoque eorum intuitu rationem interpellationis habere nequit, nec obest quod tamen ob hæc debita retineri res oppignorata queat, hoc enim non virtute pignoris, sed ex jure defensionis fieri jam diximus, at præscriptionis impedimentum â pignore est, *vid. BERGER in resolut. b. qu. 3.* De cætero illi assertioni, quod pignus etiam ob chirographarium debitum retineri queat, non obest *l. 11. §. 3. de pign. action.* loquitur enim de exceptione, ubi scilicet Creditor juri retinendi tacite renunciaverat, cum enim utrumque debitum, *sortis & usurarum* sciret, & tamen in alterum saltem pignus acciperet, non immerito retentioni renunciâsse censetur.

## TIT. II.

IN QUIBUS CAUSIS PIGN. VEL  
HYPOTH. TAC. CONTR.

## OBSERV. DCLXII.

**P**ignus tacitum) Totus hic titulus de lege positiva agit, licet enim æquitas nonnullarum personarum  
cau.

causam velut oret, ut ratione rerum suarum securæ reddantur, attamen nisi legis positivæ provisio accederet, pignus aliquod haut haberent. In hac igitur materia juris Romani, post leges tamen patrias, usus omnino admittendus. An vero pignus hoc aut illo casu constitutum sit, tum quis legis sit sensus, id juxta communia ratiocinandi & interpretandi principia investigari debet, nec solent quæstiones debiæ hic penitus cessare.

## OBSERV. DCLXIII.

*Pupillis --- non etiam hæredibus*) Doctrina hæc non adeò liquida est, forte rectius ita dicitur. Jure ff. pupillis tantum competiit privilegium personale ante chirographarios *d. l. 10. §. 1. l. 42* Jure verò Codicis ii acceperunt tacitum pignus *l. 20. C. de admin. tutor.* hinc privilegium illud nullius amplius est usus, Pignus autem etiam hæredibus pupilli competit, ceu recte *CARPZOV. loc. cit.* cui adstipulatur *BRUNNEM. add. l. 20.* quia regulariter jura realia sunt transmissibilia, nec *AUTOR* hic exceptionem probat per *d. l. 10. §. 1. l. 42.* cum de alio plane jure loquantur. Denique in casu speciali, de quo *n. 2. b. t.* vid. *infr. de privileg. Creditor. n. II. 4.* habent pupilli cum hypotheca etiam privilegium prælationis, quod an transitorium dicere vel negare velis, parum referre videtur, cum dominium, quod eodem casu elective habent, in hæredes naturâ suâ omnino transeat.

## OBSERV. DCLXIV.

*Uxori licet putativæ*) In editione recentiori legitur: *vera non etiam putativæ*, quæ correctio quoque in *tit. de Privileg. Credit. n. II. 2.* occurrit, sed forte præter mentem *AUTORIS*, aut certe sine urgente causa,

sa, illa sunt emendata, nam in calu l. 22. §. *fin. solat. matrim.* ut & l. 57. §. 1. *de rit. nupt.* ubi scilicet ex errore facti matrimonium injustum est initum, uxori etiam putativæ jura dotium omninò sunt asserenda, utut, si scienter tale matrimonium contractum sit, eadem negari queant.

OBSERV. DCLXV.

*Pro dotis augmento a die incrementi*) Si mulierem omnibus creditoribus, antiquiorem licet hypothecam expressam vel tacitam, habentibus præferri supponas, quæ videtur esse sententia juris civilis l. 12. §. 1. *C. qui pot. in pign. vid. CARPZ p. 1. C. 28. D. 65.* tum de tempore, à quo hypotheca incipiat, non valde laborandum erit, ast si Creditores antiquiores, expressam hypothecam habentes, ei præferri statuas, quòd in Saxonia Electorali certum, aliàs verò ubique fere receptum est, teste *CARPZOV. d. l.* tum tempus quoad hos esse attendendum, facile liquet. De cætero expresse terminus ille quoad dotis incrementum, in *d. l. 19. C. de donat. ant. nupt. verb. jura etiam hypothecarum* statutus est, hinc in paraphernalibus, si forte successive marito afferantur, ut si uxor per successionem ditior fiat, idem jus observandum videtur. Aliàs, seposita illa dispositione speciali, probabile videri poterat, quòd hypotheca mulieris a tempore contracti matrimonii, quoad omnes præstationes ei faciendas, incipiat, adeo ut licet rebus quibusdam nondum illatis, hypotheca nondum sit, attamen illatione facta, non ab hoc sed contractu potius matrimonii tempore, initium capiat. *vid. STRYK in not. h. ad p. 406.*

OBSERV. DCLXVI.

*Neque propter res in prædium rusticum illatas*) Nec  
ob.



obstat *l. 5. C. locat.* loquitur enim de pignore conventionali, licet aliter eam interpretetur *BRUNNEM. ibid.* nec *l. 5. C. in quib. caus. pign. tac. contrab.* proponitur enim ibi saltem duplex pignoris conventionalis ineundi modus, uel *l. 7. §. 1. b. t.* nam vel de conventionione expressa est accipienda, *vid. PERETZ ad C. in quib. caus. pign. tac. contrab. n. 7.* vel ad prædium urbanum referenda. Cæterum moribus nonnullorum locorum, etiam illata in prædium rusticum, tacite pignori obligantur, ceu ex *MEV. p. 4. D. 127.* commonuit *Dn. STRYKB.*

## TIT. III.

QUÆ RES PIGN. VEL HY-  
POTHEC. DAT. OBLIG.  
NON POSS.

## OBSERV. DCLXVII.

**P**ignus regulariter constituitur in omnibus rebus) Hæc de re ex generalibus alienandi principiis ferè judicandum, hinc spectanda (1.) *potestas*, quæ tum adest, si quis tantum juris, quantum ad pignus alii concedendum requiritur, ac insuper libertatem de eo disponendi habeat, (2.) *voluntas*, hæc quoad pignus speciale non adeo obscura esse poterit, sed si generaliter res oppignorentur, censentur tamen exceptæ *res quotidiani usus* ac in quas singularis cadit affectio, plures tamen occurrere, ac in specie eo pertinere rem venditam, quæ sub generali hypotheca non contineatur, admonuit *Dn. BERGER in resolut. ad t. de A. E. V. qu. 4.* sed de hoc exemplo ineam proposui sententiam *Observ. 569.* dubio procul autem ad istam classem referri

referri debent res, in quibus finis pignoris, securitas scilicet & satisfactio creditoris, non adeo obtineri potest, nam & has à generali hypotheca excipere par est, quorum spectant multa servitutum exempla, de quibus mox paulo explicatius agemus.

## OBSERV. DCLXVIII.

*Corporalibus, incorporalibus*) Hoc tamen non ita accipiendum, quasi duæ distinctæ pignoris sint species, quarum altera in re corporali, altera in incorporali consistat, sed dicendum potius, quod circa quodvis pignus aut hypothecam, res incorporalis & corporalis concurrat, ita scilicet ut illa pignus efficiat, hæc vero hujus juris sit objectum, nam quando ususfructus aut nomen oppignoratur, tum jus in creditorem suo modo transfertur; hinc res usufructuaria vel debita ei oppignorata est, perinde ac, ubi res propria oppignoratur, aliqua velut particula domini in creditorem sub nomine pignoris transfertur, propter quod deinde res ad ipsum, pro crediti securitate, pertinet. Sed hæc in foro non adeo usum habent, ad penitiorem tamen cognitionem pertinent.

2. In specie observandum, quod nomen oppignoratio, quam vocant, nihil aliud sit, quam cessio juris personalis, in securitatem creditori facta, ex quo consequitur, quod pignus hoc casu sit saltem *jus personale*, utut aliàs, si concedens jus reale habuerit, illud etiam tale sit, nam debitor plus juris in creditorem transferre non potuit, quam habuit ipse, hinc etiam personalitas pignoris ex effectu apparet, nec enim creditor à quovis possessore rem vindicat, ut in aliis casibus, sed debitum à debitore cesso exigit. In hoc porro Nominis pignore, non habet locum bene-

*fictum excussionis, nisi utilis hypothecaria moveatur in nomen alii cessum, ceu loquitur HUBERUS in posit. ad ff. de pignor. n. 15.* quæ omnia ex generalibus principiis dependent, ut, nihil singulare hic subsit, quando enim contra debitorem cessum simpliciter agitur, is quidem exceptionem excussionis opponere nequit, quia nullum jus habet, sed saltem debet, nec ejus interest, utri solvat, hinc perinde excussionis exceptio locum hic non invenit, ac illa opponi nequit ab eo, qui rem debitoris, creditori oppignoratam, precario vel ut depositam possidet. Quanda autem nomen oppignorum, alii quoque cessum est, tum ob hujus jus, excussionis exceptio merito locum habet, ne creditor, cum alterius injuria, exeat à debitore cesso, quod à principali consequi poterat, atque hoc pertinet ad eum casum, ubi post oppignorationem alii nomen est cessum, quamvis enim alias prior cessionarius posteriori præferatur, ceu docuit *AUTOR de H. & A. V. lit. C.* hic tamen in creditore id non procedit, ei enim per oppignorationem non absolute nomen cessum est, sed in subsidium saltem aut in illum eventum, si debitor principalis non solverit, quamdiu igitur de hoc nondum constat, cessionarius posterior creditori quoad debitum cessum præfertur. Quod si cessio nominis ante oppignorationem alii jam sit facta, tum creditor nihil omnino juris in eo deinceps consequitur, hinc cessionarius non beneficio Ordinis, sed simpliciter illum repellit.

3. De servitutibus an oppignorari queant, quæritur? Distinguendum est inter *personales & reales*. Ex illis ususfructus cum suo objecto oppignorari utique potest, ut, quamdiu usufructuarius vivit, & suo jure gau-

gaudet, omnes pignoris effectus ad sint, hinc in specie pignus vendi potest, sed resoluto usufructu, nec pignatio, nec pignoris venditio proprietario obest, quod male asseruit *NEGUZANTIUS* referente *ZOESIO* ad ff. b. t. n. 8. Usus autem & Habitatio saltem ad necessitatem pertinent, hinc jus rem alienam oppignorandi, non continent. add. *PERET.* ad C. b. t. n. 11. De servitutibus realibus varie sentiunt, quidam putant, circa hanc rem dissidere l. 11. §. fin. & l. 12. de pignor. quod tamen non est, cum prior de servitutibus constitutis, posterior de constituendis loquatur. Alii lubricum servitutum urbanarum & rusticarum discrimen sectantur, in illis pignus constitui posse negant, in his asserunt. Quidam denique neutras servitutes ipso jure, at commoditates earum ex benigna interpretatione oppignorari posse contendunt. *ZOES* b. t. n. 10. *PERET.* ad C. b. t. n. 10.

4. Sed de eo, an constitutio pignoris fiat ipso jure, vel ex benigna saltem permissione, hodie non valde laborandum videtur. Ce cætero manifestum est, quod ad constitutionem adæquatè intelligendam tres respectus sint distinguendi, vel enim quæritur (1.) an dominus de novo, pignoris causa servitutem in re sua alteri constituere, vel (2.) an is, qui servitutem constitutam habet, eam oppignorare, vel (3.) domino prædii servientis, pignoris nomine, remittere queat? Primum fieri potest, modo sit talis servitus, quæ sine incommodo positivo Creditoris desinere queat, qualis est, servitus itineris, actus, viæ, aquæductus, jus pascendi, imo etiam oneris ferendi, si onus temporarium ac sine incommodo tollendum supponas, nam alias

Creditor haut postulabit, ut sibi v. gr. ædificium alterius parietis, pignoris causa, imponere liceat, quod ipsi deinceps, maximo suo cum incommodo, tollendum sit. Servitus altius non tollendi, huc quoque referri potest, ut alteri, quamdiu debet pecuniam, altius tollere non liceat, nam & hoc Creditori utile esse potest. In tantum autem oppignoratio hic valet, ut etiam servitus, cessante solutione, vicino, cui scilicet utilitatem eandem præbere apta est, vendi queat, *l. 12. de pign.* Juxta secundum respectum, oppignoratio cessabit, nam cui servitus concessa est, is tantum jus habet, ex re aliena utilitatem percipiendi, major potestas ipsi non competit, hinc rem alienam pignori subicere nequit, nisi consensus domini prædii servientis accedat, tum enim oppignoratio etiam ad effectum venditionis fieri potest, procedunt tamen illa omnia saltem inter vicinos, & quoad servitutes, quæ aliis quoque utiles sunt. Denique juxta respectum tertium oppignoratio etiam procedit, nam poterit servitus ad tempus remitti, quo debitor idemque prædii dominantis dominus, spe servitutis recuperandæ, eo promptius solvat, quamvis & hic servitus habilis v. gr. jus pascendi, viæ similisve, supponi debeat, de cætero ad effectum distractionis pignus hic non constitui, facile liquet, ejus tamen loco esse potest impetratio plenæ libertatis, adeo ut cessante solutione, servitus penitus exspiret, ac creditor idemque prædii servientis dominus, ab illo onere penitus liberetur.

## TIT. IV.

QUI POTIOR. IN PIGN. VEL HY-  
POTH. HABENTUR, ET DE HIS,  
QUI IN CREDITORUM  
LOCUM SUCCE-  
DUNT.

## OBSERV. DCLXIX.

**I**nconcurſu Creditorum) Illud naturale, utis, qui po-  
tius jus habet, alteri in concuſſu Creditorum præ-  
feratur, prærogativa autem juris aliquando natura-  
liter acquiritur per conſenſum, aliquando ex lege  
poſitiva dependet, dum illa vel privilegium juri ad-  
dit, vel modum contrahendi definit, id quod magis  
ex ſtatutis locorum, quam jure Romano petendum  
eſt. *add. DECIS. SAXON. 58. 60. BERGER b. in reſolut.*

## TIT. V.

DE DISTRACT. PIGNOR.  
ET HYPOTHEC.

## OBSERV. DCLXX.

**R**es pignolata vendi à debitore) Doctrina hæc non  
ſatis coherere videtur. Tribuit enim *AUTOR*  
(1.) debitori facultatem alienandi, mox tamen (2.)  
cum alienatione furtum & ſtellionatum committe-  
re ait, quod generaliter acceptum priori contrari-  
um eſt, ſi enim facultatem alienandi habet, aliena-  
tione delictum committere nequit. Denique (3.)  
ſubjicit limitationem, quando alienatio ceſſet, quæ  
uti alienationem regulariter licitam iterum arguit,  
ita ad aſſertionem, cui proxime ſubjicitur, non per-  
tinet.

tinet. Clarius, nisi fallor, foret sensus, si ita legatur: *Res pignoratā vendi potest à debitore* --- *salvo tamen jure pignoris* --- *etiam taciti* --- *limita*, nisi pignus accesserit, de non alienando, nam contra hoc alienans debitor nihil agit 7. § *fin. si etiam speciale pignus callide alienet, committit furtum* --- & *stellionatum* &c. ut nimirum regula cum duplici limitatione adsit.

## OBSERV. DCLXXI.

*Hic si speciale pignus alienat, committit furtum*) Hoc generaliter non esse accipiendum, modo admonuimus, nam ipse *AUTOR* facultatem vendendi pignus speciale, sub initium asserit, quæ etiam satis probatur ex l. 12. C. h. t. l. 7. §. *fin. b. t. Nov. 112. C. 1.* ut omnino fallatur *HUBERUS* in posit. ad ff. de pignor. n. 11. quando specialem hypothecam inhibere alienationem censet. Debet igitur doctrina *AUTORIS* accipi de casu speciali, callidæ scilicet alienationis, ubi debitor rem mobilem in incognitum, & non facile conveniendum, fraudandi causa alienat, hoc enim facile colligas ex casu altero, qui in d. l. 19. §. 5. & l. 66. de furt. proponitur, qui enim rem Creditori traditam furripit d. l. 19. §. 6. ac surreptam etiam vendit, d. l. 66. ille dubio procul animum fraudandi habet ac furtum committit, igitur si eodem animo, rem mobilem, speciali pactione tantum obligatam, vendat, furti quoque reus est d. l. 66. Id autem facile liquet, non committi furtum *rei ipsius*, sed saltem *pignoris*, ac videtur illa Romana æstimatio pertinuisse ad actionem furti poenalem dupli vel quadrupli, quæ cum hodie usum non habeat, hinc crediderim, nec æstimationem illam in usu esse, sed factum debitoris, in generali doli nomine subsistere, ac arbitrarie puniri. Illi

autem fluctus in simpulo movent, qui inter *d. l. 66. de furt. & l. 3. §. 1. de crim. stellion.* pugnam esse arbitrantur, nam furtum committitur ratione *Creditoris*, *Stellionatus* intuitu *Emtoris*, qui dissimulato pignore decipitur, prout diversus iste respectus in ipsis textibus indicatur. *add. l. 1. §. fin. de pign. action.*

## OBSERV. DCLXXII.

*Nam contra hoc alienans debitor nihil agit l. 7. §. fin. b.)* De sensu hujus legis acriter disceptasse Bartolum & Baldum, aded ut hic ideo fustigatus sit, ex Gomezio refert *EKHOLT add. ff. b. §. 4.* Et alias notum est, quod multi dubitent, an rationi juris conveniat, ut pacto ejusmodi translatio dominii inhibeat, *vid. STRUV. S. J. C. exercit. 26. §. 38. in fin. HILBER in posit. ad ff. b. n. 11.* sed, si verum fateri licet, dubitatio nimis leguleja est, dum nescio quos conceptus de dominio ac traditione foveant, quid enim alias æquius est, quam ut conventio, jure reali stipata, ad tempus, ob justam causam, dominii translationem impediat, in primis cum in domini arbitrio positum sit, facta solutione se ab hoc onere liberare? *add. Observ. 59. 62.*

## OBSERV. DCLXXIII.

*(A creditore, tanquam procuratore debitoris)* Circa distractionem pignoris, quam creditor facit, tria spectari possunt; (1.) *distrabendi facultas*, hæc oritur vel ex speciali pacto, quo distractio permittitur, quo casu sine ulteriori interpellatione, ex rigore juris quaesiti, ad alienationem procedi potest, vel ex natura conventionis pigneratitia, utique enim, solutione non secuta, pignoris distrabendi facultas, creditori competere debet, quo suum tandem consequatur, opus tamen est ut debitor per interpellationem in mora constituatur, quæ



quæ omnia sunt naturalia, & jure civili saltem confirmata *l. 4. de pign. action.* Quodsi intercesserit *pa-ctum de pignore non alienando*, illud, ob contradictionem, naturaliter, quoad intentionem principalem, quoque est nullum, quia tamen distractionem quodammodo difficiliorem reddit, hinc, ex præscripto juris civilis, trina denunciatio requiritur, *d. l. 4. de pign. act.* (2.) *Modus*, est ille vel *internus*, debet distractio fieri, bona fide, sine læsione debitoris, quod naturaliter etiam requiritur, vel *externus*, & hic vel *privatus*, ad quem testes necessarii videntur, ut facta distractio eo magis possit probari, vel *publicus*, quem leges positivæ definiunt *lit. E. in fin. h.* (3.) *effectus distractionis legitime aut illegitime peracta*, qui explicatur *d. lit. E.* quæ omnia iterum naturalia sunt, cum enim voluntate debitoris, distractio legitima fiat, ideò hic, in casum evictionis, naturaliter ad eam præstandam tenetur. Porro si distractio sit, illegitima, ob *defectum facultatis*, palam est, dominium debitoris manere sal-  
vum, adeoque ei competere vindicationem, ob *defectum autem modi vel bonæ fidei*; tertius inquietari nequit, cum voluntate debitoris rem acceperit, sed læsus debitor, à creditore lædente, interesse petere debet.

## OBSERV. DCLXXIV.

*Est post hanc denunciationem biennium est expectandum*) Hæc sententia utique satis probabilis videtur per *d. l. fin. § 1.* licet enim dissentientes eam, non ad pignoris distractionem, sed dominii impetrationem pertinere contendant, attamen probabilius videtur, quod Imperator, antequam modum impetrandi dominii traderet, in *d. §. 1.* velut præluserit, ac modum distrahendi, quoad casum cessantis conventionis, et-  
iam

iam determinaverit. *vid. FIBIG. Colleg. legal. disp. 9. qu. 10.* Posita vero hac sententia, utique etiam eo casu, quo convenit, ne pignus distraheretur, postertiam denunciationem, biennium erit expectandum, fecus ac præcipit *ALLTOR*, licet enim iste casus in *d. l. fin.* § 1. non exprimatur, attamen ratio jubet, ut hanc ad illum quoque extendamus, ne aliàs sequatur absurdum, ut scilicet distractio magis expedita sit, ubi pactum de non distrahendo accessit, quam ubi nullum interpositum est, cum tamen vel ex mente *l. 4. de pign. action.* tale pactum distractionem debeat reddere difficiliorem, De cætero certum est, quod *d. l. fin.* creditoribus sit satis molesta, hinc optimum fuerit, quoad pignora, distractionem specialiter pacisci, hypothecas verò quod attinet, cum eas possideat debitor, nec iis sine lite abscedat, hinc eo modo distrahendæ erunt, qui circa executiones aliàs obtinet. *vid. CARPZ. p. 1. C. 28. D. 136.*

## TIT. VI.

QUIBUS MODIS PIGNUS VEL  
HYPOTHECA SOL-  
VITUR.

## OBSERV. DCLXXV.

**S***olvitur pignus*) Sicut alia jura consensu constituta, contrario consensu tolluntur, ita quoque pignus, quod hic ostenditur, omnium eorundem modorum ultima ratio est defectus consensus, hinc tota hæc tractatio naturalis est, in explicanda tamen voluntate, lex positiva nonnullas habet partes, sicut etiam discrimen facit inter *solvere ipso jure & ope exceptionis*, quod tamen nullius usus hodie est.

## OBSERV. DCLXXVI.

*Consentiendo --- in pignoris alienationem vel ulteriorem oppignorationem*) Quæstio voluntatis est; Et ex consensu quidem in alienationem; non immerito remissio pignoris colligitur, cum enim emtor rem liberam emere velit, hinc creditor in emtionem consentiendo, jus suum omnino remittit. Ex sola vero scientia & silentio, remissio non recte infertur, tacuit enim Creditor, quia se tutum esse intelligebat, aliquando tamen sola scientia sufficit, ut in *l. 1. 6. 8. C. de remiss. pign. l. 5. C. ad Sctum Vellej. vid. ZOES. h. n. 9. seqq.* qua in re multum tribuendum interpretationi legis positivæ. Quod verò consensum in ulteriorem oppignorationem attinet, in ejus vi explicanda non adeo consentiunt interpretes, quidam enim censent, quod consentiens pignus non plane remittere, sed alteri saltem postponi velit, *vid. ZOES. h. n. 12. 13.* alii verò remissionem ex illo consensu colligunt, quod etiam defendit *Dn. BERGER in resolut. b.* Cæterum sicut voluntas hominum non semper est eadem, ita quæstiones voluntatis, eandem ac perpetuam definitionem non semper admittunt, hinc etiam in præsentī casu variari posse, vel ex *l. 12. §. 4. qui pot. in pign.* constat. Quamobrem, salvo aliorum judicio, distinguendum putem, utrum pignus pluribus sufficiat, nec ne. Primo casu consentientem in ulteriorem oppignorationem, neque pignus neque prærogativam ordinis amittere arbitror, nulla enim cogit necessitas, ut ad talem interpretationem, affectui humano contrariam, delabamur, cum consensus eo potius pertinuerit, ut bonâ Creditoris cum gratiâ, res alteri quoque sit oppignorata, quod si vero ex circumstantiis animus

mus remittendi pignus appareat, tum remissio rectè adstruetur. Secundo autem casu consensus remissionem infert, quando enim omnibus pignus non sufficit, utique consentiens suo jure cessante dicendus est. Videtur tamen ille consensus saltem remissionem inferre quoad Creditores, non debitorem, hinc si hic illos quæsitæ pecunia dimiserit ac pignus liberaverit, tum olim consentienti hoc in dubio adhuc tenebitur, nam animus donandi non temere præsumitur. Atque cum hac doctrina textus juris Remani, per quos vulgo aliter sentiunt ac consensum in ulteriorem oppignorationem, large nimis explicant, facile conciliari possunt. *L. 12. b. 1. de casu posteriore*, ubi pignus omnibus non sufficit, commodè accipi potest. Idem dicendum quoad *L. 9. §. 1. eod.* quamvis ibi peculiaris etiam circumstantia occurrat, nimirum Creditor in ulteriorem oppignorationem consentiens, subscripserat instrumento cautionis cum posteriore Creditore factæ, in quo caverat debitor, *fundum nulli alii* (quam secundo Creditore) *esse obligatum*, talis igitur consensus remissionem utique infert. *L. 12. §. 4. qui potior. in pign.* non obscure quoque casum pignoris utrique non sufficientis, præsupponit, dum quærit an dimisso secundo, pignus primo rursus teneatur, quod si hanc conjecturam non sufficere existimes, nihil vetat, quominus ob rationes antea datas illud etiam hic supponamus, de cætero ibi Jctus existimat, esse quæstionem voluntatis, an pignus primo rursus teneatur, quod uti rectè asseritur, ita nulla additur decisio, in dubio quæstionem esse affirmandam, paulo ante dixi.

## LIB. XXI. TIT. I.

DE ÆDIL. EDICT. ET RED-  
HIBIT. ET QUANT.  
MINOR.

## OBSERV. DCLXXVII.

**H***ujus tituli dua sunt partes*) Ædiles in Ediçtio suo, quo de rebus ad jurisdictionem suam pertinentibus aliquid edixerunt, nihil fere aliud, quam communia juris naturalis decreta proponunt, summa enim eóredit: Contrahendes debere à læsione abstinere, damnum voluntarium invito illatum resarcie, ac fidem servare *lit. O. n. 1, 2, 3.* contra officium negligentes & contumaces, auxilia & acções promiserunt, ut lædens rem vitiosam vel recipere, vel pretium ex parte reddere debeat, verbis: *rescindunt*, quæ adeò acções naturales sunt, si hæc excipias (1.) quod acção redhibitoria magis sit data, quam nata *lit. C.* hoc enim vanum commentum est, quo nec Jurisprudencia, nec negotia humana indigent, (2.) quod eadem acção detur in duplum ob contumaciam *lit. O.* quæ dispositio positiva nunquam est recepta, (3.) quod certo tempore, utraque acção extinguatur, quod hodie usum habet.

## OBSERV. DCLXXVIII.

*Latens, quod ex inspectione cognosci non potest*) Requirita, quæ hic inculcantur, eo pertinent, ut constet, an quis revera, alterius voluntate, invitus læsus sit. *conf. STRYK in not. b.* cum autem harum rerum æstimatio nonnunquam dubia sit, ideo lex positiva certius subinde illa definit. Sic jure Saxonico emtor equi, læsus saltem censetur, eoque nomine Vendito-  
rem

rem habet obstrictum, si (1.) equus sit retrogradus, venis stetig, (2.) latente coecitare labore, staarblind, vel (3.) scabiosus sit, haarschlechtig ist, ita vulgo vid. *CARPZ. d. p. 2. C. 34. D. 17.* sed ultimum ex falsa interpretatione exortum, cum in *Weichbild. art. 97.* non legatur haarschlechtig, sed hartschlegig, adeoque equus pituitosus dubio procul intelligatur, & quis credat scabiem inter vitia equi capitalia referri, cum vel maxime omnium oculis illa sit exposita?

## OBSERV. DCLXXIX.

*Concurrit cum redhibitoria electiva*) Circa quod duo observanda, (1.) actionem æstimatoriam nonnunquam etiam continere redhibitionem *d. l. 25. §. 1. de except. rei jud.* (2.) ob diversa vitia sæpius posse agi æstimatoria *l. 48. §. 7. b. t.* ubi per redhibitoriam, actio æstimatoria intelligi debet, cum enim hæc nonnunquam ad ipsam redhibitionem fuerit extensa, non absurdum erit si dicas, eam redhibitoria nomine quandoque venisse. Non autem (3.) successive locus est his actionibus, ut nempe post æstimatoriam, redhibitoria quoque moveatur, licet nonnullis ita videatur ex *l. 43. §. 6. b. t.* vid. *EKHOLT ad ff. b. n. 9. HUBER in posit. ad ff. b. n. 15.* nam neuti quàm *d. l. 43. §. 6.* docetur, quasi post æstimatoriam, redhibitoria quoque institui queat, sed potius, quod institutâ æstimatoriâ, si, currente processu, vitium rei magis appareat, redhibitio possit obtineri, perinde sicut se res habet in *l. 25. §. 1. de except. rei jud.* breviter: non actionum successio, sed æstimatoria in redhibitoriam degeneratio ibi asseritur, hoc enim facile colligas ex verbis: aliquando mancipium redhiberi debet, licet æstimatoria i. e. quanti minoris agamus; hic enim satis innuitur

tur, quod de peculiari æstimatoriæ effectû saltem sermo sit, item: *licet æstimator a actum fuerit, officio tamen iudicis continebitur, ut reddito mancipio, premium recipiatur*, nimirum dubitari poterat, an institutâ æstimatoriâ, ad hanc condemnationem devenire possit iudex, sed usu fori sententia affirmans obtinuit, alioquin, si, juxta sententiam contrariam, post æstimatoriam, redhibitoriâ agatur, redhibitio non officio iudicis, sed jure actionis obtinebitur. An vero post redhibitoriam inutiliter institutam (nam si finem suum illa obtinuerit, negativa est evidens) æstimatoria adhuc locum inveniet? ita putant nonnulli ex *l. 31. b. t. vid. STRYK in not. b.* sed videtur etiam ibi id saltem dici, quod redhibitoria nonnunquam in æstimatoriam degeneret. Id addo, successioni actionum, si admitteretur, plerumque tamen obstituram esse præscriptionem.

## OBSERV. DCLXXX.

*Quando agitur ex contractu*) Superfunt duæ quæstiones (1.) *an actiones ædilitiæ ab actionibus, ex contractu descendentes, differant?* Vulgo hoc asseritur, nec desunt differentiæ, quæ actiones illas discernant, *vid. HUBER. d. l. n. 10. seqq. EKHOLT d. l.* sed sunt discrimina verbalia & accidentalia, quibus unam eandemque actionem à se ipsa facile distinguas. Ego puto ædilitias actiones esse ipsas actiones ex contractu, quatenus hæ ad emendationem læsionis, etiam levioris tendunt. Ædiles vero, ob favorem commerciorum, durationem earum breviori tempore circumscripsisse, ac pœnam dupli, certo casu adjecisse, atque hinc enatum esse novum nomen actionum ædilitiarum. Ex quibus, in tanto nominum formularumque fo-

forensium strepitu, facile novæ actiones effingi potuerunt ab iis, quibus quasvis captare minutias solenne est. Videntur tamen etiam in foro Romano tandem agnovisse, quod non diversæ res sed nomina saltem heic subsint. *l. 19. §. 2. l. 51. b. 1.* Hodie dubio caret, quod perinde sit, siue actiones velis dicere ædilitias, siue v. gr. emti venditi, quod etiam admonuit *HUBER d. l.* hinc etiam illa sollicitudo, cujus hic *AIITOR* meminit, quaque actionem, qua emtor, re reddita, pretium repetat, *in factum* dixere, hodie supervacua est. (2.) *an actiones ædilitiæ per l. 2. C. de resc. vend. sint sublatae?* De quo dixi *Observ. 340. 570.* alii aliter, *vid. STRYK in not. b.*

## OBSERV. DCLXXXI.

*Altero Edicti capite cautum*) In hoc etiam capite naturale præceptum, quod læsionem prohibet ac damnum restitui jubet, proposuere Ædiles intuitu certi objecti, ac simul poenam aliquam constituerunt in secus facientes, quam tamen haut receptam putem, tum quia in genere poenæ pecuniariæ dupli similesve, ad commodum læsi pertinentes, in foro non observantur, tum quia in specie poena, quæ quoad hominem liberum occisum hic obtinet, rudior videtur, quam ut recipi queat, cum rationi sit consentaneum, culpam heic ante omnia excutere, ac dein pro ratione ejus poenam definire.

## TIT. II.

## DE EVICTIONIBUS ET DUPLÆSTIPULATIONE.

## OBSERV. DCLXXXII.

**E***viccio*) Evictionis *natura & moralitas* ex communibus principiis intelligitur, & nihil fere hic Roma-



Romanis, quam confirmationem, debemus, sicut enim alius ex jure meliori rem evincit, ita is, à quo rem alter accepit, vel ex natura negotii vel speciali pacto evictionem præstare tenetur, quæ omnia naturalia esse, facile liquet.

## OBSERV. DCLXXXIII.

*Vel necessaria, quæ ex juris necessitate præstatur*) Necessitas præstandæ evictionis, quæ ex jure Romano est, hodie cessat, hinc omnis illa res arbitrio contrahentium definitur, & solent quidem varias laudare cautelas, quibus sibi emtor quam optime in casum evictionis prospicere queat, dum nimirum duplum nec non defensionem suis sumptibus faciendam, à venditore sibi promitti, ac hypothecam omnium bonorum judicialiter quoque confirmatam, evictionis nomine, constitui, curare debeat. Verum non tantum considerandum est, quid emtori heic utile sit, sed &, quid venditor sit admissurus; quando igitur emtor rem quærit, venditor in tam molestas sibi condiciones non facile consentiet, hinc fere nulla alia cautio in usu esse solet; quam ut emtor, imminente evictionis periculo, pretium vel partem tamdiu retineat, donec securus hoc nomine reddatur, de quo *CARPZOV. d. p. 2. C. 34. D. 30. seqq.*

## OBSERV. DCLXXXIV.

*Ex natura negotiorum onerosorum*) Natura hæc, necessitatem præstandæ evictionis, facile insinuat, in his enim negotiis uterque contrahentium aliquid dat sub conditione, ut tantundem alter non tantum det, sed & accipiens illud cum effectu habere queat, quod si igitur alius ex meliore jure rem evincat, tum quia alter contrahens obligationi suæ non satisfecit, ad

ad evictionem tenetur, seu æquipollens præstare cogitur. Diverſa ratio eſt negotiorum vere lucrativorum, in illis enim donans rem dat, quo jure quaque conditione illam habuit, quodſi igitur accipiens eam retinere queat, habet de quo ſibi gratuletur, ſi ſecus, affectum magis donantis, quam effectum æſtimabit, hinc evictio in his negotiis ceſſat, niſi ſpecialiter promiſſa, aut dolus intervenierit, aut negotia illa ad oneroſa excedant, aut auctor liberalitatis alienæ, eam non ex voluntate donantis impleverit, que exempla mox *AUTOR* recenſet.

## OBSERV. DCLXXXV.

*Nec valet pactum in contrarium lit. C. n. i.)* Ego illud validum puto, cur enim (1.) juri petendi evictionem quis juxta communia principia, renunciare non poſſet? Si ſpem emere, aut eviſione ſecuta, eo nomine nihil petere à Venditore licet, cur non ab initio, donandi animo, eviſionis præſtatio remitti poſſet, ſane nihil eſt, quod conventionem hanc improbet, neque enim pro dolose elicitæ haberi poteſt, cum nihil ſit, quod emptorem ad faciendam renunciationem alliciat, neque turpis eo nomine dicenda eſt, quod reſpiciat rem alienam, nam conditio rei poteſt contrahentes latere, & ab his in illum eventum pactum iniri, ſi præter intentionem, res aliena eſſe appareat, deinde ſcientia rei alienæ, non ſtatim involvit delictum, de quo mox iterum, denique ſi etiam hoc des, attamen in hac conventionis parte, nulla turpitudinis erit, cum reſpiciat caſum, ubi dominus ſuum evicit ac de præſtationibus contrahentes reſpicientibus ſaltem quaſitio eſt (2.) tacite poteſt eviſionis præſtatio remitti, ergo etiam expreſſe, hoc

lane tamdiu dicendum, donec contrarium probatum; Prius autem patet ex re aliena scienter emta, ubi scientia tacitam remissionem involvit *l. 27. C. de evict. l. 7. C. commun. utriusque judic.* licet *AUTOR* aliter istos textus accipiat, cui tamen mox respondebimus. Exemplum aliud, ab ipso *AUTORE* n. 8. tacite admissum, est in re transactionis causa dimissa, hæc si evincatur, evictio non præstatur non aliam ob causam, quam quod in hoc consensus sit. Hinc (3.) ipse *AUTOR* ad tit. de *A. E. V. lit. O. n. 3. 1.* admittit talem conventionem in verbis: *nisi dixerit: fundum vendo, quo jure quaque conditione est, vel protestatus sit, si opus inopinatum emerferit, se nolle teneri.* Denique (4.) non obstat *l. 11. §. fin. de A. E. V.* per quam hic dissentit *AUTOR*, nam primò *Actorum* nulla est hac in parte autoritas, si in applicatione juris constituti falluntur, libere refelli possunt, *vid. Observ. 655.* Sed non opus est ut jam eo deveniamus, nam secundo non tam ibi *ICtus* aliquid definit, quam potius in utramque partem, quæstionem motam, probabiliter disputat, sed fac, illum aliquid decidisse, hoc saltem contendit, pactum de evictione non præstanda, admittere quæstionem voluntatis, cum enim sub evictionis nomine & *pretium & utilitas.* seu id quod interest, aut *duplum vel similia summa* contineatur, ac in foro Romano, ultimus significatus valde usitatus esset, hinc putat amplius, hunc ultimum famosorem sensum in dubio posse supponi, adeo ut non obstante pacto, pretium tamen emptori sit præstandum, modo dolus abfuerit, nam hic omne pactum elidit. Quod si igitur de largiori voluntate pac. scientium constet, tum ne quidem pretium emptori erit restituendum, quod etiam diserte

docet *CARPZOV. d. p. 2. C. 34. D. 22. v. 6. 7.* quem adeo *AUTOR* in partes frustra vocavit.

## OBSERV. DCLXXXVI.

*Vel emtor sciverit rem esse alienam, nam tum fuit in mala fide*) Falsa est illa ratio aut certe non universalis, *AUTOR* vero illà uti debuit ob falsum præsuppositum, quasi conventio de evictione non præstanda non valeat, quod modo explosimus. Vera igitur ratio dependet à pacto tacito, ideo scilicet, qui rem alienam scienter emit, evictionem petere nequit, quia eam tacite remisit, quod etiam in *d. l. 27. C. b. t. & l. 7. C. comm. utriusque judic.* satis innuitur. Et quis concederet, scientiam, qua quis fundum alienum vel oppignoratatum comparat, quales casus in *d. l.* supponuntur, involvere malam fidem & delictum, adeò ut ab hac ratio negatæ evictionis præstationis dependeat? *add. l. 1. §. 1. in fin. de A. E. V. supra AUTOR. ad d. tit. lit. O. n. 3. 1.* De cætero certum est, quod non quævis scientia consensum involvat, hinc si quis emit rem, sub conditione alteri legatam, ac postea, existente conditione, legatarius rem vindicet, emtor, non obstante scientia, pretium datum repetit, nam res dubie erat aliena, hinc censetur emisit sub spe conditionis non implendæ, adeoque hac, præter spem, impletà jus repetendi pretium sibi reservasse, quorsum pertinet obstat *l. f. §. f. C. comm. de legat.*

## OBSERV. DCLXXXVII.

*In translatione ubi aliquid datum*) Secus si transactionis causa, res controversa saltem sit dimissa. Ratio autem disparitatis non ea est, quam reddit *CARPZ. p. 1. C. 3. D. 26. quod impossibile sit aliquid evinci, uti nihil datum vel translatum sit*, cum in ipsa etiam di-

missione, aliqua datio sit, sed hæc potius quod rei datæ conditio, non adeò sit nota accipienti, hinc à lice non aliter censetur discedere, quam si rem datam cum effectu ei habere liceat, re igitur evicta, evictio præstanda erit. Si verò à lite discedat, modo alter, accepta v. gr. pecunia, rem dimittat ac ipsi relinquat, tum nihil ratione rei dimissæ, utpote sibi satis notæ, exegisse videtur, quare evictio præstanda non erit.

## OBSERV. DCLXXXVIII.

*Aut si individuum legatum, quod scivit testator obligatum esse*) Hæres liberalitatem defuncti hoc casu non rectè exequi videtur, nisi rem legatam liberam præstet, hinc illa, ex causâ pignoris evicta, ad evictionem tenetur. Cæterum de hac voluntatis interpretatione, juxta communia ratiocinandi principia, omnino dubitari poterat, nam si testator sciens rem oppignoratam legat, censetur eam cum illo onere dedisse, hinc hæres nuda præstatione defungi posse videtur, ast si onus ignoret, tum eam ut liberam legasse, adeoque hæredi onus luendi iunxisse videri poterat, hinc ipse etiam JCrus in *d. l. 57. de Legat. 1.* in determinanda voluntate, circumstantias alias considerare jubet, interim tamen in dubio, illa legis civilis interpretatio, sequenda forte erit.

## OBSERV. DCLXXXIX.

*Requiritur igitur lit. R.*) Generaliter dicendo, tum quis ad evictionem obligatur, quando jus promissum in alterum non transtulit, hoc autem factum non esse, colligitur ex iis, quæ traduntur *lit. R. n. 1. 2. 3.* Quod si per malitiam judicis, vel culpa possessoris res evicta sit, evictio non præstanda, quia contrahens sua obligationi satisfecit ac jus transtulit, quod alter deinceps

ceps amisit. Ex quibus autem culpa possessoris colligenda sit, *AUTOR* indicat *lit. d. n. 1. 2. 3.* ubi tamen, quæ de necessitate denunciandi dicuntur, *n. 1.* non adeo absolutè sunt accipienda, ut omiſſa denunciatione, evictionis præſtatio ſimpliciter ceſſet, quod rigidioreſ nonnulli volunt. *vid. HUBER in poſit. h. n. 12.* nam non eſt alius denunciationis ſcopus, quam ut eo medio Autori ſuppeditetur occasio jura ſua deducendi, ac iſ certus reddatur, fore ut totus proceſſus legitimè peragatur, quod ſi itaque ille vel nullum ius habuerit, vel docere nequeat, quod circa proceſſum plus præſtare potuerit, non apparet, cur, omiſſa licet denunciatione, reſreſſus contra eum non ſit concedendus, *vid. CARPZ. p. 1. C. 3. D. 23.* interim ſemper tutius eſt denunciationem facere. *add. BERGER in reſolut. h. qu. 2.*

## OBSERV. DCXC.

*Exceptio eſt in legatis l. 29. §. 3. de Legat. 3.)* Sed nulla ſolida exceptionis ratio afferri poteſt, nam quod hæres ad transferendum rei in genere legatæ dominium obligetur, ex eo nihil, quod huc faciat. elici poteſt, nam nihil amplius ab eo exigitur, quam ut præſumptive dominium transferat, perinde ut venditor illud transferre ſolet, deinde ſac heredem præciſe dominium transferre debere, attamen nullum ejus ſub eſt præjudicium, licet poſt litem conteſtatam fiat denuntiatio, modo adhuc integra ſit deſenſio. Malim igitur dicere, quod nulla exceptio ſit in legatis, nec obſtet *l. 29. §. 3. de Legat. 3.* nam obſervandum, quod JCTus ibidem opponat tempus accipiendi judicii tempori rei actualiter jam evictæ, adeo ut, vi oppoſitionis hujus, hic emergat ſenſus, denunciationem ita eſſe

esse faciendam ante litem contestatam, ut non differatur post tempus rei evictæ, ex qua doctrina comparante, absoluta, ante iudicium acceptum denunciandi, necessitas non sequitur. Videtur autem JCrus temporis iudicii accipiendi idè meminisse, quod probabiliter litigaturi, antequam solenni pacto, juxta morem antiquum, litem contestarentur, plerumque denunciationem fecerint. Quod si ista non placeant, hodie tamen ista l. 29. §. 3. dispositio, ut pote antiquam litis contestationem respiciens, usum non habebit. *add. QRD. PROC. SAXON. tit. 14. §. 1.*

## OBSERV. DCXCI.

*Ha actiones regulariter perpetuae sunt, nec directo longissimo tempore praescribuntur*) Nihil hic singulare subest, quamdiu res non evincitur, tamdiu actio ad evictionem praestandam non nascitur, hinc actioni nondum natæ, juxta communia principia, praescribi nequit. Sed pone rem esse evictam, ac ab hoc tempore 30. annos elapsos, tum actio utique praescriptione erit extincta *vid. STRYK in not. b.*

## TIT. III.

DE EXCEPTIONE REI VENDITÆ  
ET TRADITÆ.

## OBSERV. DCXCII.

**H***æc exceptio*) Ad translationem dominii requiritur in transferente & voluntas transferendi, & jus transferendum, ut autem utrumque eodem tempore adsit, præcise opus non est. Hinc si venditor olim consensum declaraverit remque tradiderit, postea verò dominium demum consequatur, hæc recte conjun-

gi possunt, adeo ut translatio valida sit, & impudens venditor, rem repetiturus, exceptione repelli queat. Imo cum is rem cum effectu transferre promiserit, adeoque de evictione teneatur, si tertius eam auferat, hinc multo magis, si ipse eam evincere velit, exceptione repelli poterit, hinc invaluit regula: *quem de evictione tenet actio, eum agentem multo magis repellit exceptio l. 17. de evict.* Ubi tamen observandum, quod illa saltem procedat in eo, qui utroque respectu se obligavit, nimirum in Autore & eius fidejussore, uterque enim promittit (1.) se rem nolle auferre, & si tertius hoc faciat, se velle (2.) evictionem præstare. Quod si moriantur, tum hæres utriusque obligationem illam recipit, hinc nec ex persona defuncti rem auferre potest, & tertio eum evincente, de evictione tenetur *l. 11. C. de evict.* Ast si hæres ex suo jure & persona rem auferre velit, hoc omnino facere potest, dummodo deinde evictionem præstet *l. fin. C. de evict.* nam ne tertius rem auferret, defunctus nec promisit, nec promittere potuit, sed saltem, in illum eventum, evictionis præstationem pollicitus est, hinc hæres hanc obligationem suscipere potuit salvo jure, quod ceu tertius, habuit. Ex quo etiam liquet diversitas à casu *l. 41. de pign. action.* nam in eo defunctus pure promiserat, pignus creditori relatum iri, hinc dominus succedens, hoc factum

præcise servare tenebatur, **PAULO**

licet dissentiente, *vid. Ob-*

*serv. 655.*



## LIB. XXII. TIT. I.

DE USURIS ET FRUCTIBUS ET  
CAUSIS ET OMNIBUS AC-  
CESSIONIBUS ET  
MORA.

## OBSERV. DCXCIII.

**U***Sura*) Usuram ex rationibus œconomicis inter-  
gentes invaluisse, adeoque ejus indolem, sine  
adminiculo juris Romani, intelligi posse, facile li-  
quet. Illud etiam præcise necessarium non est, ut u-  
sura sit ejusdem generis, cum sorte, licet ut pluri-  
mum ita servari soleat, quemadmodum plerumque  
pecunia numerata, usuræ nomine venit. De tota au-  
tem hac materia legi meretur GERHARDI NOODT  
*Tract. de usur & foen. qui Lugd. Batav. 1698. prodiit.*

## OBSERV. DCXCIV.

*Dividuntur à five*) Nonnulli hanc distinctionem re-  
jiciunt, quia punitoriæ & compensatoriæ coinci-  
dant, lucratoriæ verò moraliter turpes sint, hic vero  
usura, ut indifferens, spectetur, *vid. STRAUCH. exerc.*  
*18. § 13. ibique Thomaf.* Ego non improbo distinc-  
tionem, eamque cum altera sic conjungendam arbi-  
tror; usuræ sunt vel *Lucratoriæ seu mordentes*, vel *com-*  
*pensatoriæ & non mordentes*; hæ sunt vel *compensatoriæ in*  
*specie*, quæ citra considerationem moræ, in utilitatis  
exhibitæ compensationem, vel *punitoriæ*, quæ ob mo-  
ram exiguntur. Ex quibus prima dissentientium ra-  
tio concidit, nec altera valde urget; nam usura et-  
iam illicita, sub generali usura conceptu utique com-  
prehenditur, cum moralitas à natura usurarum sic  
distincta.

## OBSERV. DCXCIV.

*Jus naturale eas permittit, dum observat in contractibus proportionem arithmetica[m] lit. C.)* Posthæ præcipua quæstio est, de moralitate usurarum, quæ juxta leges divinas & humanas expendi potest. Et quidem (1.) de *legē naturali* quæritur, an usuras permittat? quod *AUTOR* recte quidem asserit, sed ratio addita, ex lacunis pauperrimæ philosophiæ peripateticæ desumpta est. Rectius dixeris, jure naturali æquilibrium amoris proprii & proximi sancitum esse, eodemque studium socialitatis esse reciprocum, hinc haut illicitum putari posse, si quis ita proximo inserviat, ut sui ipsius simul habeat rationem, quodsi tamen humanitas exigat, ut pauperi proximo liberalius succurramus, tum usura etiam erit illicita; deinde (2.) de *jure divino revelato*; hoc usuras prohibere videtur, sed id particulare & forense esse, admonet *AUTOR*, quod uberius declarat *PUFENDORF* de *J.N. & G. l. 5. c. 7. §. 9.* tribus præcipue rationibus, à *genio populi judæi, forma Reipublicæ ac temporum istorum conditione* desumptis. Quamvis etiam dici queat, non tam novi quid in s. Scriptura proponi, quam temperamentum potius, quod jus naturale suggerit, ibi confirmari, quod & ipsum *AUTOR* hic submonuit (3.) de *legibus humanis*, hæ usuras utique permittunt, licet sententia juris Canonici non adeo liquida sit *vid. c. 16. Dist. 88.* de quo tamen hodie parum laborandum.

## OBSERV. DCXCV.

*Debentur usurae*) Sicut aliæ res licitæ nonnunquam in necessarias vertuntur, ita etiam ad usuras solvendas, quandoque obligamur, quæ obligatio ex triplici fonte resultat, ut *AUTOR* docet; (1.) ex *conventionē*, ubi

quidem discrimina, quæ introduxerat lex Romana, penitus hodie cessant; (2.) ob *moram*, si alter, nobis invitis, pecunia nobis debita utatur, aut eam saltem retineat, nec in hoc capite, discrimen Romanum contractuum bonæ fidei & stricti juris, observatur; *vid. Observ. 312. add. BERGER b. qu. 1.* (3.) ob *utilitatem* quam alter ex re nostra sentit, licet conventio aut mora absit *vid. Observ. 579. BERGER d. qu. 1.* Ex quibus liquet, quod hac in parte simplici jure naturali utamur.

## OBSERV. DCXCVI.

*Adeo ut in tempus stipulatae, perpetuo debeantur*) Hoc generale non est, sed pertinet ad certum casum, ubi nimirum debitor promiserat, se sortem v. gr. post biennium esse soluturum, creditorque usque ad illud tempus usuras stipulatus erat, tum enim sorte post biennium non soluta, usuræ etiam ultra illud debentur, neque enim tempus *restrictionis*, sed *explicationis* causa adjicitur, ut sensus conventionis sit, *tamdiu præstabis usuras, quamdiu sortem non solveris.* Quod si vero v. gr. ad decennium pecunia credatur, & biennii saltem usuræ conventionem exigantur, tum ultra tempus pacto determinatum, nihil debetur.

## OBSERV. DCXCVII.

*Ratione qualitatis lit. O.)* De qualitate usurarum non valde laborandum est, quia nihil leges hic definiunt, sed id omne à paciscentium voluntate dependet, sed quantitatem, multiplicationem & durationem determinarunt leges positivæ, quo avaritiæ & inhumanitati modum ponerent, addita in transgressores poena, circa quod caput STRYK in not. & BERGER b. qu. 1. 2. pluscula annotarunt, hætenus itaque  
juris

juris Romani aliquis est usus, sed subsidiarius saltem, & non raro leges provinciales ac statutarie ab eodem abeunt. *conf. DECIS. SAXON. 29. 30.*

III OBSERV. DCXCVIII.

*Licet novatio eatenus facta sit*) Sed hoc ineptum videtur, quid enim interest, si ve usuras, facta novatione, forti adjungas, si ve exactas, sub nova obligatione, debitori concedas? hoc autem licet, ergo nec illud illicitum censeretur poterit, aut si hoc putes, facile tamen illa sanctio eludetur! Dicendum erit, ratione summæ, non adeo magnæ, non facile novam & peculiarem obligationem contrahi, sed facilius illam, obligationi jam contractæ, mediante novatione, addi, hinc hoc hætenus recte prohiberi.

OBSERV. DCXCIX.

*Nudo pacto promissa regulariter tantum retineri possunt*) Si quis ultro usuras debitas non solverit, in foro civili actione convenitur, circa quod caput, illa omnia, quæ de nudo pacto, facultate retinendi sola, pacto in continenti adjecto, usuris officio judicis pendendis, actione ex stipulatu *AUTOR* dicit, hodie otiosa sunt, cum non tricas fori Romani sed æquitatem naturalem sequamur. Porro nec id hodie admitterem, quod *extincta actione principali, usurae peti nequeant*, nam istas Romanorum sanctiones, ex veteri processu formulario oriundas, ac ab æquitate naturali abeuntes, in Germaniam receptas esse, probari nequit, nec obstat doctrina & prejudicium *CARPZOVII d. p. 2. C. 30. D. 12.* nam ibi disputatur nimis secure ex hypothesebus juris civilis, cum tamen de hujus valore vel maxime hic quæstio sit, deinde ibi actio ad usuras negatur, non tam ob extinctam actionem principalem, quam

quam ob consensum creditoris, sine protestatione sortem accipientis, quanquam nec hoc admittendum est, quod protestatione opus sit, nam juxta æquitatem naturalem, non conservari, sed saltem, non remitti debet jus petendi usuras.

## OBSERV. DCC.

*Definunt*) De modis, quibus obligatio usurarum extinguatur, ex communibus ferè principiis judicandum. Sola judicis prohibitio, de qua n. 2. in Electoratu Saxoniz ad sistendum usurarum cursum, non sufficit DECIS. 27. quemadmodum etiam induciæ moratoriz eum non inhibent. DECIS. SAXON. 80.

## OBSERV. DCCI.

*Annui redditus differunt ab usuria*) Differentiam subesse quoad modum constituendi, admitti quidem potest in primis si annui redditus ex re aliqua immobili præstandi sint. At si species emolumenti indolem & hinc ortam moralitatem, tum sane inter usuras & annuos redditus nulla solida est differentia, ut facile liqueat, canones, qui usuras improbant & redditus tamen annuos admittunt, fucum fecisse & singularem aliquam probitatem, quam non habent, mentitos esse.

## OBSERV. DCCII.

*Sunt vel pendentes*) Subdivisio fructuum, quam ALLTOR hic exhibet, parum accurata est, nonnullas enim species omittit, ac fructus separatos & perceptos sibi opponit, cum tamen coincident. Magis adæquate igitur sic dici potest: Fructus considerantur (1.) ratione originis; tum sunt vel civiles vel Naturales, & hi vel in specie tales, vel industriales, ceu recte ALLTOR hætenus, (2.) diversæ status, tunc vel existunt & dicuntur Nati, vel non existunt, eorum verò existencia vel

vel *speratur*, qui vocantur *fructus Nascituri*, vel *non speratur*, idque vel *ob fatale infortunium*, & sunt *fructus deperditi*, vel *negligentiam possessoris*, ac audiunt, *Percipiendi*. De Natis porro ita habendum: sunt vel *Pendentes seu stantes*, vel *separati seu percepti*, hi vel *Exstantes* vel *consumti*.

## OBSERV. DCCIII.

*De acquisitione fructuum agitur*) Secundum æquitatem naturalem, quam hodie in primis observari putato, ita distinguendum esse videtur. Vel petimus *rem nostram*, quam alter sine voluntate nostra tenet, tum pro diversitate possessoris scientis vel ignorantis, modo omnes fructus, percepti & percipiendi, modo ex perceptis solum exstantes præstandi sunt, de quo præcipue ad *tit. de R. V.* agitur. Vel *nobis debitam*, ubi interest, an debeatur res ex *contractu oneroso*, & fructus à tempore contractus perfecti, præstandi erunt, dummodo alter à sua quæque parte contractum impleverit, nec in aliquam dilationem consenserit, an *lucrativo*, & nihil à promissore, fructuum nomine, exigendum videtur, cum hoc & incivile & inhumanum sit, nisi forte post litem, non tam contestatam, quam hodie inchoatam *l. 38. §. 7. h.* Ab *executore vero liberalitatis aliena* omnino post moram fructus debentur, *l. 34. h. l. 23. de Legat. 1.*

## OBSERV. DCCIV.

*Mora est injusta rei faciende dilatio*) Circa hanc definitionem, quæ bene se habet, hæc observanda (1.) tum adesse injustam dilationem, si quis ad aliquid faciendum revera sit obligatus & Creditor in dilationem non consentiat, alterum si desit, dilatio non est injusta nec mora committitur; (2.) dilationem debere esse

esse voluntariam, hinc si quis casu impediatur, mora non contrahitur, voluntas autem aliquando est directa & proæretica, dum quis consultò facienda differt, vel indirecta, quando quis per negligentiam vel incuriam, præstationes necessarias omittit. Ex quibus (3.) differentia moræ, & doli ac culpæ, facile explicari potest, nimirum mora est species doli, si ex proæresi, culpæ autem, si per negligentiam contrahatur, ac à cæteris speciebus distinguitur, quod agenda differat.

## OBSERV. DCCV.

*Contrahitur autem vel ex persona debitoris*) Distinctio moræ, quod vel ex *persona* vel *re* oriatur, satis quidem trita est, sed non ita comparata, ut in penitentiorem cognitionem deducat, aut rationem moræ commissæ satis insinuet. Quare solidius res intelligi posse videtur, si ita distinguamus: Vel quis (1.) *obligatur ex delicto* v. gr. furto, tum, quia obligatio certa, & dominus nullatenus in aliquam dilationem consentit, statim à tempore commissi delicti, delinquens in mora est, quam vulgò ex *re* aut *sola legis dispositione* contrahi dicunt *l. fin. de condict. furt.* vid. *lit. g. b.* licet lex positiva hic nihil operetur, sed ex qualitate facti, naturali interpretatione, mora ostendatur. Vel (2.) ex *contractu*, tum interest, an sit *bilateralis* vel *unilateralis*. Illo casu, quia præstationes reciproæ, se se velut conditionem respiciunt, ideò neuter contrahentium injuste præstationem differre dici potest, quamdiu alter suum nondum præstitit, hoc autem facto, alter statim in mora est, nisi forte implens dilationem concedat, tum enim, quamdiu ejus consensus durat, alter moram non committit. *vid. Observ. 380.* Hoc, rursus videndum, an contractus *unilateralis* sit

*onerofus vel gratuitus.* Primo casu, v. gr. in mutuo, liberalitatis alienæ executione, quam hæres facere debet, pretii solutione, quæ emtori, re acceptâ & fide de pretio habitâ, facienda est, denuo considerandum, an *pura aut conditionalis subsit obligatio*, hoc casu debitor moram non comittit, quamdiu à Creditore non interpellatur, censetur enim hic, dum interpellationem omittit & tamen alterius obligationem novit, in dilationem consentire, an *in diem concepta*, tum post lapsum diei, debitor in mora est, adjectione enim diei, satis in antecessum Creditor declarat, quousque in dilationem consentiat, nec obstat *l. 41. §. 1. de V. O.* nam dies adjectus eatenus pro debitore est, ut ante ejus lapsum conveniri nequeat, post lapsum verò est contra eum & illum in mora constituit. Huc pertinet doctrina *AUTORIS lit. H. b.* Observandum autem est, quod aliquando interpellatio, altero etiam casu, ubi obligatio pura vel per existentiam conditionis, purificata est, interpellatio non requiratur, sed debitor, à tempore contracti debiti, in mora statim sit, id quod fit, quoad Creditores, qui vel ob ætatem, aut ignorantiam interpellare non possunt, uti sunt minores, vel ob timiditatem similemve causam non audent, his casibus itidem mora *ex re fieri* dicitur *lit. g. ex l. 3. C. ex quib. caus. in integr. l. 26. §. 1. de fideicom. libert.* Est igitur in illis, *interpellatio præsumta*, quam quidem non sola lex positiva, aut speciatim, Romana facit, sed quæ per rectam rationem, ex voto illarum personarum, adstrui potest. Secundo casu, quando scilicet negotium est gratuitum, debitor regulariter moram non comittit, quia donatarius, ex regulis hu-

ma.



manitatis, in dilationem consentire, & re donata sola contentus esse debet. *vid. l. 22. de donat.*

## OBSERV. DCCVI.

*Mora perpetuat obligationem*) De effectu moræ adeoque officio morosi quod affertur *lit. E.* id omne naturale est, ac ex præcepto de damno resarciendo resultat. In specie mora transfert periculum in debitorem, modo efficax sit, nec res nihilominus fuisset peritura, nam hoc unicum hic considerandum est, de quo dixi *Observ. 560.* Distinctiones, quarum *n. 3. b.* meminit *AUTOR*, nec de jure civili rem expediunt, nec hodie, si omnino illo jure admitterentur, alicujus sunt usus.

## TIT. II.

## DE NAUTICO FOENORE.

## OBSERV. DCCVII.

**F**œnus interdum significat pecuniam sub usuris creditam *l. 3. C. b.*) Sed illa acceptio ex *d. l. 3.* non probatur. Sermo ibi est de pecunia fœnebris, ex quo colligi nequit, quod fœnus sortem seu pecuniam creditam notet, cum potius inde colligendum sit, quod fœnus sit proventus ille, quem pecunia fœnebris ferat. Sic si dicatur *pecunia usuraria*, ex eo malè collegeris, quod usura notet sortem. Alias de vocibus *fœnoris* & *usura* curiosius egit *NOODT tract. de usur. c. 2. 3.* doctrinæ summa eo redit: Verustissimos Autores accessionem, quæ Creditori datur pro usu sortis, non *usuram*, sed *fœnus* appellasse, usuraque nomine non *fœnus*, sed *cujusque rei usum* indicasse, dein loquentium usu obtinuisse, ut *usura* pro *fœnore* acciperetur. In specie contra *SALMASIUM* contendit, quod Veteribus,

bus, *fœnus non fortem, sed fortis factum* præcipue notaverit, etsi obtinuerit sermonis usu, ut etiam pro pecunia fenebri acciperetur. Denique contendit, quod ab eo tempore, quo in bonæ fidei judiciis usuræ ex mora, officio judicis, deberi cœperint, placuerit, ut fœnus dicatur, quoties ex conventionione debeatur, usura verò, siue ex hac, siue officio judicis præstetur, quodque hinc probabile videatur, titulum hunc tam in Codice quam Pandectis, inscriptum esse de *nautico fœnore*, non de *nauticis usuris*, quia fœnus hoc, nunquam officio judicis, sed semper ex conventionione debeatur, *SALMASIO* licet aliam rationem suppeditante. Sed ista fercula Criticis relinquamus!

## OBSERV. DCCVIII.

*Verum ex vera trajectitia*) Id à libertate & usu hominum dependet, quod pecuniam, trans mare vel per alia loca periculosa ferendam, dare queant, ita ut periculum sit creditoris, hinc facile liquet, hæc non juris Romani, sed Gentium esse, aded ut determinationem fœnoris, quam jus civile fecit, hodie quoque excedere liceat. *vid. HUBER in posit. b.* De cætero crediderim, inventis cambiis, rariorem esse fœnoris hujus usum, nam contractus assecurationis, quem nonnulli huc trahunt, à trajectitiæ pecuniæ contractu omnino differt.

## TIT. III.

## DE PROBATIONIBUS ET PRÆSUMTIONIBUS.

## OBSERV. DCCIX.

**P***robatio*) In hac definitione superfluum putem, quod *judici* fides facienda esse perhibeatur, id

Hh

quod

quod *lit. S* repetitur, nam i. genere potius probatio sic fieri debet, ut in foro civili, nemo de ea dubitare queat, & si soli judici fides facienda excluso adversario, contra hunc probatio effectum habere non potest. Nihil juvant istam sententiam *l. 12. de probat. in fin. l. 3. §. 1. 2. de test.* nam utique veritas rei controversæ judici quoque adprobanda est, quod *d. ll.* innuunt, sed quod ad judicem solum sit probatio restringenda, neutiquam docent. Porro vana est ratio, qua utuntur interpretes, probationem nunquam adversario satisfacturam esse, etiamsi solem ipsum, ad ostendendam veritatem, in manibus gereres, sed adversarium semper negare. vid. *MASCARD. de probat. V. 1. qu. 2. n. 24. seq.* nec enim quid neget, sed quid cum ratione neget adversarius, attendendum est. Quod si hoc velint interpretes, soli judici veritatem probatione esse persuadendum, adhuc id otiosum est, quia ad probationem nihil aliud requiritur, quam ut eadem juxta leges vera & sufficiens sit, an de cætero judex hoc credere velit, nec ne, perinde est.

OBSERV. DCCX.

*Dividitur à causa instrumentali*) Probatio duplici respectu distingui potest, (1.) à modo, (2.) effectui. Juxta primum respectum *AUTOR* ejus species summatim indicat, alias in illis plenius recensendis, & ordinandis interpretes non adeo consentiunt; vid. *MASCARD. de probat. V. 1. qu. 4.* si generalius Probationem supponas (nam illo forensi, nonnunquam eam stricte accipi novimus vid. *BERGER in resolut. b*) forte ita dici potest: Probatio peragitur vel *revelatione divina*, quæ extra casum specialis permissionis divinæ, est illicita, ex quo genere est probatio per duellum, ferrum, aquam

aquam &c. seculis superstitionis olim valde usitata, vel *indiciis humanis*, hæc sunt vel *naturalia*, dum vel res ipsa se indicat, vel aliud, quod cum re naturaliter cohæret, hoc præstat, vel *arbitraria*, quæ extrinsecus accedunt ac de rei veritate testantur.

2. Ex *indiciis naturalibus* oritur *probatio artificialis*, quam vocant, ad quam adeo etiam pertinet probatio per *evidentiam facti*, vid. *MASCARD. d. l. qu. 8. per communem opinionem*, hic enim per compendium quasi ratiocinari volumus, per *cruentationem cadaveris* vid. *GLASEN ad Nemes. Coral. art. 33. n. 3.* hæc tamen sæpe in probationem divinatoriam adeoque illicitam degenerat. In genere observandum, varias probationis artificialis denominationes ex *objecto* oriri posse, si tamen ejus *formam* species, in genere recte eadem dici poterit. *Præsumptio* vel *Conjectura* licet hi termini strictius etiam sumantur, ut probationem probabilem solum notent, quod *AUTOR b.* sequitur.

3. Ex *arbitrariis* *indiciis* existit *Probatio inartificialis*, quæ summam fit vel *confessione ejus de cujus præjudicio agitur*, vel *testimonio aliorum*. Sed hæc duplex probanti ratio in varias formas, se amplius componit, ex quo plures species, præcedentibus subordinandæ oriuntur, Nimirum *Testimonium proprium* vel (1.) ore tenus & nude redditur, unde est *confessio* de qua *l. 42. tit. 2.* vel (2.) juratò, hinc *probatio per juramentum assertorium*, de qua *l. 12. tit. 2.* vel (3.) in scriptis, inde existit *probatio per instrumenta*, de qua *tit. seq.* nonnunquam hæc probandi ratio mixta est, ex confessione propria & aliorum testimonio constans, aliquando autem ad ultimam classem pertinet, vel (4.) per cruciatus, hinc *probatio per torturam*, de

qual. 48. tit. 19. uiterius *testimonium aliorum* vel (1.) olim signis quibusdam velut alligatum est, unde oritur *probatio per lapides, arbores similiaque signa*, vel (2.) in scriptis redditur, hinc *probatio per instrumenta* seu *documenta literaria*, vel fit (3.) indefinite & quodammodo confuse, ex quo *probatio per famam*, vel (4.) à personis ad hoc requisitis, hinc *probatio per testes* sit. 5. b.

4. *Notorietas* non est peculiaris probationis species, sed notat potius *prasentiam genuina probationis cujuscunque, siue artificialis siue inartificialis*, hinc notorium nihil aliud est, quam res, cujus veritas, per comitantem quandam probationem ostenditur. Nihil itaque pro Notorio haberi debet, nisi quod legitima probatione stipatur ab eaque sustinetur.

## OBSERV. DCCXI.

*Dividitur ab effectu*) Alteram probationis divisionem generalem *AUTOR* exhibet, eamque fere saltem, intuitu probationis, in processibus usitatæ, quæ nimirum per instrumenta, testes & juramentum fieri solet, considerat. Quando autem probatio plena dicenda sit, nec ne, id à definitione legum tam divinarum, quam humanarum ultimato dependet, de quibus circa Effectum videbimus. Quod verò judicem in casu imperfectæ probationis, de ea legitime supplenda sollicitum esse oporteat, ceu *AUTOR* indicat, id non juris Romani tantum sed & naturalis est, add. *BERGER in resolut. b.*

## OBSERV. DCCXII.

*Requirat probationem jus lit. C.*) Non Romanum saltem, sed idem naturale illud omnibusque gentibus commune, quæ enim gravior esset latio, quam si  
ad

ad alterius nudam instantiam, sine probatione alter condemnatur. Ex eodem etiam æquitatis naturalis principio is probare debet, qui affirmat, aut contra quem est præsumptio, nam ab eo, qui valida nec elisa præsumptione munitur, exigere probationem, altero, qui affirmabat, aut contra quem præsumptio erat, dimitti, id vero læsionem sat aperte involvit.

## OBSERV. DCCXIII.

*Probandum est factum lit. O.*) Omne illud in judicio probandum est, quod comitante aliqua probatione nondum patet, seu notorium non est, quamvis non statim à quovis ejus probatio suscipienda sit. Tale quid est *factum*, non autem regulariter, *lex*, nec obstat *l. s. §. i. b. t.* non enim legem, sed id, quod legis applicatio prærequirit, ac in facto consistit, probandum esse dicitur. Quod si autem lex comitante probatione destituatur, perinde sicut factum probari debet, quod non tantum de consuetudine *lit. O.* sed in genere de omni lege verum est, atque eo pertinet *d. l. s. pr. b.* Poterit autem vel de *existentia* legis, vel de ejus *sensu* dubium esse, utroque respectu probatione opus est, quæ quidem sæpe, in primis ubi de sensu quaeritur, conjecturis peragitur adeoque artificialis est.

## OBSERV. DCCXIV.

*Propositio simpliciter & indeterminate negans, per verum naturam non potest probari*) V. gr. si dicam, *tibi in pradio meo servitus non competit*, hæc assertio, quia sine circumstantiis negat, difficillimæ imò impossibilis est probationis, nam licet omnes constituendi modos remove velis, facile tamen unus potest omitti; præterea specialis ejusmodi modorum remotio, est molestissima, hinc id quod difficile, imo morali æsti-

matione impossibile est, per rerum naturam fieri posse; non immerito negatur, ac ideo alteri probatio imponitur *vid. Observ. 256. 368. add. VINN. sel. quest. l. 2. qu. 12.* Dicis, *probationem negativam posse fieri juramenti delatione vel relatione.* Verum accurate loquendo, ita nihil probatur, sed simpliciter saltem aliquid asseritur vel negatur, cui effato, ob juramenti auctoritatem, deinde creditur, ut hactenus jusjurandum probationibus accenseatur, præterea quando ab aliquo probationem requirimus, tum ei integrum liberumque esse debet, testibus & instrumentis probare, an juramento controversiam definire velit, quæ libertas circa negativam locum non habet.

2. Licet verò simpliciter negans, probare nequeat, inde tamen non sequitur, quod ad quamvis negationem, alteri onus probandi imponendum sit. Ita si dicas; *pecunia mihi non est numerata*, simpliciter quidem negas, at si olim in chirographo numerationem confessus sis, huic confessioni, juxta æquitatem naturalem, meritò statuitur, negatio verò jam facta, vel plane negligitur, si ejus nullæ probabiles appareant rationes, vel de ejus veritate & probatione postea disputatur (positis scilicet istis processibus ambagibus, quæ in judiciis occurrunt, nam si ex æquo & bono controversiæ, inter præsentis sine cunctatione deciderentur, tum illa una serie expedire nil vetaret) ut intempestive omnino, quoad exceptionem non numeratæ pecuniæ, ad regulam illam: *negantis nulla est probatio* provocetur in *l. 10. C. de non num pecun. conf.* *Observ. 316. 317.*

## OBSERV. DCCXV.

*Circa probationem observa modum*) Actus probatio-

tio-

tionis dirigitur partim *prudencia*, hac enim ita eum peragi jubet, ut scopum propositum obtineamus, partim *lege naturali*, quæ probationem sufficientem requirit, si quidem condemnatio sequi debeat, quamvis pro ratione materiæ, id temperari soleat, partim & præcipue quidem *lege humana*, quæ modum & tempus peragendæ probationis determinat, de quo *AUTOR* intuitu probationis strictiori sensu suppositæ, ac in processu ordinario usitatæ, quædam proponit, sed illa rectius ex ordinationibus Processualibus Judiciorum Germanicorum, quam jure Romano petuntur *conf. DECIS. SAXON 4. STRYK & BERGER b.*

## OBSERV. DCCXVI.

*Probationibus Judex credit*) Sicut iudex in casu *probationis imperfectæ*, ex præscripto juris naturalis, de ea supplenda debet esse sollicitus, ceu admonitum *Observ. 711.* ita in casu *probationis perfectæ*, reum condemnare, *nullius*, absolvere, eodem jure jubetur, quod confirmavit jus Romanum *lit E.* Quando autem probatio plena & sufficiens censenda sit, id ultimato fere à determinatione legis humanæ dependet, aliter enim in scientiis, aliter in foro veritas ostenditur, in hoc sane diu nimis dubitationibus indulgere non licet, cum ad actionem aliquam progrediendum sit, hinc sæpe aliquid pro vero & certo haberi debet, de quo, secundum regulas philosophicas, adhuc valde dubitari poterat. Neque tamen à probationibus forensibus communis ratio, eique surrogata lex naturalis, plane exulat. Si enim circa *probationem artificialem* vel nulla vel non valde urgens dubitandi ratio occurrat, tum illa pro vera merito habetur. Quod au-



*probationem inartificialem* attinet, videtur omnino ostendendæ veritati, jure naturali sufficere *confessio contra se ipsum*, dummodo nihil sit, ex quo eam suspicari facere queamus, & nihil intererit, si vè ore tenus quis eam faciat, si vè in scriptis. Sed *confessio contra adversarium* insufficientis est, licet jurata sit, nisi adversarius consentiat, (quod tamen indistincte etiam facere nequit) vel deliquerit, vel pro asserente aliqua militet præsumptio. Porro *testimonium unius*, aut *famam*, nec non *monumenta antiquitate imminuta*, non continere plenam probationem, ratio etiam satis insinuat, duos, verò testes, omni exceptionem majores (quales nunquam esse videntur, nisi etiam juraverint) ad fidem faciendam sufficere, dicitur. Sed illa tamen semper disceptationibus adhuc forent obnoxia, nisi lex positiva accederet, istaque æquitatis decreta firmaret quæ quoque in certis casibus majorem testium numerum licite exigit.

## OBSERV. DCCXVII.

*Præsumptio est probatio*) Præsumptio nihil aliud est, quam ratiocinatio, qua ex circumstantiis aliquid probabiliter, aliquando etiam certo, infertur, ex quo facile liqueat, eam non à Romanis inventam, sed omnibus hominibus communem esse. Id tamen juris positivi est, quando præsumptio ita firmatur, ut eam nullo modo impugnare liceat, ex quo Præsumptio *juris* est, de jure enata est. Ex dictis quoque patet, generalem præsumendi regulam esse: *ea debere præsumi, quæ regulariter rem comitantur*, hoc enim omnis recta ratio præcipit, ex quo specialia *lit. C.* deducuntur. Præsumitur idem, quod probatur *lit. O.* & præsumptio vera est, nisi contrarium ostendatur *lit. E.* quod autem præ-

præsumptionem juris & de jure, contraria Rei confessione elidi putet *AUTOR*, id verum est, si in sui præjudicium Reus confiteatur, quemadmodum etiam hoc adjiciendum videtur, eam tam validam non esse, ut innocentiae probationi contra illam locus non sit, nam leges humanæ divinis repugnare non debent.

## TIT. IV.

DE FIDE INSTRUMENTO-  
RUM ET AMISSIONE  
EORUM.

## OBSERV. DCCXVIII.

**F***ides hic significat opinionem*) Quo illa penitus intelligantur, observandum, quod fides vel accipiat pro re, quæ instrumentis inhæret, vel quam hæc efficiunt, illo respectu fides est *aptitudo ostendendi & suo modo persuadendi veritatem*, hoc vero, juxta definitionem hic allatam, est *opinio, qua quis credit* (vel saltem in foro externo credere debet) *rem ita se habere*. De cætero facile liquet, *Instrumentum* seu *documentum literarium* ejusque diversas species, *Publicum* puta & *Privatum*, *Originale* & *Transsumtum*, non esse juris Romani sed Gentium, nam uti omnes gentes non plane barbaræ, ex rationibus oeconomicis, varias scripturas, securitatis gratia, conficere solent, ita in unaquaque etiam Republica, per leges, ista probandi media, certius definiuntur, hinc hætenus etiam Romana, quæ modum conficiendi instrumenta eorumque valorem determinant, apud nos usum subsidiarium habebunt.

## OBSERV. DCCXIX.

*Notarii sunt persone publicæ*) Sicut unaquæquæ Civitas ea introducere potest, quibus fides rerum gestarum quam optimè adprobari queat, ita in Germania aliisque Rebus publicis Europæis eo fine *Notarii* sunt introducti, qui an cum Tabellionibus juris Romani conveniant, nec ne, quod *AUTOR* attingit, ea historica, & exigui momenti est quæstio. Quicquid igitur de Notariis dicitur, id omne ex principiis naturalibus & germanicis dependet. Ex his generaliter intelligimus *quid* sint Notarii. Porro si de *constitutione* quærat, ex forma Reipublicæ dijudicandum, penes quem *jus constituendi* sit, de quo in Jurisprudentia publica disquiritur. Amplius sicut ex communi ratione patet, ad constitutionem requiri *consensum mutuum & verum, ita constituendi modus ac personarum habilitas* Imperantis voluntate determinatur. Acti constitutionis legitimè peracto, manifestum quoque est, quod Notarius naturaliter *jus* fini constitutionis conveniens, nanciscatur, ac illi etiam conformiter *obligetur*. Uti autem à libertate & Prudentia Notarii maximam partem dependet, quomodo jus & obligationem in actum deducere velit, ita nonnunquam lex positiva *modum exercendi officium, ac rei gesta valorem* specialius determinat, quemadmodum etiam *delinquentem* poena promerita afficit.

## OBSERV. DCCXX.

*Indictio Romana lit. 2.*) In primis quoad instrumenta conficienda, lex positiva officium Notariorum dirigit, dum varia requisita inculcat, inter quæ est etiam *mentio indictmentis Romane*, de qua, fere ex citato *WEHNERO*, nonnulla annotabimus. Sumitur (1.) in-

indictio vel pro *impositione tributi*, vel pro *tempore*, idque dupliciter, vel pro *periodo quindecim annorum*, vel pro *uno anno* ex istis quindecim annis. Censetur autem (2.) *Cyclus indictionalis* tum introductus esse, cum Romani provincias diffitas tenerent, nec ad eò commodè singulis annis tributa inferri possent, juxta quæ, jam ante Christum natum, ejus usus obtinuit, nec tamen hic omnium eadem est sententia, nam *BACHOV d. V. 2. D. 5. tb. 3. c.* ex Onufrio, originem ad *Constantinum* refert, & ad illum quidem annum, quo quasi auspiciis Crucis prælatæ Maxentium fuderat, indictionesq; non esse dictas, ab indictmente tributorum, sed indicatione, quod Constantino, Crucis signo coelitus ostenso, victoria fuisset indicata. Alii censent, *Cyclum indictionalem* ab Augusto, tribus ante Christum natum annis, esse institutum, eo quidem fine, ut subditi remotiores, elapso primo quinquennio, tributum in auro, secundo, in argento, tertio, in ære & ferro, Romam mitterent *vid. WEIGEL in specul. Tempor. c. 6. §. 5.* Initium vero computandi singulas indictiones (3.) fit à *XV. septembris die*, quia messe peractâ, commodius tributa solvi possunt. Sed nec hac in parte omnes consentiunt, nam alii à *XXIV. Septemb.* in computando incipiunt, alii vero à *XXIV. Decemb.* quod etiâ, deficiente consuetudine speciali, sequendum esse existimant, *vid. JAHN in disput. de Notar. habit. Wittenberg. 1647. tb. 45. WEIGELIUS d. l. §. 6.* in Occidente à *XXIV. Sept.* in oriente vero à *I. Sept.* indictiones computari arbitratur. Porro (1.) ideo indictmentum mentio in instrumentis literariis fieri debuit, ne regionem, provinciam vel civitatem aliquâ *Cycli indictionalis quindenarii periodus* lateret, hinc  
 edi-

edictis cautum fuisse perhibetur, ne ullis literis, privilegiis ac instrumentis fides haberetur, quibus numerus indictionum non esset adscriptus, inde factum, ut instrumentis Notariorum quoque indictio inferi juberetur Ord. Imp. 1512. Hac ratione autem (5.) singulæ indictionis investigantur; scilicet earum usum jam ante Christum natum fuisse, & Christum, cum Cyclus indictionalis vel de novo, vel iterum coepisset, tertio ejusdem anno, & sic tertia indictione speciatim accepta fuisse natum, supponitur, Christiani igitur, præcedentium indictionum, si quæ fuerunt, securi, primam assumunt eam, in qua Christus natus est, quia vero hic non sub ejus initium, sed tertio anno seu tertia indictione speciatim accepta, lucem aspexit, ideo ut indictio generaliter pro quindecim annis accepta compleatur, addendi sunt annis Christi, tres anni, hæc summa postea per quindecim (tanquam numerum totius Cycli indictionalis) dividitur v. gr.

$$\begin{array}{r}
 1702 \\
 \underline{\quad 3 \quad} \\
 1705
 \end{array}
 \begin{array}{r}
 (1 \\
 28^o \\
 x 768 \\
 x 888 \\
 x x
 \end{array}
 \begin{array}{r}
 113
 \end{array}$$

hoc facto, *Quotus*, scilicet 113. indicat, *Divisorem*, nempe 15. in Dividendo, scilicet 1705. centies decies & ter contineri, seu Ciclum indictionalem, toties à tempore nativitatis Christi esse revolutum. *Summa* autem *remanens*, nimirum 10. ostendit, Cyclum indictionalem centesimum decimum quartum jam volvi, & in eo annum decimum seu decimam indictionem specialem currere, quod verum est usque ad XV. Septemb.

ptemb. juxta sententiam *AUTORIS*, postea indictio *XI.* incipiet. Illud (6.) facile liquet, indictmentis Romanæ mentionem, ad majorem Instrumentorum fidem nihil omnino conferre, adeoque sine ullo damno posse omitti, imprimis cum vitilitigia circa terminum à quo, oriri queant, ac omnis illa indictmentum ad Notariorum Instrumenta translatio, ex Legistarum, res Romanas & Germanicas confundentium consilio profecta videatur. *conf. DECIS. SAXON. 20.* **OBSERV. DCCXXI.**

*Nam à Magistratu facta preferuntur testibus l. 10. de probat. & à Notario facta idem valent quod testes l. 15. C. b. 1.)* Sic etiam hoc explicat *STRAUCH differt. 24. thes. 22.* sed cum in *d. l. 15. C. b.* nulla Notariorum fiat mentio, imo nostrates Notarii juri Romano plane sint incogniti, hinc illa explicatio parum congrua cense-ri debet. Mihi tota illa doctrina, de prærogativa testium & instrumentorum, in qua varie sentiunt, *vid. MASCARD V. 1. qu. 6.* videtur esse commentum veterum glossatorum, ex textuum nonnullorum captionem exortum, nam si illa (1.) spectentur extra casum collisionis, tum frustra instituitur disceptatio de prærogativa, quia & testes & instrumenta probant, quod, nisi fallor, vult *l. 15. C. b. 1.* si vero (2.) in casu collisionis considerentur, tum, si instrumentum est integrum, testes verò suspecti, vel vice versa, integra probatio suspectæ utrique præfertur, sed ratio dependet ab integritate & suspitione, non à qualitate instrumenti vel testium. Quod si autem (3.) utraque probatio sit integra in se, ut nihil præter contradictionem obstat, tum neutra valebit, sed contradictione vim probandi sibi mutuo illæ adiment, adeo  
ut

ut neque testibus, neque instrumentis fides haberi queat. Non obstat sententiæ nostræ *l. 10. ff. de prob.* fragmentum enim est suo casu destitutum, adeoque nihil impedit, quo minus ad testes suspectos vel alium casum specialem id referamus, *vid. HUBER in poss. de fid. instrum. n. 8.* Nec illud obest, quod in nonnullis casibus probatio per instrumenta præcise fieri debeat *vid. l. 18. C. b d. l. 13. C. de non num. pec. l. 3. C. si min. se maj. dix. l. 25. in fin. ff. de probat.* nam illa particularia sunt, ex quibus generalis aliqua prærogativa malè elicitur.

## OBSERV. DCCXXII.

Unde de jure civili nulla instrumenta paratam habent executionem) Hoc tamen ex *cit. l. 1. 2. C. de execut. rei jud. l. 9. C. de O. & A. l. un. C. de prob. sequestr.* non probatur, cum illæ non de processu executivo sed *in tumultuario*, ubi partibus nondum auditis, nec causæ cognitione prævia, ad executionem procurritur, loquantur, & quis crederet consuetudine germanica talem processum esse introductum, qualis in d. II. delineatur? utur igitur nolim *AUTORI* quoad ipsam thesin contradicere, cum de processu Romano difficulter quid pronunciare liceat, probatio iamen ejus utique incongrua censi debet.

## OBSERV. DCCXXIII.

*Ut & ubique fere instrumenta guarentigiata*) In Saxonia per instrumenta guarentigiata non alia quam liquida, intelligi communiter videntur *vid. CARPZ. Pr. Tit. 1. art. 3. n. 11 seqq.* Illud certum, quod iussus Judicis vel Notarii, in quo *AUTOR* essentiam instrumenti guarentigiari collocat, ad rem nihil faciat, cum ratio processus executivi, ab *evidentia documentorum* dependeat. Recordor, me aliquando ex *ILLUSTRI BO.*

**BORNIO NOSTRO** percepisse, quod illa instrumenta propriè guarentigiata dicantur, quæ quis, simulac confecta sunt, à debitore judicialiter recognoscere faciat, cujus rei ille sit effectus, quod deinceps recognitio mediante processu non sit exigenda, sed statim ad executionem deveniri queat. *add. DECIS. SAXON. 12. 74.*

## OBSERV. DCCXXIV.

*Nisi contra scribentem absque protestatione fuerint producta*) Hoc ex doctrina **CARPZOVII** d. l. frustra totum colligeris, ille enim non docet, quod *productio absque protestatione facta, instrumento in se inhabili, vim probandi conciliet*, sed quod *productio instrumenti habilis, alteri etiam prodest, ut is quoque fatale productionis censetur observasse adeoque instrumento etiam pro se deinceps uti queat*, quæ duo utique differunt. Summa igitur eo redit, (1.) si quis instrumentum simpliciter producat, productio etiam prodest adversario, nisi (2.) hoc absente producentis protestatus sit, tum enim alterum à productionis commode excludit, quod si tamen (3.) adversarius præsens sit, ac productioni adhareat, tum commodum productionis, alterius protestatione, ei auferri nequit.

## OBSERV. DCCXXV.

*Produci possunt de jure civili lit. 2.*) Modus probandi per instrumenta, à lege positiva dependet, cum verò rectius disci ex ordinationibus peculiaribus, quam jure civili, qui vis facile concesserit, In Saxonia Electorali ita fere se res habet; Ante omnia dispiciendum, an instrumenta sint liquida & guarentigiata, nec ne. Illo casu agitur executive ad recognitionem, quam reus vel facere vel jurato instrumentum diffiteri debet,



bet, altero facto, condemnatio aut absolutio sequitur. Hoc verò casu, processu ordinario litis contestatio peti debet, qua secuta, ac probatione per sententiam injuncta, a tempore rei judicatz, intra spatium saxonicum, articuli probatorii cum copiis documentorum eorumque inductione judici offerri debent. Postea in Termino, à Judice ad hoc præfixo, Originalia producuntur, quæ Adversarius vel recognoscere vel jurato diffiteri, debet, sæpe tamen Producens ad juratam diffessionem alterum non admittit, sed testibus vel literarum comparatione, authenticam productorum documentorum tueri satagit, quod in aliis Terminis deinceps peragitur, quæ omnia alibi latius inculcantur.

## OBSERV. DCCXXVI.

*Instrumenta sunt stricti juris*) Quæ de interpretatione, impugnatione & amissione instrumentorum hic dicuntur, illa sunt juris Gentium, seu ex communibus resultant principiis. Quod autem instrumenta stricti juris esse perhibeantur, id non absolute admittendum, nec ex *d. l. 1. C. de probat.* probatur, quemadmodum etiam fundamento caret, quando alii, instrumenta, de bonæ fidei negotiis confecta, late, de stricti vero juris contractibus concinnata, strictè interpretanda esse contendunt, *vid. EKHOLT b. §. 7. n. 5.* dicendum potius; instrumenta sic esse interpretanda, prout consveta interpretandi principia hoc exigunt.

## TIT. V.

## DE TESTIBUS.

## OBSERV. DCCXXVII.

**T***estes*) Probatio per testes, dubio procul à Romanis non inventa, sed omnibus potius gentibus nota

nota & usitata est, Testium porroabilitas & inhabilitas communi quoque ratiocinatione investigatur, quemadmodum etiam necessitas testimonium perhibendi, ex natura imperii civilis resultat. Quia tamen tam habilitatem quam testandi necessitatem certius definit lex positiva, ac in super modum per testes probandi determinat, hinc hæcenus jure Romano, deficientibus legibus propriis, uti possumus.

## OBSERV. DCCXXVIII.

*Citantur sive evocantur*) Quis testes evocare ac examinare queat, id ex statu cujusvis Reipublicæ judicandū, quemadmodum id etiam certum, quod iudex vel ad Partium instantiam, vel exigente utilitate publica, ad testes examinandos jure naturali obligetur. Denique id ex concessionis modo judicandū, an à iudice incompetente quis examinari queat. Distinctio, quam *AUTOR* inter Laicum & Clericum facit, quod ille scilicet volens examinari queat, hic non, haut est certa, nam *CARPZOV. d. l. 3. D. 24.* secure nimis disputat ex jure Canonico, de cuius valore tamen hac in parte non immerito dubitatur, cum hierarchiam papalem præsupponat. Quamobrem putem, tam Laicum quam Clericum à Iudice incompetente volentes posse examinari, adeo ut testimonium ex capite incompetentiæ, nequeat infringi vel elevari, iudicem tamen, qui ista captavit, de turbata jurisdictione posse conveniri. Juxta hæc non opus erit limitatione *AUTORIS*, quod, si periculum sit in mora, à quovis iudice testis examinari queat, circumstantia tamen hæc ipsum excusabit, ne pro jurisdictionis alienæ turbatore haberi queat.

## OBSERV. DCCXXIX.

*Testium habilitas lit. S.)* Quæ de habilitate testium hic *AUTOR* differit, illa omnia eatenus ad legem positivam pertinent, quatenus ab hac, certior determinatio expectari potest, de cætero tamen non ubique res satis certa est, cum non tam jure scripto, quam potius per rationes sæpe habilitatem vel inhabilitatem testium interpretes definire velint, ut variorum opiniones hic non exulent. Forte nonnulla etiam eò pertinent, ut per disputationes super habilitate testis institutas, eò magis lis possit protelari, cum satius videatur, aliquem admittere, ut tamen iudex & partes de testimonii lati valore deinceps judicare queant, quam de eo admittendo vel rejiciendo multis litigare.

## OBSERV. DCCXXX.

*Judex in causa in qua judicavit)* Quoad hunc ita ex *CARPZOVIO* distinguendum; vel *lis adhuc durat*, tum iudex neque habilis est, neque cogi potest, cum simul iudex & testis esse nequeat, vel  *finita est*, tunc interest, utrum *sine jactura existimationis testimonium reddi queat* v. gr. de iis, quæ à partibus in iudicio acta sunt, an *cum dedecore idem sit conjunctum* v. gr. si te iustitiæ sententiæ, vel solennitatibus testamenti, à se facti, testari iudex debeat, illo casu iudex & habilis est, & cogi potest, hoc verò, habilis quidem est, sed cogi nequit, cum grave sit, aliquem ad revelationem propriæ turpitudinis adigere, quod tamen dubio procul consuetam recipit limitationem: *modo veritas aliter haberi queat*. Sed dixeris, quomodo quoad *iustitiæ sententiæ*, testimonium exigere potest, ea enim non *facti*, sed *juris* quæstio est, quæ non ex testium effatis, sed legibus decidenda? Verum leges factum sæpe præ-

præsupponunt, cujus intuitu de testimonio ferendo rectè quæritur, sic si quis sententiam injustam dicat, ideo quod judex fuerit corruptus, aut quod partibus non satis auditis, vel probatione legitime non peracta, eam tulerit, tum ab hoc facto ultimato sententiæ justitia aut injustitia dependet, & tamen ejus intuitu de testimonio quæri potest *add. DECIS. SAXON. 3.*

## OBSERV. DCCXXXI.

*Fratres regulariter admittuntur*) Post alio, etiam dissentit *P E R E Z I U S ad. C. b. n. 8.* argumento ducto à domestico *l. 3. C. b. i.* quod non plane rejiciendum videtur, maxime cum ratio *C A R P Z O V I I d. p. 1. C. 16 D. 53.* qua contraria sententia nititur, quod scilicet suspicio ex affectione oriunda, juramento tollatur, non adeo valida sit, nam affectus naturalis juramento sæpe est fortior, & alias juramentum omnibus prohibitionibus hic adductis opponi posset.

## OBSERV. DCCXXXII.

*Uxor -- -- qua contra maritum testari potest, non tamen cogitur*) Rationes tamen non Adeo validas *C A R P Z O V d. l.* adducit (1.) *durum hoc esse*, ait cum uxor marito reverentiam debeat *l. 14. in fin. sol. matrim.* sed illa reverentia imperio civili est attemperata (2.) *uxorem esse unam carnem cum marito*, verum hæc unitas huc non quadrat, quod vel ipse *C A R P Z O V.* agnoscit, quando maritum, ad testimonium contra uxorem dicendum, cogi posse asserit, nam huic etiam unitas illa opponi poterat! Putarem igitur distinguendum esse, utrum de vitiis nonnullis v. gr. de rixositate, temulentia &c. quæstio sit, an de alio quodam articulo v. gr. de debito, solutione vel aliquo pacto, illo casu conjuges non esse cogendos, si veritas aliter ha-

beri queat, æquum arbitrer, sed hoc nihil obstat, quo minus regulæ de testibus cogendis inhæreamus.

OPSERV. DCCXXXIII.

*Testes coguntur nonnunquam*) Obligatio ad testimonium perhibendum ex regulis Socialitatis utique fuit, quemadmodum ex iisdem principiis testimonium ab hoc vel illo exigere quandoque prohibemur, sed illa vincula, ob varietatem circumstantiarum, nonnunquam laxiora sunt, hinc lex positiva ea certius determinat, ut hoc sensu testimonii obligatio & coactio ei recte adscribatur.

OPSERV. DCCXXXIV.

*Etiā Clerici in causa Laicorum*) Duplex quæstio est (1.) an Clerici cogantur testimonium reddere (2.) an jurare debeant? Utraq; affirmatur, sed tum præcipuè obstat (1.) *auth.* sed iudex *C. de Episcop. & Cler.* verum discrepat illa à suo fonte *Nov. 123. c. 7.* hæc vero non remittit iusjurandum, sed peculiarem saltem iurandi modum, qui scilicet fit tædis Evangeliiis, quæ conjectura juvatur per *c. 7. X. de juram. calumn. add. distinct. 85. c. 1.* (2.) *l. 7. C. de Episcop.* sed hic textus per subjectam authenticam restringitur, præterea agit saltem de Episcopo, à quo ad Clericos in genere, imo in specie ad Superintendentes nostros, quorum quippe dignitas longe inferior, inferre non licet (3.) *l. 25. §. 1. infin. C. eod.* sed verba generaliter posita ad cautionem, de qua ibi est quæstio, restringi debent (4.) *can. 38. qu. 6. caus. 2.* circa quem responsio, *quod loquatur de iudice vel arbitro, ad testimonium non cogendo.* non sufficit, cum addatur clausula generalis: *& nulla ad testimonium dicendum, ecclesiastici cujuslibet persona pulsetur, forte pro cujuslibet legendum: ejuslibet.*

*libet*, ut propositio ad præcedentia referatur. Illud in genere adjicerem, hodie in decidendis hujus generis quæstionibus parum de jure civili & canonico, papatum redolentibus, laborandum esse, cum potius obligatio Clericorum nostratium ex genuinis principis politicis, quæ Protestantes sequuntur, repetenda sit.

## OBSERV. DCCXXXV.

*In suis adibus examinantur*) Quæ hic & in sequentibus positionibus *AUTOR* de modo, per testes probandi, innuit, illa præcipue ex Ordinationibus Judiciorum peculiaribus, non jure civili repetenda esse, facile liquet. In Saxonia ita fere juris est: Postquam sententia, qua probatio injuncta, vires rei judicatae accepit, intra terminum Saxonicum, articuli probatorii cum nominibus Testium & directorio judici debent offerri, qui eos parti adversæ, cum facultate conficiendi interrogatoria, communicat, ac simul terminum Productionis, ei cæterisque quorum interest, intimat. Adveniente Terminò testes producuntur ab actore, reus vero interrogatoria offert, ac si testes admittat, exceptiones tam contra eorum personam, quam testimonium sibi reservat, quo facto testes in præsentia partium, juramento obstringuntur, ac postea sigillatim & secreto à judice examinantur & inde Rotulus conficitur, qui in certo termino, citatis ad hoc partibus, publicatur, postquam publicationem, Partium disputatio sequitur. Sed Reus, Reprobationem peracturus, Publicationem differri curat, donec ipse Reprobationem absolverit, quo facto Probatio & Reprobatio simul publicantur & disputantur. Sed hæc certius efficaciusque tribura fori insinuat.

## TIT. VI.

## DE JURIS ET FACTI IGNORANTIA.

## OBSERV. DCCXXXVI.

**I**gnorantia) Nimis sero nunc demum ignorantia juris & facti explicatur. Cujusvis jurisprudentiæ scopus est, dirigere actiones hominum juxta leges, hinc sub initium de actionibus humanis quædam commemoranda vel præsupponenda sunt, in quem locum etiam pertinet consideratio ignorantia, utpote quæ Menti, velut actionum humanarum principio, nonnunquam obrepere solet. Ex hac autem doctrina generali, omnibusque hominibus communi, deinceps conclusiones speciales eliciendæ ac materiæ propriæ hinc inde applicandæ sunt.

## LIB. XXIII. TIT. I.

## DE SPONSALIBUS.

## OBSERV. DCCXXXVII.

**C**omputatio graduum) Incongruè hæc *AUTOR* præmisit, cum optimè proponi potuerint, quando subiectum vel Sponsaliorum vel Nuptiarum expenditur. Rem ipsam proposui in Specim. Jur. Eccles. l. 4. c. 3: ubi de natura consanguinitatis & affinitatis, de varietate & habitu schematum, quibus illæ repræsentari solent, de generibus affinitatis distinctius pleniusque forte disserui, quam vulgo fieri solet. In primis ostendi, quod sine ratione Jus Civile & Canonicum in computanda cognatione collateralali, diffidere vulgò existimetur, cum illud Collaterales inter se computet, hoc autem eorum à comuni stipite, descensum signet,

signet, quæ perinde sibi non contradicunt, ac ius civile sibi ipsi contrarium non est, quod fratres *daobus gratibus* à se invicem distare, & eos tamen *unum gradum* obtinere dicat *vid. §. ult. 7. de cap. dimin.* quæ loquendi ratio in aliis etiam cognatis sæpe occurrit, cum diversus respectus, contradictionem excludens, nimis sit manifestus, sed cum de hoc plena manu alibi egerim, illa huc transcribere non attinet.

## OBSERV. DCCXXXVIII.

*Sponsalia*) Homines ad genus suum propagandum, ex præscripto juris naturalis obligantur, ita quidem ut futuram propagationem pacto aliquo circumscribere debeant, nam promiscua & pecunia propagandi ratio naturæ hominis rationali & sociali repugnat, id quod leges promulgatæ & secuta hominum praxis satis etiam confirmant. Cum autem propagationis gratiâ, ineunda societas magni sit momenti & indissolubilis, hinc in eam in consulto affectu ruere haut decet, sed potius magna circumspectione hic opus est, hinc actus, quo illa producitur, variis gradibus distingui solet. Occurrunt enim (1.) tractatus præliminaris, die *Anwerbung*, (2.) ejus acceptatio das *Zawort* seu pactum de sponsalibus celebrandis, (3.) sponsalia, seu promissio nuptiarum, & denique (4.) ipsæ nuptiæ, quibus in cohabitationem perpetuam ac statim secuturam consentitur. Posse hos gradus, permittentibus legibus divinis, homines discernere, solere etiam id facere, certum utique est, licet, si talis consuetudo alicubi vigeat, idè opus non sit, ut quoad singula matrimonia, omnes illi gradus præcise discernantur. Quid verò hæc aut illa gens facere fuerit solita vel soleat, id una regula definiri nequit. In spe-



cie de jure Romano, Canonico & moribus nostris disquiritur, de quo aliqua retuli in Specim. Jur. Eccles. l. 4 c. 1. §. 3. seq. Mihi communi sensui obloqui videntur, qui sponsaliorum & nuptiarum discrimen, quoad mores nostros negant, cum enim & discernendi libertas adsit, & actus diversi diversis sub nominibus celebrentur diversosque habeant effectus, quid magis improbabile esse potest, quam idenditatem nihilominus asserere? inprimis definitio *AUTORIS*, sponsalia nostri temporis exactè refert. Interim cum magna sit sententiarum varietas, hinc sæpe fit, ut illi qui discrimen sponsaliorum & nuptiarum rectè adstruunt, tamen in conclusionibus specialibus sibi contradicant, dum eosdem effectus utrinque nonnunquam asserunt, aliquando negant.

## OBSERV. DCCXXXIX.

*Sunt de futuro*) Quoad hanc divisionem variz sunt sententiæ, mihi in d. Specim. Jur. Eccles. d. l. §. 20. eorum placuit opinio, qui per sponsalia de futuro, intelligunt *pactum de sponsalibus*, das *Verwort*, per sponsalia de præsentī, *ipsa sponsalia c. pen. X. de sponsal.* quam si admittas, divisio hæc sub definitione allata non continetur sed expræmittenda est. *vid. STRYK de dissens. sponsal. sect. i. §. 18. seqq.*

## OBSERV. DCCXL.

*Publica*) Hæc divisio sponsaliorum est ex jure humano, cui, pro diverso contrahendi modo, valorem distinguere placuit, hoc supposito, limitationes quas *AUTOR* subjicit, facile defendi possunt, valor enim, quem lex humana regulariter pacto cuidam abjudicat, positis certis circumstantiis ei omnino tribui potest. Interim fatendum, quod sæpe interpretes non  
tam

jure certo, quam lubricis hypothefibus ac rationibus non adeò solidis, talia adſtruant, quo caſu iis nihil dandum, niſi obſervantiâ illa comprobata ſint.

## OBSERV. DCCXLI.

*Hæc quidem non ſunt ipſo jure nulla*) Hoc pro regula ſupponendum videtur. Cum enim teſtes regulariter ad probationem pertineant, ſine hac autem negotium valeat, hinc etiam ſonſalia ſine teſtibus celebrata, tamdiu pro validis habenda ſunt, donec ex ſtatutis contrarium probetur. In Saxonia Electorali res certa eſt & talia ſonſalia clandestina nullius ſunt momenti, *vid. CARPZ. J. E. l. 2. D. 32. ſeqq.* Aliàs diſſentientes non tam probant, quod ſonſalia ejusmodi generaliter improbrata ſint, ſed ſolum, quod ab imperio civili improbari queant, *vid. STRYK de diſſenſ. ſonſalit. ſect. 1. §. 36. ſect. 4. c. 1. §. 29. ſeqq. in not. ad Brunneſman. J. E. l. 2. c. 16. §. 12.*

## OBSERV. DCCXLII.

*Pura ſunt conſenſu ſimplici*) Hæc ergo diviſio, cum prima, qua in ſonſalia de præſenti & de futuro diſtinguuntur, ex ſententia *AUTORIS* coincidunt, cui doctrinæ anſam præbuiſſe cenſetur *LUTHERUS*, *vid. CARPZOV. J. E. l. 2. D. 20. STRYK de diſſenſ. ſonſal. ſect. 1. §. 23.* De cætero illa promiſcua acceptio admitti poteſt, modo ſcriptores ſuæ ſuppotionis ſemper ſint memores, nec ambiguitate vel ſe ipſos vel alios fallant, quod nonnunquam fieri ex collatione doctrinæ, quam *CARPZOV. J. E. l. 2. D. 18. 20. 21. 174.* proponit, intelligi poteſt, *vid. STRYK d. l. §. 33.*

## OBSERV. DCCXLIII.

*Impoſſibilis conditio hic plerumque detrahitur*) Ex-  
li 5 ceprio

ceptio est in conditionibus turpibus, quæ matrimonii substantiæ repugnant, hæ enim vitiant potestatem matrimoniale, *d. c. fin. X. de condit. appof.* de cætero sanctio illa juris Canonici absurda ac rejicienda nonnullis videtur, cum enim conditio impossibilis faciat orationem negativam juxta interpretationem naturalem, detractio conditionis, invitos in societatem conjugalem cogit, *vid. BRUNNEM. J. E. l. 2. c. 16. §. 14. ibique STRYK THOMAS. dissert. de valid. conjug. invit. Parent. contract. §. 8. STRYK de dissens. sponsal. sect. 2. §. 21. 22. 23. sect. 4. c. 1. §. 18. seqq.*

## OBSERV. DCCXLIV.

*Fiunt consensu sponsalicio lit. C.)* Hoc caput plenius representavi in specim. Jur. Eccles. d. l. 4. c. 1. §. 23. seqq. ex doctrina CARPZOVII *J. E. l. 2. D. 17. seqq. & STRYKII de dissens. spons. sect. 1.* ubi de metu, dolo, errore, jocosâ & inconsulta promissione, de Parentum consensu ac testium necessitate fuit actum, quæ huc transcribere non attinet.

## OBSERV. DCCXLV.

*Facilioris probationis gratiâ accedunt arrhe)* Hæ non tantum sponsæ dantur, quod *AUTOR* alique volunt, *vid. STRYK ad Brunnem. J. E. l. 2. c. 16. §. 4. sed & sponso.* Quod vero acquisitionem vel amissionem arrharum attinet, hodie diversi casus sunt distinguendi. Si (1.) *matrimonium sequatur*, tum pars utraque arrhas retinet, nec admittenda est eorum sententia, qui eas ad eum redire volunt, à quo profectæ erant. Si (2.) *non sequatur ob mortem alterius*, tum hodie idem obtinet quod in casu præcedente, adeo ut promissæ arrhæ à defuncti hæredibus quoque exigantur, hinc hætenus *l. 3. C. h. t.* quam *AUTOR* allegat,

gat, hodie non obtinet. *vid. STRYK d. l.* ubi præjudicio hoc confirmat. Si vero (3.) *nuptiæ non sequantur i-  
deo, quod sponsalia sint ob metum, dolum vel consensus  
Parentum defectum nulla, aut ob causam supervenientem,  
ut homicidium, morbum &c. solvantur, vid. Specim. Jur  
Eccles. d. c. i. §. 40. 41. 42.* tum arrhæ ab utraque par-  
te sunt restituendæ, *vid. CARPZOV. J. E. l. 2. D. 51.  
STRYK de dissens. sponsal. sect. 4 c. 5. §. 10.* Idem dicen-  
dum esset, si (5.) *mutuo dissensu à sponsalibus recedatur,*  
admissa scilicet eorum sententia, qui hoc modo  
sponsalia solvi posse censent, de qua postea videbim⁹.  
Quod si denique (6.) *matrimonium non sequatur culpa  
unius,* ut si v. gr. sponsus matrimonium cum alia ine-  
at, aut ob implacabile odium, sponsæ jungi nolit,  
tūc nocens pars arrhas perdit, hinc innocens acce-  
ptas retinet & datas recuperat, *vid. STRYK d. sect. 4.  
c. 5. §. 10.* sed in Saxonia Electorali nocentis arrhæ  
consistorio cedunt, *CARPZOV. J. E. l. 2. D. 64.* quod  
speciale est.

2. An poena sponsalibus adjici queat, quæritur?  
Negant hoc communiter, ita tamen ut salvis sponsa-  
libus, obligatio poenalis saltem sit nulla *vid. BRUN-  
NEM. J. E. l. 2. c. 16. §. 4. ibique Strykin not.* Verum in  
illum eventum cum effectu poena promitti potest,  
ut, sponsalibus unius culpā non procedentibus, pars  
læsa poenam, loco ejus quod interest, exigat *vid. Spe-  
cim. Jur. Eccles. d. c. i. §. 31. STRYK. de dissens. spons.  
sect. 1. §. 13. 14.* De cætero cum mentio poenæ, sit clau-  
sula mali ominis, non temere eam sponsalibus adje-  
ctum iri putem.

## OBSERV. DCCXLVI.

*Aliud est sponsalitia largitas*) Eam tamen ab arrhis,  
quoad

quoad *jus acquisitionis & amissionis*, non differre, omnino arbitror, hinc quæ *AUTOR* de interventu Osculi dicit, hodie non obtinere, è contrario quæ de arrhis *Observ. prac.* dixi, hic etiam observanda esse existimo. Sane *CARPZOV.* qui observantias matrimoniales satis aliàs annotare solet, de discrimine arrharum & sponsalitiæ largitatis, quoad effectum juris, nihil, quod sciam, ullibi commemorat. Contra illa *J. E. l. 2. D. 51. n. 15.* conjungi videntur in verbis: *So wird angeregte Zusage der Ehe, vor heimlich und unbündig billig erkannt, derowegen sie einander die Ringe und andere Geschenke wieder auszuantworten pflichtig.* Sed de hoc rerum forensium periti amplius viderint.

## OBSERV. DCCXLVII.

*Nuptias regulariter contrahunt*) De personis nuptias aut sponsalia inituris non operosa est disquisitio. Requiritur in iis (1.) *facultas consentiendi*, vid. *CARPZOV. J. E. l. 2. D. 26.* quod requisitum pacta matrimonialia cum aliis pactis commune habent; (2.) *facultas generandi*, si non actualis, saltem potentialis; (3.) *facultas moralis*, quæ regulariter adesse censetur, hinc restrictio probanda, de cætero eam faciunt aliquando leges divinæ, aliquando humanæ. Quæ de objecto sponsaliorum dicuntur *lit. O.* recte se habent, nam sponsalia, quicquid etiam alii dissentiant, nihil aliud sunt, quam pactum de nuptiis.

## OBSERV. DCCXLVIII.

*Sponsalia producunt obligationem ad matrimonium implendum*) De obligatione sponsaliorum ex communibus pactorum principiis judicari debet, hinc ab obligatione semel legitime constituta, alter, altero invito,

vito, se liberare nequit, sed potius juxta mensuram dati consensus, eam implere tenetur, mutuo verò dissensu vinculum illud tolli potest, modo res in terminis consensus sponsalitii subsisterit, interim contraria sententia vulgo invaluit, de qua mox iterum videbimus. Quodsi sponsalia sint de futuro seu conditionata, tum ab eventu conditionis eorum valor dependet, interim partes poenitere nequeunt, quod *CARPZOV d. l. 2. D. 21.* recte quidem contra alios defendit, sed eum sibi parum constare, liquet ex *l. 5. R. 109. n. 5.* sponsalia autem ab impuberibus contracta, non tam sponsalia, quam potius pacta, de sponsalibus post pubertatem, si ita paciscentibus placeat, ineundis, sunt, hinc etiam juxta modum hunc saltem obligant, *vid. BRUNNEM. j. E. l. 2. c. 16. §. 11. ibique Sryk. SPECKH. Centur. 3. Cl. 1. qu. 6. STRYK de dissens. spons. sect. 4. c. 1. §. 12. 13. add. Specim. Jur. Eccles. l. 4. c. 1. §. 28. 29. 32. 33. 34.*

## OBSERV. DCCXLIX.

*Plura sponsalia contrahere*) De concursu & prærogativa plurium sponsaliorum, ut & de satisfactione parti læsæ præstanda, distinctius pleniusque paululum egi in Specim. Jur. Eccles. *d. l. §. 49. seqq.* adductis Autoribus, amplius ea illustrantibus, quæ huc transcribere non opus. In genere saltem observandum, quod assertiones *AUTORI* hic probatæ, facile defendi queant, si præsupponas, quod sponsaliorum valor unicè à voluntate paciscentium & lege humana dependeat.

## OBSERV. DCCL.

*Solventur lit. C.)* De contrariis sponsaliorum ita plenius dicendum; Vel *sponsalia nulla declarantur* vel,

beri queat, æquum arbitrer, sed hoc nihil obstat, quo minus regulæ de testibus cogendis inhæreamus.

## OBSERV. DCCXXXIII.

*Testes coguntur nonnunquam*) Obligatio ad testimonium perhibendum ex regulis Socialitatis utique fluit, quemadmodum ex iisdem principiis testimonium ab hoc vel illo exigere quandoque prohibemur, sed illa vincula, ob varietatem circumstantiarum, nonnunquam laxiora sunt, hinc lex positiva ea certius determinat, ut hoc sensu testimonii obligatio & coactio ei recte adscribatur.

## OBSERV. DCCXXXIV.

*Etiā Clerici in causa Laicorum*) Duplex quæstio est (1.) an Clerici cogantur testimonium reddere (2.) an jurare debeant? Utraq; affirmatur, sed tum præcipue obstat (1.) *auth.* sed iudex *C. de Episcop. & Cler.* verum discrepat illa à suo fonte *Nov. 123. c. 7.* hæc vero non remittit iusjurandum, sed peculiarem saltem iurandi modum, qui scilicet fit tactis Evangeliiis, quæ conjectura juvatur per *c. 7. X. de juram. calumn. add. distinct. 85. c. 1.* (2.) *l. 7. C. de Episcop.* sed hic textus per subjectam authenticam restringitur, præterea agit saltem de Episcopo, à quo ad Clericos in genere, imo in specie ad Superintendentes nostros, quorum quippe dignitas longè inferior, inferre non licet (3.) *l. 25. §. 1. infin. C. eod.* sed verba generaliter posita ad cautionem, de qua ibi est quæstio, restringi debent (4.) *can. 38. qu. 6. caus. 2.* circa quem responsio, quod loquatur de iudice vel arbitro, ad testimonium non cogendo, non sufficit, cum addatur clausula generalis: *& nulla ad testimonium dicendum, ecclesiastici cujuslibet persona pulsetur*, forte pro *cujuslibet* legendum: *cujuslibet*.

*libet*, ut propositio ad præcedentia referatur. Illud in genere adjicerem, hodie in decidendis hujus generis quæstionibus parum de jure civili & canonico, papatum redolentibus, laborandum esse, cum potius obligatio Clericorum nostratium ex genuinis principis politicis, quæ Protestantes sequuntur, repetenda sit. OBSERV. DCCXXXV.

*In suis adibus examinantur*) Quæ hic & in sequentibus positionibus *AUTOR* de modo, per testes probandi, innuit, illa præcipue ex Ordinationibus Judiciorum peculiaribus, non jure civili repetenda esse, facile liquet. In Saxonia ita fere juris est: Postquam sententia, qua probatio injuncta, vires rei judicatz accepit, intra terminum Saxonicum, articuli probatorii cum nominibus Testium & directorio judici debent offerri, qui eos parti adversæ, cum facultate conficiendi interrogatoria, communicat, ac simul terminum Productionis, ei cæterisque quorum interest, intimat. Adveniente Terminò testes producuntur ab auctore, reus vero interrogatoria offert, ac si testes admittat, exceptiones tam contra eorum personam, quam testimonium sibi reservat, quo facto testes in præsentia partium, juramento obstringuntur, ac postea sigillatim & secreto à judice examinantur & inde Rotulus conficitur, qui in certo termino, citatis ad hoc partibus, publicatur, postquam publicationem, Partium disputatio sequitur. Sed Reus, Reprobationem peracturus, Publicationem differri curat, donec ipse Reprobationem absolverit, quo facto Probatio & Reprobatio simul publicantur & disputantur. Sed hæc certius efficaciusque tritura fori insinuat.



## TIT. VI.

## DE JURIS ET FACTI IGNORANTIA.

## OBSERV. DCCXXXVI.

**I**gnorantia) Nimis sero nunc demum ignorantia juris & facti explicatur. Cujusvis jurisprudentiæ scopus est, dirigere actiones hominum juxta leges, hinc sub initium de actionibus humanis quædam commemoranda vel præsupponenda sunt, in quem locum etiam pertinet consideratio ignorantia, utpote quæ Menti, velut actionum humanarum principio, nonnunquam obrepere solet. Ex hac autem doctrina generali, omnibusque hominibus communi, deinceps conclusiones speciales eliciendæ ac materiæ propriæ hinc inde applicandæ sunt.

## LIB. XXIII. TIT. I.

## DE SPONSALIBUS.

## OBSERV. DCCXXXVII.

**C**omputatio graduum) Incongruè hæc *AUTOR* præmisit, cum optimè proponi potuerint, quando subiectum vel Sponsaliorum vel Nuptiarum expenditur. Rem ipsam proposui in Specim. Jur. Eccles. l. 4. c. 3: ubi de natura consanguinitatis & affinitatis, de varietate & habitu schematum, quibus illæ repræsentari solent, de generibus affinitatis distinctius pleniusque forte disserui, quam vulgo fieri solet. In primis ostendi, quod sine ratione Jus Civile & Canonicum in computanda cognatione collateralali, dissidere vulgò existimetur, cum illud Collaterales inter se computet, hoc autem eorum à comuni stipite, descensum signet,

signet, quæ perinde sibi non contradicunt, ac ius civile sibi ipsi contrarium non est, quod fratres *duobus gratibus* à se invicem distare, & eos tamen *unum gradum* obtinere dicat *vid. §. ult. 7. de cap. dimin.* quæ loquendi ratio in aliis etiam cognatis sæpe occurrit, cum diversus respectus, contradictionem excludens, nimis sit manifestus, sed cum de hoc plena manu alibi egerim, illa huc transferbere non attinet.

## OBSERV. DCCXXXVIII.

*Sponsalia*) Homines ad genus suum propagandum, ex præscripto juris naturalis obligantur, ita quidem ut futuram propagationem pacto aliquo circumscribere debeant, nam promiscua & pecunia propagandi ratio naturæ hominis rationali & sociali repugnat, id quod leges promulgatæ & secuta hominum praxis satis etiam confirmant. Cum autem propagationis gratiâ, ineunda societas magni sit momenti & indissolubilis, hinc in eam in consulto affectu ruere haut decet, sed potius magna circumspeditione hic opus est, hinc actus, quo illa producitur, variis gradibus distingui solet. Occurrunt enim (1.) tractatus præliminaris, die Anwerbung, (2.) ejus acceptatio das Jawort seu pactum de sponsalibus celebrandis, (3.) sponsalia, seu promissio nuptiarum, & denique (4.) ipsæ nuptiæ, quibus in cohabitationem perpetuam ac statim secuturam consentitur. Posse hos gradus, permittentibus legibus divinis, homines discernere, solere etiam id facere, certum utique est, licet, si talis consuetudo alicubi vigeat, idcirco opus non sit, ut quoad singula matrimonia, omnes illi gradus præcise discernantur. Quid verò hæc aut illa gens facere fuerit solita vel soleat, id una regula definiri nequit. In spe-

cie de jure Romano, Canonico & moribus nostris disquiritur, de quo aliqua retuli in Specim. Jur. Eccles. l. 4. c. 1. §. 3. seq. Mihi communi sensui obloqui videntur, qui sponsaliorum & nuptiarum discrimen, quoad mores nostros negant, cum enim & discernendi libertas adsit, & actus diversi diversis sub nominibus celebrentur diversosque habeant effectus, quid magis improbabile esse potest, quam idenditatem nihilominus asserere? inprimis definitio *AUTORIS*, sponsalia nostri temporis exactè refert. Interim cum magna sit sententiarum varietas, hinc sæpe fit, ut illi qui discrimen sponsaliorum & nuptiarum recte adstruunt, tamen in conclusionibus specialibus sibi contradicant, dum eosdem effectus utrinque nonnunquam asserunt, aliquando negant.

OBSERV. DCCXXXIX.

*Sunt de futuro*) Quoad hanc divisionem variz sunt sententiæ, mihi in d. Specim. Jur. Eccles. d. l. §. 20. eorum placuit opinio, qui per sponsalia de futuro, intelligunt *pactum de sponsalibus*, das *Verwort*, per sponsalia de præsentī, *ipsa sponsalia c. pen. X. de sponsal.* quam si admittas, divisio hæc sub definitione allata non continetur sed ei præmittenda est. *vid. STRYK de dissens. sponsal. sect. 1. §. 18. seqq.*

OBSERV. DCCXL.

*Publica*) Hæc divisio sponsaliorum est ex jure humano, cui, pro diverso contrahendi modo, valorem distinguere placuit, hoc supposito, limitationes quas *AUTOR* subicit, facile defendi possunt, valor enim, quem lex humana regulariter pacto cuidam abjudicat, positis certis circumstantiis ei omnino tribui potest. Interim fatendum, quod sæpe interpretes non  
tam

jure certo, quam lubricis hypothefibus ac rationibus non adeò solidis, talia adſtruant, quo caſu iis nihil dandum, niſi obſervantiâ illa comprobata ſint.

## OBSERV. DCCXLI.

*Hac quidem non ſunt ipſo jure nulla*) Hoc pro regula ſupponendum videtur. Cum enim teſtes regulariter ad probationem pertineant, ſine hac autem negotium valeat, hinc etiam ſonſalia ſine teſtibus celebrata, tamdiu pro validis habenda ſunt, donec ex ſtatutis contrarium probetur. In Saxonia Electorali res certa eſt & talia ſonſalia clandestina nullius ſunt momenti. *vid. CARPZ. J. E. l. 2. D. 32. ſeqq.* Aliàs diſſentientes non tam probant, quod ſonſalia ejusmodi generaliter improbrata ſint, ſed ſolum, quod ab imperio civili improbari queant. *vid. STRYK de diſſenſ. ſonſalit. ſect. 1. §. 36. ſect. 4. c. 1. §. 29. ſeqq. in not. ad Brunneman. J. E. l. 2. c. 16. §. 12.*

## OBSERV. DCCXLII.

*Pura ſunt conſenſu ſimplici*) Hac ergo diviſio, cum prima, qua in ſonſalia de præſenti & de futuro diſtinguuntur, ex ſententia *AUTORIS* coincidunt, cui doctrinæ anſam præbuiſſe cenſetur *LUTHERUS*, *vid. CARPZOV. J. E. l. 2. D. 20. STRYK de diſſenſ. ſonſal. ſect. 1. §. 23.* De cætero illa promiſcua acceptio admitti poteſt, modo ſcriptores ſuæ ſuppotionis ſemper ſint memores, nec ambiguitate vel ſe ipſos vel alios fallant, quod nonnunquam fieri ex collatione doctrinæ, quam *CARPZOV. J. E. l. 2. D. 18. 20. 21. 174.* proponit, intelligi poteſt, *vid. STRYK d. l. §. 33.*

## OBSERV. DCCXLIII.

*Impoſſibilis conditio hic plerumque detrahitur*) Ex-  
li 5 ceptio

ceptio est in conditionibus turpibus, quæ matrimonii substantiæ repugnant, hæ enim vitiant potum matrimoniale, *d. c. fin. X. de condit. appos.* de cætero sanctio illa juris Canonici absurda ac rejicienda nonnullis videtur, cum enim conditio impossibilis faciat orationem negativam juxta interpretationem naturalem, detractio conditionis, invitos in societatem conjugalem cogit, *vid. BRUNNEM. J. E. l. 2. c. 16. §. 14. ibique STRYK THOMAS. dissert. de valid. conjug. invit. Parent. contract. §. 8. STRYK de dissens. sponsal. sect. 2. §. 21. 22. 23. sect. 4. c. 1. §. 18. seqq.*

## OBSERV. DCCXLIV.

*Fiunt consensu sponsalicio lit. C.)* Hoc caput plenius representavi in specim. Jur. Eccles. d. l. 4 c. 1 §. 23. seqq. ex doctrina CARPZOVII *J. E. l. 2. D. 17. seqq. & STRYKII de dissens. spons. sect. 1.* ubi de metu, dolo, errore, jocosâ & inconsulta promissione, de Parentum consensu ac testium necessitate fuit actum, quæ huc transcribere non attinet.

## OBSERV. DCCXLV.

*Facilioris probationis gratiâ accedunt arrhe)* Hæ non tantum sponsæ dantur, quod *AUTOR* alique volunt, *vid. STRYK ad Brunnem. J. E. l. 2. c. 16. §. 4. sed & sponso.* Quod vero acquisitionem vel amissionem arrharum attinet, hodie diversi casus sunt distinguendi. Si (1.) *matrimonium sequatur*, tum pars utraque arrhas retinet, nec admittenda est eorum sententia, qui eas ad eum redire volunt, à quo profectæ erant. Si (2.) *non sequatur ob mortem alterius*, tum hodie idem obtinet quod in casu præcedente, adeo ut promissæ arrhæ à defuncti hæredibus quoque exigiqueant, hinc hætenus *l. 3. C. h. t.* quam *AUTOR* allegat,

gat, hodie non obtinet. *vid. STRYK d. l.* ubi præjudicio hoc confirmat. Si vero (3.) *nuptiæ non sequantur i- deo, quod sponsalia sint ob metum, dolum vel consensu Parentum defectum nulla, aut ob causam supervenientem, ut homicidium, morbum &c. solvantur, vid. Specim. Jur. Eccles. d. c. i. §. 40. 41. 42.* tum arrhæ ab utraque parte sunt restituendæ, *vid. CARPZOV. J. E. l. 2. D. 51. STRYK de dissens. sponsal. sect. 4 c. 5. §. 10.* Idem dicendum esset, si (5.) *mutuo dissensu à sponsalibus recedatur, admissa scilicet eorum sententia, qui hoc modo sponsalia solvi posse censent, de qua postea videbim9.* Quod si denique (6.) *matrimonium non sequatur culpa unius, ut si v. gr. sponsus matrimonium cum alia ineat, aut ob implacabile odium, sponsæ jungi nolit, tum nocens pars arrhas perdit, hinc innocens acceptas retinet & datas recuperat, vid. STRYK d. sect. 4. c. 5. §. 10.* sed in Saxonia Electorali nocentis arrhæ consistorio cedunt, *CARPZOV. J. E. l. 2. D. 64.* quod speciale est.

2. An poena sponsalibus adjici queat, quæritur? Negant hoc communiter, ita tamen ut salvis sponsalibus, obligatio poenalis saltem sit nulla *vid. BRUNNEM. J. E. l. 2. c. 16. §. 4. ibique Strykin not.* Verum in illum eventum cum effectu poena promitti potest, ut, sponsalibus unius culpâ non procedentibus, pars læsa poenam, loco ejus quod interest, exigat *vid. Specim. Jur. Eccles. d. c. i. §. 31. STRYK. de dissens. spons. sect. 1. §. 13. 14.* De cætero cum mentio poenæ, sit clausula mali ominis, non temere eam sponsalibus adjectum iri putem.

## OBSERV. DCCXLVI.

*Aliud est sponsalitia largitas*) Eam tamen ab arrhis, quoad

quoad ius acquisitionis & amissionis, non differre, omnino arbitror, hinc quæ *AUTOR* de interventu Osculi dicit, hodie non obtinere, à contrario quæ de arrhis *Observ. prac.* dixi, hic etiam observanda esse existimo. Sane *CARPZOV.* qui observantias matrimoniales satis aliàs annotare solet, de discrimine arrharum & sponsalitiæ largitatis, quoad effectum juris, nihil, quod sciam, ullibi commemorat. Contra illa *J. E. l. 2. D. 51. n. 15.* conjungi videntur in verbis: *So wird angeregte Zusage der Ehe, vor heimlich und unbündig billig erkennet, derowegen sie einander die Ringe und andere Geschenke wieder auszuantworten pflichtig.* Sed de hoc rerum forensium periti amplius viderint.

## OBSERV. DCCXLVII.

*Nuptias regulariter contrahunt*) De personis nuptias aut sponsalia inituri non operosa est disquisitio. Requiritur in iis (1.) *facultas consentiendi*, vid. *CARPZOV. J. E. l. 2. D. 26.* quod requisitum pacta matrimonialia cum aliis pactis commune habent; (2.) *facultas generandi*, si non actualis, saltem potentialis; (3.) *facultas moralis*, quæ regulariter adesse censetur, hinc restrictio probanda, de cætero eam faciunt aliquando leges divinæ, aliquando humanæ. Quæ de objecto sponsaliorum dicuntur *lit. O.* recte se habent, nam sponsalia, quicquid etiam alii dissentiant, nihil aliud sunt, quam pactum de nuptiis.

## OBSERV. DCCXLVIII.

*Sponsalia produciunt obligationem ad matrimonium implendum*) De obligatione sponsaliorum ex communibus pactorum principiis judicari debet, hinc ab obligatione semel legitime constituta, alter, altero invito,

vito, se liberare nequit, sed potius juxta mensuram dati consensus, eam implere tenetur, mutuo verò dissensu vinculum illud tolli potest, modo res in terminis consensus sponsalicii subsisterit, interim contraria sententia vulgo invaluit, de qua mox iterum videbimus. Quodsi sponsalia sint de futuro seu conditionata, tum ab eventu conditionis eorum valor dependet, interim partes poenitere nequeunt, quod *CARPZOV d. l. 2. D. 21.* recte quidem contra alios defendit, sed eum sibi parum constare, liquet ex *l. 3. R. 109. n. 5.* sponsalia autem ab impuberibus contracta, non tam sponsalia, quam potius pacta, de sponsalibus post pubertatem, si ita paciscentibus placeat, ineundis, sunt, hinc etiam juxta modum hunc saltem obligant, *vid. BRUNNEM. j. E. l. 2. c. 16. §. 11. ibique Stryk. SPECKH. Centur. 3. Cl. 1. qu. 6. STRYK de dissens. spons. sect. 4. c. 1. §. 12. 13. add. Specim. Jur. Eccles. l. 4. c. 1. §. 28. 29. 32. 33. 34.*

## OBSERV. DCCXLIX.

*Plura sponsalia contrahere*) De concursu & prærogativa plurium sponsaliorum, ut & de satisfactione parti læsæ præstanda, distinctius pleniusque paululum egi in Specim. Jur. Eccles. *d. l. §. 49. seqq.* adductis Autoribus, amplius ea illustrantibus, quæ huc transcribere non opus. In genere saltem observandum; quod assertiones *AUTORI* hic probatæ, facile defendi queant, si præsupponas, quod sponsaliorum valor unicè à voluntate paciscentium & lege humana dependeat.

## OBSERV. DCCL.

*Solvuntur lit. C.)* De contrariis sponsaliorum ita plenius dicendum; Vel *sponsalia nulla declarantur* vel,



vel, *cum valida essent, solvantur*. Prius contingit, si requisita necessaria deficient, vel non sequantur, hinc si dolo, metu aut ex ebrietate sponsalia sint inita, vel conditio adjecta deficiat, aut conditionis impossibilis additio, defectum consensus arguat, vel error efficax interveniat, tum sponsalia ab initio sunt invalida ac à Magistratu saltem nulla declarantur, quæ prolixè persequitur. *STRYK de dissens. sponsal. sect. 2. §. 9. seqq. add. ID. in not. ad Brunnem. l. 2. c. 16. §. 12. p. 603.* Idem dicendum, si consensus Parentum deficiat *vid. CARPZOV. J. E. l. 2. D. 50. 51. STRYK ad Brun. d. l. p. 605.* Specim. jur. Eccles. d. l. §. 35. 36. 37. 38. Posterius, ut nempe sponsalia valida solvantur, accidit (1) *morte n. 1. b. nec hodie arrhæ sunt restituendæ, vid. Observ. 745. n. 2. (2.) unius renunciatione n. 2. b.* non tamen mere arbitrariâ, qualis jure Romano obtinuit *l. 1. C. de sponsal. l. 2. §. C. de repud.* sed quæ justam causam præsupponat, nimirum si ea sequantur, quæ quis velut ab futura consideraverat, tum à sponsalibus recedere potest, quorsum pertinent ea quæ *n. 3. h.* recensentur, modo malitiosam desertionem & inimicitias excipias, *vid. Specim. jur. Eccles. d. l. §. 39. 40. 41. 42.* (3.) *mutuo dissensu*, ceu rectè contendit *STRYK dissens. sponsal. sect. 3.* quem retuli & probavi in *d. specim. d. l. §. 44. 45.* interim sententia contraria in praxi fere obtinet. Non etiam (4.) *unius perfidia*, quare si quis ob prætenfas inimicitias recedere velit, audiendus non erit, nisi gravius quid ex consummatione sponsaliorum metuatur. *vid. Specim. jur. Eccles. d. l. §. 43.* porro si quis malitiose alterum deserat, non ideo tamen à vinculo sponsalicio liberatur, pars vero innocens, in ultionem velut per-  
fidia,

fidia, recedere potest, & quidem sine prævio desertionis processu, si admittas sententiam, quam n. 3. re-  
tuli, sed cum illa vulgo displiceat, hinc ex hac hypo-  
thesi desertionis processus requiritur. *vid.* Specim.  
Jur. Eccl. d. l. §. 46. l. 5. c. 6. §. 28.

## OBSERV. DCCLI.

*Lapsu temporis*) Hic frustra inter modos tollendi  
sponsalia referri videtur, nam de jure civili tempus  
nullum fuit expectandum, cum simplici renuncia-  
tione discedere à sponsalibus licuerit, quod amplius  
ostendi in Specim. Jur. Eccles. l. 4. c. 1. §. 47. de jure  
autem Canonico & communi Consistoriorum Praxi  
lapsus temporis per se nihil operatur, sed contra ab-  
sentem desertionis processus institui, ac hac ratione  
parti innocenti prospici debet. d. c. 1. §. 48.

## OBSERV. DCCLII.

*Dissolutis sponsalibus*) De prastationibus, quæ so-  
luti sponsalibus fieri debent, judicandum est ex di-  
versitate casuum & modorum, quibus sponsalia tol-  
luntur, de quibus observ. 750. dictum, singulis autem  
fere casibus prastationes faciendas subjunxi in Spe-  
cim, Jur. Eccles. l. 4. c. 1. §. 35. *seqq. usque ad fin.* sum-  
ma eo credit: Si sine culpa paciscentium, sponsalia  
non procedant, tum unicuique suum restituatur, ni-  
si in retentionem mutuam consensum sit, si verò cul-  
pa alterius id accadat, tum pars innocens, indemnis  
servari debet, imo id quod accepit, lucratur nisi  
aliud constitutum, nocens vero insuper  
quandoque punitur.

## TIT. II.

## DE RITU NUPTIARUM.

## OBSERV. DCCLIII.

**N**uptiæ) Possunt accipi vel pro pacto vel pro societate, quæ ex illo oritur. Hoc sensu est *Societas à Viro & femina habili, consensu vero ac hierologia similive actu, confirmato, ob procreationem sobolis & individuanæ vitæ consuetudinem, inita, vid. Specim. Jur. Eccles. l. 4. c. 2. §. 1. 2. add. EKHOLT ad ff. b. DONEL. l. 13. c. 18. lit. ff. ibique Hillig.*

## OBSERV. DCCLIV.

*Sunt vel publica*) Nuptiæ sunt nomen legitimum, hinc liquet, quod hæc divisio vel omnino rejicienda, vel pro valde impropria habenda sit, nuptiæ enim clandestinæ, revera non sunt nuptiæ, sed vel conjunctio penitus illicita vel saltem imperfecta, concumbendi licentiam haut involvens, interim liberis post sponsalia legitima natis, jura liberorum legitimè natorum tribui possunt, quod in Saxonia factum *DECIS. SAXON. 49.*

## OBSERV. DCCLV.

*Ratum sed non legitimum*) Hanc divisionem introduxit jus Canonicum, & ejus quidem fundamentum in diversitate legum quæritur, si enim leges divinæ tantum observentur, neglectis solennitatibus humanis, tum est matrimonium *ratum sed non legitimum*, si verò vice versa, leges humanæ attendantur, insuper habito jure divino, ut si divortia ac Polygamia permittantur, tum est *legitimum sed non ratum*, si denique jus divinum & humanum observetur, *ratum & legitimum simul.* vid. *LANCELL. 3. 3. Can. l. 2. tit. 12. §. 11.*  
Est

Est autem tota hæc divisio, exigui vel nullius usus, nam si aliqua gens legem divinam non admittat, tum matrimonium sine ea contractum, in illa gente nihilominus plane justum erit, quo loco verò alia gens id habere velit, id perinde est. Porro leges humanæ quoque observandæ erunt, alias matrimonium non erit justum, quod si verò leges non ita stricte aliquid exigant, adeo ut sine eo matrimonium contrahi queat, tum etiam ejus neglectus matrimonii moralitatem non mutabit, sed negligentes saltem poena aliqua afficientur.

## OBSERV. DCCLVI.

*Justum quod secundum leges*) Hæc divisio rejici debet, conjunctio enim legibus contraria, nomen matrimonii non meretur. Idem forte dicendum de altera divisione, nam matrimonium præsumtum, quatenus vero opponitur, itidem pro matrimonio haberi nequit, & nescio, qua fide *AUTOR* asserat, quod tale hodie passim inter milites fiat.

## OBSERV. DCCLVII.

*De proclamatione*) Cum per hanc consensus matrimonialis aliis indicetur, merito eam huic *AUTOR* subjungere debuisset. Fundamentum ejus est in *c. fin. X. de cland. despon.* alias totum actum peculiari dissertatione exposuit *Dn. D. BORN* de Bannis nuptialibus *Lips. 1693.* summa capita quoque recensui in *Specim. Jur. Eccles. l. 4. c. 2. §. 20. seqq.*

## OBSERV. DCCLVIII.

*Fit matrimonium lit. C.)* Consensus dubio procul facit matrimonium, ejus verò requisita, ad quæ *AUTOR* hic respicit, ita proponi possunt. Debet esse (1.) *verus* (2.) *serius* (3.) *plenus* Parentum scilicet consensu

ſtipatus ac (4.) regulariter poſt proclamationem, *coram ſacerdote benediſturo declarandus*, de quibus dixi fuſius in Specim. J. E. d. c. 2. §. 3. 4. 5. 19. *uſque ad 44.* quæ huc transferre, nimis putidum foret.

## OBSERV. DCCLIX.

*Contrahunt nuptias vir & uxor lit. S.)* Uxor dici ita creditur quaſi *Uxor*, quia ad limen mariti veniens domus poſtes inungebat *HILLIG. ad Donell. l. 13. c. 18. lit. m. m.* Uxorem eſt nubere non ducere, hoc tamen de iis etiam dicitur in *l. 3. C. ſolut. matrim.* & veteres ſæpe ita locutos eſſe putat *HILLIG. d. l.* alias de habilitate & numero perſonarum, nuptias contracturarum egi in *S. J. E. d. c. 2. §. 6 7 8 9.* ſimultaneæ Polygamix prohibitio communiter juri divino poſitivo univerſali tribuitur, quod *d. c. 2. §. 7.* ſecutus ſum, ſed non caret ratione ſententia, quæ ex ipſo jure naturali prohibitionem repetit, quam *AUTOR*, mente licet parum firma, hic proponit, & quam fortassis alibi plenius deducam.

## OBSERV. DCCLX.

*Successiva honeſta eſt & licita)* Successiva Polygamia ſeu ſecundæ nuptiæ, honeſtæ dicuntur ſenſu negante, quod ſcilicet non ſint turpes, non vero affirmative, quod ſint præciſe præceptæ. De cætero de earum moralitate, requiſitis, tempore luſtus, probatione mortis prioris conjugis, de hujus reditu, præter intentionem eveniente, ac prioris & poſterioris matrimonii prærogativa, aliisque huc pertinentibus ex Autoribus propriis nonnulla propoſui in Specim. Jur. Eccleſ. d. l. 4. c. 2. §. 10. *uſque ad 19.*

## OBSERV. DCCLXI.

*Secus eſt, ſi extraneus ita legaverit)* Mihi hæc ſententia.

rentia difertis verbis Nov. 22. c. 44. §. 8. repugnare  
semper visa est, ac postea quoque deprehendi, quod  
in Edit. 1698. hic locus ita correctus sit: *Secus esse, si ex-  
traneus ita legaverit, putat Franksius d. l. n. 31. sed male  
per Nov. 22. c. 44. vers. hanc ipsam & authent. cui reli-  
ctum C. de indict. viduit. toll. secus autem est, si quis virgi-  
ni &c.* quæ correctio veritati quidem consentanea  
est, sed à mente AUCTORIS fortassis ablydit. De cæ-  
tero ex jure Romano est, quod conditio viduitatis  
virgini apposita, simpliciter improbetur, nam alias  
valere illa poterat, quod etiam quoad secundas nu-  
ptias, jure civili recentiori receptum est.

## OBSERV. DCCLXII.

*In linea recta prohibentur nuptiæ in infinitum*) De  
prohibitione nuptiarum ob consanguinitatem & af-  
finitatem distinctius paululum egi in Specim. Jur.  
Eccles. l. 4. c. 3. §. 40. usque ad fin. adductis Auto-  
ribus amplius illa declarantibus. Hoc loco id saltem  
addo, quod prohibitio inter Parentes & liberos,  
fratres & sorores, ut & fratrem ac sororem, alterius-  
que fratris aut sororis liberos, denique inter eos, qui  
juxta illos respectus affines sunt, quæ communi-  
ter ad jus divinum positivum universale refer-  
tur, id quod in d. c. 3. etiam secutus sum, non  
male ex ipso jure naturali repetatur, quod alibi  
forte, rationibus non plane frivolis confirmabo,  
utut illis, qui angustis socialitatis hypothsibus  
sunt adsueta, id paradoxon videatur. Illud cer-  
tum, quod ex hac hypothsi, disciplinis legalibus  
non leve commodum accrescat, cum leges positivæ  
divinæ principio Christianis saltem proprio adeoque  
particulari nitantur, præterea & de earum veritate &

sensu, inter ipsos etiam Christianos, multiplex sit concertatio.

OBSERV. DCCLXIII.

*Propter totalem religionis diversitatem*) In civili societate matrimonia inter diversæ religionis consortes omnino admitti possunt, cum exinde in Republicam nullum damnum redundet, conscientiam autem hominum, lex civilis exacte dirigere nec possit, nec debeat. An vero quis salva conscientia matrimonium cum tali conjugē, cujus religionem salutem animarum perniciosam credit, inire queat, alia est quaestio, quæ neganda videtur, cum tanto periculo progeniem suam exponere, conscientiam minime conveniat. Illud tamen superstitiosum est, quod concubitus cum infideli, velut sodomiam aut adulterium, puniendum esse, nonnulli arbitrentur, quod refert CARPZOV. d. p. 2. qu. 76. n. 64.

OBSERV. DCCLXIV.

*Effectus ratione conjugum lit. E.*) Finis matrimonii est, propagatio generis humani, extinctio libidinis & mutuum adiutorium. *vid. Specim. Jur. Eccles. l. 4. c. 2. §. 44. 45.* Primus principalis esse censetur, adeo, ut si ille obtineri nequeat, societas conjugalis iniri non debeat, quamvis alii aliter sentiant, *vid. BRUNCKNER. Decis. matrim. c. 11.* Effectus autem, quos ALLTOR hic commemorat, fere ex indole tam arctæ societatis fluunt, adeoque *naturales* sunt, lex tamen positiva nonnulla, ut communionem bonorum, successionem & patriam potestatem, magis determinat.

OBSERV. DCCLXV.

*Potestas lit. E.*) Imperium maritale vulgo ex jure divino positivo universali repetitur, hinc maritum eidem

eidem non posse renunciare amplius deducunt. *vid. THOMAS. 7. 7. D. l. 3. c. 3. §. 35. seqq.* Verum uti ex textu originali veritas illius imperii amplius ostendi debet, id quod aliis indagandum relinquimus, ita admissa illa Potestas, nihil aliud videtur involvere, quam jus dirigendi societatem conjugalem cæterasque ei connexas, quod marito, ob sexus masculini præstantiam, non immerito asseritur, juxta quæ a deo non tam novi quid jure revelato sancitum, quàm id potius, quod ex natura sexus fuit, & naturale est, confirmatum censi debet. Ex quo facile liquet, quod maritus sine causa uxorem verberare nequeat, imo licet hæc plagas similemve poenam meruerit, non tamen maritus velut aliquis Magistratus, eas imponere poterit, sed ea res Magistratui ordinario erit relinquenda. Quod si verò uxor convitiis pravisque moribus iram mariti provocet, ab eoque probe depexa reddatur, id non ex aliquo maritali, sed communipotius defensionis jure resultat.

## OBSERV. DCCLXVI.

*Contraria matrimonii vide)* De his ita pronuncian-  
dum: Quædam matrimonium *contrahi impediunt*, de  
quibus *lit. C.* quæ tamen non indistincte probari de-  
bent, *vid. Specim. Jur. Eccles. l. 4. C. 1. §. 23. 24 36 37*  
*C. 2. §. 4. vel contractum & validum tollunt*, de quibus  
*lib. seq. tit. 2.* agitur.

## OBSERV. DCCLXVII.

*Metu contractum ipso jure nullum est)* Ad otiosas con-  
troversias pertinet illa quæstio, *utrum matrimoni-  
um tale sit ipso jure nullum, an stricto jure validum, &  
rescindendum?* nam utrum assumas, res eodem re-  
cidit, neque enim, in hoc quidem exemplo, differen-



tia aliqua, quoad remediorum adhibendorum vel effectum vel durationem, ostendi potest, hinc satis est, si dicas, matrimonium metu initum, esse invalidum aut in effectu non subsistere, quod quamvis leve & vix admonitione dignum videatur, ad notanda tamen præjudicia, ex jure Romano hausta, non incongruè adjicitur.

## OBSERV. DCCLXVIII.

*Modo fit persona.*) Generaliter hoc verum non est, sed tum demum obtinet, si quis deceptus sit juxta casum *can. un. c. 29. q. 1. h.* (is enim intelligendus videtur) alioquin si quis se ipsum deciperit & v. gr. ex duabus filiabus pulchriorem pro primogenita habuerit, cum esset secundogenita, eamque hoc errore à Patre in matrimonium petierit, ac consensum tam Patris, quam filia, forte tum absentis, obtinuerit, postea cognitio errore, à sponsalibus semel contractis, vel sponsaliorum promissione recedere nequit, imputet enim sibi, quod ea, quæ animo voverat, clarius non expresserit, jam eum persona illa pulchrior, quam cogitationibus sibi repræsentaverat, ex tempestiva destinatione ad negotium matrimoniale non pertinuerit, error commissus solum pro concomitante, ac consensum necessarium non excludente, haberi debet.

## TIT. III.

## DE JURE DOTIUM.

## OBSERV. DCCLXIX.

**D***os*) Apud Romanos nulla erat inter conjuges bonorum communio, hinc uxorem ducturus, de dote sollicitus esse debebat, quo onera matrimonii eo commodius ferre posset, nec, omissa illa cura, uxorem totam-

totamque familiam, de suo unice alere cogeretur. Ex hac ergo hypothefi, dos invaluit, amplamque Jurisprudentiæ Romanæ fuffegit materiam, cum vero hodie apud multas gentes, aliqua bonorum inter conjuges fit communio, hinc in iis locis nullum dotium &, quod ex eo confequitur, nullum pactorum dotalium fimiliumque juris argumentorum efle ufum, pertendit *HUBER. in prælect. h. n. 17.* quod refert & probat *Dn. BERGER. in refolut. h.* videtur tamen id non simpliciter admittendum efle, fi quis enim filiam, in facris Parentum adhuc existentem, ac propriis bonis deftitutam, ducere velit, ei omnino, nifi folus onera matrimonii ferre velit, de dote erit laborandum, fic etiam foemina dives futurum maritum ab ufufructu bonorum fuorum excludere, eique certam dotem faltem concedere poteft.

2. Poftquam verò dos invaluit, ejus indoles, conftitutio & effectus ex communibus ferè principiis intelligitur. Quid eo nomine veniat, de quo ab initio *h.* id ex ufu hominum dependet, adeoque ratione communi percipitur, porro conftitutio dotis, de qua *lit. C. S. O.* ex generalibus alienandi & aquirendi principiis ferè fluit, denique effectus *lit. E.* ex natura domini revocabilis intelligitur. Tandem & ea, quæ cum dote aliquam habent convenientiam *lit. S. S.* aliis etiam gentibus nota funt, *add. CONSTIT. SAXON. 22. 33. p. 3. DECIS. 51.*

## OBSERV. DECLXX.

*Ex juris neceffitate à Parente lit. C.)* Obligatio Patris, qua ad filiam dotandam teneri dicitur, fi promiffionem specialem feponas, magis speculatione fupponi, quam revera exiftere videtur, fi quis enim ambiat

filiam, semper Patri onus dotandi deprecari licebit, ea ratione, quod filio honestam nubendi conditionem sit repertura, utnt hic proculus ejus potius dæ spe excidat, quosi vero sola sponsa contentus sit, deinceps nihil exigere poterit, *vid. STRAUCH dissert. 3. §. 4.* Præjudicia, quæ *CARPZOV. d. 2. C. 42. D. 12.* affert, ad casum promissionis specialis pertinere videntur, nisi forte eo casu, ubi initio matrimonio, dos neque promissa, neque negata est, obligatio Patris se exserit, quod non plane ratione caret.

## OBSERV. DCCLXXI.

*Quæ traditio non facit contractum realem*) Vera utique est hæc assertio, sed rationibus non adeo liquidis defenditur, nam intentio maritum obligandi hic quoque, perinde ac in mutuo, asseri potest, actio verò ex stipulatu, de qua in *l. un. C. de R. U. A.* non datur ad dotem exigendam, sed restituendam, adeoque ad præsens negotium non pertinet. Vera igitur ratio, quare traditio contractum realem hic non efficiat, est, quod illa non ad negotii perfectionem, sed consummationem spectet, nam sola dotis promissio obligationem efficacem producit, & de jure civili est *pactum legitimum*, nisi verba solennia intervenerint, tum enim erit *stipulatio* seu *contractus verbalis*, *l. 20. 21. de jur. dot.* hodie *contractus consensualibus* eadem recte annumerabitur.

## OBSERV. DCCLXXII.

*Quantitatis etiam incerta*) Ex sententia *AUTORIS* promissio dotis indefinita valet quoad Extraneam, non verò quoad Patrem & Uxorem ipsam. Sed de Patre disertis verbis contrarium dicitur in *l. 69. §. 4. de jur. dot.* hinc *HUBERUS in posit. b. n. 19.* rem fere inver-

invertit, dicendo, dote simpliciter promissa, extraneum (sub quo etiam Uxor in comprehendere videtur, quia allegat *l. 1. C. de dot. promiss.*) nihil debere, de Patre aliter videri. Sed huic sententiæ, quoad extraneum, obstat *l. 3. C. de dot. promiss.* ex qua liquet, quod promissio extranei indefinita valeat. *STRAUCH* differt. 3. §. 10. ita distinguit: Aut dos indefinite promissa est adjecto arbitro, aut sine mentione arbitri, illo casu valet promissio, hoc amplius distinguendum putat inter Patrem & mulierem. In illo valet indefinita promissio, quia cum teneatur dotare, etiam si non promiserit, frustra moras necit excipiendo, se incertum quid promississe. Mulier autem vel extraneus (de hoc non loquebatur divisio, sed jam tamen inferitur) non tenentur, quia matrimonium etiam sine dote potest subsistere, in muliere autem nulla est promissio propter incertitudinem. Videtur igitur hæc sententia cum præcedenti coincidere, objectionem autem, quam quoad extraneum ex *l. 3. C. de dot. promiss.* modo fecim⁹, *STRAUCHIUS* distinctione prima elidere voluit, contentendo scilicet, in *d. l. 3.* promissionem non simpliciter esse indefinitam, sed continere mentionem arbitri; quamvis de sufficientia responsionis merito dubites, loquitur enim *d. l. 3.* de arbitrio ipsius promissoris, quod sane promissionem non coarctat & magis definitam reddit; nam quid quæso interest, si ve dicas *dabo dotem*, si ve *dabo dotem meo arbitrio*?

2. Videntur utique interpretes falli, quando promissionis indefinitæ valorem, pro diversitate personarum promittentium, modo asserunt, modo negant, nam malis rationibus disparitatem probant. Cum *ALLTORI*, extraneum ex promissione indefinita obli-

gari, Patrem & uxorem ipsam non item, videretur rationes utriusque assertionis se habere putavit; cum *STRAUCHIUS* rem fere inverteret, Patrem indefinitæ promissioni subijciendo, uxorem & extraneum ab eadem liberando, non minus rationes sibi suppetere credidit. Videamus specialius! *AUTOR* hanc rationis diversitatem reddit, *quia cessat ratio favoris dotis*, sensus, nisi fallor, hic est: *in extraneo quamvis occasionem esse velut captandam, ac adeo, ob favorem dotis, quamvis promissionem arripiendam sed in uxore & Patre tanta aviditate opus non esse, cum ad dotem constituendam jam obligentur.* Sed ad hæc responderi potest; ex voto & captatione ejus, qui libenter acquirere vult, valorem promissionum non dependere; falsum esse, quod uxor antecedenter ad dotem constituendam obligetur; ex obligatione autem Patris, si supponatur, id quod infertur, necessario non sequi, cum alii illationem plane contrariam faciant, seu ex illa obligatione, promissionem indefinitam, validam pronuncient. *STRAUCHIUS* Patrem indefinitæ promissioni subijciebat, *quia ad dotem constituendam antecedentem est obligatus*, sed illationem non esse necessariam, ex eo liquet, quod alii contrarium inde concludant, cu modo diximus, (nam falsas illationes mutua oppositione perimere licet) extraneum vero ab indefinita promissione absolvebat, *quia matrimonium etiam sine dote potest subsistere*, atqui hæc ratio etiam quoad Patrem potest allegari! deinde nulla plane est consequentia; matrimonium sine dote esse potest, ergo promissio indefinita est invalida! alia est questio: an dos præcise sit constituenda? cui negandæ ratio illa allegari potest, & alia: an pro-

pro missio indefinita valeat? circa quam gratis adducitur. Denique mulierem ideo immunem pronuntiabat, quod nulla sit promissio, propter incertitudinem, quæ manifeste satis id, de quo, quæritur, supponit.

3. Hæc cum ita sint, malim in genere dicere, quod promissio dotis indefinita valeat, siue ab uxore, siue Patre, siue extraneo fiat, quia ex conditione promittentis & acceptantis, quantitas, boni viri arbitrio, satis definiri potest, id quod etiam convenit l. 69. §. 4. de jux. dot. l. 3. C. de dot. promiss. nec obstat l. 1. C. d. t. quæ unice in causa fuisse videtur, ut lubricæ distinctiones & rationes excogitarentur, nam promissio invalida ibi est, non tam quod sit indefinita, quam quod nudo pacto facta, promissio enim dotis, tempore Alexandri, nondum videtur fuisse pactum legitimum, sed hanc demum qualitatē diu post accepisse arg. l. 6. C. de dot. promiss. nec sine causa, in l. 3. C. eod. quæ Gordiani, non multum ab Alexandro remoti, est, circa promissionem dotis indefinitam, promissionis rite factæ, nec non interposita stipulationis fit mentio.

## TIT. IV.

## DE PACTIS DOTALIBUS.

## OBSERV. DCCLXXIII.

**P**acta dotalia.) Hæc dubio procul sunt juris gentium, & fiunt iis modis, qui in aliqua gente recepti sunt, habentq; etiam eum effectum, qui alias ex ejusmodi actibus resultat, quod hic declaratur. Interim facile liquet, hæc pacta, pro diversis Gentium moribus, diversa solere habere capita; Apud Romanos liberi per separatam oeconomiam, aut in specie filia, per

per matrimonium, à Patria potestate non liberabantur, divortia quoque non erant apud illos infrequentia, denique intuitu hæreditatis & successionis pacisci non licebat, quorum omnium consideratio, dubio procul, peculiarem sæpe formam, pactis dotalibus Romanis dedit. Sed in Germania hypotheses illæ cessant, hinc etiam alia pactorum dotalium est ratio. Plerumque illa respiciunt communionem bonorum, vel etiam successionem, quæ statutis inter conjuges introductæ sunt, dum v. gr. usufructui, quem maritus alias integrum habuisset, modus ponitur, vel portioni statutariæ, quæ uxori alias competiisset, renunciatur. Possunt tamen nonnunquam de ipsa etiam dote fieri, quia hæc non plane exulat, ceu dixi Obs. 769. OBSERV. DCCLXXIV.

*Siquidem fiant in modum contractus*) Si libere loqui licet, doctrina, quod pacta dotalia vel in modum contractus, vel ultimæ voluntatis fiant, videtur esse inventum Glossatorum & Causidicorum, qui ex captatione verborum, magna actuum juriumque discrimina effinxerunt, non alio fine, quam ut, prout visum fuerit, actus evertere, lites excitare, vel cautelas suas, velut alexipharmaca, vendere, atque ita commentis commenta eludere possent. Nimirum apud Romanos pacta de viventis hæreditate non valebant, quod ob hæredipetas constitutum videtur, ne, si Orbos semel pacto de hæreditate sibi relinquenda, constrinxissent, eos nefariis artibus à medio tollerent atque ita bona ad se traherent. Circa hanc dispositionem veteres glossatores, miro acumine, excogitarunt distinctionem, utrum *pactum de succedendo* iuratur, an *contractus de bonis alteri post mortem dandis* cele-

celebretur, ac prius saltem prohiberi, minime vero posterius, censuerunt, num vero illa aut hæc paciscendi ratio adhibita sit, id ex verbis diversis judicari jubent, nam si de *hereditate* vel *successione* expresse dictum sit, tum pactum de succedendo initum est, quod non valet, idem est, si de *bonis post mortem*, in *alium devolvendis actum sit*; quodsi vero quis *simpliciter sua bona alicui post mortem promiserit*, adeo ut hic *ex obligatione ista, ab herede promittentis, sine ullo succedendi jure, bona promissa consequatur*, tum contractus validus celebratus est, prout egregia hæc inventa recenset ac amplius illustrat *H. PISTOR d. l. 4. qu. 3.*

2. Cæterum hæc mera discrimina verbalia esse, facile liquet, id quod etiam *FACHINÆO l. 3. contr. jur. c. 35.* quem *PISTORIS d. l.* adducit, jam ex parte subolvit, nam si ve dicas, *tu habebis meam hereditatem, mihi succedes*, aut *bona mea ad te devolventur*, si ve *mea bona tibi post mortem promitto*, in effectu res eodem recidit, & alter ex pacto jus omne, juxta intentionem paciscentium, habere debet, hinc vel secundum omnes illas formulas pactum validum dicendum erit, vel in genere valor ei abjudicandus. Considera hæredipetam Romanum, si hereditatem stipuletur, nihil agit; sed si, ex consilio Glossatorum, bona sibi promitti curet, fructu malitiæ suæ gaudebit! quis fraudem legi factam hic non agnoscat? Nimis dilutum est, quod, præter alia, oggerit *PISTOR d. l. n. 10. licet quis bona sua post mortem alteri promissat, nihilominus is, ad quem ex juris dispositione successio pertinet, succedit, & quantumvis ex contractu bona alteri cogatur tradere, nihilominus hæres est atque manet*, est enim hæres nomine non re, imo si molestæ obligationis gnarus, hereditatem



sensu, inter ipsos etiam Christianos, multiplex sit concertatio.

## OBSERV. DCCLXIII.

*Propter totalem religionis diversitatem*) In civili societate matrimonia inter diversæ religionis consortes omnino admitti possunt, cum exinde in Republicam nullum damnum redundet, conscientiam autem hominum, lex civilis exacte dirigere nec possit, nec debeat. An vero quis salva conscientia matrimonium cum tali conjugē, cujus religionem salutis animarum perniciosam credit, inire queat, alia est quaestio, quæ neganda videtur, cum tanto periculo progeniem suam exponere, conscientia minime conveniat. Illud tamen superstitiosum est, quod concubitus cum infideli, velut sodomiam aut adulterium, puniendum esse, nonnulli arbitrentur, quod refert CARPZOV. d. p. 2. qu. 76. n. 64.

## OBSERV. DCCLXIV.

*Effectus ratione conjugum lit. E.*) Finis matrimonii est, propagatio generis humani, extinctio libidinis & mutuum adiutorium. *vid. Specim. Jur. Eccles. l. 4. c. 2. §. 44. 45.* Primus principalis esse censetur, adeo, ut si ille obtineri nequeat, societas conjugalis iniri non debeat, quamvis alii aliter sentiant, *vid. BRU-CKNER. Decis. matrim. c. 11.* Effectus autem, quos ALLTOR hic commemorat, fere ex indole tam arctæ societatis fluunt, adeoque *naturales* sunt, lex tamen positiva nonnulla, ut communionem bonorum, successionem & patriam potestatem, magis determinat.

## OBSERV. DCCLXV.

*Potestas lit. E.*) Imperium maritale vulgo ex jure divino positivo universali repetitur, hinc maritum eidem

eidem non posse renunciare amplius deducunt. *vid. THOMAS. 3. 7. D. l. 3. c. 3. §. 35. seqq.* Verum uti ex textu originali veritas illius imperii amplius ostendi debet, id quod aliis indagandum relinquimus, ita admissa illa Potestas, nihil aliud videtur involvere, quam jus dirigendi societatem conjugalem cæterasque ei connexas, quod marito, ob sexus masculini præstantiam, non immerito asseritur, juxta quæ ad eo non tam novi quid jure revelato sancitum, quàm id potius, quod ex natura sexus fuit, & naturale est, confirmatum censeretur debet. Ex quo facile liquet, quod maritus sine causa uxorem verberare nequeat, imo licet hæc plagas similemve poenam meruerit, non tamen maritus velut aliquis Magistratus, eas imponere poterit, sed ea res Magistratui ordinario erit relinquenda. Quod si verò uxor convitiis pravisque moribus iram mariti provocet, ab eoque probe depexa reddatur, id non ex aliquo maritali, sed communipotius defensionis jure resultat.

## OBSERV. DCCLXVI.

*Contraria matrimonii vide)* De his ita pronuncian-  
dum: Quædam matrimonium *contrahi impediunt*, de  
quibus *lit. C.* quæ tamen non indistincte probari de-  
bent, *vid. Specim. Jur. Eccles. l. 4. C. 1. §. 23. 24 36 37*  
*C. 2. §. 4. vel contractum & validum tollunt*, de quibus  
*lib. seq. tit. 2. agitur.*

## OBSERV. DCCLXVII.

*Metu contractum ipso jure nullum est)* Ad otiosas con-  
troversias pertinet illa quæstio, *utrum matrimoni-  
um tale sit ipso jure nullum, an stricto jure validum, &  
rescindendum?* nam utrum assumas, res eodem re-  
cidit, neque enim, in hoc quidem exemplo, differen-

tia aliqua, quoad remediorum adhibendorum vel effectum vel durationem, ostendi potest, hinc satis est, si dicas, matrimonium metu initum, esse invalidum aut in effectum non subsistere, quod quamvis leve & vix admonitione dignum videatur, ad notanda tamen præjudicia, ex jure Romano hausta, non incongruè adjicitur.

## OBSERV. DCCLXVIII.

*Modo sit persona.*) Generaliter hoc verum non est, sed tum de mari obtinet, si quis deceptus sit juxta casum *can. un. c. 29. qu. 1.* (is enim intelligendus videtur) alioquin si quis se ipsum deceperit & v. gr. ex duabus filiabus pulchriorem pro primogenita habuerit, cum esset secundogenita, eamque hoc errore à Patre in matrimonium petierit, ac consensum tam Patris, quam filia, forte tum absentis, obtinuerit, postea cognitio errore, à sponsalibus semel contractis, vel sponsaliorum promissione recedere nequit, imputet enim sibi, quod ea, quæ animo voverat, clarius non expresserit, jam eum persona illa pulchrior, quam cogitationibus sibi repræsentaverat, ex tempestiva destinatione ad negotium matrimoniale non pertinuerit, error commissus solum pro concomitante, ac consensum necessarium non excludente, haberi debet.

## TIT. III.

## DE JURE DOTIUM.

## OBSERV. DCCLXIX.

**D***os*) Apud Romanos nulla erat inter conjuges bonorum communio, hinc uxorem ducturus, de dote sollicitus esse debebat, quo onera matrimonii eo commodius ferre posset, nec, omissa illa cura, uxorem totam-

totamque familiam, de suo unicè alere cogeretur. Ex hac ergo hypothefi, dos invaluit, amplamque Jurisprudentiæ Romanæ suggeffit materiam, cum vero hodie apud multas gentes, aliqua bonorum inter conjuges fit communio, hinc in iis locis nullum dotium &, quod ex eo confequitur, nullum pactorum dotalium fimiliumque juris argumentorum effe ufum, pertendit *HUBER. in prælect. h. n. 17.* quod refert & probat *Dn. BERGER. in refolut. b.* videtur tamen id non simpliciter admittendum effe, fi quis enim filiam, in facris Parentum adhuc existentem, ac propriis bonis deftitutam, ducere velit, ei omnino, nili folus onera matrimonii ferre velit, de dote erit laborandum, fic etiam foemina dives futurum maritum ab ufufructu bonorum fuorum excludere, eique certam dotem faltem concedere poteft.

2. Poftquam verò dos invaluit, ejus indoles, conftitutio & effectus ex communibus ferè principiis intelligitur. Quid eo nomine veniat, de quo ab initio *h.* id ex ufu hominum dependet, adeoque ratione communi percipitur, porro conftitutio dotis, de qua *lit. C. S. Ø.* ex generalibus alienandi & aquirendi principiis fere fluit, denique effectus *lit. E.* ex natura domini revocabilis intelligitur. Tandem & ea, quæ cum dote aliquam habent convenientiam *lit. S. S.* aliis etiam gentibus nota funt, *add. CONSTIT. SAXON. 22. 33. p. 3. DECIS. 51.*

## OBSERV. DECLXX.

*Ex juris neceffitate à Parente lit. C.)* Obligatio Patris, qua ad filiam dotandam teneri dicitur, fi promiffionem specialem feponas, magis speculatione fupponi, quam revera exiftere videtur, fi quis enim ambiat

filiam, semper Patri onus dotandi deprecari licebit, ea ratione, quod filio honestam nubendi conditionem sit repertura, utnt hic proculus ejus potiundæ spe excidat, quosî vero sola sponsa contentus sit, deinceps nihil exigere poterit, *vid. STRAUCH dissert. 3. §. 4.* Præjudicia, quæ *CARPZOV. d. 2. C. 42. D. 12.* assert, ad casum promissionis specialis pertinere videntur, nisi forte eo casu, ubi initio matrimonio, dos neque promissa, neque negata est, obligatio Patris se exserit, quod non plane ratione caret.

## OBSERV. DCCLXXI.

*Quæ traditio non facit contractum realem*) Vera utique est hæc assertio, sed rationibus non adeo liquidis defenditur, nam intentio maritum obligandi hic quoque, perinde ac in mutuo, asseri potest, actio verò ex stipulatu, de qua in *l. un. C. de R. U. A.* non datur ad dotem exigendam, sed restituendam, adeoque ad præsens negotium non pertinet. Vera igitur ratio, quare traditio contractum realem hic non efficiat, est, quod illa non ad negotii perfectionem, sed consummationem spectet, nam sola dotis promissio obligationem efficacem producit, & de jure civili est *pactum legitimum*, nisi verba solennia intervenerint, tum enim erit *stipulatio seu contractus verbalis*, *l. 20. 21. de jur. dot.* hodie *contractus consensualibus* eadem recte annumerabitur.

## OBSERV. DCCLXXII.

*Quantitatis etiam incerta*) Ex sententia *AUTORIS* promissio dotis indefinita valet quoad Extraneam, non verò quoad Patrem & Uxorem ipsam. Sed de Patre disertis verbis contrarium dicitur in *l. 69. §. 4. de jur. dot.* hinc *HUBERUS in posit. h. n. 19.* rem fere inver-

invertit, dicendo, dote simpliciter promissa, extraneum (sub quo etiam Uxorem comprehendere videtur, quia allegat *L. 1. C. de dot. promiss.*) nihil debere, de Patre aliter videri. Sed huic sententiæ, quoad extraneum, obstat *L. 3. C. de dot. promiss.* ex qua liquet, quod promissio extranei indefinita valeat. *STRALICH differt. 3. §. 10.* ita distinguit: Aut dos indefinite promissa est adjecto arbitro, aut sine mentione arbitri, illo casu valet promissio, hoc amplius distinguendum putat inter Patrem & mulierem. In illo valet indefinita promissio, quia cum teneatur dotare, etiam si non promiserit, frustra moras necit excipiendo, se incertum quid promississe. Mulier autem vel extraneus (de hoc non loquebatur divisio, sed jam tamen inferitur) non tenentur, quia matrimonium etiam sine dote potest subsistere, in muliere autem nulla est promissio propter incertitudinem. Videtur igitur hæc sententia cum præcedenti coincidere, objectionem autem, quam quoad extraneum ex *L. 3. C. de dot. promiss.* modo fecim⁹, *STRALICIUS* distinctione prima elidere voluit, contentendo scilicet, in *d. l. 3.* promissionem non simpliciter esse indefinitam, sed continere mentionem arbitri, quamvis de sufficientia responsionis merito dubites, loquitur enim *d. l. 3. de arbitrio* ipsius promissoris, quod sane promissionem non coarctat & magis definitam reddit, nam quid quæso interest, si ve dicas *dabo dotem*, si ve *dabo dotem meo arbitrio*?

2. Videntur utique interpretes falli, quando promissionis indefinitæ valorem, pro diversitate personarum promittentium, modo asserunt, modo negant, nam malis rationibus disparitatem probant. Cum *ALTORI*, extraneum ex promissione indefinita obli-

gari, Patrem & uxorem ipsam non item, videretur rationes utriusque assertionis se habere putavit; cum *STRAUCHIUS* rem fere inverteret, Patrem indefinitæ promissioni subjiendo, uxorem & extraneum ab eadem liberando, non minus rationes sibi suppetere credidit. Videamus specialius! *AUTOR* hanc rationis diversitatem reddit, *quia cessat ratio favoris dotis*, sensus, nisi fallor, hic est: *in extraneo quamvis occasionem esse velut captandam, ac adeo, ob favorem dotis, quamvis promissionem arripiendam sed in uxore & Patre tanta aviditate opus non esse, cum ad dotem constituendam jam obligentur.* Sed ad hæc responderi potest; ex voto & captatione ejus, qui libenter acquirere vult, valorem promissionum non dependere; falsum esse, quod uxor antecederet ad dotem constituendam obligetur; ex obligatione autem Patris, si supponatur, id quod inferitur, necessario non sequi, cum alii illationem plane contrariam faciant, seu ex illa obligatione, promissionem indefinitam, validam pronuncient. *STRAUCHIUS* Patrem indefinitæ promissioni subiciebat, *quia ad dotem constituendam antecedentem est obligatus*, sed illationem non esse necessariam, ex eo liquet, quod alii contrarium inde concludant, ceu modo diximus, (nam falsas illationes mutua oppositione perimere licet) extraneum vero ab indefinita promissione absolvebat, *quia matrimonium etiam sine dote potest subsistere*, atqui hæc ratio etiam quoad Patrem potest allegari! deinde nulla plane est consequentia; matrimonium sine dote esse potest, ergo promissio indefinita est invalida! alia est quæstio: an dos præcise sit constituenda? cui negandæ ratio illa allegari potest, & alia: an pro-

pro missio indefinita valeat? circa quam gratis adducitur. Denique mulierem ideo immunem pronuntiabat, *quod nulla sit promissio, propter incertitudinem*, quæ manifeste satis id, de quo, quæritur, supponit.

3. Hæc cum ita sint, malim in genere dicere, quod promissio dotis indefinita valeat, siue ab uxore, siue Patre, siue extraneo fiat, quia ex conditione promittentis & acceptantis, quantitas, boni viri, arbitrio, satis definiri potest, id quod etiam convenit l. 69. §. 4. de jux. dot. l. 3. C. de dot. promiss. nec obstat l. 1. C. d. 1. quæ unice in causa fuisse videtur, ut lubricæ distinctiones & rationes excogitarentur, nam promissio invalida ibi est, non tam quod sit *indefinita*, quam quod *nudo pacto facta*, promissio enim dotis, tempore Alexandri, nondum videtur fuisse pactum legitimum, sed hanc demum qualitatem diu post accepisse arg. l. 6. C. de dot. promiss. nec sine causa, in l. 3. C. eod. quæ Gordiani, non multum ab Alexandro remoti, est, circa promissionem dotis indefinitam, *promissionis rite factæ*, nec non *interposita stipulationis* sit mentio.

## TIT. IV.

## DE PACTIS DOTALIBUS.

## OBSERV. DCCLXXIII.

**P***acta dotalia*) Hæc dubio procul sunt juris gentium, & fiunt iis modis, qui in aliqua gente recepti sunt, habentq; etiam eum effectum, qui alias ex ejusmodi actibus resultat, quod hic declaratur. Interim facile liquet, hæc pacta, præ diversis Gentium moribus, diversa solere habere capita; Apud Romanos liberi per separatam oeconomiam, aut in specie filiz, per



per matrimonium, à Patria potestate non liberabantur, divortia quoque non erant apud illos infrequentia, denique intuitu hæreditatis & successionis pacisci non licebat, quorum omnium consideratio, dubio procul, peculiarem sæpe formam, pactis dotalibus Romanis dedit. Sed in Germania hypotheses illæ cessant, hinc etiam alia pactorum dotalium est ratio. Plerumque illa respiciunt communionem bonorum, vel etiam successionem, quæ statutis inter conjuges introductæ sunt, dum v. gr. usufructui, quem maritus alias integrum habuisset, modus ponitur, vel portioni statutariæ, quæ uxori alias competiisset, renunciatur. Possunt tamen nonnunquam de ipsa etiam dote fieri, quia hæc non plane exulat, ceu dixi Obs. 769.

## OBSERV. DCCLXXIV.

*Siquidem fiant in modum contractus*) Si libere loquili-  
cet, doctrina, quod pacta dotalia vel in modum con-  
tractus, vel ultimæ voluntatis fiant, videtur esse in-  
ventum Glossatorum & Causidicorum, qui ex capta-  
tione verborum, magna actuum juriumque discrimina effinxerunt, non alio fine, quam ut, prout vi-  
sum fuerit, actus evertere, lites excitare, vel caute-  
las suas, velut alexipharmaca, vendere, atque ita  
commentis comenta eludere possent. Nimirum apud Romanos pacta de viventis hæreditate non va-  
lebant, quod ob hæredipetas constitutum videtur,  
ne, si Orbos semel pacto de hæreditate sibi relinquen-  
da, constrinxissent, eos nefariis artibus à medio tol-  
lerent atque ita bona ad se traherent. Circa hanc dis-  
positionem veteres glossatores, miro acumine, ex-  
cogitarunt distinctionem, utrum *pactum de succeden-*  
*do iaceat, an contractus de bonis alteri post mortem dandis*  
cele-

celebretur, ac prius saltem prohiberi, minime vero posterius, censuerunt, num vero illa aut hæc paciscendi ratio adhibita sit, id ex verbis diversis judicari jubent, nam si de *hereditate* vel *successione* expresse dictum sit, tum pactum de succedendo initum est, quod non valet, idem est, si de *bonis post mortem*, in *alium devolvendis actum sit*, quodsi vero quis *simpliciter sua bona alicui post mortem promiserit*, adeo ut hic *ex obligatione ista, ab herede promittentis, sine ullo succedendi jure, bona promissa consequatur*, tum contractus validus celebratus est, prout egregia hæc inventa recenset ac amplius illustrat *H. PISTOR d. l. 4. qu. 3.*

2. Cæterum hæc mera discrimina verbalia esse, facile liquet, id quod etiam *FACHINÆO l. 3. contr. jur. c. 35.* quem *PISTORIS d. l.* adducit, jam ex parte subolvit, nam si ve dicas, *tu habebis meam hereditatem, tibi succedes*, aut *bona mea ad te devolventur*, si ve *mea bona tibi post mortem promitto*, in effectu res eodem recidit, & alter ex pacto jus omne, juxta intentionem paciscentium, habere debet, hinc vel secundum omnes illas formulas pactum validum dicendum erit, vel in genere valor ei abjudicandus. Considera hæredipetam Romanum, si hereditatem stipuletur, nihil agit, sed si, ex consilio Glossatorum, bona sibi promitti curet, fructu malitiæ suæ gaudebit! quis fraudem legi factam hic non agnoscat? Nimis dilutum est, quod, præter alia, oggerit *PISTOR d. l. n. 10. licet quis bona sua post mortem alteri promittat, nihilominus is, ad quem ex juris dispositione successio pertinet, succedit, & quantumvis ex contractu bona alteri cogatur tradere, nihilominus hæres est atque manet*, est enim hæres nomine non re, imo si molestæ obligationis gnarus, hereditatem

tem adire nolit, nonne cum immediate bona devolvatur in eum, cui promissio facta? atque ita alter nē nomine quidem hæres erit, alter verò semper jus succedendi ex pacto habebit, siue mentio illius juris facta, siue non! satis igitur certum, quod doctrina illa vulgaris impingat contra *l. 2. C. comm. de legat.* hinc non male ei applices iudicium *LUTHERI*, quod de Canonistarum Sponsalibus de futuro & de præsentibus tulit. *vid. CARPZ. §. E. l. 2. D. 18. n. 4.*

3. Cum autem in Germania Conjugibus de hereditate, valide pacisci liceat, futilis illa alioque plane fine efficta Glossatorum doctrina, ad pacta dotalia fuit translata, ea quidem ratione, ut quoties ex huius præscripto, ob intercurrentia *hereditatis successionis* vel *obventionis* verba, actus, instar pacti valere nequit, pacta dotalia in modum ultimæ voluntatis facta censi debeant, quoties vero, ob adhibita verba *prestandi, habendi, retinendi* vel similia, ut pactum valere potest, toties illa in modum contractus celebrata existimantur. *vid. CARPZ. p. 2. C. 43. D. 3. 6.* Hæc, nisi fallor, vera est huius rei origo, quæ nunc in foro late dominatur, imò legibus provincialibus nonnunquam approbatur. Uti autem absurdum est captare verba ac à vocabulis diversa jura suspendere, ita incommoda huius cavillationis sunt evidentiæ, nam prout in compositis affectus impulerit, actus bona fide celebratus, vel à conjugibus, vel ab aliis evertitur, id quod eò facilius procedit, quo incertiora nonnunquam sunt indicia, quibus ultimam voluntatem & pactum distingui volunt. Longe igitur rectius negotiis humanis prospiceretur, si explosa illa cavillatione, pacta dotalia (quod etiam nomen ipsum satis præcipit) tantum  
pro

pro pactis haberentur, horumque jure censerentur, quibuscunque etiam verbis agentes usi sint, cum enim de hæreditate pacisci liceat, quid opus est, innocuum *hæreditatis* vel *successionis* vocabulum capere ac inde actum ultimæ voluntatis extorquere? id sane, quod hic inculcamus, & æquitati, & intentioni agentium, & laudato Germanorum caudori magis convenit, cum contraria sententia non aliud habeat fundamentum, quam inficetam Glossatorum doctrinam, antea relata & explosam.

## OBSERV. DCCLXXV.

*Uxor cum marito omni tempore*) Quæ de diverso paciscendi jure hic dicuntur, videntur referenda ad *caput dotis repetenda*, nam extraneus nisi in ipsa dotis constitutione, jus repetendi sibi reservet, rem datam simpliciter uxori censetur donasse, adeoque postea ad pactum non admittitur, aut mulier omni tempore admittenda est, cum contumacia mariti, ei nihil profit, sed mulier etiam ex legis provisione dotem repetere queat. In eo autem fallitur *AUTOR*, quod Patrem non etiam quovis tempore pacisci posse existimet, cum enim is quoque ex legis dispositione jus repetendi dotem habeat *vid. l. 5. §. pen. l. 6. de jur. dot. l. 2. §. 1. l. 22. solut. matrim. l. un. §. 3. in fin. C. de R. U. A.* cur ei facultas paciscendi abjudicetur? Hodie horum jurium vel nullus vel exiguus est usus, nam dos foeminae proprium plerumque est patrimonium, adeoque cum superstes retinet, defuncta verò in hæredes, aliquando etiam maritum, si statuta aut pacta dotalia hoc velint, transmittit, & nisi fallor, repetitio Patri concedebatur apud Romanos, ob patriam potestatem quæ in fili-

filiam elocatam Pater retinebat, sed hodie nuptiis filia eam tolli, notum est.

OBSERV. DCCLXXVI.

*Non stipulanti, actio præscriptis verbis*) Quo, omiſſa ſtipulatione, pacto, quo extraneus de dote reddenda ſibi proſpicit, valorem conciliet *AUTOR*, putat illud degenerare in contractum innominatum, *do ut des*, qualis explicatio circa uxorem ipſam fieri nequeat, cum ipſius affectui repugnet. Videtur utique ita philoſophari juſ Romanum *l. 6. C. de jur. dot.* ſed hodie illis ſubtilitatibus vel tricis non utimur, cum ex quovis pacto ſerio detur actio, ipſi etiam contractus innominati apud nos ex ſolo conſenſu valeant.

OBSERV. DCCLXXVII.

*Contraria ſunt*) Eo etiam certo caſu pertinet ſuper-venientia liberorum, nam per hanc pacta dotalia ſucceſſionem reſpicientia evertuntur, *CARPZ. d. p. 2. C. 43. D. 13. 14. 15.* nonnunquam quoque per reſtitutionem in integrum tolluntur, v. gr. ſi ſcœmina minor, poſt nuptias & conſenſum thalami, portioni ſtatutariæ renunciât.

TIT. V.

DE FUNDO DOTALI.

OBSERV. DCCLXXVIII.

**H***ic prohibetur*) Dominium regulariter comitatur *libertas alienandi*, quæ tamen, accurate loquendo, à dominio penitus diverſa eſt. Uti autem illa ſæpe ſolet reſtringi, ita in ſpecie eo caſu merito reſtringitur, quo quis dominio revocabili ac ad alium aliquando redituro, gaudet, niſi forte alterius conſenſu, non res ſed earum pretium reſtituere teneatur,  
tum

tum enim illas irrevocabiliter acquisitas, pro lubitu alienare potest. Istam restrictionem, ex natura rei fluentem, ad rem dotalem immobilem ac inæstimatam transtulit ac ita auxit lex civilis, ut alienatio ne quidem consentiente uxore fieri queat, cujus argumentum amplius hic persequitur *AUTOR*. Hodie id, quod naturale est, mansit, ac maritus neque dotalia neque paraphernalia, pleno jure in ipsum non translata, alienare potest, sed ampliatio juris civilis, *quod alienatio, consentiente licet muliere, fieri nequeat*, in Saxonia, ac forte etiam alibi, recepta non est, modo enim uxoris consensus, Curatoris consilio ac nonnunquam Judicis autoritate firmetur, omnis generis bona valide alienantur. Interim juris patrii & civilis confusio doctrinas non satis aptas parere solet. Sic *CARPZOV.* p. 2. C. 15. D. 21. contendit: *Uxor fundum dotalem sine Curatoris autoritate vendere, aliove modo alienare prohibetur, etiamsi maritus consentiat, sicut nec ipse maritus, consentiente uxore absque curatore, fundum dotalem alienare valet ex sanctione Imperatoris Justiniani pr. j. quib. alien. lic. vel non l. un. §. 15. C. de R. l. A. quam sanctionem etiamnum in foro Saxonico durare docet Matth. Wesimb. &c.* nam jus civile, curatorem & alienationem ejus consensu accedente permissam ignorat, quemadmodum etiam consensus mariti intuitu rerum dotalium, & naturæ rei repugnat, & illi incognitus est, cum pertineat ad bona paraphernalia, ac usufructum marito in iis competentem, quod Saxonicum est, hinc frustra *sanctio juris civilis adhuc durare dicitur, cum talis qualis memoratur, nullibi exstet.*

DE DONATIONIBUS IN-  
TER VIRUM ET UXO-  
REM.

## OBSERV. DCCLXXIX.

**P**robibentur donationes inter Virum & uxorem) Accurate loquendo donationes Conjugum jure Romano non prohibentur, licet ita cum legibus nonnullis vulgò loquantur, nam hoc posito, morte donantis continuatoque consensu confirmari non possent: sed solum, ob concessam poenitendi facultatem, sunt invalidæ, ceu rectius docet l. 32. §. 2. seqq. b. t. adeo ut hæ donationes conventionibus parum seriis comparentur cum enim arcta illa societas conjugalis iis quotidianam occasionem suppeditet, ideo, ne calidior conjux, simpliciorem ac fugitivo amoris æstu nimis percitum, bonis suis privet, ad illam sententiã deventum est, idque eo magis, quod apud Romanos, matrimonia divortiis non infrequenter solverentur nam hac divertendi licentiã positã, nimis magna conjugibus probioribus ex donationum validitate metuenda erant incommoda. In casibus autem specialibus, in quibus rationes illæ cessabant, dispositio etiam illa locum non habuit, adeo ut donatio ex meo jure naturali æstimari, & si aliud non impediat, pro valida haberi debuerit. Utrumque, & regulam & exceptiones *AUTOR* hic persequitur, quæ tota tractatio, ex hypothesi nostra modo allata, facilius intelligi potest, in specie inde fluit, quod etiam de jure civili, donatio conjugum morte confirmari queat, nam facultas poenitendi, quæ unica invaliditatis causa est, jura-

men-

mento excluditur, nec obstat *l. 5. C. de LL. l. 7. §. 16. de pact.* per quas *AUTOR* dissentire videtur *lit. E.* loquuntur enim de negotiis prohibitis, sed tale non esse donationem, arbitramur. Hodie, cessantibus divortiis, præcipua quidem dispositionis Romanæ causa sublata videtur, quia tamen in matrimoniis perpetuis illa etiam quodammodo adhuc occurrit, hinc adhuc hodie illa sanctio servatur, interim facilius donationibus valorem conciliari posse, ex *CARPZOVIO p. 2. C. 13. D. 16.* admonuit *AUTOR in fin. b.*

## TIT. II.

## DE DIVORTIIS ET REPUDIIS.

## OBSERV. DCCLXXX.

**S**olvitur matrimonium) Solutio matrimonii laxius supposita, tria sub se continet, (1.) *declarationem nullitatis*, quæ generaliter fit ob defectum consensus matrimonialis, qui ex variis circumstantiis colligitur, de quibus explicatius nonnihil egi in Specim. Jur. Eccles. l. 4. c. 4. §. 1. usque ad 15. (2.) *separationem à thoro & mensa*, de qua itidem potiora capita proposui d. c. 4. §. 23. usque ad fin. (3.) *vinculi matrimonialis plenam dissolutionem*, hæc summam fit morte & divortio, nam ad hæc, omnia revocari possunt, quæ *AUTOR* hic proposuit.

## OBSERV. DCCLXXXI.

*Divortium sive repudium est dissolutio vinculi matrimonialis*) Quoad moralitatem divortii, multiplex scriptorum est sententia, ac varia Gentium praxis. Communiter jure naturali illud licitum, sed divino positivo universali prohibitum censetur, quod secutus



funia *d. c. 4. §. 15. 16.* sed non videtur sententia plane improbabilis, quæ ipso jure naturali divortia prohiberi putat, quam alibi fortassis plenius proponam. Interim cum apud Judæos, vel ex dispensatione divina, vel conniventia, (pro diversitate hypothesium, quas quis hic sectatur,) divortia essent in usu, inde ad ipsos Romanos, divertendi licentia videtur devenisse, adeo ut ob varias causas matrimonia solverentur, ceu *AUTOR* hic innuit, sub iis autem *captivitas & servitus* omninò comprehendendæ videntur, ut minus recte divortio opponantur.

## OBSERV. DCCLXXXII.

*Hodie causa efficiens proxima est*) Sive autem ex jure naturali, sive divino positivo universali, divortiorum prohibitio repetatur, id tamen certum, quod illa non absolute obtineat, sed quod omninò, auctoritate publica, ob certas causas, matrimonium solvi possit, quamvis quæ illæ sint, non satis liquidum sit. Vulgo *adulterium & malitiosa desertio* tantum admittuntur, quod sequitur *AUTOR b.* sed in *d. Specim. Jur. Eccles. l. 4. c. 4. §. 17.* existimavi, Omne illud, quod cum fine matrimonii pugnata ac à conjugē sponte suscipitur, solvendo matrimonio sufficere, quam sententiam etiam in primis secundum jus naturale obtinere, amplius arbitror; Juxta hæc igitur matrimonium solvitur adulterio, malitiosa desertione, pertinaci debiti conjugalis denegatione, insidiis vitæ conjugis, aut virilitati mariti structis, nec non perpetua abortus procuratione, quæ uberius paululum deduxi *d. c. 4. §. 18. 19. 20. 21. 22.* aliorumque consensu firmavi. Desertionis autem processum, cujus etiam *AUTOR*  
men-

mentionem hic injicit, in *d. Specim. l. 5. c. 6.* pluribus declaravi.

## OBSERV. DCCLXXXIII.

*Facto divortio persona sunt libera*) Post divortium, de tribus potissimum quæri potest, (1.) *an liceat separatis conjugibus aliud inire matrimonium?* de quo *AUTOR b. add. Specim. Jur. Eccles. l. 4. c. 4. §. 18. l. 5. c. 6. §. 24* (2.) *quid pars innocens lucretur aut retineat, ac nocens amittat?* de quo prolixè *CARPZOV. Pr. Crim. qu. 63. 64. 65.* Summam tetigi in *Specim. Jur. Eccles. l. 4. c. 5. §. 19.* (3.) *quis liberos alere teneatur?* *AUTOR* censet, eos educari apud innocentem, sumptibus nocentis licet vero hoc in *d. l. 1. & seq. auth. C. divort. fact. ap. quem lib. educ.* fundatum sit, hodie tamen obtinere non videtur, cum præsupponat mores Romanos, juxta quos nulla erat conjugum successio, quæ tamen hodie ex legibus Germanicis plerumque obtinet. Pater igitur liberos alere tenetur, qui tamen ex bonis uxoris nocentis, tam per usumfructum quam successionem, suo tempore futuram, aliquid lucratur, quod si Pater divortio causam det & nulla bona relinquat, tum onus alendi matri accrescit. *vid. STRYK de diff. spons. sect. 6. §. 44. seqq. add. Specim. Jur. Eccles. l. 5. c. 6. §. 21. 22. 23. 24. 25.*

## TIT. III.

SOLUTO MATRIMONIO DOS  
QUEMADMODUM PE-  
TATUR.

## OBSERV. DCCLXXXIV.

*Soluto matrimonio utcumque*) Quo usus hujus tituli recte intelligatur, id quidem satis constat, quod ea  
Ll 3 quæ

quæ de repetitione dotis dicuntur, fere ex naturalibus principiis dependeant, quia tamen instituta Romana cum germanicis non conveniunt, ideo illo jure non indistincte utimur, hoc igitur ut eo clarius appareat; ad sex capita respiciendum erit (1.) *quis jure Romano repetat?* Mulier ipsa ejusque hæredes, aliquando Pater vi patriæ potestatis, aliquando extraneus, *vid. STRAUCH dissert. 3. §. 16. 17. 18. HUBER in posit. ad b. t. n. 8. 9. 10. 11. 12. 13.* (2.) *quibus actionibus?* de quo *AUTOR b.* Breviter; mulieri & hæredibus quoad res exstantes datur rei vindicatio, quoad consumptas, actio ex stipulatu, idem dicendum puto de Patre, *vid. Observ. 775.* extraneus vero habet actionem præscriptis verbis, nisi stipulatione speciatim sibi prospexerit, *vid. Observ. 776.* (3.) *quid?* dotem *lit. O.* (4.) *quando?* soluto matrimonio, ut plurimum per divortium voluntarium, *arg. l. 240. de V. S.* (5.) *intra quod tempus facienda restitutio?* de quo *lit. E.* denique (6.) *quando repetitio cesset?* ob pactum & delictum.

2. Jam nisi fallor, circa singula capita, aliqua diversitas jure Germanico occurrit. Nam quoad *primum*, arbitror, quod Extraneus rarissime, Pater autem, quæ talis, seu vi patriæ potestatis, nunquam dotem repetat, matrimonio enim filiæ, aut separatâ œconomiâ hodie patria potestas tollitur, Circa *secundum*, actio personalis in genere, ex solo consensu venit, adeoque *condictio ex moribus* dicenda erit, quamvis de hoc non valde laborandum putem. Quoad *tertium*, non tam de dotis, quam illatorum potius repetitione in genere quaeritur, adeo ut sæpius de paraphernalibus quam dotalibus agatur, quod experientia satis confirmat. Circa *quartum*, frequentissimus sol-

solvendi casus, nempe divortium voluntarium, hodie exulat, si vero morte mariti matrimonium solvatur, tum sæpe uxor, injectis bonis propriis, ad portionem statutariam admittitur, si obitu uxoris, tum uti maritus ex statutis in portionem hæreditatis venire solet, ita deficientibus liberis, pacto vel testamento bona omnia, exceptis alicubi saltem geradicis, accipere, atque ita repetitionem hæredum excludere potest, si denique culpa uxoris matrimonium dirimatur, cum maritus sua jure retinet, post mulieris vero mortem, hæredes legitimi succedunt. Ex quibus liquet, quod etiam *quintum caput* hodie cesset, respiciebat enim potissimum divortium voluntarium, & ex inductione casuum, patet, quod restitutio vel plane deficiat, vel statim fieri debeat, denique nec in *fixis* leges Germaniæ cum Romanis conspirant. Contendit *AUTOR*, jure Romano potuisse maritum ex pacto dotem lucrari, sed hoc vix admittendum, est enim pactum de successione, quod ipse invalidum pronunciat *l. 23. tit. 4. lit. O.* nec juvant illam sententiam *l. 48. b. t. l. 12. de pact. dotat. l. 6. C. de pact. convent. tam sup. dot.* nam id saltem docent, quod Pater in favorem liberorum repetitioni possit renunciare. Hodie autem certum est, quod maritus ex pacto dotem, imo omnia bona deficientibus liberis, lucrari queat, *vid. Observ. 777.* Porro jure Romano dos amittitur, si culpa mulieris matrimonium solvatur, sed in Saxonia, omnibusque in locis, ubi aliqua inter conjuges est communio & successio, maritus saltem jura retinet, quæ constante matrimonio ipsi competunt, post mortem autem uxoris, consuetam successio obtinet, quod *CARPZOV. Pr. crim. qu. 64. n. 35. 36.* tandem fateri cogitur, ut antea,

tam bona dotalia quam paraphernalia adulterio mulieris amitti, pronunciaverat.

OBSERV. DCCLXXXV.

*Nisi maritus ad inopiam sit redactus*) Hoc casu non tam repetit dotem aut potius illata, quam ea contra creditores defendit uxor, nam utique marito jura sua in iis relinquuntur. De cætero in Saxonia Electorali mulier sua privilegia in defendendis bonis retinet, licet marito obærato sciens nupserit, hæc enim sententia prævaluit. DECIS. SAXON. 6. cum antea ancipiti maræ inter se certarent interpretes, *vid. STRAUCH. DISSERT. 3. §. 16.*

LIB. XXV. TIT. I.

DE IMPENSIS IN RES DOTALES FACTIS.

OBSERV. DCCLXXXVI.

*Impense dotales*) Quid & quotuplices sint impensæ, id dubio procul omnes homines communi ratione intelligunt, ut Romanis hac in parte nihil debeatur. Porro obligatio mulieris ad impensas dotales restituendas, juxta circumstantias hic memoratas, naturalis est, ac jure Romano saltem confirmatur, hodieque quoad bona paraphernalia, in casu habili, quoque obtinet.

OBSERV. DCCLXXXVII.

*Jure Codicis rem dotalem propter has impensas non potest retinere*) Hoc positivum est, nam alias mero jure naturali, eo remedio uti possumus, quod maxime compendiosum est, quoque debitorem, ad implendam obligationem, celerime ac efficacissime adigere possumus, & quod imperio civili, in statu civili, non repu-

repugnat. Non immerito etiam dubitare licet, an id, quod *JUSTINIANUS*, jussu uxoris in transversum actus, sanxit in Germania valeat, receptæ enim leges Romanorum positivæ saltē sunt in subsidium, aut hoc casu iis non indigemus, cum sola æquitate hæc res expediri queat.

## TIT. II.

DE ACTIONE RERUM  
AMOTARUM.

## OBSERV. DCCLXXXVIII.

**P**er actionem rerum amotarum) Hæc ex obligatione naturali utique resultat, conjux enim amovendo alteri damnum inferens, ad illud sarciendum ex naturali jure tenetur. Interim respicit hoc delictum licentiam divortiorum adeoque institutum Romanum, quod cum in Germania exulet, hinc actio quoque ipsa, cum additamentis positivis, incognita est.

## OBSERV. DCCLXXXIX.

*Datur actio expilata hereditatis*) In quibusdam exemplaribus legitur: *non datur quod & cit. l. pen. expil. hered. exigere*, & ipse *AUTOR* infra *rit. expil. Hered. lit. P.* præcipere videtur, quando actionem expilatæ hereditatis contra uxorem defuncti dari negat. Rursus tamen correctioni, hic faciendæ hoc obstat, quod ea admissa, actio furti, quæ paulo ante asseritur, sit quoque neganda, adeoque eo etiam correctio extendenda, quod tamen non fit. Nihil igitur muto, sed lectioni affirmativæ inhæreo, ei autem defendendæ, tollendoque, quod hic subest, dubio, nec  
non

non *AUTORI* à contradictione liberando, distinguendum videtur, utrum uxor *res mariti defuncti in sua habuerit custodia*, an ab earum detentione plane fuerit *semita*, cujus circumstantiæ *l. 33. de N. G. l. 17. C. de furt. l. 4. C. expil. hered.* mentionem faciunt. Priori casu uxor crimen expilatæ hæreditatis non committit, adeoque eo nomine conveniri nequit, quod *infra* tit. Expil. Hæred. *lit. P.* docetur, sed posteriori casu, ad exemplum extranei, pro casuum diversitate, & furtum committere & hæreditatem jacendam expilare potest, hinc utraque actio *h. l.* asseritur, nam illo casu eadem ratio pro uxore allegari potest, quæ pro cohærede, negando expilatæ hæreditatis crimini adducitur *l. 51. pr. pro soc. l. 3. C. fam. excise.*

## TIT. III.

DE AGNOSC. ET ALEND. LIBER.  
VEL PARENT. VEL PATRON.  
VEL LIBERT.

## OBSERV. DCCXC.

**A**ctio *præjudicialis*) Hoc nomine intelligitur actio, à cujus discussione, alterius actionis decisio dependet, eoque sensu quævis actio, in certis casibus, id prædicatum ferre potest. Deinde verò actio præjudicialis, ad jus personarum, quod vocant, seu ad conditionem illam civilem, quam quis in Republica habet, refertur, adeo ut quoties quæritur, an quis sit servus, subditus, Pater, filius, maritus, uxor &c. toties quæstio præjudicialis subesse dicatur, cujus quidem generis controversiæ hodie plerumque incidenter, occasione aliûs actiones motæ, tractantur.

## OBSERV. DCCXCI.

*De partu agnoscendo*) Societas conjugalīs liberorum procreandorum & alendorum causa initur, hinc utique naturale est, ut & conjuges & Parentes ac liberi sese pro talibus agnoscant, ac onera sibi imposita subeant. Contra reluctantes remedia eo fine comparata adhibentur, quorum exercitium & effectum lex positiva amplius determinat. Porro id naturale est, ut is, qui memorata societate nititur, à probatione sit immunis *add. THOMAS. in not. ad posit. Huber. b. n. 4.* De cætero casus, de liberis post divortium nascituris, agnoscendis, hodie non occurrit, adeoque Soti Planciani, quod partim naturale, partim positivum erat, nullus est usus. Ex eo, ut hoc obiter admoneamus, oriebatur *Pœna denunciati*, cujus fit mentio in *l. 9. de patr. potest.* nam ibi non *denunciata*, ut vulgo, sed *denunciati*, legendum esse, ex *CUJACIO* admonet *NOODT* in *libr. singul. de Part. exposit. c. 3.*

## OBSERV. DCCXCII.

*Alere tenentur Parentes lit. S.*) De jure naturali certum est, quod Parentes alere liberos teneantur, etiā quam primum nati sunt, nec tamen aliter, quam si propria bona non habeant, & sibi ipsis de alimentis prospicere nequeant. Verū apud Romanos decreta illa naturalia non semper, prout par erat, fuerunt observata, sed apud eos, ad imitationem nonnullorū Græciæ populorum, in arbitrio Parentum positum erat, utrum liberos sanguinolentos tollere, an exponere necareve vellent. Atque illi mores valuerunt temporibus Principum, sub quibus floruerunt Jcti, ex quib9 excerpta sunt Pandectarum fragmenta, neque Scto Planciano, neque altero illo, quod tempore



*HADRIAN* factum dicitur *l. 3. §. 1. b. i.* neque rescripto divorum Fratrum *L. 1. §. 1. de inspic. ventr.* neque edicto Prætoris nec remedio, quod majori trimo extra ordinem indulgebatur in *l. 9. C. de patr. potest.* fuerunt expuncti, feritate illa etiam sub Imperatoribus Christianis durante. Primi autem expositionem infantum prohibuerunt Imperatores *VALENTINIANUS, VALENS & GRATIANUS* in *l. 2. C. de infant. expos.* in qua quidem per animadversionem constitutam, non intelligitur poena extraordinaria, vel legis Corneliæ de sicariis, aut Pompejæ de parricidiis (prout vulgo ad hanc alternationem deveniunt pro ratione diversæ intentionis, qua soboles exponitur, moti in primis *l. 1. §. 4. l. 4. b. i. l. 9. C. de patr. pot.*) sed simpliciter poena capitalis, ex lege Cornelia infligenda, nam in *l. 8. C. ad L. Cornel.* cædes recens natorum sub poena capitali prohibetur (nec enim cum *CUJACIO*, de sobole jam agnita aliquæ iussu tantum, neque de liberorum immolatione, olim in Africa fieri solitâ, ceu conjectat *RÆVARDUS*, ille textus est accipendus) quæ poena in *l. 2. C. de infant. expos.* ad eos quoque, qui liberos, etiam in celebri aliquo loco, exponunt, extenditur, nam utraque lex eosdem habet Autores, ad eundem Magistratum, eodem etiam anno perscripta est, ita tamen, ut *d. l. 8.* præcederet, *d. l. 2.* sequeretur, inscriptione & subscriptione illa omnia probantibus, sed ista delibasse sufficiat, ex professo autem illa deducit *GERHARD NOODT* in *libr. sing. de Partus expositione. de anno 1700.*

## OBSERV. DCCXCIII.

*Non etiam incestuosus quibus alimenta jure civili præstari non possunt auct. ex complexu C. de incest. nupt. jure*

*jure can. non debentur*) Circa hunc locum primò sphalma facile observatur, nam pro *jure can. non*, legendum esse *jure canon.* ut duo verba posteriora coalescant in unum, totus contextus ostendit, in nonnullis exemplaribus adhuc majus erratum occurrit, de cætero lepidam, quoad jus civile & Canonicum, diversitatis rationem, ex PETRO de FERRARIIS notat ZIEGLER de *Diacon. c. 14. §. 37.* ait ille: *utrumque jus habet in se rationem. Nam ratio juris civilis fuit, ut reprimere tur virium carnis, ratio autem Clericorum (quia luxuriosi sunt & carent uxoribus) ut ampliaretur facultas luxuriandi &c.* Ita vulgò philosophantur! sed HUBER in *posit. & Fralect. b.* contendit, quod liberis ex damnato coitu natis, etiam jure civili debeantur alimenta, cum iis indigni pronuncientur non simpliciter, sed ad effectum negandæ successionis. *add. ID. in posit. ad J. l. 3. lit. 1. §. 23.* Ulterius progressus est LUCAS VANDE POLL in *libr. singul. de Exhæred. & Præterit. 1700.* nam liberos adulterinos matriante condemnationem mortuæ, ac foeminæ solutæ, quæ ex marito pepererat, sive illum congressum, adulterium sive stuprum jure Romano dicas, omnino succedere, docet *c. 40. n. 14. seqq.* liberis incestuosis hæreditatem maternam itidem vindicat *c. 41.* licet incestus cum adulterio fuerit conjunctus, modo absit incestuosum matrimonium, nam ex hoc prognatos, à matris etiam hæreditate repelli, satis certum ex *l. 6. C. de incest. nupt.* Nec obesse illi sententiæ censet Nov. 74. *c. ult.* ac inde desumptam *auth. ex complexu C. de incest. nupt.* cum de Patre loquantur, neque Nov. 89. *c. ult.* quæ omnes ferè deceperit, cum itidem de Patre saltem agat, in græco enim textu extare *παρὰ τῶν γονέων*

γυνέων, qua locutione Patres notari, ex collatione ejusdem Nov. c. 12. §. 4. liquere, quod si pertendas, γονεὺς Græcis esse idem quod *Parens*, fatendum tamen esse quod de *parentibus paternis*, in d. c. ult. saltem sermo sit, cum totus Novellæ contextus ostendat, liberis incestuosis negari, quod naturalibus, Patris intuitu, ibi concessum erat.

TIT. IV. V. VI.

DE INSPICIENDO VENTRE  
CUSTOD. PARTU &c.

OBSERV. DCCXCIV.

**E***dictum Prætoris*) Cum igitur liberis debeantur alimenta ex bonis Patris, imo sæpe omnia bona, ideo jure suo petit Uxor prægnans, ut mortuo marito, ventris nomine in possessionem mittatur. Quod si in factio res dubia sit, venter inspiciendus est, ac pro ratione circumstantiarum, missio decernenda *tit. 4. b.* quæ omnia ex generalibus æquitatis & prudentiæ principiis fluunt, adeoque, si in aliis casibus hodie inspectio adhibeatur, nihil juri Romano ideo debemus. Si mulier possessionem obtentam, in præjudicium aliorum, dolosè in alios transferat, ad damnum resarciendum, naturaliter illam obligari, manifestum est, hinc actio in factum contra eam datur, imò tertius quoque ex eodem præcepto ad possessionem restituendam obstringitur *tit. 5.* si autem per mendacium possessionem obtinuerit mulier, atque ita damnum dederit, ex eodem dictamine convenitur *tit. 6.* Prætor tamen diversam durationem constituit, prior enim actio perpetua est *l. 1. §. 4. tit. 5.* posterior annalis *l. 1. §. 3. tit. 6.*

## TIT. VII.

## DE CONCUBINIS.

## OBSERV. DCCXCV.

**C**oncubina) Concubinatus Romanorum, nihil aliud fuit, quam matrimonium minus solenne, seu conjugium inæquale juxta *l. 3. C. de natur. liber.* in quo deficiunt solennitates & effectus juris civilis, *vid. l. un. C. b. t. l. 49. §. 4. de leg. 3. can. 3. seqq. distinct. 34.* Lex divina tamen, quoad indissolubilitatem hujus societatis, haut fuit observata, sicut nec in ipso matrimonio, præterea an consanguinitatis vel affinitatis exacta semper fuerit ratio habita, certo haut assererem, *vid. §. fin. j. de nupt.* Alia insuper in Concubina requirit lex civilis *lit. S. Gentis Romanæ* ambitionem vel vanitatem, quæ morum elegantix nomine plerumque venit, redolentia.

## OBSERV. DCCXCVI.

*Concubinatus jure canonico est prohibitus*) Imo vero, quatenus hic supponitur, non est prohibitus *c. fin. qu. 4. C. 32.* & hodie quoque sub digniori *matrimonii Morganatici* *vid. l. f. 29.* nomine, à personis illustribus aliquando licite exercetur. Quod si autem per concubinatum intelligas scortationem vel etiam conjunctionem legibus divinis contrariam, tum jure Canonico & moribus prohibetur, præterea in hominibus privatis nullum etiam matrimonium minus solenne occurrit, sed quicquid à consuetudine contrahendi ratione abit, id pro conjunctione illicita habetur.

## LIB. XXVI. IT I.

## DE TUTELIS.

## OBSERV. DCCXCVII.

**T***utela*) Quemadmodum diversa hominum ætas in omni Gente occurrit, ita unicuique communis ratio facile ostendit, æquum & utile esse, ut personis teneræ ætatis & iudicii adeo parum validi, si Parentibus destituantur, quis adjungatur, sub ejus directione & consilio, & recte educari, & in vita civili negotia sua expedire queant. Sic igitur ex communi ratiocinatione *Tutela* *indoles* & *varietas*, quæ hic memoratur, intelligitur. Interim Romani tutelam à Cura subtilius distinxerunt, sed ejusmodi speculationes ab usu vitæ civilis plerumque abhorrent, adeoque rigide observari non solent. De cætero circa tutelam tria summatim expendi possunt, (1.) quomodo *constituatur*, (2.) quid *constituta operetur*, & (3.) qua ratione *desinat*.

## OBSERV. DCCXCVIII.

*Agendum de tutela constituenda lit. C.*) Constituitur tutela mutuo consensu, seu *delatione* & *acceptatione*, quod naturale est, quemadmodum etiam ex juris congeniti præscripto tutela, inprimis à Magistratu, est deferenda & ab aliis acceptanda, quo sensu, *juris naturalis* dicitur h.

## OBSERV. DCCXCIX.

*Possunt esse tutores*) Circa personas, quibus deferatur tutela, duo spectanda. (1.) *habilitas*, quivis naturaliter est habilis, qui usu rationis gaudet & commoda pupilli promoveri potest, reliqua sunt ex jure positivo *lit. S.* circa cujus interpretationem inprimis obtinet *l. 37. de Leg. add. DECIS. SAXON. 34. 35.* (2.) *obligatio*

*gatio*, ad suscipiendam tutelam indehnite ex jure naturali, sed arctius ex jure positivo quis obligatur *l. fin. pr. C. de admin. tutel.* hinc tutela *munus publicum* dicitur *pr. J. de excusat. tutor.* id autem facile liquet, talem dispositionem non ex rationibus Romanis, sed communibus, utilitate scilicet publica & subjectione civium, profluere.

## OBSERV. DCCC.

*Constituuntur tutores principaliter persona pupilli*) Romani ita philosophabantur: Cum impubes, ob judicii infirmitatem, nihil recte agere posse videatur, ideò integrum velut hominem ejus loco substituendum esse existimarunt, hinc Tutor toti personæ datus, per consequentiam saltem rerum pupillarium curam gerit, qua nota à Curatore præcipue discernitur, qui vel ad certos saltem actus, vel generaliter quidem personæ, sed saltem aut potissimum propter rerum administrationem, datur. Hodie discrimen ipsum manet, sed in discernendis Tutoris & Curatoris nominibus, non adeo scrupulosi sunt mores, nec etiam discrimen illud, effectum actuum specialium mutat, nam actus aliquis ejusdem est efficacix, sive adjutor universalis sive particularis ei adfuerit.

## TIT. II.

DE TESTAMENTARIA  
TUTELA.

## OBSERV. DCCCI.

**P***rimum occurrit testamentaria*) Ulterius circa delationem spectatur persona deferens, & id quidem naturale videtur, ut cuius testatori, qui aliquid juris in pupillum, vel directe vel indirecte habet, potestas

tutorem constituendi, tamdiu asseratur, donec lex positiva illam adimat. Illam facultatem lex civilis Romana confirmavit, ejusque exercendæ requisita & modum amplius determinavit, quæ tamen hodie, ubi iudicio privato tutor non penitus constituitur, sed Magistratus confirmatio semper necessaria est, non adeo observantur.

## OBSERV. DCCCII.

*Diff. Habn.*) Cui adstipulatur *Dn. BERGER* in *resolut. b.* sed sententia *AUTORIS* non improbabilis videtur, nam testamentum privilegiatum, perfectum est, nec obstat (1) *l. 2. C. de confirm. tutor.* est enim *ALEXANDRI* Imperatoris, quo tempore privilegium paternum nondum videtur fuisse notum, sed recentioribus demum constitutionibus, *l. 16 fin. C. fam. ercis. l. 21. C. de testam. Nov. 107.* introductum, (2.) *Non valere testamentum paternum quo ad personas extraneas*, nam hoc ad institutionem vel legatum pertinet, ast datio tutoris ad ipsas spectat liberos, licet per consequentiam alienam personam quoque involvat. Cæterum cum in ipsa *l. 2. C. de conf. tut. voluntas Patris à Judice servari* dicatur, inteliquet, quod controversia hæc hodie sit nullius usus, aliud dicendum foret, si confirmatio Judicis hac in parte plane non interveniret.

## OBSERV. DCCCIII.

*Alterius jurisdictioni subjectus*) Hodie forte id cessat, nam olim, observatis requisitis, datio à testatore facta simpliciter valebat, & cum ejus volox ex generali legis permissione fluere, hinc per diversas jurisdictiones vim suam extendebat. Ast hodie privato testatoris iudicio, semper quoque publicum accede-

cedere debet, hic illius potestas ad ambitum jurisdictionis, cui subest, videtur restricta.

## TIT. III.

## DE CONFIRMANDO TUTORE VEL CURATORE.

## OBSERV. DCCCIV.

**T**utela confirmata est) Quodsi circa tutelam testamentariam ea deficiant, quæ illi propria sunt, ad tutelam verò vel curam in genere, non requiruntur, ut si deficiat potestas patria, vel codicillis non confirmatis *l. 1. §. 1. l. 3. ff. l. 2. C. b. t.* aut verbis precariis *d. l. 1. §. 1.* vel liberis puberibus *d. l. 1. §. fin. b. l. pen. de Curat. furios.* tutor detur, tum datio à Magistratu confirmari solet. Quodsi vero ea defint, quæ ad ultimam voluntatem, tutelam & curam in genere, sunt necessaria, ut si is det tutorem, qui factionem testamenti non habet, vel detur ei tutor, qui in potestate patria existit, vel constituatur persona prohibita, vel ultima voluntas ne quidem in vim codicilli valere queat, tum Magistratus confirmatio non accedit. Ultimum hodie quoque servatur, sed prius latius patet, dum omnis tutela testamentaria confirmari debet, hinc de divisione tutelæ testamentariæ in propriam & impropriam, ac ejus differentiis *vid. HUBER. posse ad J. de Tutel. n. 9. seqq.* hodie parum laborandum.

## OBSERV. DCCCV.

*Dativus tamen est lit. E.*) Imo potius testamentarius nam alias legitimis præferri non posset, & quicquid hic Magistratus agit, illud saltem rationem actus accessorii habet, quæ datio testamentaria velut fulci-



tur, hinc accurate loquendo, datio non valet ex actu Magistratus, sed ex ultima voluntate à Judice confirmata, ut illa semper naturam causæ principalis retineat, confirmatio fulcri accessorii initar sit. Textus in contrarium allegati nihil probant, nam *l. 26. §. fin. de test. tutel.* non loquitur de tutore confirmato sed *dativo*, cujus tamen conditio ab eventu eversti testamenti dependebat, *l. 16. pr. de cur. fur. l. 1. 4. C. de test. tutel.* necessitatem confirmationis judicialis, certis in casibus saltem adstruunt, qualitatem verò tutoris non definiunt. Cæterum cum ipse *AUTOR* fateatur, confirmatum præferri legitimis, controversia hæc in cæteris est otiosa.

## TIT. IV.

## DE LEGITIMIS TUTORIBUS.

## OBSERV. DCCCVI.

**T***utela legitima est*) Hæc dependet quidem à præscripto *juris positivi*, hoc tamen præsupponit rationes omnibus Gentibus fere communes, ut hæcenus hæc tutela etiam juris Gentium existimari queat, & hinc factum videtur, ut jus Romanum non tantum in tutelis privatis sed & illustribus sequamur. *vid. Specim. Jur. public. l. 2. c. 5. §. 78. 79. 80.*

## OBSERV. DCCCVII.

*Quæ deficiente testamentaria*) Si nullus omninò tutor testamento sit constitutus, vel *datus ante testatorem moriatur*, aut se à tutela oblata excuset, tum certum est, quod Legitimæ tutelæ locus sit, nam omnibus his casibus tutor testamentarius vel omninò vel saltem in effectu non adest, sed si testamento quis ex certo tempo-

re vel conditione sit tutor datus, interim non *legitimus* sed *dativus* tutelæ præest §. 1. *J. de attil. tutor.* nec enim tutela legitima, subsidiaria ac temporalis, sed principalis ac perpetua est ex mente Romanorum, cum lex non perinde ut Magistratus, in omnes casus, etiam rariores & cito transituros, prospicere soleat. Quod si certum evadat *testamentarium existere non posse*, tum legitimum admittendum putem *arg. l. 11. pr. de test. tut.*

2. Ulterius si tutor testamentarius, post mortem testatoris ac susceptam tutelam deficiat, tum excluso legitimo semper dativum sequi contendit *DN. THOMAS*: in not. ad *Strauch. dissert. 5. thes. 10. p. 43.* idque repetit in not. ad *Huber. posit. ad J. tit. 14. n. 4.* sed isti sententiæ repugnat *l. 11. §. 3. de tutel. testam. l. 6. de legit. tutor.* quæ de tutore ante testatorem mortuo, commodè explicari non possunt. Nam in *d. l. 11. §. 3.* contextus satis ostendit, quod in §. 1. 2. & 3. agatur de tutela suscepta sed diversis modis finita, accedit quod in *d. §. 3.* tutela ad legitimum redire dicatur, ergo ab alio eam interceptam esse oportuit, denique dicit *JCTUS*, quod *hic SCrum cesset*, hoc autem dubio procul pertinet ad casum tutoris testamentarii, post tutelam susceptam deficientis, nam casus, ubi ante testatorem moritur tutor, dubio caret. Eadem explicatio adhibenda *l. 6. de legit. tut.* nam verba finalia: *idem dicimus, si tutor testamento datus adhuc filio impubere manente decesserit: nam tutela ejus ad agnatum revertitur, non rectè sic acceperis: idem dicimus*, id est: *Patrem intestato mortuum esse*, nam de hoc in præcedentibus, præ instituto suo, satis egarat *JCTUS*, hinc potius illis verbis non *idenditatem casus*, sed in casu diverso, *idem-*

*ditatem decisionis innuit, ut sensus totius legis eo redeat, intestato parente mortuo, agnatis deferri tutelam, idem esse, si post tutelam susceptam, testamentarius tutor moriatur.* Suadet hanc expositionem *oppositio versiculorum*, ac verba: *ad huc filio impubere manente nec non; revertitur* confirmant, illa enim *statum impubertatis sub tutore inceptum ac adhuc durantem*, hoc verò, *tutelam ab alio hactenus administratam*, probabiliter arguit.

3. Hæc cum ita sint, omninò juxta voluntatem testatoris, diversimode pronunciandum erit, id quod aliis jam suboluit. Nimirum si tutor testamentarius, post susceptam tutelam *moriatur*, cum succedit legitimus *l. ii. §. 3. de tut. testam. l. 6. de legit. tutor.* cum enim mors hominum sit necessaria ac singulis momentis accidere queat, hinc testator de ea etiam, intuitu tutoris dati censetur cogitasse, nec adeo hoc intuitu, tutorem ut perpetuum, legitimosque semper exclusurum, considerasse, quare morte ejus eveniente, legitimi, juxta testatoris voluntatem, admittuntur. Multò magis hoc verum est, si testamentarius *ad certum tempus vel conditionem sit datus*, nam post lapsum temporis vel existentiam conditionis, legitimus quoque admittitur, cum testatoris restricta datio evidenter ostendat, legitimum, ex ejus sententia non penitus esse excludendum, si verò tutor,  *suscepta tutela, excusetur aut removeatur*, cum dativus succedit, legitimo plane excluso *l. ii. §. 1. 2. de testam. tutel.* idem dicendum ob rationis paritatem, si *deportetur*, nam isti eventus sunt arbitrarii hinc de iis non cogitavit testator, sed potius tutorem testamento constitutum, hoc respectu ut perpetuum legitimosque semper exclusurum, consideravit, quando igitur,

præ-

præter opinionem testatoris nihilominus eveniunt illi cāsus, tutela ab alio, quam legitimo tutore, est continuanda, quam explicationem apud Romanos peculiare SCtum firmavit d. l. ii. §. 3.

TIT. V.

## DE TUTORIBUS ET CURATORIBUS DATIS &c.

OBSERV. DCCCXVIII.

**S**I *actu non adsit alius tutor*) Ut à Magistratu tutor constituatur, id juris Gentium est, fluit enim ex natura Societatis & imperii civilis. *Quis* vero potestate dandi tutorem gaudere debeat, id lex positiva definit, qua in re à legibus Romanis, abire mores nostros, docetur *lit. C.* Ulterius *ordinem*, quo à Magistratu tutor dandus sit, lex positiva etiam determinat, qua in parte jus Romanum sequimur, licet enim Magistratus nostri ordinem illum forte non semper observent, id tamen ex consensu eorum, quorum interest, fieri videtur, nam aliàs si hi ordinem illum urgent, is omninò observandus erit. Denique ut quis saltem pro ratione jurisdictionis suæ, hoc jus habeat, adeoque iis & eos tantum dare possit, qui ejus jurisdictioni subsunt *lit. C. S. P.* id quoque naturale est, de ambitu vero jurisdictionis Magistratuum, non ex legibus Romanis, sed statu cujusvis Reipublicæ & Territorii esse judicandum, facile liquet, quod si tamen quis consentire possit & consentiat in dationem, etiam ab incompetente iudice hæc fieri potest quod in Curatoribus ad litem omni die accidit. Tandem ut Magistratus pure papillis succurrat *lit. Q.* id etiam naturale est, quia fidem suam eo sine interposuit.

## TIT. VI.

QUI PETANT TUTORES VEL  
CURATORES ET UBI  
PETANTUR.

## OBSERV. DCCCIX.

**P***Etunt tutores*) Ex lege humanitatis quidem ad tutores pupillis petendos, obligantur homines alii, sed illa obligatio valde laxa est ac in foro civili nullum habet effectum; nisi lex positiva ei vim addat, quod quoad matrem & cognatos, successionem certo sperantes, factum est *b. t. add. DECIS. SAXON. 41. in fin.*

## TIT. VII.

DE ADMINISTRATIONE ET  
PERICULO TUTOR. ET  
CURATOR. &c.

## OBSERV. DCCCX.

**I***ntutela constituta*) Post *delationem* hactenus explicatam, sequitur futuri tutoris *acceptatio*, quam vulgo haut attendunt, ideo forte, quod invitus etiā munus subire debeat, quæ tamen ratio non sufficit, cum nihilominus verus utique actus à parte tutoris intercedat. Secuta autem acceptatione, actus constitutionis naturaliter est perfectus, quo autem eo magis securus sit pupillus, plura insuper requirit lex positiva *lit. In.* quæ tamen quoad juramentum & satisfactionem non ubique observatur, nam uti juramentum promissorium, ab hominibus in delicta proclivibus, parum religiose servari solet, nec adeò satis con-

consultum videtur, cum metu perjurii illud exigere, ita satisfactio eximie quidem ad securitatem pupilli facit, sed à parte altera tamen considerandum est, quod fideiussores non semper reperire licet, ac præterea satis durum sit, homines gratuito officio functuros, adeò molestas postulare præstationes, imprimis cum Magistratum vigilantia malæ administrationi tempestive occurrere possit & debeat.

## OBSERV. DCCCXI.

*Officium tutorum est*) Postquam tutela constituta, i. e. jus & obligatio peculiaris producta est, deinceps ejus effectus seu operatio spectari potest, vid. Observ. 797. quæ sane naturalis est, nam juxta mensuram factæ delationis & acceptionis, seu consensus præcedentis, tutor aliquid facere potest & debet, hinc alia conditio est tutoris adjuvantis & honorarii, alia administrantis *b. l.*

## OBSERV. DCCCXII.

*His concurrentibus ac præstita tutor administrare tenetur*) Tutoris administrantis obligatio naturalis jure civili probata, summatim in his consistit, (1.) *ut pupillum probe educet* (2.) *ut ipsum in rebus administrandis negotiisque gerendis representet, vel ei assistat* seu stilo juris Romani, ut *administret vel auctoritatem interponat*. Ex eo autem conclusiones magis speciales elicit *ALTO R b. & lit. O.* quas adeo Romanis præcise non debemus.

DE AUTORITATE ET CON-  
SENSU TUTORUM ET CU-  
RATORUM.

## OBSERV. DCCCXIII.

**A**utoritas) Aliquando etiam tutor suo defungitur officio, *autoritatem interponendo*, cujus modum lex civilis definit *lit. C.* Quoad *necessitatem* vero, dux quaestiones sunt secernendae, (1.) *an ratione tutoris, interpositio sit necessaria?* quod regulariter negandum, cum in arbitrio potius tutoris positum sit, seorsim administrare vel pupillo gerenti assistere, aliquando tamen, ex praescripto juris Romani, libertas illa cessat, tenereturque tutor pupilli actus autoritate sua probare, quales casus *tit. prac. lit. O. in parenthesi* recensuit *AUTOR.* (2.) *an ratione pupilli?* vult toties dicendum, quoties ex negotio suo obligandus est *lit. O.*

## OBSERV. DCCCXIV.

*Restituitur in integrum lit. E.*) Interest aliquid hoc loco, utrum negotium ipso jure nullum, an restitutione rescindendum dicas, si sit nullum, pupillus rem retinet vel repetit, si restitutione ei consulendum, tum regulariter saltem damni emendationem obtinet, illo casu nulla probatione opus, hoc vero laesio probari debet, querela nullitatis, post majorem annitatem, intra quinquennium vel decennium, si titulo lucrativo res alienata, proponi potest. *l. fin. C. si major fact.* vid. *CARPZOV. p. 2. C. II. D. 30.* sed remedium restitutionis quadriennio excluditur *l. fin. C. de tempor. in integr. restitut.*

## OBSERV. DCCCXV.

*Hodie soli tutores plerumque res pupilli administrant*) Ergo ratione tutoris, interpositio autoritatis amplius non est necessaria in casibus *Observ. 83.* indicatis, interim ex imitatione juris civilis, illi qui nomine tutorum in judiciis comparent, adhuc hodie solent dici *Actores*, forte tamen non satis ad juris illius mentem: ratione verò pupillorum, si forte aliquod negotium celebrent, etiam hodie autoritas est necessaria.

## TIT. IX.

QUANDO EX FACTO TUTORIS  
VEL CURATORIS MINORES  
AGERE VEL CONVENIRI  
POSSUNT.

## OBSERV. DCCCXVI.

**H***ic explicatur*) Ex administratione tutoris plures horum naturaliter obligationes & jura, manifestum est, subest enim obligandi intentio. Summatim autem duo respectus intercedunt, vel enim quaeritur (1.) ratione *pupilli & extranei*, vel (2.) *pupilli & tutoris*. Primus casus iterum duo membra continet, vel enim *tutor suo quidem nomine, sed pecunia pupillari*, vel *nomine pupilli contrahit*. Illo casu quid obtineat, ostenditur *n. 1 b.* quæ naturalia putamus, quando enim pecunia alicujus res comparatur, licet comparans nomen suum prætexit, æquum tamen est, ut securitatis gratia, domino pecuniæ, res asseratur, nisi vel ejus consensu, vel lege positiva aliud constitutum sit. Merito igitur res, pupillari pecunia emta, pupillo adscri-



scribitur, idem dicendum, de mutuo quod tutor suo nomine, sed pecunia pupilli, contraxit, *vid. CARPZOV. p. 2. C. de D. 38.* Istam tamen acquisitionem saltem in subsidium obtinere putem, nam si tutor paratus sit, pupillo reddere pecuniam cum usuris legitimis (non centesimis, quod ex *l. 3. C. arbitr. tutel.* frustra asseritur) tum inique is rem ipsam sibi assereret. Pertinet itaque illa acquisitio ad casum concursus, qui in bonis tutoris excitatur, habetque tum insignem utilitatem, dum pupillus extra concursum, res suas vindicat vel sibi debitas persequitur.

## OBSERV. DCCCXVII.

*An & quatenus pupillo*) Alterum membrum primi casus hic exhibetur, quando scilicet *tutor nomine pupilli egit*, & tum maximè naturale est, ut pupillus inde & obligetur, ac alios sibi obliget, modo tutor bona fide hęc versatus fuerit. Tutorem quoque exinde obstringi hætenus, ut durante officio, agere & conveniri queat, facile liquet, eo fine enim est constitutus, ut repræsentet pupillum, ex quo præcedentia fluunt. Tota itaque doctrina *n. 2.* naturalis est, excepto actionis *directæ & utilis* commento, quod Romanum & hodie haut necessarium est.

## OBSERV. DCCCXVIII.

*Si bare dum suorum facta mentio*) Ex hoc solo non ita præcisè colligi potest, quod tutor proprio nomine se obligaverit, sed in primis etiam considerandum est, an *materia* ita sit comparata, ut ejus intuitu, nomine proprio se obligare possit Tutor. In primis ex *promissionis qualitate* nonnunquam colligere licet, quod Tutor suo nomine se obstrinxerit, v. gr. si debitori solventi, *etiam contra pupillum*, indemnitatem, vel simpli-

pliciter, vel cum obligatione bonorum promittat, wenn er ihn, bey seinen Mündlein und männlichen zu vertreten und schadlos zu halten, uuter seiner Hand und Siegel, bey Verpfändung seiner Haab und Güter versprochen und zugesagt, prout verba sonant in præjudicio *BERLICHII d. p. 1. D. 15.* talem enim promissionem tutor, ut talis, i. e. nomine pupilli, fecisse non potuit, quia alias pupillus, per tutorem suum, contra seipsum, indemnitatem debitori promississet, hæc autem promissio cum sine dubio absurda sit, hinc dicendum, quod in illis verbis promissio *proprio tutoris nomine* facta contineatur. *BER. LICHII* alii-que dissentientes illam circumstantiam non satis expenderunt, sed potius existimarunt, quasi ex obligatione bonorum, promissio illa & obligatio colligatur, quæ collectio cum ipsis parum firma videretur, ideo contrariam amplexi sunt sententiam.

## TIT. X.

DE SUSPECTIS TUTORIBUS  
ET CURATORIBUS.

## OBSERV. DCCCXIX.

**S***uspecti sunt*) Si tutor damnum det, non tantum ad sejus restitutionem naturaliter obligatur, eoque nomine, in foro civili datur actio tutelæ, sed &, si dolus aut magna negligentia appareat, ac exinde gravius damnum metuatur, quam ut deinceps comode satis resarciri posse putetur, à tutela penitus repelli potest, id quod ex generalibus defensionis & prudentiæ principiis fluere, facile liquet. Lex igitur civilis ista saltem confirmat *lit. C.* ac quomodo præcautio ista in civitate fieri debeat, apertius definit. Dat igitur  
cer-

certis Magistratibus potestatem de suspecto cognoscendi *lit. C.* id quod, non ex jure Romano, sed legibus Germanicis intelligendum. Magistratus autem naturaliter etiam ad inquirendum, deficiente accusatore, obligantur *lit. C.* Coram illis certæ personæ, vel naturaliter, ex pacto aut humanitate, obstrictæ, vel ex sola libertate accusant *lit. C. 1.* sed hodie cessant accusationes, ac ultra denunciationis curam, privati non assurgunt. Accusantur aut denunciantur omnis generis tutores, nam omnes delinquere possunt, est tamen rationi consentaneum, ne ob quamvis culpam leviolem, ignominiosam remotionem decernamus, cum damnum ea ratione datum alias pensari queat *lit. O.* Pendente processu, communes prudentiæ regulæ præcipiunt, quo tutori suspecto administratio adimatur *lit. E.* Quodsi verò delicti convictus sit, tum per sententiam judicis, à tutela repellitur ac in super poena, jure positivo determinata imponitur.

*l. 2. E.* OBSERV. DCCCXX.

*Sin vero ob culpam, scilicet latam, non aque)* Magna est illa controversia in scholis, sed forte non magni usus in foro & vita civili Interim *AUTORIS* sententia, quæ communis est, his rationibus fere confirmatur, (1.) ob levem culpam ne quidem tutor removetur, per ea quæ modo diximus, hinc §. 6. 7. b. 1. necessario de lata culpa erit accipiendus (2.) in l. 7. §. 1. b. 1. tam quæstio quam decisio eam munit, quæritur; si *fraus non sit admissa, sed lata negligentia*, ergo sub fraude hic non continetur lata culpa, quod dissentientes volunt, nam alias illa quæstio esset otiosa, cum quoad dolum res satis sit certa! *quia ista prope fraudem accedit, removeri hunc quasi suspectum oportet,*

i. e.

i. e. quia prope fraus est, etiam fere, non penitus eundem gignere debet effectum, nempe remotionem, non infamiam, (3) nequidem ob quamvis dolum irrogatur infamia, ceu *AUTOR de his qui not. infam.* ab init. *lit. R.* commonuit, ergo absurdum foret, latæ culpæ istum tribuere effectum, denique (4.) nullum exemplum latæ culpæ infamiâ punitæ, alias asferri potest, nam ad *l. ii. §. 4 de his qui not. infam.* frustra provocatur, ignorantia juris enim ibidem est affectata, (cum jûs illud non possit non esse notissimum) adeoque non ex culpa sed dolo procedit.

## LIB. XXVII. TIT. I.

## DE EXCUSATIONIBUS.

## OBSERV. DCCCXXI.

**E***xcusatio est*) Diximus observ. 799. quod obligatio ad suscipiendam tutelam efficax, sit ex jure civili, hoc tamen tam rigidè non obligat, ut non quandoque ab onere tutelæ quis possit esse immunis, hinc quid sit excusatio, quis, ob quas causas, quo modo, intra quod tempus, quoque effectu se excusare queat, hic exponitur, sed operæ pretium non est, illis prolixè immorari, nam licet illa jura indistincte sublata dici nequeant, attamen sunt rarioris usus, nam hodie fere ita servatur, ut illi, qui aliqua erga pupillum pensionem ducentur, ejus tutelam subeant, licet quædam excusandi causæ iis suppetant, qui vero tutelam sine causa averfantur, illi tamen ad eam suscipiendam non valde adigi solent. cum ut plurimum non desint alii, qui hoc munere libentius fungantur.

## OBSERV. DCCCXXII.

*Intra legitimum tempus lit. 2.*) Quæ de tempore & modo hic dicuntur, illa omnino hodie cessare putem, nam temporis computatio quodammodo præsupponit peculiarem Reipublicæ Romanæ statum, hinc ne quidem applicari per omnia potest, quare dubio procul spatium arbitrarium & v. gr. Saxonicum, proponendis & deducendis excusationibus hodie dabitur, si aliquando ista res in contentionem judicalem erumpat. Porro per modum appellationis, non statim causæ excusandi, ad superiorem deferri poterunt, cum iudices nostri gaudeant jurisdictione patrimoniali, adeoque prima instantia illis regulariter integra illibataque esse soleat.

## TIT. II.

UBI PUPILLUS EDUCARI  
VEL MORARI DEBEAT ET DE  
ALIMENTIS EI PRÆ-  
STANDIS.

## OBSERV. DCCCXXIII.

**P***upillus educari debet*) Officium tutoris naturale in eo quoque consistere, ut pupillum recte educet, Observ. 812. diximus. Hæc igitur educatio & utilis & quantum fieri potest, minus sumptuosa esse debet, qua in re consilium & iussum Magistratus, rectissime sequitur tutor *b. t.*

## TIT. III.

DE TUTELÆ ET RATION. DI-  
STRAH. ET UTILI CURATIONIS  
CAUSA, ACTIONE.

## OBSERV. DCCCXXIV.

**A**ctio tutela) Ex administratione obligationem re-  
ciprocā inter tutorem & pupillum nasci, Ob-  
serv. 816. admonuimus, quæ hic amplius expenditur.  
Oriri illam obligationem ex jure naturali, facile li-  
quet, tutor enim ex prima promissione, qua tutelam  
se rite esse administraturum, eaque finita, res omnes  
pupillo restitutum promisit, vel etiam quandoque  
ex læsione illata tenetur. Pupillum vero collata utili-  
tas obligat, quo tutorem indemnem servet, cum ali-  
as ipsum esset læsurus. Romanis igitur nihil hic debe-  
mus, nisi varia actionum nomina & commentum.  
Quasi contractus, quod scilicet administrationem  
tutelæ, contractum esse finxerunt, quibus hodie non  
indigemus, quamvis iis ultro uti, nihil vetet, super-  
flua enim non nocent.

## OBSERV. DCCCXXV.

*Datur directa pupillo*) Primo expenditur actio, quæ  
contra tutores comparata est, quo ipso naturale eo-  
rum officium exponitur. Datur ista pupillis *lit. E.*  
contra tutores & hæredes *lit. P.* (ubi quidem negatio  
transmissionis ob culpam levem, legi positivæ tri-  
buenda, quamvis fortasse singularis illa dispositio, in  
foro usum satis rarum habeat) si plures fuerint tuto-  
res, pro modo consensus dati vel læsionis illatæ, con-  
tra eos actio dirigitur, quod late traditur *lit. P.* Com-  
petit actio ad ea obdinenda, quæ tutor vel expromis-

fo vel la sione debet *lit. O.* ubi lex positiva exigit, ut quotannis rationes reddantur, quemadmodum etiam contumaces, ex juris civilis præscripto, jurejurando in litem coërcentur *vid. Obs. 340.* quo loco actio contra tutorem instituenda sit, illud quoque voluntate Imperantis definitur *lit. II. add. DECIS. SAXON. 36.*

## OBSERV. DCCCXXVI.

*Actio de rationibus distrabendis*) Quodsi tutor enormius deliquit, tum non tantum ex lege naturali obligatur ad damnum sarcientum, sed & ex jure civili, ad alterum tantum, poenæ nomine præstandum. Ad utrumque conjunctim exigendum datur actio *de rationibus distrabendis b.* quæ hodie incognita est, poena enim pecuniaria, læso applicanda, non est in usu, ad damni vero restitutionem obtinendam sufficit actio tutelæ. Interim non negatur, quin tutor, pro ratione delicti commissi, aliquando puniri possit.

## TIT. IV.

DE CONTRARIA TUTELÆ  
ET UTILI ACTIONE.

## OBSERV. DCCCXXVII.

**A***ctio tutela contraria*) De fundamento obligationis pupilli & quod ad hanc asserendam Quasi-contractu opus non sit, jam diximus *Observ. 824.* Quodsi promissio aliqua nomine pupilli, v. gr. de Salario præstando, accesserit, tum eum inde naturaliter etiam obligari, certum est, hinc actionum nomina hic saltem Romanis debentur, cætera enim ex principiis communibus resultant.

## TIT.

## TIT. V.

DE EO QUI PRO TUTORE  
PROVE CURATORE NE-  
GOTIA GESSIT.

OBSERV. DCCCXXVIII.

**A**ctio *protutela*) Reciproca illa obligatio naturalis, ac inde ortæ Præstationes, locum etiam inveniunt, si quis sine solenni constitutione, tutelam administrandam susceperit, nam ipsum administrationis factum ad hoc sufficit. Eo sine in foro civili comparata est *actio protutela h. t.* quam an negotium gestorum actionem quoque dicere velis, hodie nihil refert. Quod si, prout par est, Magistratus suum observet officium, casus hic non facile existet.

## TIT. VI.

QUOD FALSO TUTORE  
AUTORE GESTUM ESSE  
DICATUR.

OBSERV. DCCCXXIX.

**H**ic *Prator dat*) Quod si quis sub nomine & habitu tutoris, vel alios, vel pupillum deceperit, tum per legem naturalem illi indemnes sunt servandi, aut damnum illatum iis pensandum. Possunt igitur naturaliter vel à negotio plane discedere, vel eo salvo, aut nonnunquam improbato, interesse petere. Eo sine apud Romanos prator dedit *restitutionem in integrum* (hodie res eodem recidit, siue contractum plane nullum, scilicet ratione læsi, vel restitutione rescindendum dicas, nam aliquod discrimen hic ostendi



nequit, de quo pluribus actum supra ad *Lib. 4. tit. 3.*)  
*vel actionem lit. C. S. O.* quæ utique naturalis est. Ho-  
 diè cum autoritatis interpositio fere non sit in usu,  
 hinc non facile sub habitu tutoris, alium quis lædere  
 poterit, quare hæc jura non adeo frequentis usus e-  
 runt.

## OBSERV. DCCCXXX.

*Non etiam contra hæredes*) Hoc mere Romanum &  
 solida ratione subnixum non est, cum obligatio ad  
 damnum resarciendum, ut pote intuitu rerum con-  
 tracta, naturaliter utique ad eos transeat, qui res læ-  
 dentis accipiunt, quod aliquoties jam contra Roma-  
 nos admonuimus, hinc æquitatem naturalem juri  
 civili hac in parte etiam præferendam & observan-  
 dam esse arbitror.

## OBSERV. DCCCXXXI.

*Annua*) Hanc præscriptionem annalem non abso-  
 lute, sed eatenus saltem obtinere puto, quatenus fa-  
 mosa est hæc actio ac in dolum concipitur, nam alias  
 ex dolo, actionem in factum perpetuo dari ex *l. 28 29.*  
*de dol.* patet, ac supra *l. 4. tit. 3. in fin* *AUTOR* commo-  
 nuit, hinc nec illos audiendos esse existimo, qui qua-  
 driennio eam hodie præscribi putant, nam illa qua-  
 driennii præscriptio ad alijs generis restitutionem  
 in integrum pertinet, de quo actum *l. 4. tit. 2. lit. O.*

## TIT. VII.

DE FIDEJUSSOR. ET NOMI-  
 NAT. ET HERED. TUTOR.  
 ET CURAT.

## OBSERV. DCCCXXXII.

**T***eneretur actio*) Illos qui pro Tutoribus se obstrin-  
 xerunt, ob fidem datam naturaliter teneri, sat æ-  
 per-

tum est, quemadmodum etiam plures tutores juxta mensuram consensu dati (in quo tamen explicando magnæ partes juri positivo competunt) obstringuntur, ex quo etiam liquet, quod demum post tutores conveniri queant, ut adeo hoc caput iterum naturale sit, hodiè tamen non occurrit, quia satisfactio non amplius præstatur.

TIT. VIII.

DE MAGISTRATIBUS CON-  
VENIENDIS.

OBSERV. DCCCXXXIII.

**H***æc actio subsidaria*) Magistratus etiam, si sua voluntate damnum dederint, pupillis naturaliter, sed suo ordine, ad ejus restitutionem tenentur, hinc contra eos comparata est actio *b. t.* quæ hodiè etiam obtinet, non tamen ob cautionem minus recte exactam, ob quam fere apud Romanos dabatur, sed ob aliam culpam, sive ob tutorem inidoneum constitutum vel non caute satis observatum.

OBSERV. DCCCXXXIV.

*Datur in subsidium*) Ordo, quo plures personæ pupillo teneantur, itidem naturalis est, ac ex modo consensuendi & nocendi dependet. Quod igitur tutores, qui administrant vel administrare debent, ob damnum illatum prius teneantur, quam Magistratus, id evidentem habet rationem, plus enim nocuerunt, *vid. tit. 3. lit. S.* sed tutores honorarii, qui scilicet voluntate testatoris vel Magistratus ab administratione sunt immunes, demum post Magistratus conveniuntur juxta obstantem *l. 1. §. 15. de tutel. & ration.* ob rationem contrariam, nam hoc casu plus nocuisse cen-

cenlendi sunt Magistratus, quod tutores administrantes arcte satis non obstrinxerint, aut suspectos à tutela repulerint.

## TIT. IX.

DE REBUS EORUM QUI SUB  
TUTELA VEL CURA SUNT,  
SINE DECRETO NON  
ALIENANDIS.

## OBSERV. DCCCXXXV.

**R***es pupilli mobiles*) Officium tutoris etiam circa alienationem rerum pupillarium conspicitur. Et quidem res mobiles, quæ servando servari nequeunt, non tantum potest sed & debet aliquando alienare, nisi ad damnum inte eventurum, resarciendum velit obstringi. Quod vero attinet res mobiles servari aptas, ut & immobiles, harum alienandarum arbitrium tutori quoque adscribi potest; si ex natura tutelæ unice hac de re judicandum sit, verum quia possessio ejusmodi rerum pupillo regulariter utilis, alienatio verò earum sæpe damnosa aut saltem periculosa est, ideo non immerito lex positiva, communibus æquitatis & prudentiæ regulis subnixæ, libertatem alienandi tutoris iudicio non relinquit, sed certum modum, sub poena nullitatis observandum præscribit *b. t. conf. BERGER in resolut. b.*

## OBSERV. DCCCXXXVI.

*Obst. l. 12. C. prad. minor.*) Particula *tantum* non est referenda ad *res alienum*, quasi ab hoc tantum alienatio permittenda sit, adeoque ejus adductione, alienandi causæ exclusivè determinantur, sed ad *causæ cognitionem*, cujus in alienando necessitas ista particula ostenditur; *ob res alienum, tantum causæ cognita &c.*

OB-

## OBSERV. DCCCXXXVII.

*Expresse vel tacite*) Turbatus hic est ordo; res ipsa satis loquitur, quod hæc verba sint ponenda ante versiculum: *scilicet si tacuerit*, adeoque sic legi debeat: *Convalescit tamen, si major factus alienationem rati habuerit* 6. C. arb. tut. 2. C. si maj. fact. alien. rat. expresse vel tacite 2. C. si maj. fact. sc. si tacuerit post alienationem ex titulo (etiam invito adversario arg. 14. C. d. proaur. 25. ff. 6. C. de LL.) oneroso quinquennium: &c.

## FINITUR TUTELA.

## OBSERV. DCCCXXXVIII.

*Modis communibus*) Hactenus expendimus quoque, quid tutela constituta operetur, quamvis concinno satis ordine singula capita haut sint proposita, quod tamen fieri omnino posset, si quis proprio Marte hanc tractationem institueret. Superest tutela finienda *vid.* Observ. 797. cujus doctrina fere iterum juris Gentium est, nam quando tutela defertur, tum præsupponitur pupillus vivus, liber, in civitate toleratus ac sui juris, ut & tutor vivus, habilis, rebus agendis sufficiens ac fidus, quod si adeò horum contraria eveniant, tum ob consensum adeoque naturaliter tutela solvitur, quod multo magis dicendum, si ad certum tempus vel conditionem expresse tutor sit constitutus. Aliquando autem contraria illa per se & ex generalibus principiis existunt, ut sit tutor vel pupillus moriatur, tempus vel conditio existat, hi ergo modi sunt pure naturales, aliquando lex positiva illa introducit, ut pubertatem, vel determinat magis, ut quod tutor pro suspecto, insufficiente vel inhabili sit habendus, aut quod mater ad secunda vota transiens, pa-

cercis Magistratibus potestatem de suspecto cognoscendi *lit. C.* id quod, non ex jure Romano, sed legibus Germanicis intelligendum. Magistratus autem naturaliter etiam ad inquirendum, deficiente accusatore, obligantur *lit. C.* Coram illis certæ personæ, vel naturaliter, ex pacto aut humanitate, obstrictæ, vel ex sola libertate accusant *lit. C. 1.* sed hodie cessant accusationes, ac ultra denunciationis curam, privati non assurgunt. Accusantur aut denunciantur omnis generis tutores, nam omnes delinquere possunt, est tamen rationi consentaneum, ne ob quamvis culpam leviolem, ignominiosam remotionem decernamus, cum damnum ea ratione datum aliàs pensari queat *lit. O.* Pendente processu, communes prudentiæ regulæ præcipiunt, quo tutori suspecto administratio adimatur *lit. E.* Quod si verò delicti convictus sit, tum per sententiam judicis, à tutela repellitur ac in super poena, jure positivo determinata imponitur.

*l. 2. E.* OBSERV. DCCCXX.

*Sin vero ob culpam, scilicet latam, non a que)* Magna est illa controversia in scholis, sed forte non magni usus in foro & vita civili Interim *AUTORIS* sententia, quæ communis est, his rationibus fere confirmatur, (1.) ob levem culpam ne quidem tutor removetur, per ea quæ modo diximus, hinc §. 6. 7. *b. 1.* necessario de lata culpa erit accipiendus (2.) in *l. 7. §. 1. b. 1.* tam *questio* quam *decisio* eam munit, quæritur; *fr* *fraus non sit admissa, sed lata negligentia*, ergo sub fraude hic non continetur lata culpa, quod dissentientes volunt, nam alias illa *questio* esset otiosa, cum quoad dolum res satis sit certa! *quia ista prope fraudem accedit, removeri hunc quasi suspectum oportet,*

i. e.

i. e. quia prope fraus est, etiam tere, non penitus eundem gignere debet effectum, nempe remotiorem, non in famiam, (3) nequidem ob quamvis dolum irrogatur infamia, ceu *AUTOR de his qui not. infam.* ab init, *lit. R.* commonuit, ergo absurdum foret, latæ culpæ istum tribuere effectum, denique (4.) nullum exemplum latæ culpæ infamiâ punitæ, alias afferri potest, nam ad *l. n. §. 4 de his qui not. infam.* frustra provocatur, ignorantia juris enim ibidem est affectata, (cum jus illud non possit non esse notissimum) adeoque non ex culpa sed dolo procedit.

## LIB. XXVII. TIT. I.

## DE EXCUSATIONIBUS.

## OBSERV. DCCCXXI.

**E***xcusatio est*) Diximus observ. 799. quod obligatio ad suscipiendam tutelam efficax, sit ex jure civili, hoc tamen tam rigidè non obligat, ut non quandoque ab onere tutelæ quis possit esse immunis, hinc quid sit excusatio, quis, ob quas causas, quo modo, intra quod tempus, quoque effectu se excusare queat, hic exponitur, sed operæ pretium non est, illis prolixè immorari, nam licet illa jura indistinctè sublata dici nequeant, attamen sunt rarioris usus, nam hodie fere ita servatur, ut illi, qui aliqua erga pupillum pensionem ducuntur, ejus tutelam subeant, licet quædam excusandi causæ iis suppetant, qui vero tutelam sine causa averfantur, illi tamen ad eam suscipiendam non valde adigi solent. cum ut plurimum non desint alii, qui hoc munere libentius fungantur.

## OBSERV. DCCCXXII.

*Intra legitimum tempus lit. 2.*) Quæ de tempore & modo hic dicuntur, illa omnino hodie cessare putem, nam temporis computatio quodammodo præsupponit peculiarem Reipublicæ Romanæ statum, hinc ne quidem applicari per omnia potest, quare dubio procul spatium arbitrarium & v. gr. Saxonicum, proponendis & deducendis excusationibus hodie dabitur, si aliquando ista res in contentionem judicalem erumpat. Porro per modum appellationis, non statim causæ excusandi, ad superiorem deferri poterunt, cum iudices nostri gaudeant jurisdictione patrimoniali, adeoque prima instantia illis regulariter integra illibataque esse soleat.

## TIT. II.

UBI PUPILLUS EDUCARI  
VEL MORARI DEBEAT ET DE  
ALIMENTIS EI PRÆ-  
STANDIS.

## OBSERV. DCCCXXIII.

**P***upillus educari debet*) Officium tutoris naturale in eo quoque consistere, ut pupillum recte educet, Observ. 812. diximus. Hæc igitur educatio & utilis & quantum fieri potest, minus sumptuosa esse debet, qua in re consilium & jussu Magistratus, rectissime sequitur tutor *b. t.*

## TIT. III.

DE TUTELÆ ET RATION. DI-  
STRAH. ET UTILI CURATIONIS  
CAUSA, ACTIONE:

## OBSERV. DCCCXXIV.

**A**ctio tutela) Ex administratione obligationem re-  
ciprocam inter tutorem & pupillum nasci, Ob-  
serv. 816. admonuimus, quæ hic amplius expenditur.  
Oriri illam obligationem ex jure naturali, facile li-  
quet, tutor enim ex prima promissione, qua tutelam  
se rite esse administraturum, eaque finita, res omnes  
pupillo restitutum promisit, vel etiam quandoque  
ex læsione illata tenetur. Pupillum vero collata utili-  
tas obligat, quo tutorem indemnem servet, cum ali-  
as ipsum esset læsurus. Romanis igitur nihil hic debe-  
mus, nisi varia actionum nomina & commentum.  
Quasi contractus, quod scilicet administrationem  
tutelæ, contractum esse finxerunt, quibus hodie non  
indigemus, quamvis iis ultro uti, nihil vetet, super-  
flua enim non nocent.

## OBSERV. DCCCXXV.

*Datur directa pupillo*) Primo expenditur actio, quæ  
contra tutores comparata est, quo ipso naturale eo-  
rum officium exponitur. Datur ista pupillis *lit. E.*  
contra tutores & hæredes *lit. P.* (ubi quidem negatio  
transmissionis ob culpam levem, legi positivæ tri-  
buenda, quamvis fortasse singularis illa dispositio, in  
foro usum satis rarum habeat) si plures fuerint tuto-  
res, pro modo consensus dati vel læsionis illatæ, con-  
tra eos actio dirigitur, quod late traditur *lit. P.* Com-  
petit actio ad ea obdinenda, quæ tutor vel expromis-



fo vel laſione debet *lit. O.* ubi lex poſitiva exigit, ut quotannis rationes reddantur, quemadmodum etiam contumaces, ex juris civilis præſcripto, jurejurando in litem coërcentur *vid. Obſ. 340.* quo loco actio contra tutorem inſtituenda ſit, illud quoque voluntate Imperantis definitur *lit. U. add. DECIS. SAXON. 36.*

## OBSERV. DCCCXXVI.

*Actio de rationibus diſtrahendis*) Quodſi tutor enormius deliquit, tum non tantum ex lege naturali obligatur ad damnum ſarciendum, ſed & ex jure civili, ad alterum tantum, poenæ nomine præſtandum. Ad utrumque conjunctim exigendum datur actio *de rationibus diſtrahendis* *b.* quæ hodie incognita eſt, poena enim pecuniaria, læſo applicanda, non eſt in uſu, ad damni vero reſtitutionem obtinendam ſufficit actio tutelæ. Interim non negatur, quin tutor, proratione delicti commiſſi, aliquando puniri poſſit.

## TIT. IV.

DE CONTRARIA TUTELÆ  
ET UTILI ACTIONE.

## OBSERV. DCCCXXVII.

*Actio tutela contraria*) De fundamento obligationis pupilli & quod ad hanc aſſerendam Quasi-contractu opus non ſit, jam diximus Obſerv. 824. Quodſi promiſſio aliqua nomine pupilli, v. gr. de ſalario præſtando, acceſſerit, tum eum inde naturaliter etiam obligari, certum eſt, hinc actionum nomina hic ſaltem Romanis debentur, cætera enim ex principiis communibus reſultant.

## TIT.

## TIT. V.

DE EO QUI PRO TUTORE  
PROVE CURATORE NE-  
GOTIA GESSIT.

OBSERV. DCCCXXVIII.

**A**ctio *protutela*) Reciproca illa obligatio naturalis, ac inde ortæ Præstationes, locum etiam inveniunt, si quis sine solenni constitutione, tutelam administrandam susceperit, nam ipsum administrationis factum ad hoc sufficit. Eo sine in foro civili comparata est *actio protutela b. t.* quam an negotium gestorum actionem quoque dicere velis, hodie nihil refert. Quod si, prout par est, Magistratus suum observet officium, casus hic non facile existet.

## TIT. VI.

QUOD FALSO TUTORE  
AUTORE GESTUM ESSE  
DICATUR.

OBSERV. DCCCXXIX.

**H**ic *Prator dat*) Quod si quis sub nomine & habitu tutoris, vel alios, vel pupillum deceperit, tum per legem naturalem illi indemnes sunt servandi, aut damnum illatum iis pensandum. Possunt igitur naturaliter vel à negotio plane discedere, vel eo salvo, aut nonnunquam improbato, interesse petere. Eo fine apud Romanos prætor dedit *restitutionem in integrum* (hodie res eodem recidit, siue contractum plane nullum, scilicet ratione læsi, vel restitutione rescindendum dicas, nam aliquod discrimen hic ostendi

nequit, de quo pluribus actum supra ad *Lib. 4. tit. 3.*)  
 vel *actionem lit. C. S. O.* quæ utique naturalis est. Ho-  
 diè cum auctoritatis interpositio fere non sit in usu,  
 hinc non facile sub habitu tutoris, alium quis lædere  
 poterit, quare hæc jura non adeo frequentis usus e-  
 runt.

## OBSERV. DCCCXXX.

*Non etiam contra hæredes*) Hoc mere Romanum &  
 solida ratione subnixum non est, cum obligatio ad  
 damnum resarciendum, ut pote intuitu rerum con-  
 tracta, naturaliter utique ad eos transeat, qui res læ-  
 dentis accipiunt, quod aliquoties jam contra Roma-  
 nos admonuimus, hinc æquitatem naturalem juri  
 civili hac in parte etiam præferendam & observan-  
 dam esse arbitror.

## OBSERV. DCCCXXXI.

*Annua*) Hanc præscriptionem annalem non abso-  
 lute, sed eatenus saltem obtinere puto, quatenus fa-  
 mosa est hæc actio ac in dolum concipitur, nam alias  
 ex dolo, actionem in factum perpetuo dari ex *l. 28 29.*  
*de dol.* patet, ac supra *l. 4. tit. 3. in fin* *AUTOR* commo-  
 nuit, hinc nec illos audiendos esse existimo, qui qua-  
 driennio eam hodie præscribi putant, nam illa qua-  
 driennii præscriptio ad aliûs generis restitutionem  
 in integrum pertinet, de quo actum *l. 4. tit. 2. lit. O.*

## TIT. VII.

DE FIDEJUSSOR. ET NOMI-  
 NAT. ET HERED. TUTOR.  
 ET CURAT.

## OBSERV. DCCCXXXII.

**T***Enervatur actio*) Illos qui pro Tutoribus se obstrin-  
 xerunt, ob fidem datam naturaliter teneri, sat a-  
 per-

tum est, quemadmodum etiam plures tutores juxta mensuram consensus dati (in quo tamen explicando magnæ partes juri positivo competunt) obstringuntur, ex quo etiam liquet, quod demum post tutores conveniri queant, ut adeo hoc caput iterum naturale sit, hodiè tamen non occurrit, quia satisfactio non amplius præstatur.

TIT. VIII.

DE MAGISTRATIBUS CONVENIENDIS.

OBSERV. DCCCXXXIII.

**H***(Æt actio subsidiaria)* Magistratus etiam, si sua voluntate damnum dederint, pupillis naturaliter, sed suo ordine, ad ejus restitutionem tenentur, hinc contra eos comparata est actio *b. t.* quæ hodiè etiam obtinet, non tamen ob cautionem minus recte exactam, ob quam fere apud Romanos dabatur, sed ob aliam culpam, sive ob tutorem inidoneum constitutum vel non caute satis observatum.

OBSERV. DCCCXXXIV.

*Datur in subsidium*) Ordo, quo plures personæ pupillo teneantur, itidem naturalis est, ac ex modo consentiendi & nocendi dependet. Quod igitur tutores, qui administrant vel administrare debent, ob damnum illatum prius teneantur, quam Magistratus, id evidentem habet rationem, plus enim nocuerunt, *vid. tit. 3. lit. S.* sed tutores honorarii, qui scilicet voluntate testatoris vel Magistratus ab administratione sunt immunes, demum post Magistratus conveniuntur juxta obstantem *l. 1. §. 15. de tutel. & ration.* ob rationem contrariam, nam hoc casu plus nocuisse cen-

cenfendi funt Magiftratus, quod tutores adminiftrantes arcte fatis non obftrinxerint, aut fufpectos â tutela repulerint.

## TIT. IX.

DE REBUS EORUM QUI SUB  
TUTELA VEL CURA SUNT,  
SINE DECRETO NON  
ALIENANDIS.

## OBSERV. DCCCXXXV.

**R***es pupilli mobiles*) Officium tutoris etiam circa alienationem rerum pupillarium confpicitur. Et quidem res mobiles, quæ fervando fervari nequeunt, non tantum poteft fed & debet aliquando alienare, nifi ad damnum inte eventurum, refarciendum velit obstringi. Quod vero attinet res mobiles fervari aptas, ut & immobiles, harum alienandarum arbitrium tutori quoque adfcribi poteft; fi ex natura tutelæ unice hac de re judicandum fit, verum quia poffeffio ejusmodi rerum pupillo regulariter utilis, alienatio verò earum sæpe damnofa aut faltem periculofa eft, ideo non immerito lex pofitiva, communib9 æquitatis & prudentiæ regulis fubnixa, libertatem alienandi tutoris judicio non relinquit, fed certum modum, fub pœna nullitatis obfervandum præfcribit *b. t. conf. BERGER in refolut. b.*

## OBSERV. DCCCXXXVI.

*Obft. l. 12. C. prad. minor.*) Particula *tantum* non eft referenda ad *res alienum*, quafi ab hoc tantum alienatio permittenda fit, adeoque ejus adductione, alienandi caufæ exclusivè determinentur, fed ad *caufa cognitionem*, cujus in alienando neceffitas ifta particula oftenditur; *ob res alienum, tantum caufa cognita &c.*

OB-

## OBSERV. DCCCXXXVII.

*Expresse vel tacite*) Turbatus hic est ordo; res ipsa satis loquitur, quod hæc verba sint ponenda ante versiculum: *scilicet si tacuerit*, adeoque sic legi debeat; *Convalescit tamen, si major factus alienationem rati- habuerit* 6. C. arb. tut. 2. C. si maj. fact. alien. rat. *expresse vel tacite* 2. C. si maj. fact. sc. si tacuerit post alienationem ex titulo (etiam invito adversario arg. 14. C. d. pro- cur. 25. ff. 6. C. de LL.) oneroso quinquennium: &c.

## FINITUR TUTELA.

## OBSERV. DCCCXXXVIII.

*Modis communibus*) Hactenus expendimus quoque, quid tutela constituta operetur, quamvis concinno satis ordine singula capita haut sint proposita, quod tamen fieri omnino posset, si quis proprio Marte hanc tractationem institueret. Superest tutela finienda *vid.* Observ. 797. cujus doctrina fere iterum juris Gentium est, nam quando tutela defertur, tum præsupponitur pupillus vivus, liber, in civitate toleratus ac sui juris, ut & tutor vivus, habilis, rebus agendis sufficiens ac fidus, quod si adeò horum contraria eveniant, tum ob consensum adeoque naturaliter tutela solvitur, quod multo magis dicendum, si ad certum tempus vel conditionem expresse tutor sit constitutus. Aliquando autem contraria illa per se & ex generalibus principiis existunt, ut si tutor vel pupillus moriatur, tempus vel conditio existat, hi ergo modi sunt pure naturales, aliquando lex positiva illa introducit, ut pubertatem, vel determinat magis, ut quod tutor pro suspecto, insufficiente vel inhabili sit habendus, aut quod mater ad secunda vota transiens, pa-

rum fida tutrix exillimetur, hī modi sunt iurati, naturales quidem, sed determinationem positivam præsupponentes. Usus huius rei se exerit, quando hæc iura ad tutelam Imperantium sunt applicanda.

## OBSERV. DCCCXXXIX.

*Conditionis existentia*) Paulo distinctius ita dici potest: Di-i: & conditionis suspensivæ existentia solvit dativam, fuit enim subsidiaria adeoque testamentario existente, dativus desinit. Idem est, si conditio suspensiva testamentario adscripta, deficiat, tum dimisso dativo, in subsidium interim constituto, legitimus sequi videtur, *arg. l. ii. pr. de testam. tutel.* Di-ei & conditionis resolutivæ existentia solvit tutelam testamentariam.

## TIT. X.

DE CURATORIBUS ET  
CURA.

## OBSERV. DCCCXL:

*Circa hic est vis*) Curæ necessitatem, indolem & varietatem, homines, ex communibus ratiocinandi principiis, intelligere, ex iis quæ Observ. 707. diximus, liquet. De cætero divisionibus hic memoratis, potest addi alia, quod scilicet cura sit vel *generalis*, quæ totam personam respicit, ac ad tutelam quam proximè accedit, hodieque etiam tutelæ nomine sæpe venit, talis est minorum, furiosorum similiumque, vel *specialis*, quæ intuitu certorum actuum saltem constituitur, qualis v. gr. est cura litis & foeminarum *vid.* Observ. 800.

## OBSERV. DCCCXLI.

*Legis dispositio deservit*) Etiam circa curam primo con-

consideratur *confusio*, quæ mutuo consensu, seu de-  
latione & acceptatione absolvitur *lit. C. S. O.* & obti-  
nent fere ea, quæ circa constitutionem tutelæ dicta  
sunt antea, nisi in quantum diversa personarum con-  
ditio aliud postulat. Consensu dato naturaliter qui-  
dem actus constitutionis est perfectus, sed lege posi-  
tiva à curatoribus generalibus, ea in super requirun-  
tur, de quibus dictum *lib. præc. tit. 7. & Obs. 810.*

## OBSERV. DCCCXLII.

*Per iudicis sententiam declaratoriam*). Ut quis pro  
prodigo in foro civili haberi queat, ad hoc sententia  
iudicis utiq; est necessaria, est enim prodigalitas ob-  
scura & incertæ dijudicationis, nec obstat, *l. 1. pr. in  
fin. de Cur. furios.* nam ipsum jus ibi non oppinitur  
*sententia iudicis*, sed notat jus civile, opponiturque  
*juri prædorio*, quod ex substrata materia satis intelli-  
gitur. Nec videtur porro sententia iudicis esse *decla-*  
*ratoria*, ceu *AUTOR* præcipit, sed potius *condemna-*  
*toria*, adeo ut ab hujus demum tempore quis pro pro-  
digo habeatur, nam alias indulgeretur malitiæ judi-  
cis, qui pro lubitu suo actum olim gestum sententia  
sua nullum aut validum efficeret, quare actus ante  
sententiam suscepti semper validi censendi erunt, ni-  
si forte ex jure cōmuni invaliditas ostendi queat. *add.*  
*EBERT.* de eo quod fit ipsi. *jur. membr. 1. sect. 2. §. 6.*  
Quod si idem sensit *AUTOR*, quod hic adstruo, cum  
in termino sententiæ declaratoriæ ludit, adde quoad  
curatorem mulieris *DECIS SAXON. 24. 59.*

## OBSERV. DCCCXLIII.

*De administratione*) Cura constituta operatur pro  
ratione intentionis constituentium, adeoq; si admi-  
nistrationis causa deferatur, idem fere est curatoris,



quod tutoris, officium, *lit. E. de quo lib. præc. tit. 7. & Obs. 811. seqq.* fuit actum.

## OBSERV. DCCCXLIV.

*Hoc singulare est lit. E.*) Singularis illa dispositio juris civilis eâ parte iniqua ac âmente testatoris abluere videtur, quâ transmissionem in hæredes furiosi, hoc in furore mortuo, negat, cum enim curator nomine furiosi eam acceptaverit, arbitrium istam acceptionem probandi vel improbandi, non tantum furioso, si ad sanam mentem redeat, sed &, eo mortuo, ejus hæredibus merito servandum erat.

## OBSERV. DCCCXLV.

*Propter administratam curam*) Intercedente administratione, minor tam quoad alios, jus acquirit iisque obligatur, juxta ea, quæ *lib. præc. tit. 9. & Observ. 816. 817. 818.* dicta sunt, quam inter ipsum & curatorem reciprocum jus & obligatio nascitur *b. quæ amplius illustranda ex traditis tit. 3. seq. b. lib. & Observ. 824. seqq.* denique si ea deficient, ob quæ cura constituta est, hæc naturaliter evanescit, contraria tamen illa aliquando per se existunt, ut mors, cessatio furoris, aliquando lege positiva produciuntur vel determinantur, ut majorennitas, frugalitas in prodigo, excusatio vel remotio *lit. C. conf. Observ. 838.* prodigus autem ipso jure in cura esse non desinit *vid. Obs. 842.*

## LIB. XXVIII. TIT. I.

QUI TESTAMENTA FACERE  
POSSUNT.

## OBSERV. DCCCXLVI.

**T***estamentum hic est*) Ex libertate naturali fuit potestas alienandi, omnis autem alienatio naturaliter

liter fit consensu alienantis & acquirentis, id quod etiam circa alienationem in eventum mortis obtinet. Opus igitur est, ut alienaturus, suam voluntatem declaret, quæ declaratio, si expresse fiat, & solennis sit, *testamentum* dicitur, quod, habito respectu ad jus civile, plenius sic definieris: *Est ultima voluntas, directo & solenniter declarata, qua persona habilis, personam habilem, in eventum mortis, successorem universalem designat, ac alia pro libitu disponit.* De hoc ergo declarationis actu imposterum videndum, explicandumque, tum quomodo ex *libertate naturali* fieri possit, tum *lege positiva* debeat. Summatim tria spectare licet, (1.) personam testantem, (2.) modum declarandi externum, (3.) voluntatem declaratam.

## OBSERV. DCCCXLVII.

*Origine est juris Gentium*) Recte utique dicitur, quod jure naturali quilibet, qui usu rationis gaudet, de rebus arbitrio suo subje&is, testari queat, voluntas enim semel declarata, morte non intercidit, sed ab hærede acceptari potest, & reliqui homines, ex legibus socialitatis, ad voluntatem illam, quatenus legibus non repugnat, servandam obstringuntur, de quo alio loco pluribus disquirendum. Istam igitur testandi facultatem lex civilis confirmat, & nonnunquam restringit *lis. C.*

## OBSERV. DCCCXLVIII.

*Habilitas requiritur tantum tempore facti testamenti*) Distinguendum hic utique inter in habilitatem, qua *furore aut interdictione bonorum* producitur, & quæ *capitis diminutione.* Hæc omnino testamentum destruit, adeoque ejus intuituabilitas & tempore facti testamenti, & mortis testatoris requiritur,

§. 6. *J. quib. mod. testam. infir.* nec huc pertinet assertio *AUTORIS*. Ast illa, si superveniat, non nocet, hinc sufficit habilitas tempore facti testamenti. Non obstat *l. 1. §. 8. de B. P. secunt. tab.* neque enim *absolute* habilitas utroque tempore ibi requiritur, sed *hactenus* saltem, ut ejus præsentia tempore mortis non sufficiat, propter regulam Catonianam, qua ab initio vitiosum, tractu temporis non convalescit.

OBSERV. DCCCXLIX.

*Nisi in bello contra barbaros.*) Ne hoc quidem respectu, jus Romanum hodie servari arbitror, nam capti a barbaris, liberi manent quoad nostram rempublicam, adeoque absentium loco haberi debent, nam ineptam illam Romanorum de servitute, captis per jus Gentium imposita, ac contra nos etiam valente, persuasionem eidemque oppositas legis Corneliae & juris post limini fictiones, non minus insulas, non recepisse, nulla probabilitate asserti potest. Hinc ab infidelibus captus, etiam in captivitate valide testari poterit hactenus, ut ex ejus conditione testamentum impugnari nequeat, circa quod *Dn. STRYK.* in not. h. consentit.

OBSERV. DCCCL.

*Quod nec hodie mutatum*) Servitus poena jure recentiori utique est sublata, sed jus civitatis ad mortem damnatis nullibi restitutum est, ideo ex hoc capite facultas testandi adhuc recte negatur, *vid. THEODOR. Colleg. Crim. c. 10, aph. 6. n. 23.* moribus tamen Germaniae fere ubique illa facultas testandi competit teste *CARPZOVIO d. qu. 135. n. 21.* in electoratu Saxoniae res certa est *p. 3. C. 6.*

## OBSERV. DCCCLI.

*Fiunt testamenta mentis declaratione*) Postea consideratur *modus declarandi externus*, qui partim à *libertate superflite*, partim à *lege positiva* dependet, ex quo varix testamentorum species resultant, qua in re usum juris Romani subsidiarium agnoscere omnino oportet.

## OBSERV. DCCCLII.

*Etiā per procuratorem*) Hæc verba compilatorem hujus compendii, contra *LAUTERBACHII* mentem, ex prælectionibus manuscriptis habendam, posuisse, dicit *HARPRECHT Confil. Tubing. Vol. 4. Conf. 54. p. 1021.* De cætero tamen sententiam illam, quod per procuratorem testamentum offerri possit, in puncto juris verissimam censet *Dn. STRYK in not b.* utut sententia contraria communior sit, *vid. CARPZOV. p. 3. C. 3. D. 23.*

## OBSERV. DCCCLIII.

*Sive judiciale*) Circa hoc testamentum in Saxonia Electorali hoc præcipue constitutum, (1.) ne valeat testamentum, quod extra locum judicii, personis judicialibus ad hoc rogatis domi offertur, nisi præter Actuarium, duæ personæ judiciales adsint, *DECIS. 73.* (2.) Si vero in loco judicii, an ordentlicher Gerichtsstelle, offeratur, tum sufficit judicem & actuarium præsentem esse, sed hujus persona deficere nequit, nisi manifestum periculum mortis, testatori imminet, tum enim valebit testamentum soli judici oblatum, *DECIS. 54.* sed mira alicui videri potest, illa exceptio, cum casus ejus vel omnino non, vel rarissime occurrat, adeoque operæ pretium non videatur, ejus intuitu aliquid constituisse. In hac difficultate amoven-

venda laborat *Dn. BEBGER in resolut. b.* cujus sententia eoredit, pertinere illam exceptionem ad casum, ubi extra locum judicii, testamentum ordinetur, quæ tamen expositio nec contextui *d. Decis. 45.* nec sententiæ *Decis. 73.* generaliter eo casu duas personas judiciales requirentis, convenire videtur. Malim igitur dicere, quod de testamento, in loco judicii ordinando, in *d. Decis. 45.* quidem sermo sit, sed simul præsupponatur, quod per procuratorem testamentum offerri queat, nam hoc posito, casus, ut testator in præsentis vitæ periculo, domi scilicet suæ, versetur, & tamen per procuratorem testamentum judicii offerri curet, non erit infrequens.

## TIT. II.

## DE LIBERIS ET POSTHUMIS, &amp;c.

## TIT. V.

## DE HÆREDIBUS INSTITUENDIS.

## OBSERV. DCCCLIV.

**E***Stque ratione modi legitima vel illegitima)* Tercio spectanda voluntas declarata. Præcipua ejus pars est *Hæredis institutio*, cujus indolem & varietatem *AUTOR* hic tradit, quæ juris Gentium sunt. *Modus tamen liberos & Parentes legitime excludendi*, à jure civili dependet, in quo explicando interpretes non consentiunt, de quo pluribus egi *Observ. 164.* *AUTORIS* sententia juri civili satis convenire videtur, interim contraria, magis communis est, quam si ad-

admittas *AUTORIS* consecraria, quod in effectu illegitima exheredationis, quoad liberos suos & emancipatos sit adhuc hodie differentia, item quod, si posthumus (nonnullæ editiones legunt *emancipatus*, quod rationem habet) non ritè fuerit exheredatus, detur ei *B. P. contra tab.* explodenda quoque erunt dicendumque, quod omnibus hisce casibus, testamentum sit ipso jure nullum, sed saltem quoad institutionem.

## OBSERV. DCCCLV.

*Voluntaria institutio*) Hæc fere est juris Gentium, cum ab arbitrio testatoris maximam partem dependeat, quæ igitur hic traduntur, non Romana sed communia sunt. Nonnunquam tamen lex civilis quædam, quoad personas instituendas, requirit, aut voluntatem testatoris certius determinat, vel modum instituendi circumscribit.

## OBSERV. DCCCLVI.

*Incestuosi*) Si ex incestuoso matrimonio nati sint liberi, res certa est per *d. l. 6.* Ast si extra matrimonium, incestu vel simplici, vel cum adulterio conjuncto sint prognati, tum à matre institui poterunt hæredes, si admittas sententiam quam *Observ. 793.* proposuimus.

## OBSERV. DCCCLVII.

*Habilitas hæc adesse debet*) Hoc caput ad jus civile pertinet, nec rectè satis hic proponitur. Potius ita dicendum: In institutione *pura*,abilitas adesse debet tempore conditi testamenti & mortis testatoris, cum quo tempus aditæ hereditatis connectitur, quod adeo velut peculiare extremum, scorsim laudari non debet, hinc etiã datur saltem unicum tempus intermedium, quo inhabilitas non noceat, nempe quod est inter condi-

ditum testamentum & mortem testatoris. In *condi-  
tionali* vero institutione, tria tempora inspiciuntur,  
*conditi testamenti, mortis testatoris & existentis condi-  
tionis*, ac datur duplex tempus intermedium, quod  
scilicet tria illa extrema interjacet, quo inhabilitas in-  
tercedens haut obsit, *vid. BACHOV. & VINN. ad §. 4.  
7. de H. 2 & differ.* Hodie illa res non magnum habet  
usum, cum enim servitus & deportatio apud nos non  
occurrant, hinc per eas status hæredis instituti, tam  
facile non mutatur, quam apud Romanos, adeoq; il-  
la sollicitudo fere exulat.

## OBSERV. DCCCLVIII.

*Totam hæreditatem potest acquirere*) Hoc etiam  
meri juris Romani est, quod noluit, ut quis pro parte  
testatus & intestatus decederet, hinc in parte vel cer-  
ta re institutus, necessario totam hæreditatem con-  
sequitur. Cæterum hoc nimis violentum ac ultimis  
voluntatibus molestum videtur, hinc etiam plures  
illud hodie non observari putant, quamvis pro ejus  
valore præsumptio & præjudicium apud *CARPZOVII*  
*UM d. p. 3. C. 9. D. 19. milit.*

## OBSERV. DCCCLIX.

*Plures instituti*) In hoc casu de *voluntate* testato-  
ris quæritur, quæ ex *modo instituendi* optimè colligi-  
tur, ceu *AUTOR* docet, quæ adeo ex communibus ra-  
tiocinandi principiis resultant. Duo tamen præsup-  
posita juris civilis hic intercurrunt, (1.) *quod nemo te-  
status & intestatus decedere queat*, ex quo sæpe hæredi-  
bus plus dandum est, quam testator eis assignaverat,  
(2.) *quod partium denominatio sit intelligenda in rela-  
tione ad numerum duodenarium, aut si numerus hic  
excedatur, ad talem, inter quem & partes expressas*

*eadem sit proportio, quæ inter duodecim & numeros sub hoc contentos, seu breviter: quod hæreditas dividenda, sub ratione assis, dupondii vel tripondii concipi debeat.* Est tamen de usu hujus præsuppositi distinctè judicandum, triæ enim inutiles intercurrere possunt & solent.

2. Nimirum si testator omnibus hæredibus certas portiones assignaverit, tum illo præsupposito non indigemus, sed obtinet regula *S. 5. J. de H. J. tot. uncia assen* (hæreditatem) *efficiunt, quod testator voluerit*, v. gr. si tres, ex quadrantibus instituerit, hæreditas in tres partes æquales dividetur, & supervacuum erit, illam distributionem ad assen revocare, ac contendere, quod singulis accrescat, & unusquisque trientem accipiat, nam si pars singulorum hæredum, sub ratione quadrantis, siue trientis concipiatur, res eodem recidit, modo tota hæreditas illis detur. Porro si testator uni hæredi dederit quadrantem, alteri quincuncem, tertio septuncem, tum commodissime divisio instituetur; si unicuique partes expressæ ex hæreditate assignentur, revocatio ad dupondium, ac hujus deinde ad assen supervacua, imo sæpe etiam (ut in exemplo allato) satis difficilis, & hæctenus sententia Dn. THOMASII, usum regulæ modo allatæ, generaliter laudantis *in not. ad Huber. posit. ad J. de H. J. n. 12.* admittenda est.

3. Sed si testator aliquos ex certis partibus alios simpliciter instituat, tum præsupposito illo egemus, nec poterit sine ejus adminiculo divisio institui. Fac testatorem unum instituisse ex besse, alterum ex quadrante, tertium ex sextante, quartum simpliciter, quid hic accipiet? id quod dupondio deest, nempe



deuncem, sic expeditè respondebis, sed neglecto illo præsupposito, aqua semper hærebit.

## OBSERV. DCCCLX.

*Non captatoria nisi fiat verbis futuri temporis*) Sphalma hic subesse, & pro futuri legi debere, præteriti, ex d. l. 71. liquet, ac jam à Dn. STRICK in not. b. admonitum est. De cætero aliter de captatoriis institutionibus philosophandum esse, quam vulgo fit, docuit Dn. THOMAS in dissert. de Captator. institut. hab. Hal. 1696. Nimirum si quis ita dicat: *Quæ ex parte Titium me heredem instituit, ex ea parte Mævius heres esto*, illam institutionem non esse captatoriam, sed valere, vulgo etiam ex l. 71. de H. J. recte docent. Sed si ita testetur: *ex qua parte Cujus me instituet, ex ea parte heres esto*, hanc captatoriam & improbandam censent, sed falli interpretes, liquet ex l. 29. 70. de H. J. l. 20. §. de Conad. instit. captatoria quidem dici potest illa institutio, at jure civili non improbatur. Quare illicita illa demum erit, quæ captat, non institutionem, sed falsæ institutionis ostensionem juxta l. 71. §. 1. de H. J. formulam: *Titius si Mævium tabulis testamenti sui heredem à se scriptum ostenderit probaveritque, heres esto*, vel juxta l. 1. de his quæ pro non script. hab. præscriptum: *Quæ ex parte me Titius heredem scriptum in tabulis suis recitaverit, ex ea parte heres esto*, hinc captatio debet respicere secretum voluntatis alienæ, ceu loquitur l. 70. de H. J.

2. Ratio autem, quare captatio ista fuerit prohibita, ea est, quod per illam simpliciores in vitæ periculum sæpe fuerint adducti. Scilicet sicut apud Romanos, in occultandis ultimis voluntatibus suis homines valde erant studiosi, ita & contrario hæredipe-

ta id omnibus modis agebant, quo testamenta aliorum expiscarentur, ac, an in illis certo essent instituti (quod testatores nonnunquā ipsis offerere solebant) resciscerent. Eo igitur pertinuit quoque captatoria illa institutio, non serio, sed in speciem & eo saltem fine facta, quo Orbos; quos captabant, ad exhibitionem testamenti permoverent, hi enim, prout erant nonnunquam avari, sperabantque, se adhuc diu vivere, alteriusque hæreditatem forte consequi posse, hæmo hoc allecti, testamentum ac institutionem hæredipetis exhibebant, quo facto, hi illos nefariis insidiis à medio tollere solebant, quo hæreditate eorum potirentur. Senatus igitur tales institutiones irritas declaravit (quamvis enim & ex mente hæredipetæ valere illæ non deberent, hoc tamen Orbos latebat) nam hoc posito, nemo adeo stultus erit, ut inaniejusmodi institutione se ad exhibitionem testamenti proprii moveri patiatur, quo ipso adeo nequitia hæredipetarum fuit occursum.

3. Cum autem Germani hæreditates quidem nonnunquā captent, attamen adeo truculenti non sint, ut captatos per insidias à medio tollant, hinc cessante ratione, captatoria institutiones hodie videntur esse validæ, adeoque si quis alteri hoc exigenti testamentum suum exhibuerit, is conditionem institutionis implevisse, & testatore in illa voluntate perseverante, hæreditatem petere posse videtur. Sed ille casus erit rarissimus, ac in seculo forte vix exstiturus, quando enim præcipuus exhibitionis scopus, quem hæredipetæ Romani intendebant, cessat, nuda exhibitio testamenti alieni haut temere exigetur. Hinc jura Romana nullis sunt usus, ac eo tantum pertinent, ut interpre-

ex ignorantia rationum Romanarum, falsas sententias, eorum occasione effingere ac nonnullas institutiones, quas perpetam pro captatoriis & illicitis habent, invalidas pronunciare possint.

TIT. III. IV.

DE INJUSTO, RUPTO IRRITO  
FACTO TESTAMENTO,  
ET

DE HIS QUÆ IN TESTAM.  
DELENTUR.

OBSERV. DCCCLXI.

**T**estamentum est vel ab initio nullum) Contingit hoc (1.) ob inhabilitatem testatoris (2.) defectum voluntatis, ut si quis morte præventus mentem non satis declaret §. 7. 7. *testam. quemad. infirm.* (3.) solennitatis externæ & (4.) internæ, si liberi legitime non sint instituti vel exheredati. Omnibus his casibus obtrinet *querela nullitatis*, quæ jure antiquo nihil ex testamento valere patitur, sed juxta jus novum, ultimo casu testamentum, saltem quoad institutionem, esse nullum, communis est sententia, *vid. Observ. 164. 854.*

OBSERV. DCCCLXII.

*Sine re tamen*) Videtur potius generaliter & cum effectu Prætor institutis succurrisse juxta *l. 17. de injust. rupt. irrit.* quod etiam *Dn. STRYK in not. b.* placet Hodie, si admittas sententiam communem, quod liberi tam à Patre quam matre non legitime exclusi, testamentum saltem quoad institutionem sit nullum, hoc etiam caput mutatum erit, nam filio aut

pe-

potius generaliter, liberis sponte ab hæreditate patris vel matris abstinentibus, dubio procul testamentum valebit, cum saltem in gratiam liberorum quoad institutionem improbatum sit, hinc accedente liberorum consensu simpliciter valebit, adeo ut institutus hæres ne quidem auxilio Prætorio indigeat.

## OBSERV. DCCCLXIII.

*Validum & rumpitur*) Testamenta ab initio valida, infirmantur vel *jure Prætorio*, per bonorum possessionem contra tabulas, cujus tamen hodie nullus est usus juxta sententiam communem modo relatam, vel *jure civili*, dum *rumpuntur*, *irrita fiunt*, quibus causibus querela nullitatis obinet, & *rescinduntur* per querelam inofficiosi *vid.* Observ. 164. *in fin.*

## OBSERV. DCCCLXIV.

*Agnatione sui hæredis*) Si admittas communem sententiam, qua testamentum quoad institutionem nullum dicitur, si Pater aut mater liberos, cum expressione causæ habilis, non excluserit, etiam hoc caput duplicem accepit mutationem, cujus tamen non satis recordari solent, qui memoratam sententiam fovent. Nimirum (1.) non tantum sui hæredes, sed in genere liberi, agnoscendo rumpent testamentum, adeoque in specie matris testamentum ruptioni quoque subjacebit, nam si ob liberos præsentem, non rite exclusos, est nullum, necessario per liberos futuros rumpetur, inter hæc enim perpetua est connectio, (2.) tam quoad Patrem quam matrem testamentum agnatione saltem rumpetur quoad institutionem, salvo legatis aliisque capitulis, nam si liberi præsentem non legitime exclusi, eoque saltem testamentum faciunt nullum, liberi futuri eo quoque

effectu illud tantum rumpent, nam olim non aliam ob causam illud penitus rumpebant, quã quod præsentis præteriti illud omnino nullum facerent, hoc igitur si mutatum dicas, & illius mutatio asserenda.

## OBSERV. DCCCLXV.

*Nec legata debentur*) Hæc ex præcedentibus explicationem accipiunt. *AUTOR* ex sua hypothesis, qua liberos suos, à Patre præteritos, testamentum penitus nullum facere, in cæteris vero casibus liberos querela inofficiosi indigere censet, recte infert, quod agnatione sui hæredis testamentum quoque penitus rumpatur, sed *CARPZOV.* & *GAILIUS* hypothesis contrariam, quod scilicet liberis in genere, sine causæ habilis expressione exclusis, testamentum sit nullum quoad institutionem, sequuntur, hinc rptionis effectum merito etiam ad illam restringunt. Utrique hæcenus recte, illi vero excusari nequeunt, qui sententiam communem quoad liberos existentes sequuntur, & tamen *AUTORI*, quoad effectum rptionis, hic ad stipulantur *vid. BERGER resolut. b. qn. 3.*

## OBSERV. DCCCLXVI.

*Mutatione voluntatis*) Ut voluntas posterior contraria, priorem tollat, id utique naturale & necessarium est, ut autem quævis diversa, & quæ cum priori bene consistere poterat, eundem habeat effectum, id juris civilis est, cui incongruum visum fuit, si quis cum duobus testamentis decederet, quamvis nulla inconcinnitas revera subsit, *add. DECIS. SAXON. 44.*

## OBSERV. DCCCLXVII.

*Quæ locum etiam habet in testamentis conjugum mutuis*) Hæc sententia candori Germanorum parum convenit, imprimis, quando facultas mutandi, post

post mortem alterius conjugis, aut in casu clausuræ, de non mutando adjectæ, quoque asseritur, præterea malis rationibus defenditur, hinc contrariam arbitror veriore. Nimirum (1.) actus ille est instar reciproce conventionis, licet termini successione hæreditatis aut testamenti fuerint adhibiti, cum enim jure germanico de hæreditate pacisci liceat, merito actus conjugum ex hoc præsupposito explicandus est, *vid. Observ. 774.* sed fac (2.) retinere illum naturam testamenti, at tamen eo ipso, dum ambo conjuges simul testantur, satis declarant, quod facultate mutandi singuli sese abdicent, id quod eo magis asserendum, si diserte clausula, de non mutando absque alterius voluntate, sit adjecta. Atque ex hoc, facile dissipantur rationes dissentientium, quando *libertatem ultimarum voluntatum* jactant, nam in thesi illa recte asseritur, sed hic, ob intercedens pactum, cessat, vel *clausulam de non mutando, invalidam* pronunciant, nam hoc nullum aliud fundamentum habet, quam cerebrum glossatorum male purgatum, dicitur quidem hoc, sed non probatur. Denique (3.) considerandum, quod unum testamentum, velut conditionem, alterum respiciat, nam sensus est: *tu ex meo testamento eris hæres, si tuum in eodem statu reliqueris*, nam testamenta talia mutuam conjugum favorem respiciunt, & alter testatus hoc modo non esset, nisi alter sibi quoque gratum testamentum condidisset, igitur vel ex communi conditionum natura, conjux, in primis altero mortuo, testamentum suum servare debet, quia alias conditionem factæ institutionis non impleret. Ego sane non intelligo, quomodo laudata illa mutandi

facultas, à vera impostura queat absolvi, ut J Ctos germanos ejus merito pudere debeat.

## OBSERV. DCCCLXVIII.

*Verbis, modo tum etiam elabatur decennium*) Imo potius nuda revocatio legitime saltem, duobus scilicet testibus, vel manu testatoris probata, testamentum destruit, id quod ut merito tamdiu præsumitur, donec probetur contrarium, ita ejus vestigium in *l. 1. § 8. und. lib.* exstare non immerito existimatur, ac *DECIS. ELECT. SAXON. 44. in fin.* confirmatum videtur. Non obstat *l. 27. C. de testam.* fit enim ibi mentio *decennii*, non quasi ejus lapsus ad mutationem testamenti sit necessarius, sed quo iis, qui solo decennii lapsu testamentum everti putabant, sententiæ hujus ineptitudo velut exprobretur. Sic si quis dicat, se felicissimum esse futurum, si haberet novos calceos, alius verò hominis simplicitatem irrisurus, regereret, credo te talem esse futurum, si centum mille imperiales, & novos calceos haberes, tum sane nemo existimabit, quasi hic felicitatem tam ex pecunia, quam novis calceis, æstimet, cum ex ejus affectu liqueat, quod felicitatis unicam causam putet esse pecuniam, calceorum autem novorum irrisionis saltem causa, simul faciat mentionem. Eodem animo deconnium in *d. l. 27.* adduci, totus contextus satis arguit.

## OBSERV. DCCCLXIX.

*Modo posterius sit perfectum*) Illud quæritur, si perfectum quidem sit testamentum posterius, sed inofficiosum, an rumpendo priori sufficiat? Sic purat *HILBER in prælect. ad ff. de liber. & postb. n. 7.* adjiciens, quod everso per querelam posteriori, defunctus fiat intestatus. Cæterum, uti id forte procedit de praxi

Bel.

Belgii, ita ex *l. 16. §. 1. de V. & P. S. l. 6. §. 1. de inoffic. testam.* quæ eo fine excitantur, non probatur, nam in illa saltem dicitur, quod testamentum posterius invalidum, prius non rumpat, sed inde non sequitur, quod inofficiosum, hoc præstet, cum id vel maximè sit in quæstione, an qualis qualis illa substantia, qua testamentum inofficiosum stricto jure gaudet, rumpendo testamento sufficiat, hæc vero docet, quod querela inofficiosi victrix defunctum faciat intestatum, sed hoc pertinet ad casum, ubi nullum aliud quam inofficiosum testamentum aderat. Nec obest testamentum herede vel conditione destitutum, quod prius rumpit, nam hoc perfectum est, & ob casum saltem supervenientem, effectu caret, sed inofficiosum, ob injustitiam, leges improbant.

## OBSERV. DCCCLXX.

*Irritum fit*) Hæc doctrina hodie exiguum habet usum, nam status testatoris apud nos non facile mutatur, heredis vero repudiatio testamentum non amplius evertit, per *Nov. 1. c. 1.* licet enim *HUBER* inposit. ad *J. de Leg. falcil. n. 7.* existimet, legatariis ibi saltem quasi additionem concedi, quando heres adiit, ac intra annum legata non solvit, minime vero quando nulla additio facta est, attamen contrarium ex sententia legis, quam affectus Legislatoris & casuum similitudo ostendit, merito asseritur.

## TIT. VI.

DE VULGARI ET PUPILLARI  
SUBSTITUTIONE.

## OBSERV. DCCCLXXI.

**S**ubstitutio) Ex libertate quidem naturali plures hære.



hæredum gradus, diversa intentione, facere licet, ut hætenus substitutio cum suis speciebus, juris Gentium sit. Sed lex civilis substituendi modum varie circumscripsit, pluribusque subtilitatibus auxit, ut hoc sensu magis ad jus Romanum pertineat. De usu igitur hujus juris, hic dubitandum non videtur, quamvis ipsum substitutionis factum, à Germanis, nimiam illam & miseram Romanorum diligentiam quodammodo averfantibus, rarius fortasse suscipiatur.

## OBSERV. DCCCLXXII.

*Substitutus substituto est etiam substitutus instituto* - (obst. l. 47. b.) Regula hæc non est universalis, sed pertinet ad illum substitutionis vulgaris casum, ubi duo hæredes instituti & unus alteri substitutus, ac huic rursus extraneus substitutus est, nam tum juxta naturalem interpretationem hæc videbatur esse testatoris voluntas, ut si institutus primo deficeret, adeoque ejus portio alteri cohæredi substituto offerretur hoc etiã deficiente, omnem hæreditatem, mediante substituto cohærede, acciperet substitutus extraneus, æst si turbato ordine, prius deficeret cohæres substitutus, deinde institutus, illius saltem portionem haberet. Verum cum hac ratione defunctus partim testatus partim intestatus decederet, quod juri Romano adversatur, igitur vi hujus præsuppositi substitutio sic fuit accipienda, ut substitutus in omnem eventum totam hæreditatem acciperet. Non obstat l. 47. b. c. agit enim de substitutione pupillari, quod tollendo dubio sufficit, nam in illâ interpretationi naturali inhære licet, cum per eam regula moda allata non offendatur. OBSERV. DCCCLXXIII.

*Vel si suus se bonis immiscuit*) Substitutio vulgaris etiam

etiam suo hæredi fieri poterit, hinc hac substitutione fuitatem non tolli, vulgo dicunt. Equidem, cum suus hæres ipso jure statim acquirat hæreditatem, substitutio vulgaris, semper inanis videtur, utpote cum substitutus per institutum, ipso jure existentem, excludatur. Verum ea non impediunt substitutionem vulgarem, potest enim (1.) suus hæres ante patrem mori, vel (2.) à Patre emancipari, ac emancipatus hæreditatem repudiare, quibus casibus dubio procul substitutio effectum habet. Imo licet (3.) suus post Patrem vivat, attamen acquisitio hæreditatis legalis, spem substituti non statim extinguit, cum sit imperfecta ac ab arbitrio ipsius hæredis adhuc suspensa, hinc si suus hæres abstineat, acquisitio illa legalis evanescit ac substitutus admittitur, quod si autem se immisceat, atque ita acquisitionem legalem approbet, vel antequam abstineat, decedat, & sic jus adeundi in hæredes transmittat, hique adeant, tum demum substitutus excluditur.

2. Ex his etiam facile solvitur hæc quæstio: Filia abstinens hæreditate Patris ob æs alienum, petit avitam, ut vulgariter substituta patri suo, qui quidem non miscuerat se bonis paternis, at nec abstinuisse probabatur. Filia dicit, Pater meus non fuit hæres, ergo substituta sum in casum, si hæres non sit; ergo ad me bona spectant. Creditores patris ejus respondent: Tuus pater fuit ipso jure hæres, & sic bona ei acquisita fuere, nobisque in ea agere licet. Filia replicat, Pater meus accepit vulgarem substitutum, & sic voluntarius hæres factus est, nec ideo fuit hæres, quia factio non adiit. Creditores replicant, imo mansit hæres suus & necessarius, & bona quæsit ipso jure. Quæritur

ricur quid juris? *HUBER. in posit. ad ff. b. t. n. 18.* eo inclinare videtur, quod contra filiam pronunciandū. Sed pro illā pronunciarē, licet enim hoc Creditoribus dandum sit, quod ad Patrem ipso jure bona fuerint devoluta, attamen sicut ipse abstinere atque ita acquisitionem illam legalem in irritum deducere potuisset, ita filia ipsius hæres, ejus nomine abstinere *l. 7. § 1. de A. & O. H.* ac simul hæreditatem paternam rejicere, deinde verò ut avo substituta, avitam hæreditatem vindicare potest. Imo, licet ponamus, Patri extraneum fuisse substitutum, attamen idem adhuc dicerem, nam substituens adjiciendo substitutū, quantum in se fuit, ex instituto, hæredem mere voluntarium fecit, ab ejusque arbitrio acquisitionem hæreditatis suspendit, licet verò nihilominus acquisitio legalis adhuc interveniat, illa tamen non eo pertinet, ut inscio hæreditatem obtrudat, sed ut jus immiscendi, in hæredes instituti saltem transferat, quod si igitur institutus, ob Creditorum multitudinem, nullum habeat hæredem, acquisitio legalis, utpote ob effectum transmissionis facta, evanescit, adeoque substitutus hæreditatem substituentis consequitur. Cardo igitur quoad hos casus in eo vertitur, ut acquisitionem legalem recte æstimemus, nec ejus effectum ultra debitos limites proferamus, in quo sane interpretes, ex nimia fortassis subtilitatem Romanarum admiratione, falluntur.

## OBSERV. DCCCLXXIV.

*Mater obs. l. 33.)* Matrem non posse aperte & sub consueta formulā pupillariter substituere, & de jure civili certum, & hodie quoque observari puto, sed in *l. 33. b. t.* isti juri fraudem esse factam, adeo ut levi colore

lore adhibitio, mater pupillariter possit substituere, non minus arbitror, nam vulgaris responsio, quod *tabula pupillares ibi improprie ab objecto non à substitutionis forma sic dicantur*, nimis diluta est. Ait JCtus *Si mater ita testetur, ut filium impuberem, cum erit quatuordecim annorum, heredem instituatur* (i. e. si mater filium heredem instituatur, ac possessionem in tempus pubertatis differat, nullum enim alium sensum illam instituendi formam habere, recte attendentibus facile pater) *eique pupillaribus tabulis, si sibi hæres non erit* (i. e. si sibi hæres quidem erit sed ad bonorum possessionem non perveniet) *aliud substituatur*, (adeoque in effectu pupillariter) *valet substitutio*. Merito igitur BERLICH. d. Dec. III. hanc substituendi formam *cavere* laudat, cum revera in fraudem juris recepti eadem tendat. Interim improbandum hoc non est, nam positiva, ejusmodi, sunt mutabilia, nec materialis facultas invidenda, quo loco tamen id monendum, quod ad bona filii propria illa substitutio non porrigatur.

## OBSERV. DCCCLXXV.

*Fit eum in casum, si hæres erit & infra pubertatem decesserit lit. fr.*) Est hæc formula ordinaria, ubi observandum, quod verbis: *si hæres erit*, etiam satisfactum sit, modo pupillus ipso jure hæres exstiterit, licet ab hæreditate paterna abstineat, unde regula: *sola sui hæredis existentia confirmat tabulas pupillares l. 42. pr. de A. O. H. l. 44. de re judic. vid. HUBER posit. ad J. de substit. pupill. n. 7.* Hinc si filius ab hæreditate paterna abstineat, substitutus vi substitutionis vulgaris tacitæ, bona Patris consequi poterit, si velit, quod si deinde filius ante pubertatem moriatur, hujus quo-

quoque hæreditatem, ex substitutione pupillari, per solam sui hæredes existentiam confirmata, lucrabitur.

## OBSERV. DCCCLXXVI.

*Hinc substitutio exhæredato facta, propriis pupillaris non est, lit. fr.)* Hoc casu, juxta communem sententiam, cujus in præcedentibus aliquoties meminimus talis formula erit adhibenda: *Cujus hæres esto, filium meus, quia insidias vite mihi struxit, esto exhæres, si ante pubertatem moriatur, Sempronius ei sit hæres.* Effectus est, si exhæredatio consistat, ut substitutus bona pupilli materna similiaque lucretur, si verò per querelam inofficiosi evertatur, aut ipso jure nulla sit, omissa scilicet exclusionis causâ, tum substitutio tamen manet, ac plenissimum, eveniente casu mortis, habet effectum, adeo ut substitutus bona tam à Patre quam aliunde profecta accipiat. Illud notandum, quod consistente exhæredatione filii & institutione extranei, hic hæreditatem adire debeat, ut consistat substitutio pupillaris, hinc regula est: *ad iram esse oportet hæreditatem ex testamento paterno, ut valeat substitutio pupillaris l. 2. §. 1. h. t.* quam frustra vellicat HUBER in posit. ad ff. h. n. ii. seqq. dum sententiam eorum, à quibus dissentire voluit, non satis est assecutus, ceu THOMAS. in not. recte ostendit. Cæterum hodie illa regula locum amplius non habet, admissâ communis sententiâ modo indicatâ, nam si substitutio pupillaris subsistit, institutione licet eversâ aut ipso jure nullâ, eadem quoque valebit, quamvis ob defectum aditionis, hæc evanescat.

## OBSERV. DCCCLXXVII.

*Non etiam ex damnato coitu nasci.)* Precedunt ista

ex vulgari hypothefi, qua liberis hifce omnibus fuccellio negatur, aft fi cum recentioribus nonnullis, ius fuccedenti his tribuas, *vid.* *Obferv.* 793. 856. tum etiam mater illis exemplariter poterit fubftituere.

OBSERV. DCCCLXXVIII.

*Aut parentes lit. fr.)* Parentes in fubftitutione exemplari poffe omitti, poft alios putat *STRUV. S. J. C. exerc. 33. §. 34.* quæ fententia iure codicis, quo parentes fratribus in fuccedendo haut erant æquales *l. 3. 4. C. de bon. quæ liber.* defendi poffe videtur. At poftquam *Nov. 118. c. 2.* parentes, fratribus & fororibus, hac in parte funt exæquati, ideo *AUTOR* in fubftitutione exemplari, omnium illorum habendam effe rationem putat, cum fubftitutio hæc, juri fuccedendo ab intestato, videatur attemperata, quorfum pertinet, nifi fallor, allegatio *l. 35. pr. de paff. l. 93. §. 3. de Legat. 3.* quæ præcedit. Hoc fi admittas, iure Saxónico Parentes in fubftitutione exemplari, etiam præferendi erunt fratribus & fororibus, quia in fuccellione ab intestato hîs excludunt.

## TIT. VII.

### DE CONDITIONIBUS INSTITUTIONUM.

OBSERV. DCCCLXXIX.

**D***E conditione)* Teftatorem pro fuo lubitu institutionibus poffe adicere conditionem vel fimile quid, id ex libertate naturali facilè intelligitur & juris Gentium eft, hypothefes tamen juris Romani libertatem iftam non indiftincte admittunt, quo fenfu hæc tractatio ad ius civile pertinet.

## OBSERV. DCCCLXXX.

*Sub contraria conditione fuerit exheredatus*) Voluntas igitur sic concipienda erit: *Filius meus heres erit, si Mevius consul fuerit factus, si non, exheres esto*, juxta communem sententiam, addenda erit hodie etiam causa v. gr. *quia gravi injuria me affecit*, nam alias, hac omissa, voluntas, utpote non juxta formam juris declarata, statim est nulla. Effectus igitur est, ut conditio sit expectanda; si existat, filius omnem habebit hereditatem, si deficiat, tum instituet querelam inofficiosi, pro cujus diverso eventu, vel hereditatem, vel nihil accipiet. Alimenta interim liberis præstanda erunt si non habeant, unde vivant.

## OBSERV. DCCCLXXXI.

*Quod etiam hodie obtinet obft. l. 32. C. de inoff. testam.)* Potest hoc defendi, nam *d. l. 32.* negat saltem, quod Legitimæ possit conditio molesta adjici, hic vero est quæstio de tota hereditate, quæ non perinde ut illa liberis debetur, dein supponit *d. l. 32.* quod nulla justa exclusionis causa subsit, & in hac suppositione conditionem adjectam improbat, verum, hic justa causa supponitur, ob quam à legitima etiam liberi repelli possunt.

## OBSERV. DCCCLXXXII.

*Sine distinctione*) Nec etiam amplius distinguendum erit inter patrem & matrem, nam hanc post *Nov. 115.* eadem forma liberos instituere aut excludere debere, qua Pater id peragit, communis est sententia, quam hætenus aliquoties, ad dijudicanda consuetudina, supposuimus. De cætero talem instituendi & exheredandi rationem, qualem hætenus vidimus, in vita civili frequenter occurrere, nolim dicere.

TIT.

## TIT. VIII.

## DE JURE DELIBERANDI.

## OBSERV. DCCCLXXXIII.

**J**us deliberandi) Apud Romanos rigidior illa obtinebat sententia, ut si quis adiisset hæreditatem, creditoribus in solidum obligaretur, *conf. BERGER in resolut. b.* quod ideo introductum videtur, quo malitia hominum eo efficacius reprimeretur. Solent enim perversi, rebus alienis manus parum fidas injicere, bona imminuere, ac, quando aliis exinde aliquid solvendum est, quantitatem negare, imo perjurii periculum, si jurata assertio postuletur, subire. Ne igitur hæredes hac ratione alios læderent, tempestive aditio, necessitate illâ solvendi solidum, onerata est. Stante autem hac sententia, hæredes in genere, cautos esse oportet, ne vel repudiando hæreditatem opimam, vel adeundo damnosam, se ipsos lædant, hinc exortum *jus deliberandi*, quod adeo ex hypothesi juris Romani profluit.

## OBSERV. DCCCLXXXIV.

*Intra annum à tempore primæ scientiæ primi hæredis*) Quod si tamen hæres sit mortuus, ubi delationem scire non poterat, v. gr. ante testamenti publicationem, tum ejus hæredes ad jus deliberandi & consequenter, adeundi, mediante restitutione in integrum adspirare posse, idque intra triginta annos, censet *CARPZOV. p. 3. C. 14. D. 24.* quam sententiam uti ab æquitate non abludere puto, cum jus transmittendi, ex voluntate defuncti, simpliciter videatur esse asserendum, ita terminus petendi nimis longus videtur, hinc ex placitis juris Romani, quadrienn-



nio, restitutionis petitio erit coarctanda juxta l. 7. C. de tempor. in integr. restit.

## BENEFICIUM INVENTARII

### OBSERV. DCCCLXXXV.

*Hoc inventarium*) Poterat igitur sibi hæres deliberatione prospicere, sed inde tamen incommodum aliquod in creditores redundabat, dum diutius paululum, quam res eorum ferebant, hæredis declarationem expectare cogebantur. Introducitur igitur est *inventarium*, quo hæres & juxta votum creditorum statim adire, & sibi tamen etiam prospicere poterat. Quatenus igitur Inventarium est *medium vel instrumentum necessarium, onus, ut res hereditatis excedens, arcendi*; eatenus ex jure Romano est, quatenus vero idem *pro arbitraria rerum designatione* accipitur, eatenus est juris gentium.

### OBSERV. DCCCLXXXVI.

*Vid. Carpz. p. 3. C. 33. D. 18.*) In foro Saxonico & forte etiam alibi, rigidior illa juris civilis interpretatio cessat, hinc hæres sine deliberatione & inventario adiens, ultra vires hæreditatis tamen non tenetur modo *juratam specificationem* edat, ad quam sibi invicem etiam fratres & sorores tenentur **DECIS. SAXON. 56.** Ex eo autem tria consequi arbitramur, (1.) quod hodie jus deliberandi cesset, adeo ut hæres ad id non sit admittendus, cui bono enim moras nequit, qui sine periculo statim adire potest? nec obstat **DECIS. SAXON. 57.** nam jus deliberandi, de quo ibi sermo, non pertinet ad hæreditatem *adeundam*, sed *aditam repudiandam*, (2.) quod inventarium sub forma juris civilis non amplius occurrat, sed juxta jus Gentium

tium saltem ut rerum designatio, spectetur, hinc etiam modus illud conficiendi, jure civili præscriptus, hodie fere negligitur (3.) quod quis aditam hæreditatem iterum repudiare queat, & licet illa facultas *d. DECIS. 57.* ad annum restringatur, non videtur tamen magnus illius rei esse effectus, cum etiam post annum, ultra vires hæreditatis, propria voluntate haut imminutz, hæres non teneri dicatur.

## LIB. XXIX. TIT. I.

## OBSERV. DCCCXXXVII.

**T***estamentum militis*) Quemadmodum lex positiva modum testandi præscribit adeoque libertatem naturalem restringit, ita nonnunquam hanc restituit, ex quo oriuntur *testamenta privilegiata*, quæ ab arbitrio testatorum maximam partem quidem dependent, subinde tamen legis civilis placita adhuc observanda sunt,

## OBSERV. DCCCLXXXVIII.

*Inter solos liberos*) Igitur Pater testamento privilegiato non potest simul instituere uxorem, præterea, si etiam testamentum solenne condat, non potest uxori, in præjudicium legitimæ liberorum, usumfructum omnium bonorum concedere, nisi forte statuta permittant, *vid. CARPZ. p. 3. C. 12. D. 6. 7.*

## OBSERV. DCCCLXXXIX.

*Et nepotes licet filius adhuc vivat* --- *obst. l. fin. C. fam. etc.*) Responsio, qua *CARPZOV d. l.* aliique utuntur, quod *d. l. fin.* per *l. 21. §. 1. C. de testam.* sit correctæ, nimis violenta videtur, cum nullo vel legis corrigendæ, vel correctionis fiat mentio, quod tamen in legibus fieri solet, hinc potius *d. l. 21.* velut posterior,

rior, juxta *d. l. fin.* velut priorem, interpretanda foret, ex monito *l. 26. seqq. de L. L.* Dixerim igitur potius, *suos heredes in d. l. fin.* non sumi proprie & exquisite, pro iis qui immediate in potestate existunt, sed improprie & late, pro iis qui utcumque in potestate sunt, hoc enim & comparatio cum emancipatis liberis, & oppositio extraneorum satis ostendit, & verba: *qui ex quolibet venientes gradu tamen pares videntur esse*, amplius persuadent, videntur enim innuere casum, ubi cum liberis primi gradus, remotiores illisque subordinati concurrunt, nam si remotiores nemo antecedit, tum non videntur, sed revera sunt pares illis, qui primum gradum tenent.

## OBSERV. DCCCXC.

*Nisi duo testes adhibiti*) Per Nov. 107. c. 1. vers. si tamen junct. *l. 12. de test.* his enim textibus probant, quod legatum extraneæ personæ relictum, adhibitis duobus testibus valeat, non obst. *l. fin. C. de Codicill.* hæc enim per *d. Nov. 107.* restricta censeretur debet. Ita pro AUTORE, sed juxta rei veritatem probabilius videtur, si *d. Nov. 107.* indefinite de testibus loquentem, non de duobus, juxta *l. 12. de test.* sed potius secundum *l. fin. C. de Codic.* tanquam textum specialem, ad materiam hanc pertinentem, de *quinque testibus* interpretemur. conf. BERGER b. qu. 5.

## OBSERV. DCCCXCI.

*Novi testamenti confectione*) Non satis expeditum est, an & in quantum testamentum Parentum, per aliud mutari queat, vel illud aliis deroget, circa quod tamen si præsupponamus, quod laudatum Parentum testamentum, in suo genere sit perfectum, de mutatione eò facilius Judicari poterit. Sic igitur putem (I.)

*testamentum inter liberos sive solenne sive privilegiatum, per posterius inter liberos privilegiatum tollitur, nam hoc perfectum est, adeoque etiam quoad potestatem mutandi, testamenta perfecta imitabitur. Consentit CARPZOV. p. 3. C. 4. D. 25; ac aliquo modo STRYK in not. h. ad pag. 503. sed dissentire videtur (si ejus sententiam recte assequor) BERGER in resol. de injust. rupt. irrit. testam. qu. 5. (2.) testamentum in quo extranei instituti, per posterius inter liberos privilegiatum rumpitur propter rationem modo tatam, vid. l. 2. de injust. rupt. irrit. testam. nec opus est, ut quinque adhibeantur testes, ceu nonnulli præcipiunt ex l. 21. §. 3. C. de testam. nam d. l. pertinet ad hæredes ab intestato, qui præter liberos occurrunt, nec enim probabile est, hos & illos conjungi ac eodem jure censerì (3.) testamentum inter liberos, per posterius, in quo extranei instituuntur, non aliter tollitur, quam si perfectum & solenne sit, per jura communia ac Nov. 107. c. 2. Requiritur insuper interpretes clausulam revocatoriam, quæ tamen non aliqua lege scripta, sed æquitate saltem, nititur. (4.) Quod si in posteriore testamento liberi & extranei instituuntur, tum etiam prius non tollit, quam si fuerit solenne, ex sententia AUTORIS, cui accedere videtur Dn. STRYK in not. h. sed crediderim posterius, licet minus solenne, eundem habere effectum & quoad extraneam saltem personam non valere, arg. l. 21. §. 1. C. de testam. Quoad alia conf. CARPZ. p. 3. C. 4. D. 22.*

23. DECIS. SAXON. 46. STRYK in  
not. ad Br. 7. E. l. 2. c. 12.  
§. 2.

## TIT. II.

DE ACQUIRENDA VEL  
OMITTENDA HÆRE-  
DITATE.

## OBSERV. DCCCXCII.

**D***Elatio*) Circa hæreditatem occurrere *delationem* & *acceptationem* jam diximus *Observ. 846.* & debet merito illius indoles, sub initium hujus materiæ explicat, sed *ALITOR* nimis serò nunc quædam de ea proponit, potest etiam sic dici: Defertur hæreditas vel *tacite* vel *expresse*, & hoc vel *solenniter* vel *minus solenniter*, *directe* vel *indirecte*; utramque porro *delationem*, tacitam scilicet & expressam, cum suis speciebus, dirigit apud Romanos, vel *lex civilis* vel *jus Prætorium*.

## OBSERV. DCCCXCIII.

*Acquisitio*) *Acceptatio* hæreditatis oblatæ, perinde quidem juris Gentium est ac *acceptatio* aliorum jurium, quæ per contractus offeruntur, interim multa ejus intuitu constituit *lex Romana*, quo sensu adeo illa juris positivi est.

## OBSERV. DCCCXCIV.

*Pro diversitate hæredum*) Plenius, juriq; recentiori magis conformiter de hæredum varietate ita pronunciandum; Hæredes considerantur vel (1.) quoad *voluntatem defuncti*, tum sunt *testamentarii* aut *legitimi* sive ab *intestato*, vel (2.) *proprium*, & sunt aut *necessarii*, qui hodie non amplius occurrunt, aut *voluntarii*, hi iterum vel *sui* vel *extranei*.

## OBSERV. DCCCXCV.

*Per procuratorem & aliam personam adiri non potest.*  
*lit. S.)* Doctrina hæc eo tendit, hæreditatem non  
 posse ita per alium acquiri, ut ei directe, hæredi ve-  
 rò saltem utiliter acquiratur, hinc Procurator hic  
 saltem erit instar nuncii, & hæredi soli acquisitio fiet,  
 facile interim liquet, harum tricarum hodie nullum  
 esse usum.

## OBSERV. DCCCXCVI.

*Hæredis hæres regulariter non potest adire)* Sunt, qui  
 putant, hoc ex qualitate juris fluere ac ratione ne-  
 cessarie niti, *vid. HILLIG. ad Donell. l. 7. c. 4. lit. c.*  
 quod ego non temere crediderim, est potius negatio  
 transmissionis meri juris positivi, & ideo forte hære-  
 dis hæredi jus adeundi negatum, quo, ut judicat  
*DUARENUS apud Hillig. d. l.* eo plura caduca fisco ce-  
 derent. Alias si ex voluntate defuncti hæc res deci-  
 denda foret, putarem hæredem hæredis in acceptan-  
 da hæreditate tantum juris habere, quantum hæc  
 res ipse habet, quo posito cessarent spinosæ exceptio-  
 nes, ex jure suitatis, sanguinis & deliberandi deprom-  
 ptæ. Æquitate igitur se commendat sententia *Coleri*  
*Decis. 68. n. 13.* in genere hæredis hæredi jus adeundi  
 tribuendis, utut illa aliis non placeat *conf. BERGER*  
*in not. b.*

## OBSERV. DCCCXCVII.

*Hodie in quibusdam locis etiam possessio b. m. ipso jure*  
*acquiritur)* Ex vanis interpretum assertionibus, quæ  
 nullum effectum habent, nam possessio ejusque effe-  
 ctus proprii, neque jure civili neque moderno, im-  
 mediate, sine apprehensionis facto in hæredem transe-  
 unt, & nullus etiam contrariæ assertionis est effectus,  
 nam contra detentores rerum hæreditariarum agi

potest remedio summario, seu interdicto adipiscendæ possessionis, ut in actore possessionem, dejectionem & interdictum recuperandæ possessionis fingere, nulla cogat necessitas, fuit nimirum illud ex juris hæreditarii certitudine ac evidentia, confirmatione judicis similibusque circumstantiis. Porro res vacuas hæredi propria autoritate occupare licebit, licet nullam possessionem immediate translatam in eoingas, quodsi autem alius resistat, tum eas occupare non poterit, licet possessionem in eum immediate translatam supponas. Interim decantatæ illius consuetudinis originem ex legibus Taurinis Hispanorum deducit *EICHEL in disp. de Trans. Possess. Helmst. hab. 1655, §. 18.*

## TIT. III.

TESTAMENTA QUEMADMODUM  
APERIANTUR, INSPICIANTUR  
ET DESCRIBANTUR.

## OBSERV. DCCCXCVIII.

**D***E apertura tabularum*) Quo voluntati defuncti satisfiat, testamentum & exhibendum & aperiendum est, & omnes quidem quorum interest, naturaliter ejus aperturam petere possunt, sicut Magistratus aliique ad eam faciendam, ex eodem principio tenentur; Cum porro hæredipetæ etiam circa aperturam, falsa committere solerent, hinc magna cum circumspectione apertura erat facienda, quas cautiones uti communes prudentiæ regulæ suppeditant, ita apud Romanos eo magis erant observandæ, quo major hæredipetarum erat astutia.

OB-

## OBSERV. DCCCXCIX.

*Est vel simplex*) Malim dicere, quod apud Romanos apertura fuerit vel *Extraordinaria* vel *Ordinaria*, nam quoad solennitates nihil cautum reperitur. Illa est, quando absentibus signatoribus & causa tamen aliqua urgente, adhibitis bonæ opinionis viris, testamentum aperitur *l. 7. b. t.* Hæc vero, quando signatores sigilla sua ante inspiciunt ac recognoscunt, ac postea testamenti apertura fit *l. 4. §. 6. 7. b. t.* Nimirum primis temporibus testes in parte externa testamenta signabant, hinc nondum aperto testamento aut iterum obsignato, sigillorum inspectio fieri poterat *vid. THOMAS. differt. de captator. instit. §. 24.* Cæterum, uti fortassis apud Romanos, successu temporis alia testamenta conficiendi & signandi ratio invaluit, de quo *SALMASIUS & HERALDUS* olim disceptarunt, referente *THOMASIO d. l. §. 25. seqq.* ita in Germania certum est, quod testamenta confici ita soleant, ut sigilla testium ac subscriptiones, clauso testamento, inspicere ac recognosci nequeant, ex quo necessario consequitur, quod ordinaria aperindi testamenti ratio, quæ apud Romanos locum habebat, apud nos non obtineat, ridiculum enim erit exigere ante aperturam, sigillorum recognitionem, quæ testamento nondum aperto, fieri nequit, ut omnino ineptiant glossatores, quando aperturam Romanam, peculiare mores præsupponentem, cuiusvis Reipublicæ applicent.

2. Hodie igitur putem duplicem aperiendi rationem obtinere, vel enim *extrajudicialiter* aperiuntur testamenti, nam hoc fieri posse non dubito, & optimum quidem fuerit, si contradictio vel lis metuatur,



adhibere Notarium cum testibus, vel *judicialiter*, cumque Judices habeant assessores suos & actuari-um, pro quibus omnibus veritatis & justitiæ est præsumtio, hinc si ab ipsis apertura suscipiatur, ea pro legitima erit habenda, quamvis si alij etiam bonæ opinionis viri simul adhibeantur, id, velut cautela abundans, non sit improbandum sed potius laudandum. Hactenus igitur neque ii quorum interest, neque testes ad aperturam citari debent, omnes tamen vocantur, sed alio fine, illi scilicet, non quod aliquæ eorum circa aperturam sint partes, sed quo saltem testamenti aperti tenorem intelligant, hi verò, quo sua recognitione, vim probandi, tabulis testamenti concilient, quæ duo cum apertura male vulgo confunduntur, *vid. CARPZ. d. p. 3. C. 5. D. 24. 25.* De cætero apertura judicialis vel circa testamenta judicialia vel privata locum habere potest, & regulariter quidem ad instantiam alicujus fieri solet, nonnunquam tamen etiam à judice proprio motu suscipitur. *CARPZ. d. D. 25.* OBSERV. CM.

*Convocatis hominibus*) Hæc definitio neque juri Romano, neque moribus convenit. Nam illo testes quidem erant vocandi, aut ad ipsos testamentum mittendum, quo ante aperturam, sigilia recognoscerent sed eodem etiam fuisse citatos illos, quorum interest, id ex nullo textu *h. t. ff. & C.* probari potest, solebant quidem hi aperturam petere, & tum petentes ultro aperturæ interfuisse, non negem, sed quod omnes citari debuerint, hoc gratis utique dicitur, cum judex ante tabulas apertas illos ignoraverit, aut saltem ceto haut sciverit. Hodie vero neque testes neque eos, quorum interest, ad aperturam citari, sed eorum vocatio-

cationem alio pertinere, & male illa ab interpretibus cum aperturâ confundi, modo admonui.

## OBSERV. CMI.

*Petunt eam hares*) Hoc caput & sequens *lit. O.* naturale est, quid enim æquius, quam ut is, cujus interest, exhibitionem & aperturam testamenti rogare queat? nec crederim semper esse exigendum iuramentum calumniæ, sed tum demum, si circumstantiæ hoc suadeant, denique tricæ Romanæ de usu interdicti & actionis ad exhibendum, hodie non valde observabuntur, cum processu brevi & mandatis compulsorialibus, semper exhibitio testamenti obtineri posse videatur.

## OBSERV. CMII.

*Aperturam sequitur publicatio*) Posse testamentum privatum ad archivum referri, ac publici instrumenti efficaciam donari, concedo, & hætenus ea, quæ post alios tradit *CARPZOV. d. p. 3. C. 5. D. 25.* & sequitur *AUTOR b.* admitto. Sed quod talis publicatio vel ad archivorum relatio sit necessaria, id utique veterum glossatorum commentum est, nulla ratione subnixum, quorsum enim pertineret (1.) tantus solennitatum apparatus, si testamenta privata propria virtute hanc præbarent? imo cum (2.) alias instrumenta trium testium subscriptione munita plene probent, ceu ex *l. 11. C. qui potior. in pign.* ipse *AUTOR* docuit de *fit. Inst.* mirum foret, si testamenta propriâ probandi virtute destituerentur. Denique (3.) *l. 18. C. de testam.* nihil in contrarium facit, nam verba in eodem loco *reservantur* non ostendunt, quod publicatio necessario sit facienda, sed quod peti possit, quod verba antecedentia: *publicari solent*, arguunt, præterea ibi non  
agi-

agitur de *publicatione*, qualem glossatores supponunt, sed de *simplici custodia*, quæ saltem, intuitu collegii particularis, ex consuetudine asseritur, denique verba modo relata, dubia sunt, cum potius legi debeat: *in eodem resceretur*, ceu admonuit Dn. THOMAS. in *dissert. de captatur instit.* §. 30. ob l. 4. C. *Theod. tit. scil. 4. lib. 4.* ex qua d. l. 18. C. *de testam.* desumpta est.

## OBSERV. CMIII.

*Quod hodie vix observatur*). Non tamen ob rationem additam, sed quia publicatio non est necessaria, testamenta enim privata per se probant. Quo autem vi probandi gaudeant, testium recognitio erit adhibenda, eo igitur fine, non propter aperturam, citari solent, neque tamen recognitio illa præcise erit necessaria, cum possit etiam per alios, manum & sigilla intelligentes, aut per comparisonem literarum & sigillorum, authentia ostendi. Ex quo ultro sequitur, quod uno aut altero, imo omnibus testibus mortuis, fides testamenti non intercitat, quod nonnulli ex falsis hypothesibus asserunt, *vid. STRUV. S. J. C. exerc. 34. §. 42.* Imo si duo testes, etiam foeminae, de testamento legitime facto, testentur, illud hac ratione satis probari censet Dn. BERGER in *resolut. qui testam. fac. poss. qu. 4.* adeò, ut uno teste existente, suppletorio juramento etiam locus fieri possit, quæ sententia rationem habere videtur.

## TIT. IV.

SI QUIS OMISSA CAUS. TESTAM. AB INTESTATO VEL ALIOMODO POSSIDEAT HÆREDITATEM.

## OBSERV. CMIV.

**S**i *hæres scriptus sit*) Sæpe hæredes scripti & legitimi, contra voluntatem defuncti, legata intervertere adque adeo officium naturale, tam defuncto quam legatariis debitum, eludere conantur, horum igitur fraudem reprimat Prætor ac contra versipelles actiones ita concedit, ut juxta gradum malitiæ suæ singuli teneantur, quæ omnia adeo non Romana, sed naturalia sunt.

## TIT. V.

DE SENATUS CONSULTO SILANIANO ET CLAUDIANO, QUORUM TESTAMENTA NE APERIANTUR.

## OBSERV. CMV.

**H**odie *hoc non observatur*) Eatenus sanctionem hanc poenalem adhuc hodie servari, ut, si hæres nullo modo necem defuncti ulciscatur, ac nequidem denunciationem eo nomine faciat, velut indignus hæreditate privetur & hæc fisco adjudicetur, docet *Dn. D. GOEZE in pecul. dissert. de Confiscanda Hæreditate ob inultam mortem Lips. hab. 1699. asserens in specie §. 24. quod jus Saxonicum l. 2. Landrecht art. 16. à jure Romano hac in parte non valde abludat.*

TIT.

## TIT. VI.

SI QUIS ALIQUEM TESTARI  
PROHIBUERIT VEL  
COEGERIT.

## OBSERV. CMVI.

**S***I testamentum fieri*) Triplex hic proponitur delictum, quod intuitu ultimæ voluntatis solet committi (1.) *quando hæres ab intestato vel tertius testamentum fieri* (2.) *hæres scriptus aut tertius factum tolli prohibet*. Utrumque est contra legem naturalem, non tantum ideo, quod quis testatorem in sua libertate turbet, sed & quod alii hæreditatem intercipiat, nam ex voto defuncti ad eum jam pertinebat, sed impediens genuina probationis media subduxit. Utroque igitur casu damnum læso est pensandum, & hæredes delinquentes insuper sperato lucro à fisco privantur quæ tamen dispositio nimis avara videtur, (3.) *quando quis dolo vel metu alterum inducit, quo se heredem vel legatarium faciat*, hoc casu, si delictum debite probeatur, testamentum naturaliter est nullum, & cogens vel decipiens sperata re excidit, ac insuper lege positiva punitur *b. 1.*

## OBSERV. CMVII.

*Testamentum est ipso jure nullum*) De hoc parum laborandum videtur, cum hic nihil intersit, utrum ipso jure testamentum nullum, an evertendum dicas. De eo potius quæri potest, *an in casu coactionis vel deceptionis hæreditas fisco cedat?* antiqua quæstio est *vid. CARPZ. p. 3. C. 5. D. 18.* quam in specie affirmat *STRUV. J. F. l. 2. tit. 22. n. 5. & HUBER in posit. b. 1.* Sed cum cogens vel decipiens ex testamento invalido

nihil acquirat, hinc ei nihil auferri potest à fisco, & si hoc fiat, non tam delinquenti quam hæredibus ab intestato aliquid auferretur, quare alii quæstionem negandam putant, quod etiam *CARPZOV. d.l.* præjudicio firmat. Cæterum uti hanc sententiam æquam censeo, ita nihilominus putem, ex rationibus fiscalibus, etiam pro fisco pronunciari posse, nam ita quidem est, quod dolus aut vis efficiat, ne delinquentius acquiratur, sed & hoc operatur prohibitio, nam si hæres ab intestato testamentum fieri, aut scriptus factum tolli vetet, tum uterque hæreditatem ex voluntate defuncti coacta tenet, cum autem vis, quæ hæreditatem auferri prohibet, poenam fiscalem non excludat, nec vis, quæ eam dari imperat, illam impedit, nec obstat, quod hac ratione non delinquens, sed hæres ab intestato puniatur! Neque enim hoc fit, cum cogens, præstita licet fisco hæreditate, perinde ut prohibens, aliis, ad quos hæreditas alias fuisset devoluta, ad interesse teneatur.

## TIT. VII.

## DE JURE CODICILLORUM.

## OBSERV. CMVIII.

**C***odicillus*) Postquam lex civilis libertatem testandi variè restrinxerat, deinde tamen iterum permisit, ut voluntate non adeò solenni, & hæreditatem, sed cum aliqua imminutione, dare, & alia disponere morituris liceret, hinc exortus est *Codicillus*. Cujus origo ex hypothesi libertatis naturalis semel restrictæ, legi positivæ recte tribuitur, quæ etiam ejus *requisita, effectum & contraria* amplius determinat *b. l.* licet multa ab arbitrio morientium etiam dependant, adeoque juris Gentium sint.

## OBSERV. CMIX.

*Testes hic esse possunt etiam legatarii*) In recentioribus editionibus hæc periodus plane immutata est, ac ita legitur: *Testes hic non esse possunt legatarii* Zepper de Codic. c. 8. n. 29. Richter ad l. 22. n. 21. C. de testam. Brunnem. ad l. 20. n. 9 qui test. fac. poss. Reusn. de Codicill. c. 16. n. ult. Non obst. 22. b. diff. Carpz. Dec. 152. ob. §. 11. 7. de T. O. v. l. 22. C. de test. bene tamen mulieres &c. sed illam correctionem & à mente *AUTORIS*, & à veritate abluere arbitror, nam quod *totum negotium inter legantem & legatarios geri existimetur*, id falsum videtur, cum in Codicillis *totum aliquod negotium*, æstimatione Romana, plane non occurrat, ut pote quod ex universalitate hæreditatis judicandum.

## CLAUSULA CODICILLARIS.

## OBSERV. CMX.

*Est clausula*) Clausula Codicillaris & Codicillus ab intestato in subsidium factus, qui enim testamentum cum clausula codicillari condit, is duplicem habet intensionem, ut ipsius ultima voluntas valeat instar testamenti, & si hoc præter spem esse nequeat, subsistat tamen tanquam Codicillus ab intestato factus. Longe igitur hæc testandi ratio differt ab ea, qua testamentum, & seorsim codicillos facimus, cum enim utrumque simul valere volumus, hinc testamento sublato nec Codicilli subsistunt.

## OBSERV. CMXI.

*Sustinet testamentum aliàs vitiosum*) De effectu clausulæ Codicillaris ita generaliter pronunciandum. Si desit (1.) aptitudo testantis (2.) voluntas non suffi-

ficienter declaretur (3.) solennitas codicillaris deficiat, aut adfit (4.) incapacitas in hærede, vel illo, cujus intuitu aliquid disponitur, tum clausula codicillaris nihil operatur, quia Codicilli etiam seorsim facti non valerent. Si vero (1.) testamentum solennibus testamentariis destituatur, vel (2.) ex defectu formæ internæ nullum sit, aut (3.) rumpatur, vel (4.) sit in officiosum, tum ex communi interpretum sententia, clausula Codicillaris in vim fideicommissi id sustinet. Equidem tres posteriores effectus, monstrosi videntur *HUBERO in posit. ad J. de Codic. n. 17. cum pro monstro sit, ut, quæ leges per solenne testamentum fieri vetant, ea prætextu Codicilli effectum habere velint.* Verum licet prima Codicillorum intentio, ad defectuum externorum emendationem pertinuisse videatur, attamen extensio, quam interpretes faciunt, nec rationi contraria est, nec à legibus civilibus recentioribus abire videtur, nihil enim monstrosi subest, si ea, quæ per testamentum solenne fieri nequeunt, prætextu codicilli effectum, sed alium & remissiorem, habeant.

LIB. XXX. XXXI. XXXII.

## DE LEGATIS ET FIDEICOMMISSIS.

OBSERV. CMXII.

**L***egatum*) Est etiam pars ultimæ voluntis Legatum, cujus indolem uti omnes homines communiratione intelligunt, ita, ad exemplum ultimæ voluntatis in genere, lege civili varie illud circumscribitur. Summatim duo spectari possunt, (1.) *datio*, in qua occurrit *modus* ex legis præscripto observandus,

29

per-



da, legis & legatarii. Nimirum simulac legans moritur, *lex* legatum *purum* & *in diem* statim, in scio etiam legatario, ad effectum scilicet transmissionis, sed *condicionale*, demum post conditionis existentiam, acceptat, cæterum *lex Romana*, ista acceptatione voluntatem defuncti magis turbavit, quam iuvit, nam alias juxta simplicitatem naturalem, ex sola legantis voluntate, transmissio in quovis legato, post ipsius mortem obtinet. Est vero illa legalis acceptatio imperfecta, ac expectat legatarii arbitrium, hic igitur si repudiet, nunquam censetur aliquid acquisivisse, si verò, præsupposita hæredis vel aliûs, post *Nov. l. c. l. vid. Observ. 870.* aditione, legatum acceptet, tum vel à tempore mortis, vel ab eo, quod legans præstituit, illud jus acquirit, quod defunctus in illam transferre voluit, vel etiam conditio objecti admittit, hæres vero ad rem legatam præstandam obligatur, quæ omnia naturalia ac à Romanis saltem confirmata sunt. *lit. E. b.*

## OBSERV. MCXVI.

*Veritate enim demum acquiritur adita hereditate*) Sed *infra lit. 36. lit. 2.* docet, quod in legato puro dies cedat ex tempore mortis, quodque per fictionem, hereditatis aditio & legatarii agnitio, eò retro trahatur, ergo tempus mortis & aditæ hereditatis frustra hic opponuntur; videntur neque ICI neque interpretes tria satis distinguere posse, *causam acquisitionis, terminum à quo & conditionem sine qua non.* Vere acquiritur legatum ob *consensum*, neque enim invito legatario obtruditur, posito autem consensu à tempore mortis fit acquisitio, & hoc non ob aliquam fictionem, quæ, uti alias, ita hic etiam inepta est, sed ob voluntatem

tem testatoris, qui ab hoc tempore acquisitum voluit legatario, quocunque enim vel hæres adiret, vel legatarius agnosceret, nam hos actus aliquam requirere moram, nec continuò mortem insequi posse, ille non nesciebat. Ut tamen legatum acquiri queat, *additio hereditatis*, quam vel hæres, vel ejus loco, alius faciat, tanquam conditio, requiritur.

## OBSERV. CMXVII.

*Et heredes singulos pro rata l. 44. de Legat. 2.)* Hic textus nihil probat, sed pertinent huic *l. 33. pr. de Legat. 2. l. 17. de duob. reis.* quibus tamen obstant *l. 54. §. fin. & l. 124. de Legat. 1.* quamvis & hi duo textus inter se pugnent, ut adeò tres hic fuerint. Ceterum sententia, quæ forte non satis conciliari possunt, sed sententiam *d. l. 33. & 17.* ratione & æquitate vincere, censet HUBER in *posit.* ad *7. d. Legat. n. 98.*

## OBSERV. CMXIX.

*Ad res legatas*) Si duo sint hæredes, unus ex uncia alter ex undecim unciis & eis fundus legatus sit, unciarius hæres undecim partes in fundo habebit, cohæres unciam *l. 34. §. 12. de Legat.* vid. HUBER *d. l. n. 99.* sed illam decisionem voluntati testatoris repugnare, ac ineptiis Romanorum esse annumerandam, non dubito, cū enim alias hæredes substituti, easdem accipiant partes, quas in institutione acceperunt, cur non etiam legatum iis datum, secundum proportionem portionum hæreditariarum, distribuendū esse dicamus? & si hæredes pro parte hæreditaria, aliis ad legata exsolvenda tenentur, cur non etiam juxta illum modum iis legata acquiri existimemus? Sane ex eo, quod unusquisque hæredum ab altero legatum petere debeat, contrarium non sequitur, nam si illi, qui

qui undecim uncias habebat, fundus tantum eſſet legatus, tum cohæres unciarius dubio procul totum præſtaret: Si igitur totum dare poteſt, cur non etiam undecim legati uncias? ſed ais, unusquisque hæredum obligatur ad ſolvendum legatum pro parte hæreditaria, ergo unciarius unciam, alter, qui undecim habet, tot uncias etiam præſtabit, ex quo memorata legati diviſio amplius conſequitur! Verum in hoc latet *πρῶτον ψεύδος*, applicarunt enim Romani rem in ſe veram, ad caſum plane diverſum, ſi plures hæredes extraneo legatum præſtare debeant, tum unius debitoris vice funguntur, adeoque eorum obligatio, ex portione hæreditaria merito æſtimatur, aſt ſi duo hæredes ſibi invicem aliquid præſtare teneantur, tum unius loco haut ſunt, ſed ſeparatos potius agunt debitores, hinc ad dijudicandam obligationem fruſtra portionum hæreditariarum comparatio inſtituitur, cum unusquisque ſeorſim præſtare debeat, quod teſtator ei injunxit.

## JUS ACCRESCENDI.

## Anwachsungs-Recht.

## OBSERV. CMXIX.

*Eſt jus quo portio*) Jus accreſcendi in legatis ex voluntate defuncti dependet, nam ex hoc principio fluit, cum inter quos illud obtinere debeat, tum quoniam aliis ſint præferendi, ut hætenus illud omnino juris Gèntium cenſendum ſit, interim lex civilis voluntatem teſtatoris nonnunquam explicat & magis determinat, ſed nonnunquam etiam nimia ſubtilitate involvit. *add. HUBER in poſit. ad j. de Legat. n. 56. ibique Thomas.*

## OBSERV. CMXX.

*Etiam ignorantibus & invitis*) Hoc verum est quoad cohæredes, illis enim, ex hypothefi juris civilis, qua nemo pro parte testatus & intestatus decedere potest, neceffario accrefcit, adeo ut vel neutram vel utramque partem habere debeant. Sed legatariis partem, quæ alias accreviffet, repudiare licet, interim ignorantibus eventualiter, ad effectum futuræ acceptionis vel transmissionis, accrefcit.

## OBSERV. CMXXI.

*Et quidem hereditas*) An onus fimul accrefcat, etiam voluntatis quæftio eft, quam Jux civilis, juxta ductum communium interpretandi principiorum, determinat, ac fit doctrina hujus periodi evidentior fi ita legas: *Et quidem hereditas femper cum onere d. l. un. §. 10. ac in legatis, pars mixtim aut verbaliter conjuncti, cum onere, re vero tantum conjuncti, absque onere &c.*

## LIB. XXXIV. TIT. I. seqq.

## DE ANNUIS LEGATIS ET FIDEICOMMISSIS &amp;c. &amp;c.

## OBSERV. CMXXII.

**A***nnum legatum*) In toto hoc libro nihil aliud ferè, quam quæftiones voluntatis tractantur, cum enim quis vel *diverso modo*, cujus legati exempla funt in *tit. 1. §. vel diversas res*, ut in *tit. 2. 3. 4. 6. 7. 8. 9. 10.* legare poffit, omnibus illis cafibus de voluntate legantis præcipuæ quæftiones funt, quæ juxta ufitata interpretandi principia decidi debent, ut hætenus illa tractatio juris Gentium fit, interim jus civile quæftio-

siones dubias aliquando certius definit, sed & aliquando, à consuetis ratiocinandi fundamentis, sine causa abit.

## OBSERV. CMXXIII.

*In usufructu ambo concurrunt tit. 2.)* Hæc interpretatio à regulis interpretationis doctrinalis abhorret, licet enim fundi appellatio alias proprietatem & usumfructum comprehendat, attamen si fundo uni legato, alii ejus usufructus indefinite legetur, satis utique inde apparet, quod legans fundi nomine, solum proprietatem intellexerit, hinc nonnulli decisionem illam ad casus similes minime extendendam, imo ne quidem in casu suo hodie amplius observandam esse existimant. *vid: STRUV. Jurisp. for. l. 2. tit. 24. §. 7.*

## OBSERV. CMXXIV.

*Stipulantis optionem hæres potest etiam eligere tit. 5.)* Nec obstat. *d. l. 76. de V. O.* nam transmissio juris eligendi adeo heredi non negatur, ut potius diserte ei ibi asseratur, hoc saltem dicitur, quod electio, siue eam stipulator siue hæres facere velit, *judicio servi*, de quo stipulatio concepta erat, fieri debeat, ut in eo aliqua personalitas, sed transmissionem juris minime impediens, occurrat.

## OBSERV. CMXXV.

*Triticum accipitur pro frumento omni tit. 6.)* Sed hoc ex *l. 94. de V. O.* (non *de V. S.* prout impressum est, nam *l. 94. de V. S.* nihil ad rem facere, facile liquet) non probatur cum nihil aliud ibi dicatur, quam triticum generaliter positum, de omnis generis tritico posse intelligi, nec crediderim laxam illam suppositionem, quæ hic adstruitur, apud probatos Auctores temere repertum iri.

LIB. XXXIV. TIT. I. II. III.  
DE ALIMENTIS ET CIBARIIS LEGATIS &c. &c. &c.

## OBSERV. CMXXVI.

**H**oc legato creditor remittit jus suum ad rem tit. 3.) In his tribus titulis adhuc voluntatis quaestiones tractantur, adeoque locum inveniunt ea, quæ Obs. 922. diximus. Quod in specie legatum liberationis attinet, per illud non tantum *jus personale*, ceu *AUTOR* putat, sed etiam *pignus*, *servitus* & posito casu habili, *ususfructus* remitti potest, de *dominio* tamen aliter dicendum, cum enim formaliter à legante in legatarium transire queat, liberatione legata, id non censetur legatum l. 28. §. 4. b. t. cui quidem obstat l. fin. §. 2. eod. sed procul dubio emendari debet, vid. *EKHOLT. ad. ff. b. §. 4.*

## OBSERV. CMXXVII.

*Hoc legatum ipso jure nullum est, sed legatarius nihil debeat tit. 3.)* Imo potius etiam hoc casu valere videtur, modo quantitas certa expressa l. 25. b. t. cum falsa demonstratio legatum non vitiet, cit. l. 75. §. 1. de Legat. 1. loquitur de legato nominis ac debiti legantis, adeoque ejus argumentum saltem huc pertinet, de cetero sententiam *AUTORIS* videtur magis destruere quam confirmare, dicitur enim in d. l. quod legata illa sint nulla deficiente debitore, si quantitas certa non sit expressa, aut non tam demonstratio, quam conditio addita. Porro nec hoc nobis obest, quod sub legato liberationis dominium non comprehendimodo dixerimus, nam hoc verum est, si liberatio revera legetur, nam tum simul do-

dominium non censetur legatum, alit si legatarius forte debitor non sit, tum nihil absurdi est, si sub apparente liberatione, dominium certæ quantitatis legatum dicamus.

## TIT. IV.

## DE ADIMENDIS VEL TRANSFERENDIS LEGATIS VEL FIDEICOMMISSIS.

## OBSERV. CMXXVIII.

**A**demptio est actus) Quod legata ademptio tollantur, id quidem naturale est, cum à consensum veniat, interim lex civilis voluntatem dubiam nonnunquam magis interpretatur, inprimis iis casibus ubi ex verbis & factis indirectis voluntas colligenda, aliquando quoque circumscribit, quo sensu ad jus civile ademptio referenda.

## OBSERV. CMXXIX.

*Coram quinque testibus*) Supra Observ. 868. jam admonitum est, quod probabiliter ad evertendum testamentum, nuda voluntas, legitime saltem probata, sufficiat. Hoc si admittas, multo magis illa sententia quoad legata obtinebit. Et sane textus, quos *ALLTOR* pro se allegat, non adeò probant, nam vel ostendunt, quid constitui possit, non quid constitutum sit ut l. 14. §. 1. b. l. 35. de R. 7. velloquuntur de ultima voluntate constituyente, ut l. fin. C. de Codicill. sed hic est quæstio de voluntate mere privativa, quæ legatum simpliciter destruit, vel ex *hypothesi explanationis dubie vel falsæ* solum probant, ut l. 27. C. de testam. vid. d. Obs. 868. Quæ cum ita sint, textus, quos *AUTOR* sibi op-

ponit, à nobis potius ut libertatis naturalis probatorii & confirmatorii spectantur. Interim in praxi variatur, nostra sententia probatur *COLERO p. 2. Dec. 249. CARPZOVIO p. 3. C. 13. D. 19.* Facultati Juridicæ Viadrinæ *de anno 1670.* ceu refert consentiens *Dn. STRYKIN not. b.* sed aliter sentit Facultas juridica Lipsiensis apud *FINCKELTH. Obs. 108.* licet autem sententia interpretum, ratione non adeo suffulta, sub nomine *consuetudinis* vel *observantia* non temere admittenda videatur, attamen testator tutissimè faciet, si legata nuda voluntate non adimat.

## OBSERV. CMXXX.

*Nec fidei commissum à legatario, relictum & rursus ademptum*) Ex sententia *AUTORIS* aliorumque, si à legatario fidei commissam alicui relinquatur, eique postea adimatur, tum manet illud apud legatarium, nec huic ademptum censetur, nec obest *l. pen. §. 1. h. t.* vel enim ei inferenda particula *non*, ut ita legatur: *nihil propoxi, cur non ad matrem pertinerent*, vel accipienda illa est de casu, ubi legatarius, saltem ut minister, electus fuit, cujus circumstantiæ meminit *l. 17. de Legat. 2.* Ita vulgo! sed circa voluntatis quæstionem ambiguam, contraria decisio, quod utique ademptione fidei commissario facta, etiam legatario ademptum sit, verior videtur, quando enim quis alicui legat, deinde ab hoc alii fideicommissum relinquit, tum priori hæcenus aufert, ut si hic fideicommissum habere possit & velit, ille excludatur, quod si postea fideicommissario quoque res auferatur, tum illa ad neutrum pertinebit, sed hæredi relinquenda erit, quæ interpretatio etiam diserte probatur in objectâ *l. pen. §. 1. h. t.* circa quâ sane vulgares responsiones nimis violentæ sunt.



sunt. Non obsunt nobis *l. 17. 60. de Legat. 2.* per quas vulgo aliter sentiunt, nam ibi fideicommissarius rem capere nequit ob *mortem intervenientem*, hinc manet illa apud legatarium, cum datione fideicommissi, huic non simpliciter sed tum demum, si fidei, commissarius eam possit & velit habere, res sit ablata, ergo in casum mortis hujus, nihil illi ademptum. Sed in nostro casu fideicommissarius *potest* (habilitate scilicet propria) & *vult* etiam rem habere, hinc haftenus legatarium excludit, sed ei *non licet*, ob ademptionem legantis, hinc neuter aliquid accipit, ut omnino circumstantia *mortis & ademptionis*, quoad interpretantam voluntatem testatoris differant, secus ac vulgo arbitrantur.

## OBSERV. CMXXXI.

*Quod hic mentio fiat iterum prioris legatarii, illic non).* Distinguendæ translationi à conjunctione reali non sufficit illa nota, quod ibi mentio fiat prioris legatarii, hic non, nam & in conjunctione reali, mentionem prioris legatarii fieri posse, patet ex objecta *l. 15. de H. J.* Quare *modus factæ commemorationis* vel *mentionis* amplius addendi debet, nimirum si prioris legatarii ita fiat mentio, ut per eam res legata demonstretur, de cætero vero unicè cum posteriore legatario jungatur, v. gr. *fundum, quem Titio legavi, Cajo do lego*, tum adest translatio. Verum si prior legatarius ita commemoretur, ut res legata cum illo maneat conjuncta, per particulam relativam tamen, ad posteriorem legatarium simul referatur, v. gr. *Fundum quem Titio legavi, eundem Cajo do lego*, tum est conjunctio, quo pertinet *d. l. 15. de H. J.*

## OBSERV. CMXXXII.

*Nova species efformatione*) Si species nova ad pristinam materiam queat reduci, tum manet legatum, si non, extinguitur ex sententia nonnullorum. Sed *ULPIANUS* in objecta *l. 44. §. 2. de Legat. 1.* etiam posteriore, casu legatum subsistere docet. *HUBER* in *posit. ad J. de adimend. legat. n. 6.* dissensum admittit. Sed *Dn. THOMAS.* innot. conciliationem adhibendam putat, cum alias *Ulpianus* à se ipso dissentiret in *l. 70. §. 5. 6. 7. de Legat. 3.* Enim vero uti ratio illa non valde urget, cum inusitatum non sit, ut scriptores à se ipsis dissentiant, dum vel prioris sententiæ obliviscuntur, vel eam mutant, ita ne quidem locum hic invenit, cum *Ulpianus* sibi satis constet, nam in *l. 44. §. 2. de Legat. 1.* loquitur de vestimentis ex lana legata factis, sed in *l. 70. §. 6. de Legat. 3.* agit de vestimentis, quæ jam facta erant, cum lana legaretur, hinc nullus adest dissensus, si ibi vestimenta legata dicat, hic neget. De cætero *Ulpianum* in *l. 44. §. 2. de Legat. 2.* cæteris ita conciliandum censet cum *Wissenbachio*, ut de casu, ubi ex parte lanæ legatæ vestimentum factum sit, accipiatur, tum enim reliquam lanam, quæ exstet, i. e. superstes sit, deberi. Sed vereor ut illa conciliatio locum habeat, nam *Ulpianum* loqui de nova specie, ex omni lana facta, probat *contextus*, ante enim & post exempla ejusmodi proponuntur, idem arguunt verba: *in omnibus superscriptis legatum consistere & debere quod exstat*, hæc enim probabiliter non materiam superstitem, sed novam speciem indicant, denique epicrisis & limitatio *Ulpiani*: *Si modo non mutaverit voluntatem*, satis innuit, legatæ rei accidisse mutationem, nam quin lana superstes præstanda sit, nullum

po-

poterat esse dubium, nec ejus intuitu quæri, an testator mutaverit voluntatem, cum nihil omnino ejus respectu fecerit. Juxta hæc igitur contradictio manet.

2. In genere autem puto Ictos Romanos, parum prudenter hic esse versatos, quando ex *conditione materia*, quæ ne per somnium quidem testatori in mentem venerat, ejus voluntatem interpretati sunt, & nisi fallor, displicuit illa interpretandi ratio in *d. l. 44. §. 2. 3. 4. de legat. 1. ULPIANO*, quando tam in casu specificationis, quam adjunctionis, semper voluntatem testatoris requiri jubet, ex indiciis scilicet ac circumstantiis genuinis, non materiæ conditione, quasi hæc nihil ad rem faciat. Quare regulis recte ratiocinandi magis erit consentaneum, si (1.) in casu *rei legata mutata*, legatum manere simpliciter dicamus, nisi ademptio probetur, nam ademptio facti est, hinc nisi evidenter ostentatur, contra eam pronunciandum, (2.) in casu *rei legato adjecta*, ut in *l. 44. §. 4. de Legat. 1. l. 39. de Legat. 2. l. 79. § 2. de Legat. 3.* itidem legatum manere dicamus, nec ademptionem primi legati, nec dationem rei adjectæ antea asseramus, quam utraque aliunde, quam ex actu adjunctionis, fuerit probata, sic tricus Romanis carere poterimus.

## OBSERV. CMXXXIII.

*Modo non sint rescissa, tanquam inofficiosa*) Hodie non tantum legata subsistent, si testamentum velut in officiosum rescindatur, sed etiam si ob defectum legitimæ institutionis & hæredationis nullum sit, aut per agnationem liberorum rumpatur, admissa scilicet communi sententia, aliquoties memorata, *vid. Obs. 854. 861. 864. 865.*

## OBSERV. CMXXXIV.

*Res ex causa lucrosa ad legatarium pervenerit*) Hæc interpretatio est juris Romani ac à voluntate testatoris abludere videtur, nam ille simpliciter rem legavit, an alias quoque erga legatarium velit esse beneficium, id ei perinde est, nec voluntatem ejus, naturali interpretatione, tollit, quare simpliciter legatum subsistere dicendum erat, sive ex causa onerosa sive lucrativa, res ad legatarium interim pervenerit. Contraria tamen juris Romani interpretatio hætenus admitti potest, id verò, quod ex ea amplius deducitur §. 6. 7. de Legat. excusari nequit, cum nullam, nisi ineptam, habeat rationem.

## TIT. V.

## DE REBUS DUBIIS.

## OBSERV. CMXXXV.

*Infirmatur legatum ambiguitate Scripturae*) Hominum voluntas non tantum in testamentis, sed & aliis actibus, quandoque dubia & incerta est, opus ergo cum est, ut omnes circumstantiæ probe expendantur, num sententia aliqua inde erui queat. Hoc si fieri non possit, tum voluntas illa morali æstimatione pro nulla habetur, nullumque habet effectum. Porro ad applicationem jurium nonnunquam aliqua circumstantia, v. gr. mors, prærequiritur, hæc ergo si ita dubia sit, ut de ea plane non constet, applicatio locum non habet, quæ omnia ex communibus dependere principiis & juris Gentium esse, facile liquet, lex tamen civilis aliquando vel voluntatem ipsam declarat, vel circumstantias præsuppositas certius definit, quo respectu aliquis ejus est usus. Pertinet huc etiam

dis-

dissertatio Dn. THOMASH de Prioritate & posterioritate temporis dubia, hab. Lips. 1683.

TIT. VII.

DE HIS, QUÆ POENÆ CAUSA  
RELINQUUNTUR.

OBSERV. CMXXXVI.

*Hodie hoc mutatum est*) Si res licita & possibilis legato adjiciatur, sive id fiat sub ratione conditionis, sive poenæ, naturaliter utique legatum valet, nam testatori tam ratione legatarii ac hæredis sui, quam legis tale quid adjicere licet, sed veteres ex nimia subtilitate, aut solo poenæ nomine forte decepti, legata poenalia, quæ tamen à conditionalibus satis distinguere semper non poterant, valere noluerunt, quod captiosum discrimen *JUSTINIANUS* merito sustulit, ac simplicitatem naturalem restituit.

OBSERV. CMXXXVII.

*Obst. §. 10. J. de H. J.*) Quod si conditio impossibilis vel turpis legatario *negative* adjiciatur, tum purum est legatum & valet, tam interpretatione naturali quam civili, cujus enim affirmatio est impossibilis, ejus negatio est necessaria; si verò *affirmative* adjiciatur, tum naturali interpretatione legatum est nullum, sed lex civilis conditionem detrahi ac legatum pro puro haberi jubet, §. 10. *J. de H. J.* nihil enim absurdi subest, si legatarius lucrum consequatur, si omittat id quod facere non potest, aut non debet. Si hæredi conditio talis *affirmative* adscribatur v. gr. *centum dato, si mare ebiberit aut matrem occiderit*, tum tale legatum etiã naturaliter est nullum, nam testator illum eventum, ut nunquam existitutum, consideravit, hinc seriò etiam hære-

hæredem non obstrinxint, nec putem aliud lege civili esse constitutum, si autem *negative* addatur, *dato centum, si mare non ebiberit aut matrem non occiderit*, hoc casus est legatum poenale, de quo *AUTOR* b. & poterat quidem illud purum & validum videri, cum etiam affirmatio sit impossibilis, adeoque negatio necessaria & consequenter obligatio hæredis pura. Verum cum hæres molestum quid subire debeat, & quidem ideo, quod impossibile aut turpe omittat, meritò illa testatoris dispositio, velut naturæ aut legibus vim faciens, adeoque absurda, improbatur, nec obstat *d. §. 10. j. de H. j.* pertinet enim ad legatarium, inter quem & hæredem magnam hac in parte esse disparitatem, ex dictis constat.

## TIT. VII.

## DE REGULA CATONIANA.

## OBSERV. CMXXXVIII.

**N**on valere) Solet definitioni regulæ Catonianæ opponi *l. 1. §. 2. b. t.* Sed dicendum est, quod ibi res fuerit alienata, antequam legaretur, adeò ut ab initio legatum constiterit, nam in eo est *JCTUS*, ut casus, qui obiter expensi ad regulam Catonianam pertinere videri poterant, sed ab ea penitus differunt, recenseat, hinc sententia *d. §. 2.* huc redit: *Item si tibi legatus est fundus, qui scribendi* (non scripti & penitus absoluti) *testamenti tempore tuus est: si eum vivo* (ac in testamento condendo adhuc occupato) *testatore alienaveris*, (adeo ut alienationis momentum, legandi actum anteverterit) *legatum tibi debetur*, (nam res aliena tibi ab initio legata est) *quod non deberetur, si testator statim* (cum nondum res alienata & legata esset) *decessisset.* De

cætero definitio regulæ Catonianæ, ultimis voluntatibus magis vim facit, quam eas recte explicat, nam cum aliâ illæ benignius interpretandæ dicantur, poterat sane legatum validum pronunciari, licet tempore testamenti conditi, inutile fuerit, modo tempore mortis valere queat.

## TIT. VIII.

## DE HIS QUÆ PRO NON SCRIPTIS HABENTUR.

## OBSERV. CMXXXIX.

**I**nfirmantur etiam) Legata hic non tam corrunt, quam potius ab initio non valent & quidem primum exemplum est invalidum ex lege positivâ, quæ incapacitatem introducit, ac hodie rarissime usum habere videtur; Alterum verò naturaliter non valet, quia deficit testatoris voluntas, quem defectum tamen certius etiam lex civilis declarat.

## TIT. IX.

## DE HIS QUÆ UT INDIGNIS AUFERUNTUR.

## OBSERV. CMXL.

**V**Indicantur fisco) Aliquando lex positiva legatariis ob delictum legata aufert, quam hodie etiam observari plerique contendunt. Sed *CARPZOV. Pr. Crim. qu. 135. n. 27.* existimat, omnem confiscationem per *Nov. 134. c. fin.* esse abrogatam, eamque in rem affert præjudicium, quo filio parricidæ portio hæreditaria quidem abjudicata, sed non fisco, verum cohæredibus assignata fuit. Licet verò ista sententia

Rr

ex

ex rationibus civilibus sustineri nequeat, æquitate tamen se commendat.

LIB. XXXV. TIT. I.

DE CONDITIONIBUS ET DEMONSTRATIONIBUS ET CAUSIS ET MODIS EORUM, QUÆ IN TESTAMENTO SCRIBUNTUR.

OBSERV. CMXLI.

**D**E *Conditione*) Diximus *Observ. 912.* quod circa legata etiam occurrat *modus arbitrius*, qui in eo consistit, quod testator vel *pure*, vel cum *aliqua adjectione* leget, quæ diversitas diversam ejus voluntatem indicat, hinc liquet, quod doctrina hujus tituli sit juris Gentium, interpretatio tamen voluntatis certior non nunquam à jure Romano dependet, *add. Observ. 937.*

OBSERV. CMXLII.

*Cautio Mutiana*) Hæc quoque rationibus communibus nititur, huc enim facile duxerit omnibus hominibus communis ratio, ut legata, sub conditione negativâ relicta, legatario sub cautione omittendi facti præstemus, quod tamen illa cautio præcise referatur ad eas conditiones, quæ ante mortem legatarii existere nequeunt, id juris Romani est, quod stricte hodie servari, vix crediderim.



## TIT. II.

## AD LEGEM FALCIDIAM.

## OBSERV. CMXLIII.

**H***Æc lex*) Argumentum totius tituli esse de lege civili, manifestum est. Quæstio de legis falcidiae origine & qualitate (sitne lex, an plebiscitum *vid. c. 6. Distinct. 2.*) historica & nullius usus, de ejus argumento *lit. D.* voluntatis est. Sive igitur quærat, quis quam detrahat *lit. S.* unde ea detrahatur *lit. O.* ob quem finem detractio introducta *lit. F.* quid & quantum detrahendum *d. lit. f.* quando detractio cesset *lit. C.* semper de voluntate legis positivæ quæstio est, quare consueta interpretandi principia hic adhibenda erunt, ac multum tribuendum interpretationi usuali in rebus dubiis, ex monito *l. 37. de legib. add. DECIS. SAXON. 43. ZOES. ad ff. b. n. fin.* Postquam autem lex positiva hæc ita constituit, tum hæredi jus concessum naturaliter, & salva etiam conscientia, exercere licet, nam si vel maxime testator plus in legatarium transferre voluit, morali tamen æstimatione, illa voluntas est nulla, cum subdici imperio civili subsint ac ultra ejus permissam, aliquid serio velle nequeant.

## OBSERV. CMXLIV.

*Nec in captionibus mortis causa*) Imo potius de his etiam, quicquid vulgo dissentiant, falcidiam detrahere licet, tam ob paritatem rationis, quam sanctionem generalem in *l. pen. C. b. t.* quæ ad certum casum exceptum, ceu *AUTOR* præcipit, restringi nequit. Non obstat *l. 1. §. 8. h. t.* nam in illo exemplo: *heres meus Sejo penum dato, si non dederit, decem dato*, ex hypothecibus Romanorum (bonis an malis, consentienti-

bus an ex parte dissentientibus, hætenus nihil refert) penus non erat in *obligatione*, sed saltem *præstatione* vid. *l. 1. de pen. leg.* quod si adeo daretur, tum cessabat falcidia, non quia mortis causa capiebatur, quæ verba vulgo captant, sed quia indebite à sciente solvebatur. Porro nobis non obest *l. 93. b. t.* (non *l. 39.* ut impressum est) nam non loquitur de *mortis causa capione*, sed *fideicommisso singulari*, negaturque detractio quartæ, non propter qualitatem *objecti* sed *subjecti*, quia scilicet in universum nemini, nisi hæredi directo, quartæ detrahendæ jus competit. Adjiciemus verba ipsa cum brevi paraphrasi, ut constet, quam oscitanter vulgo hunc textum inspexerint: *Acceptis à Mævio centum* (quæ adeo implendæ conditionis & simul mortis causa capit hæres) *hereditatem Mævio restituere* (velut fideicommissum universale) *pecuniamque* (à Mævio implendæ conditionis causa acceptam) *post mortem suam Titio dare* (velut fideicommissum singulare) *rogatus est* (hæres directus) *quanquam hæc centum* (quæ Mævius, ut fideicommissum universale consequeretur, solvit) *quartam bonorum efficiant* (adeoque detractioi ulteriori locus esse non videatur) *tamen propter fideicommissum sequens* (singulare, centum à Mævio acceptorum, & Titio post mortem præstandum) *quarta retentioni locus erit: tunc enim ex constitutione D. Hadriani, falcidia satisfacit ea quantitas* (quæ mortis causa capitur) *cum apud heredem remanet.* Sed falcidiam patietur solus, cui hereditas relicta est, (nempe Mævius) nam in centum qua mortis causa capiuntur (accepta sunt ab hærede, ab eoque, velut fideicommissum singulare, prout paulo ante diserte etiã vocatum est, Titio dari debent) *admitti falcidia non potest,*

potest, non, quod de mortis causa capionibus quarta detrahi nequeat, prout vulgo hoc acceperunt, sed quia hæres centum illa mortis causa capione, adeoque titulo singulari; consecutus est, tales vero, qui titulo singulari aliquid accipiunt, de eoque restituendo rogantur, quartam non detrahunt, cœu ipse *AUTOR lit. S.* docuit *add. DONELL. Comment. Jur. Civ. l. 8. c. 24.*

## OBSERV. CMLV.

*Legatum alimentorum, ususfructus &c. l. 68. ad L. falcid.)* Textum hunc mirabilem, in suo casu singularem & unicum esse & in omnibus actibus hominum habere locum, ex aliis censet *GOMEZIUS Resol. Tom. 3. c. 5. n. 38.* referente *Job. THOMÆ de noxia animal. c. 9. n. 8.* Liceat nobis, ob ejus famam, paululum in eo explicando, esse prolixioribus, tria vero spectari possunt (1.) *sensus* (2.) *habitus* & (3.) *usus computationis ibi propõsitæ.* Sensus commodissime exhiberi posse videtur, si verbis relatis addamus explicationem: *Computationi in alimentis faciendæ, hanc formam esse Ulpianus scribit, ut à prima ætate (velut termino à quo) usque ad annum vicesimum* (tanquam terminum ad quem, laudata computatio, adeoque omnibus annis intermediis, obtinere debeat) *quantitas alimentorum triginta annorum computetur ejusque quantitatis falcidia præstetur,* (eo scilicet modo, ut homo recens natus, 30. annos vivere præsumatur adeoque pro ratione ætatis, in qua homo reperitur, semper annus dematur, hinc homo unius anni, adhuc 29. duorum annorum, 28. annos, & ita porro, vivere censetur, atque ista computandi ratio usque ad annum vicesimum obtinet) *ab annis vero viginti usque ad annum vicesimum quintum* (i. e. per illos annos) *annorum viginti octo*

(quantitas computatur, sed juxta temperamentum modo datum, ut ab anno vigesimo, adhuc 28. vigesimo primo, 27. annos & ita porro, vivere & alimentis falcidia minuendis, indigere quis censeatur) *ab annis viginti quinque usque ad annos triginta* (i. e. per id tempus) *annorum viginti quinque* (spatium & quantitas alimentorum computetur observato tamen temperamento modo laudato) *ab annis triginta usque ad triginta quinque* (per illam ætatem) *annorum viginti duo* (spatium & quantitas supponatur, cum temperamento adducto) *ab annis triginta quinque usque ad annos quadraginta* (per id tempus) *annorum viginti* (vita supponitur) *ab annis quadraginta, usque ad annos quinquaginta* (per illos annos) tot annorum computatio fit, quot ætati ejus ad annum sexagesimum deerunt remisso uno anno (i. e. quo provecior quis est, eo magis terminus vitæ suppositus decrescit, hinc si quis sit quadraginta annorum, is adhuc 20. si quadraginta & unius, adhuc 19. annos, & ita porro, vivere præsumitur, & iste calculus usque ad annum 50. retinetur, de cætero illud monitum esse generale ac præcedentibus omnibus computationibus applicandum arbitramur, hinc eodem in singulis exemplis jam usi sumus) *ab anno vero quinquagesimo, usque ad annum quinquagesimum quintum, annorum novem: ab annis quinquaginta quinque, usque ad annum sexagesimum, annorum septem, ab annis sexaginta, cujuscunque ætatis sit, annorum quinque:* (hi casus ex præcedentibus explicantur, ut eandem rem toties repetere non sit opus) eoque nos jure uti, Ulpianus ait & circa computationem ususfructus faciendam. Solitum est tamen (quia prima illa computatio, nimis scrupulosa est) à prima ætate usque ad annum trigesimum, computationem annorum triginta fieri (ca

(ea scilicet ratione, ut ex his annis triginta, semper annus dematur, pro ratione ætatis præsuppositæ) *ab annis vero triginta, tot annorum computationem inire, quot ad annum sexagesimum deesse videntur*, (ergo etiam terminus triginta annorum supponitur, sed qui pro ratione annorum alimentarii, semper proportionatè sit minuendus) *nunquam ergo amplius, quam triginta annorum computatio initur* i. e. summus terminus sunt triginta anni, sed hi semper decrescunt, quo magis alimentarius vel primam ætatem, vel annum trigesimum supergreditur. Post annum vero sexagesimum, computatio Ulpiani, quæ in quavis ætate, quinque annos attendi præcipiebat, manere videtur. Ex his liquet, quod JOH. THOM. d. c. 9. n. 8. sententiam computationis Ulpianæ haut videatur esse assecutus, ait enim, secundum formulam Ulpiani, hominem victurum præsumi annos tot, quot ætati ejus ad annum sexagesimum desint, remisso uno anno, adeoque à prima ætate usque ad annos viginti, adhuc 30. ab annis viginti, usque ad viginti quinque, adhuc 28. & ita porro. Nam quæ de numerandis annis, quæ sexagesimo desint, dixit Ulpianus, illa particularia sunt, pertinentque ad casum ubi alimentarius est quadraginta annorum, male ergo calculus ille generaliter asseritur, hinc etiam explicatio sibi contradicit, nam si tot anni numerandi sunt, quot ætati ad annum sexagesimum desunt, in exemplis allatis, 30. & 28. anni haut sufficient, prout additio facile ostendit, quæ contradictio in cæteris exemplis ferè etiam recurrit.

2. Habitum computationis quod attinet, illa (1.) *in natura humana haut est fundata*, homo omni tempore potest mori, potest etià diu vivere, & nemo da-

bit rationem, cur v. gr. à prima ætate, quis triginta annos, aut à quadraginta annis, viginti annos victurus præsumi debeat, cæterorum eadem est ratio! an de cætero istum computandi modum ab aliquo Medicaastro Physiognomone, Chiroinanta, Aruspice vel similis farinæ præstigiatore acceperint Romani, mihi non liquet. Videtur etiam (2.) *absurda*. JOH. THOM. d. l. n. 9. dicit: *computatio ista valde laboriosa & quodammodo absurda est, cum terminum vitæ interdum præfigat remotiori, quem tamen attacturus non sit, qui propior jam est; e. gr. juvenis annorum 24, qui secundum istam computationem, per 28. annos, adhuc creditur esse victurus, perveniet ad ætatem 52. annorum, ubi alter, annorum 26. quoniam tantum per 25. annos creditur victurus esse, perventurus vix est ad annum 51. Effet sane vera absurditas, si eo modo, quo THOMÆ arbitratur, computatio fieret, nam juvenis 24. annorum, utique etiam transire debet annum vigesimum sextum, ergo illius respectu perveniet ad annos 52. hujus, tantum ad annos 51. quæ contradictoria simul stare nequeunt, atque illa absurditas fere in reliquis omnibus ætatis periodis quoque occurreret. Verum ab illa quidem absurditate, computatio memorata liberari potest, si terminum vitæ suppositum, semper proportionatè decrescere asseras, ceu in præcedentibus docuimus, hinc ab anno 20. usque ad annum 25. non indistincte adhuc quis 28. annos victurus censetur, sed numerus hic pertinet ad annum 20. à quo si ascendas, numerus 28. annorum, pro ratione ascensus, semper minuitur, adeoque juvenis 24. annorum tantum 24. annos adhuc vivere præsumitur. Interim alio respectu illa Ulpiani computatio omnino absurda videtur, nimirum otiosè tot periodi constituuntur; cum tamen nulla*

ex

ex iis ad finem decurrere debeat, v. gr. ab anno 20. præsumitur quis vivere adhuc annos 28. atque ita pervenire ad annum 48. sed quando ad annũ 25. per-  
ventum est, mutatur terminus vitæ, & præsumitur a-  
liquis vivere adhuc 25. annos, adeoque attingere an-  
num 51. sed neque hic terminus expectatur, quin po-  
tius ubi ad 30. annos perventum fuerit, terminus  
denuo mutatur, adeo ut quis per 22. annos vivere  
atque ita annum 52. superatur, præsumatur, sed quid  
opus est, tot terminos constituere, quando eorum  
decursus non expectatur? Dicis, Ulpiani hanc esse sen-  
tentiam; Diversas illas periodos non ad unum casum  
pertinere, adeo ut successive omnes observari debe-  
ant, sed potius unamquamque, casum peculiarem re-  
spicere hoc modo; si ponas homini alimenta legata,  
qui sit annorum 20. hunc constanti conjectura per-  
venturum præsumi ad annum 48. adeoque ab eo tem-  
pore, adhuc victurum annos 28. nec illum terminum  
hoc casu mutari, quando ad annum 25. ac 30. alimen-  
tarius pervenit. Sed si ponas alium casum, ubi quis  
tempore alimentorum constituendorum jam sit 25.  
annorum, tum alimentarium alia, sed æque constan-  
ti conjectura victurum præsumi 25. annos, cætero-  
rum eandem esse rationem! Verum posita illa sen-  
tentia, incidit in scyllam, qui vult vitare charybdim,  
nam qui est annorum 20. præsumitur perventurus  
ad annum 28. sed qui jam est annorum 25. ille asse-  
quetur annum 50. atqui prior etiam suo tempore ad  
annum 25. perveniet, cur non adeo, perinde ac poste-  
rior, etiam ad 50. annos perventurus præsumitur? an  
natura humana diversæ est efficacix, prout diversi-  
mode Jcti Romani calculum computationis suæ or-  
diuntur? hoc sane vel dicere vel credere absurdum

est. Mirum igitur non est, quod otiosæ istæ ineptaque periodi, jam foro Romano displicuerint, & Macer aliam computandi rationem substituerit, juxta quam terminus triginta annorum, bis statuitur, ut antea vidimus, illa absurditatem modo objectam utique evitat, in natura tamen humana fundamentum, perinde ut altera, non habet. Quod si post annum sexagesimum, quinque annos Ulpiani, in quavis ætate, admittit Macer, ceu probabile hoc esse antea diximus, & consentit THOMÆ d. c. 9. n. 9. conf. THOMAS. in not. ad Huber. posit. ad J. de Leg. fal. n. 13. tum antea objecta absurditas, quoad quinquennium illud, recurrit, nam vel termini suppositi decursus non expectatur, vel homines ejusdem ætatis, ad diversos annos victuri præsumuntur, prout scilicet computationem suam diversimode exorsi sunt Icti. Tollendæ igitur absurditati dicendum foret, post annum sexagesimū, aliquem adhuc quinque annos victurum præsumi, elapsis illis annis, aliud quinquennium esse assumendum, & ita porro. Denique neutra computatio (3.) in vita civili est necessaria, si enim de alimentis aut usufructu falcidia deducenda sit, non opus erit certum annorum numerum occupare, ac pro ejus ratione, deductionem moliri, quod fortassis etiam non satis expeditum fuerit, sed deductio vel in redditibus singulorum annorum, vel semel in ipsa substantia, ex qua alteri quid præstandum, poterit fieri. Fac defunctum reliquisse 12000. duobus legasse 6000. tertio 6000. in usufructum vel alimenta concessisse, quid expeditius erit quam si hæres duobus prioribus 1500 & usufructuario aut alimentario tantundem detrahat? Porro si quis alterum vulneraverit ac æstimationem operarum, deinceps cessaturarum, solvere de-



debeat (cujus casus intuitu *THOMÆ d. l. n. 10.* mentionem *d. l. 68.* fecit) non opus erit, inani præsumptione vitæ terminum conjicere, ac ejus intuitu æstimationem exigere, cum longe satius sit, si deficiente transactione, vulnerantem singulis annis æstimationem solvere ac certam sortem eo fine constituere jubeamus.

3. Ex quo de usu utriusque computationis facile judicari poterit: *Nostri judices utramque, tam Ulpiani, quam Æmilii Macri formulam ignorant, ait THOMÆ d. l. n. 10.* nec apparet etiam ratio, cur de illa valde solliciti esse debeant, in primis cum Ulpianea, absurditatis sit manifesta, hinc nostræ etiam observationis non alia est utilitas, quam ut rem inutilem inde agnoscere liceat, inutilia enim ostendisse, utile censeri debet.

## LIB. XXXVI. TIT. I.

## AD SCTUM TREBELLIANUM.

## OBSERV. CMLXVI.

**F**ideicommissum) Poterit accipi vel *pro re*, quæ datur, vel *pro actu*, quo aliquid relinquitur, quo sensu *AUTOR* id supponit, & est pars ultimæ voluntatis, quæ ex libertate naturali quidem dependet, jure tamen civili variè circumscribitur, hinc hæcenus fideicommissum magis est juris civilis quam naturalis.

## OBSERV. CMXLVII.

*Causa remota est*) Circa fideicommissa etiam universalialia duo summam occurrunt, (1.) *datio*, in qua *modus* ex legis civilis præscripto observandus, *persona legans*, lit. C. *à qua* & *cui relinquitur* lit. S. *materia* quæ datur

datur ac denique *modus arbitrarus*, quo vel pure vel cum aliqua adjectione fideicommissum relinquitur, spectari possunt (2.) *acceptatio*, vid. Obs. 912. 941.

## OBSERV. CMXLVIII.

*Universalis fideicommissarius*) Quando fideicommissum alicui offertur, tum, ut voluntas defuncti exitum habeat, debet illud à fideicommissario *acceptari*, juxta ea quæ Observ. 915. 916. diximus. Facta acceptatione & intercedente fiduciarii hæredis aditione, quæ regulariter intervenire solet, fideicommissarius jus habendi hæreditatem ex voluntate defuncti consequitur, fiduciarius vero jus detrahendi quartam ex jure civili accipit, de quo *lit. E. seqq.*

## OBSERV. CMXLIX.

*In eo quod deducta Trebellianæ*) Sed hæc differentia Trebellianicæ, & falcidicæ, videtur esse inanis, nam res eodem recidit, siue æs alienum prius deducas, quod fit circa legata & falcidiam, siue partem ejus alteri, cui quid præstandum, imponas, ceu circa fideicommissa & Trebellianicam accidit, nam in effectu, utroque casu, æris alieni incommodum legatarius & fideicommissarius sentit! Ego sane regulariter differentiam illam vulgo laudatam, inanem puto, quod si verò talem casum supponas, ubi præstito legato aut fideicommissio, salvaque falcidia aut Trebellianica, tantum adhuc supersit, quantum ad exsolutionem æris alieni requiritur, tum differentia vera se exserit, nam in casu legati, hæres unice onus ferre cogitur, sed si fideicommissum relictum, fideicommissarius ratam suam conferre debet, aliquando etiam hic solus onera fert, & fiduciarius est instar legatarii, §. 9. *J. b. t.*

## OBSERV. CML.

*Ne non adita hæreditate testamenta destituantur*) Hic finis ab initio utique introductæ quartæ Trebellianicæ fuit, cum enim ad valorem ultimæ voluntatis, olim præcise hæredis aditio requireretur, hinc repræsentato aliquo lucro, ad eam faciendam is alliciendus erat, ob quam causam adeo Trebellianica introducta est. Sed hodie aditio præcise non requiritur, *vid.* Observ. 870. hinc nec Trebellianica stricte est necessaria, quare etiam nonnunquam prohiberi solet.

## OBSERV. CMLI.

*Particulare est suprema contestatio*) Fideicommissa particularia cum legatis plane coincidunt, adeo ut ne quidem seorsim nominanda sint, nam quod ex diversitate formularum, diversa testatoris voluntas nonnunquam colligatur, id leve & accidentarium discrimen est, quo ipsa etiam legata quandoque discernuntur. Usus fideicommissorum quod attinet, de usu singularium dubitandum non videtur, circa universalia verò distinguendum, utrum *in diem aut conditionem*, an *pure* relinquantur, priora itidem adhuc occurrunt, nec enim infrequens est, ut quis hæreditatem accipiat ea lege, ut v. gr. post ejus mortem ad alios devolvatur, quoad posteriora verò seu pura, amplius distinguendum erit inter fideicommissum *consultum & inopinatum*. Prius vix hodie occurrer, nam si quis inter duos divisam velit hæreditatem, cur non malit ambos directe i. stituere? aut si in alterum omnem hæreditatem vult translatam, Trebellianica prohibitâ, cur ab altero operam non necessariam ab eoque ut plurimum recusandam inepte exigeret? sane ista agendi ratio, homini sanæ mentis pa-  
rum

rum convenit, & olim istis ambagibus opus erat quoad personas, quibus directo relinqui non poterat. Hoc tamen addendum, quod si forte testamentum confici nequeat, sed codicilli saltem condi possint, tum etiam fideicommissum consulto seu directo locus fieri queat, dum vel hæres testamentarius vel legitimus, codicillis alii hæreditatem restituere rogatur. Posterius, quod inopinatum diximus, frequentioris usus videtur, nam sæpe testamentum, præter votum testatoris, adjecta clausula codicillari in codicillum mutatur, atque ita fideicommissum emergit.

## TIT. II.

## QUANDO DIES LEGATORUM VEL FIDEICOMMISSORUM CEDAT.

## OBSERV. CMLII.

**C***Edere Diem*) Mortuo testatore, juxta naturalem voluntatis interpretationem, legata & fideicommissa sunt in eo statu, ut ab iis, quibus destinantur, acceptari, aut mortuis his, in hæredes transmitti queant, nam ex affectu testatoris, nisi fallor, illa recte colliguntur. Lex civilis transmissionem illam saltem admisit in legatis & fideicommissis puris, aut in diem certum relictis, sed quoad legata conditionalia, ante conditionis existentiam negavit, quod *b. t.* docetur, sed illa interpretatio & voluntati testatoris repugnare, & alias parum prudens esse videtur, cum enim quandoque inter ipsos *J*Ctos non satis expe-

peditum fuerit, an aliquod legatum in diem vel sub conditione relictum sit, ceu ex *l. 40. §. 2. de condit. & demonstr.* apparet, hinc ex illâ dubia non necessaria oriuntur, *conf. Observ. 915. 916.*

TIT. III.

UT LEGATORUM SIVE FIDEICOMMISSORUM SERVANDORUM CAUSA CAVEATUR.

OBSERV. CMLIII.

**H***ic caveant*) Ex communibus æquitatis & prudentiæ principiis fuit, ut legatarii & fideicommissarii, quibus res sibi destinatas statim exigere & obtinere non licet, mediante cautione securi reddantur, quod dictamen lex civilis amplius confirmat motumque cavendi præscribit. Præstita verò cautione, naturaliter fidem esse servandam liquet.

TIT. IV.

UT IN POSSESSIONE LEGATORUM VEL FIDEICOMMISSORUM SERVANDORUM CAUSA ESSE LICEAT,

OBSERV CMLIV.

**S***i per oneratum flet*) Quod si quis in præstanda cautione contumax sit, tum regulæ prudentiæ ulterius exigunt, ut debitis mediis ad implendam obligationem adigatur, quæ itidem lex civilis amplius definit *b. t.* quæque hodie supervacanea cum **AUTORE** forte non recte dixeris, nam plus urget missio in bona, quam nuda hypotheca.

LIB.

## LIB. XXXVII. TIT. I.

## DE BONORUM POSSESSIONE.

## OBSERV. CMLV.

**H***Æc bonorum possessio*) Consideratur nunc hæreditas, quatenus vel testamento, vel ab intestato defertur, intuitu Prætoris, hic enim olim apud Romanos, utroque respectu aliquando leges novas tulit, aliquando jam latas ad factum applicavit, quæ promiscue hic recensentur. Ex illo autem ad jus Prætorium respectu, hæreditas, inani quadam subtilitate, accepit nomen *Bonorum possessionis lit. S. D.* quamvis hoc nomine actualis bonorum detentio aliquando intelligatur.

## OBSERV. CMLVI.

*Causa remota æst Prætor*) Sensus doctrinæ est, Prætorem jure civili neglectis, tam ex testamento quam ab intestato, hæreditatem edictis suis promississe, nec non successionem testamentariam & legitimam, jure civili subnixam confirmasse, adeo ut hac in parte Prætor legislatorem & judicem diverso respectu egerit.

## OBSERV. CMLVII.

*Propinqua agnitio & petitio*) Non tantum hæc sed præcipue etiam *delatio*, nam hæreditatem vel testamento vel ab intestato, idq; vel unice juxta præscriptum juris prætorii, vel civilis & prætorii simul, delatam esse oportet, antequam à judice bonorum possessio, seu juris hæreditarii declaratio & confirmatio peti possit. Illa verò præsupposita, tum agnitio & petitio recte sequitur, cujus *modum, tempus, effectum & contraria* **AUTOR** tradit, circa quam doctrinam nonnul-

la, quæ supra de aditione dicta sunt, supponenda videntur. Uti autem ea, quæ de tempore petendæ bonorum possessionis dicuntur, accipienda forte sunt de eo casu, qui facultas succedendi, unicè ex jure Prætorio venit (nam si quis jure civili succedere queat, is fatalibus illis Prætoriiis frustra coercetur) ita hodie, cum omnis successio legibus & statutis satis sit definita, tota hæc res vel nullum vel rarissimum habet usum. Prostat tamen *dissertatio inauguralis SCHOEPPFERI De successione Prætoriam hodiernam necessaria sub Præsidio STRYKII habita Francof. 1683.*

## OBSERV. CMLIX.

*Est vel decretalis*) Communis quidem est hæc bonorum possessionis divisio, sed parum accurata, certe definitioni allatæ non subjicienda, nam in memorata definitione, bonorum possessio accipitur pro jure hæreditario, sed decretalis, actualem bonorum detentionem notat, quæ quidem ei, cui controversia movetur, ad tempus conceditur, adeoque cum jure hæreditario nihil commune habet. Videtur autem eò vulgò relata, vel quod nomen iis imposuerit, vel quia detentio illa interim ei conceditur, qui se heredem jactat, aut talem se futurum sperat. De cætero hodie etiam decretalis bonorum possessio usum habet, ast illa non est Romana, sed ex communibus potius æquitatis & prudentiæ regulis descendit.

## OBSERV. CMLIX.

*Edictalis*) Hæc propriè huc pertinet, nam Prætor tam ex causa testati, quam intestati jus succedendi edictis suis permisit vel confirmavit, petentesque deinde, hæredes suâ sententia declaravit, seu bonorum possessores effecit. Quod jus Prætorium hodie exi-

qui usus est, licet enim adhuc hodie hæredes à Magistratu juris sui declarationem & confirmationem petere queant, attamen hæc non Romanum sed juris gentium est, ac ex natura imperii civilis fluit.

## OBSERV. CMLX.

*Cui potiori ex jure, alius hæreditatem aufert*) Hæc descriptio non recte se habere videtur, cum potius bonorum possessio sine re, quam vocant, ei fuerit data qui habebat jus quidem, sed dubium, v. gr. querela inofficiosi experturus, bonorum possessionem antea petebat a Præatore *d. l. 2. C. de inoffic. testam.* aut misso impubere, ex edicto Carboniano in rerum detentionem, adversarius, ob spem hunc iterum expungendi, interim bonorum possessionem petere poterat. Dabatur ergo indoli juris præcedentis conformiter *d. l. 1. §. 4. und. lib.* Hodie de hoc parum laborandum.

## TIT. II. III. IV. V.

SI TABULÆ TESTAMENTI  
EXSTABUNT &c. &c. &c.

## OBSERV. CMLXI.

**Q***uidam putant, hoc edictum etiam quoad emancipatos mutatum sit. 5.)* Quæ sententia communis, & vel ideo admitenda est, quod per eam tricæ juris antiqui, eo largius tollantur. Juxta eam igitur emancipati liberi, vel cum expressione causæ habiles sunt exclusi, vel non, illo casu movent querelam inofficiosi, hoc vero testamentum, quoad institutionem est nullum, ac adeo nullitatis querela evertitur, hinc bonorum possessio contra tabulas, amplius haut necessaria *vid.* Observ. 854. 863.

TIT.



## TIT. VI. VII.

## DE COLLATIONE : DE DOTIS COLLATIONE.

## OBSERV. CMLXII.

**C**ollatio hic est) Plenius forte sic describetur: est Cactus, quo ob voluntatem parentum, ex aequali affectu, presumptam, liberi res, quas animo non donandi, à vivis parentibus, quibus succedunt, acceperunt, & adhuc possident, vel dolo & culpa amiserunt, communi hereditati, ad conservandam aequalitatem, inferre tenentur. Ex qua definitione jam liquet, collationem non esse juris Romani sed naturalis, quamvis subinde lex positiva voluntatem Parentum certius determinet, ac contumaces ad faciendam collationem adigat. Romani olim simplicitatem naturalem tricis suis valde turbaverunt, dum eam involutæ successioni suæ attemperarunt, legibus verò recentioribus illa fere restituta est, ut reprehensionem omnino mereantur, qui collationem sub angustiis juris antiqui repræsentare, quam æquitatem solutius sectari malunt, quo præjudicio etiam laborat STRARCH. dissert. II. §. 40. seqq. quem vanæ juris antiqui subtilitates valde delectare solent.

## OBSERV. CMLXIII.

*Realis*) Divisio collationis in *realem* & *cautionalem* parum accurata est; Rectius dicitur, collationem vel *revera fieri*, dum vel bona revera inferuntur, vel eorum quantitas detrahitur, vel, ubi res ab initio dubia est, de ea *facienda caveri*.

## OBSERV. CMLXIV.

*Hodie ea tantum qua acceperunt lit. O.)* Quoad res  
 Ss 2 con-

conferendas generalis definitio est, quod liberi ea, quæ à Parentibus, quibus succedunt, animo non donandi acceperunt, ac adhuc habent, vel habere possent conferre teneantur, hinc triplicis generis bona occurrunt, quæ collationi non subjacent, (1.) aliunde obtenta (2.) à Parentibus donata & (3.) sine culpa amissa. De cætero circa voluntatem Parentum sæpe ambigua est quæstio. Sic bona adventitia quidem non conferuntur, quod si tamen filius in potestate patris existens, fructus ex bonis illis, Patre simpliciter permittente, percipiat, tum eos conferre debet, veniunt enim à Patre sine animo donandi (quod hic supponitur) sed filius emancipatus fructus ex bonis v. gr. maternis perceptos non confert, nam post emancipationem, quam Pater liberè facit, tam ex lege quam voluntate Patris filius res suas adventitias seorsim ac pleno jure habet, hinc fructus ex iis provenientes merito lucratur, nec obstat, iniquum esse, quod filius in potestate retentus conferre debeat, emancipatus verò à collatione sit immunis, nam quoad hunc alia Patris est voluntas, qui inæqualitatem inter liberos facere potest, *add. DECIS. SAXON. 50.*

## TIT. VIII.

DE CONJUGENDIS CUM  
EMANCIPATO LIBERIS  
EJUS.

## OBSERV. CMLXV.

**Q**uoad modum succedendi) Differentia tamen illa ex *Nov. 118.* non probatur, & cum *JUSTINIANUS*, neglectis tricis juris antiqui, successionem liberorum simplicitati naturali attemperare studuerit, cur non

ex ejus affectu, liberos suos & emancipatos, non tantum quoad *jus*, sed & *modum succedendi* exæquatos dicamus, maxime cum juris antiqui subtilitates, quæ circa aditionem & transmissionem occurrunt, & voluntati morientium & æquitati repugnent *vid. Observ. 96.* adeoque vel ex monito *l. 168. de R. J.* rapienda sit occasio, quæ benignius præbeat responsum, ac tricas sublatas dicat?

TIT. IX. X.

DE VENTRE IN POSSESSIONEM  
MITT. ET DE CURAT.

EJUS. &c.

OBSERV. CMLXVI.

**H***Æc missio*). Si quis ad hæreditatem probabiliter  
hjus habeat, existat tamen contradictor, cum communia æquitatis dictamina Magistratui injungunt, quo eam ineat rationem, ut utrique prospectum sit, ex hoc apud Romanos remedia illa, quo ventri, vel filio impuberi, interim detentio bonorum concedebatur, fluxerunt, quæ hodie etiam usum habent in his & similibus casibus, sed non sunt hæc, Romana, verum juris Gentium.

OBSERV. CMLXVII.

*Vel hodie exhæredatus est. 9.*) Sive enim posthumo exhæredato querelam inofficiosi tribuas, quod, dubio procul, *AUTOR* ex sua hypothesis vult, eo casu, quo exhæredatio nominatim facta, sive in genere, juxta sententiam communem, tale testamentum ipso jure nullum dicas, utroque tamen casu successio nato est certa, hinc merito interim venter in possessionem mittitur, & in genere crediderim, angustias juris antiqui de quibus in *l. 1. §. 2. b. 1.* hodie non attendi, sed

in decernenda missione æquitatem largius esse observandam.

TIT. XI. XII. XIII.

DE BONORUM POSSESSIONE  
SECUNDUM TABULAS &c. &c.

OBSERV. CMLXVIII.

**J**uris civilis adjuvandi gratia tit. II.) Hodie bonorum possessionem secundum tabulas nullo casu necessariam putem, nam ex nimia miseraque subtilitate illa olim est exorta, quam, successione simplicitati naturali magis attemperata, hodie retentam esse, nulla probabili ratione asseri posse videtur. *add. Observ. 862.*

TIT. XIV. XV.

DE JURE PATRONATUS &c.

OBSERV. CMLXIX.

**D**e jure Patronatus) Jus Patronatus Romanorum partim ex jure naturali, partim civili dependebat, hodie tamen in genere cessat, quia instituta Romana apud nos hac in parte exulant. Obsequium autem Parentibus præstandum esse juris naturalis, ipse *AUTOR* fatetur, poena vero immorigeris liberis imponendæ nostratibus legibus definiuntur, ut hæcenus Romanis nihil debeamus.

LIB. XXXVIII. TIT. I. II. III. IV. V.

DE OPERIS LIBERTORUM &c. &c. &c.

OBSERV. CMLXX.

**H***ic titulus saepe extenditur*) Jura Patronorum & libertorum apud nos non occurrere, res ipsa satis loquitur nec admoneri debet. Extensio autem, quam interpretes moliuntur, ad præjudicia ex jure Romano hausta pertinet, nam alias si libera mente jus naturale, pacta, consuetudines ac statuta Germaniæ intueamur, non tantum non indigemus jure Romano, sed & applicatio erit facilior, *confer. BERGER in resolut. b.*

TIT. VI. VII. VIII.

SI TABULÆ TESTAMENTI NULLÆ EXSTABUNT, UNDE LIBERI &c. &c.

OBSERV. CMLXXI.

**N***on exstans de testamento*) Provisio Prætoria, quæ quoad liberos agnatos & cognatos occurrit, hodie non tantum non est necessaria, sed & ex parte etiam fallit, cum agnati cognatis non amplius præferantur, sed, insuper habito agnationis & cognationis discrimine, ex gradus paritate vel proximitate unice successio æstimetur.

TIT. IX.

DE SUCCESSORIO EDICTO.

OBSERV. CMLXXII.

**H***oc successorium edictum*) Duo egit Prætor (1.) ut deficiente proximo, alius sive ejusdem sive di-

ordinis admitteretur excluso fisco (2.) ut is, qui ob-  
 præscriptionem vel repudiationem v. gr. inter libe-  
 ros admitti non potuit, inter agnatos vel cognatos  
 admitteretur *l. 1. §. 11. de success. edict.* nec obstat. *l. 7. unde lib.* agnatus enim ibi stricte accipitur *vid. l. 12. de suis & legit. l. 10. §. 3. de grad.* Porro haut obest *l. 3. C. de jur. & fact. ign.* cum de tempore liberis dato com-  
 modè possit intelligi. Pertinet autem ista successio  
 tantum ad hæredas ab intestato, qui enim ex testa-  
 mento succedunt, unica saltem sub ratione, hære-  
 dum scilicet institutorum admitti possunt. Porro  
 illa non poterit extendi ad præscriptionem civilem,  
 hinc filius 30. annis exclusus, intra alios 30. annos, ut  
 agnatus admitti nequit, licet vulgo aliter sentiant,  
 dum liberos, 90. annorum præscriptione, demum  
 penitus excludi existimant, *vid. SCHOEPFFER dispus. de success.* Prætor hodiern. necessar. *c. 2. n. 65. seqq. BERGER in resolut. b. add. Observ. 194.* Ego in genere  
 existimarem, successorium edictum cum ipsa succe-  
 sione Prætoria hodie expirasse ac hæredes eo ordine  
 succedere quem jus civile introduxit.

## OBSERV. CMLXXIII.

*Neque hoc novo jure correctum*) Dissentit etiam *Dn. STRYK in not. b.* sed quæstionibus rite distinctis vel  
 observato verborum rigore, quem *AUTOR* hic se-  
 clatur, conciliatio non erit difficilis. Nimirum inter  
 suos hæredes vivos non potest habere locum succes-  
 sio, quia omnes ejusdem sunt conditionis & gradus,  
 interim à suis hæredibus ad alios liberos vel cognat-  
 os succedendi jus devolvi potest, quemadmodum  
 etiam certum est, quod hodie sui, emancipatos e-  
 jusdem gradus, non excludant.

TIT. X. XI.

DE GRADIBUS ET AFFINIBUS  
ET NOMINIBUS EO-  
RUM &c.

OBSERV. CMLXXIV.

**H***Æc bonorum possessio, etiam hodie adhuc necessaria*  
*est*) Sed forte in seculo vix exister casus, ut illa  
locum inveniat, cum raro sine omnibus cognatis &  
testamento, ac relicto conjugē, quis moriatur, ut  
ad hanc omnis successio devolvenda sit.

TIT. XV.

QUIS ORDO IN POSSESSIO-  
NE SERVETUR.

OBSERV. CMLXXV.

**S***uccessio ab intestato*) Quando quis sine expressa va-  
lidaque voluntatis declaratione moritur, bona  
sua nequiquam pro derelictis haberi vult, eo scilicet  
effectu, ut à quovis illa occupari queant, sed potius  
eadem certis personis tacitâ voluntate concedit, ubi  
quidem duplex occurrit quæstio (1.) *an quis ad res*  
*certis personis relinquendas antecedenter obligetur?* natu-  
raliter ad alimenta liberis ac Parentibus necessaria,  
præstanda quis obstringitur, quam obligationem lex  
positiva nonnunquam auget (2.) *quibus defunctus bo-*  
*na sua reliquisse censendus sit?* quæ voluntatis conjectu-  
ra quoad liberos, ex communi mortalium affectu,  
fatis quidem certa, est quoad alias personas, imo et-  
iam in genere, quoad succedentium requisita & or-  
dinem, valde lubrica est, cum in utrumque partem  
probabiles rationes non sint defuturæ. *Lex positiva*

igitur huic dubio medetur, & voluntatem defuncti authentice præsumit, certumque adeo modum, juxta quem, ad præsumtam defuncti voluntatem, successio fieri debeat, statuit, unde recte dicitur, quod successio ab intestato ex *præsumta voluntate*, & *lege* sit. Maximopere tamen leges humanæ, in determinanda successione, variare solent, quod non tantum exemplo legum Romanarum sed & Germanicarum intelligitur. Aliquando etiam ultra modum scrupulosæ sunt, aut lubrica rerum discrimina sectari solent quod ad vitia referendum, cum exinde non possit non incertitudo, iniquitas aut legum elusio sequi. Quid legibus civilibus recentioribus cautum sit, *ALLTOR* strictim exponit, circa quæ Autores proprii, imprimis *STRYKLIUS* conferendi. De cætero valent illa Romana in subsidium, deficientibus legibus germanicis, *add. DECIS. SAXON. 54.*

## OBSERV. CMLXXVI.

*Nepotes jure civili repudiata Patris, non possunt adire filii (avi) hereditatem* Refertur igitur hic casus ad eos, in quibus bonorum possessio adhuc hodie censetur esse necessaria, *vid. SCHOEPFFER. disput. de success. Prætor. hodiern. necessar. c. 6. n. 12. seqq.* ubi in specie testatur, quod *d. l. fin. C. und. libr.* Bartolus in toto Codice *difficillimam*, Castrensis, Jason & Bolognetus *horribilem* dicant, ipse etiam de ejus sensu ulterius latagit. Ego saltem adjicio, usum successionis Prætoriz, frustra hodie in hoc casu inculcari, nam si ve ponas filium suum (qui liberos iterum habens, rarissime hodie occurrit) si ve emancipatum, Patris hereditatem nondum agnoscentem, vel ei se inficientem aut eam adeuntem, omni casu, mortuo, nepos, repudia-



pudiata patris, ad hæreditatem avi, mediante inventario vel jurata specificatione, adspirare posse videtur, his enim mediis confusio (qua unice dissentientes nituntur) vel evitatur, vel facta iterum tollitur.

OBSERV. CMLXXVII.

*Ab omni ascendentiũ successionẽ remouentur*) Quoad matrem à recentioribus nonnullis successionem quoad liberos injustos asseri diximus Observ. 793. 856. quam sententiam si admittas, tum etiam quoad fratres injustos aliosque cognatos, per matrem conjunctos, eadem asserenda erit.

OBSERV. CMLXXVIII.

*Legitimatis autem per rescriptum Principis succedit tamen, Pater, non etiam reliqui ascendentes*) Pro tamen, legendum videtur tantum. In editione novissimæ de anno 1698. legitur: non tantum ac loco non, deinde scribitur, sed, ex qua lectione sensus plane contrarius emergit. Cui correctioni omnino favere videtur Nov. 89. c. 9. §. I. verbis: *nihil à legitimis filiis differentes* (hæc enim intelligi debet non Nov. 98. c. 5. prout in nonnullis editionibus impressum est) præterea legitimatio, quæ ad effectum successionis à Principe fit, æquipollere omnino videtur adoptioni, hinc quoad legitimatos ejusmodi, active & passivè successio obtinebit, seu illi alijs Patris cognatis, & hi vice versa illis succedent, & nulla ita aliis infertur injuria, cum testamento cognatum legitimatione acceptum excludere liceat.

OBSERV. CMLXXIX.

*Collateralibus, naturalibus & legitimis, etiam per subsequens matrimonium*) Et per rescriptum Principis hoc additur in edit. novissimæ de anno 1698. quæ asser-

assertio vera est, si ad effectum successionis, legitimatio facta, id quod ex tempore & modo legitimationis præcipue æstimandum, *vid. THOMAS in not. ad Huber. posit. ad J. l. 3. tit. 1. n. 32.*

## OBSERV. CMLXXX.

*Et quidem succedunt in infinitum*) De eo verò quæritur, an hæredes ab intestato adire debeant, & annon potius ipso jure hæredes fiant, aut saltem jus adeundi semper in hæredes transmittant? Ultimum æquū videtur, per ea quæ dixi. *Observ. 896. vid. HUBER in posit. ad J. l. 3. tit. 1. n. 46.* Usus autem hujus rei se exserit in casibus illis, ubi jus repræsentationis locum non habet, v. gr. mortuus reliquit tres fratres, quorum primus decessit, antequam hæreditatem sibi delatam sciret, aut saltem eam acceptaret, quæritur, an ipsius hæredes, aut in specie, liberi, jure saxonico, ubi repræsentatio cessat, cum thiis suis admittendi sint? id quod affirmandum, si defuncto fratri ipso jure acquisitam hæreditatem dicas.

2. Quod si nunc illa omnia, quæ Romani de hæreditatis *delatione expressa* aut *tacita*, nec non de *eius acceptione* dixerunt, simul intueamur, constat sane, illa maximam partem maximè esse intricata, involuta ac incerta, nec satis observatum esse, quod vel communes prudentiæ regulæ, vel ipse Justinianus *Nov. 107. c. 1.* requirunt, *nihil scilicet tam proprium esse legum sicut claritas, maxime super defunctorum dispositionibus.* Quantis enim tricis scateat hæreditatis aditio, vel juris adeundi transmissio, supra apparuit. Porro successio ab intestato jure antiquo satis obscura est, dum LL. XII. Tab. Senatus consulta & jus Prætorium inter se committuntur, ambigueque succedendi modum

dum subinde determinant, hac tamen in parte Justinianum aliquid præstitisse, & juris antiqui incertitudines maximam partem sustulisse, negari nequit, ut putem jus Romanum recentius, multas leges germanicas, lubrica rerum discrimina sectantes, æquitate & claritate heic vincere Circa delationem autem hæreditatis expressam, maxime intricatum est jus Romanum, diverso enim modo & effectu hæreditates deferri vult, qua occasione quoad detractionem quartæ, variæ controversiæ existunt; Amplius in exigentis solennitatibus vel externis vel internis, quas vocant nimium est, earumque deficientium effectum varie determinat, dum aliquando testamentum penitus, aliquando certo saltem respectu nullum, aliquando rescindendum est, hinc modo querela nullitatis, modo inofficiosi moveri debet, quæ duratione, transmissione aliisque partibus variè differunt. Hæc igitur omnia ansam, voluntates defunctorum subvertendi, variasque & sæpe inextricabiles lites excitandi, præbere possunt, id quod nemo probandum duxerit, nisi qui ex litibus vivit. Satius igitur fortassis esset, si libertas testandi in præjudicium hæredum ab intestato, aut plane tolleretur, quod olim apud Germanos observatum fuisse, contra *TABOREM*, nisi fallor, aliquando asseruit *CONRINGIUS*, aut penitus illibata relinqueretur, adeo ut omne valeat, quicquid legibus divinis non repugnet, consuetis actuum humanorum requisitis consistet, & ordinaria probatione ostendi possit.

*Sed de hoc alii amplius dis-  
ciant.*

DE NOVI OPERIS NUNCIA-  
TIONE.

## OBSERV. CMLXXXI.

**N***Ovi operis nunciatio*) Damnum, quod nobis imminet, averti posse, ex communi ratione patet, ex quo liquet, quod nunciatio novi operis ex naturalibus principiis dependeat, pertinet enim ad damnum imminens avertendum. Interim ejus peragendæ modum & effectum amplius determinat & munit lex civilis.

## OBSERV. CMLXXXII.

*Ultimur verbali contra novantem in suo, reali & publica, in nostro vel alieno*) Hoc non præcepti sed consilii est, ceu patet ex *l. 5. §. 10. b. t.* quando enim quis in suo quid facit, modestius admonendus videtur, quo desistat, at si in nostro quid moliatur, tum magis audacter & cum operis turbatione repelli potest. Quod si quis priori casu, nunciationem jactu lapilli, posteriori vero, verbis peregerit, utraque nihilominus rectè facta censeri debet modo, quid actum sit, legitime probetur. In genere notandum, quod posterior nunciandi ratio, quæ turbatione operis fit, sit incivilior, vel saltem paululum violenta, quæque rixis & turbis ansam facilè prebere queat, hinc à privatis rectius plane omittitur, nam quod nunciatione verbali adversarium, possessorem constituamus, ceu in *d. l. 5. §. 10. b.* dicitur, ea nimis longe petita interpretatio est, quæ etiam nullum effectum habere, adeoque nullius usus esse videtur *add. EKHOLT ad. ff. b. t. §. 11. 12.*

OB-

## OBSERV. CMLXXXIV.

*Qui habet servitutem in eo fundo*) Ut quis novum opus nunciare queat, in eo utique constans aliquod jus requiritur, cum aliàs ille per novum opus non lædatur, adeoque ejus nihil interfit, id omitti. Iis vero recte accensentur, qui servitutem habent, nam ne hæc per novum opus deterior reddatur, omnino cavere possunt, hinc facultas nunciandi iis merito asseritur, & hoc quidem tam contra extraneum, quam ipsum etiam dominum, modo hic revera in præjudicium ejus, qui servitute gaudet, aliquid faciat. Nec obest *l. 14. b. t.* vel enim pertinet ad casum, ubi alter novo opere non læditur, vel redolet otiosas fori Romanicas, dum non res ipsa, sed peculiaris ejus modus ac nomen negatur, nimirum usufructuarius v. gr. non potest, ut dominus, novum opus nunciare, potest tamen servitutem vindicare, i. e. servitutem nunciando defendere. Interim *WISSENBACHII* ex nimia, fortassis illustrium horum mysteriorum admiratione, de conciliatione desperat, adeoque ad consuetas conciliandi rationes, illud Economix Plautinæ: *optima nulla eligi potest, alia alià peior est*, applicandum censet, *vid. EKHOLT ad ff. b. t. §. 7.*

## OBSERV. CMLXXXIV.

*Si contra hanc nunciationem nunciatus pergat adificare*) Si nunciatus nunciationi pareat ac ab opere desistat, tum imminens damnum est depulsum, & nunciatio, ex voto nunciantis, scopum suum est assecuta, quod si autem in opere pergat *injuste*, tum naturaliter ad ejus destructionem propriis sumptibus faciendâ, vel aliam satisfactionem, volenti læso præstandam, tam nunciatus quàm ejus hæres tenentur. Si vero

*juste*

*juste* perrexerit, naturaliter nuncianti ad nihil tenetur quamvis ob neglectam Magistratus auctoritatem aliqua poena affici queat. Sed jure Romano etiam hoc casu opus suis sumptibus destruere nunciatus, haeres vero, ut destruat, pati saltem debet (nam ad hunc casum restringendum puto, quod de herede *AUTOR* generaliter ex *l. 22. b. t.* asserit) sed uti illa poena, opere in primis longius progressa, & dura & publico decori molesta est, ita eam hodie observari, haut crediderim, cum spretam Magistratus prohibitionem alia poena, facto attemperata, vindicare liceat,

## OBSERV. CMLXXXV.

*Morte nunciantis re adhuc integra*) Sensus est, si post nunciationem decedat nuncians (idem est si rem alienet quod mox asseritur) ac post ejus mortem pergat nunciatus, effectus nunciationis, sive necessitas destruendi, non sequitur, quia nunciatio, personalis actus censetur; Ast si post nunciationem nunciatus pergat, deinde nunciantis mors, vel alienatio sequatur, tum jus exigendi destructionem, ad successores transmittitur *l. 20. §. 6. b. t.* Hodie ista res exiguum habet usum, nam si quis inguste pergat, tum etiam primo casu lésionis illate emendatio, quae non aliter, invito lésio, quam per operis destructionem fieri potest, exigua successore potest, hinc licet nunciatio exspirasse censeatur, ex ipsa tamen lésione, destruendi necessitas resultat. Si autem nunciatus *juste* pergat, tum poena destructionis ne quidem posteriore casu locum habet, quia eam in genere cessare existimavimus *Observ. prec.* adeo ut illa ne ab ipso quidem nunciante exigí possit,

## OBSERV. CMLXXXVI.

*Non etiam nunciati*) Sed nunciationis effectus adhuc durat, tam contra hæredem quam alium successorem, hinc si in opere pergant (hodie injuste) opus propriis sumtibus demoliri coguntur *l. 8. §. fin. b. t.* si vero ipse nunciatus jam perrexerit, ac postea mortuus sit vel rem alienaverit, tum successor saltem opus destrui patitur *l. 20. §. 8. l. 22. 23. b. t.* sed hodie opere juste exstructo, destruendi necessitas cessat, si autem sine jure factum, tum hæredem destructionis impensas etiam præstare debere æquum est, & juri civili quoque convenire videtur, ceu *Observ. 985.* dixi.

## TIT. II.

DE DAMNO INFECTO ET DE  
SUGGRUNDIS ET PROTE-  
CTIONIBUS.

## OBSERV. CMLXXXVII.

**H***ic dantur remedia ad damnum avertendum*) Hæc-  
nus dicta pertinent ad casum damni, ex opere  
novo, proximè imminentis. Fieri etiam potest, ut à  
rebus vicini jam factis, sed ruinosis, damnum nobis,  
non quidem actu immineat, sed tamen futurum proba-  
biliter metuatur, adeoque hæcenus *infectum* sit  
*lit. D. D.* Hoc casu dominus obligatur naturaliter ad  
damnum, rei emendatione avertendum, &, ea ma-  
nente, ad alterum probabili medio securum red-  
dendum, ac denique, damno præter votum secuto,  
ad illud resarciendum.

## OBSERV. CMLXXXVIII.

*Prætor hic concedit cautionem*) Ex his principiis flu-  
xit apud Romanos *cautio in damno infecto lit. D.*

Tt

quam

quam adeo Prætor non introduxit sed ex naturali æquitate saltem elicit, circa eam tamen nonnulla occurrunt, quæ tricas fori Romani redolent, nec hodie magni usus sunt, videbimus striclim, Quæritur (1.) *quando cautio præstanda sit?* ex sententia Romanorum, si nullus alius contractus jam præcessisset, hinc cautio dicitur *subsidiaria lit. N.* in qua doctrina hoc præjudicium latet, quasi omnes actiones conventionem præsupponant, præterea conventio prævia, excludendæ cautioni non semper sufficere videtur, cū in hac plus securitatis, quam in illa esse queat (2.) *quis eam injungat?* Magistratus competens, quod ex naturali imperii resultat, ac ex statu cujusvis Reipublicæ specialius judicari debet. *Romana lit. C.* hodie nullum habent usum. (3.) *quo medio petatur?* extraordinaria persecutione, *lit. C.* id quod ad otiosas tricas pertinet, cum hodie actionem & persecutionem extraordinariam distinguere, nil attineat (4.) *quis, cui & de quare cautionem præsteat?* de quo *lit. S. P. O.* quæ naturalia sunt (5.) *quo modo cavendum?* nuda re promissione & satisfactione *lit. fr.* Cæterum satius erat, semper fidejussores aut pignora exigere, cum in nuda promissione nulla sit utilitas, nam, damno secuto, alter ad ejus emendationem obligatur, licet nulla cautio intervenerit, hinc ad solum actionis nomen, omne cautionis emolumentum spectare videtur, quod satis inacilentum est (6.) *quis cautionis tenor?* hoc ex scopo judicantur *lit. fr.* & naturale est (7.) *quæ ejus duratio?* hanc conventio vel lex positiva definit *lit. A.* an autem memoratæ determinationis Romana sit magnus usus, dubito (8.) *quis effectus?* ut fides servetur *lit. E.* quod naturale est.



## OBSERV. CMLXXXIX.

*Missiōem*) Si quis rem vitiosam emendare aut eo nomine alterum securum reddere nolit, tum contumax per Magistratum mediis habilibus merito compellitur, quod non Romanum, sed omnibus civitatibus commune est. Cum porro alter ex re damnum metuat, non rectius ei prospici posse videtur, quam si res ei custodienda tradatur, ac tandem, continuata contumacia, ei plane addicatur, hinc missio Romanorum, communi ratione evidenter suffulta, etiam juris Gentium censi potest.

## OBSERV. CMXC.

*Et tandem actionem in factum*) Agnoverunt ergo Romani tandem, quod etiam sine cautionis præstatione, ad damni, præter votum secuti, emendationem, quis naturaliter sit obstrictus, eamque obligationem merito confirmarunt. Quod autem hanc, ex absoluta obligatione naturali oriundam actionem in factum, cum actione publiciana & interdicto unde vi, *elective* concurrere dicat *lit. SS.* id vel falso, vel ambigue dicitur, nam actiones *elective* concurrentes tendunt ad eundem finem, sed actiones memoratas diversum plane habere scopum, ex comparatione liquet. Concurrunt igitur potius *alternative* (quod forte etiam *AUTOR* voluit) & sensus *d. l. 18. §. 15. h. f.* est: si missus iterum dejectus, vel non admissus sit, tum posse eum pro consequenda re, interdicto unde vi vel publiciana experiri, quod si interim res nocuerit, illis actionibus omis, actione in factum damni restitutionem exigere.

singularem *lit. P.* præceptum enim naturale de damno avertendo omnes obligat, etiamsi nullum factum exercuerint, & hinc est, quod vulgò hæc actio dicatur *in rem scripta*, alia ratio est obligationum hypotheticarum, quæ ex facto oriuntur & certam saltem personam obstringunt.

## OBSERV. CMXCIV.

*Non etiam si postea alienavit*) Facta alienatione, successor in tantum tenetur, ut autor noxii operis, post alienationem, quoad vicinum liber sit, ille enim opus noxium possidet, adeoque, ut id destruat vel destrui patiatur, conveniri potest, cum è contrario ejus autor destructionem jam præstare nequeat. Quod autem adhuc conveniri posse dicatur, si animo judicii mutandi, rem alienaverit, aut lis jam fuerit contestata, id ad præstationem ejus quod interest, referendum videtur, cum re alienata, ut diximus, opus destruere nequeat. Licet verò obligatio illa secundaria, ex delicto vel pacto oriatur, adeoque naturalis sit, hodie tamen ejus non magna ratio videtur habenda, cum satius sit, novum successorem ad operis nocituri destructionem adigere.

## OBSERV. CMXCV.

*Ad operis illius destructionem*) Ita visum est Romanis, ut actio aquæ pluviae arcendæ, unicè tenderet ad rei destructionem adeoque ad damnum avertendum *lit. O.* Ubi quidem id quoque naturale est, quod extruens propriis sumptibus destruere, successor singularis destructionem saltem pati teneatur, nam obligatio ad opus tollendum, absoluta est, & omnes afficit, sed obligatio ad sumptus suppeditandos, ex facto oritur, adeoque eum saltem afficit qui factum suscepit.

pit. Quodsi opus noxium, damnum jam dederit, id regulariter alia actione apud Romanos vindicabatur *in fin. b.* quod ad nimiam miseramq; diligentiam referendum est, nam cum & operis destructio & damni quod jam datum est, emendatio, sine dubio simul peti queat, an tantum una eademque actione, an duabus actionibus, eodem libello cumulatis id fieri putet, quid interest?

## TIT. IV.

## DE PUBLICANIS ET VECTIGALIBUS ET COMMISSIS.

## OBSERV. CMXCVI.

**P**ublicani) Constituuntur locatione & conductione, quare de eorundem jure & officio juxta legem naturalem, ex iis, quæ titulo: *locati* dicta sunt, erit judicandum. Quodsi in officio delinquant sine dubio puniri possunt, sed poena Romana, quæ hic recensetur, nullius hodie est usus.

## OBSERV. CMXCVII.

*Vectigal*) In quavis Republica sumtꝝ publici requiruntur, qui uti variè comparari solent, ita ad eo etiam pertinet Vectigal, cujus imponendi jus est penes Imperantem *lit. C.* de quo, si ad hypothesin descendamus, ex forma cujusvis Reipublicæ judicandum, id quod, juxta Germaniam, in Jure publico Germanico exponitur. Imponitur vectigal lege positiva cujusvis Reipublicæ, quæ definit, quis & quid solvere debeat, tum quæ poena transgressores maneat. Quæ ex jure Romano hic recensentur *lit. P. O. D. E. C.* illa non ubique usum habent, in primis Status imperii Germa.

Germanici illis non subsunt, hinc frustra quis, ad obtinendam immunitatem, leges Romanas invictis opponeret, quod si verò aliud cautum non est, ad illas provocare licet.

## OBSERV. CMXCVIII.

*Sive non impetraverint*) Solutio vectigalis cum necessitate refarciendi damnum illatum, nihil habet commune, illud enim solvitur ob causam præteritam, usum scilicet, viarum, fluminum & pontium, non ob futuram, seu securitatem, frustra igitur *ALLTOR* illà ex soluto vectigali repetit. Quare damnum est refarciendum vel ob *promissum* vel ob *culpam*, si hæc probari queat, quæ duæ causæ locum habent, licet quis vectigal non solverit. Interim cogitandum est, quod memorata obligatio afficiat Imperantem, qui si potens sit ac ultro eam implere velit, læsus de damno restituto non valde gaudebit,

## TIT. V.

## DE DONATIONIBUS.

## OBSERV. CMXCIX.

**D***onatio*) Hæc cum suis speciebus, omnibus hominibus nota est. Circa donationem inter vivos spectari potest (I.) *Donationis actus*, quo spectant tradita lit. D. D. C. S. P. O. quæ omnia sunt juris Gentium, his exceptis, quæ Romanis debentur (I.) *quod donatio modo sit contractus, modo pactum legitimum lit. D. imp etiam* modus acquirendi, prout elegans *Institutionum ordo præcipit*. Hodie illa otiosa sunt, cum pactum & contractus coincidunt, hinc etiam in Jurisprudentiâ, à præjudiciis & tricis Romanis liberata

ratà, inter reliquos contractus, donatio inter vivos, suum locum fortiretur (2.) *quod donatio certo casu a-ctis sit insinuanda lit. C. a. circa quam varix quæstiones voluntatis occurrunt add. DECIS. SAXON. 26. (3.) quod quadam persona, licet usum rationis & ius transferendum habent, donare non possint, aut certis personis donari nequeat, vel sa'tem donatio, ex legis positiva interpretatione, valida non censeatur lit. S. P. add. DECIS. SAXON. 22. 23.*

## OBSERV. M.

*Omnia bona etiam futura lit. O.)* Hæc sententia facile quidem defendi potest contra vulgarem rationem, qua illa improbari solet, quod scilicet donatio universalis auferat facultatem testandi, nam ut quis hac præcise gaudere debeat, id nullibi est constitutum. Interim tamen hoc dubium urget, quod talis donatio revera sit pactum de viventis hæreditate, imprimis si donator, quod plerumque fiet, usumfructum sibi reservet, adeo ut post ejus mortem demum traditio sequatur! Quid enim quæso nunc interest: hæredipetæ de futura successione cum alio pacisci non licet, aut per donationem ille valide alterum sibi obstringit de bonis post mortem tradendis? an ambigua donationis natura quam juxta jus civile habet, heic imposuit? aut num recurrit rabularia subtilitas, quam notavimus Observ. 774. vel valebitne universalis donatio tantum casu rarissimo, ubi traditio eam statim sequitur? Ego aliis hoc exputandum relinquo. Quod si pacta de viventis hæreditate, valida supponas, tum res, quoad donationem omnium bonorum, expedita est.

## OBSERV. MI.

*Legis assistentia producit actionem lit. E.)* Circa donationem (II.) spectatur *donantis officium*, ob fidem datam rem ex præscripto juris naturalis tradere tenetur. Romani olim illā obligationem neglexerunt sed postea probarunt, hinc ex *legis assistentia* donatio valere dicitur, quæ ambages hodie otiosæ, cum valeat donatio simpliciter ob serium consensum, usuras vero & fructus a donatore exigere velle, nimis inhumanum & incivile fuerit, nisi rem semel traditam, denuo forte receperit, tum enim, mora commissa, fructus præstandierunt *d. l. 41. §. 1. de re judic.*

## OBSERV. MII.

*Donatio regulariter revocari nequit.* Facta donatione, ob consensum semel datum, excluditur poenitentia, siue traditio accesserit, siue non. Aliquando tamen revocatio obtinet, idque vel ob *defectum potestatis* v. gr. quoad legitimam *vid. VINN. select. qu. l. 2. c. 33.* vel *voluntatis*, si donatarius ingratus sit, vel donator liberi nascantur *lit. C. E.* Quæ omnia adeò naturalia censerī possunt, interim lex positiva voluntatem donantis nonnunquam certius determinat, quemadmodum etiam in quæstionibus dubiis interpretationis usualis magna est autoritas juxta *l. 37. de LL.*

## TIT. VI.

## DE MORTIS CAUSA DONATIONIBUS ET CAPTIONIBUS.

## OBSERV. MIII.

**M***ortis causa donatio*) Licere etiam hominibus in eventum & sub conditione mortis suæ donare.

& hoc cum muni ratione intelligi, facile liquet, hinc *donatio mortis causa*, quæ *lit. D. C. Q. S. P. O.* explicatur, juris Gentium cenferi debet, nonnullis tamen exceptis, quæ Romanis debentur. Eo referas (1) *modum declarandi lit. Q.* In Saxonia Electorali *donatio mortis causa* judicialiter debet fieri *vid. CARPZ. p. 3. C. 1. D. 23.* (2.) *quod certa persona, usum rationis licet, ac ius transferendum habentes, donare, nequeant lit. S.*

## OBSERV. MIV.

*Qui habet testamenti facillionem lit. C.)* Positivè seu affirmative hoc procedit, qui enim facultatem testandi habet, illi facultas donandi negari nequit, nam non debet, cui plus licet, quod minus est, non licere *L. 21. de R. 7.* hinc etiam minoribus & mulieribus merito illa asseritur, nec hoc casu requirendum erit, ut quis liberam rerum suarum administrationem, quoad actus inter vivos, habeat. Negative autem non procedit, nam licet quis facultatem testandi non habeat, attamen donare potest mortis causa, modo liberà rerum administratione gaudeat, ceu exemplo filiam. patet: Breviter, quia *donatio mortis causa*, duplicem habet naturam, ultimæ voluntatis & actus inter vivos, hinc alterum sufficit, vel facultas testandi, vel liberà rerum administratio, ubi autem utrumque deficit, ut in pupillis, ibi *donatio illa* fieri nequit.

## OBSERV. MV.

*Perfecta hac m. c. donatione lit. E.)* Ut donatarius, facta donatione, tantum juris consequatur, quantum in illum transferre voluit donator, id dubio procul naturale est, inprimis etiam mero jure naturali ius reale per solum consensum transfertur, quod ita  
et.

etiam reliquit jus Romanum, ut perperam interpretes hoc respectu, m. c. donationem putent esse modum acquirendi civilem.

## OBSERV. MVI.

*Dissolvitur perfecta quoad ordinationem lit. C.)* Si perpendas, quod donatio mortis causa, sit species ultimæ voluntatis, exinde utique sequitur, quod donantis poenitentia possit everti naturaliter, istam tamen interpretationem magis firmat lex civilis. In Saxonia Electorali ex intentione *CONSTIT. l. p. 3.* hæc donatio videtur esse irrevocabilis, quamvis interpretes Saxonici in aliam abeant sententiam. Amplius si is, cujus intuitu donatio facta, præmoriatur, aut eventus, ob quem illa unice suscepta, deficiat, tum naturaliter quoque donatio evanescit, sed nisi accederet interpretatio legis civilis, res non tam evidens foret.

## LIBRI XL. HODIE NULLUS EST USUS.

## OBSERV. MVII.

Quod effectum merito generaliter admittitur, nam quæ de propriis, similisque conditionis parum lauta, hominibus dici possunt ea vel mero jure naturali, vel speliabus statutis, pactis aut consuetudinibus nituntur, ut a servis Romanis longius petita argumenta haut sint necessaria, sed eorum usus doctrinam præjudiciis Romanis corruptam arguat.



## LIB. XL. TIT. I.

DE ACQUIRENDO RERUM  
DOMINIO.

## OBSERV. MLVIII.

**D***ominium hic proprie est, jus in re, quo res alicujus est propria). Dominii essentia non ex eo æstimanda, quod illud ad nos pertineat, nam hoc omnibus juri-  
bus seu rebus moralibus, quæ nobis imputantur, commune est, sed ex effectu, quem erga objectum suum habet. Jam si dominium ad aliud jus v. gr. servitutem aut pignus, tanquam ejus objectum, referas, tam nullus apparet effectus, nihil enim aliud habes, quam simplicem servitutem aut pignus, perinde ac si nude his nominibus, mentione dominii omis-  
sa, uteris, ex quo manifestum est, quod dominium jris, ex accurata rerum moralium cognitione, asse-  
ri nequeat, sed potius nihil aliud sit, quam falsus conceptus ac inane nomen. Quod si verò dominium ad res corporales referatur, tum effectus, aliquis conspicitur, hinc ad has solas idem pertinere existiman-  
dum est. Consistit autem dominii effectus non in eo tantum, quod res *propria* sit, ceu definitio *AUTORIS* præcipit, nam hoc alia etiam jura realia suo modo præstant, sed potissimum in eo, quod ad *plenissimum utendi effectum propria* sit, hinc accurata dominii defi-  
nitio est: quod sit *jus reale; ob quod ad plenissimum uten-  
di effectum, res corporalis nostra est*. Nec obstat, quod pupilli rebus suis plene uti nequeant, & tamen do-  
mini sint, nam utique plene iis uti possunt, verum non suo sed prudentiorum judicio.*

## OBSERV. MIX.

*Acquiritur modis naturalibus*) Per modum intelligitur factum illud, mediante quo dominium consequimur, sæpe tamen in jure Romano strictius accipitur, tituloque opponitur. De cætero vel ex lege naturali vel civili efficaciam sortiuntur modi acquirendi, hinc in *naturales* & *Civiles* vulgò distinguuntur, quæ divisio uti in se satis certa est, ita in ejus applicatione sæpissime falluntur Romani, sed cum, vel ipsis fatentibus hæc philosophia sit omnibus hominibus communis, ideo liberam sententiam heic admittere tenentur.

## OBSERV. MX.

*Hæc dicitur occupatio*) Res nullius, accuratè loquendo, sunt, quæ hominibus destinatæ quidem à Deo & natura, sed ab illis nondum assertæ, aut iterum dimissæ sunt. Quoad has igitur ratio humana satis ostendit, quod illi acquiri debeant, qui animum illas habendi primus declaravit, cum verò regulariter de hoc animo aliis non constet, nisi res occupata fuerit, hinc occupatio hætenus tanquam *medium nostram voluntatem aliis indicandi*, ad acquisitionem originariam requiritur. Ex quo sequitur, quod, si animus alio medio aliis in notescat, etiam sine occupatione res acquiri queat, unde plura alia consuetaria fluunt, in quibus determinandis sæpius falluntur scriptores, dum occupationem ad acquisitionem originariam absolute necessariam esse, falsò existimant. Inprimis inde sequitur, quod hodie dominium ferarum, etiam ante occupationem, Reipublicæ ac Imperanti rectè tribuatur, quod credere non possunt, quos vel falsa occupationis imago decipit, vel etiam

juris Romani præjudicia vexant *add.* Specimen meum Jur. public. Romano germ. l. 3. c. 3. §. 22. 23. Illud etiam observandum, quod regula naturalis: *nullius cedit occupanti* semper vera sit, at conditio rerum non semper est eadem, hinc regula illa perpetuò applicari nequit. Nonnunquam etiam Romani quasdam, nullius putarunt, quæ veriori æstimatione alicujus sunt, hinc subsumtio Romana, de rebus illis occupanti concedendis, in Germania sæpe exultat, de quo dixi in Spec. Jur. publ. d. l. 3. c. 3.

## OBSERV. MXI.

*Visus non sufficit*) Si duo circa rem acquirendam concurrant, neque visus, neque occupatio naturaliter rem uni asserere potest, sed illa utrique potius est communis, nam uterque jus acquirendi habet, uterque etiam voluntatem acquirendi declarat, ab hac verò acquisitio dependet. Quod vulgo dissentiant ac primum occupantem præferant, id ex eo est, quod occupationis habitum & necessitatem non satis intelligant.

## OBSERV. MXII.

*De hodierna venatione*) In specie Romani in eo errant, quod feras bestias in Republica, *nullius* dixerint, cum tamen constitutis civitatibus, dominium originarium illarum, his tribuendum esse, natura Rerum publicarum evidenter evincat. Hæc sententia constanter observata est in Germania, hinc nemini feras bestias occupare licet, nisi cui civitas & Imperans id concessit, à qua concessione amplius occupationis modus & effectus derivari debet. Hinc juris Romani usus hac in parte non tantum nullus, sed & noxius est, quia jurium contrariorum comixtio do-

ctrinam parum coherentem & solidam gignere so-  
let, de quo amplius dixi in Specim. jur. public. dl. 3. c. 3.  
ut & in dissertat. de jur. metallor. hab. Lips. 1655. ex qui-  
bus etiam cætera occupationis objecta dijudicari  
possunt.

## OBSERV. MXIII.

*Hodie tamen quoad hos contrarium observatur*) Am-  
bigua est hæc doctrina, quia non satis constat, quam  
sententiam jure civili quoad Vasallum, emphyteu-  
tam & superficiarium, circa acquisitionem thesauri,  
obtinere putet *AUTOR*. Interim probabile videtur,  
quod illos emtori ac usufructuario comparet, eos-  
que jure domini thesaurum non acquirere arbitra-  
tur, tum enim sequitur: *quoad hos tamen hodie contra-*  
*rium observatur*, hoc enim docent Auctores citati. Cæ-  
terum hæc sententia non tantum hodie, sed etiam  
ex rationibus juris civilis obtinet, quicquid *AUTOR*  
aliique dissentiant, nam dominium utile, directo  
præstat, cum hoc de dominio, nil fere nisi nomen  
participet.

## OBSERV. MXIV.

*Quæ dicitur traditio*) Dominium legitime acqui-  
situm, naturaliter in alios non transit, nisi interveni-  
ente consensu mutuo, & hic solus etiam sufficit, hinc  
traditio ultro quidem adhiberi, attamen ad transfe-  
rendum dominium, præcisè non debet contrarium  
nunquam aliquis probaverit. Est ergo traditionis  
necessitas ex lege civili, quæ bonis rationibus, ad ex-  
cludendam cavillationem & tergiversationem pa-  
cipientium, eam introduxit, quanquam loco ejus ali-  
quando similes actus admittit, quandoque etiam iudi-  
cialem requirit, *vid. DECIS. SAXON. 61.* Exinde ena-  
tum

tum est discrimen *Tituli & Modi*, accedere etiam fitiones, quibus cæteri actus, qui loco traditionis admittuntur, traditio esse finguntur, qui totus fictionum apparatus, ut alibi, ita hic etiam est ineptus.

## OBSERV. MXV.

*Licet erroneo lit. C.*) Naturaliter titulus erroneus dominio transferendo non sufficit, nec etiam jure civili indistincte id obtinet. Nam *d. §. 40. f. de R. D.* non est captandus, traditio transfert dominium, sed cæteris paribus, præsupposito consensu habili, qualis non est erroneus. *d. l. 36. b. t. & l. 18. de R. C.* agunt de casu, ubi circa Titulos solum erat erratum, in domini tamen translationem consensum, de quo pluribus egi *Observ. 306.* Interim vulgò eo deveniunt, ut ejus, quod per errorem solutum est, dominium transferri statuant de quo actum *Observ. 367.*

## OBSERV. MXVI.

*Ficte res incorporales lit. O.*) Res incorporales neque vere neque ficte traduntur, sed omnis traditio pertinet ad res corporales. Si tibi sit promissa servitus, habes jus personale, utaris jure concesso, & alter usum admittat, tum traditur non *servitus*, sed *res serviens*, & hac tradita illa exoritur, perinde sicut se res habet circa dominium. Vulgaris sententia ex eo habet originem, quod res corporales & incorporales eadem classe censeant, ac illarum prædicata, ad has etiam transferant. Cæterum hæc observatio ad veram rei cognitionem saltem pertinet, in foro nullum usum habet.

## OBSERV. MXVII.

*Accessio*) Sub accessione continetur acquisitio *partim originaria*, quæ res, quæ vel nullus unquam fuerunt,

runt, vel alicujus esse desierunt, acquiruntur, quo pertinet accessio naturalis, nempe foetura animalium, alluvio, coalitio terræ adjectæ, nativitas insulæ & alvei destitutio, quæ accessio etiam pro modo acquirendi naturali recte habetur, sed saltem ex certa hypothese, hæc autem non perpetuo obtinet, nec ea, quam Romani heic supposuerunt, indoli rerum-publicarum, ubique convenit, hinc mirum videri non debet, quare laudata acquisitio in Germania quandoque cesset; partim *derivativa*, qua dominium de persona in personam transfertur.

## OBSERV. MXVIII.

*Artificialis est*) Accessio artificialis seu industrialis, quam vocant, modum acquirendi derivativum exhibet, de cætero non incommode posset dici, *acquisitio fortuita*, quæ præter intentionem dominorum accadat, vel *occafio*, ex qua *translatio domini*, vel *voluntate partium*, vel *autoritate legis positiva*, sequatur; Nam ita est, in omnibus hujus accessionis speciebus, posita solâ rerum conjunctione, naturaliter nulla est translatio & acquisitio domini, quia dominorum consensus deficit, sed potius rerum conjunctarum communio occurrit, quod contra Romanos recte docuit GROTIIUS de J. B. P. l. 2. c. 8. modo notes, retundendis nonnullorum, qui contradicere ausi sunt, argutiis, per communionem hic non intelligi *propriam*, quæ omnes particulas reddat communes, sed *impropriam*, quæ ob cohærentiam, totum corpus ad plures pertinet, licet unusquisque suæ rei maneat dominus. Afferta igitur contra Romanos communione, eorum tradita ita accipienda sunt, non quod exhibeant acquisitionem naturalem, sed quod instruant judicem,

ratâ, inter reliquos contractus, donatio inter vivos, suum locum fortiretur (2.) *quod donatio certo casu a-ctis sit insinuanda lit. C. 4. circa quam varix quæstiones voluntatis occurrunt add. DECIS. SAXON. 26. (3.) quod quadam persona, licet usum rationis & ius transferendum habent, donare non possint, aut certis personis donari nequeat, vel scilicet donatio, ex legis positiva interpretatione, valida non censeatur lit. S. P. add. DECIS. SAXON. 22. 23.*

## OBSERV. M.

*Omnia bona etiam futura lit. O.)* Hæc sententia facile quidem defendi potest contra vulgarem rationem, qua illa improbari solet, quod scilicet donatio universalis auferat facultatem testandi, nam ut quis hac præcise gaudere debeat, id nullibi est constitutum. Interim tamen hoc dubium urget, quod talis donatio revera sit pactum de viventis hæreditate, imprimis si donator, quod plerumque fiet, usufructum sibi reserve, adeo ut post ejus mortem demum traditio sequatur! Quid enim quæso nunc interest: hæredipetæ de futura successione cum alio pacisci non licet, aut per donationem ille valide alterum sibi obstringit de bonis post mortem tradendis? an ambigua donationis natura quam juxta jus civile habet, heic imposuit? aut num recurrit rabularia subtilitas, quam notavimus Observ. 774. vel valebitne universalis donatio tantum casu rarissimo, ubi traditio eam statim sequitur? Ego aliis hoc exputandum relinquo. Quod si pacta de viventis hæreditate, valida supponas, tum res, quoad donationem omnium bonorum, expedita est.

## OBSERV. MI.

*Legis assistentia producit actionem lit. E.)* Circa donationem (II.) spectatur *donantis officium*, ob fidem datam rem ex præscripto juris naturalis tradere tenetur. Romani olim illâ obligationem neglexerunt sed postea probarunt, hinc ex *legis assistentia* donatio valere dicitur, quæ ambages hodie otiosæ, cum valeat donatio simpliciter ob serium consensum, usuras vero & fructus à donatore exigere velle, nimis inhumanum & incivile fuerit, nisi rem semel traditam, denuo forte receperit, tum enim, mora commissa, fructus præstandierunt *d. l. 41. §. 1. de re judic.*

## OBSERV. MII.

*Donatio regulariter revocari nequit.* Facta donatione, ob consensum semel datum, excluditur poenitentia, siue traditio accesserit, siue non. Aliquando tamen revocatio obtinet, idque vel ob *defectum potestatis* v. gr. quoad legitimam *vid. VINN. select. qu. l. 2. c. 33.* vel *voluntatis*, si donatarius ingratus sit, vel donator liberi nascantur *lit. C. E.* Quæ omnia ad eò naturalia censerì possunt, interim lex positiva voluntatem donantis nonnunquam certius determinat, quemadmodum etiam in quæstionibus dubiis interpretationis usualis magna est autoritas juxta *l. 37. de LL.*

## TIT. VI.

## DE MORTIS CAUSA DONATIONIBUS ET CAPTIONIBUS.

## OBSERV. MIII.

**M***ortis causa donatio*) Licere etiam hominibus in eventum & sub conditione mortis suæ donare.



& hoc cum uni ratione intelligi, facile liquet, hinc *donatio mortis causa*, quæ *lit. D. C. 2. S. P. O.* explicatur, juris Gentium censi debet, nonnullis tamen exceptis, quæ Romanis debentur. Eo referas (1) *modum declarandi lit. 2.* In Saxonia Electorali donatio mortis causa judicialiter debet fieri *vid. CARPZ. p. 3. C. 1. D. 23. (2.) quod certa persona, usum rationis licet, ac ius transferendum habentes, donare, nequeant lit. S.*

## OBSERV. MIV.

*Qui habet testamenti facillionem lit. C.)* Positivè seu affirmative hoc procedit, qui enim facultatem testandi habet, illi facultas donandi negari nequit, nam non debet, cui plus licet, quod minus est, non licere *l. 21. de R. 7.* hinc etiam minoribus & mulieribus merito illa asseritur, nec hoc casu requirendum erit, ut quis liberam rerum suarum administrationem, quoad actus inter vivos, habeat. Negative autem non procedit, nam licet quis facultatem testandi non habeat, attamen donare potest mortis causa, modo liberà rerum administratione gaudeat, ceu exemplo filiam. patet: Breviter, quia donatio mortis causa, duplicem habet naturam, ultimæ voluntatis & actus inter vivos, hinc alterum sufficit, vel facultas testandi, vel liberà rerum administratio, ubi autem utrumque deficit, ut in pupillis, ibi donatio illa fieri nequit.

## OBSERV. MV.

*Perfecta hac m. c. donatione lit. E.)* Ut donatarius, facta donatione, tantum juris consequatur, quantum in illum transferre voluit donator, id dubio procul naturale est, inprimis etiam mero jure naturali jus reale per solum consensum transfertur, quod ita  
et.

etiam reliquit jus Romanum, ut perperam interpretes hoc respectu, m. c. donationem putent esse modum acquirendi civilem.

## OBSERV. MVI.

*Dissolvitur perfecta quoad ordinationem lit. C.)* Si perpendas, quod donatio mortis causa, sit species ultimæ voluntatis, exinde utique sequitur, quod donantis poenitentia possit everti naturaliter, istam tamen interpretationem magis firmat lex civilis. In Saxonia Electorali ex intentione *CONSTIT. 1. p. 3.* hæc donatio videtur esse irrevocabilis, quamvis interpretes Saxonicæ in aliam abeant sententiam. Amplius si is, cujus intuitu donatio facta, præmoriatur, aut eventus, ob quem illa unice suscepta, deficiat, tum naturaliter quoque donatio evanescit, sed nisi accederet interpretatio legis civilis, res non tam evidens foret.

## LIBRI XL, HODIE NULLUS EST USUS.

## OBSERV. MVII.

Quod effatum merito generaliter admittitur, nam quæ de propriis, similisque conditionis parum lauta, hominibus dici possunt ea vel mero jure naturali, vel speliabus statutis, pactis aut consuetudinibus nituntur, ut a servis Romanis longius petita argumenta haut sint necessaria, sed eorum usus doctrinam præjudiciis Romanis corruptam arguat.

## LIB. XL. TIT. I.

DE ACQUIRENDO RERUM  
DOMINIO.

## OBSERV. MLVIII.

**D**ominium hic proprie est, *jus in re, quod res alicujus est propria*. Dominii essentia non ex eo æstimanda, quod illud ad nos pertineat, nam hoc omnibus juri-  
bus seu rebus moralibus, quæ nobis imputantur, commune est, sed ex effectu, quem erga objectum suum habet. Jam si dominium ad aliud jus v. gr. ser-  
vitutem aut pignus, tanquam ejus objectum, refe-  
ras, tam nullus apparet effectus, nihil enim aliud ha-  
bes, quam simplicem servitutem aut pignus, perin-  
de ac si nude his nominibus, mentione dominii omis-  
sa, utereris, ex quo manifestum est, quod dominium  
jūris, ex accurata rerum moralium cognitione, asse-  
ri nequeat, sed potius nihil aliud sit, quam falsus con-  
ceptus ac inane nomen. Quod si verò dominium ad  
res corporales referatur, tum effectus, aliquis con-  
spicitur, hinc ad has solas idem pertinere existiman-  
dum est. Consistit autem dominii effectus non in eo  
tantum, quod res *propria* sit, ceu definitio *AUTORIS*  
præcipit, nam hoc alia etiam jura realia suo modo  
præstant, sed potissimum in eo, quod ad *plenissimum*  
*utendi effectum propria* sit, hinc accurata dominii defi-  
nitio est: quod sit *jus reale*, ob quod ad *plenissimum uten-*  
*di effectum, res corporalis nostra est*. Nec obstat, quod  
pupilli rebus suis plene uti nequeant, & tamen do-  
mini sint, nam utique plene iis uti possunt, verum  
non suo sed prudentiorum judicio.

## OBSERV. MIX.

*Acquiritur modis naturalibus*) Per modum intelligitur factum illud, mediante quo dominium consequimur, sæpe tamen in jure Romano strictius accipitur, tituloque opponitur. De cætero vel ex lege naturali vel civili efficaciam sortiuntur modi acquirendi, hinc in *naturales* & *Civiles* vulgò distinguuntur, quæ divisio uti in se satis certa est, ita in ejus applicatione sæpiissime falluntur Romani, sed cum, vel ipsis fatentibus hæc philosophia sit omnibus hominibus communis, ideo liberam sententiam heic admittere tenentur.

## OBSERV. MX.

*Hac dicitur occupatio*) Res nullius, accuratè loquendo, sunt, quæ hominibus destinata quidem à Deo & natura, sed ab illis nondum assertæ, aut iterum dimissæ sunt. Quoad has igitur ratio humana satis ostendit, quod illi acquiri debeant, qui animum illas habendi primus declaravit, cum verò regulariter de hoc animo aliis non constet, nisi res occupata fuerit, hinc occupatio hætenus tanquam *medium nostram voluntatem aliis indicandi*, ad acquisitionem originariam requiritur. Ex quo sequitur, quod, si animus alio medio aliis in notescat, etiam sine occupatione res acquiri queat, unde plura alia consecutaria fluunt, in quibus determinandis sæpius falluntur scriptores, dum occupationem ad acquisitionem originariam absolute necessariam esse, falsò existimant. Inprimis inde sequitur, quod hodie dominium ferarum, etiam ante occupationem, Reipublicæ ac Imperanti recte tribuatur, quod credere non possunt, quos vel falsa occupationis imago decipit, vel etiam

juris Romani præjudicia vexant *add.* Specimen meum Jur. public. Romano germ. l. 3. c. 3. §. 22, 23. Illud etiam observandum, quod regula naturalis: *nullius cedit occupanti* semper vera sit, at conditio rerum non semper est eadem, hinc regula illa perpetuò applicari nequit. Nonnunquam etiam Romani res quasdam, nullius putarunt, quæ veriori æstimatione alicujus sunt, hinc subsumtio Romana, de rebus illis occupanti concedendis, in Germania sæpe exultat, de quo dixi in Spec. Jur. publ. d. l. 3. c. 3.

## OBSERV. MXI.

*Visus non sufficit*) Si duo circa rem acquirendam concurrant, neque visus, neque occupatio naturaliter rem uni asserere potest, sed illa utrique potius est communis, nam uterque jus acquirendi habet, uterque etiam voluntatem acquirendi declarat, ab hac verò acquisitio dependet. Quod vulgo dissentiant ac primum occupantem præferant, id ex eo est, quod occupationis habitum & necessitatem non satis intelligant.

## OBSERV. MXII.

*De hodierna venatione*) In specie Romani in eo errant, quod feras bestias in Republica, *nullius* dixerint, cum tamen constitutis civitatibus, dominium originarium illarum, his tribuendum esse, natura Rerum publicarum evidenter evincat. Hæc sententia constanter observata est in Germania, hinc nemini feras bestias occupare licet, nisi cui civitas & Imperans id concessit, à qua concessione amplius occupationis modus & effectus derivari debet. Hinc juris Romani usus hac in parte non tantum nullus, sed & noxius est, quia jurium contrariorum cōmixtio do-

Ari-

ctrinam parum coherentem & solidam gignere solet, de quo amplius dixi in Specim. jur. public. d.l. 3. c. 3. ut & in dissertat. de jur. metallor. bab. Lips. 1655. ex quibus etiam cætera occupationis objecta dijudicari possunt.

## OBSERV. MXIII.

*Hodie tamen quoad hos contrarium observatur*) Ambigua est hæc doctrina, quia non satis constat, quam sententiam jure civili quoad Vasallum, emphyteutam & superficiarium, circa acquisitionem thesauri, obtinere putet *AUTOR*. Interim probabile videtur, quod illos emtoriæ usufructuario comparet, eosque jure domini thesaurum non acquirere arbitretur, tum enim sequitur: *quoad hos tamen hodie contrarium observatur*, hoc enim docent *Autores citati*. Cæterum hæc sententia non tantum hodie, sed etiam ex rationibus juris civilis obtinet, quicquid *AUTOR* aliique dissentiant, nam dominium utile, directo præstat, cum hoc de dominio, nil fere nisi nomen participet.

## OBSERV. MXIV.

*Quæ dicitur traditio*) Dominium legitime acquisitum, naturaliter in alios non transit, nisi interveniente consensu mutuo, & hic solus etiam sufficit, hinc traditio ultro quidem adhiberi, attamen ad transferendum dominium, præcise non debet contrarium nunquam aliquis probaverit. Est ergo traditionis necessitas ex lege civili, quæ bonis rationibus, ad excludendam cavillationem & tergiversationem paciscentium, eam introduxit, quanquam loco ejus aliquando similes actus admittit, quandoque etiam judicialem requirit, *vid. DECIS. SAXON. &c.* Exinde enactum

tum est discrimen *Tituli & Modi*, accedere etiam fisiones, quibus cæteri actus, qui loco traditionis admittuntur, traditio esse finguntur, qui totus fictionum apparatus, ut alibi, ita hic etiam est ineptus.

## OBSERV. MXV.

*Licet erroneo lit. C.)* Naturaliter titulus erroneus dominio transferendo non sufficit, nec etiam jure civili indistincte id obtinet. Nam *d. §. 40. f. de R. D.* non est captandus, traditio transfert dominium, sed cæteris paribus, præsupposito consensu habili, qualis non est erroneus. *d. l. 36. h. t. & l. 18. de R. C.* agunt de casu, ubi circa Titulos solum erat erratum, in domini tamen translationem consensum, de quo pluribus egi *Observ. 306.* Interim vulgò eo deveniunt, ut ejus, quod per errorem solutum est, dominium transferri statuant de quo actum *Observ. 367.*

## OBSERV. MXVI.

*Ficte res incorporales lit. O)* Res incorporales neque vere neque ficte traduntur, sed omnis traditio pertinet ad res corporales. Si tibi sit promissa servitus, habes jus personale, utaris jure concesso, & alter usum admittat, tum traditur non *servitus*, sed *res serviens*, & hac tradita illa exoritur, perinde sicut se res habet circa dominium. Vulgaris sententia ex eo habet originem, quod res corporales & incorporales eadem classe censeant, ac illarum prædicata, ad has etiam transferant. Cæterum hæc observatio ad veram rei cognitionem saltem pertinet, in foro nullum usum habet.

## OBSERV. MXVII.

*Accessio)* Sub accessione continetur acquisitio partim *originaria*, quæ res, quæ vel nullius unquam fuerunt

runt, vel alicujus esse desierunt, acquiruntur, quo pertinet accessio naturalis, nempe foetura animalium, alluvio, coalitio terræ adjectæ, nativitas insulæ & alvei destitutio, quæ accessio etiam pro modo acquirendi naturali recte habetur, sed saltem ex certa hypothese, hæc autem non perpetuo obtinet, nec ea, quam Romani heic supposuerunt, indoli rerum-publicarum, ubique convenit, hinc mirum videri non debet, quare laudata acquisitio in Germania quandoque cesset; partim *derivativa*, qua dominium de persona in personam transfertur.

## OBSERV. MXVIII.

*Artificialis est*) Accessio artificialis seu industrialis, quam vocant, modum acquirendi derivativum exhibet, de cætero non incommode posset dici, *acquisitio fortuita*, quæ præter intentionem dominorum accadat, vel *occafio*, ex qua *translatio domini*, vel *voluntate partium*, vel *autoritate legis positiva*, sequatur; Nam ita est, in omnibus hujus accessionis speciebus, positâ solâ rerum conjunctione, naturaliter nulla est translatio & acquisitio domini, quia dominorum consensus deficit, sed potius rerum conjunctarum communio occurrit, quod contra Romanos recte docuit GROTIUS de J. B. P., l. 2. c. 8. modo notes, retundendis nonnullorum, qui contradicere ausi sunt, argutiis, per communionem hic non intelligi *propriam*, quæ omnes particulas reddat communes, sed *impropriam*, qua ob cohærentiam, totum corpus ad plures pertinet, licet unusquisque suæ rei maneat dominus. Asserta igitur contra Romanos communione, eorum tradita ita accipienda sunt, non quod exhibeant acquisitionem naturalem, sed quod instruant judicem,



quomodo communionem solvere, ac uni rem, alteri vero, pro ratione circumstantiarum, interesse adjudicare debeat, quo sensu alicujus usus esse possunt, quamvis negandum non sit, sententias illas sæpè tricis scatere, incertas ac iniquas esse, ut facili9 juxta æquitatem, quam normam illam Romanam, communio in plerisque casibus solvi queat. Quæ in genere admonuisse sufficiat, nam per singulas ire species, nimis longum ac ab instituto alienum forte.

## OBSERV. MXIX.

*Nec sunt domino materia contra novum dominum actiones, nisi diruto edificio* --- *sunt tamen contra edificantem*) Hæc sententia ab æquitate evidenter abhorret, cum enim dominus soli alterius materiam teneat eaque utatur, quo jure æstimationis præstationem detrectabit; animus enim donandi in ædificante, asseri non potest, minimum ille semper non adest? Deinde si doming materiæ habet actionem contra ædificantem, quid huic amplius, facta solutione, erit faciendum? an habebit regressum contra dominum soli? sic ergo in effectu hic ad æstimationem tenetur, & otiosi solum excogitantur circuitus! an nullam habebit actionem? Sic contra æquitatem manifestam læditur! Indignum est, in quæstionibus ex æquo & bono decidendis, magis sectari argutias Romanas, quam æquitatem naturalem!

## OBSERV. MXX.

*De arbore in confinio*) Quod arbor, quæ in vicini fundum radices imittit, alteri vel in totum vel pro parte acquiratur, ceu jure Romano traditur, id neque naturale est (nam hoc jure nihil amplius alter consequitur, quam ut radices, in suum extensas, succidere vel

vel alimentorum nomine, aliquid petere valeat) neque, ob incertitudinem præsuppositi, locum habere potest, nec adeo alicujus usus est. Jure Saxonico alias communio ramorum & frugum in alienum fundum propendentium ex *l. 2. Landr. art. 52. & Weichbild art. 126.* asseritur, quæ sententia, ob evidentiam rei, magis locum habere potest. Interim ei contradicit *THOMÆdenox. animal c. 16. n. 9. seqq.* existimans, jure Saxonico nihil amplius vicino concedi, quam ut ramos, velut rem sibi molestam & noxiam, succidere possit, quæ adeo succisip non ex dominio aliquo, sed ex naturali defensionis jure, quo noxia repellimus, profluat. Sed forte sine ratione à communi sententia discedit, nam verba in *d. art. 52.* was des (Hopsfens) aber an der andern seiten bleibt / der ist seines Nachbahren, ergo fruges, etiam adhuc ut pendentes, vicini jam sunt! item in *d. art. 126.* wo auch ein Baum zwischen zweyen reinen steht, und breitet die Zelgen in eines andern Mannes Hoff, der Herr (tam ratione fundi quam ramorum) mag ihn wohl verhauen, ob er will, und hanget Obs in seinen Hoff, das ist zu recht seyn. quæ dominium tam ramorum quam frugum satis arguunt; Id addo, dissensum illum non valde gravem videri, nam si vicinus solus habet jus succidendi ramos ac decutiendi & legendi fruges, tum hoc à dominio non valde differt.

## OBSERV. MXXI.

*Vel quasi, quam bona fide possidemus*) Acquisitio ex re aliena possessa, revera non occurrit, nam m. f. possessor omnia reddere tenetur, bonæ fidei possessor de consumtis quidem non obligatur, sed ita nihil acquirit, verum consumtio, à necessitate restituendi ipsum

& hoc cum muni ratione intelligi, facile liquet, hinc *donatio mortis causa*, quæ *lit. D. C. 2. S. P. O.* explicatur, juris Gentium censeri debet, nonnullis tamen exceptis, quæ Romanis debentur. Eo referas (1) *modum declarandi lit. 2.* In Saxonia Electorali donatio mortis causa judicialiter debet fieri *vid. CARPZ. p. 3. C. 1. D. 23. (2.) quod certa persona, usum rationis licet, ac ius transferendum habentes, donare, nequeant lit. S.*

## OBSERV. MIV.

*Qui habet testamenti facillionem lit. C.)* Positivè seu affirmative hoc procedit, qui enim facultatem testandi habet, illi facultas donandi negari nequit, nam non debet, cui plus licet, quod minus est, non licere *L. 21. de R. 7.* hinc etiam minoribus & mulieribus merito illa asseritur, nec hoc casu requirendum erit, ut quis liberam rerum suarum administrationem, quoad actus inter vivos, habeat. Negative autem non procedit, nam licet quis facultatem testandi non habeat, attamen donare potest mortis causa, modo liberam rerum administratione gaudeat, ceu exemplo filiam. patet: Breviter, quia donatio mortis causa, duplicem habet naturam, ultimæ voluntatis & actus inter vivos, hinc alterum sufficit, vel facultas testandi, vel libera rerum administratio, ubi autem utrumque deficit, ut in pupillis, ibi donatio illa fieri nequit.

## OBSERV. MV.

*Perfecta hac m. c. donatione lit. E.)* Ut donatarius, facta donatione, tantum juris consequatur, quantum in illum transferre voluit donator, id dubio procul naturale est, inprimis etiam mero jure naturali jus reale per solum consensum transfertur, quod ita  
et.

etiam reliquit jus Romanum, ut perperam interpretes hoc respectu, m. c. donationem putent esse modum acquirendi civilem.

## OBSERV. MVI.

*Dissolvitur perfecta quoad ordinationem (lit. C.)* Si perpendas, quod donatio mortis causa, sit species ultimæ voluntatis, exinde utique sequitur, quod donantis poenitentiâ possit everti naturaliter, istam tamen interpretationem magis firmat lex civilis. In Saxonia Electorali ex intentione *CONSTIT. l. p. 3.* hæc donatio videtur esse irrevocabilis, quamvis interpretes Saxones in aliam abeant sententiam. Amplius si is, cujus intuitu donatio facta, præmoriatur, aut eventus, ob quem illa unicè suscepta, deficiat, tum naturaliter quoque donatio evanescit, sed nisi accederet interpretatio legis civilis, res non tam evidens foret.

LIBRI XL, HODIE NUL-  
LUS EST USUS.

## OBSERV. MVII.

Quod effectum meritò generaliter admittitur, nam quæ de propriis, similisque conditionis parum lautæ, hominibus dici possunt ea vel mero jure naturali, vel speliabus statutis, pactis aut consuetudinibus nituntur, ut a servis Romanis longius petita argumenta haut sint necessaria, sed eorum usus doctrinam præjudiciis Romanis corruptam arguat.

## LIB. XL. TIT. I.

DE ACQUIRENDO RERUM  
DOMINIO.

OBSERV. MLVIII.

**D**ominium hic proprie est, *jus in re, quo res alicujus est propria*). Dominii essentia non ex eo æstimanda, quod illud ad nos pertineat, nam hoc omnibus juri-  
bus seu rebus moralibus, quæ nobis imputantur, commune est, sed ex effectu, quem erga objectum suum habet. Jam si dominium ad aliud jus v. gr. ser-  
vitutem aut pignus, tanquam ejus objectum, refe-  
ras, tam nullus apparet effectus, nihil enim aliud ha-  
bes, quam simplicem servitutem aut pignus, perin-  
de ac si nude his nominibus, mentione dominii omis-  
sa, uteris, ex quo manifestum est, quod dominium  
jūris, ex accurata rerum moralium cognitione, asse-  
ri nequeat, sed potius nihil aliud sit, quam falsus con-  
ceptus ac inane nomen. Quod si verò dominium ad  
res corporales referatur, tum effectus, aliquis con-  
spicitur, hinc ad has solas idem pertinere existiman-  
dum est. Consistit autem dominii effectus non in eo  
tantum, quod res *propria* sit, ceu definitio *AUTORIS*  
præcipit, nam hoc alia etiam jura realia suo modo  
præstant, sed potissimum in eo, quod ad *plenissimum*  
*utendi effectum propria* sit, hinc accurata dominii defi-  
nitio est: quod sit *jus reale, ob quod ad plenissimum uten-*  
*di effectum, res corporalis nostra est*. Nec obstat, quod  
pupilli rebus suis plene uti nequeant, & tamen do-  
mini sint, nam utique plene iis uti possunt, verum  
non suo sed prudentiorum judicio.

## OBSERV. MIX.

*Acquiritur modis naturalibus*) Per modum intelligitur factum illud, mediante quo dominium consequimur, sæpe tamen in jure Romano strictius accipitur, tituloque opponitur. De cætero vel ex lege naturali vel civili efficaciam fortiuntur modi acquirendi, hinc in *naturales & Civiles* vulgò distinguuntur, quæ divisio uti in se satis certa est, ita in ejus applicatione sæpiissime falluntur Romani, sed cum, vel ipsis fatentibus hæc philosophia sit omnibus hominibus communis, ideo liberam sententiam heic admittere tenentur.

## OBSERV. MX.

*Hac dicitur occupatio*) Res nullius, accuratè loquendo, sunt, quæ hominibus destinatae quidem à Deo & natura, sed ab illis nondum assertæ, aut iterum dimissæ sunt. Quoad has igitur ratio humana satis ostendit, quod illi acquiri debeant, qui animum illas habendi primus declaravit, cum verò regulariter de hoc animo aliis non constet, nisi res occupata fuerit, hinc occupatio hætenus tanquam *medium nostram voluntatem aliis indicandi*, ad acquisitionem originariam requiritur. Ex quo sequitur, quod, si animus alio medio aliis in notescat, etiam sine occupatione res acquiri queat, unde plura alia consuetaria fluunt, in quibus determinandis sæpius falluntur scriptores, dum occupationem ad acquisitionem originariam absolute necessariam esse, falsò existimant. Inprimis inde sequitur, quod hodie dominium ferarum, etiam ante occupationem, Reipublicæ ac Imperanti recte tribuatur, quod credere non possunt, quos vel falsa occupationis imago decipit, vel etiam

juris Romani præjudicia vexant *add.* Specimen meum Jur. public. Romano gorm. l. 3. c. 3. §. 22. 23. Illud etiam observandum, quod regula naturalis: *res nullius cedit occupanti* semper vera sit, at conditio rerum non semper est eadem, hinc regula illa perpetuò applicari nequit. Nonnunquam etiam Romani quasdam, nullius putarunt, quæ veriori æstimatione alicujus sunt, hinc subsumtio Romana, de rebus illis occupanti concedendis, in Germania sæpe exultat, de quo dixi in Spec. Jur. publ. d. l. 3. c. 3.

## OBSERV. MXI.

*Visus non sufficit*) Si duo circa rem acquirendam concurrant, neque visus, neque occupatio naturaliter rem uni asserere potest, sed illa utrique potius est communis, nam uterque jus acquirendi habet, uterque etiam voluntatem acquirendi declarat, ab hac verò acquisitio dependet. Quod vulgo dissentiant ac primum occupantem præferant, id ex eo est, quod occupationis habitum & necessitatem non satis intelligant.

## OBSERV. MXII.

*De hodierna venatione*) In specie Romani in eo errarunt, quod feras bestias in Republica, *nullius* dixerint, cum tamen constitutis civitatibus, dominium originarium illarum, his tribuendum esse, natura Rerum publicarum evidenter evincat. Hæc sententia constanter observata est in Germania, hinc nemini feras bestias occupare licet, nisi cui civitas & Imperans id concessit, à qua concessione amplius occupationis modus & effectus derivari debet. Hinc juris Romani usus hac in parte non tantum nullus, sed & noxius est, quia jurium contrariorum comixtio do-

doctrinam parum coherentem & solidam gignere solet, de quo amplius dixi in Specim. jur. public. dl. 3. c. 3. ut & in *dissertat. de jur. metallor. hab. Lips. 1655.* ex quibus etiam cætera occupationis objecta dijudicari possunt.

## OBSERV. MXII.

*Hodie tamen quoad hos contrarium observatur*) Ambigua est hæc doctrina, quia non satis constat, quam sententiam jure civili quoad Vasallum, emphyteutam & superficiarium, circa acquisitionem thesauri, obtinere putet *AUTOR*. Interim probabile videtur, quod illos emtori ac usufructuario comparet, eosque jure domini thesaurum non acquirere arbitretur, tum enim sequitur: *quoad hos tamen hodie contrarium observatur*, hoc enim docent Auctores citati. Cæterum hæc sententia non tantum hodie, sed etiam ex rationibus juris civilis obtinet, quicquid *AUTOR* aliique dissentiant, nam dominium utile, directio præstat, cum hoc de dominio, nil fere nisi nomen participet.

## OBSERV. MXIV.

*Qua dicitur traditio*) Dominium legitime acquisitum, naturaliter in alios non transit, nisi interveniente consensu mutuo, & hic solus etiam sufficit, hinc traditio ultro quidem adhiberi, at tamen ad transferendum dominium, præcisè non debet contrarium nunquam aliquis probaverit. Est ergo traditionis necessitas ex lege civili, quæ bonis rationibus, ad excludendam cavillationem & tergiversationem paciscentium, eam introduxit, quanquam loco ejus aliquando similes actus admittit, quandoque etiam iudicalem requirit, *vid. DECIS. SAXON. 61.* Exinde enactum



tum est discrimen *Tituli & Modi*, accedere etiam fitiones, quibus cæteri actus, qui loco traditionis admittuntur, traditio esse finguntur, qui totus fictionum apparatus, ut alibi, ita hic etiam est ineptus.

## OBSERV. MXV.

*Licet erroneo lit. C.)* Naturaliter titulus erroneus dominio transferendo non sufficit, nec etiam jure civili indistincte id obtinet. Nam *d. §. 40. f. de R. D.* non est captandus, traditio transfert dominium, sed cæteris paribus, præsupposito consensu habili, qualis non est erroneus. *d. l. 36. b. t. & l. 18. de R. C.* agunt de casu, ubi circa Titulos solum erat erratum, in domini tamen translationem consensum, de quo pluribus egi *Observ. 306.* Interim vulgò eo deveniunt, ut ejus, quod per errorem solutum est, dominium transferri statuant de quo actum *Observ. 307.*

## OBSERV. MXVI.

*Fictæ res incorporales lit. O.)* Res incorporales neque vere neque fictæ traduntur, sed omnis traditio pertinet ad res corporales. Si tibi sit promissa servitus, habes jus personale, utaris jure concesso, & alter usum admittat, tum traditur non *servitus*, sed *res serviens*, & hæc tradita illa exoritur, perinde sicut se res habet circa dominium. Vulgaris sententia ex eo habet originem, quod res corporales & incorporales eadem classe censeant, ac illarum prædicata, ad has etiam transferant. Cæterum hæc observatio ad veram rei cognitionem saltem pertinet, in foro nullum usum habet.

## OBSERV. MXVII.

*Accessio)* Sub accessione continetur acquisitio partim *originaria*, quæ res, quæ vel nullius unquam fuerunt,

runt, vel alicujus esse desierunt, acquiruntur, quo pertinet accessio naturalis, nempe foetura animalium, alluvio, coalitio terræ adjectæ, nativitas insulæ & alvei destitutio, quæ accessio etiam pro modo acquirendi naturali recte habetur, sed saltem ex certa hypothese, hæc autem non perpetuo obtinet, nec ea, quam Romani heic supposuerunt, indoli rerum-publicarum, ubique convenit, hinc mirum videri non debet, quare laudata acquisitio in Germania quandoque cesset; partim *derivativa*, qua dominium de persona in personam transfertur.

## OBSERV. MXVIII.

*Artificialis est*) Accessio artificialis seu industrialis, quam vocant, modum acquirendi derivativum exhibet, de cætero non incommode posset dici, *acquisitio fortuita*, quæ præter intentionem dominorum accadat, vel *occafio*, ex qua *translatio dominii*, vel *voluntate partium*, vel *autoritate legis positiva*, sequatur; Nam ita est, in omnibus hujus accessionis speciebus, posita solâ rerum conjunctione, naturaliter nulla est translatio & acquisitio dominii, quia dominorum consensus deficit, sed potius rerum conjunctarum communio occurrit, quod contra Romanos recte docuit GROTIIUS de J. B. P. l. 2. c. 8. modo notes, retundendis nonnullorum, qui contradicere ausi sunt, argutiis, per communionem hic non intelligi *propriam*, quæ omnes particulas reddat communes, sed *impropriam*, qua ob cohærentiam, totum corpus ad plures pertinet, licet unusquisque suæ rei maneat dominus. Afferta igitur contra Romanos communione, eorum tradita ita accipienda sunt, non quod exhibeant acquisitionem naturalem, sed quod instruant judicem,

quomodo communionem solvere, ac uni rem, alteri vero, pro ratione circumstantiarum, interesse adjudicare debeat, quo sensu alicujus usus esse possunt, quamvis negandum non sit, sententias illas sæpe triscis scaterere, incertas ac iniquas esse, ut facilius juxta æquitatem, quam normam illam Romanam, communitio in plerisque casibus solvi queat. Quæ in genere admonuisse sufficiat, nam per singulas ire species, nimis longum ac ab instituto alienum forte.

## OBSERV. MXIX.

*Nec sunt domino materia contra novum dominum actiones, nisi diruto edificio* --- *sunt tamen contra edificantem*) Hæc sententia ab æquitate evidenter abhorret, cum enim dominus soli alterius materiam teneat eaque utatur, quo jure æstimationis præstationem detrectabit; animus enim donandi in ædificante, asseri non potest, minimum ille semper non adest? Deinde si domini materiæ habet actionem contra ædificantem, quid huic amplius, facta solutione, erit faciendum? an habebit regressum contra dominum soli? sic ergo in effectu hic ad æstimationem tenetur, & otiosi solum excogitantur circuitus! an nullam habebit actionem? Sic contra æquitatem manifestam læditur! Indignum est, in questionibus ex æquo & bono decidendis, magis sectari argutias Romanas, quam æquitatem naturalem!

## OBSERV. MXX.

*De arbore in confinio*) Quod arbor, quæ in vicini fundum radices imittit, alteri vel in totum vel pro parte acquiratur, ceu jure Romano traditur, id neque naturale est (nam hoc jure nihil amplius alter consequitur, quam ut radices, in suum extensas, succidere vel

vel alimentorum nomine, aliquid petere valeat) neque, ob incertitudinem præsuppositi, locum habere potest, nec adeo alicujus usus est. Jure Saxonico alias communio ramorum & frugum in alienum fundum propendentium ex l. 2. & Andr. art. 52. & Weichbild art. 126. assertitur, quæ sententia, ob evidentiam rei, magis locum habere potest. Interim ei contradicit THOMÆ denox. animal c. 16. n. 9. seqq. existimans, jure Saxonico nihil amplius vicino concedi, quam ut ramos, velut rem sibi molestam & noxiam, succidere possit, quæ adeo succisio non ex dominio aliquo, sed ex naturali defensionis jure, quo noxia repellimus, profluat. Sed forte sine ratione à communi sententia discedit, nam verba in d. art. 52. was desß (Hopsfens) aber an der andern seiten bleibt / der ist seines Nachbahren, ergo fruges, etiam adhuc ut pendentes, vicini jam sunt! item in d. art. 126. wo auch ein Baum zwischen zweyen reinen steht, und breitet die Zelgen in eines andern Mannes Hoff, der Herr (tam ratione fundi quam ramorum) mag ihn wohl verhauen, ob er will, und hanget Obs in seinen Hoff, das ist zu recht seyn. quæ dominium tam ramorum quam frugum satis arguunt; Id addo, dissensum illum non valde gravem videri, nam si vicinus solus habet jus succidendi ramos ac decutiendi & legendi fruges, tum hoc à dominio non valde differt.

## OBSERV. MXXI.

*Vel quasi, quam bona fide possidemus*) Acquisitio ex re aliena possessa, re vera non occurrit, nam m. f. possessor omnia reddere tenetur, bonæ fidei possessor de consumtis quidem non obligatur, sed ita nihil acquirit, verum consumptio, à necessitate restituendi ipsum

saltem liberat, dum sine voluntate alteri damnum intulit, quæ autem adhuc exstant, aut in quo locupletior ille factus, illa omnia restituere debet, de quo actum *Observ. 200. seqq.* Quod igitur vulgò perceptio fructuum ex re aliena, inter modos acquirendi referatur, id præjudicium est, cui imprudentia *FRI-BONIANI*, rem illam temere, inter acquirendi modos proponentis §. 35. *f. de R. D.* ansam dedit, quodque quadam velut traditione in alios derivatum, firmiter nunc hæret.

## TIT. II.

DE ACQUIRENDA VEL  
AMITTENDA POSSES-  
SIONE.

## OBSERV. MXXII.

**P***ossessio*) Ut accurate possessionis natura intelligatur, ac simul tricæ inutiles, quæ intercurrere solent, evitari queant, videtur (1) præsupponendū, quod illa in *exercitio actuum nonnullorum* consistat, illi autem actus vel *certum ac definitum objectum respiciunt*, ut si quis domum, equum &c. teneat, in eoque objecto se ut dominum gerat, vel *ad objectum non adeo determinatum & liquidum pertinent*, ut si quis servitia exigat aut deneget, actus juris Patronatus, jurisdictionis similesve exerceat. Prior species magis liquida ac intellectu facilior est, ob objecti evidentiam; Non minus tamen posterior, vera quoque possessio est, iisdemque partibus constat, licet, ob objectum diffusum, generale ac quodammodo indeterminatum, conceptu sit difficilior. Deinde (2.) *animus exercentis* attendi debet, si enim quis nomine alieno, vel ex ju-  
re

re in eo ex spiraturo, actus illos tam in objecto speciali quam generali exerceat, cum adest possessio improprie sic dicta, quæ detentionis nomine venit, quamvis hoc nomen potissimum ad objectum speciale respicere videatur, si verò quis suo nomine, tum exoritur *possessio proprie dicta*, & nihil refert, si quis intuitu objecti specialis, siue generâlis animum illum declaret, nam non minus verè possidet, qui actus jurisdictionis aut juris Patronatus similesve suscipit, quam qui se ut dominum gerit. Denique observandum (3) quod *exercitium actuum illorum aliquando juxta verum* v. gr. dominium, servitutem aut jus patronatus, *presupponat, aliquando sine eo instituatur*, illo casu juris legitime quæsitæ est effectus & indicium, hoc verò, ejus acquirendi occasio Ex his adeo hæc sequetur Possessionis definitio: *Est exercitium actuum nonnullorum, ex jure vel vero vel prætenso, in objecto speciali aut generali, institutum, juxta aliquod vel præsupponens ad indicans, vel ejus acquirendi occasionem præstans*. Ex quo etiam definitiones *AUTORIS*, qui possessionem, intuitu objecti specialis, videtur considerasse, suppleri possunt.

## OBSERV. MXXIII.

*Facti est quoad acquisitionem*) Doctrina hæc vulgaris parum solida est, & si rigidius urgeas, verò aliquis sensus inde fortassis elici non potest. Sic potius dicendum: Possessio in se spectata, merum factum est, perinde sicut contractus, quamvis illa ut plurimum unius saltem voluntatem, hic duorum pluriumve, involvat, quod ad rem non pertinet. Sed sicut possessio verum jus v. gr. dominium, præsupponit, aut ejus acquirendi occasionem præbet, ita ex ipsâ etiam

peculiare jus resultat, vel saltem ad tempus præsumitur, quod *jus possessionis* dicitur, ac recte pro *reali* habetur, de quo explicatius supra Observ. 32. egi.

## OBSERV. MXXIV.

*Est ratione objecti proprie dicta*) Hæc divisio falsa est ac ex illiquida tum possessionis, tum rerum incorporalium cognitione resultat. Omnis quidem possessio ex jure aliquo venit, aut ad illud acquirendum tendit ejusque gratia suscipitur, hinc si velis dicere, aliquem esse in possessione domini, servitutis, jurisdictionis & ita porro, ego quidem non refragabor, modo memineris, quod hæc possessio, tanquam peculiaris species, possessioni rerum corporalium nequeat opponi, cum potius quævis possessio rem corporalem pro objecto habeat, ea saltem diversitate intercedente, quod illud aliquando sit speciale, ac in oculos velut incurrat, aliquando generale, quod conceptu difficilius est & errandi causam vulgo præbuit. Circa dominium, possides rem *propriam*, circa servitutem, *rem servientem*, quoad jurisdictionem, jus Patronatus similiaque jura, *distriktum illum*, in quo illa exercentur. Sed hæc ad doctrinæ soliditatem saltem pertinent, non usum forensem, ceu aliquoties dictum!

## OBSERV. MXXV.

*Ratione qualitatis, bonæ fidei*) Hæc divisio specialis est, pertinetque solum ad casum rei alienæ, invito domino detentæ, tum enim quis, pro ratione ignorantie aut scientie, bonæ aut malæ fidei possessor audit. Si quis vero, domino consentiente, rem teneat, ut usufructuarius ac creditor, is neque bonæ, quia scit rem alienam, neque malæ fidei possessor dici potest, quia invito domino eam non tenet.

## OBSERV. MXXVI.

*Est vel juxta*) Hæc divisio tertia, cum quartâ debet conjungi, nam possessio iusta est, quæ præsupponit titulum *n. 3.* hic autem multiplex est *n. 4.* hinc possessio etiam inde denominatur. Interim ista diversitas possessioni est indifferens, modo tituli diversi in se, sint ejusdem efficaciz.

## OBSERV. MXXVII.

*Naturalis in significatione lata*) Distinctio possessionis in naturalem & civilem, non male adhibetur notando discrimini *detentionis & possessionis*, aut, quoad hanc *diversi modi*, quo vel corpore & ab imo simul, vel hoc solo possidere censetur, aut quatenus etiam adhibetur significandæ possessionis *formæ*, seu *juri*, ob quod *possidemus*, eatenus vitilitigia aut logomachias parere solet, dum in suppositione terminorum non adeo consentiunt, hinc quem quis naturaliter possidere ait, illum alius civiliter possidere contendit, satius igitur fortassis esset, distinctionem illam hoc sensu plane omittere, quod si tamen quis eam retinendam existimet, tum vel verborum sensus recte erit definiendus, vel manente ambiguitate, cogitandum, quod tantum logomachia heic subit. Sic v. gr. superficiarius possidet, habetque possessio effectum, possidentis intentioni conformem, sed quid interest, sive possessionem illam, cum *AUTORE naturalem*, sive cum aliis, *civilem* dicas?

## OBSERV. MXXVIII.

*Vera etiam oculis lit. C.*) Quæ de ratione acquirendi, personis & materia dicuntur *lit. C. S. O.* illa ex definitione possessionis antea data, nec non ex *Observ. 1024.* intelligi vel emendari possunt. Quod in specie



possessionem veram, in acquisitione derivativa, non originaria, etiam oculis acquiri posse doceat *AUTOR*, ejus ratio est, quod re alicui semel acquisita, alij jam sint ab ea exclusi, hinc in eo, in quem illa est transferenda, visus quoque sufficit, ast si de novo eadem sit acquirenda, tum alij per visum solum excludi nequeunt, sed factum occupationis requiritur. Est tamen doctrina *AUTORIS* particularis, pertinetque ad casum, ubi volente domino res in alium transfertur, nam si quis servitutem aut dominium utile in re alterius acquirere velit, tum non aliter quam per factum susceptum in possessione & prescribendi conditione constituitur.

## OBSERV. MXXIX.

*Sint vacua ab alia ejus generis possessione lit. O.)* Ad fidem v. gr. venditionis implendam hoc requiritur, quemadmodum etiam ad acquirendam possessionem quietam illud necessarium est, sed si de qualicumque possessione quaestio sit, id praecise haut exigitur, nam licet quis animo domini v. gr. Sylvam possideat, alius tamen eodem animo actus possessorios exercere, atque ita possessionem, sed qualem & controversam, acquirere potest.

## OBSERV. MXXX.

*Ex jure possessionis dantur)* Pro effectu possessionis recte habetur jus reale n. 1. hoc enim nunc admitto & jam supra Observ. 32. pluribus firmavi, ac ad dubia, quae alias insolubilia putavi, respondi. Porro eo recte refertur effectus, de quo n. 2. 3. 5. 6. agitur, quamvis circa ultimum notandum, quod possessio non tribuat domicilium, ceu *AUTOR* loquitur, sed saltem forum quoad actiones reales, si autem forum generale

aliquando locum habeat *vid.* *Observ.* 156. tum illud non tantum à possessione, sed & præcipue à jure, ob quod posidemus, dominio scilicet, similique jure constanti, repetendum est. Uterius ad effectus possessionis pertinet acquisitio juris realis, domini nempe vel servitutis, denique etiam usucapio, licet hæc etiam, sine possessione, ex legis civilis præscripto, quandoque currat, mortuo scilicet possessore & jacente hæreditate. Effectus autem, de quo *n. s.* immunitas scilicet a satisfactione, non tam à possessione, quam proprietate potius, ob quam rem tenemus, oritur.

**OBSERV. MXXXI.**

*Turbatio*) Turbatio & dejectio quoad effectum moralem, mea quidem sententia, non differunt, hinc sive te turbatum, sive dejectum putes, res eodem recidit, nam possessio, quam antea habuisti, utique potentior est ea, quam alter per vim acquisivit, hinc quæ te possessioni restituendus es, sive autem interdicto recuperandæ, sive retinendæ id fieri existimes, quid interest? Interim turbatio fere obtinet quoad objectum generale, quodque accurate custodiri non potest, sed dejectio ad objecta specialia ac arctæ custodiæ obnoxia pertinet. An vero quoad effectum interrompendæ præscriptionis, aliquid inter dejectionem & turbationem intersit, adeo ut per illam præscriptio interrompatur, per hanc non, alii viderint, mihi interim discrimen aliquod nimis subtile vel etiam cavillatorium ac iniquum videtur, hinc utrique actui eundem effectum veltribuendum vel negandum esse existimo.

tum est discrimen *Tituli & Modi*, accedere etiam fisiones, quibus cæteri actus, qui loco traditionis admittuntur, traditio esse finguntur, qui cotus fictio-  
num apparatus, ut alibi, ita hic etiam est ineptus.

## OBSERV. MXV.

*Licet erroneo lit. C.*) Naturaliter titulus erroneus dominio transferendo non sufficit, nec etiam jure civili indistincte id obtinet. Nam *d. §. 40. 7. de R. D.* non est captandus, traditio transfert dominium, sed cæteris paribus, præsupposito consensu habili, qualis non est erroneus. *d. l. 36. b. t. & l. 18. de R. C.* agunt de casu, ubi circa Titulos solum erat erratum, in domini tamen translationem consensum, de quo pluribus egi *Observ. 306.* Interim vulgò eo deveniunt, ut ejus, quod per errorem solutum est, dominium transferri statuant de quo actum *Observ. 307.*

## OBSERV. MXVI.

*Ficte res incorporales lit. O*) Res incorporales neque vere neque ficte traduntur, sed omnis traditio pertinet ad res corporales. Si tibi sit promissa servitus, habes jus personale, utaris jure concesso, & alter usum admittat, tum traditur non *servitus*, sed *res serviens*, & hac tradita illa exoritur, perinde sicut se res habet circa dominium. Vulgaris sententia ex eo habet originem, quod res corporales & incorporales eadem classe censeant, ac illarum prædicata, ad has etiam transferant. Cæterum hæc observatio ad veram rei cognitionem saltem pertinet, in foro nullum usum habet.

## OBSERV. MXVII.

*Accessio*) Sub accessione continetur acquisitio partim *originaria*, quæ res, quæ vel nullius unquam fuerunt,

runt, vel alicujus esse desierunt, acquiruntur, quo pertinet accessio naturalis, nempe foetura animalium, alluvio, coalitio terræ adjectæ, nativitas insulæ & alvei destitutio, quæ accessio etiam pro modo acquirendi naturali recte habetur, sed saltem ex certa hypothesi, hæc autem non perpetuo obtinet, nec ea, quam Romani heic supposuerunt, indoli rerum-publicarum, ubique convenit, hinc mirum videri non debet, quare laudata acquisitio in Germania quandoque cesset; partim *derivativa*, qua dominium de persona in personam transfertur.

## OBSERV. MXVIII.

*Artificialis est*) Accessio artificialis seu industrialis, quam vocant, modum acquirendi derivativum exhibet, de cætero non incommode posset dici, *acquisitio fortuita*, quæ præter intentionem dominorum accadat, vel *occasio*, ex qua *translatio dominii, vel voluntate partium, vel autoritate legis positiva, sequatur*; Nam ita est, in omnibus hujus accessionis speciebus, posita solâ rerum conjunctione, naturaliter nulla est translatio & acquisitio dominii, quia dominorum consensus deficit, sed potius rerum conjunctarum communio occurrit, quod contra Romanos recte docuit *GROTIUS de J. B. P. l. 2. c. 8.* modo notes, retundendis nonnullorum, qui contradicere ausi sunt, argutiis, per communionem hic non intelligi *propriam*, quæ omnes particulas reddat communes, sed *impropriam*, qua ob cohærentiam, totum corpus ad plures pertinet, licet unusquisque suæ rei maneat dominus. Asserta igitur contra Romanos communione, eorum tradita ita accipienda sunt, non quod exhibeant acquisitionem naturalem, sed quod instruant judicem,

quomodo communionem solvere, ac uni rem, alteri vero, pro ratione circumstantiarum, interesse adjudicare debeat, quo sensu alicujus usus esse possunt, quamvis negandum non sit, sententias illas sæpe triticis scatere, incertas ac iniquas esse, ut facilius juxta æquitatem, quam normam illam Romanam, communicatio in plerisque casibus solvi queat. Quæ in genere admonuisse sufficiat, nam per singulas ire species, nimis longum ac ab instituto alienum forte.

## OBSERV. MXIX.

*Nec sunt domino materia contra novum dominum actiones, nisi diruto edificio* --- *sunt tamen contra edificantem*) Hæc sententia ab æquitate evidenter abhorret, cum enim dominus soli alterius materiam teneat eaque utatur, quo jure æstimationis præstationem detrectabit, animus enim donandi in ædificante, asseri non potest, minimum ille semper non adest? Deinde si doming materiæ habet actionem contra ædificantem, quid huic amplius, facta solutione, erit faciendum? an habebit regressum contra dominum soli? sic ergo in effectu hic ad æstimationem tenetur, & otiosi solum excogitantur circuitus! an nullam habebit actionem? Sic contra æquitatem manifestam læditur! Indignum est, in quæstionibus ex æquo & bono decidendis, magis sectari argutias Romanas, quam æquitatem naturalem!

## OBSERV. MXX.

*De arbore in confinio*) Quod arbor, quæ in vicini fundum radices imittit, alteri vel in totum vel pro parte acquiratur, ceu jure Romano traditur, id neque naturale est (nam hoc jure nihil amplius alter consequitur, quam ut radices, in suum extensas, succidere vel

vel alimentorum nomine, aliquid petere valeat) neque, ob incertitudinem præsuppositi, locum habere potest, nec adeo alicujus usus est. Jure Saxonico alias communio ramorum & frugum in alienum fundum propendentium ex *l. 2. Landr. art. 52. & Weichbild art. 126.* assertitur, quæ sententia, ob evidentiam rei, magis locum habere potest. Interim ei contradicit *THOMÆdenox. animal c. 16. n. 9. seqq.* existimans, jure Saxonico nihil amplius vicino concedi, quam ut ramos, velut rem sibi molestam & noxiam, succidere possit, quæ adeo succisip non ex dominio aliquo, sed ex naturali defensionis jure, quo noxia repellimus, profluat. Sed forte sine ratione à communi sententia discedit, nam verba in *d. art. 52.* was des (Hopsfens) aber an der andern seiten bleibt / der ist seines Nachbahren, ergo fruges, etiam adhuc ut pendentes, vicini jam sunt! item in *d. art. 126.* wo auch ein Baum zwischen zweyen reinen steht, und breitet die Zelgen in eines andern Mannes Hoff, der Herr (tam ratione fundi quam ramorum) mag ihn wohl verhauen, ob er will, und hanget Obs in seinen Hoff, das ist zu recht seyn. quæ dominium tam ramorum quam frugum satis arguunt; Adaddo, dissensum illum non valde gravem videri, nam si vicinus solus habet jus succidendi ramos ac decutiendi & legendi fruges, tum hoc à dominio non valde differt.

## OBSERV. MXXI.

*Vel quasi, quam bona fide possidemus*) Acquisitio ex re aliena possessa, revera non occurrit, nam m. f. possessor omnia reddere tenetur, bonæ fidei possessor de consumtis quidem non obligatur, sed ita nihil acquirit, verum consumtio, à necessitate restituendi ipsum

saltem liberat, dum sine voluntate alteri damnum intulit, quæ autem adhuc exstant, aut in quo locupletior ille factus, illa omnia restituere debet, de quo actum *Observ. 200. seqq.* Quod igitur vulgò perceptio fructuum ex re aliena, inter modos acquirendi referatur, id præjudicium est, cui imprudentia *TRIBUNIANI*, rem illam temere, inter acquirendi modos proponentis §. 35. *f. de R. D.* ansam dedit, quodque quadam velut traditione in alios derivatum, firmiter nunc hæret.

## TIT. II.

DE ACQUIRENDA VEL  
AMITTENDA POSSE-  
SIONE.

## OBSERV. MXXII.

**P**ossessio) Ut accurate possessionis natura intelligatur, ac simul tricæ inutiles, quæ intercurrere solent, evitari queant, videtur (1) præsupponendū, quod illa in *exercitio actuum nonnullorum* consistat, illi autem actus vel *certum ac definitum objectum respiciunt*, ut si quis domum, equum &c. teneat, in eoque objecto se ut dominum gerat, vel *ad objectum non adeo determinatum & liquidum pertinent*, ut si quis servitia exigat aut deneget, actus juris Patronatus, jurisdictionis similesve exerceat. Prior species magis liquida ac intellectu facilior est, ob objecti evidentiam; Non minus tamen posterior, vera quoque possessio est, iisdemque partibus constat, licet, ob objectum diffusum, generale ac quodammodo indeterminatum, conceptu sit difficilior. Deinde (2.) *animus exercentis* attendi debet, si enim quis nomine alieno, vel ex ju-  
re

re in eo exspiraturo, actus illos tam in objecto speciali quam generali exerceat, tum adest possessio improprie sic dicta, quæ *detentionis* nomine venit, quamvis hoc nomen potissimum ad objectum speciale respicere videatur, si verò quis suo nomine, tum exoritur *possessio propriè dicta*, & nihil refert, siue quis intuitu objecti specialis, siue generalis animum illum declaret, nam non minus verè possidet, qui actus jurisdictionis aut juris Patronatus similesve suscipit, quam qui se ut dominum gerit. Denique observandum (3) quod *exercitium actuum* illorum aliquando *jus verum* v. gr. dominium, servitutem aut jus patronatus, *presupponat*, aliquando *sine eo instituatur*, illo casu juris legitime quæsitæ est effectus & indicium, hoc verò, ejus acquirendi occasio Ex his adeo hæc sequetur Possessionis definitio: *Est exercitium actuum nonnullorum, ex jure vel vero vel pratenso, in objecto speciali aut generali, institutum, jus aliquod vel presupponens ad indicans, vel ejus acquirendi occasionem præstans.* Ex quo etiam definitiones *AUTORIS*, qui possessionem, intuitu objecti specialis, videtur considerasse, suppleri possunt.

## OBSERV. MXXIII.

*Facili est quoad acquisitionem*) Doctrina hæc vulgaris parum solida est, & si rigidius urgeas, verò aliquis sensus inde fortassis elici non potest. Sic potius dicendum: Possessio in se spectata, merum factum est, perinde sicut contractus, quamvis illa ut plurimum unius saltem voluntatem, hic duorum pluriumve, involvat, quod ad rem non pertinet. Sed sicut possessio verum jus v. gr. dominium, præsupponit, aut ejus acquirendi occasionem præbet, ita ex ipsâ etiam



## OBSERV. MXXVI.

*Est vel juxta*) Hæc divisio tertia, cum quartâ debet conjungi, nam possessio justa est, quæ præsupponit titulum *n. 3.* hic autem multiplex est *n. 4.* hinc possessio etiam inde denominatur. Interim ista diversitas possessioni est indifferens, modo tituli diversi in se, sint ejusdem efficaciz.

## OBSERV. MXXVII.

*Naturali in significatione lata*) Distinctio possessionis in naturalem & civilem, non male adhibetur notando discrimini *detentionis & possessionis*, aut, quoad hanc *diversi modi*, quo vel corpore & ab imo simul, vel hæc solò possidere censetur, aut quatenus etiam adhibetur significandæ possessionis *formæ*, seu *juri*, ob quod *possidemus*, eatenus vitilitigia aut logomachias parere solet, dum in suppositione terminorum non adeo consentiunt, hinc quem quis naturaliter possidere ait, illum alius civiliter possidere contendit, satius igitur fortassis esset, distinctionem illam hoc sensu plane omittere, quod si tamen quis eam retinendam existimet, tum vel verborum sensus recte erit definiendus, vel manente ambiguitate, cogitandum, quod tantum logomachia heic subit. Sic v. gr. superficiarius possidet, habetque possessio effectum, possidentis intentioni conformem, sed quid interest, si possessionem illam, cum *AUTORE naturalem*, siue cum aliis, *civilem* dicas?

## OBSERV. MXXVIII.

*Vera etiam oculis lit. C.)* Quæ de ratione acquirendi, personis & materia dicuntur *lit. C. S. O.* illa ex definitione possessionis antea data, nec non ex *Observ. 1024.* intelligi vel emendari possunt. Quod in specie

possessionem veram, in acquisitione derivativa, non originaria, etiam oculis acquiri posse doceat *AUTOR*, ejus ratio est, quod re alicui semel acquisita, alij jam sint ab ea exclusi, hinc in eo, in quem illa est transferenda, visus quoque sufficit, aut si de novo eadem sit acquirenda, tum alij per visum solum excludi nequeunt, sed factum occupationis requiritur. Est tamen doctrina *AUTORIS* particularis, pertinetque ad casum, ubi volente domino res in alium transfertur, nam si quis servitutem aut dominium utile in re alterius acquirere velit, tum non aliter quam per factum susceptum in possessione & præscribendi conditione constituitur.

## OBSERV. MXXIX.

*Sint vacua ab alia ejus generis possessione lit. O.*) Ad fidem v. gr. venditionis implendam hoc requiritur, quemadmodum etiam ad acquirendam possessionem quietam illud necessarium est, sed si de qualicunque possessione quaestio sit, id præcise haut exigitur, nam licet quis animo domini v. gr. Sylvam possideat, alius tamen eodem animo actus possessorios exercere, atque ita possessionem, sed qualem, & controversam, acquirere potest.

## OBSERV. MXXX.

*Ex jure possessionis dantur*) Pro effectu possessionis recte habetur jus reale n. 1. hoc enim nunc admitto & jam supra Observ. 32. pluribus firmavi, ac ad dubia, quæ aliàs insolubilia putavi, respondi. Porro eo recte refertur effectus, de quo n. 2. 3. 5. 6. agitur, quamvis circa ultimum notandum, quod possessio non tribuat domicilium, ceu *AUTOR* loquitur, sed saltem forum quoad actiones reales, si autem forum generale ah-

aliquando locum habeat *vid.* *Observ.* 156. tum illud non tantum à possessione, sed & præcipue à jure, ob quod possidemus, dominio scilicet, similique jure constanti, repetendum est. Uterius ad effectus possessionis pertinet acquisitio juris realis, domini nempe vel servitutis, denique etiam usucapio, licet hæc etiam, sine possessione, ex legis civilis præscripto, quandoque currat, mortuo scilicet possessore & jacente hæreditate. Effectus autem, de quo *n. 5.* immunitas scilicet a satisfactione, non tam à possessione, quam proprietate potius, ob quam rem tenemus, oritur.

**OBSERV. MXXXI.**

*Turbatio*) Turbatio & dejectio quoad effectum moralem, mea quidem sententia, non differunt, hinc sive te turbatum, sive dejectum putes, res eodem recidit, nam possessio, quam antea habuisti, utique potentior est ea, quam alter per vim acquisivit, hinc quæ te possessioni restituendus es, sive autem interdicto recuperandæ, sive retinendæ id fieri existimes, quid interest? Interim turbatio fere obtinet quoad objectum generale, quodque accurate custodiri non potest, sed dejectio ad objecta specialia ac arctæ custodiæ obnoxia pertinet. An vero quoad effectum interrumpendæ præscriptionis, aliquid inter dejectionem & turbationem intersit, adeo ut per illam præscriptio interrumpatur, per hanc non, alii viderint, mihi interim discrimen aliquod nimis subtile vel etiam cavillatorium ac iniquum videtur, hinc utriusque actui eundem effectum vel tribuendum vel negandum esse existimo.

## TIT. III.

## DE USURPATIONIBUS ET USUCAPIONIBUS.

## OBSERV. MXXXII.

**O**lim differebant *præscriptio* & *usucapio*. Quæ de differentia & exæquatione præscriptionis & Usucapionis dicuntur, sunt intelligenda de præscriptione speciatim accepta, quatenus ad dominium pertinet, nam si illa in genere accipiat, quatenus omnis generis jura, realia & personalia, ex delictis & contractibus descendunt, afficit, cum hodie quoque ab Usucapione, quæ ad solum dominium spectat, velut genus à sua specie, differt.

## OBSERV. MXXXIII.

*Usucapio est*) Sæpe in societate civili, occasione & commerciis sic ferentibus, quis alterius jura, sine hujus speciali, consensu, in se transferri, aut saltem extingui optat eoque, sine aliquid agit, cui actui lex positiva efficaciam largiri solet, hinc exoritur *Præscriptio*. Hæc in jurisprudentia, à falsis præjudiciis libertatè, ita considerata est, ut maturè ejus indoles in genere explicetur, ac postea eadem, circa singula jura præscriptibilia, cum suis requisitis, specialius expendatur nam ita & vero ordine & solidè res proponi potest; dum generalia præcedunt, ac requisita, quæ non ubique eadem sunt aut esse possunt, intuitu objectorum suorum ite discernuntur. Delibabimus nonnulla ex tractatione generali. *Præscriptio est actus, variis requisitis, imprimis temporis dinturnitate constans, quo, ob dispositionem legis civilis, jura sine speciali ejus, cui competunt, consensu, in alium transeunt aut extinguuntur.*

Non

Non est quidem illa, quatenus à certo tempore vim suam sortitur, *ex jure naturali*, sed nec huic repugnat, quod utrumque iam supponitur, *Finis* autem introductæ Præscriptionis est, *quo lites aliquando in foro civili cessent*. Ex quo sequitur, *jura præscriptionum*, quantum fieri potest, *maximè perspicua esse debere*, ne aliàs novis iisque intricatioribus litigiis ansam præbeant, hoc autem à legibus Romanis haut esse observatum, facile liquet, dum in determinandis præscriptionis requisitis, nimis scrupulosæ ac variæ sunt, hinc vulgo etiam intricatissimis materiis præscriptionis tractatio accensetur, hoc vero, cum regulis utilitatis & prudentiæ non convenire, manifestum est, licet alii leges Romanas valde laudare soleant, *vid. HEIG. p. 1. qu. 16. n. 7.*

2. *Varietatem* Præscriptionis quod attinet, solet ista vulgo in præscriptionem *rerum corporaliū, jurium & actionum* distingui, quod *AUTOR* non obscure quoquo innuit, dum præscriptionis *actionum* lit. D. & *jurium* lit. C. meminit. Verùm illa divisio superficiariam hujus rei cognitionem redolet, dum subordinata opponit, & res connexas distrahit, nam tria illa, scilicet *res corporalis, jus & actio*, arcte cohærent, nec possunt aut debent divelli, hinc quævis præscriptio, diverso saltem respectu, rem corporalem, jus & actionem afficit. Hoc uti ex inductione omnium exemplorum facile constat, ita duobus saltem, rei huius fidem faciemus. Fac me possidere rem tuam animo domini, successu temporis acquiro *rem, dominium & rei vindicationem*, tibi verò illa omnia pereunt: Aut me tibi debere centum, quæ intra statutum tempus non exigis, tum igitur per præscriptionem *jus & actio*

*tua* tollitur, & *centum* quæ debebam alterius conditionis esse incipiunt, antea erant tibi debita, nunc pleno jure mea.

3. Rectius igitur varietas præscriptionis sic explicatur. Poterit illa præcipue tripliciter considerari, (1) *ratione objecti*, tum est vel *jurium & actionum realium* vel *personalium*, quæ varia objecta iterum habent, res proprias, servientes, debitas, damna vel pœnas, easque vel civiles, vel criminales, quæ omnia adeo præscriptioni quoque subjacent. (2) *temporis*, intra quod completur, quo respectu, varix species, in jure præsertim Romano, occurrunt, datur enim præscriptio aliquot dierum, mensium, annalis, biennii, triennii, quadriennii, quinquennii, decennii, vicennii, tricennalis, quadragenaria, quinquagenaria, immemorialis, centenaria (3) *modi*, quo illa peragitur, ubi observandum, quod summam tria agere queamus, vel enim jus aliquod, quod penes alterum formaliter est, in nos transferri, vel ex jure alterius, aliquam particulam, sub novo nomine & forma, nobis attribui, vel à jure, quod alter in re nostra habet, liberari cupimus, hinc triplex est Præscriptio, *Translativa*, quæ jura formaliter existentia, sub eadem forma in alium transfert, exemplum est in dominio, quod mediante contractu similive actu, cum tertio celebrato, acquirimus: *Constitutiva*, quæ jura virtualiter saltem penes alium existentia, sub nova forma alii largitur, exemplum est in dominio utili & servitutibus, quæ contra dominum verum, hac præscriptione acquiruntur; *Extinctiva* s. *Privativa*, quæ jura nobis molesta extinguit, exemplum est in servitutibus, quas quis in rebus nostris acquisivit & quæ præscriptione iterum tolluntur, nec non

non in juribus personalibus, quorum vi, varia à nobis exigi poterant, quæ divisio suboluit *JECTO in l. 4. §. fin. b. t.* Non est autem, quod quis hic argutetur, omnem scilicet præscriptionem diverso respectu constituere & tollere, adeoque translativam, constitutivam & privativam simul esse, nam utut hoc ita sit, attamen ob casuum, requisitorumque varietatem, nec non intuitu juris, de quo præscribendo quæritur, recte illæ denominationes separantur, atque à potiori respectu, aliqua præscriptio, nunc hoc, nunc illo nomine insignitur.

4. Quæ autem Præscriptionis sint requisita, id una tractatione ostendi commodè non potest, sed potius illa ex objectis specialibus, seu indole jurium præscribendorum æstimari debent, neque enim quodvis jus, quævis requisita admittit. Quod si tamen in genere quid dicendum sit, tum requisita juxta tres species generales, translativam scilicet, constitutivam & extinctivam præscriptionem, statui possunt, ex objectis specialibus amplius deinceps illustranda & confirmanda. Sed vulgo in recensendis requisitis ad dominium respicere, ac deinceps illa, ad alia quoque jura, reclamante licet sæpe horum naturâ, applicare solent, quam docenti rationem etiam *AUTOR* lequitur, nam præcipue quidem ad dominium respicit, nonnunquam tamen ad alia etiam jura delabitur. Multum autem incommodi, confusam illam docendi rationem parere, accedente in primis falsa, de distincta rerum corporaliû, jurium & actionum præscriptione, persuasione, per se patet. Quod si insuper consideres juris Romani incertitudinem, ejusque cum jure Germanico collisionem, falsasque de jurium horum

valore & autoritate hypotheses, quas interpretes favore solent, tum facile intelliges, quantum incertitudinis, confusionis, falsarum opinionum, ac materiæ, instruendis, fovendis augendisque litibus idoneæ, heic sublit, & quandum adeo, in hac legislationis & doctrinæ parte, desiderare licet.

## OBSERV. MXXXIV.

*Adjectio domini*) Ut jam diximus, doctrina *AUTORIS* præcipue pertinet ad dominium, quod etiam ex definitione allata liquet, aliquando tamen generalis illa evadit. Circa dominium duo casus sunt separandi, vel enim (1.) *verus dominus rem suam alii concedit, sed titulo inhabili, vel saltem patitur, ut alius eam teneat*, hoc casu præscriptio constitutiva, positis requisitis, præcipue obtinet, ac quoad emphyreusim, superficiem, & feudum occurrit, similisque est præscriptioni servitutum, nec ad eam indistinctè quadrant requisita, quæ hic referuntur; nam *titulus* non occurrit, aut si asseratur, alio plane sensu sumitur, deficit *traditio* ex titulo habili facta, imo nec *bona fides* hoc casu, jure civili videtur necessaria. Vel (2.) *res præscribenda, sine voluntate domini, à tertio in aliquem transfertur*, ad hunc casum *AUTOR* præcipue respexit, & eo pertinent vulgaria illa quinque requisita, hic etiam, modo licet paululum immutato, pertractata; *bona fides, justus titulus, traditio, res non vitiosa & possessionis continuatio*, ut vel ex hoc domini exemplo liqueat, quantopere confusa tractatio solidæ cognitioni obster.

## OBSERV. MXXXV.

*Obst. l. 15. §. 16. junct. l. 44. §. 1. de damn. infect.)*  
Ut quis rem propriam usucapiat, id natura rei non per-



permittit, nec obsunt verba d. l. 15. §. 16. *non prius incipere per longum tempus dominium capere, quam secundo decreto à Pratore dominus constituatur*, nam non de rei veritate, sed de opinione Prætoris ac Missi, illa sunt accipienda. Nimirum missio ex secundo decreto, semper fit ea intentione, ut missus dominium consequatur, hinc ex opinione Prætoris Missus, dominus est, quod si contumax possessor dominium hebauerit, tum opinioni veritas respondet, & nulla præscriptione opus est, si autem præter intentionem Prætoris & Missi, dominus haud fuerit, tum Missus saltem constituitur in conditione usu capiendi.

OBSERV. MXXXVI.

*Res mere facultatis*) Hæc sunt jura, quæ res & actiones proprias respiciunt, ut dominium & libertas. Hæc autem jura in se omnino præscriptibilia sunt, sed non aliter præscribuntur, quam si alius eo nomine possessionem acquisierit quamdiu adeo hæc deficit, tamdiu jura illa, *res mere facultatis* audiunt. Possessio autem, *solo domini non usu*, non inducitur, nam cum regulariter nemo attendat, quomodo dominus sua re uti, aut actiones indifferentes exercere velit, ideo solus ejus non usus, alium in possessione non constituit, hinc licet v. gr. agrum diu sub hoc nomine possederis, cum tamen in hortum convertere quovis tempore licebit, aut licet longo satis tempore, certo in loco habitaveris, habitationem tamen mutare poteris. Ad inducendam igitur possessionem, requiritur ut alter factum possessorium exerceat, id quod fit quoad actiones, sola prohibitione & alterius acquiescentia, quoad res vero, si vel tertius rem alterius in suam omnino recipiat possessionem (qui casus adeo notus est,

est, ut ejus intuitu fere unice, præscriptionem cum suis requisitis considerent vulgo) vel domino inhibeat, ne v. gr. altius tollat, cerevisiam coquat &c. ac dominus prohibitioni acquiescat, quo facto, præscriptio procedit. Aliter se res habet in juribus, quæ *res & actiones aliorum* respiciunt, nam nisi hæc is, cui competunt, exerceat, vel usu proprio, vel interdictione alteri facta, cum ille qui debebat aliquid, statim in possessione libertatis constituitur, cum enim ex communi affectu, homines ab onere aliquo liberari cupiant, ideo oportebat illum, cui aliquod jus in re aliena competit, id exercere, cum sciret alterum semper habere affectum recuperandæ libertatis adeoque per illum constitui in possessione, nisi perpetuo urgeatur, hinc est, quod jura personalia & servitutes affirmativæ solo non usu pereant, negativæ vero servitutes facto contrario, à domino prædii servientis suscepto, tollantur. Non igitur differunt res meræ facultatis & reliqua jura in eo, quod illæ non sint præscriptibiles, hæc præscriptibilia, nec in eo, quod possessio aliquo casu non sit necessaria, sed in eo potius, quod aliter possessio inducatur quoad illas, aliter quoad hæc, ut ex dictis constat.

## OBSERV. MXXXVII.

*Non etiam si rem hæreditariam, licet m. f. alius alienaverit*) Contrarium verius videtur, nam licet ob defectum possessionis, ex subtilitate juris civilis, furtum non committatur, quod vult d. l. 1. §. 15. *si is qui test. lib.*, attamen alienatio illa in crimen expilata hæreditatis quodammodo incidit, hoc vero, perinde ac furtum, rem reddere poterit vitiosam, ut taceam, nimis dilutum esse illud requisitum Romanum, quo ad furtum,

tum, præviam possessionem requirunt, cum aliàs omnis recta ratio jubeat, ut non ex possessione, sed potius jure pleniori, ob quod res alterius est, furti moralitatem repetamus.

## OBSERV. MXXXVIII.

*Aut, si dominus rem oppignoratam, creditori surripuit, (creditoris)* Fuit hæc res inter JCTos, qui circa usucapionis requisita sæpe mirum in modum tricati sunt, controversa ceu liquet ex l. 4. §. 21. b. t. & l. 5. pro emptor. Interim contraria sententia verior, nam quando debitor pignus surripit, tum quidem intuitu creditoris & juris pignoratitii furtum committitur, alit ratione dominii, nullum vitium contrahitur, hinc, ut illud usucapi possit, nulla purgatione prævia opus est, sed usucapio statim locum habere potest, quod etiam disertè d. l. 4. §. 21. b. t. & l. 5. pro emptor. asseritur. *PALLUM* in l. fin. b. t. inconsultis *LABEONI* contradicendi puritus, in transversum egit, ut in contrarias partes iret, adeoque veritati & sibi ipsi contradiceret, cujus sententia eodem, i.e. nullo, judicio probata est in l. 6. C. pro emptor. quorum textuum adeo nullam esse habendam rationem hæcenus putem; Nimis sane oscitanter heic versatum esse *PAULUM*, ex l. 4. §. 21. b. t. etiam liquet, dum ait: *Si rem pignori datam, debitor subripuerit & vendiderit, usucapi eam posse*, *Cassius* scribit: *quia in potestatem domini videtur pervenisse* nam ratione in se quidem non malam, pessime esse applicatam, quivis facile videt. Alii ut *HUBER* in pos. ad ff. b. t. n. 3. & *BERGER* in resolut. b. t. qu. 3. inter pignus à debitore surreptum & hypothecam ab eodem alienatam distinguunt, ac illud usucapi posse, non hanc, per l. 66. de furt. eoque pertinere

*l. 6. C. pro emtor.* exillimant, ut hæcenus inter pignus & hypothecam sit discrimen. Enim verò illa distinctio repugnat *l. fin. b. t.* quæ diserte pignoris surrepti usucapionem negat, antequam in potestatem creditoris redeat, hinc per eam nulla textuum conciliatio, quam tamen auctores illi intendunt, fieri potest; Deinde etiam in se falsa est, quis enim concederet, hypothecam alienatam magis esse vitiosam quam pignus surreptum, cum in surreptione utique majus crimen sit, siue animum ac audaciam, siue effectum consideres? nihil etiam ad rem facit *d. l. 66. de furt.* nam ibi nihil aliud dicitur, quam quod debitor ratione creditoris faciat furtum, quod autem hypotheca alienata, etiam ratione domini fiat vitiosa ad effectum impediendæ usucapionis, neutiquam ibi adstruitur, quanquam nec prius absolute verum est, de quo dixi *Observ. 671.* Rectius igitur hæc res explicatur, si admissio dissensu, *l. fin. b. t.* & *l. 6. C. pro emtor.* velut rationi repugnantes, improbemus.

## OBSERV. MXXXIX.

*Nam hac nunciatio poterat quadriennio præscribi. - & deinde ipsa res longo tempore)* Sed hæc videntur esse otiosæ ambages, si enim nunciatio quadriennio excluditur, tum possessor ratione rei jam est securus, quid ergo opus nova præscriptione? Videtur igitur sic potius dicendum, (1.) res fisco incorporatæ, consueto tempore, scilicet 3. 10. 20. annorû, non usucapiuntur. (2.) sed res vacuæ & caduæ, nondum nunciatæ, quadriennio usucapiuntur *l. 1. C. de quadr. prescript.* de quo tempore §. 4. 7. & *l. 18. b. t.* commodè accipi possunt, (3.) quæstiones fisci criminales regulariter vicennio præscribuntur *l. 13. de div. & tempor. prescr.*  
add,

add. BACHOV. ad §. 4. de j. Usuc. PERETZ ad C. de quadr. præscript.

## OBSERV. MXL.

*Per quod correctum jus antiquum*) Aliter sentit STRUV. in j. For. l. 2. tit. 9. §. 30. qui nulla ratione juris antiqui & novi habita, certis saltem casibus denunciationem extrajudicialem admittit. Adhuc aliter sentit STRAUCH exercit. 8. §. 16. existimans, ne quidem per litis contestationem interrumpi usucapionem per l. 2. §. fin. pro emt. l. 2. pro donat. l. 18. de R. V. l. 9. §. 6. ad exhib. tum etiam ob rationem, quod mala fides superveniens usucapionem non interrumpat. Concedit tamen præscriptionem litis contestatione interrumpi per l. 2. 10. C. de long. temp. præscript. l. 26. C. de R. V. Enim vero uti frustra STRAUCHIUS usucapionem & Præscriptionem (ad dominium relatam) adhuc distinguit, ita nulla sententiis relatis mihi placet, sed arbitror potius, quod etiam jure veteri, sola interpellatione extrajudiciali usucapio fuerit interrupta, satis enim illa affectû domini ostendit, quod in interruptione præcipuè spectandum est Nec obstant text9 in contrarium allegati, vel enim loquuntur de litis contestatione remissa ac inefficaci, ut l. 2. §. fin. pro emt. vel jus præscribendum non attingente, sed aliud potius concernente ut l. 2. pro donat. l. 9. §. 6. ad exhib. vel agunt de Usucapione summo quidem jure non, attamen in effectu, interrupta ut l. 18. de R. V. Præterea non obest ratio allata, nam simplex quidem mala fides, qua simpliciter rescisco, rem esse alienam, usucapioni non nocet, ast si illa sit stipata affectu domini, rem suam postulantis, tum utique eam inter-

rumperē apta est. Sed forte operæ pretium non est obsoletis ejusmodi tricis immorari!

TIT. IV. seqq.

PRO SOLUTO, EMTORE &c.

OBSERV. MXLI.

**S***Ive ex vero sive putativo debito*) Quemadmodum Titulus in præscriptione constitutiva & Privativa non requiritur, sed tantum ad Translativam pertinet, ubi res aliena mediante Tertio, in alium transfertur, ita ne quidem in hæc semper est necessarius. Interim Jcti de tituli necessitate semel persuasi, in casibus, ubi titulus non adest, tamen titulum finxerunt. Eo etiam spectat Titulus *pro soluto*, nam hic perinde non est ac titulus *pro tradito*, solutio quippe & traditio, titulus non sunt, sed aliquem præsupponunt eumque consummant, seu id, quod ille exigebat, præstant.

OBSERV. MXLII.

*Quando verus hæres possidet rem non hereditariam tit. 6.)* Poterit hæc *Tituli pro Herede* explicatio, omnino admitti, qui enim succedit, res velut ex donatione accipit, quæ ad usucapionem sufficit, & si ex legato rei alienæ usucapio sequitur, cur non etiam ex successione in rem alienam? Interim non idem hic omnes senserunt, ceu ex *l. p. pro hered.* liquet, hinc contraria sententia etiam in *l. fin. C. eod.* occurrere videtur. *add. THOMAS. in not. ad Huber posit. ad ff. b. t.* Non improbabilis quoque est illa explicatio, qua Titulus pro herede esse existimatur, quando hæres rem, quam defunctus mala fide possidebat, propria bona fide, ex sua persona usucapit, cujus *AUTOR sit. de Usucap. lit. fr.* fecit mentionem, licet enim nonnulli, & in specie

Dn.

*Dn. BERGER in resolut. ad d. t. qu. 5.* illam Usucapionem nolint admittere, attamen textus, quibus utuntur, nihil aliud evincunt, quam quod hæres ex persona defuncti usucapere, ejusque accessione uti nequeat. Et cum nonnulli ex dissentientibus concedant, rem defuncto v. gr. commodatam, ab hærede posse usucapi ex *l. pen. pro heret*, non videntur sane negare posse, quin eandem sortem subire queat res à defuncto malà fide possessa, illam enim hic non potuit usucapere ob defectum tituli, hanc, ob malam fidem, si verò illam usucapere potest hæres, cur non & hanc? Denique non absurdum videtur, si Titulum pro Herede, hic eodem modo accipiamus, sicut ille accipitur circa hæreditatis petitionem, ut Usucapio pro hærede sit, quando non hæres contra verum hæredem, hæreditatem præscribit, nec obest, quod hæreditas 30. annis præscribatur *l. 7. C. de hered. petit.* hic autem de Usucapione sermo sit, nam ille terminus forte olim non obtinuit, sed recentioris instituti, ac ideo tandem assumptus videtur, quod hæreditatis petitio, actio mixta sit.

## OBSERV. MXLIII.

*Est specialis tit. II.)* Titulus pro suo specialis, itidem saltem titulus putativus est, perinde ac titulus pro soluto, nam sive res ex falsa causa tradatur, sive tanquam nullius occupetur, neutro casu titulus occurrit, sed saltem fingitur. De cætero ultimum exemplum à Titulo pro derelicto, in eo differre videtur, quod hic præsupponat amissionem domini voluntariam, illud verò involuntariam.

## LIB. XLII. TIT. I.

DE RE JUDICATA ET EF-  
FECTU SENTENTIARUM ET IN-  
TERLOCUTIONIBUS.

## OBSERV. MXLIV.

**S***ententia*) Unaquæque gens civitate & Magistrati-  
bus gaudet, aut illa nimium vi libertatis suæ effi-  
cere potest, hinc sententiæ judiciales omnibus Gen-  
tibus sunt notæ. Porro ut Judex leges probè cogni-  
tas ad factum rite applicet, sepositis pravis affecti-  
bus, id quoque leges naturales & communia pru-  
dentia decreta exigunt. Denique, ut sententiæ sal-  
tem pro ratione intentionis Judicis operentur, id e-  
tiam naturale est, hinc alius effectus est sententiæ  
simpliciter condemnatoriæ vel absolutoriæ, alius,  
quæ partim condemnat, partim omittit, partim im-  
probat desiderata actoris *vid. BERGER resol. b. q. i.* Le-  
ges igitur positivæ circa sententiam, fere *modum pu-  
blicandi* præscribunt, earumque *autoritatem* magis de-  
finiunt, qua quidem in re magis ordinationes pro-  
cessuales, quam leges Romanæ, consulendæ erunt.

## OBSERV. MXLV.

*Modo juret sibi de causa non liquere*) Pertinet hoc ad  
judices Romanos *vid. POLLET. Histor. for. Rom l. 3. c.*  
*10.* & hodie nullum habet usum, quemadmodum etiam  
ea, quæ de prærogativa in casus dissensus dicuntur,  
hodie raro locum invenient, hinc etiam *CAROZOV. d.*  
*12.* non de dissensu judicum sed eligentiū agit. Quod  
si tamen inter judices nostros aliquando sit dissensu,  
tum simpliciter *votorum pluralitas attenditur, favor*  
*can-*



*causa vel rationis pondus*, lubrica nomina sunt, ex quibus dissensus decisio repeti nequit.

## OBSERV. MLXVI.

*Sententia lata non tollit obligationem*) Sententia absolutoria accuratè loquendo; non tollit obligationem, sed eam non adfuisse probat, & quidem ita, ut post decendum probatio in contrarium non admittatur, an verò quis post sententiam, omnem obligationem negare, an summo jure adhuc qualem qualem asserere velit, id perinde est, quia harum tricarum nullus est hodie effectus, nam eum, qui in specie ex d. l. 60. de cond. et. indeb. deducitur, parum rectè se habere, Observ. 363. ostendi. Quod autem sententia interlocutoria à iudice retractari queat, ceu paulo post *AUTOR* asserit, id & de jure civili dubium, vid. *BERGER* in resolut. b. qu. 3. & eodem admissum, hodie nullius est usus, nam ex sententia semel publicata, partibus jus acquiritur, quod invitis non eripiendum.

## OBSERV. MXLVII.

*Juramento suppletorio sententia lata*) Hoc casu non tam retractatur sententia lata, quam potius ex novo fundamento & cui hætenus per sententiam non est præjudicantum, lis instituitur, perinde ac si contra illum, qui ex emtione conventus absolvebatur, deinde ex donatione vel aliò titulo agas. vid. Observ. 338.

## OBSERV. MXLVIII.

*Actio rei judicata*) De hac plura tradidit, *STRAUCH*. dissert. 28. §. 5. seqq. de cætero mira res est, quod actio post actionem sit instituenda; quæ nisi fallor, magnam fori Romani corruptionem arguit. Merito

igitur illæ ambages exulant, quamvis nec hodie Executio valde maturari soleat *add. DECIS. SAXON. II.* In specie usurarum centesimarum, hodie non videtur esse usus sed potius usuræ consuetæ sine induciis currunt, donec auctori satisfactum sit, *vid. BRUNNEM. ad l. 1. C. de Usur. rel jud.*

## TIT. II.

## DE CONFESSIS.

## OBSERV. MXLIX.

**C**onf. ssio) Si quis de se ipso confideatur, tum, si nihil sit, quod fidem elevet, etiam jure naturali hoc pro vero est habendum; In universum autem tam ex conditione personæ confitentis, quam rei, de qua fit confessio, hoc æstimari debet. Quia tamen alia fides est historica aut philosophica, alia juridica, post quam effectus aliquis satis molestus, nonnunquam sequitur, ideo facile liquet, in determinando confessionis valore, multum tribuendum esse legi positivæ.

## OBSERV. ML.

*Civilis judicialis qua fit in jure*) Hodie quidem peculiaris instantia, quæ juris nomine veniat, non occurrit, interim ei comparari solet ille tractus, qui litis contestationem antecedit. In hoc ergo si quis confideatur, tum quæritur, an sententia judicis sequi debeat, an vero statim ad executionem procedendum? Nihil inter hæc valde interest, si ex æquo & bono, remotis ambagibus, procedatur, ast cum ejusmodi processus non occurrant, sed potius per longas moras duci lites soleant, ideo ex hac hypothese multum refert, utrà partem eligas. De cætero ultimum omnino tamdiu dicendū, quamdiu lege positiva aliud non est

est constitutum, Nec dissentit *CARPZOV. d. p. 2. C. 3. D. 8. n. 10.* nam videtur loqui de confessione, quæ post litem contestatam secuta erat.

## OBSERV. MLI.

*Confessio facta presente adversario*) Hoc non simpliciter requirere videtur *7Ctus in d. l. 6. § 3.* sed de eo potius quærit, illudque in medio relinquit. Quod si tamen id admittas, hodie nullius usus erit, cum videatur ex illa hypothesis, quod ex actu alterius, tertio absenti jus non quæritur, fluxisse, neque etiam confessio & condemnatio, quod *d. l. 6. §. 3.* urget, in omnibus circumstantiis convenire debent.

## OBSERV. MLII.

*Obligatur qui confitetur ex errore juris*) Sed hodie indistincte errantem excusandum esse arbitror, nam cum olim interrogationes in jure fierent, ideo confessio non tantum rationem actus *prohantis*, sed & *obligatorii* habebat, hinc magna cum circumspectione ad eam accedendum erat, sed hodie illa saltem ad probationem & condemnationem pertinet, hinc inhumanum foret, si promittitudinem, qua quis ultra obligationem confessus est, in perniciem ejus vertamus, hoc sane nihil aliud esset, quam homines à confessione deterrere, ac, more Rabularum, ad strenuam negationem adigere. Admissa autem illa sententia, non indigemus captiosa limitatione: *nisi agatur de rebus propriis amittendis*, quam *AUTOR* subjicit, & cujus sensus, etiam de jure civili, nondum est ad liquidum deductus.

## OBSERV. MLIII.

*Judicio, habet vim probationis*) Adeoque sententia confessionem illam sequi debet, sed hoc ne præ-

cise necessarium est, nec ex *d. l. 74. de judic.* satis probatur, interim ita servari, facile concesserim, cum magis ad aplices processus, quam æquitatem respici soleat. Quæ de confessione civili extrajudiciali, ut & criminali, amplius docet *AUTOR*, illa omnia ex communibus ratiocinandi principiis, æquitatisque decretis profluunt *add. DECIS. SAXON. 91.*

## TIT. III.

## DE CESSIONE BONORUM.

## OBSERV. MLIV.

**C***Esio hic est actus*) Ut debitoribus, sine sua culpa ad incitas redactis, parcamus, neque in corpore vel membris eos lædamus, id lex naturalis exigit, nec debet ille socialitatis gradus in vita civili negligi. Præterea creditores, positis certis circumstantiis, ex humanitate obligantur, quo aliquid vitæ solatium misero debitori relinquunt, sed hic socialitatis gradus sublimior, nec ad conservandam pacem, perinde ut prior, necessarius est, hinc ejus executio, cujusvis conscientiæ saltem committi solet. Ex primo præsupposito fluxit cessio bonorum apud Romanos, nam per eam feritati creditorum, qua ultra modum in debitores etiam infantes aliquando sæviebant, occursum est, illique bonis, quæ aderant, contenti esse, jussi sunt, prout *AUTOR* hic explicat.

## OBSERV. MLV.

*Hodie tamen quibusdam in locis actum ignominiosum facere debet*) Sed nisi ad decoctores hoc restringas, leges ejusmodi vel consuetudines excusari nequeunt. Interim ita alicubi observari solet: In Francia præsentis in iudicio, aperto capite, discincti, sive abjecta

jecta Zona,cedere coguntur. In pluribus Italiæ locis obæratuſ in loco publico nudos nates ter ad lapidem vel columnam percutit, clamitando: Cedo bonis. Romæ leonem marmoreum aſcendit, qui eſt in pede ſcalari Capitolii, natibus percuſſis, eadem verba proferens. Patavii lapidi turpitudinis ſeu viduperii, qui dicitur, poſteriora denudatus inſidet. Simile in Sædaudia conſtitutione Ducis Amadæi obtinet & ſtatutis Medio lanenſium, prout ex aliis illa refert *HIL-LIG. ad Donell. l. 27. c. 9. lit. Hb. add. LUC. VAN DE POLL. de Exbarch. c. 26. n. 18.*

## OBSERV. MLVI.

*Hoc privilegium multis in locis abrogatum eſt*) Quoad debitores innocentes, de quibus hætenus ſermo fuit, idem abrogari nequit, aſt decoctores, duriter merito tractantur, cum pœnam meruerint. Interim verum eſt, quod ceſſio Romana raro in foris Germaniæ occurrat, pauci enim debitores ſine ſua culpa ad incitas rediguntur, ſed plerique otio, luxu aut imprudenti negotiatione malum ſibi attrahunt, adeoque ex rationibus naturalibus & civilibus, illa locum habere nequit. Præterea beneficiû ceſſionis eſt valde macilentum, nihil enim aliud obtinent debitores, quam ne in corpore aut exiſtimatione affligantur, bona autem omnia cum dura triſtique egeſtate commutare debent, ac ratione reſidui inſuper manent obligati, ſed omnes debitores, fontes & inſontes, lautius haberi volunt, adeoque iſto remedio ſibi non ſatis proſpici exiſtimant, hinc vel ſolum vertunt, bonis quandum fieri poteſt, ablatis, vel cum creditoribus tranſigunt, pars etiam bonorum aliis in prædam cedere ſolet, de quo multis agere, inſtituti ratio non permittit.

## TIT. IV. V. VI.

## QUIBUS EX CAUSIS IN POSSESSIONEM EATUR &amp;c.

## OBSERV. MLVII.

**M***isſo ex primo decreto*) Quemadmodum jus coercendi delicta & in specie contumaciam judicalem, est penes unamquamque civitatem ab eaque Magistratibus inferioribus, prout viſum eſt, delegatur, ita modum reprimendi ea, lex civilis determinat. Quid Romanis hac in parte placuerit, hoc & ſequenti titulo exponitur. Sed in Saxonia Electorali illæ miſſiones ad coercendam Rei contumaciam, in proceſſu commiſſam, non adhibentur, verum pro ratione Proceſſus ordinarii, ſummarii vel executivi, alia eaque diverſa coercendi ratio obtinet, nec dubitem, alias etiam Provincias peculiari jure hic uti, ut Romanorum forſitan exiguus ſit uſus.

## DE PRIVILEGIIS CREDITORUM.

## OBSERV. MXLVIII.

*Præferuntur*) Ordo & prærogativa creditorum partim ex *communibus æquitatis principiis reſultat*, dum ſcilicet illi, qui ſeparatum aut præſtantius jus habent, aliis præferuntur, vel ob juris æqualitatem, eadem claſſe cenſentur, partim ex *diſpoſitione juris poſitivi dependet*, dum illis, qui æqualia vel infirmiora jura habent, prælationis privilegium conceditur.

## OBSERV. MXLIX.

*Cujus dominus eſt actor*) Juxta hæc utique naturale eſt, ut dominus ratione rei propriæ, penes debitorem adhuc exiſtentis, aliis omnibus præferatur nam reli-

qui

qui creditores sua debita ex bonis debitoris saltem petere possunt, hinc domino rem suam vindicanti, molesti esse non debent. Inter mercatores hæc res in primis usum habet, quoad merces, quas dolose compararunt debitores, aut quæ ipsis vendendæ datæ sunt, die si in commissionem habent.

## OBSERV. MLX.

*Extraordinario Prætoris beneficio*) Si plurium debitorum bona in eadem persona concurrant, ita ut vel adhuc separata sint, vel commode separari queant, tum æquitas jubet, ut creditoribus ex singulis bonis, quæ in contrahendo respexerunt, satisfiat, quo ita unusquisque vel imprudentiæ suæ poenam luat, vel diligentiae providæ fructu gaudeat. Separatio igitur Romana non à solo Prætoris arbitrio dependet, sed ex æquitate fluit, hodie tamen non adeò necessaria est, quia bona defuncti & Heredis virtute inventarii vel juratæ specificationis, separata manent. Idem obtinet, si unus debitor diversas exerceat negotiationes, & singularem intuitu, peculiare habeat creditores, nam hi quoque ex bonis, quæ respexerunt, suum recte petunt, aut etiam illis contenti esse debent, licet dissentiat STRUV. S. J. C. exercit. 44. §. 66. ideo quod ea, quæ de servis, intuitu actionis tributaria, disposita sunt, ad liberos pebitores non recte transferri videantur. Sed illa ratio forte valeret, si separationis beneficium ex legibus Romanis unice dependeret, aut cum sit juris naturalis, actam quoad negotiationes servorum, quam liberorum hominum, idem præsupponat fundamentum, merito etiam generaliter asseritur.

## OBSERV. MLXI.

*Qui singulare prælationis jus habent*) Prærogativa  
cre-

creditorum quæ n. l. ll. IV. expenditur, à jure positivo est, hinc variae quæstiones dubiæ & statuta difformia hic non desunt. Inprimis quoad tributa, res satis controversa est *vid. BERGER in resolut. b. qu. 2. THOMAS, in not. ad Strauch, Dissert. 28. th. 19.* Quemadmodum etiam non satis liquet, an illi, qui in prima classe sunt, si bona omnibus non sufficiant, pro rata, an juxta prærogativam privilegii, suum consequi debeant *vid. CARPZ. p. 1. C. 28. D. 12. STRUV. S. J. C. exerc. 44. §. 47. 48.* inprimis igitur in his quæstionibus usus fori attendendus videtur.

## OBSERV. MLXII.

*Uxor etiam putativa*) In editione de anno 1698. legitur: *Uxor vera non etiam putativa obft. l. 22. §. fin. solut. matrim.* sed non dubito, quin præter mentem *AUTORIS* sicut supra *lib. 20. tit. 2. n. 6.* Corrector hic nimis audax est, dum statim mutat, quæ sibi falsa videntur, licet non plane improbari alias debeant, nam lectio vulgaris hic utique veram thesin exhibet, si de uxore ignoranter putativa accipiatur, utut aliud forte, juxta opinionem Correctoris, obtineat, si scienter inhabilis ducatur, *vid. Obf. 664. ad desis quoad privilegia uxorum DECIS. SAXON. 4. §. 6. 7.*

## OBSERV. MLXIII.

*Quoad paraphernalia autem*) Ubi ususfructus in bonis uxoris, marito competit, ibi bona paraphernalia & dotalia, quoad repetitionis privilegia, pari passu ambulare debent, nec licebit ex rationibus Romanis hanc rem æstimare, hinc in Saxonia etiã generaliter fit mentio bonorum illatorum, des eingebrachten Güts *p. 1. C. 28.* Cæterum cum jure Saxonico Electorali, mulier, ratione illatorum, præferatur tantum hypo-



hypothecis tacitis, non etiam expressis, inde perplexa oritur quæstio de prælatione, si concurrant hypothecarius tacitus primus, expressus secundus, & ratione temporis, tertio loco foemina quoad illata, cum enim hæc alias primum vincat, non vero secundum, & tamen rursus primus secundum, secundus vero foeminam superet, hinc si regulam: *si vinco vincentem te, vinco etiam te* ex l. 14. §. 3. de div. tempor. præscript. huc trahas, tum eadem pro omnibus & contra omnes adhiberi potest, ceu probe ostendit CARPZOV. p. 1. C. 28. D. 175. ut similis hic adsit circulus, adque in illo certamine Protagore & Evathli, de quo GELLIUS N. A. l. 5. c. 10. Interim pro foemina vulgò pronuntiare solent, ideo quod ejus causa censeatur esse favorabilior, id quod cum aliquo temperamento, probat etiam Dn. BERGER in resolut. h. qu. 4. censens insuper, quod crux, quam sibi fixerit Carpzovius, facile tollatur, si dicas vulgatam regulam *valere saltem in successorio aquabili, non ubi diversi ordines configantur.* Cæterum uti hoc aliis dijudicandum relinquo, ita quoad ipsam prælationem, mihi probabilius videtur, quod in casu allato simpliciter tempus attendi debeat, adeoque foemina ultimo loco locanda sit, nam illa quidem vincit hypothecarium tacitum, sed probabiliter eo saltem casu, si solus reperitur, non vero, si sub clypeo velut interjecti Creditoris expressi, contra eam tutus sit.

## OBSERV. MLXIV.

*Hoc Dd. extendunt ad casum, quo quis in re vendita sibi hypothecam reservavit*) Illa extensio non adeo recte se haberet, cum hic omnino plus juris habeat, quam illi qui in re, pecuniâ suâ, empta vel receptâ, hypothecam

cam sunt consecuti, hi enim ad secundam classem tinent, sed ille omnibus præfertur, non secus ac si jure domini rem vindicaret, pignore enim tempestive constituto, omnium aliorum Creditorum jura antevertit, adeo ut in ea re omnibus potior, ac illa à reliquis debitoris bonis plane separata sit, hinc in specie talis Creditor tributis & collectis, quæ ad primam classem retulit *AUTOR*, præfertur, *vid. DECIS. SAXON. 63.*

## OBSERV. MLXV.

*Pupilli quorum pecunia res comparata est*) Nec hi recte ad secundam classem referuntur, cum itidem plenius jus habeant, possunt enim rem vindicare ex dominio acquisito, vel, si malint, jure hypothecæ pecuniam exigere, hinc hæc hypotheca plane singularis, ceterosque Creditores omnes excludens, existimanda est *add. Observ. 663.*

## OBSERV. MLXVI.

*Hi invicem concurrentes collocantur ex tempore*) Alii certos ordines constituunt, unumque alio magis privilegiatum censent, sed in iis designandis non plane consentiunt *vid. HUBER in pos. ad ff. qui potior. in pignor. n. 3. seqq. STRALICH. dissert. 28. §. 19.* hinc sententia Autoris, ex solo tempore illorum prærogativam æstimantis, rationi magis consentit & planior est, nec obstat *Nov. 97. c. 3.* nam mulierem non ob privilegium, sed temporis prioritatem aliis privilegiatis præferri docet.

## OBSERV. MLXVII.

*Simplices hypothecarii*) Horum prærogativa naturalis est, bonis enim non sufficientibus, is qui priorem & legitime constitutam hypothecam habet, solus  
cen.

cenſetur juſ habere, reliqui à debitore decepti ſunt, interim in modo conſtituendi hypothecam, lex poſitiva nonnunquam quædam præſcribit. Porro ut creditores chirographarii, de quib9 *n. V.* ſecundum proportionem geometricam, ſuum conſequantur, id etiam naturale eſt ex certa hypothefi, ſi ſcilicet ſupponas, illos omnes ſaltem habere perſonam debitoris obligatam, nam tum diverſitas temporis haut attendetur. Interim illa hypothefis non eſt adeò neceſſaria, cum obligatio perſonam quidem debitoris concernat, ſed cum reſpectu ad res, hinc in chirographariis etiam temporis ratio habenda videtur, cum priorum juſ efficiat, ne cum effectu poſteriorib9 debitor obligari queat, prior tamen ſententia hætenus prævalet.

## OBSERV. MLXVIII.

*De jure civili*) Id dubiæ eſt æquitatis, an quis cum forte etiam uſuras in eâdem claſſe conſequi, aut harum intuitu, aliis Creditoribus poſtponi debeat, hinc jura poſitiva in hujus rei determinatione variant. Jure Saxonico uſuræ poſtponuntur, exceptis nonnullis caſibus, *vid. DECIS. SAXON. 8. 9. 10. STRUV. S. 7. C. exerc. 44. §. 58.*

## TIT. VII.

DE CURATORE BONIS  
DANDO.

## OBSERV. MLXIX.

**C**urator bonorum eſt) Quemadmodum caſus ille, quo Curator bonorum eſt neceſſari9, apud omnes gentes accidere poteſt, ita & ejus conſtitutio illuſq; ut & Conſtituentiũ officium, fere ex comuni9 principiis dependet, illa enim ſit conſenſu, hoc autem

ex consensu fuit, quod omne naturale est, ut parum sit, quod hic debeatur Romanis.

TIT. VIII.

QUÆ IN FRAUDEM CREDITORUM  
FACTA SUNT, UT RESTITUANTUR.

OBSERV. MLXX.

**A**ctio *Pauliana*) Pertinet quoque hic titulus ad concursum Creditorum, quando enim hi in bona debitoris missi, debita sua plene exinde non consequuntur, ideo quod debitor in eorum fraudem quædam alienaverit, datur ipsis potestas repetendi, quo casu manifestum est, alienationem moraliter esse nullam, adeoque creditores, ex jure debitoris veteri, ac ad se nunc pertinente, res alienatas repetere. Istam æquitatem naturalem olim in foro Romano, spretis summi juris ineptiis, ad factum applicavit Prætor Paulus, ac creditoribus actionem ad res repetendas concessit, hinc invaluit actio *Pauliana*, quam si nomen & durationem excipias, non Romanam sed naturalem esse, ex dictis constat.

OBSERV. MLXXI.

*Est Prætoria realis*) Circa explicandum actionis *Paulianæ* indolem, vulgo valde operosi sunt, ac in diversas abeunt sententias, dum scilicet nimis superstitiose, ac seposito velut rationis congenitæ usu, jura Romana tractant, sed ex nostro præsupposito res non difficulter explicari potest. Nimirum non est actio *nova* neque *realis*, ceu  
præ-

præcipit *AUTOR* neque *personalis*, quod alii volunt, sed est potius *actio vetus quæ ex jure debitoris reali* l. 10. §. 2. 3. 4 l. 3. §. 1. l. 4. 2. 18. b. t. vel *personalis* l. 1. in fin. l. 3. §. 1. l. 10. §. 14. 15. 22. l. 17. b. t. quod is, in fraudem *Creditorum*, in alios transferre, vel iis remittere voluit, à creditoribus volentibus l. 6. §. 9. b. t. in possessionem missis, suumque ex bonis debitoris residuis, plene non consequentibus l. 1. C. b. t. instituitur, ad res alienatas cum fructibus l. 10. §. 20. 21. 22. b. t. recuperandas ab iis, qui ex titulo lucrativo rem acceperunt, indistincte l. 6. §. 11. b. t. oneroso, tum demum, si doli fuerint conscii l. 9. 10. §. 2. b. t.

OBSERV. MLXXII.

*Autoro Paulo*) Quo sensu hoc verum sit, ex dictis liquet, Paulus non introduxit novam actionem, sed veterem, non obstante alienatione, adhuc superesse saltem ostendit, & (quæ erat fori Romani sollicitudo) formulam agendi peculiatem forte dedit. Porro non descendit actio hæc ex *dominio ficto*, ceu mox additur, sed potius ex *jure veteri reali* aut *personalis*, eoque non *ficto*, sed, cum alienatio moraliter nulla sit, *vero* descendit, inter jura autem realia sæpe occurrit *dominium*, quo respicit §. 6. *J. de action.*

OBSERV. MLXXIII.

*Si aliquid gestum sit*) Id omnino rationis est, ne alienationem indistincte nullam ac jura antiqua superesse dicamus, sed æquitas jubet, ut varias circumstantias attendamus, quas accurate satis observavit Prætor Romanus, docente *AUTORE* lit. C. 1. Positis autem debitis requisitis, creditores adversus accipientes agunt ad res amissas recuperandas lit. S. P. E. quæ omnia naturalia sunt, in nonnullis tamen non rectè

Romani vel interpretes sentire videntur, de quibus  
mox explicatius agemus.

## OBSERV. MLXXIV.

*Acquisitionis omissio hic non sufficit*) Est hæc res ambi-  
guæ æstimationis, adeò ut in utramque partem ra-  
tiones suppetant, hinc etiam Romani non in omni-  
bus casibus illam sententiam sunt secuti *vid. l. 45. de  
jur. fisc.* & hodie quoque scriptores distinctionem ali-  
quam hic esse adhibendam censent *vid. BERGER in  
resolut. b. THOMAS. in not. ad Huber. posit. ad ff. b. t. n.  
7.* De cæterò tamen sententia allata, quod nempe  
acquisitionis omissio fraudem non involvat, rationi-  
bus sat validis, si probe expendatur, niti videtur, ut  
regulæ locum omnino subire queat, nam creditores  
solent cum debitore contrahere ratione bonorum  
præsentium, futuris auté rationes superstruere nec  
possunt nec solent, hinc sicut nullam patiuntur inju-  
riam, si occasio acquirendi plane non occurrat, ita i-  
dem videtur dicendum, si oblata nolit debitor uti,  
inprimis cum abjicere illam soleat favore illorum,  
quibus aliàs obstrictus est.

## OBSERV. MLXXV.

*Non etiam ad usuras*) Naturaliter sortis dolose re-  
missæ, etiam usuræ præstandæ erunt, nec alia Roma-  
norum videtur esse sententia, modo sortem usurariâ  
supponas per *l. 10. §. 22 b. t.* nec obstat *l. 19. de jur. fisc.*  
per quam *AUTOR* dissentit, loquitur enim de revo-  
catione fiscali & plane singulari, quâ scilicet pecunia  
à creditore, qui sibi vigilaverat, & aliàs tutus erat,  
repetitur, ceu ex *l. 18. d. t.* collatione liquet, hæc cum  
sit quodammodo iniqua, merito restringitur. Ab  
ea

ea verò ad revocationem fraudulentè remissorum debitorum inferre non licet.

OBSERV. MLXXVI.

*De fructibus vid. l. fin. §. 4. h.)* Naturaliter omnes fructus, etiam medii temporis, erunt restituendi, quia revera ex re aliena sunt percepti, quod nisi fallor etiam voluit *ULPIANUS* in *l. 10. §. 22. b. t.* nam *commo- dum medii temporis*, de quo loquitur, videtur pertinere ad casum *rei alienae*, adeoque de fructibus accipiendum esse, cum mox de usuris sequatur, quæ ad alterum casum, *liberationis* scilicet, pertinent. Interim alia sententia sedisse videtur *VENULEJO* in *l. fin. §. 4. b. t.* quem cum *ULPIANO* vulgò ita conciliant, quod hic non de fructibus agat, quæ tamen conciliatio, ut modo notavimus, contextui videtur repugnare, malim igitur sententiam *d. l. fin. §. 8.* velut ratione & æquitati contrariam, plane rejicere, nam ratio, quæ fructus medii temporis restituendi negantur, *quod res in bonis non fuerit*, saltem summo strictoque jure obtinet, quod exigui aut nullius effectus esse solet.

OBSERV. MLXXVII.

*Intra annum utilem*) Ex hoc autem non concludendum, quod Pauliana, peculiaris & nova sit actio, nam cum vetus actio per alienationem jam sit aliquo modo imminuta, ideo Prætor imminutæ saltem annum utilem præstituit, cum alioqui integra diutius durasset. Sed an actionis Paulianæ hodie aliquis sit usus, quæri potest? Putem nullum aut exiguum esse: Nam (1.) casus ejus exercendæ rarius videtur existere, decoctores in fraudem creditorum non facile donant, venditio autem fieri quidem solet, sed sæpe in emtores ignorantes, & doli non temere convincen-

si verò dum fugam parant, merces auferant, occultent ac apud alios deponant, tum nulla fit alienatio, adeoque hic casus ad Paulianam non pertinet. Verum pone casum aliquando existere, (2.) considerandum est, quod per actionem Paulianam Creditoribus non satis consulatur, cum enim ipsis demum post immisionem ac bonorum, quæ supersunt, distractionem, res alienatas persequi liceat, quis dubitaverit, quin post tantas litis moras, persecutio vel inanis vel molestissima sit futura. Denique (3.) creditores in movenda actione Pauliana, unius personæ vice videntur fungi, adeo ut ejus effectus, omnibus prodesse debeat, atqui hoc affectu homines esse solent, ut sibi solis quam optimè prospectum cupiant, ad quem scopum Pauliana collimare non videtur! Hodie igitur Creditores sibi ita potius prospiciunt, ut res debitoris lapsi, quas vel amovit vel alienavit investigent, ac repertas arresto constringant, quo medio ipsis melius consuli, in aperto est.

## LIB. XLIII. TIT. I.

DE INTERDICTIS SIVE EXTRAORDINARIIS ACTIONIBUS,  
QUÆ PRO HIS COMPETUNT.

## OBSERV. MLXXVIII.

**I***nterdicta*) Hoc nomine, nisi fallor, tria veniunt (1.) *Edictum*, in quo Prætor ratione possessionis, aliquid sanxit, qui sensus in titulis sequentibus sæpe occurrit, dum Prætor aliquid intuitu, aquæ, fontis, rivoꝝ &c. constituisse perhibetur (2) *formula* qua in processu inhibitivo Prætor olim aliquid fieri vel omitti jussit, adeo-



adeoque id, quod in Edicto proposuerat, velut Magistratus ad factum applicavit, (3.) *actio vel imploratio*, qua læsus contra adversarium aliquit petit.

## OBSERV. MLXXIX.

*Obst. l. 2. §. fin. b.)* Locus hic omnino emendandus videtur, ita quidem ut verba finalia paululum transponamus hoc modo: *aliqua enim sub hoc titulo interdicta sunt* (jam sequi debent verba finalia) *et am recuperanda quam adipiscenda possessionis* (nam J Ctus datæ divisiones adducturus exempla, primo profert interdicta adipiscendæ possessionis, de interdictis recuperandæ, agit remissive, dicens ea propositum iri sub rubrica unde vi, addit tamen, aliqua esse sub præsentis titulo, sed quænam? Scilicet quæ verba finalia indicant, huc igitur illa trahi debent) *Redinenda possessionis sunt interdicta uti possidetis sunt interdicta, ut diximus, duplicia*, sic definire debet textus, nam ita sequuntur, juxta intensionem J Cti, tertii membri datæ divisionis exempla, ac finis cum principio legis conspirat, in hoc enim dictum est, quod interdicta uti possidetis, sint duplicia.

## OBSERV. MLXXX.

*Ratione durationis perpetua)* Hæc divisio vix admitenda, nam interdicta dari solent ob urgentem aliquam circumstantiam, quæ pro actore in signem faciat præsumptionem, adeoque processum summarium expostulet. Sed talis circumstantia lapsu temporis enervatur, hinc etiam possessorium amplius locum non inveniet. Fac aliquem ante annos viginti violenter esse de possessione dejectum, an post lapsum tanti temporis, adhuc interdicto unde vi experiri poterit? non putem, nam vitium dejectionis tanto

tempore imminutum fuit. Fere igitur eò delabor, remediis possessoris nullum certum tempus esse præstitutum, sed illa durare aut perire, prout circumstantiæ, quibus illa nituntur, vel urgent, vel vim amiserunt.

## OBSERV. MLXXXI.

*Regula*) De regulis hisce ita summatim habendum (1.) quædam indicant *naturam actionum*, quo pertinet 1. & 8. nam petitorio penitus absoluto, utique possessorio amplius locus non est, quemadmodum etiam cum possessorio retinendæ, petitorium cumulare non licet, neque enim simul possidere & rem apud alium existentem, persequi possumus, id tamen per naturam rei fieri potest, ut instituto possessorio retinendæ, jura ad petitorium pertinentia simul adducamus, quo ita justitia possessorii eo magis ostendatur, (2.) aliæ, *quid per libertatem naturalem fieri possit*, significant, quo referas n. 5. aut (3.) quædam ostendunt *quid ex præscripto juris positivi fieri debeat*, quorsum refero n. 3. 4. (quarum sensus est, judicem contra votum ac intentionem actoris in alia causa, quam quæ in judicium introducta, pronunciare non debere *add. DECIS. SAXON. 13.*) porro n. 6. 7. (quæ posterior regula tum vera est, quando causa possessorii, est præjudicialis, ut in *d. l. 1. C. de appell.* nam aliàs Reus Actoris, loco possessorii, petitorium difficiliter instituentis, imprudentiâ contentus esse potest & debet) denique n. 9. cui non obest *l. 18. §. 1. de vi & vi arm.* nam non loquitur de cumulatione sed alternatione juxta doctrinam regulæ quintæ.

2. De eo autem quæri potest, *an interdicta sint juris civi-*

civilis? Ita sentire videtur GROTIUS de J. B. P. l. 3, c. 20. §. 48. quando censet: *arbitros lectos à populis aut summis potestatibus de principali negotio pronunciare debere, non de possessione, nam possessoria judicia juris civilis sunt: jure gentium possidendi jus, dominium sequitur.* Enim verò hic duplex respectus primò distinguendus est, vel enim *incuitu liberarum gentium, vel privatorum hominum* quaeri potest, neque enim jus naturale aut Gentium, ad illas tantum pertinet, sed horum etiam negotia dirigit. Jam quod privatos attinet, utique interdicta etiam juris naturalis sunt, cum enim quis præ altero, insigni præsumptione possit esse munitus, æquitas requirit, ut ei statim succurratur, sepositâ proprietatis controversia intricatori, longioremque discussionem desiderande. Inprimis autem hoc verum est, ex hypothese processus valde tardi, qui sane ubique fere obtinet, jam enim iniquissimum fuerit, v. gr. injustâ vi dejectum, ad molestissimum remittere petitoriū, violento interim possessore possessionis commoda lucrante. Id tamen juris positivi & poenalis est, quod etiam ei, qui justè dejectus est, possessio sit restituenda ab eo, qui non tantum melius jus habet, sed etiam meliori ac evidentiori juris præsumptione nititur, quod licet non iniquè constitutum videri queat, ne scilicet privati sibi ipsis jus dicant, si tamen consideres, quod judicia sæpe frigeant, ad læsis non, prout par erat, succurrant, vix regula illa vulgaris: *quod spoliatus ante omnia sit restituendus*, ab iniquitate absolvi potest. Liberas Gentes vel Imperantes quod concernit, possessoria judicia, quatenus juris civilis sunt, circa illos locum non habent, quod etiam de statibus imperii Romano ger-

manici asserendum esse putavi in Specim. *jur. pub. l. 1. c. 10. §. 47.* at quatenus ei accommodantur, qui majori juris præsumptione munitur, tum ob paritatem rationis, inter liberas gentes, illa quoque obtinent. Pone quem possessione regionis, quam hætenus quiete tenuit, esse dejectum, annon erit restituendus, nisi iure proprietatis ad liquidum deducto? hoc utique æquitati repugnat, dejectus enim majori juris præsumptione gaudet, adeoque hujus quoque est habenda ratio. Interim quia inter gentes recuperatio est difficilior, dejiciens forte non antea possessione abscedere cogitur, quam si de ea in casum victoriæ restituenda, idoneè fuerit cautum.

## TIT. II

## QUORUM BONORUM.

## OBSERV. MLXXXII.

**N**on est actio realis) Interdictum quorum bonorum, recte pro actione reali habetur, nam descendit ex *jure hæreditario* nec aliud fundamentum *AUTOR* ostendere potuit. Ratio vero, quare *summariter* procedatur, est *Prætoris vel judicis confirmatio*, si quis enim à judice hæres declaretur, is utique majori præsumptione gaudet, quam alter, qui sine tali confirmatione, hæredem se jactat, hinc illi celeriter succurrendum est quæstionibus altioris indaginis ad petitorium rejectis. Breviter ergo: Interdictum quorum bonorum oritur ex *jure hæreditario*, per confirmationem judicis probato, sed hæreditatis petitio, ex *jure hæreditario*, operosius probando. Illud obtinet, si possessor præsumptione aliqua non muniatur, hæc vero, si pro eodem præsumptio militet.

## OBSERV. MLXXXI.

*Prescribitur 30. annis*) Falsa est hæc assertio, quemadmodum etiam altera, quæ mox sequitur, quod remedium ex l. fin. C. de edict. D. Hadrian. tollit tamdiu duret, nam interdictum quorum bonorum, nititur confirmatione judicis, alterum vero, testamento, vitio visibili, non laborante, sed quis credat, has circumstantias lapsu temporis non enervari, finge aliquem pro se habere confirmationem judicis, vel testamentum vitio visibili non laborans, alium vero, per 28. annos, hæreditatem, ut hæredem tenuisse, an hic, post tanti temporis lapsum, remedio summario erit expellendus? non crediderim. Actionem verum heredem habere pro consequenda hæreditate, concedo, sed in possessorio eum esse victurum, id verò minime videtur probabile. Non obstat l. 3. C. de 30. vel 40. ann. prescript. nam jura & actiones inde venientes ad 30. annos quidem plerumque durant, sed juris presumptio, ex qua remedia possessoria fluunt, tamdiu semper non durat, sed lapsu temporis, aliisque circumstantiis facile enervatur.

REMEDIIUM L. FIN. C. DE  
EDICT. D. HADR. TOLI.

## OBSERV. MLXXXIV.

*Est remedium possessorium*) Hoc etiam ex jure hæreditario, ob testamentum vitio visibili non laborans, valde evidenti, descendit, hæc enim circumstantia contra alium, jure succedendi ab intestato subnixum satis valida est celeremque processum desiderat, quod si tamen urgens circumstantia pro hoc sit, ut si filius dicat, se legitime non esse exclusum, tum remedium illud sine effectu erit.

2. Dubium etiam non est, quin adhuc alia dentur circumstantia, quæ jus hæreditarium oppidò evidens reddant, adeoque interdictum adipiscendæ possessionis pariant, nam si quis moriatur sine testamento, relicto filio absente, ac alius, velut proximus hæres, bona occupet, tum filio reverso & petenti, dubio procul, remedio possessorio erit succurrendum, non quidem ideo, quod possessio ipso jure in filium translata fingatur, adeoque alter pro turbatore vel desectore haberi debeat; (in sanis enim ejusmodi commentis Jurisprudencia non indiget) sed quod jus hæreditarium, per circumstantiam filiationis & deficientis testamenti, evidentissime probetur, atque ita remedio adipiscendæ possessionis locus sit, cumque hæ circumstantiæ temporis lapsu non oblitterentur, non absurdum erit, si hoc casu possessorium ad 30. annos etiam duraturum asseras.

3. Ex quibus etiam declarari potest controversia, quæ olim inter *CARPZOVIVM* Dec. 225. & *HAHNIVM* in differt. de transitione possessionis in hæredes *Helmsted. 1655. habita*, intercessit. Nimirum mortuus erat Cajus, ac bonorum suorum proprietatem sorori, usum fructum vero Uxori suæ reliquerat. Usufructuaria, bona accipit, iisdemque per 25. annos, fruitur, eà mortuâ, Caji sororis maritus, nomine uxoris suæ, velut, proprietariæ, bona vacua occupat, & à judice competente, mandatū manutenentiæ poenale contra quosvis impetrat, sed Usufructuariæ hæres, maritum illum pro invasore & turbatore proclamat, si bique possessionem adjudicari petit. Quæritur ergo, utrius partes sint justiores? pro Proprietaria ejusque marito pronunciat *HAHN*, sed Usufructuariæ here-

heredem, potiorē esse censet *CARPZOV*, ideo potissimum, quod possessio moribus Germaniæ, ipso jure in hunc sit translata, adeoque ille pro turbatore sit habendus & spoliato possessionem restituere teneatur. Mihi sententia *HAHNII* verior videtur, nam Proprietaria habet *dominium*, illudque *evidens*, nec ab ipso adversario negatum aut facile negandum, sed hæres Usufructuariæ, nititur *jure extincto*. Licitē ergo & prudenter illius maritus bona vacua occupavit, & in possessione bonorum occupatorum merito defenditur, quod enim in heredem Usufructuariæ possessio ipso jure transierit, id merum commentum est, nulla ratione subnixum, nam talis Germaniæ consuetudo neque adest, neque, si adesset, indistincte possessionem transferret, certe non eo casu, quo jus in bona, morte plane extinguitur. Recoluit eandem controversiam *Dn. D. SCHREIER* in peculiari dissertatione de hac quæstione *Lips. 1700. habita*, qui *CARPZOVII* sententiam ea ratione sustineri posse censet, si heredi Usufructuariæ, non quidem interdictum *recuperanda* sed *adipiscenda possessionis* tribuamus. Verum uti hoc interdictum, positis certis circumstantiis, recte asseritur, ita in casu præsentē eas non adesse, adeoque illud locum non habere, plane arbitror, nam, ut diximus, Proprietaria nititur *dominio evidenti*, sed hæres usufructuariæ, *jure extincto*, ergo manifesta æquitas jubet, ut illa etiam in possessorio sit potior. Nec obest, quod Proprietariæ maritus propriâ autoritate bona occupaverit, nam hoc ei licuit, hic enim est effectus domini, & valde imprudens quis esset, si occasionem occupandi elabi pateretur, ac actione deinceps res suas exigeret, quis enim hæc paria credat, in tanta

judiciorum & processus judiciarii corruptione? Porro nec id obest, quod *Usufructuaria per 25. annos bona possederit*, nam ideo jus Proprietariæ non fuit oblitteratum aut obscurum redditum, sed usufructu finito, vividissime se exseruit.

TIT. III.

## QUOD LEGATORUM.

OBSERV. MLXXXV.

**E***st interdictum adipiscenda possessionis*) Fundamentum hujus interdicti puto esse *jus hereditarium, ab ipso etiam legatario agnitum*, hæc enim juris evidentia remedium summarium expostulat, quod si tamen legatarius in continenti docere queat, hæredis non interesse, ut res restituatur, tum interdictum cessabit.

TIT. IV.

## NE VIS FIAT EI, QUI IN POSSESSIONEM MISSUS EST.

OBSERV. MLXXXVI.

**H***oc interdictum*) Datur quidem occasione possessionis, ad quam quis vel non admissus, vel in qua turbatus aut ex ea iterum ejectus est, sed cum non persequatur possessionem, sed interesse, ideo actionibus possessoriiis non videtur annummerari posse, sed est potius actio ex delicto, qua damnum petitur, similisque actioni doli, (cum qua etiam in *l. i. §. 2. b.* confertur) aut Legis aquiliæ. An vero hæc actio processu inhibitorio seu mandatorio, qui alias quoad remedia possessoria in usu erat, fuerit tractata, ac illa ob hanc

cau-



causam interdictis annumerata, id aliis indagandum relinquimus. Hodie hujus actionis non magnus videtur esse usus, nam missiones custodiæ causa, hodie non adeo frequentes sunt, &, si fiant, ut plurimum spem præstantioris juris consequendi, simul continent, hinc missus eo quod interest, haut erit contentus, sed ipsam potius possessionem persequetur, quo fine pro casuum diversitate, interdictum adipiscendæ, redinendæ aut recuperandæ possessionis, adhiberi poterit.

TIT. V.

## DE TABULIS EXHIBENDIS.

OBSERV. MLXXXVII.

**H***oc interdictum*) Itidem pro actione possessoria haberi non posse videtur, quia saltem ad exhibitionem testamenti, tentit, aut, hac deficiente, interesse persequitur: Possessoriis tamen actionibus videtur annumeratum ob *similitudinem processus*, nam summarium vel inhibitivum, etiam hic locum habuisse, ob *exhibitionis facilitatem*, plane arbitror, hinc etiam hodie mandata compulsoria dari solent. Quia etiam illa præstandi facilitas, tanquam causa summarii processus semper durat, ideo quoque hoc interdictum perpetuum erit, secus ac alia, quæ nituntur circumstantiis, quarum efficaciam tempus elidere potest.

OBSERV. CMLXXXVIII.

*Alias enim exhibitio peteretur extraordinaria persecutione*) Sed harum tricarum hodie nulla est utilitas, si ve exhibitio testamenti petatur *interdicto de tabulis exhibendis*, si ve *extraordinaria persecutione*, si ve, quod mox quoad hæredem asserit *AUTOR*, rei vindicatione vel *actione ad exhibendum*, res eodem recidit, nam æquitas postulat, ut in omnibus hisce actionibus eodem

dem modo, summarie scilicet, procedatur, & absurdum effet, si hæres post additionem, deterioris conditionis foret, quam ante eam est.

## TIT. VI.

## DE VI ET VI ARMATA.

## OBSERV. MLXXXIX.

**E**t hoc interdicto hodie datur actio personalis) Ut in-  
 juste dejecto remedio summario succurratur, id  
 non juris Romani tantum, sed & naturalis est, quod  
 autem juste dejecto etiam succurrendum, sit, id in  
 poenam deicientis, jure humano saltem cautum est,  
 quod salva æquitate, semper observari nequit. De  
 cætero interdictum unde vi, seposita auctoritate re-  
 ctius pro *actione reali*, quæ ex jure possessionis desin-  
 dat, cuique delictum expulsionis saltem occasionem  
 præbeat, quam pro *personali* habetur, nam possessio e-  
 jus est indolis, ceu Obs. 32. ostendi, quod rem contra  
 omnes possessor sibi afferat, hinc etiam jus possessio-  
 nis contra omnes, qui melioris juris præsumptione  
 non juvantur, efficax esse debet, id quod etiam jus  
 Canonicum in *c. 18. X. de rest. spol.* ac plenius, juxta com-  
 munem sententiam, in *can. redintegrandi 3. C. 3. qui 1.*  
 agnovit. Romanos quod attinet, vel dicendum est,  
 quod in *l. 7. b. r.* naturam juris possidendi non satis  
 expenderint, vel quod non simpliciter interdictum  
 unde vi, contra tertium possessorem competere ne-  
 gent, sed, id contra quemvis, non efficax esse, solum  
 adstruant, nam poterit actio possessoria, realis qui-  
 dem, sed tamen non contra omnes, valida esse, si ni-  
 mirum possessor meliori præsumptione nitatur.

## OBSERV. MXC.

*Præscribitur anno utili*) Videtur illa sanctio Ro-  
 mana

mana ratione validà non niti, nam remedia, quæ ex possessione oriuntur, ejus sunt in dolis, ut certo temporis spatio circumscribi non posse videantur, sed potius eorum duratio ac valor ex circumstantiis, inter se velut certantibus, æstimari debet, de quo *Observ. 1083.* jam dixi; Hinc si v. gr. quis ante biennium injuste dejectus sit, adeo ut post hoc tempus, justitia causæ adhuc evidens sit, tum inhumanum foret, eum à possessorio excludere ac ad molestum remittere petitorium. Quare annum Romanorum eo cum temperamento accipiendum putem, ut post eum, interdictum cesset, si tam per lapsum temporis, quàm alias circumstantias, jus dejecti sit obscurum redditum, id quod etiam quoad durationem interdicti, de quo *sic. seq.* observandum esse arbitror.

## TIT. XVII.

## UTI POSSIDETIS.

## OBSERV. MXCI.

**H**odie inde datur actio Prætoria realis) Ut turbato succurratur, naturale est, quod Prætor Romanus saltem confirmavit. Interdicta vero retinendæ possessionis, esse actiones reales, nunc admitto per ea, quæ *Observ. 32.* dixi, dantur scilicet contra possessorem, qui actibus turbativis possessionem arripuit, ad hoc, ut ille à turbando desistat, adeoque possessionem nobis solis reddat ac relinquat. Id tamen observandum est, quod, cum alterius possessio à turbatione oriatur, adeoque nemo hic possideat, nisi qui vel turbat, vel turbationem inchoatam probat ac continuat, atque ita in eo, erga quem interdictum movendum, semper aliquod factum præsupponatur, actionis hujus

jus realitas vix sentiatur, sed res eodem recidat, five actionem hanc, realem esse, ac ex jure possessionis descendere, five personalem, quæ exurbationis delicto oriatur, dicas.

## OBSERV. MXCII.

*Non etiam dejecto de possessione*) Turbatio locum habere solet quoad objecta, quæ arctè custodiri non possunt, ut si quis in alterius territorio Jurisdictionem, sylvâ, venationem, lacu piscationem, aut fundo servitutem exercent. Sed in rebus, arctiori custodiæ subjectis, ut ædificiis & prædiis, quæ inhabitamus, dejecto obtinet, Illo casu utimur interdicto recuperandæ, heic facile quæsitum iri; Hoc vero casu interdictum recuperandæ locum habet, ubi tamen nonnulli etiam interdictum retinendæ, usum habere putant, quod *l. 3. b. t.* inprimis convenire videtur, nam ibi memoratum interdictum asseritur *ubi duo in solidum possident, & alter quidem ab altero vi*, quod non aliter explicari potest, quam ei quoque interdictum uti possidetis tribui, qui vi dejectus est, animo tamen se adhuc possidere putat. De cætero totius controversiæ nullus videtur esse usus, cum res eodem recidat, five interdicto recuperandæ, five retinendæ, possessionem defendas, quod inprimis verum est si illud etiam actionem realem esse, juxta observ. 1089. dicas *add.* Observ. 1031. confer, quoad cavendi necessitatem, *BFRGER. in resolut. b.*

TIT.

## TIT. XVIII.

## DE SUPERFICIEBUS.

## OBSERV. MXCIII.

**S**uperficies) Est species domini utilis, ac omnibus Gentibus nota. Constituitur vel *lege positiva*, per præscriptionem, quæ quidem eodem modo fit, ac præscriptio emphyteuseos, de qua suo loco dictum, *vel naturaliter* per mutuum consensum, ubi tamen lex positiva aliquanto traditionem requirit *lit. C.* Peracta autem constitutione, tam domino directo, quam superficiario ea jura competunt, illæque obligationes in hærent, quas intentio agentium & natura rei expostulat, de quo *lit. E.* quod adeo naturale censeretur debet.

## OBSERV. MXCIV.

*Ex interdicto de superficiebus*) Sed hæc non est nova actio, quæ peculiariter definienda & explicanda sit, sed potius intuitu superficiæ, pro casuum varietate, interdictum retinendæ & recuperandæ possessionis locum habet, hinc licet propter objectum speciale, novo nomine utrumque insigniri queat, novam tamen actionem subesse non existimandum est, si Prætor de dominio in genere, aut de emphyteusi, censu vel feudo interdictum proposuisset, an illud novum & peculiare putabimus?

## TIT. XIX. XX. XXI. XXII. XXIII.

## DE ITINERE ACTUQUE PRIVATO &amp;c. &amp;c.

## OBSERV. MXCV.

**P**roponuntur hic de diversis servitutibus interdicta) Non tam nova interdicta hoc & sequentibus titulis

lis proponuntur, quam potius varii casus, ad quos interdictum retinendæ possessionis applicatur, recensentur, hinc non opus est, tot novas moliri definitiones, cum novum saltem nomen, uni eidemque interdicto, ex peculiari objecto, accedat. Illud annotamus, tempus, quod in possessore, ad fundantum interdictum, subintelligitur requirit Prætor, non esse captandum ac præcise exigendum, nam an possessio pro aliquo excidet præsumptionem nec ne, id non tam à momento temporis, quam aliis etiam circumstantiis dependet; quas adeo cordatus Iudex semper considerabit.

## TIT. XXIV. XXV.

## QUOD VI AUT CLAM &amp;c.

## OBSERV. MXCVI.

**H***Oc nomine datur actio personalis*) Nisi fallor, interdictum quod vi aut clam, est etiam ipsum interdictum retinendæ possessionis ac à speciali objecto & peculiari turbandi ratione, novum saltem sortitur nomen, hinc explicatio hic allata, cum generali, de qua *tit. 17.* maximam partem coincidit. Interim *ALI-TORI* novum nomen imposuisse videtur, dum hoc interdictum actionem personalem dicit, cum tamen interdictum retinendæ possessionis, pro reali habeat. De cætero illa variatio est innoxia per ea quæ *Observ. 1097.*

## OBSERV. MXCVII.

*Colono Usufructuario lit. S.*) Præter illam formam, qua interdictum quod vi aut clam, species interdicti retinendæ possessionis est, illud adhuc aliam habet, juxta quam, est actio personalis, qua damni dati restitutionem unice petimus, hoc respectu cū actione *L. Aqu-*

Aquilæ fere coincidit, ac cum eadem electivè concurrat. Atque hoc sensu competit illud colono ac præcipue etiam fructuario *l. 12. 13. b. t.* Ego etiam pertinet Casus in *l. 4. §. 2. 3. de aqua & aqu. plu. nec non in primis in l. 7. §. 4. b. t. & l. 49. §. 1. ad L. aquil. de quarum conciliatione dixi Observ. 420.*

## OBSERV. MXCVIII.

*Eliditur*) Sicut alias quoad remedia possessoria dispendiendum est, utrius jus sit magis evidens, pro cuius rei diversitate, diversus interdicti est effectus, ita idem quoque obtinet, quoad interdictum quod vi aut clam; Nam si per annum, opus steterit *n. 1.* alterius jus, lapsu temporis est obscurum redditum adeoque interdictum erit sine effectu, quod tamen non simpliciter obtinet. Porro si quis agri colendi causa opus fecerit *n. 2.* adeoque iuste versatus sit, ac de hoc statim constet, aut si turbationem injustam saltem repulerit *n. 3.* vel jus suum per cautionem oblatam vel præstitam probabile reddat *n. 4.* tum etiam nullus erit interdicti effectus. Quæ autem *n. 5.* amplius subijcit *AUTOR*, illa pertinent ad interdictum quod vi aut clam, quatenus damnum persequitur.

## TIT. XXVI.

## DE PRECARIO.

## OBSERV. MXCIX.

**P***recarium*) Quemadmodum naturæ hominum oppido convenit, ut mutuis socialitatis officiis se provocent, ita humanitatē triplici modo erga alios exercere licet, vel enim simpliciter in alium donum conferimus, hinc *donatio*, vel usû rei nostræ gratis alteri ita concedimus, ut ad certû tempus, firmiter isti

beneficio, rationes suas superstruere quead, unde *commodatum*, vel ita erga alios benigni sumus, ut nostro beneficio alter, ex voluntate singulis nomen velut repetita, fruatur, isteque actus, nostri respectu, semper voluntarius maneat, hinc *Precarium* existit. In hoc tantum juris habere accipientem, quantum concedens voluit, ac id valere contra alios, non ipsum concedentem, ex hujus intentione liquet, & communi ratione intelligitur, ut adeo *Præcarium* sit juris Gentium. Cum porro accipiens ad rem reddendam sit obstrictus, hinc si hujus obligationis intuitu, *precarium* dicere velis *contractum*, non errabis, illud certum, quod de solo nomine non litigandum sit, quemadmodum etiam hodie otiosa est disquisitio de actione præscriptis verbis irregulari, qua res precario data repetatur.

## OBSERV. MC.

*Hinc pactum ejusmodi adjectum vitatur*) Propter contradictionem scilicet, nam hæc sibi contradicunt, ego tibi rem precario concedo & tu tamen v. gr. ad mensem eam certo possidebis, nec obstat l. 4. §. fin. l. 5. b. t. non enim loquuntur de tempore, usque ad quod concedens necessario precarium relinquere debeat, sed usque ad quod, si valde liberalis sit, alteri relinquere velit; Cum autem pactum illud, sit invalidum, non quia nudum, sed quia contradictorium, ac illa ratio hodie etiam obtineat, hinc apud nos etiam non valebit, quod non videtur Dn. STRYK in not. b. Plane id probe expendendum erit, an non per ejusmodi pactum à precario recedere, ac commodatum inire maluerint agentes, tum enim valebit.



## OBSERV. MCI.

*Cujus intuitu petenti datur interdictum uti possidetis -- scilicet contra tertium*) Etiam intuitu precario possidentis locum habent interdicta, & quidem *uti possidetis*, contra tertium, ut *AUTOR* docet, quia, ut ego arbitror, dominus possessorem precarium non turbat, sed potius dejicit, quo casu *interdicto unde vi*, possessionem reddere tenetur §. 6. 7. *de interd.* quod mere poenale est, nec stricte observandum videtur, cum domini excessus alia ratione coerceri queat.

## OBSERV. MCII.

*Hoc interdictum est restitutorium*) Quodsi precarius possessor ad instantiam domini, rem concessam statim non reddat, aut ab ea abstineat, tum illum vel dejicit vel turbat, adeoque interdicto recuperandæ vel retinendæ possessionis (v. gr. quoad servitutes precario concessas) tenetur, hoc si dicere velis *interdictum de precario*, hætenus quidem id admitti poterit, modo non putes novum & peculiare interdictum subesse. Cæterum, sicut alibi, ita hic etiam jura evidentia esse debent, hinc si de precarii qualitate res non sit liquida, dominus in possessorio non obtinebit.

## TIT. XXVII. XXVIII.

## DE ARBORIBUS CÆDENDIS &amp;c.

## OBSERV. MCIII.

**H***ic duo dantur interdicta*) Interdictum de arboribus cædentis, & glande legenda, non novum & peculiare, sed saltem exemplum interdicti *uti possidetis* est, quo quis in possessione certi alicujus juris se defendit. Cæterum cum ejusmodi jura fere à consuetu-

tudine regionis alicujus dependeant, adeoque non ubique obtineant, hinc nec interdicta illa magni usus sunt *add. Observ. 1020.*

## TIT. XXIX.

DE HOMINE LIBERO  
EXHIBENDO.

## OBSERV. MCIV.

**H***oc interdictum est exhibitorium*) Videtur hoc etiam esse species interdicti uti possidetis, nam defenditur per illud possessio libertatis personalis, contra inj. istam servitutis imputationem, vel detentionem, & cum ipse, quem libertas respicit, oppressus sit, ut ad actionem adspirare nequeat, hinc alii ex ejus voto agunt. Quod si status detenti dubius sit, tum possessorium sine effectu, ac operosius, in petitorio libertas deducenda erit *l. 3. §. 7. b.*

## OBSERV. MCV.

*Hac actio est perpetua*) Sed quo sensu? num eo quod toties agi queat, quoties homo liber detinetur? Verum ita omnes actiones perpetuæ sunt, nam ante detentionem aliudve factum actio nondum est nata, hinc ei etiam præscribi nequit. An eo, quod à tempore factæ detentionis, intra 30. annos, aut semper agi possit? hoc vero minus probabile est, fac enim me hominem liberum per 20. annos ut servū obtinuisse, tum sane actio possessoria locum habere non videtur, cum per tanti temporis lapsum libertas valde obscura sit reddita, nec obest, quod *libertas nunquam præscribatur*, nam ex eo saltem sequitur, quod actio supersit, non autem, quod remedium possessorium. Utut  
igi-

igitur nolim usum hujus interdicti præcisè anno coercere, non videtur tamen ille etiam ad tam longum tempus extendi posse, Respiciendæ igitur erunt circumstantiæ, est si post longi temporis lapsum, libertas nihilominus liquida, ac detentionis injustitia evidens sit, tum interdicto adhuc locus erit. TIT. XXX.

### DE LIBERIS EXHIBENDIS ET DUCENDIS.

OBSERV. MCVI.

**H***ic duo dantur interdicta*) Hæc quoque exempla interdicti retinendæ possessionis esse arbitror, quibus juris patrii possessio defenditur, hinc & *jus patrium & ejus evidentia* præsupponi debet, alias interdictum erit sine effectû. Hodie nec tantus juris patrii rigor est, nec hæc interdicta valde frequentia sunt.

TIT. XXXI.

### DE UTRUBI.

OBSERV. MCVII.

**H***oc interdictum*) Rarius videtur accidere ut in possessione rerum mobilium turbe-  
mur; hinc etiam interdictum *Utrubi* non adeo frequens est, si autem res nostras alii teneant, tum plerumque actionis petitoriæ ac satis expeditæ ex delicto vel contractu competunt, nec interdicta recuperandæ possessionis hic sunt nota. Nisi fallor, interdictum *Utrubi* videtur spectare, non ad ejusmodi casus, ubi alter rerum mobilium possessionem invadit, sed potiùs, ubi libertati do-

mini, intuitu rerum suarum, molestus est, ut si servus fugerit & quis eum duci impediatur *l. 1. h. t.*

TIT. XXXII.

## DE MIGRANDO.

OBSERV. MCVIII.

**H**oc *interdictum est prohibitorium*). Aliud exemplum interdicti Utrubi, nisi me omnia fallunt, est interdictum *de Migrando*, cum enim locator conductoris libertatem quoad res mobiles turbet, ideo eam hoc interdicto tuetur. Ob paritatem rationis recte etiam tribuitur colono, nam in *l. 1. §. 1. b.* non res, sed rei nomen, more Romanis solenni, negatur, quod interdictum hoc *perpetuum* dicatur *l. 1. §. f. b.* id non alio sensu verum videtur, quam eo, quem Observ. IIOS. exhibui.

TIT. XXXIII.

## DE SALVIANO INTERDICTO.

OBSERV. MCVIII.

**H**oc *interdictum est acquirenda possessionis*). Fundamentum hujus interdicti est *jus pignoris*, ex oppignoratione *presumptum*, nam si modo Creditor oppignorationem probet, hæc circumstantia sat validam contra debitorem oppignorantem excitat *presumptionem*, ut merito illi summario remedio succurrendum sit. Quod si tertius possessor à debitore rem acceperit, ac peculiari *presumptione* non muniatur, tum memorata circumstantia contra illum etiam efficax est, hinc recte etiam Salviano convenietur, quo referrem *l. 1. b. t.* nam ex ea non exceptionem, ut

*AUTOR* sentit, sed regulam esse faciendam, ob rationis allatæ generalitatem, arbitror. In *l. i. C. h. t.*, quæ huic doctrinæ obstat, exceptio erit asserenda, ideo forte quod tertius possessor, à debitore causam habens, peculiari præsumptione fuerit munitus. Si verò tertius possessor à debitore rem non habeat, tum *Salviano* non recte conveniri posse videtur, qui autem hoc etiam casu ejus usum asserunt, quorum meminit *BERGER* in *resolut. h. t.* illi in terminis ludere videntur, dum sub nomine interdicti *Salviani*, revera actionem *Servianam* institui jubent, possessore enim dominium oppignorantis negante, aliaque insuper præsumptione forte munito, utique eadem probatio erit facienda, quam *Serviana* expostulat.

## OBSERV. MCX.

*Hinc differt ab actione Serviana*) Prima differentia idem per idem probat, nec, quare secunda & tertia obtineat, ejus rei ratio apparet, hinc magis differentia supponuntur quam probantur. Forte igitur solidius discrimen interdicti *Salviani* & actionis *Servianæ* ita exponitur: Pro diversitate possessoris conveniendi, aliquando urgens circumstantia & præsumptio pro actore militat, aliquando non, illo casu obtinet interdictum *Salvianum*, hoc actio *Serviana*, illud ergo est remedium possessorium & summarium, hæc, remedium petitorium & prolixiori processu tractandum, ibi, sufficit probare oppignorationem, hic & oppignoratio, & oppignorantis dominium, non quidem præcise verum, sed præsumtum, probari debet, illud non contra quemvis possessorem habet effectum, bene verò hæc.

2. De cætero actiones possessoriæ processu summario regulariter tractantur, qui olim apud Romanos insuper erat inhibitivus qualis hodie etiam in Provinciis Saxoniciis observari solet. Quo loco illud notandum, quod ista procedendi ratio, non præcise ad possessionem, sit per naturam suam adstricta, sed omnino etiam in aliis causis liquidis observari queat. Sic æquum foret, ac ad processus cito absolvendos faceret, si debitori ex instrumento liquido convento, post prævium monitorium, factamque recognoscendi copiam, solutia mandato poenali injungeretur. Sed hæcenus leges processuales ita non jubent.

## LIB. XLIV. TIT. I.

## DE EXCEPTIONIBUS, PRÆSCRIPTIONIBUS ET PRÆJUDICIIS.

## OBSERV. MCXI.

**E**xceptio) Est allegatio juris nostri, alterius intentioni & petitioni opposita, sive est jus alteri oppositum. Quoties igitur in processu exceptionibus intigemus, toties casus occurrens, accurate est examinandus, & quæ jura circa eum reperiantur, prudenter judicandum, nec possunt in antecessum, ac in abstracto, Exceptiones usurpandæ præscribi, quod nonnunquam imperitis persuasum est.

## OBSERV. MCXII.

*Est vel inficiatio*) In hac **AUTORIS** doctrina forte hæc desiderari possunt, (1.) quod inficiationem & exceptionem facti, pro iisdem habuerit (2) sub inficiatione, inficiationem prægnantem complexus fuerit, cū tamen hæc, in conceptu generico, cum depulsione, seu

ex.

exceptione conveniat. Malim igitur sic dicere: Reus vel simpliciter negat, ex qua negatione hoc consequitur, quod non statim condemnari queat, sed actor prius intentionem suam probare debeat, vel intentionem actoris invalidam esse contendit, dum eam vel nunquam substituisse, vel ex postfacto enervatam esse putat, inde oritur *Exceptio*, quæ pleniorē promittit defensionem, nam etiam si actoris intentio probetur, tamen sub exceptionis oppositæ clypeo tutus esse potest reus. Ex sententia autem Romanorum vel tale quid opponitur, quod actoris intentionem penitus nullam esse ostendat, hinc oriuntur *exceptiones facti*, ut solutionis, compensationis & acceptilationis, vel quod eam stricto jure subsistere quidem, sed iniquam esse doceat, inde resultant *exceptiones juris*, ut pacti, jurisjurandi, rei judicatæ & similes, atque hanc strictam & Romanam Exceptionum suppositionem, *AUTOR* sequitur, sed hodie illius subtilitatis nullus est usus, verum exceptiones facti & juris, in foro nostro, pari passu ambulant, nec ullus effectus istius discriminis ostendi potest, licet per fallaciam causæ, nonnunquam tale quid moliantur interpretes.

## OBSERV. MCXIII.

*Causa efficiens aequitas juris Gentium*) De hoc non valde hic laborandum, utrum enim jura ex lege naturali vel civili oriantur, id ex tota Jurisprudencia peti, & hic præsupponi debet, quemadmodum etiam varietas exceptionum hic non per omnia adducenda est, utrum enim jus aliquod sit transmissibile nec ne, perpetuum vel temporarium, quo pertinet *diviso* 3. 4. id velut explicatum præsupponitur, *diviso* autem 2. quæ acceptiones in civiles & Præterias discernuntur, & hic

& hic & alibi otiose inculcatur, cum nullius usus sit. Quamobrem ille solum Exceptionum habitus, qui in Processu occurrit, hic explicandus est, quo referri poterit *divisio* 1. & 5.

## OBSERV. MCXIV.

*Mixtarum naturam habet exceptio restitutionis ex causa etatis*) Sed talis mixtura involvit contradictionem, quomodo enim eadem exceptio eodem respectu transmissibilis & non transmissibilis esse poterit? Quare dicendum potius, quod exceptio memorata, sit tantum realis seu transmissibilis, quamvis personæ consideratio ad eam introducendam impulerit.

## OBSERV. MCXV.

*Excussionis, divisionis*) Refert hic *AUTOR* exceptionem divisionis, ad *dilatorias*, sed mox eam *Peremptoriis* accenset quod etiam *tit. de fidejussor. lit. E.* repetit. Utrumque verum est, exceptio divisionis & Excussionis, (nam hæc addi potest) pro casuum varietate, *dilatoria* & *peremptoria* est, prout scilicet Excipiens periculo regressus adhuc subiacet vel non. Nimirum qualitas harum Exceptionum dependet à *conditione debitoris principalis* aut *confidejussoris*, si enim hi, cum excipitur, *non sint solvendo*, utraque exceptio est saltem *dilatoria*, quoniam detecta inidoneitate debitoris aut confidejussoris, Creditor fideijussorem excipientem denuo urget. Si vero *solvendo sint*, tum est *peremptoria*, à debitore enim solidum, aut à confidejussore pars exigi debet, hinc Excipiens semper tutus est, licet postea illi solvendo esse desinant, quod *AUTOR* ad *tit. de fidejussor. d. l.* admonuit. Interim quia exceptionum harum qualitas ab *eventu* dependet, adeo ut non statim liqueat, *dilatorix* an *perempto-*



remtoriæ illæ sint, hinc merito post litem contesta-  
tam, eorum allegatio admittitur *vid. CARPZOV. p. 1.*  
*C. 3. D. 17.*

## OBSERV. MCXVI.

*Exceptiones non tollunt ipsam actionem*) Hæc subtili-  
tas Romanorum frustra hodie inculcatur. Hoc ope-  
rantur exceptiones peremtoriæ veræ & justæ, ne  
actor aliquid consequatur, si ipso jure actionem  
non competiisse, si eam stricto jure funda-  
tam, invalidam saltem fuisse dicas, res hodie eodem  
recidit. Equidem nonnulli hoc discrimen subesse  
putant, quod, actione ipso jure non competente, a-  
ctor statim repellatur, eadem vero summo jure fun-  
datâ, lis contestanda ac exceptio subjicienda sit. Ve-  
rum committitur fallaciæ causæ, nam diversitas illa  
dependet ab exceptionis *evidentiâ* vel *obscuritate*, si  
enim exceptio in continenti probari queat, tum a-  
ctorem statim repellit, si eam facti, si juris dicas,  
si vero altioris indaginis sit, tum post litem contesta-  
tionem allegari debet.

## OBSERV. MCXVII.

*Modo à reo opponantur*) Modus exceptiones propo-  
nendi, in primis præsentis est considerationis, De-  
pendet is partim à *libertate* & *prudentiâ*, partim à *legè*  
*civili*, hac autem in parte plus præstare Ordinationes  
processuales, quam jus Romanum, id quidem satis  
manifestum est *conf. DECIS. SAXON. 2. 14.* In primis et-  
iam apta elocutione desiderium proponere par est,  
quo fine *Exceptionum formula* concinnari solent, sed  
prudens & peritus Advocatus, quid dicendum ve-  
niat, proprio Marte facile reperiet, ut illas quidem  
imperiti & inexercitati Causidici saltem adorare so-  
leant,

OB-

## OBSERV. MCXVIII.

*Legitime probentur*) Exceptionum legitima probatio jure naturali requiritur. Quod autem reus litem negative (vel expresse vel implicite) contestari, ac exceptionem peremptoriam eo effectu adicere possit, ut actor prius intentionem probare debeat, postea verò exceptionis probatio sequatur, ceu *AUTOR* n. 2. 3. ostendit, id ad fori corruptionem merito refertur, cum nullum alium habeat scopum, quam litis protelationem, vel enim exceptio vera est, tum actor inani probatione fatigatur, vel *frivola*, tum inani reprobatione tempus absumitur. Abusui huic non rectius occurreretur, quam si nemini exceptionem peremptoriam opponendi facultas detur, nisi litem affirmative contestetur, seu actoris intentionem fateatur, tum enim Reus jura sua statim excutere debet, & si exceptionem frivolam intelligat, in sola negatione subsistet, quo casu, peracta actoris probatione, statim ad sententiam deveniri poterit, si vero eam validam sciat, tum admissa actoris intentione, & secuta reprobatione, etiam sententia liti finem imponere poterit. OBSERV. MCXIX.

*Replicatio*) In definitione replicationis & duplicationis, frustra fit mentio *exceptionis & replicationis summo jure fundate*, sunt enim revera verba inania, nam an id, cui respondetur, *summo* aut etiam *valido jure* nitatur, vel absolute *injustum* sit, id hæcenus nihil refert, sed unusquisq; litigantium causa suæ servit, & quæ sibi proficua putat, adducit, à qua parte autem stet justitia, id eventus ostendit. Quare simpliciter dicendum, quod Replicatio sit *responsio ad exceptionem* & ita porro. Sed hæc ad genuinam cognitionem saltem, non usum forensem pertinent!

TIT.

TIT. II.  
DE EXCEPTIONE REI JU-  
DICATÆ.

OBSERV. MCXX.

*Hæc est exceptio*) Exceptio rei judicatæ ex lege naturali est, nam judicium legitimè per sententiam absolutoriam finitum, ostendit, quod reus vel non fuerit obligatus, vel culpa actoris liberatus, hinc si de novo conveniatur, ex jure libertatis se defendit, id autem probe excutiendum, quousque res judicata pertingat, & an alter revera ex causa, cui præjudicatum est, denuo agat, quod quidem ex communibus circumstantiis & indiciis intelligitur. Obligatio autem, quam summo jure Reus post absolutionem adhuc teneatur, frustra hodie asseritur.

TIT. III.  
DE DIVERS. TEMP. PRÆSCR.  
ET DE ACCESSION. POSSE-  
SION.

OBSERV. MCXXI.

*Non est exceptio stricte ita dicta*) De hoc frustra laboratur, cum istius rei hodie nulla sit utilitas, ut aliquoties jam diximus. Præscriptionem quod attinet, ex qua hæc Exceptio oritur, jam ostendimus Observ. 1033. quod Præscriptio rerum, jurium & actionum frustra sibi opponatur. Interim ita vulgo fit, hinc supra *AUTOR l. 41. tit. 3.* existimavit, se agere de præscriptione rerum, sed in effectu ad dominium & rei vindicationem simul, respexit, eorumque intuitu requisita præscriptionis recensuit, sed ita, ut nonnunquam

quam ) docendi ratione minime probanda ) ad alia etiam jura delaberetur adeoque generalem præscriptionis doctrinam proponeret. Hic vero censet, se agere de *Præscriptione actionum*, verum *res & jura* quoque concurrunt, quod ex inductione singulorum exemplorum facile apparebit. Interim doctrina hæc generalis est, dum tamen imago Præscriptionis Actionum, *AUTORI* illufit, hinc factum est, ut nihil nisi *lapsum temporis & bonam fidem* adduceret, cum tamen multarum actionum præscriptio, alia etiam requisita, ut *titulum, possessionem* ejusque *continuationem* requirant. Nobis singulorum jurium, actionum & rerum præscriptionem, cum suis requisitis, persequi, hic non libet, habet enim, aut saltem habere debebat unaquæque præscriptio in Jurisprudencia locum proprium, in quo cum requisitis expendi debet, minime verò de præscriptione agendum, quando exceptio præscriptionis refertur, sed tum potius ejus explicatio præsupponitur, interim pro *AUTORE* declarando, nonnulla adjicienda erunt.

## OBSERV. MCXXII.

*Regulariter XXX. annis* ) Hæc assertio ad confectaria falsæ hypotheseos, quâ peculiaris actionum Præscriptio subesse existimatur, meritò refertur, nam aliàs si *jura, res & actiones*, connexas supponas, non facile in eam sententiam devenietur, cum enim dominium, servitus & pignus diverso tempore, triennio, decennio vel vicennio, præscribantur, quis credat, omnes actiones reales 30. annis præscribi? Nec etiam vulgo assertio *AUTORIS*, aliter defendi potest, quam ut de casibus illis accipiatur, quibus ob defectum tituli aut bonæ fidei, præscriptio longi temporis locum non ha-

habet, sed ita modus docendi improbari debet, dum ex casibus specialibus & rarioribus regula constituitur. Neque *d. l. 3. C. de præscript. 30. vel 40. annor.* regulam dat, sed potius agit de *termino subsidario*, ea scilicet ratione, ut actiones reales, quæ ob defectum alicujus requisiti, consuetum præscriptionis terminum effugiunt, tamen ultra 30. annos vivere non debeant, ex quo adeo non regula, sed exceptio constituenda erit, quamvis hæc, intuitu alius exceptionis, minus latè patetis, qua scilicet actio realis, ultra 30. annos durat, regulæ cujusdam rationem habeat, sed ideo simpliciter pro regula, etiam intuitu præscriptionis actionum realium Ordinariæ, haberi non debet, verum diversi respectus recte sunt discernendi.

## OBSERV. MCXXIII.

*E. gr. publiciana in rem*) Quæ de præscriptione actionis publicianæ, institoriæ, exercitoriæ &c. dicuntur, illa ex nostris hypothefibus facile intelliguntur, sunt enim non novæ actiones, sed actionum civilium nova saltem nomina, ut in loco proprio ostendimus, hinc mirum non est, quod cum civilibus eandem habeant durationem. Quæ vero de actione rescissoria tam in genere quam in specie docentur, illa etiam, recte sunt intelligenda juxta ea, quæ de hac re suo loco diximus, nam nec actio rescissoria, nova actio est, sed actio civilis à Prætore saltem conservata, novoque nomine donata, habet tamen brevioris vivendi terminum, quia per alienationem, vel præscriptionem stricto jure completam, jam erat imminuta & attrita.

## OBSERV. MCXXIV.

*Longiori quæ perpetuo vindicantur*) Hanc sententiam, quod quædam crimina plane non præscri-

bantur, ex nonnullis textibus male intellectis esse exortam, ac ad alia crimina, quæ expressis vel æqualia vel majora videbantur, deinde extensam, bene docet THOMAS. in *dissert. de præscript. bigam. hab. Lips. 1685.* Nimirum apostasia nullo tempore præscribi dicitur in *l. 4. C. de apost.* sed præscriptio saltem negatur, quamdiu vivit Apostata, quia eo vivo delictum nondum est consummatum, sed tota die repetitur, atqui nunquam præscriptio currit, crimine nondum absoluto! hoc igitur apostasia cum aliis criminibus habet commune, quod si verò Apostata mortuus sit, tum ab hoc tempore præscriptio incipit. Idem dicendum de supposito partu, nam hoc etiam crimen, quamdiu partus vivit, indies repetitur, hinc nulla præscriptio obtinet juxta *l. 19. §. 1. ad L. Cornel. de fals.* sed fac, partum esse mortuum, ab hoc tempore, illa locum inveniet. Denique in *l. 13. ad SCt. filan.* crimen parricidii semper accusari posse dicitur, sed id dici comparative intuitu præscriptionis quinquennalis, de qua ibi sermo est, contextus ostendit. Subducto igitur fundamento, extensio quam interpretes ad alia crimina fecerunt, corrui, & omnia 20. annis præscribi poterunt. Nec etiam iniquitas aliqua subest, nam plerisque his criminibus pœna jure humano præstituitur, quam adeo contrario jure tolli posse, manifestum est, imo apostasia & hæresis ne quidem ab hominibus jure punitur, hinc eo magis præscriptio, qua injusta pœna excluditur, admittenda est, qua de re alibi pluribus agitur. Denique licet pœnam homicidii jure divino constitutam esse supponas, attamen illud tam rigide non videtur obligare, ut non post lapsum temporis satis longi, impunitas delinquenti queat concedi, nam  
lex

lex ad usum generis humani lata, ex utilitate etiam hominum est explicanda, hinc hæcenus pœna imponi debet, ne publico velut permissu delinquatur, adeoque alii ad paria facienda alliciantur, sed post lapsum tanti temporis, delictum olim commissum, vim movendi & incitandi, omninò amisit. Quoad alia addeſis *DECIS. SAXON. 84. BERGER in resolut. h. qu. 1.*

## OBSERV. MCXXV.

*Bona fides jure civili hic necessaria non est*) Bonam fidem jure civili in quavis præſcriptione non esse necessariam, sed, ut existimo, requiri saltem eo casu, quo per tertium quis in conditione præſcribendi constituitur, verum quidem est, sed quod illa generaliter in præſcriptione actionum non requiratur, id utique falsum, & falsæ hypotheseos, de peculiari actionum præſcriptione, consuetarium censeretur debet; An non enim bona fides necessaria est, si quis rei vindicationem triennio, decennio vel vicennio præſcribere velit? Ipse *AUTOR lib. 20. tit. 1. lit. C.* docet, quod actioni hypothecariæ longo tempore præſcribatur, extraneo *bona fide* possidente!

## OBSERV. MCXXVI.

*Reus enim nihil possidet*) Quis credat hoc? an non ille possidet, qui rei vindicationi præſcribit? actio confessoria præſcriptione tollitur, si dominus prædii servientis possessionem libertatis obtineat: ut negatoria actio tollatur, opus est, quo quis in possessione servitutis constitutatur, quod ipse *AUTOR* in loco proprio, *lib. 8. tit. 1. 6.* agnovit. *IDEM lib. 20. tit. 1.* docuit, & *h. t.* repetiit, quod pro diversitate possessoris, actio hypothecaria diversum habeat durationis terminum. Si quis hæreditatem per 30. annos possideat,

deat, verus hæres præscriptione erit exclusus! Imo non absurdum est, si quis quoad ipsas actiones personales, sive ex contractu, delicto aut crimine eadem descendant, possessionem asserat; nam in Reo semper affectus aliquis est, quo is ab onere, cui subest, liberari cupiat, ex quo possessio libertatis perinde oritur, ac illa quoad servitutes affirmativas adest, quando dominus prædii dominantis, usum servitutis intermittit. Textus, quos *AUTOR* pro se allegat, nihil probare inspectio ostendit, imo si diserte possessionem negarent, attamen iis non crederem, est enim questio de rerum existentium veritate ac indole.

## OBSERV. MCXXVII.

*Requiritur autem jure Canonico & nostris moribus* )

De jure civili bona fides saltem videtur esse necessaria, quando mediante tertio præscriptio incipit, domino, quid agatur, omnino ignorante, v. gr. si res mea ab alio in tertium transferatur, aut possessor rei meæ alii servitutem in ea constituat. Ast si directe contra dominum ipsum vel creditorem illa incipiat, adeoque ab illo facile impediri queat, tum bona fides haut requiri videtur, cum inter casus illos magna sit diversitas, hinc non tantum quoad præscriptionem actionum & jurium personalium eadem non est necessaria, sed & præcisè adesse non debet, si quis contra vicinum, servitutem, vel servitute constituta, libertatem, aut dominium utile vel directum ac simile jus, quod inter vicinos locum habere solet, sibi arroget *arg. l. 10. si serv. vindic.* Atque juxta hanc distinctionem, Jus canonicum, commode satis accipi, ac observantia Germaniæ restringi poterat, inera enim est superstitio, quando, positâ scientiâ, præscriptio locum habere non posse



existimatur, si enim debitori imputandum est, quod sponte non solverit, majori jure creditori imputabitur, quod id, quod sibi debebatur, non exegerit, maxime cum quemvis pro juribus sibi competentibus vigilare oporteat, nec par sit, aut saltem humanæ indoli non conveniat, ut eo nomine, à debitore quis admoneatur, sed potius ex remissiori cura, consensus in juris amissionem, non immerito præsumatur. Interim contraria sententia, qua bona fides in omni præscriptione exigitur, fere prævaluit, quamvis illa non extra omne dubium posita sit, *vid. BERGER in resolut. b. qu. 1.* In primis non liquet, quomodo in præscriptione Criminum bona fides locum invenire possit, cum potius ejus exactio, omnem præscriptionem tollere videatur.

## OBSERV. MCXXVIII.

*Actor debet adversarii malam fidem probare*) Vulgo hoc saltem admittant in præscriptione longissimi temporis, sed in longi temporis, præscribentem bonam fidem probare debere censent, *vid. CARZOV. d. l. D. 6.* Verum hæc posterior sententia haut admittenda est, sed dicendum potius, quod hic etiam bona fides præsumatur, ac mala fides adeò ab allegante probari debeat, nam (1.) præscribens aliter bonam fidem probare non posset, quam si se ad juramentum offerret, sed talis oblatio est suspecta, (2.) bona fides seu ignorantia homini naturalis est adeoque præsumitur, sed scientia à facto dependet, hinc merito probanda, nec obsunt (3.) *pr. §. 2. J. de usucap. l. 2. C. de long. temp. præscript. l. un. vers. cum autem de Usucap. reform.* nam ostendunt saltem, quod bona fides ad præscriptionem requiratur, sed de ejus probatione non agunt.

## OBSERV. MCXXIX.

*Nam præscriptione hac ipsa actio perimitur*) Utrum præscriptionem ipso jure tollere actionem, an eam stricto jure adhuc validam relinquere dicas, hodie nihil refert, ceu *Observ. 1121.* jam admonui; Qui vero quæstionem eo vertunt, utrum post præscriptionem obligatio naturalis maneat, nec ne, illi ejus sensum mutant, nam ipsum jus, non opponitur obligationi naturali, sed mere civili. Interim certum est, quod etiam obligatio naturalis per præscriptionem tollatur, hæc enim imperii civilis est efficacia, *add. BERGER b. qu. 2.*

## TIT. IV.

DE DOLI MALI ET METUS  
EXCEPTIONE.

## OBSERV. MCXXX.

*Doli exceptio est*) Hæc exceptio juris naturalis est, si enim quis me decipiat, dolo suo efficit, ne ipsi obliger, hanc igitur libertatem allegare & deducere licebit. Idem est, si jus efficax extinctum sit, & alter tamen id malitiose urgeat. Quæ vero de *summo jure*, quod hæc exceptio præsupponat, nec non de ejus distinctione, quod vel *generalis* & *specialis* sit, illiusque cum aliis exceptionibus *concurſu* dicuntur, illa ad fori Romani carmina pertinent, quorum hodie nullus usus. Idem dicendum de doctrina, qua *contra successorem ex causa onerosa*, exceptio doli negatur, de quo actum ad *tit. de Hered. & actian. vend. Observ. 532.*

## OBSERV. MCXXXI.

*Non excluditur replicatione doli*) Hoc non est universale, sed tum locum habet, si exceptio doli bona, & replicatio frivola sit. V. gr. tu affers mihi nuncium falsum de pingui hæreditate oblata, ego tibi ob id centum promitto, sed postea malitiose assigno debitorem, qui mihi amplius nihil debebat. Cum nihil ab eo acciperes, contra me agis, ego oppono exceptionem doli, hic utique frustra replicabis, me quoque dolum in assignando debitore commisisse, nam dolum tuus erat injustus, ac obligationem impediēbat, hinc valida est mea exceptio, quicquid vero ego egi, id stante tuo dolo, licitum est, nec tuum delictum excludit, hinc inanis est tua replicatio. Quod si terminos invertas, ut exceptio doli sit frivola, sed replicatio iusta, tum hæc illam utique vincet, qualem casum *AUTOR tit. de Transact. lit. E. a.* retulit.

## OBSERV. MCXXXII.

*Exceptio metus*) Hæc etiam dubio procul juris Gentium est, nam ex negotio coacto nullum jus cogenti acquiritur, hinc contra ejus petitionem, se hac exceptione tueri licebit. Hoc etiam recte Romani docuerunt, quod contra tertium exceptio hæc sit efficax, cum eorum tamen hypothefibus id non satis cohæret, nam dolum in negotiis annullandis, esse metu potentiorē ipsi censent, & tamen exceptionem doli non indistincte contra successores dederunt, bene verò exceptionem metus!

## \* OBSERV. MCXXXIII.

*Eliditur replicatione metus*) Imo verò non eliditur juxta casum *d. l. 12. §. 1. quod met. caus.* qui sane casui in *l. 4. §. 13. b. t.* quæ circa exceptionem & replicationem

nem doli paulò ante allegata est, adeo similis est, ut ovum ovo similius esse nequeat, adeoque mirum sit, istos textus probando discrimini allegari. Nimirum casus est; tu me vi adigis, quo tibi promittam, ego te mox cogo, quo me liberes, tu agis, ego oppòno exceptionem metus, tu replicas, me quoque vim adhibuisse, sed frustra, cur? *quia vim* (injustam) *vi* (justa) *repellere licet*, adeoque mea exceptio, quæ illam allegat, justa, replicatio verò tua, quæ ad hanc provocat, frivola est. Quod si vero casum iterum invertas, tum assertio *AUTORIS* procedit; Talem adducit *STRYK in not. h.* si recte intelligatur. Tu mihi valide obligatus es, sed instrumentum vi extorques, ego mox te, ad illud reddendum, vi nova adigo, tum ago, tu excipis de vi, ego replico, te prius vim adhibuisse, quo casu utique vinco, & replicatio exceptionem elidit, quia illa justa, hæc frivola est. Nihil igitur singulare hic subest, sed sese res habet, sicut in omnibus exceptionibus & replicationibus, ubi id quod justum est, alterum, quod frivole opponitur, superare debet, ut propemodum ineptum sit, captare ejusmodi discrimina ac eo fine dicteria inculcare, quæ præjudiciis ac chimeris Tirones replent.

## TIT. V.

# QUARUM RERUM ACTIO NON DATUR.

OBSERV. MCXXXIV.

*Hic dantur* ) Prima exceptio, quæ hic commemoratur, est juris naturalis, oritur enim ex pacto liberatorio, sub conditione jurisjurandi inito. *Secun-*

cunda & tertia est ex lege civili, quæ actum aliàs valituum improbat, adeoque facultatem contra illum excipiendi largitur, id tamen semper naturale est, ut ex jure tibi competente excipere possis. Qui autem in hoc Titulo *exceptionem non competentis actionis* fundari arbitrantur, illi utique falluntur, illâ enim locutione non peculiaris exceptio, sed cujusvis exceptionis peremptoriæ vis & effectus indicatur, nisi igitur specialis exceptio simul allegetur, illa locutio est inanis, & prudens actor Reum ita excipientem, ad reprobationem exceptionum admittere non tenetur, cum in rei veritate, nulla sit suo tempore producta, adeoque nulla reprobatio locum habere queat, ut periculosa sit cautela, quando nonnulli eludendis articulis Actoris elisivis, generalem actionis non competentis Exceptionem opponi, ac ubi ad Reprobationem perventum est, speciales demum produci ac probari suadent, nam in perniciem Rei eadem retorqueri potest, *vid. ORD. PROC. SAXON. tit. 21. §. 4. BERGER disput. de articul. Elisiv. hab. Wittenberg. 1696.*

## TIT. VI. DE LITIGIOSIS.

OBSERV. MCXXXV.

**L**itigiosum est ) Est quodammodo naturale, ne res litigiosa alienetur, lite enim mota, res dubiæ fit conditionis, ut tam propria quam aliena censeretur, hinc ab alienatione merito abstinendum. Hæc tamen lex positiva magis definit ac sanctione pœnali munit. Quodsi igitur hujus legis spectemus (I.) *partem definitivam*, hoc cautum est, *ut res litigiosa alienetur*, ubi aded quæritur, *quid sit litigiosum lit. D. &*

non

non tantum actio, ratione actoris, res vero, ratione Rei, litigiosa fieri dicenda est, prout *AUTOR* philosophatur, sed potius utrumque, utroque respectu, vitium litigiosi contrahere existimandum est, cum actio & res sint subordinata ac se mutuo respiciant. Porro quaeritur, *quando jura & res litigiosa fiant?* De qua *lit. C. n. i. seqq.* an autem, quæ de Romana litis contestatione, vera sunt, adhuc hodie locum inveniant, & annon potius isle effectus, citationi hodie sit tribuendus, id omnino dubium est. Amplius, *quanam alienatio sit inhibita?* *Voluntaria lit. E.* Ulterius, *ad quos spectet prohibitio?* ad solos litigantes *lit. C. in fin.* denique, *quando cesset?* sublata lite *lit. C. (2.) partem Vindicativam seu sanctionem penalem*, illa sistit poenam, quæ secus facientes maneat *tit. 2.* Hodie ipsa prohibitio adhuc obtinet, ipsa tamen poena fortassis rarius infligitur.

## OBSERV. MCXXXVI.

*De dominio*) Ut alienatio inhibeatur, rem oportet esse litigiosam ratione dominii, hinc si solum de pignore vel servitute lis sit, alienatio non impeditur. Quod si vero actio personalis moveatur, quæ genus aut quantitatem persequatur, tum manifestum est, quod ratione Rei nihil litigiosum fieri queat, cum certum aliquod objectum haut debeatur, aut si certam rem v. gr. emptam petat, annon hæc erit litigiosa ad effectum impediendæ alienationis? Communiter hoc negant, *vid. PISTOR lib. 1. quest. 40. n. 8. seqq. CARPZOV. p. 1. C. 32. D. 22.* Sed mihi contraria sententia verior videtur, nam actor, lite mota, jus agendi personale alienare nequit, quod vulgò concedunt, ergo ob paritatem rationis, nec Reus rem con-

tro-

troverſam alienare poterit ; accedit, quod ipſum etiam dominium hic controverſum fit, emtor enim utique negat, quod res pleno jure ad venditorem pertineat, ſi- bique mediante traditione rei dominium adjudicari petit, nec obest *Nov. 112. c. 1.* nam lis de dominio ſubefſe dicenda eſt, non tantum ſi quis rem ut ſuam vindicet, ſed & ſi de conſequendo dominio labore.

TIT. VII.  
DE OBLIGATIONIBUS  
ET ACTIONIBUS.

OBSERV. MCXXXVII.

**O***bligatio hic eſt*) Explicantur termini Obligationis, & Actionis, quæ res, ſi Jurisprudentia methodice excolatur, ad partem præliminarem pertinet, nam hætenus oſenſum eſt, quomodo ex variis factis obligationes & actiones reſultent, quæ tractatio in ſequentibus etiam recurrit, hinc generalis harum rerum cognitio merito præſupponi debet. De cætero explicatio obligationis & actionis ex communibus principiis dependet, quæ autem Romani adjecerunt, illa ferè nullius hodie uſus ſunt.

OBSERV. MCXXXVIII.

*Subjectum ſunt creditores & debitores*) Sed hi late debent ſupponi, nam obligatio per univerſam Jurisprudentiam diffunditur, adeoque juri perſonarum, quod vocant, nec non juri reali etiam reſpondet, amplius circa crimina & pœnas eadem quoque occurrit, quibus reſpectibus termini creditoris, & debitoris prout communiter ſumi ſolent, locum non habent.

OBSERV. MCXXXIX.

*Perſonam adſtringunt, non etiam jus in re tranſferunt*)

*runt* ). Hæc etiam locutio redolet præjudiciū ex jure Romano. haustum & satis ambigua est, interim sic explicari debet; obligatio & jus ad rem, quæ ex facto speciali oriuntur, afficiunt saltem certam personam, non verò rem ipsam nostram faciunt, ac contra quemvis effectum habent.

## OBSERV. MCXL.

*Et propter hanc jus civile quandoque dat actionem* ) Sed ita non est amplius obligatio merè naturalis, sed simul civilis, nec liquet, quid in hac subtilitate situm sit, si obligationem, etiam quatenus exinde actio datur, adhuc naturalem dicere velis.

## OBSERV. MCXLI.

*Civilis est vinculum juris civilis* ) Hæc obligatio merè civilis olim habuit effectum intuitu pactorum nudorum, cujus rei exemplum est in l. 27. §. 3. de pact. præterea in processu antiquo etiam usum habuit, nam ubi nulla penitus subfuit obligatio, nullitatem coram iudice semper allegare licuit, ubi vero civilis, exceptio ei opponenda, & coram Præatore allegari, & formulæ inferi debuit, si quidem actio stricti juris esset. Hodie obligatio merè civilis, est nomen otiosum, nam licet adhuc discrimen subsit, utrum dicas, actum esse ipso jure nullum, an restitutione rescindendum, aut compensatione ipso jure tolli obligationem, non per exceptionem, attamen illæ locutiones non indicant aliquam obligationis civilis efficaciam, sed solum docent, actum diverso modo posse esse invalidum, aut tempus sublata obligationis innuunt.

## OBSERV. MCXLII.

*Inventa jure Gentium* ) Ejusmodi assertiones generales nihil significant, ut mirum sit, hujus generis contro-



troverfias instrui & agitari vid. *FIBIG. Col. leg. Disp. 13. semidecad. qua.* nam quædam jura & actiones sunt ex lege naturali, quædam ex civili, id quod ex loco, cujusvis actionis proprio, repetendum. Illud certum, omnes actiones ex jure civili non esse, nec obft. l. 2. §. 6. de O. J. non enim de actionibus, sed formulis loquitur.

## OBSERV. MCXLIII.

*Ratione causæ efficientis remotæ* ) Hoc respectu actiones possent distingui in *naturales* & *civiles*, quamvis vix operæ pretium sit, istas minutias consuetari, nisi usum forte in eo querere velis, quod illæ inter Status imperii germanici locum etiam habeant, hæ non, quod ratione non caret. Divisio in *civiles* & *Prætorias*, exigui est usus, nam singularum actionum duratio seorsim investigari potest. Altera vero, quâ in *directas*, *utiles* & *in factum* discernuntur, ad processum Romanorum antiquum pertinet, & hodie neque necessaria, neque utilis est.

## OBSERV. MCXLIV.

*Proxima, in præjudiciales* ) Qui accuratissimè à causa efficiente proximâ, seu jure, actiones distinguere volunt, illi ita incedunt, ut eas vel *ex jure personarum*, vel *rerum* repetant, sed si accurate res examinetur, jus personarum ad actiones proprias pertinet, adeoque ei nulla respondet obligatio in aliis, qua illi aliquid facere teneantur, hinc etiam ex jure personarum nunquam agimus. V. gr. libertas ad jus personarum pertinet, ex ea nihil ab alio petere possum, sicut illud facere licet, quando ab aliquo quid stipulatus sum, sed illa solum pertinet ad directionem actionum propriarum. Quod si verò alius, intuitu libertatis meæ, mihi

hi sit molestus meque in servitutem dejicere velit, tum oritur actio præjudicialis, quæ adeo ex delicto, & personalis est, nec ex jure personarum, sed jure ad rem seu personali descendit.

## OBSERV. MCXLV.

*In natives*) Vexata est distinctio actionum in *nativas* & *dativas*, vid. BERGER in *resolut. h. FIBIG. Colleg. legal. disput. 13. Semidecad. qu. 2.* Licet autem eandem suo modo defendi posse putes, attamen ejus nulla est necessitas vel utilitas, quemadmodum etiam non dubito, quin eadem ex turbidis rerum moralium principiis, ac præjudiciis Romanis dependeat, ut illa quidem facile carere possit Jurisprudentia.

## OBSERV. MCXLVI.

*Delicto, quales sunt regulariter omnes*) Doctrina Romana, qua actiones ex delictis, quatenus etiam damnum persequuntur, in hæredes Rei transire negantur, ratione solida haut nititur, ac ab æquitate naturali abhorret, cum enim obligatio intuitu bonorum sit constituta, merito ad eum, qui bona consequitur, simul transire debebat, ac in universum juxta æquitatem naturalem de transitione ita dicendum est: actiones ex delicto, quatenus rem persequuntur, *transire debent*, quatenus pœnam pecuniariam, *possunt*, si ita velit lex civilis, quatenus pœnam corporis afflictivam, *non debent*. Cum etiam nulla appareat ratio, quare iniquius Romanum jus, æquitati naturali præferendum sit, hinc putem, actiones ex delicto rei persecutorias, in Germania, in hæredes transire, quamvis hac de re variè sentiant scriptores. Exstat aliàs *Dissertatio D. COCCETTI* de obligatione hæredis ex delictis defuncti *hæb. Francofurt. 1691.* in qua tamen hypotheses sub-

substrata, non satis ad liquidum deducta videntur, ac in nonnullis præjudicia Romana redolent.

## OBSERV. MCXLVII.

*Objecti qualitate in rei persecutorias*) Divisio actionum, quæ ab objecti qualitate & quantitate desumitur, ex generalibus quidem principiis resultat nec inere Romana est, hodie tamen nullius videtur usus, cum omnes actiones sint tantum rei persecutoriæ (si unicum injuriarum æstimatoriam forte excipias, licet, & de ejus indole adhuc disputetur, ut suo loco videbimus) adeoque in simplum tendant, non quidem quod jus Romanum sit abrogatum, sed quod nunquam sit receptum, hoc enim ex constanti fori non usu, qui positivam rejectionem utique involvit, merito colligas, quem non turbant exempla rariora, nonnunquam forte intercurrentia, affectus enim Germaniæ, circa jura extranea admittenda aut rejicienda, ex eo, quod ut plurimum accidit, non sententia unius aut alterius, præjudiciis Romanis in transversum forsitan acti, æstimandus est. Interim non omnium una hic est sententia, vid. BERGER in resolut. h. THOMAS differt. de usu actionum pœnaliarum juris Romani in foris Germaniæ hab. Hall. 1693.

## OBSERV. MCXLVIII.

*A qualitate in bonæ fidei*) Mero jure naturali divisio actionum, quod aliæ sint bonæ fidei, aliæ stricti juris, ignoratur, & potius omnes actiones sunt bonæ fidei i.e. tales, quæ, supervenientibus circumstantiis, recte sint, ex æquitatis præscripto, explicandæ. Romanorum igitur inventum est ista divisio, quæ quidem nulla necessariâ ratione nititur, sed ex corruptione fori Romani aliisque hypothefibus minimè necessariis, v. gr. de

*pactis nudis, de solo consensu ad contractus non sufficiente, successive videtur invaluisse, quamvis vulgo ex natura contractuum eam fluere arbitrentur, vid. BACHOV. de action. disp. 6. §. 2. FROMMAN disput. hab. Tubing. 1669. de different. action. bonæ fidei & juris §. 3. quod tamen haut persuadebunt, si naturam contractuum ex Jure gentium æstimemus.*

## OBSERV. MCXLIX.

*Earum species omnes continentur in §. 28. J. de action.) De numero actionum b. f. magna est inter interpretes concertatio, sententia tamen AUTORIS communior est ac late defenditur à BACHOV. d. disp. 6. §. 3. seqq., imo existimant aliqui, JUSTINIANUM pro autoritate numerum actionum b. f. in d. §. 28. definivisse, atque ita magnum quid præstitisse vid. BECMAN disput. de differ. action. b. f. & strict. jur. habit. Jen. 1663. §. 23. Verum arbitror & JCtos veteres, & TRIBONIANUM cum Collegis, numerum actionum b. f. ignorasse, adeoque nec nos illam quæstionem decidere posse, nam ex nullo solido fundamento distinctio illa invaluit, præterea, testante d. §. 28. J. de action., de hæreditatis petitione olim dubitatum fuit, an actionibus bonæ fidei annumerari queat, hinc probabile est, JCtos ex formula Prætoris, successive observasse, quæ actiones sint bonæ fidei nec ne, ut tamen nunquam de earum numero fuerint certi; stante autem hac ignorantia, quomodo Compilatores numerum scivissent? In specie falsum putamus, quod JUSTINIANUS numerum definierit, hoc enim frei fuisset propositum, dubio procul, more solenni, multis iisque inepte luxuriantibus encomiis, id fuisset profecutus; memorantur constitutiones, quibus*

bus actio ex stipulatu pro dote repetenda, & hæreditatis petitio, bonæ fidei actiones sunt declaratæ, qui si-  
lere potuisset *TRIBONIANUS* tantum facinus,  
quo universa actionum bonæ fidei cohors suam acce-  
pisset certitudinem?

## OBSERV. MCL.

*Stricti juris*) In his magis adstricta quidem perhi-  
betur esse iudicis potestas, nec tamen ille ita rigide ver-  
fatus est, ut omnes circumstantias neglexerit, quod vel  
solum actionis ex stipulatu exemplum docuerit, nam  
& in hac sæpe quæstiones sunt de æquo & bono, &  
culpæ ac moræ habetur ratio *l. 91. §. 3. de V. O.* occur-  
rit quæstio facti, & id quod expressum non est, pro ex-  
presso habetur *l. 94. eod.* crebro tota res ad iudicem seu  
virum bonum remittitur, qui in ejusmodi stipulatione  
*Ephesti dari*, habita ratione temporis, ætatis, sexus, va-  
letudinis æstimet, quantum tempus ad explendam  
promissionem promissori sit concedendum & quando  
in mora fuisse censi debet *l. 137. §. 2. eod.* ex quo, ni-  
si fallor, legislationis Romanæ incertitudo & vitium,  
hac in parte, elucet.

2. De differentiis bonæ fidei & stricti juris actio-  
num, res etiam valde incerta est, interim tamen non-  
nullæ commemorari solent, de quibus in primis *BACHOV. de action. d. disp. 6. §. 17. seqq.* aliique interpre-  
tes videndi sunt, nobis enim rancidas illas Romano-  
rum merces hic apponere non libet. De usu saltem  
distinctionis moderno videndum. Aliqui existimant,  
jure civili jam eam esse sublatam per *l. 1. C. de formul.*  
quod *SCHULZ in Synops. ad §. 28. f. de action. lit.*  
*T.* refellit. Quidam jus Canonicum illam sustulisse  
censent, quos rejicit *BACHOV. d. disp. 6. §. 12.* Quic-

quid hujus sit, hodie eam cessare puto, non quod sit abrogata, sed quod nunquam admissa, nam doctrina Romanorum (1.) nimis incerta est, ut haut probabile sit, Germanos eam recepisse, inprimis cum (2.) antequam jus Romanum invalesceret, haut dubie jure naturali usi fuerint, quod in æstimandis actionum circumstantiis simplicissimum est, hujus itaque jacturæ ut redimerent monstrosa Romanorum dogmata, ejus quidem rei nulla adfuit causa, præterea (3.) differentiarum, quas committunt Romani, si probe expendantur, videntur fere ex antiquo processu formulario & ex hypothese de pactis nudis esse exortæ, sed utrumque illud præsuppositum Germania ignorat. In specie differentiam, quoad juramentum in litem, non attendi docet *CARPZOV. p. 1. C. 23. D. 19.* discrimen, quod intuitu temporis, Judicatis dati, adstruunt *vid. l. 3. pr. §. 1. de Usur. BACHOV. d. disp. 6. §. 20.* necessario cessat, cum tempus illud hodiè non occurrat *vid. BRUNNEM. ad l. 1. C. de usur. rei jud. PERETZ eod. n. 1. CARPZOV. Proc. tit. 25. art. 3. §. 2.* Denique differentia quoad usuras ob moram præstandas, est improbata per R. J. 1654. §. 174. de anno 1600 §. 139. quæ dispositio ob paritatem rationis in omnibus stricti juris actionibus admittenda est, *vid. STRYK in not. ad tit. de Condict. indeb. ad p. 207.*

## OBSERV. MCII.

*Arbitraria sunt*) Hæ duplicis generis sunt, nam (1.) si actio stricti juris alio loco, quam de quo conventum, instituebatur, tum *arbitraria* ac *actio de eo quod certo loco*, audiebat, sed istas fori Romani ambages hodie cessare, supra ad Tit. *de Eo quod certo loco* ostendi *vid. Obs. 385.* (2.) actio dicebatur *arbitraria* ab antiquo

quo processu, quo iudex pedaneus sententia interlocutoria rem restitui jubebat, ac reum contumacem condemnabat in quantitatem jurejurando in litem actoris, determinatam, *vid. BACH. de action. disp. 7. §. 6. seqq.* hæ actiones arbitrariz in effectu videntur cum actionibus bonæ fidei coincidisse, nisi quod aliæ illud, quædam hoc nomen gesserint, interim ab aliis vanæ differentiz conquiri solent, de quibus inprimis *BACHOV. d. disp. 7.* Cæterum hodie etiam actiones, sensu juris civilis arbitrariz, cessare, manifestum est, deficit enim processus ille antiquus & sententiz, de re reddenda latæ, executioni dantur. Ergo in summa, omnes actiones hodie sunt, sensu juris Gentium, bonæ fidei vel arbitrariz i. e. omnes, pro ratione circumstantiarum, recte & æquitati convenienter sunt explicandæ. Romana non alium habent usum, quam ut quæstionarii eorum intuitu, vanissimas lites instruere, in iisque prolixè agitandis, otio & ingenio abuti, nonnunquam etiam per ea circulos fori Germanici turbare queant.

LIB XLV. TIT. I.  
DE VERBORUM OBLIGATIONIBUS.

OBSERV. MCLII.

**S***tipulatio est contractus*) Hæc assertio quidem dubia non redditur per *l. 19. d. V. S.* quæ nimis stricte contractum accipit, generaliter tamen vera non est, nam stipulatio in se spectata, nihil aliud est, quam *solennis verborum conceptio*, qua consensum tam obligatorium, quam liberatorium exprimere possumus, ceu non obscure innuitur *l. 5. §. 1. de V. O.* hinc etiam

contractus nominatos, emtionem, locationem ceterosque, per stipulationem, i. e. verba solennia, celebrare licet, haftenus igitur stipulatio contractus non est. Amplius igitur videndum, num consensus liberatorius per verba solennia explicetur, hinc oritur *acceptilatio* l. 27. § 2. de pact. an pactum nudum obligatorium, inde existit *stipulatio* velut *peculiaris contractus verbalis*, huius igitur consideratio cum doctrina generali de pactis coincidit, nisi quod in ea non tantum ad *consensum*, sed & *verba solennia* respiciatur. Hodie hæc non sunt necessaria, sed pactum & stipulatio synonymicè accipiuntur, adeoque explicatis pactis, de stipulationibus non amplius agendum est.

## OBSERV. MCLIII.

*Quod regulariter in omnibus obligationibus observatur*) Sed sine prægnante causa, quid enim interest, siue ab initio consentias, quo quis tuo nomine contrahat, siue contractum ab alio celebratum, ex postfacto acceptes? hinc etiam hanc dispositionem Romanam, Germani non receperunt, sed tertius valide alterius nomine, & sine ejus consensu, paciscitur, resque habet exitum, si is, cujus gratia pactum celebratum, id acceptet vid. BERGER in not. h. qu. 2.

## OBSERV. MCLIV.

*Nam adjectus non potest acceptum ferre vel compensare*) Imo utrumque potest, de compensatione dubium non est, quid enim refert, utrum adjectus creditori præstet, quod solutione accepit, an quod compensatione retinuit? nec obstat d. l. 10. de solut. nam compensatio est etiam solutio. Quod verò acceptilationem attinet, haftenus quidem per eam debitor liberari nequit, ut creditor nihil consequatur, atque hoc sensu



sensu illa saltem in *d. l. 10.* fieri posse negatur, sed ita tamen fieri potest, ut debitor liberetur, sed adjectus de suo satisfacere creditori debeat, nec habebit hic contra illum regressum, licet adjectus solvendo non sit, nam arbitrium, debitorem volentem liberandi, seque ejus loco substituendi, adjecto est voluntate creditoris concessum.

## TIT. II.

## DE DUOBUS REIS CONSTITUENDIS.

## OBSERV. MCLV.

**D**UO rei credendi ) Tractatio hæc generalis est, pertinetque ad omnia jura & obligationes adventitias, quæ ex facto obligatorio descendunt, quæque pluribus acquiri aut imponi debent. Nimirum poterunt jura ac obligationes pluribus vel *simpliciter pro rata acquiri & imponi*, quod quidem regulariter obtinet adeoque in dubio præsumi debet, vel ita ut *iis pro rata quidem etiam inhæreant, singulis tamen elective facultas exigendi competat, ac solvendi necessitas incumbat*, inde oriuntur *correi credendi & debendi*.

2. Accuratè igitur loquendo, Rei credendi sunt, quibus una res pro rata debetur, sed ita, ut singuli elective totam exigere queant, Debendi vero, qui eandem rem pro rata debent, sed singuli pro libitu creditoris, totam præstare tenentur. Pertinet igitur qualitas correalis, non ad ipsa jura & obligationes, quæ utique pro rata solum pluribus competunt ac inhærent, sed ad *exactionem & solutionem*, quam unusquisque facere potest, vel quæ ab eo fieri debet. Respicit autem illa qualitas utilitatem creditoris, dum actio à singulis, aut in singulos institui potest, ac adeo correo credendi, in

solidum agenti, non potest opponi exceptio illegitimationis, seu ab eo exigi mandatum vel cautio rati, ratione socii seu correi.

3. Vulgo qualitatem correalem ad ipsa jura & obligationes referunt, adeo ut una quidem res, sed singulis, aut à singulis, in solidum debeatur, quod *AUTOR* etiam non obscure sequitur, sed illa sententia & sibi contradicit (si enim pluribus, aut à pluribus res in solidum debetur, tum non una, sed plures res sunt in obligatione) & falsas, circa jus & obligationem Correorum, parit conclusiones, prout ex sequentibus apparebit.

OBSE RV. MCLVI.

*Constituuntur*) Constitutio Correorum naturalis est, iis tamen in casibus, ubi expresse illa non peragitur, ut in quasi contractibus & delictis, præcipue culposis, interpretationi legis civilis multum relictum est. In specie recte dicitur, verbis expressis non esse adjiciendum, duos reos constitui, sed sufficere, si hoc ex formula appareat, nec obstat *Nov. 99.* agit enim saltem de *animo* plures reos constituendi, non de *modo* animum declarandi, *illum* requirit, *hunc* vero minimè præscribit.

OBSE RV. MCLVII.

*Correus credendi lit. E.*) Circa correos credendi duæ quæstiones occurrunt (1.) *quid unicuique liceat intuitu debitoris?* deinde (2.) *ad quid sibi invicem obstringantur correi?* quarum quidem decisio etiam naturalis est, cum ex consensu, quo constitutio peracta, fluat. Interim Romani constitutionem non recte per omnia videntur æstimasse, hinc etiam ea, quæ de jure & obligatione correorum dicunt, nonnunquam dubia aut falsa, vel saltem hodie non obtinere videntur.

## OBSERV. MCLVIII.

(*Potest exigere debitum*) De jure correi credendi, intuitu debitoris, juxta naturam negotii & æquitatem naturalem, breviter dicendum, quod ille hunc quovis modo, oneroso & gratuito, ab obligatione in solidum liberare queat, salvo jure alterius correi quoad regressum. In doctrina Romana rationem non habet (1.) quod acceptilationem & novationem illi separaverint, si enim Reo credendi, modo gratuito licet obligationem extinguere, cur non etiam per novationem unice in se transferre? id quod etiam quibusdam placuisse videtur, nam pugnam inter *l. 27. pr. de pact.* & *l. 31. §. 1. de novat.* non, nisi inepte, tolli posse censet *BACHOV. ad Tr. V. 2. D. 27. th. 9. lit. D.* teste *EKHOLTO ad ff. de novat. §. 4.* (2.) quod delationem juramenti, & pactum simplex ac compromissum, quoad effectum distinxerint, nam illa perinde pactum est, atque istud & hoc, hinc si per illam liberari potest debitor, nulla apparet ratio, quare per istud & hoc itidem liberatio ei contingere nequeat? (3.) quod acceptilationem & pactum liberatorium eodem loco non habuerint, nam utut illa, ex hypothesibus Romanis, fortius operetur in annullanda obligatione, attamen hoc etiam suo modo eandem tollere aptum est, hinc omnis vis eidem hic non erat neganda. Ausim igitur dicere, quod hodie Romana illa attendi non debeant, sunt enim & incerta, & ab indole negotii abhorrent, nec illicitum erit, in iis, quæ naturalia sunt, à placitis Romanorum abire, illud certum, quod discrimen acceptilationis & pacti liberatorii, hodie cesset.

## OBSERV. MCLIX.

*Neque quod unus accepit, alteri communicare debet*) Ex natura negotii omnino debet, aut si modo gratuito debitorem liberaverit, de suo partem ratam alteri prestare tenetur. Sententia contraria ex eo ortum habet, quod qualitatem correalem, ad ipsum jus pertinere existimaverint, cum tamen ad ejus exactiorem solum spectet, ceu Observ. 155. ostensum; Interim varie eam limitant, sed satius est, illam, velut à naturâ negotii abeuntem, plane rejicere.

## OBSERV. MCLX.

*Singuli in solidum possunt conveniri*) Circa correos debendi, itidem duplex quaestio occurrit (1.) *ad quid singuli creditor teneantur?* quæ recte hic deciditur (2.) *an solidum solvens, partem ratam à ceteris possit repetere?* quod omnino ex natura negotii dicendum, nam partim pro se solvit, partim pecuniam pro aliis expendit, vulgo tamen ex falsa hypothese dissentiunt, circa quam repetenda, quæ modo diximus.

## OBSERV. MCLXI.

*Neque hic locum habet excusio*) Contrarium defendit CARPZOV. p. 2. C. 18. D. 10. quam sententiam & æquitati consentaneam & in praxi receptam dicit Dn. BERGER. in resolut. qu. 4. quod eo magis admittendum, quo minus rationes sententiae alterius, sunt validæ, nam ex l. 5. C. si cert. pet. nihil aliud colligitur, quam reos debendi, obligari in solidum, quo ipso ordo, quem æquitas certo casu præcipit, non negatur, in l. 4. C. h. t. non ordo, sed totalis saltem liberatio, correis nihil accipientibus, abjudicatur.

## OBSERV. MCLXII.

*Non etiam unius compensatione*) Hoc solum dicitur

citur in *d. l. w. b. t.* quod correus debendi conventus, ex alterius correi persona, compensationem opponere nequeat, nisi sit socius, aut si conventus ex propria persona, compensationis exceptione objecta, liberationem obtinuit, tum alteri, deinceps forte convento-compensatio olim facta perinde prodest atque solutio, vel alius tollendi obligationem modus, hoc respectu igitur *AUTORIS* assertio non procedit.

## OBSERV. MCLXIII.

*Unius mora non nocet alteri*.) Distingendum est, utrum *mora aut factum alterius, novam obligationem producat* v. gr. ad usuras solvendas, an *obligationem constitutam saltem mutet* v. gr. si ob rem promissam, culpa aut mora alterius peremptam, æstimatio præstari debeat. Prius factum non nocet alteri, quia in novam obligationem non consensit, aut posterioris incommodum alter sentit, quo pertinet obstand *l. 18. b. t.* quia in obligationem principalem consensit, ejus verò objectum alterius facto saltem mutatur, hinc accurate loquendo, alterius factum alteri non nocet, sed alter, facto licet alterius interveniente, sub obligatione, quam semel suscepit, manet, quæ omnia naturalia esse facile liquet.

## OBSERV. MCLXIV.

*Adjici potest*.) Hæc etiam disquisitio naturalis est, nam *diversitatem obligationis temporariam* cum qualitate correali posse consistere, non verò *perpetuam*, ex ratione communi patet, hinc licet consuetæ clausulæ adsint, si tamen diversitas perpetua reperiatur, correi non sunt, horum enim obligatio debet esse æqualis, cui adeo illa refragatur. Quod tamen diversitas quoad præstationem doli & culpæ, qualitatem correa-

realem excludat, juxta *l. g. §. i. b. t.* id magis positivum, quam naturale est, nam ea non obstante, æqualitas quoad obligationem prinitivam & principalem manere potest.

LIB. XLVI. TIT. I.  
DE FIDEJUSSORIBUS ET  
MANDATORIBUS.

OBSERV. MCLXV.

*Fidejussio*) Hodie est contractus consensualis, & quæ *AUTOR* (1.) de ejus *natura* differit *lit. D. + C. S. P. O.* nec non (2.) de *officio agentium lit. E.* ac (3.) fidejussionis *duratione lit. C.* proponit, illa sunt juris Gentium, si pauca excipias, quibusabilitas personarum specialius definitur, aut voluntas agentium certius determinatur, quæ juri Romano, adscribi debent.

OBSERV. MCLXVI.

*Obligatur fidejussor lit. E.*) Quæ de obligatione fidejussoris nec non ejus beneficiis dicuntur, illa omnia ex natura negotii repeti, adeoque pro naturalibus decretis haberi possunt, lex civilis saltem vel certius illa declaravit, vel verum negotii sensum restituit. In specie recte dicitur, quod fidejussor, qui ad certam summam se obstrinxit, ad usuras non teneatur *n. i. b.* deficit enim consensus, & licet debitor principalis in mora sit & hæc hodie obligationem ad usuras parere soleat, attamen hoc verum saltem est ratione morosi, vel ejus qui in omne illius factum se obstrinxit, in nostro autem casu id fidejussori non nocet, cum non pro quovis debito, sed certo saltem, se obligaverit, nec factum alterius novam obligationem ei invito impingere

gere queat, ex quo liquet, quod hoc omninò etiam hodie obtineat, quod aliis non videtur, *vid. STRYK. in not. b.* De cætero illi doctrinæ non obest *l. 88. de V. O.* nam mora debitoris nocet fidejussori ad *obligationem principalem perpetuandam & commutandam*; non verò ad *novam ei imputandam*, nam in prius consensit fidejussor, sed non in posterius *vid. Observ. 163.*

## OBSERV. MCLXVII.

*Condictio certi*) Hodie etiam actio illa, dici potest *condictio ex moribus*, sed de hoc parum laborandum. Vice versa autem Creditor fidejussori ex contractu fidejussionis, utpote unilaterali, non obligatur, ex æquitatis tamen præscripto, actiones vel contra debitorem principalem, vel fidejussorem competentes, tempestive movere debet, ne ex dilatione damnum sentiat fidejussor, morosus igitur creditor ad agendum meritò urgetur, quam æquitatem sibi reperisse. visi sunt interpretes in *l. 28. h. t.* hinc prodiit decantatum *remedium ex l. si contendat*, quod adeo meri juris Romani censeri non debet.

## OBSERV. MCLXVIII

*Non etiam post solutionem*) Sepositâ autoritate, contraria sententia magis defendi potest, nam ratio, *quod solutione actio sit extincta, adeoque nihil cedi queat*, retorqueri potest, si enim solutio actionem extinguit ac cessionem impedit, necessariò olim factam enervat, ac inanem reddit, hinc nec ante nec post eam, cessio fieri poterit! Falsum igitur est, quod solutio actionem extinguat, nam fidejussor, intuitu debitoris principalis, accessoriè, confidejussoris, pro rata saltem obligatur, quando igitur solidum solvit, primo respectu, debitum simpliciter, secundo verò, pro parte alienum

num præstat, hinc creditur quidem nihil amplius exigere potest, sed actiones ideo non extinguuntur, sed alii venduntur, hinc emtori cedendæ, ac documenta necessaria tradenda sunt. Atque hæc sententia merito præferri alteri debet, cum & in praxi recepta sit & Romani hac in parte sibi non satis conslitterint, nam *l. 36. h. t. cum l. 76. de solut.* recte conciliari non posse videtur.

## OBSERV. MCLXIX.

*Contra fidejussorem actionem nullam habet*) Sed hoc ex falsa hypothese, quæ correi debendi, in solidum obligati censentur, quæque in *l. 39. ff. & l. 11. C. h. t.* etiam occurrit, procedit, quod si autem correos saltem pro rata obligatos supponas, juxta notata Observ. 1155. tum fidejussor omnino etiam ex proprio jure partem ab altero repetere poterit, quo casu etiam expensas cum ratione facias, pro rata recuperabit.

## OBSERV. MCLXX.

*Si vero simpliciter se quis obligavit ad certum tempus, eo elapso non liberatur*) Contrarium verius est, nam res eodem recidit, si simpliciter te ad certum tempus obliges, sive insuper protestationem addas, utroque enim casu animus restricte se obligandi satis apparet. Non obsunt textus citati, nam *l. 10. C. l. 38. §. 1. ff. mand. l. fin. X. h. t.* huc non pertinent, cum saltem doceant, quando fidejussor contra debitorem agere queat. In *l. 7. C. de locat.* proponitur casus, ubi quis fidejusserat pro eo, qui in quinquennium vectigalia conduxerat, diciturque quod ratione istius summæ, etiam ultra id tempus fidejussor teneatur, sed inde nihil pro AUTORE, neque enim quinquennium adjectum est, ut determinet *durationem obligatio-*  
rio-



tionis, sed saltem *quantitatem debitam*, obligatio verò tam ratione debitoris principalis, quam fidejussoris, pura & perpetua est, mirum itaque videri non debet, si eadem ultra tempus, quantitati determinandæ adjectum, duret. Aliud igitur est: *intuitu summae puræ, ad tempus*, & aliud: *intuitu summae, per tempus determinandæ, purè fidejuberè*, ibi tempore elapso cessat obligatio, hic non.

## TIT. II.

DE NOVATIONIBUS ET  
DELEGATIONIBUS

## OBSERV. MCLXXI.

**NOVATIO**) Est actus mixtus vel duplex, prior enim obligatio eodem tollitur, ac nova constituitur, hinc pertinet ad pacta, quæ diverso respectu liberant & obligant. Possè autem tale quid ab omnibus gentibus fieri, adeoque novationem esse juris Gentium, manifestum est. Quæ Romani adjecerunt, hodie fere sunt sine usu, nam (1.) voluerunt, ut in litis contestatione sit novatio, vel saltem quasi contractus *lit. D.* sed hodie illam, sola contradictione quoad causam principalem, absolvi, plane existimo (2.) verba solennia jure Romano, requiruntur, verum, hodie solum consensum sufficere, docet *AUTOR lit. C.* nec id (3.) alicujus est usus, quod obligatio *ipso jure* tolli dicatur *lit. E.* nam sive ipso jure, sive ope exceptionis eam tolli dicas, res eodem hodie recidit.

## OBSERV. MCLXXII.

**SISTANTUR USURÆ obligationis in judicium deductæ)** Non statim hoc fit, sed demum post rem judicatam, tum enim per quadrimestre spatium, quod judicatis solu-

solutionis faciendæ causa indultum est, usuræ non currunt, *l. fin. C. de exec. rei jud.* quodsi vero, eo elapso condemnatus adhuc sit in mora solvendi, tum debet centesimas usuras præstare *l. fin. C. de usur. rei jud.* sed hodie neque quadrimestre spatium, neque immunitas ab usuris consuetis, neque usuræ centesimæ sunt in usu, sed consuetæ potius usuræ currunt, donec victor suum consecutus fuerit *vid. BRUNNEM. ad l. fin. C. de execut. rei jud. l. 1. C. de usur. rei judic. STRUV. S. J. C. exerc. 44. §. 16.*

## OBSERV. MCLXXIII.

*Tum dicitur delegatio*) A qua differt (1.) *assignatio*, quando debitor creditori suo alium solutionis causa assignat, hæc priorem debitorem non liberat, debet tamen creditor, qui assignationem admisit, tempestive exigere aut assignationi renunciare, alias periculum debiti assignati ad ipsum pertinebit, *vid. DECIS. SAXON. 66.* (2.) *cessio*: generalis autem differentia est, quod delegatio sit novus actus obligatorius, ex quo adeo novum jus & obligatio fluit, sed cessio jus antiquum saltem in alium transfert. Exinde sequitur, (1.) quod etiam non debitor, queat delegari, sed cessio semper prærequirit debitorem (2) delegatus non possit amplius deleganti solvere, sed debitor cessus, ante denunciationem, cedenti rectè solvit (3.) cessio sine consensu cessi fieri queat, sed delegatio consensum delegandi necessariò requirit (4.) debitor cessus eandem exceptionem opponat cessionario, quam cedenti, verum delegatus delegatario opponere nequit, quod deleganti opposuisset (5.) delegatio semper fiat in solutum ac à debitore, sed cessio aliquando fit in solutum, quando scilicet cedens cessionarii debitor est,

est, aliquando non, dum titulo habili debitum alienatur.

## OBSERV. MCLXXIV.

*Neque hoc in casu ullibi requiruntur precise verba*) Hæc sententia omninò rationem habet, nam delegandi actus, novandi animus per se satis involvit, nec obstat *l. fin. C. h. t.* nam non loquitur de *delegatione*, sed *novatione*, quæ per *adjectionem* vel *mutationem fidejussoris* facta est, ceu totus contextus ostendit, ut fluctus omninò in simpulo moveant, qui controversiam hanc Imperiali decisione egere arbitrantur, quorum meminit *CARPZOV. d. l.* In Saxonia tamen Electorali diserta expressio etiam in delegatione videtur necessaria *DECIS. SAXON: 66.* nisi forte dicendum sit, eam saltem circa assignationem requiri, ut illa scilicet pro delegatione haberi nequeat, nisi peculiaris expressio accesserit, aliud vero obtineat, si ex ipso actu delegationis, animus novandi satis appareat.

## OBSERV. MCLXXV.

*Obst. l. 72. §. 1. de solut.)* Quid ex hac *AUTOR* sibi objiciat, non satis liquet, nisi forte verba finalia: *Offerentem postea liberari* huc trahere velis, sed infirma erit consequentia; *si oblatione mora purgatur, ergo non etiam novatione!* Alias *d. l. 72. §. 1.* sententiam *AUTORIS* confirmat, dum moram etiam novatione conditionali, & ob defectum conditionis, invalidâ purgari docet, quod tamen, nisi fallor, in *l. 31. pr. h. t.* negatur. Casus hic est. Debet mihi quis servum ac in eo tradendo moram commisit, post moram, animo novandi, eundem servum sub conditione stipulor, qua penes eum, servus decedit, quaeritur quid existen-

te conditione petere liceat? Ex sententia *d. l. 72. §. 1.* nihil peti potest, nam novatione conditionali mora purgata est, ac servus postea sine facto promissoris decessit, sed ex decreto *d. l. 31. b. 1.* novatio moram non purgavit, verum utramque potius obligationem & ad servum præstandum, & ad æstimationem ob moram solvendam, renovavit, hinc servo mortuo, existente conditione, ultima obligatio se exserit. Mihi non alia conciliandi ratio nunc suppetit, quam ut *d. l. 31.* de casu speciali, ubi hoc actum sit, accipiamus.

## TIT. III.

DE SOLUTIONIBUS ET  
LIBERATIONIBUS.

## OBSERV. MCLXXVI.

*Solutio*) Pertinet hæc ad impletionem obligationis, quæ ex contractu vel delicto resultat, & poterunt quidem quævis res debitæ solvi, præcipue tamen ad pecuniam numeratam solutio pertinet. De cætero uti eadem apud omnes homines occurrit, ita doctrina Romanorum maximam partem naturalis est, nam ad solutionem faciendam personæ habiles requiruntur, quid autem & quo modo solvendum sit, id ex ipsa obligatione judicandum, denique effectus solutionis naturalis est, quemadmodum ejus probatio, ex æquitatis præscripto est necessaria.

## OBSERV. MCLXXVII.

*Nisi procurator ille furandi animo pecuniam accepit*) Hæc subtilitas Romana hodie est otiosa, cum res eodem recidat, siue debitorem ipso jure, siue ope exceptionis liberatum dicas, & erat quodammodo ini-

iniquum, ex diversa procuratoris falsi intentione, ignorantis debitoris obligationem æstimare, sed commentum commento eluserunt Romani, dum debitorem stricto quidem jure adhuc obligatum, mediante exceptione liberari existimarunt.

## OBSERV. MCLXXVIII.

*Dissert. Carpz. p. 2. C. II. D. 45.)* Pertinet hoc ad jus positivum Romanum. De cætero dissensus *CARPZOVII*, si recte rem assequor, in eo positus est, quod dicat debitorem pupillo cum Tutoris autoritate solventem, liberari quidem ipso jure, at pupillum restitui in integrum, sed *AUTOR* solutionem ipso jure nullam contendat, cujus quidem rei diversitas in duratione remediorum consistit, nam remedium restitutionis breviori tempore circumscribitur, quam nullitatis. *vid. Observ. 123. add. BERGER in resolut. h. qu. 3.*

## OBSERV. MCLXXIX.

*Res debitas ipsas lit. O.)* Hoc utique exigit obligationis rigor, sed ab eo nonnunquam humanitas & lex positiva discedere jubent, sic in Saxonia pupillus debita activa in solutum dare potest, modo potentior non respiciant *vid. DECIS. SAXON. 64.*

## OBSERV. MCLXXX.

*Pecunia tamen in alio nummorum genere solvi potest)* Si rem recte expendas, non potest, nam æqualitas pecuniæ, in primis etiam æstimanda ex materia & forma, in quibus insigne commodum vel incommodum consistit, præcipuè si summa major solvenda sit, hinc æquitas illarum circumstantiarum rationem haberi quoque jubet. Vulgaris ratio, quod in pecunia, non substantia, sed valor attendatur, quorum etiam colla-

manant textus citati, est nullius momenti, supponit enim illud de quo quæritur, ac ex eâ plura absurda sequuntur, nam si ex valore æqualitas æstimanda, tum sufficet qualenicumque monetam solvisse, insuper habita bonitate intrinseca ac valore antiquo, quemadmodum etiam satis erit, diversum genus, v. gr. pro pecunia vinum, vel pro vino oleum, præstitisse, nam in his omnibus valor ad æqualitatem redigi potest! Interim contraria sententia obtinet, cum tamen ejus iniquitas latere nequeat, hinc varie eam limitare solent, quibus limitationibus opus non esset, si vera sententia observaretur *add. HUB. in posit. ad J. quib. mod. re. contr. obl. n. 10.*

## OBSERV. MCLXXXI.

*Obligatio extinguitur ipso jure;* Ipsum jus, quatenus peculiarem extinguendi modum notat, est hodie nomen otiosum, & AUTOR comittit fallaciam causæ, quando inde deducit, quod exceptio solutionis, ingressum litis impediatur ac chirographum condici queat, prior enim effectus est ab exceptionis *evidentia*, posterior verò ab *ipsa obligationis extinctione*, non ejus modo. Porro certum est, quod sola confessio Creditoris super solutione sibi facta, debitorem securum reddat. *vid. BERGER h. qu. 3.* sed nec hoc deducendum est ex eo, quod obligatio ipso jure sit sublata, verum simpliciter ex eo, quod obligatio sit extincta.

## OBSERV. MCLXXXII.

*Obst. l. 38. §. 2. l. 43. de solut.*) Recte dicitur, quod fidejussore solvente, obligatio omnis, ratione Creditoris, solvatur, nam utraque obligatio, principalis & accessoria, idem respiciunt objectum, hinc eo sublato utraque expirat, Non obstat *l. 38. §. 2. de solut.* (nam hanc CARPZOV. d. l. allegat, licet Dn. BERGER

qu. 4. maluerit huc referre *l. 28. mand.*) verba enim finalia: *quod ille suo nomine pecuniam indebitam dando, repetitionem ejus haberet*, cum casu qui præcedit, huc non quadrant, fidejussor enim non *suo nomine indebitam pecuniam* dat, sed *debitam* potius *suo & debitoris nomine* solvit, hinc ratione Creditoris uterque liberatur, licet debitor, intuitu fidejussoris, obligatus maneat, de quo dixi *Observ. 1163.* Porro non obest *l. 43. de solut.* nam à confusione, quæ circa fidejussoriam obligationem contingit, ac objectum obligationis principalis non aufert, ad solutionem inferre non licet, quia hæc objectum plane tollit, adeoque necessario omnem obligationem, intuitu Creditoris, perimit.

## TIT. IV.

## DE ACCEPTILATIONE.

## OBSERV. MCLXXXIII.

**A**ceptilatio) Possumus etiam obligationes *consensu gratuito* remittere, quale pactum liberatorium, dubio procul juris Gentium est. Sed Romani isti pacto circumposuerunt *habitum acceptilationis*, dum per verba solennia illud celebrari voluerunt, hinc multa singulatia vel sequuntur vel alias adjiciuntur. Ex hoc genere est (1) fictio, qua solutio subesse fingitur (2) quod acceptilatio sit stipulatio (3) juris civilis (4) quod immediate à debitore & creditore fieri debeat (5) solas obligationes verbales tollat (6) novationum ambagibus, quibus creditor, debitor aut obligatio mutetur, opus sit, quod (7) obligationes extinguat ipso jure (8) diem & conditionem non recipiat. Verum in Germaniâ omnia illa Romana cessant ac merum jus

naturæ observatur, aded ut pactum de non petendo, acceptilatio, condonatio ac remissio apud nos sint synonyma.

## OBSERV. MCLXXXIV.

*Non est stipulatio* -- -- *obst. l. 27. §. 2. de pact.* ) Si per acceptilationem, ipsum consensum liberatorium, adeoque actus hujus substantiale, per stipulationem autem verba solennia, vel abstractiva, vel cum negotio obligatorio spectata, intelligas, tum verum est, quod acceptilatio non sit stipulatio, sed cum frequenter pactum obligatorium, verbis solennibus declaratum, stipulationem dicamus, eodem jure consensum liberatorium, verborum solennitate stipatum, i. e. acceptilationem, dicemus stipulationem, id quod ob-  
stans *l. 27. §. 2. de pact.* satis etiam innuit, ut assertio *AUTORIS* absolute non procedat. Hodie controversiæ hujus nulla est utilitas.

## OBSERV. MCLXXXV.

*Causa est jus civile* --- *obst. l. 8. §. fin. h.* ) Acceptilatio dicitur juris Gentium, vel intuitu consensus, quo constat, vel eo saltem sensu, quod linguam peregrinam admittat, quod quodammodo singulare existimari potest, nam alias id non temere admissum à Romanis, utpote qui ut omnia sua, ita & linguam, usu ejus late sparso, extollere conabantur *vid BROIDÆ ad Pollet. histor. for. Rom. l. 5. c. 15. in fin.* Hoc igitur jus Gentium nihil aliud est, quam jus civile ad peregrina extensum.

## OBSERV. MCLXXXVI.

*Solenni oblatione* ) Oblatio, obsignatio & depositio pecuniæ, est instar solutionis, hinc iisdem quoque regulis, siue personas offerentes, & quibus offertur, siue rem



rem offerendam spectes, dirigitur, quia tamen, ob tergiversationem creditoris, apud alium res deponenda est, hinc eam iniri jubet rationem æquitas, ut & debitor à suo onere levetur, & creditor quærendi causam non habeat, quæ jus Romanum certius definivit *add. DECIS. SAXON. 27.*

## OBSERV. MCLXXXVII.

*De oblatione verbali & reali, sed minus soleenni*) Hæc moram hætenus purgat, ut periculum rei, quæ perire potest, ad debitorem amplius non petineat, usuras verò licet ex mora debitas, non sistit, nec solvit antichresin, licet multi, ac in specie *HUBER in posit. ad f. quib. mod. toll. oblig. n. 43.* ultimum ex *l. u. C. de usur.* adstruant, nam ibi non de simplici oblatione, sed eà, quam obfignatio & depositio fuerit secuta, agitur, quod probabilius fit, si pro: *oblatam sibi jure pecuniæ* legas, *oblatam sibi* (sibi in) *jure pecuniæ*, prout illa omnia latius persequitur *NOODT de foener. & usur. l. 3. c. 15.*

## OBSERV. MCLXXXVIII.

*obligatio consensu contracta*) Hodie simpliciter omnes obligationes, quæ sunt privati arbitrii, mutuo consensu solvi possunt, ut sollicitudo illa Romana omninò cesset, quemadmodum etiam hodiè nihil refert, si res sit integra, si non, nam omni casu consensus serio datus, suo gaudet effectu, ut non indistinctè pro consensu mere liberatorio haberi queat.

## OBSERV. MCLXXXIX.

*Confusione*) Hac utique naturaliter obligationes tolluntur, si enim aliqua obligatio, mei causa, unice sit constituta, illa amplius durare nequit, si locum debitoris quoque subeam, cum enim ita pro lubitu eam

tollere possim, in effectu illa jam est sublata. Confusionis tamen non alius est effectus, quam quod tollat *solvendi necessitatem*, sed *ipsum commodum* non auferit, hinc si creditor debitori succedat, à se ipso quidem exigere nequit, rem debitam tamen consequitur. Hinc non obstat *l. 6. 8. C. ad L. falcid.* in quibus dicitur, quod *heres debitum suum ante legata deducat, licet per aditionem sit facta confusio*, nam hæc cum confusione consistere posse, ex modo dictis liquet.

## OBSERV. MCXC.

*Si due obligationes unius rei in unam personam collatae fuerint*) Ut hoc casu confusionem assererent, Romani, juxta doctrinam *l. 21. §. 2. de fidejus. l. 93. §. 2. l. 95. §. 3. de solut.* ejus rei causam solidam non habuerunt, nam duplex obligatio, cui in creditore duplex jus respondet, bene simul consistere potest, est etiam illius rei manifesta utilitas in concursu creditorum, ubi separatio bonorum nonnunquam petitur, aut quando bona unius debitoris, solvendo debito non sufficiunt, qualem casum *CARP. ZOV. d. p. 2. C. 18. D. 13.* proponit. Videntur Romani confusionem asseruisse, ubi nihil intererat, duplex an una, statueretur obligatio, aut ubi duplicis obligationis utilitas comparuit, eam negasse, aut minimum hanc limitationem adjecerunt interpretes. Licet verò hac ratione sententiæ iniquitas temperetur, attamen ambages illæ haut sunt probandæ, cum satius sit, omnem confusionem simpliciter negare, inprimis cum apud Romanos aliàs non infrequens sit, ut plures obligationes & actiones, ad eundem scopum tendentes, adstruantur, præterea in casu præsentē, non una omnium fuerit sententia, ceu liquet ex *l. 93. §. 3. de solut.*

## OBSERV. MCXCI.

*Compensatione*) De hoc suo loco actum, ac quid Romanum, quid commune circa eam sit, ostensum est. De cæteris tollendi modis, qui hic indicantur, strictim ita habendum: Rei interitus naturaliter tollit obligationem, sed concursus duarum causarum lucrativarum, capitis diminutio maxima & media, mors (secundum doctrinam allatam, nam si consensus partium hoc jubeat, tum ad modos naturales eadem perinet) & præscriptio ex jure civili vim suam habent.

## TIT. V.

## DE PRÆTORIIS STIPULATIONIBUS.

## OBSERV. MCXCII.

*Prætorie stipulationes*) Cautiones ex dictamine æquitatis & utilitatis, apud omnes Gentes observari, in aprico est, quemadmodum etiam liquet, quod iis interpositis, lex naturalis fidem datam servari jubeat. *Quando* tamen cautio præstanda sit, id lex positiva definite magis ostendit, quæ etiam *cavendi modum* præscribit, nec non *personam*, quæ cautionem exigat, designat, qua quidem in re, leges cujusvis rei publicæ magis, quam Romanæ spectari debent. Divisio prima, quæ hic affertur, hodie cessat, secunda nec accurata, (cum omnes cautiones à fine, sint cautionales, ab objecto verò discernantur, adeoque subordinanda sibi frustra opponantur) nec hodie magni usus est.

## TIT. VI.

## REM PUPILLI VEL ADOLESCENTISSALVAM FORE

OBSERV. MCXCIII.

*Hanc stipulationem*) Hodie hæc stipulatio cessat, licet enim pupillis & adolescentibus ejusmodi cautiones utiles sint, attamen à parte altera considerandum est, quod eum, qui officium gratutum & molestum suscipit, duris adeo conditionibus onerare, haut par sit, præterea difficulter fidejussores reperiri possint, qui per longius tempus, alterius administrationem suo periculo esse velint, denique Magistratum sit prospicere, quo læsioni, si quæ imminet, maturè occurratur, adeoque securitati impuberum & minorum his mediis satis prospectum videatur. Quod si tamen quis divitis pupilli tutelam sui commodi causa affectet, ille merito durioribus legibus adstringendus foret.

## TIT. VII.

## JUDICATUM SOLVI.

OBSERV. MCXCIV.

*Hæc stipulatione ex una causa commissa, ex aliis non committitur*) Sensus est, si unus ex reis rem non defendat, mox tamen mutata sententiâ, defendat, adeo, ut per judicem condemnetur, non poterit agi & ad interesse, propter omissam olim defensionem, & ad judicatum solvendum, sed hoc posterius saltem præstari debet. Quod si autem duo rei fiat, quorum alter defensionem omiserit, alter susceperit & condemnatus sit, tum ex utroque capite stipulatio committitur,

ita

ita ut ille ad interesse, hic ad iudicatum solvendum conveniri queat *d. l. fin. h. t.*

## OBSERV. MCXCV.

*De usu hodierno*) Hodie cautio iudicatum solvi, sensu Romano, haut est in usu. Defensores enim aut procuratores vel mandato instructi esse debent, vel cum cautione rati, nonnunquam admittuntur. Aliquando verò ac ipso Reo cautio iudicatum solvi exigitur, si de fuga aut dilapidatione bonorum sit suspectus *vid. CARP Z. Proc. Tit. 9. art. 5. §. 12. 16.*

## TIT. VIII.

RATAM REM HABERI ET  
DE RATIHABITIONE.

## OBSERV. MCXCVI.

*Non etiam in personali*) Hodie controversiæ ipsius, realis an personalis illa sit, nulla habetur ratio, sed an cautio rati admittenda sit nec ne, id ex personæ comparentis conditione, & aliquando Mandati habitu æstimatur, de quo *Tit. de Procur. lit. C. AUTOR* egit.

## OBSERV. MCXCVII.

*Ad interesse stipulatoris*) Hoc non ex repetita, sed ex futura victoria æstimandum esse, cumque hoc sit difficilis probationis, plerumque saltem impenfarum factarum refusionem peti solere, docet *Dn. STRYK in not. b.* Ex sententia vero *Dn. BERGER I in resolut. ad Tit. de Procurat. qu. 1.* actio ex stipulatu eò solum pertinet, ut quasi procurator diligentiam in procuranda colligatoris, à se defensi, ratihabitione præstet, non ut etiam interesse non consecutæ ratihabitionis solvere debeat, si ab hoc solo casu discesseris,  
cum

cum negligentia aut culpa ejusdem arguitur, hinc amplius etiam ex Ejus doctrina, per fuerit opportunum ne judicium retro reddatur elusorium, à Judice ratihabitioni impetrandæ certum, adjecta pœna constitui terminum. Videtur res ita concilianda esse: Quasi Procurator, cessante ratihabitione non tenetur ad interesse principale seu litis, bene tamen ad secundarium impensas similiaque continens. Fortè etiam rarius controversia hæc occurrit, cum plerumque de ratihabitione, res ab initio certa sit, illa etiam sequatur, & cautio rati tantum ad Processus solennitates pertineat,

LIB. XLVII. TIT. I.  
DE PRIVATIS DELICTIS.  
OBSERV. MCXCIX.

**D***elictum*) Uti omnes homines delinquant, ita delicti etiam notitiam ex communibus principiis consequuntur, nec aded illa præcise Romanis debetur: Hoc scilicet communis ratio ostendit, ad delictum requiri voluntatem agentis, nam hac negatâ, actio moralitatis capax non est. Porro (2) sine legis prohibitione delictum non esse, sed hoc in aberratione à lege consistere. Hinc ultro intelligitur (3) quod illi saltem delinquere queant, qui usum rationis habent, nec minus inde liquet (4) quod peccetur contra legem & personas ac res, de quibus illa loquitur. Amplius æquitas docet, (5) delictum legitime esse probandum, hoc facto, tandem (6) ex ratione manifestum est, delinquentem ad damnum, si quod dedit, resarcendum, teneri ac pœnam hætenus promeruisse, ne da-

ta impunitas alios ad delinquendum invitet, determinatio autem mali imponendi, à jure positivo est, & frequenter hac in parte, jure Romano non utimur, sed ex legibus patriis potius pœnam repetimus.

## OBSERV. MCXCIX.

*Delicta sunt Ecclesiastica*) Circa divisiones hic allatas, hæc forte sese recte non habent (1.) quod divisio in *nominata* & *innominata* n. 2. *h.* pro principali sit habita, cum videatur subdivisio delictorum privatorum (2.) quod vera delicta, in *publica* & *privata* subdistinguantur, nam quasi delicta etiam sunt privata, imo quædam delicta publica, ut homicidium & infantis expositio culposa, veris non videntur annumerari posse (3.) quod damnum injuria datum indistincte veris delictis accenseatur, nam quatenus culpâ fit, quasi delictis id omnino annumerari debet, nec obstat, quod JUSTINIANUS simpliciter id inter vera delicta commemoret, nam id factum est, quo argumentum totius Legis aquilæ uno contextu explicaret.

2. Malim igitur sic dicere: Delicta considerantur (1.) ratione *voluntatis delinquentis*, & sunt vel *vera* vel *quasi delicta*, quæ divisio non juris civilis, sed Gentium est, ac hodie quoque obtinet (2.) *legis notantis ac peculiaris processus*, & sunt vel *Publica*, quæ speciali lege notata, singulari processu vindicabantur, & *privata*, circa quæ actiones & judicia privata occurrebant, ac ut plurimum exacta pœna læso applicabatur. Hodie *Publica* delicta esse videntur, quibus pœna publica, i.e. cujus emolumentum non sentit læsus, imponitur, hoc autem cum semper aut plerumque fiat, ideo hodie omnia delicta, si solum injuriæ delictum, quando de eo æstimatoriè agitur, excipias, erunt *Publica*,  
imo

manant textus citati, est nullius momenti, supponit enim illud de quo quæritur, ac ex eâ plura absurda sequuntur, nam si ex valore æqualitas æstimanda, tum sufficiet qualenicumque monetam solvisse, insuper habita bonitate intrinseca ac valore antiquo, quemadmodum etiam satis erit, diversum genus, v. gr. pro pecunia vinum, vel pro vino oleum, præstitisse, nam in his omnibus valor ad æqualitatem redigi potest! Interim contraria sententia obtinet, cum tamen ejus iniquitas latere nequeat, hinc varie eam limitare solent, quibus limitationibus opus non esset, si vera sententia observaretur *add. HUB. in posit. ad §. quib. mod. re. contr. obl. n. 10.*

## OBSERV. MCLXXXI.

*Obligatio extinguitur ipso jure;* Ipsum jus, quatenus peculiarem extinguendi modum notat, est hodie nomen otiosum, & *AUTOR* committit fallaciam causæ, quando inde deducit, quod exceptio solutionis, ingressum litis impediatur ac chirographum condici queat, prior enim effectus est ab exceptionis *evidentia*, posterior verò ab *ipsa obligationis extinctione*, non ejus modo. Porro certum est, quod sola confessio Creditoris super solutione sibi facta, debitorem securum reddat. *vid. BERGER h. qu. 3.* sed nec hoc deducendum est ex eo, quod obligatio ipso jure sit sublata, verum simpliciter ex eo, quod obligatio sit extincta.

## OBSERV. MCLXXXII.

*Obst. l. 38. §. 2. l. 43. de solut.)* Recte dicitur, quod fidejussore solvente, obligatio omnis, ratione Creditoris, solvatur, nam utraque obligatio, principalis & accessoria, idem respiciunt objectum, hinc eo sublato utraque expirat, Non obstat *l. 38. §. 2. de solut.* (nam hanc *CARPZOV. d. l.* allegat, licet *Dn. BERGER*



qu. 4. maluerit huc referre l. 28. mand.) verba enim finalia: *quod ille suo nomine pecuniam indebitam dando, repetitionem ejus haberet*, cum casu qui præcedit, huc non quadrant, fidejussor enim non *suo nomine indebitam pecuniam* dat, sed *debitam* potius *suo & debitoris nomine* solvit, hinc ratione Creditoris uterque liberatur, licet debitor, intuitu fidejussoris, obligatus maneat, de quo dixi Observ. 1163. Porro non obest l. 43. de solut. nam à confusione, quæ circa fidejussoriam obligationem contingit, ac objectum obligationis principalis non aufert, ad solutionem inferre non licet, quia hæc objectum plane tollit, adeoque necessario omnem obligationem, intuitu Creditoris, perimit.

## TIT. IV.

## DE ACCEPTILATIONE.

## OBSERV. MCLXXXIII.

**A**ceptilatio) Possumus etiam obligationes *consensu gratuito* remittere, quale pactum liberatorium, dubio procul juris Gentium est. Sed Romani isti pacto circumposuerunt *habitum acceptilationis*, dum per verba solennia illud celebrari voluerint, hinc multa singularia vel sequuntur vel alias adjiciuntur. Ex hoc genere est (1) fictio, qua solutio subesse fingitur (2) quod acceptilatio sit stipulatio (3) juris civilis (4) quod immediate à debitore & creditore fieri debeat (5) solas obligationes verbales tollat (6) novationum ambagibus, quibus creditor, debitor aut obligatio mutetur, opus sit, quod (7) obligationes extinguat ipso jure (8) diem & conditionem non recipiat. Verum in Germaniâ omnia illa Romana cessant ac merum jus

naturæ observatur, aded ut pactum de non petendo, acceptilatio, condonatio ac remissio apud nos sint synonyma.

## OBSERV. MCLXXXIV.

*Non est stipulatio* -- -- *obst. l. 27. §. 2. de pact.*) Si per acceptilationem, ipsum consensum liberatorium, adeoque actus hujus substantiale, per stipulationem autem verba solennia, vel abstractive, vel cum negotio obligatorio spectata, intelligas, tum verum est, quod acceptilatio non sit stipulatio, sed cum frequenter pactum obligatorium, verbis solennibus declaratum, stipulationem dicamus, eodem jure & consensum liberatorium, verborum solennitate stipatum, i. e. acceptilationem, dicemus stipulationem, id quod *obstans l. 27. §. 2. de pact.* satis etiam innuit, ut assertio *AUTORIS* absolute non procedat. Hodie controversiæ hujus nulla est utilitas.

## OBSERV. MCLXXXV.

*Causa est jus civile* --- *obst. l. 8. §. fin. h.*) Acceptilatio dicitur juris Gentium, vel intuitu consensus, quo constat, vel eo saltem sensu, quod linguam peregrinam admittat, quod quodammodo singulare existimari potest, nam alias id non temere admissum à Romanis, utpote qui ut omnia sua, ita & linguam, usu ejus late sparso, extollere conabantur *vid BROIDÆ. ad Pollet. histor. for. Rom. l. 5. c. 15. in fin.* Hoc igitur jus Gentium nihil aliud est, quam jus civile ad peregrina extensum.

## OBSERV. MCLXXXVI.

*Solenni oblatione*) Oblatio, obsignatio & depositio pecuniæ, est instar solutionis, hinc iisdem quoque regulis, sive personas offerentes, & quibus offertur, sive  
rem

rem offerendam spectes, dirigitur, quia tamen, ob tergiverſationem creditoris, apud alium res deponenda eſt, hinc eam iniri jubet rationem æquitas, ut & debitor à ſuo onere levetur, & creditor querendi cauſam non habeat, quæ jus Romanum certius definivit *add. DECIS. SAXON. 27.*

## OBSERV. MCLXXXVII.

*De oblatione verbali & reali, ſed minus ſolemnē*) Hæc moram hætenus purgat, ut periculum rei, quæ perire poteſt, ad debitorem amplius non petineat, uſuras verò licet ex mora debitas, non fiſſit, nec ſolvit anti-chreſin, licet multi, ac in ſpecie *HUBER in poſit. ad J. quib. mod. toll. oblig. n. 43.* ultimum ex *l. ii. C. de uſur.* adſtruant, nam ibi non de ſimplici oblatione, ſed eâ, quam obſignatio & depositio fuerit ſecuta, agitur, quod probabilius fit, ſi pro: *oblatam ſibi jure pecuni-*  
*am legas, oblatam ſibi (ſibi in) jure pecuniam,* prout illa omnia latius perſequitur *NOODT de foener. §. uſur. l. 3. c. 15.*

## OBSERV. MCLXXXVIII.

*obligatio conſenſu contracta*) Hodie ſimpliciter omnes obligationes, quæ ſunt privati arbitrii, mutuo conſenſu ſolvi poſſunt, ut ſollicitudo illa Romana omnino ceſſet, quemadmodum etiam hodiè nihil reſert, ſive res ſit integra, ſive non, nam omni caſu conſenſus ſerio datus, ſuo gaudet effectu, ut non indiſtinctè pro conſenſu mere liberatorio haberi queat.

## OBSERV. MCLXXXIX.

*Confuſione*) Hac utique naturaliter obligationes tolluntur, ſi enim aliqua obligatio, mei cauſa, unice ſit conſtituta, illa amplius durare nequit, ſi locum debitoris quoque ſubeam, cum enim ita pro lubitu eam

tollere possim, in effectu illa jam est sublata. Confusionis tamen non alius est effectus, quam quod tollat *solvendi necessitatem*, sed *ipsum commodum* non auferit, hinc si creditor debitori succedat, à se ipso quidem exigere nequit, rem debitam tamen consequitur. Hinc non obstat *l. 6. 8. C. ad L. falcid.* in quibus dicitur, quod *heres debitum suum ante legata deducat*, licet per additionem sit facta confusio, nam hæc cum confusione consistere posse, ex modo dictis liquet.

## OBSERV. MCXC.

*Si due obligationes unius rei in unam personam collatae fuerint*) Ut hoc casu confusionem assererent Romani, juxta doctrinam *l. 21. §. 2. de fidejus. l. 93. §. 2. l. 95. §. 3. de solut.* ejus rei causam solidam non habuerunt, nam duplex obligatio, cui in creditore duplex jus respondet, bene simul consistere potest, est etiam illius rei manifesta utilitas in concursu creditorum, ubi separatio bonorum nonnunquam petitur, aut quando bona unius debitoris, solvendo debito non sufficiunt, qualem casum *CARPZOV. d. p. 2. C. 18. D. 13.* proponit. Videntur Romani confusionem asseruisse, ubi nihil intererat, duplex an una statueretur obligatio, aut ubi duplicis obligationis utilitas comparuit, eam negasse, aut minimum hanc limitationem adjecerunt interpretes. Licet verò hac ratione sententiæ iniquitas temperetur, attamen ambages illæ haut sunt probandæ, cum satius sit, omnem confusionem simpliciter negare, in primis cum apud Romanos aliàs non infrequens sit, ut plures obligationes & actiones, ad eundem scopum tendentes, adstruantur, præterea in casu præsentē, non una omnium fuerit sententia, ceu liquet ex *l. 93. §. 3. de solut.*

## OBSERV. MCXCI.

*Compensatione*) De hoc suo loco actum, ac quid Romanum, quid commune circa eam sit, ostensum est. De cæteris tollendi modis, qui hic indicantur, strictim ita habendum: Rei interitus naturaliter tollit obligationem, sed concursus duarum causarum lucrativarum, capitis diminutio maxima & media, mors (secundum doctrinam allatam, nam si consensus partium hoc jubeat, tum ad modos naturales eadem perinet) & præscriptio ex jure civili vim suam habent.

## TIT. V.

## DE PRÆTORIIS STIPULATIONIBUS.

## OBSERV. MCXCII.

*Prætorie stipulationes*) Cautiones ex dictamine æquitatis & utilitatis, apud omnes Gentes observari, in apico est, quemadmodum etiam liquet, quod iis interpositis, lex naturalis fidem datam servari jubeat. *Quando* tamen cautio præstanda sit, id lex positiva definite magis ostendit, quæ etiam *cavendi modum* præscribit, nec non *personam*, quæ cautionem exigat, designat, qua quidem in re, leges cujusvis reipublicæ magis, quam Romanæ spectari debent. Divisio prima, quæ hic affertur, hodie cessat, secunda nec accurata, (cum omnes cautiones à fine, sint cautionales, ab objecto verò discernantur, adeoque subordinanda sibi frustra opponantur) nec hodie magni usus est.

## TIT. VI.

## REM PUPILLI VEL ADOLESCENTISSALVAM FORE

OBSERV. MCXCIII.

*Hanc stipulationem*) Hodie hæc stipulatio cessat, licet enim pupillis & adolescentibus ejusmodi cautiones utiles sint, attamen à parte altera considerandum est, quod eum, qui officium gratuitum & molestum suscipit, duris adeo conditionibus onerare, haut par sit, præterea difficulter fidejussores reperiri possint, qui per longius tempus, alterius administrationem suo periculo esse velint, denique Magistratum sit prospicere, quo læsioni, si quæ immineat, maturè occurratur, adeoque securitati impuberum & minorum his mediis satis prospectum videatur. Quod si tamen quis divitis pupilli tutelam sui commodi causa affectet, ille merito durioribus legibus adstringendus foret.

## TIT. VII.

## JUDICATUM SOLVI.

OBSERV. MCXCIV.

*Hæ stipulatione ex una causa commissa, ex aliis non committitur*) Sensus est, si unus ex reis rem non defendat, mox tamen mutata sententiâ, defendat, adeo, ut per judicem condemnetur, non poterit agi & ad interesse, propter omissam olim defensionem, & ad *judicatum solvendum*, sed hoc posterius saltem præstari debet. Quod si autem duo rei fiant, quorum alter defensionem omiserit, alter susceperit & condemnatus sit, tum ex utroque capite stipulatio committitur,

ita

ita ut ille ad interesse, hic ad iudicatum solvendum conveniri queat *d. l. fin. b. t.*

## OBSERV. MCXCV.

*De usu hodierno*) Hodie cautio iudicatum solvi, sensu Romano, haut est in usu. Defensores enim aut procuratores vel mandato instructi esse debent, vel cum cautione rati, nonnunquam admittuntur. Aliquando verò ac ipso Reo cautio iudicatum solvi exigitur, si de fuga aut dilapidatione bonorum sit suspectus *vid. CARP Z. Proc. Tit. 9. art. 5. §. 12. 16.*

## TIT. VIII.

RATAM REM HABERI ET  
DE RATIHABITIONE.

## OBSERV. MCXCVI.

*Non etiam in personali*) Hodie controversiæ ipsius, realis an personalis illa sit, nulla habetur ratio, sed an cautio rati admittenda sit nec ne, id ex personæ comparentis conditione, & aliquando Mandati habitu æstimatur, de quo *Tit. de Procur. lit. C. AUTO R* egit.

## OBSERV. MCXCVII.

*Ad interesse stipulatoris*) Hoc non ex repetita, sed ex futura victoria æstimandum esse, cumque hoc sit difficilis probationis, plerumque saltem impensarum factarum refusionem peti solere, docet *Dn. STRYK in not. b.* Ex sententia vero *Dn. BERGER I in resolut. ad Tit. de Procurat. qu. 1.* actio ex stipulatu eò solum pertinet, ut quasi procurator diligentiam in procuranda colligatoris, à se defensi, ratihabitione præstet, non ut etiam interesse non consecutæ ratihabitionis solvere debeat, si ab hoc solo casu discesseris,  
cum

cum negligentia aut culpa ejusdem arguitur, hinc amplius etiam ex Ejus doctrina, per fuerit opportunum ne judicium retro reddatur elusorium, à Judice rati habitioni impetrandæ certum, adjecta pœna constitui terminum. Videtur res ita concilianda esse: Quasi Procurator, cessante rati habitione non tenetur ad interesse principale seu litis, bene tamen ad secundarium impensas similiaque continens. Forte etiam rarius controversia hæc occurrit, cum plerumque de rati habitione, res ab initio certa sit, illa etiam sequatur, & cautio rati tantum ad Processus solennitates pertineat,

## LIB. XLVII. TIT. I.

## DE PRIVATIS DELICTIS.

OBSERV. MCXCIX.

**D***elictum*) Uti omnes homines delinquant, ita delicti etiam notitiam ex communibus principiis consequuntur, nec aded illa præcise Romanis debetur. Hoc scilicet communis ratio ostendit, ad delictum requiri voluntatem agentis, nam hac negatâ, actio moralitatis capax non est. Porro (2) sine legis prohibitione delictum non esse, sed hoc in aberratione à lege consistere. Hinc ultro intelligitur (3) quod illi saltem delinquere queant, qui usum rationis habent, nec minus inde liquet (4) quod peccetur contra legem & personas ac res, de quibus illa loquitur. Amplius æquitas docet, (5) delictum legitime esse probandum, hoc facto, tandem (6) ex ratione manifestum est, delinquentem ad damnum, si quod dedit, resarciendum, teneri ac pœnam hæctenus promeruisse, ne da-



ta impunitas alios ad delinquendum invitet, determinatio autem mali imponendi, à jure positivo est, & frequenter hac in parte, jure Romano non utimur, sed ex legibus patriis potius pœnam repetimus.

## OBSERV. MCXCIX.

*Delicta sunt Ecclesiastica*) Circa divisiones hic alatas, hæc forte sese recte non habent (1.) quod divisio in *nominata* & *innominata* n. 2. *h.* pro principali sit habita, cum videatur subdivisio delictorum privatorum (2.) quod vera delicta, in *publica* & *privata* subdividuantur, nam quasi delicta etiam sunt privata, imo quædam delicta publica, ut homicidium & infantis expositio culpola, veris non videntur annumerari posse (3.) quod damnum injuria datum indistincte veris delictis accenseatur, nam quatenus culpa fit, quasi delictis id omnino annumerari debet, nec obstat, quod **JUSTINIANUS** simpliciter id inter vera delicta commemoret, nam id factum est, quo argumentum totius Legis aquilæ uno contextu explicaret.

2. Malim igitur sic dicere: Delicta considerantur (1.) ratione *voluntatis delinquentis*, & sunt vel *vera* vel *quasi delicta*, quæ divisio non juris civilis, sed Gentium est, ac hodie quoque obtinet (2.) *legis notantis ac peculiaris processus*, & sunt vel *Publica*, quæ speciali lege notata, singulari processu vindicabantur, & *privata*, circa quæ actiones & judicia privata occurrebant, ac ut plurimum exacta pœna læso applicabatur. Hodie Publica delicta esse videntur, quibus pœna publica, i. e. cujus emolumentum non sentit læsus, imponitur, hoc autem cum semper aut plerumque fiat, ideo hodie omnia delicta, si solum injuriæ delictum, quando de eo æstimatoriè agitur, excipias, erunt *Publica*,  
imo

imo si actionem injuriæ æstimatoriam, pro rei persecutoria habeas, quod non plane improbabile est, ut suo loco videbimus, simpliciter omnia, vera & quasi delicta, pro Publicis hodie habere poteris, de cætero juxta mores nostros, à *judicis diversitate*, subdistinguantur in *Ecclesiastica, secularia & mixta*. Ista possunt esse *civilia & militaria*.

3. Delicta privata apud Romanos amplius distinguebantur (I.) à *frequentia*, in *nominata & innominata*, qua divisio ad Publica, prout hodie sunt, etiam quadrat, cum plures res sint, quam rerum nomina, videtur tamen in genere illa exiguæ utilitatis esse (2.) a *diversitate processus* in *privata in specie seu ordinaria*, in quibus læsus, quod sibi debebatur, actione privata exigebat, & *Extraordinaria*, quæ privato quidem processu vindicabantur, ut tamen pœna publica, & nonnunquam etiam per alium, quam læsum, exigerebatur, hæc iterum discernere licet in *Antiqua*, in quibus semper illa procedendi ratio obtinuit *vid. l. 1. de publ. judic. l. 2. de concuss. l. 3. de extraord. crim. i. 1. §. fin. de pœn. l. 3. an SCt. Turpill. l. 2. de abig. l. 3. de prævar. & Recentia*, circa quæ ille procedendi modus in subsidium fuit adhibitus, nam successu temporis, ob inopiam, ut videtur, delinquentium, eò deventum est, ut ex omnibus delictis privatis in specie talibus, etiam ad pœnam extraordinariam agi posset *l. fin. de privat. delict. l. fin. de furt.* quo ipso adeo qualitatem delictorum extraordinariorum eadem assumisse dicendum est, ceu ex *d. ll. & l. 1. pr. de extraord. crim.* liquet. Nonnulli ac in specie Dn. THOMAS. in *disput. de Abigeatu hab. Lips. 1687.* censent, delicta extraordinaria constituere *speciem delictorum publicorum*, sed  
con-

contrarium mihi probabilius videtur. Hodie hujus divisionis nullus est usus, nam, ut dixi, omnia delicta sunt publica, præterea etiam publica & extraordinaria crimina coincidunt.

## TIT. II. DE FURTIS.

OBSERV. MCC.

**Furtum**) Doctrina furti maximam partem communis est, & pauca sunt, quæ Romanis debentur. Eo pertinet (1.) quod sit delictum privatum, sed hodie est Publicum (2.) divisio prima & secunda furti, quatenus scilicet utraque ad effectum peculiaris pœnæ imponendæ inculcatur, nam alias circumstantias, quibus illæ nituntur, ad furti veritatem vel quantitatem indagandam, jus etiam naturale attendi jubet (3.) quod usus & possessionis etiam furtum fiat, quæ quidem furti æstimatio, ob actionem furti civilem invaluisse videtur, quod si adeo hujus usum hodie neges, nec illa amplius occurreret (4.) quod rei possessio, ad furtum sit necessaria *lit. O. n. 3.* quod itidem ad actionem civilem pertinuisse videtur, præterea defectus possessionis non tam minuit, quam auxit delicti quantitatem, nam delictum expilatæ hæreditatis, in quo possessio defect, *furtum improbius* dicitur in *l. 12. C. ex quib. caus. infam. irrog.* ac delictis extraordinariis accensetur. Eodem referenda (5.) dispositio *l. 21. §. fin. de furt.* quæ *lit. O. n. 3.* refertur, quæque aperte satis ad actionem furti civilem spectat ac cum hac nullius vel exigui hodie est usus.

OBSERV. MCCI.

**Effectus primus**) Quæ de furti effectu hic dicuntur, sla-

clarins forte ita proponi possunt: si furtum *immineat*, tum ex naturali defensionis jure, contra illud se defendere, ac furem repellere licet, si autem *factum sit*, tum læsus jus quidem non amittit, bene tamen rem ejusque possessionem, fur autem ex jure naturali obligatur ad *damnum resarciendum*, quo fine movetur condictio furtiva, quam suo loco cum additamentis Romanis expendimus, ac indefinite ad *pœnam sustinendam*, quam lex positiva definit, hæc etiam rei furtivæ inhibet usucapionem.

## OBSERV. MCCII.

*Est obligatio ad pœnam, nam fur nocturnus impune occidi potest*) Hæc non rectè conjunguntur, nam occisio furis nocturni, non fit per modum pœnæ, sed defensionis, nec hæc ex regulis pœnalibus potest aut debet æstimari, nam qui puniri debet, est in potestate punientis, nec amplius resistere potest ac malo afficitur ob delictum perpetratum, hinc huic etiam pœna est attemperanda, sed qui invadit ac jure defensionis repellitur, is in potestate defensoris non est, sed animum & vires nocendi adhuc habet, hinc malum, quod à defensore accipit, ultro incurrit, quare etiam invasionis & mali illati proportio accurata non exigitur, cum defensor illud unice non dirigat.

## OBSERV. MCCIII.

*Modo incognitus sit*) An ob defensionem rerum, in statu civili aliquem occidere liceat, apud Scriptores rerum moralium disceptari solet? Regulariter id negandum erit, nisi fur aut raptor vitæ simul infidietur, vel etiam res nostras, sine spe recuperandi, sit ablaturus, tum enim pro conservatione boni irreparabilis quævis media adhibere licebit, quorum occasione si

ause

aufferens damnum sentiat, propriæ id imputare debet voluntati. Atque his rationibus nitebatur Lex Moisaica de fure nocturno licitè occidendo, quæ ad Romanos etiam devenit *l. 4. §. 1. ad L. aquil.* in qua requisitum clamoris, ad emblemata Compilatorum referri debet *vid. PUFEND. de J. N. G. l. 2. c. 5. §. 17.*

## OBSERV. MCCIV.

*Actio furti* ) Refertur hic pœna juris Romani, quæ fures regulariter afficiebantur, sed eam in multis locis non observari, ipse *AUTOR* fatetur, alii tamen pro ejus usu pugnant *vid. BERGER in resolut. b. qu. 3.* quid mihi videatur, *Observ. 1147.* indicavi. De moralitate autem & sensu pœnæ hodiernæ, quam postea *AUTOR* subjicit, rerum criminalium scriptores consulendi sunt, ut multa huc transcribere non attineat *vid. BERGER d. l.*

## OBSERV. MCCV.

*Datur illi cujus interest lit. S.* ) Ad intelligendam Romanorum sententiam diversi casus sunt distinguendi. Si (1.) dominus rem teneat, eademque illi subtrahatur, tum procul dubio actio furti ei competit, idem obtinet (2.) licet ad alium dominium suo tempore sit reversurum, quo pertinet exemplum mariti quoad res dotales ex *l. 49. de furt.* Si (3.) de dominio transferendo actum sit, sed possessio & plerumque etiam dominium qualequale sit adhuc penes debitorem, tum hic, non creditor & futurus dominus ac possessor, habet actionem furti, quo pertinet exemplum venditoris *l. 14. b. debitoris l. 13. 49. b.* & hæredis quoad rem legatam *l. 85. in fin. b.* cum enim creditor hæcenus nondum habuerit rem, sed ejus dominium de novo con-

sequatur, à lucro actionis furti pœnalis non immerito excluditur, maxime cum, culpâ debitoris interveniente, ipse nihil præstare debeat, ac insuper id, quod ejus interest, consequi possit, quod si verò sine culpa debitoris res subtrahatur, adeo ut ejus periculum ad creditorem pertineat, tum ei actio furti, contra furem est cedenda §. 3. *in fin. f. de emtion. vendit.* Quod si (4.) post rem subtraham, dominium, morte prioris domini, mutetur, tum novus dominus, non is, qui eam alteri præstare debet actionem furti habet, quo pertinet exemplum legatarii ex l. 66. §. 1. l. 47. b. t. cum enim hæres hoc casu legatario ad nihil teneatur, huic actio furti merito asseritur, perinde atque in casu præcedente, ubi nulla debitoris culpa intervenit, atque hoc modo d. l. 66. §. 1. l. 47. cum l. 85. *in fin.* facile conciliantur. Denique si (5.) dominus rem suam aliis concesserit, ut conductori, creditori, commodatorio, ac his illa subtrahatur, tum iis quoque, non domino, actio furti conceditur, juxta *AUTORIS* doctrinam.

2. Cæterum, si verum fateri licet, hæc ultima Legislationis Romanæ pars, parum rationis habet ac merito hoc casu domino, actio furti concedenda fuisset. Nam (1.) absurdum videtur v. gr. conductorem, ob culpam commissam, lucro actionis furti (quod fure solvendo existente, satis eximium est) frui, non culposum verò, illo carere, sic enim præstabit culpam committere, quam omittere! nec minus (2.) incongruum videtur, quod conductor lucrum obtentum retineat, sed creditor pignoratitius illud domino communicare teneatur, cum tamen hic in re ablata, jus reale & plenius, ille saltem personale & infirmum habuerit: nec (3.) ulla ratio postulavit, ut memoratis personis actio furti

pœnalis concederetur, nam ex eo, quod domino ob culpam sint obligatæ, nihil amplius sequitur, quam quod contra furem, ratione rei ipsius, regressum habere debeant, non autem, quod actio pœnalis ipsis sit concedenda. Hinc, nisi fallor, (4.) primum falsum in eo consistit, quod actionem pœnalem & rei persecutoriam confuderint Romani, seu actioni furti pœnali id attribuerint, quod rei persecutoriæ tantum conveniebat, id quod in primis manifestum est ex §. 14. 15. 16. *f. de oblig. quæ ex delict. nasc.* in quibus actio furti ad rem persequendam competere, ac cum actione conducti & commodati, electivè concurrere dicitur. Poterit igitur (5.) Legislationis Romanæ vitium emendari, si, quæ illi de actione furti pronunciarunt, ad conditionem furtivam, quæ rem ejusve æstimationem persequitur, transferamus, eo modo, ut domino actio furti semper contra furem relinquatur, ac præterea ei electio detur, utrum damni restitutionem, actione ex contractu, à conductore, creditore aut commodatario petere, an à fure conditione furtiva rem vel ejus æstimationem exigere velit, prius si fiat, tum conductori cæterisque conditio furtiva erit concedenda, qua à fure id, quod præstiterunt, recuperent. Sed de his plus satis, forte etiam plus quam satis!

## TIT. III.

## DE TIGNO JUNCTO.

## OBSERV. MCCVI.

*Hoc delictum*) Junctio tigni, de qua hic agitur, non indistincte pro delicto haberi potest, cum etiam bonâ fide fieri queat *lit. P.* imo nec quævis scientia statim delictum involvat. Porro nec id admittendum,

D d d 2

quod

quod junctio hæc, præcisè pertineat ad tignum furtivum, de quo mox iterum. Hinc potius ita definitio concipienda : Junctio tigni est *factum, quo tignum alienum adibus vel vineis nostris, bona aut mala fide jungimus.*

## OBSERV. MCCVII.

*Causa efficiens est lex XII. tabb. )* Facta junctio, jungens ex lege naturali obligatur ad dominum tigni indemnem conservandum, quod fieri potest, si ei volenti vel tignum restituatur, vel ejus æstimatio præstetur, sed lex XII. Tabb. statui civili hanc rem attemperatura, tignum solvi prohibuit, ac ejus duplum præstari jussit. Verba legis XII. tabb. hæc sunt: *tignum junctum adibus vineave ne concapet ne solvito*, ubi Critici circa verba, *ne concapet* valde sunt solliciti, ceu refert ZIEGLER in disput. de tigno juncto bab. Witeberg. 1655. quæ bellaria aliis relinquimus.

## OBSERV. MCCVIII.

*Voluntas jungentis dolosa vel culposa )* Poterit etiam junctio sine dolo & culpa fieri, ab ignorante scilicet, imo etiam sciente, si quis alterius tignum jungat, sine malo proposito, sperans ex certis causis, fore ut dominus id pro æquo pretio vendat. Neque etiam ad alium obligandum, dolus vel culpa præcisè requiritur, sed sufficit sola rei alienæ possessio.

## OBSERV. MCCIX.

*Objectum est tignum furtivum )* Hoc non requiritur, sed perinde est, sive sit furtivum, sive simpliciter alienum, quod ipse AUTOR tit. de A. R. D. voce : *Adjunctio* agnoscit, ubi etiam l. 63. de donat. inter vir. & uxor. ob quam hic aliter sentit, rectè ad casum domini consentientis restringit. l. 2. b. t. positivè saltem asse-



asserit, quod ob tignum furtivum agatur, sed tignum alienum non excludit, *add. ZIEGLER d. disput. §. 16. seqq.*

## OBSERV. MCCX.

*Jungens obligatur inde domino ad duplum*) Naturaliter jungentem & possessorem, domino ad indemnitatem teneri, jam diximus *Observ. 1207.* præterea illum, ob delictum commissum, si aliquod intercurrat, puniri posse, ex communi ratione intelligitur. Lex civilis tam à bonæ quam malæ fidei possessore duplum exegit, ita ut ab hoc, res ipsa, diruto ædificio, etiam possit repeti, nec non, loco dupli, gravior æstimatione, jurejurando in litem definienda, postulari. Quæ legis Romanæ dispositio, quoad bonæ fidei, ut & simplicis malæ fidei possessorem, iniqua est, ac in genere in Germaniam, quatenus duplum præstari jubet, non recepta videtur *vid. Observ. 1147. add. STRUV. Jurispr. for. l. 2. tit. 1. §. 48.*

## OBSERV. MCCXI.

*Est vel merè penalis vel mixta*) Sed *STRUVIO* in *S. J. C. exerc. 48. §. 30.* noviter statuere placuit, actionem de tigno juncto, omni casu esse merè rei persecutoriam, *conf. BERGER in resolut. de A.R.D. qu. 2.* Videtur totius controversiæ usus vel nullus, vel exiguus esse. Posset etiam quis contendere, actionem de tigno juncto, quatenus contra b. f. possessorem datur, oriri ex quasi contractu, sic numerus quasi contractuum novo exemplo augebitur! ego nemini hoc inventum invidere, interim illud necessarium non arbitror, cum in universum quasi contractus, ad inventa otiosa referam.

## OBSERV. MCCXII.

*Et omnibus quorum interest lit. S.)* Videtur potius soli domino, actio de tigno juncto, tribuenda esse, nam quæ de actione furti jure civili sunt constituta, ad illam non recte applicantur, cum jungens furtum non committat. Quod si verò dominus suum, consecutus sit ab eo, cujus periculo tignum erat, tum regressum contra jungentem ei indulgere debebit.

## OBSERV. MCCXIII.

*Licet jungens non possideat ades, e. gr. fabrum lignarium)* Hoc falsum puto, nam junctionem esse furtum, gratis dicitur, & lex XII. tabb. non ob solam junctionem, sed, juxta dictamen æquitatis, ob possessionem & retentionem tigni, actionem in duplum introduxit, hinc adeo generalis non est, ut *AUTOR* quidem existimat. Quod si autem faber lignarius tignum furatus sit, tum tenebitur non ex junctione, sed furto, propriis actionibus.

## OBSERV. MCCXIV.

*Nec in quantum ad eos pervenit )* Nec actionem de tigno juncto, in solidum contra hæredem vel tertium possessorem concedamus, id utique rationem habet, cum actio illa satis dura adeoque restringenda sit, sed quod omnis actio, etiam quatenus rei, ab hærede vel tertio possessore detentæ, justam æstimationem persequitur, negetur, id veritati haut consonum arbitramur, nam ob rei detentionem, æquitas alteri æstimationem solvi jubet, & eadem hic est ratio, quæ in conditione sine causa, hanc vero contra quemvis possessorem competere, liquet ex §. 26. f. de R. D. Nec sunt captanda verba legum, quæ de junctione loquuntur,

ex.

exhibent, enim casum ordinarium, præterea sola junctio non est actionis causa, sed potius tigni alieni possessio.

## TIT. IV.

## SI IS QUI TESTAMENT. LIBER ESSE JUSSUS, POST MORTEM DOMINI &amp;c.

## OBSERV. MCCXV.

*H*ic duo delicta coercentur ) Constitutum est jure civili, ne dominus contra servum delinquentem, actionem privatam habeat, etiam post manumissionem §. 6. *f. de noxal. action.* ideo forte, quod dominus manumittendo censeatur jus, quod post manumissionem, erga delinquentem se exlerere poterat, remittere, nam vulgaris ratio, quod actio, qua nata non sit, servum manumissum sequi nequeat, quam ex *l. 18. de furt. l. 1. C. de noxal. action. l. ult. C. an serv. pro suo fact.* reddere solent, vid. *V INN. in not. ad d. §. 6.* principium petere, aut saltem non ultima esse videtur. Exinde consequi existimat JCtus in *l. 1. §. 1. h. t.* servum testamento manumissum, ob furtum vel damnum, jacenti hæreditati factum, non teneri, cum neque ut servus coërceri queat, ob spem libertatis, neque ut liber damnandus sit, cum hæreditati, h. e. dominæ, furtum fecerit, dominus autem dominave, ne quidem post manumissionem contra servum actionem furti similemve habeat. Sed ista quidem ratiocinatio fallere videtur, licet enim, juxta fictionem Romanam, per hæreditatem, velut dominam, aut etiam, seposita illa fictione, simpliciter futuro hæredi furtum

fiat, & hic deinceps manumittat, attramen id merito attendendum fuisset, quod ista manumissio non sit *voluntaria* sed *necessaria*. adeoque ex ea neutiquam consensus de remittenda manumissi obligatione futura colligi queat, id quod etiam Prætor Romanus agnovit, hinc non tantum præceptum naturale de damno sarciendo ad hunc casum applicavit, sed & insuper delinquentem pœna affecit *h. t.* sed cum, ob defectum Mancipiorum, casus iste hodie non existat, ided & applicatio præcepti naturalis, & dispositio pœnalis ignoratur.

## TIT. V.

FURTI ADVERSUS NAUTAS,  
CAUPONAS, STABULARIOS.

## OBSERV. MCCXVI.

**H**inc differt ab actione naut. caup. stabular. Non opus videtur aliquod comminisci discrimen. Supra Tit. Naut. Caupon. stabul. actum est de actione *ex recepto*, quæ rem persequitur, ac ex quasi contractu descendit, quam ab actione hujus tituli differre, manifestum est, nec de hoc dubitatur aut quæritur. Præterea in *d. Tit.* incidenter saltem facta est mentio *aliæ actionis*, quæ ex culpa seu quasi delicto Cauponis cæterorumque oritur, ac in duplum competit, hæc vero *h. t.* ex professo explicatur. Quando autem ipse exercitor navis, cauponæ vel stabuli, furtum commisit, adeoque ex vero delicto tenetur, tum actio dupli, quæ contra ipsum competere dicitur, est ordinaria actio furti nec manifesti, hinc non dubitem, quin, si exercitor

tor in furto deprehendatur, quadruplum præstare debeat. Sed in re obsoleta quivis suo sensu abundet!

TIT. VI.  
SI FAMILIA FURTUM FE-  
CISSE DICATUR

OBSERV. MCCXVII.

*Hic agitur de furto*) Hujus tituli nullum esse usum, vix admonendum est, nam nec pœna pecuniaria furti est in usu, nec mancipia occurrunt. Quodsi tamen alicubi talia reperiantur, tum pœna corporis afflictiva afficientur, graviore aut leviori, prout dominus damnum restituerit vel non.

TIT. VII.  
ARBORUM FURTIM  
CÆSARUM.

OBSERV. MCCXVIII.

*Hoc est privatum delictum*) Uti omnibus gentibus delictum hoc notum, ita hodie publicum est, cum dubio procul, post damni restitutionem læso factam, pœna publica i. e. talis, cujus emolumentum non sentiat læsus, in singulis Germaniæ ditionibus delinquentibus, imponatur, ut nec quoad delicti hujus cognitionem, nec ejus pœnam, multum Romanis debere videamur.

OBSERV. MCCXIX.

*Non radicitus evellendo*) Hoc factum mitius coercetur, quia rarius est, nam raro utique quis arborem radicitus evellit, sed sæpe ex lascivia vel petulantia cæ-

dit aut deglabrat, hinc graviori pœna hæc malitia coercenda est.

## TIT. VIII.

VI BONORUM RAPTORUM  
ET DE TURBA.

## OBSERV. MCCXX.

**R***apina*) Est delictum & apud omnes Gentes usitatum, & adeo ex generalibus principiis satis notum. Hæc tamen Romana videntur (1) quod sit delictum privatum, sed hodie est publicum (2) quod rapina sit vel manifesta, vel nec manifesta, nec obstat *l. 80. §. 3. de furt.* nam raptor pro fure manifesto habetur quoad actionem rapinæ, quæ semper in quadruplum datur, ast intuitu actionis furti, distinctio illa omnino obtinet, hodie tamen illa nullius est usus (3) quod vis compulsiva levius existimetur delictum quam ablativa *lit. fr. n. 3.* quod nec rationem habet, nec hodie servatur.

## OBSERV. MCCXXI.

*Inde res fit vitiosa*) Rapinâ commissâ lex positiva rei ablatæ inhibet usucapionem, raptor ex jure naturali obligatur ad damnum pensandum, ac lex positiva pœnam ei imponit, quâ quidem in re, definitionem legis civilis nos non sequi, ipse *AUTOR* admonet, ut adeo nihil iterum Romanis hic debeamus.

## OBSERV. MCCXXII.

*Damnum dolomalo coadunatis hominibus datum*) Duo delicta, quæ hic memorantur, etiam communia sunt, ac id, quod naturale est, damni scilicet restitutio, hodie obtinet, sed pœnam juris Romani observari, ob constans fori silentium, non crediderim.

## TIT. IX.

DE INCEND. RUIN. NAUFR.  
RATE, NAVE EXPUGNATA.

## OBSERV. MCCXXIII.

*Hic agitur de damno*) Ille quoque, qui occasione incendii similisve calamitatis, furtum facit vel damnum dat, naturaliter ad damni restitutionem tenetur, ratio verò puniendi civilis, de qua *b. t.* iterum recepta non est, sed potius pœna in foris Germaniæ consueta locum habet, ita quidem ut incendii aliûsve infortunii, velut circumstantiæ delictum aggravantis, habeatur ratio.

## TIT. X.

DE INJURIS ET FAMOSIS  
LIBELLIS.]

## OBSERV. MCCXXIV.

*Injuria*) Delictum injuriæ, est fœtus animi valde impotentis & iracundi, hinc hominibus superbis aut imprudentibus vilibusque valde est familiare, de cætero uti illud in omnibus gentibus reperitur, ita ejus cognitio ex communibus principiis dependet, hinc quæ *AUTOR* hic commentatur, ea non juris civilis, sed Gentium sunt.

## OBSERV. MCCXXV.

*Etiã mediate per personas alias*) Hoc tamen est juris Romani, quod injuria certis personis illata, ad alios etiã pertineat, quos naturali æstimatione non tangit, ut patrem, maritum, sponsum, socerum ac hæredem

redem, de quibus *lit. P.* quo respectu adeo usus juris Romani admittendus est *confer. BERGER l. ab init.*

## OBSERV. MCCXXVI.

*Non etiam per sponsum vel maritum uxor injuriatur -- -- obst. l. ii. §. 8. b. )* Ad hanc legem parum apte vulgo respondetur, quod agat *de injuria marito facta, quæ suâ naturâ simul uxoris injuriam contineat*, nam diserte dicitur, quod *marito actio injuriarum non detur*, quis vero dubitet, quin maritus ob injuriam sibi illatam, agere possit? Quare si jungamus §. 7. apparet, ibi esse sermonem de injuria *soli uxori* illata, ob quam posse uxorem agere, quis ambigat? Nimirum in *d. §. 7.* contenditur, quod liberto adversus Patrum actio injuriarum non detur, hinc amplius sequitur, quod libertus nec ob injurias, liberis vel uxori illatas, agere queat, ipsis tamen liberis aut uxori, cum patri maritove non detur, actio injuriarum deneganda non erit *d. §. 8.*

## OBSERV. MCCXXVII.

*Etiam conditionale )* Circa dictionem conditionalem distinguendum videtur, utrum *quis sine ulla necessitate conditionem adducat, sub eaque injuriosum quid proferat*, v. gr. si quis marito dicat; *si tua uxor scortatur, tu es cornutus*, an occasione conditionis aliunde oblata, accedente quandoque aliqua dicendi necessitate, quid pronunciet v. gr. si quis de aliquo narrari audiat, hoc vel illud ipsum commisisse, ac addat, si hoc ita est, erit profecto insignis deceptor, aut si quis alicujus rei, parum honestæ, ab aliquo insimuletur ac defendendi animo dicat, se alterum, si hanc de se habeat opinionem, pro viro honesto non habere. Illo casu condi-



ditio injuriam non excludet, cum satis liqueat, irridendi & vexandi animo, totam illam orationem esse adornatam, hoc verò, ab animo injuriandi oblata conditio dicentem reddet immunem.

## OBSERV. MCCXXVIII.

*Nec veritas objecti criminis* ) Cum dictio in se optima ad injuriam pertinere queat, si malo animo proferatur, dubium non est, quin vera etiam dictio injuriam continere possit; vulgaris tamen quaestio: *an veritas convitii excuset injuriantem?* non recte concepta videtur, cum convitii & injuriantis nomen, jam sit illegitimum, ac injuriam contineat, nec adeò de excusatione amplius quaeri possit, indifferente igitur termino potius utendum, ac quaestio ita concipienda est, *an veritas dictionis*, seu ut *AUTOR* dicit, *objecti criminis*, adde, *aliusve rei proferentem excuset?* Licet autem, ut jam diximus, veritas objectæ rei non simpliciter injuriam excludat, hoc tamen eam operari putem, ne animus injuriandi præsumatur sed probandus sit. Circa quod amplius distinguendum videtur, utrum *res vera & indifferens*, v. gr. defectus naturalis, an *per se injuriosa*, ut crimen objiciatur. Priori casu proferens ab animo injuriandi immunis videtur, non tantum ob *veritatem*, sed & *indifferentiam* rei objectæ, quia tamen sine necessitate ferè illa adducuntur, hinc talis commemoratio facilè in injuriam incidit, ac circumstantiæ modo memoratæ eliduntur. Posteriori casu sola *veritas* proferenti succurrit, sed ad ejus efficaciam intelligendam, videndum est, utrum *delictum præteritum & jam punitum*, an *præsens* objiciatur, illo casu veritas ei non valde patrocinabitur, cum enim commemoratio delicti præteriti, ob nullum alium

finem

finem fieri ferè possit, hinc proferens injuriæ satis videtur esse manifestus, hoc verò, alium scopum intendere potuit, forte enim delictum commemoravit animo emendandi, aut ex justo zelo & indignatione, hinc ob has circumstantias animus injuriandi non statim est præsumendus, sed reus, si aliter de animo constare nequeat, invito etiam actore, ad juramentum purgatorium admittendus.

## OBSERV. MCCXXIX.

*Per illatam injuriam fama injuriati non leditur* ) Nullum delictum quidem læso jus statim aufert, objectum tamen juris, reus scilicet, in quam illud competit, pleraque delicta tollere solent, sed injuria neque jus neque ejus objectum auferre apta est, nam existimatio ab integritate vitæ oritur, bonamque apud homines prudentes ac probos excitat opinionem, quæ per calumniam hominis improbi auferri, extinguui vel imminui nequeunt.

## OBSERV. MCCXXX.

*Hinc mechanicorum consuetudo improbatur* ) Hactenus illa consuetudo rationi repugnat, quatenus injuriâ affectum, pro infami habet, quasi scilicet alterius calumnia existimationem alicui auferre queat, sed nonnunquam consuetudo eo pertinet, injuriatum, qui injuriam inultam finit, criminis objecti conscientia tacere, adeoque velut facinoris reum, integrâ existimatione non gaudere, nec adeo in collegio opificum tolerandum esse, quo sensu non plane absurda est. Interim quia res illa incerta & dubia est, nec privatis convenit, sibi ipsis jus dicere ac ab executione auspicari, hinc meritò in genere illa improbatur, *vid. Ord. Polit. JOH. GEORG. II. tit. 21. §. II. ubi opi-*

opifices infamia puniuntur, qui injuriatos collegio expellere conantur.

## OBSERV. MCCXXXI.

*Ad hanc vindictam dantur remedia*) Delictum injuriæ merito quidem in foro civili coercetur, cum nulla appareat ratio, quare in gratiam hominis malitiosi, alter injuriam gratis devorare debeat, inprimis cum cuivis homini delicatam quandam sui æstimationem natura inleverit, ac contemptus plerisque perinde molestus acerbisque fit, ac læsio corpori vel vitæ illata. Interim fatendum est, quod multi in vindicandâ injuriâ excedant, ac injuriantis stultitiam & malitiam, vindicando vel imitentur vel superent, dum leves injurias gravi supplicio coerceri postulant, ac adeo actione sua injurias non tam repellunt, quam inferunt. Præterea, cessante licet illo abusu, exquisitissimo odio, ac summo animi rancore, actio injuriarum tractari solet, cum tamen, sepositis pravis affectibus nil nisi legitima satisfactio & pœna exigenda foret. Optimè fortassis huic abusu occurrì posset, si injuriatis nil nisi denunciatio, omnis verò injuriæ coercitio, Magistratui permetteretur. Sed sunt forte rationes, quas in rebus agendis parum exercitati non satis intelligunt, ob quas ratio contraria hætenus obtinuit; In Saxonia Electorali, regulariter ob injurias, inquisitio ne quidem locum habet, *vid. Erörter. der Landesgebr. de anno 1612. tit. von Justitiensachen §. und weil beydes die Rechte CARP Z. p. 4. C. 42. D. 4. Pr. Crim. p. 3. qu. 107. n. 34.*

## OBSERV. MCCXXXII.

*Mere panalis*) Ita utique sentiunt, qui accuratissime hanc rem expedire volunt, & sententiæ illi constant.

stanter etiam hætenus adhæsi, sed dum denuò eam expendo, contraria doctrina, quod scilicet actio æstimatoria, sit rei persecutoria, verisimilior videtur, nam (1) contemptus seu injuriæ perpeffio, quæ mali aut damni rationem utique habet, æstimatur, hinc æstimationis illius præstatio pro damni restitutione haberi debet, & si (2) datur doloris vel deformitatis æstimatio, quæ pro pœna non habeatur, quod omnes concedunt, cur non etiam eodem sensu, ludibrii æstimatio locum inveniat? in specie (3) contra *AUTOREM* aliosque, qui eandem sententiam sequuntur, efficax est argumentum ab actione recantatoria desumptum, si enim hæc est rei persecutoria, cur non & æstimatoria, in illa enim malum, quod quis perpeffus est, alio malo, in hac, pecunia æstimatur? Nec obstat (4) quod nullum damnum existimationi sit illatum, adeoque eo nomine nihil restitui aut pensari queat, nam non existimationis amissæ, sed ludibrii & contemptus tolerati æstimatio fit, & cum dolorem corporis pecuniæ æstimare liceat, cur non & dolorem animi? Porro non obest (5) §. 10. *f. de injur.* nam pœna ibi paulo laxius sumitur pro eo quod dolorem in præstante excitat, quo sensu exolutio pecuniæ debita, etiam pœnæ rationem habet, ac pœna dicitur in *l. 1. §. 4. de eo per quem factum.* Atque eadem responsio (6) quadrabit etiam ad *l. 2. §. 4. de collat.* si quidem huic aliquid efficaciz inesse putes, quamvis, æstimationem injuriæ pro pœna haberi, exinde quidem non liqueat, sed oppositio, quæ ibi fit, potius contrarium ostendat. Admissa autem hac sententia, Injuria quoque erit delictum publicum *vid. Observ. 1199. n. 2.*

## OBSERV. MCCXXXIII.

*Et dicitur dissimulatio* ) Quod ex amica injuriati cum injuriante, conversatione, injuriæ remissionem elicuerint Romani, vel eorum interpretes, id regulis recte ratiocinandi, non adeo consentaneum est, nam conversatio illa nihil amplius ostendere apta est, quam rancorem animi cessare, qui sane semper cessare debebat, non autem, jus legitime quæsitum, ac sine pravis affectibus in actum deducendum, esse remissum.

## OBSERV. MCCXXXIV.

*Ad famæ quodammodo læsæ restitutionem* ) Actionem ad palinodiam, pro rei persecutoria haberi posse arbitror, non tamen eò deveniendum est, ut famam læsam recantatione restitui existimemus, nam, ut ostendimus Observ. 1232. ludibrii vel contemptus permissio æstimatur, & sicut alias pro damno, quod accepimus, non præcisè pecuniam, sed rem aliam quoque exigimus, ita hic recantatio satisfactionis loco est.

## OBSERV. MCCXXXV.

*Et hæredibus licet lis nondum sit contestata* ) Dolorem corporis vel animi nemo æstimare potest, nisi qui eam perpeffus est, aut cui is arbitrium æstimandi concessit, hinc verius est, actionem recantatoriam demum post litem contestatam, vel motam actionem, hæredibus competere juxta sententiam *CARPZOVII*, neque verò ad id asserendum, opus est, ut actionem recantatoriam, pœnalem dicamus, ceu præcipit *Dn. BERGER in resolut. h. qu. 2. in fin.* maxime cum pœnales actiones regulariter hæredibus dentur etiam ante litem contestatam *§. 1. J. de perpet. & temp. action. vid. AUTOR. de O.*

U A. n. II. adeoque hæcenus ex illo præsupposito nihil lucremur.

## OBSERV. MCCXXXVI.

*Et hæredes, modo lis cum defuncto fuerit contestata* ) Rectius omnis transmissio negatur juxta doctrinam *CARPZOVII* p. 4. C. 42. D. 13. licet is non satis caute loquatur, nam recantatio merito pro actu personalissimo habetur, adeoque hæc satisfactio à solo injuriante fieri posse existimanda est.

## OBSERV. MCCXXXVII.

*Revocans non fit infamis* ) Ego quidem non improbo sententiam, quæ infamiam excludit, cum in universum, infamia juris absurdum puniendi genus sit, interim si ex rationibus juris civilis disputandum sit, illa non adeo certa videtur, si enim is, qui transigit, ac adeo præsumtivè crimen fatetur, infamis fit l. 4. §. fin. l. 5. de his qui not. infam. cur non etiam ille, qui recantando delictum ejusque injustitiam aperte agnoscit? nec obsunt rationes in contrarium allatæ, nullibi hoc dispositum esse, nam per consequentiam hoc utique dispositum est, aut, hanc actionem esse rei persecutoriam, tales enim sunt etiam actio mandati, depositi, tutelæ & profocio, quæ nihilominus sunt famosæ §. 2. §. de pæn. temer. litigant.

## OBSERV. MCCXXXVIII.

*Diff. Carpzov. p. 2. qu. 95. n. 26.* ) Ex sua scilicet hypothesis, quæ actionem æstimatoriam pro rei persecutoria habet, hinc eam cum actione criminali, cumulari, ac pœnam pecuniariam, carceris vel relegationis, præter injuriæ æstimationem, posse exigi contendit, quam sententiam nunc probo, per ea quæ dixi Observ. 1232.

## OBSERV. MCCXXXIX.

*Diff. Carpz. 4. C. 42. D. fin. )* Ubi negat, quod actio recantatoria & æstimatoria cumulari queant, quia utraque, ex ejus sententiâ, rei persecutoria est, quod iterum probo. *Dn. BERGER in resolut. h. qu. 2.* cumulationem ex eo negat, quod utraque actio sit pœnalis. Id addo, concursum cumulativum, quem *AUTOR* defendit, etiam locum habere posse, si usus constans judiciorum id jubeat, licet hypotheses modo relatas supponas, nam rei natura non repugnat, quo minus duæ actiones rei persecutoriæ vel pœnales cumulative concurrant, cum ambæ simul adæquatam rei æstimationem vel pœnam continere queant. Interim regulariter ex istis hypothesibus concursus cumulativus negandus est.

## OBSERV. MCCXL.

*Licita non est jure divino aut morali )* Retorsionem jure divino non prohiberi ob *conditionem subjecti agentis*, quod multi volunt, à quibus non abludit *AUTOR*, solide satis ostendit *UFFELMAN. in tract. de obligat. circ. ferm. c. 12.* eam tamen, si *finem* spectes, esse illicitam existimavi in *dissert. de offic. fermoc. hab. Lips. 1695. c. 2. §. 37.* adeo ut summa doctrinæ eo redierit: *Retorsionem esse inventum, quod obstetricante rerum moralium ignorantia, vel animi impotentia vel malitia invexerit, quoque viles & abjecti animi acceptas injurias utcunque solentur, quodque, velut malum inveteratum, leges civiles tolerant, sed uti jam tum, me nihil præfracte definire, sed rectius sentientium judicio libenter cessurum esse, professus sum, ita ne nunc quidem dubitem, quin illa sententia exceptionibus & dubiis subiaceat.*

## OBSERV. MCCXLI.

*Nec civili*) Non tam dicerem, quod retorsio jure civili illicita, quam potius, quod incognita fuerit, nam textus, quos pro se *AUTOR* allegat, nimis generales sunt, nec in specie de retorsione agunt, nec enim sequitur, si vindicta privata regulariter est illicita, ergo una aut altera ejus species, etiam talis est, de cætero parum Germanorum interest, quid hac in parte statuerint Romani *conf. DECIS. SAXON. 85.*

## OBSERV. MCCXLII.

*Hic concurrit actio injuriarum æstimatoria*) Hoc quidem est consentaneum hypothefi *AUTORIS* utpote actionem æstimatoriam, pro pœnali habentis, nam ex hac, ejus, & actionis famosi libelli, concursus electivus recte asseritur, sed non convenit hypothefi *CARPZOVII*, qui æstimatoriam, pro rei persecutoria habet, hinc eam cum actione famosi libelli cumulative concurrere dicendum erat, & is tamen *d. p. 4. C. 44. D. 5.* diserte electivum asserit. Aut ergo ipsum sibi contradixisse existimandum, aut hæc doctrina de casu speciali, ubi autori famosi libelli fustigatio imposita, accipienda est, nam cum tali pœna, injuriæ æstimationem simul, jure Saxonico, exigi non posse docet *IDEM Pr. Crim. qu. 95. n. 25.*

## OBSERV. MCCXLIII.

*Vel recantatoria elective*) Hoc & *CARPZOVII* & *AUTORIS* hypothefi, juxta quam actio recantatoria, rei persecutoria est, repugnat, hinc, nisi itidem de casu speciali, gravioris scilicet pœnæ impositæ, quem modo memoravimus, accipias, & id saltem quoad jus Saxonicum, falsum existimari debet, & si in injuria leviori actio recantatoria & criminalis concurrit, quod



quod *AUTOR* concedit *lit. SS.* cur non etiam in famoso libello, tanquam injuria graviore? Ratio sane *CARPZOVII* legem pœnalem de famosis libellis nihil disposuisse de recantatione, ergo sine lege nihil asserendum, nimis diluta est, nam hoc opus non fuit, actio injuriæ aliûs criminalis, etiam de recantatione nihil disponit, & tamen hæc duo cumulari possunt! frustra exigimus peculiarem legis dispositionem, quando ex natura actionum res decidi potest.

## OBSERV. MCCXLIV.

*Non etiam retorsio* ) Quia, ut ait *CARPZOV. d. l. D. 7. famosi libelli autor est incognitus.* Sed illa ratio parum probat, nam si incognitus est, tum etiam non poterit contra eum actio institui! hinc supponi debet casus, ubi autor detectus est, quo sane, retorsionis usum nihil impedit. Imo crediderim etiam contra incognitum retorqueri posse, licet enim Autor nominari nequeat, satis tamen est, si dicas, te autorem, quisquis ille fuerit, pro tali habere, qualem te esse, falso calumniatus sit, nec obstat, quod *insinuatio ignoto fieri nequeat*, nam nec illa semper necessaria videtur, cum retorsio typis exscribi, atque ita hominum notitiæ insinuari queat, quæ retorquendi ratio etiam contra vagabundum obtinebit. Interim fateor, in casu autoris ignoti, non facile locum esse habituram retorsionem, cum libelli famosi concrematio, manu carnificis peragenda, quæ retorsione gravior videtur, possit urgeri.

## TIT. XI.

DE EXTRAORDINARIIS  
CRIMINIBUS.

## OBSERV. MCCXLV.

*Hæc sunt*) Delicta extraordinaria, hodie esse *Publica*, Observ. 199. ostendimus, hinc sollicitudo, quæ inquirendæ delictorum illorum idoli impenditur, in Germania nullius est usus. De cætero in genere circa ea notandum, damni, si quod datum est istis delictis, restitutionem, semper ex lege naturali esse faciendam, pœnam verò ex definitione legis positivæ imponi, qua in re, non raro à legibus Romanis abeunt mores nostri, ut illarum non ubique aliquis sit usus.

## OBSERV. MCCXLVI.

*Licet sine vi fiat*) Circa hoc crimen duplex dubium oritur (1.) *cur stuprum consummatum ad delicta extraordinaria referatur, cum tamen ad publica spectet?* forte dicendum, interpellationem de stupro, esse tantum delictum extraordinarium, ipsum verò stuprum cum sequi aliquando soleat, ideo obiter quoque ejus pœnam recenseri (2.) *cur stuprum non violentum capite puniatur?* hoc sane *AUTOR* negat lib. 48. tit. 5. n. 2. videtur assertio hujus tituli capienda de stupro dolose persuaso hominibus innocentibus, ut puero, puellæ aut mulieri simplici vid. *COLER* Decis. 176. n. 116. *THEODORIC*. colleg. crim. c. 6. aph. 4. n. 36.

## OBSERV. MCCXLVII.

*Abortus procuratio, quod punitur jure civili temporario exilio*) Apud Romanos olim abortus procuratio fuit extra pœnam, adeo ut à ditioribus fœminis Romæ quotidie & fere palam, si fides *JUVENALI*  
Sat.

*Sat. 6. vers. 500. seqq.* hoc scelus admitteretur, postea  
 verò ab Imperatoribus SEVERO & ANTONI-  
 NO temporario exilio fuit punitum *l. 4. h. t.* quos  
 Cæsares *FACTUS* in *l. 39. de pæn.* dubio procul et-  
 iam intelligit. Ultimo autem supplicio abortus pro-  
 curatio non fuit punita, non obstat *l. 38. §. 5. de pæn.*  
 nam non agit de partu abacto, sed de homicidio, ac  
 per *hominem* ibi intelligitur mas ac fœmina, cui pocu-  
 lum amatorium vel abortionis, propinatum fuit, non  
 vero partus in utero existens, nam ut ad hunc quoque  
 vocem *hominis* extendamus, ceu præcipit *A. Mathe.*  
*h. c. 1.* nulla ratio postulat. Porro non obest *l. 39. de*  
*pæn.* nam quod ibi ex Cicerone refertur, id pertinet ad  
 mulierem in Asia existentem, ac potuit legibus mori-  
 busque alicujus in Asia gentis, quæ suo jure uteretur,  
 quod multis contigit, si recte judicari, sed jam quæ-  
 stio est de usu juris Romani, secundum quem tantum  
 abest, ut tempore Ciceronis abortus procuratio ultimo  
 supplicio fuerit punita, ut ne quidem aliqua pœna lo-  
 cum habuerit, *vid. NOODT Jul. Paul. sive de part. ex-*  
*posit. & nece apud vet. c. 12.*

## OBSERV. MCCXLVIII.

*Qui dardanarii dicuntur* ) A Dardano, mago  
 quodam, à quo etiam artes magicæ, dardanicæ di-  
 cuntur *STRUV. in S. J. C. exerc. 48. thes. 80.* sic *C. O-*  
*LUMELLA* in horto suo:

*At si nulla valet medicina repellere pestem  
 Dardania veniunt artes.*

*vid. FABR. Lexic. voc. Dardanus.* De cætero an-  
 nonæ fraudator & dardanarius in eo differunt, quod il-  
 le annonam tantum, hic omnis generis alias merces  
 E e e 4 etiam

etiam supprimat ac cariores reddat, hinc quoque *Pantapola* audit, quæ differentia ex *l. 6. h. t.* satis patet vid. *A. MATH. de crim. de annon.*

## OBSERV. MCCXLIX.

*Crimen faccularii*) Saccularii & directarii olim à furibus aliis separabantur, quia in hos pœna pecuniaria regulariter saltem erat statuta, illi autem graviore pœna digni videbantur, sed hodie, cum fures pœna corporis afflictiva coerceat, eâdem cum his classe illi censendi sunt vid. *Dn. STRYKII dissert. de Directar. bab. Francof. 1667.*

## TIT. XII.

## DE SEPULCHRO VIOLATO.

## OBSERV. MCCL.

*Hæc est crimen*) Crimen sepulchri violati utique contra socialitatem, mortuis & vivis debitam, est, adeoque lege naturali etiam prohibitum censeretur. Hodie tamen non adeo frequens videtur, cum præsupponat sepulchra privata & in locis privatis existentia, hæc enim facile ab aliis vel violari vel inhabitari poterant, hodie vero, ubi in locis publicis sepulchra reperiuntur, utriusque rarius erit.

## OBSERV. MCCLI.

*De quo agitur civiliter*) Damnum, si quod dederit sepulchri violator, ex lege naturali resarcire cogitur, præterea lex positiva ei pœnam imponit. Hodie neque pœna Romana neque modus eam exigendi, in usu esse videntur, sed iudex potius vel ex officio, vel ad instantiam læsi, delinquentem arbitrariè punit. vid. tamen *CARPZOV. Pr. Crim. qu. 83. n. 64. 65. 66.*

## OBSERV. MCCLII.

*Locum non habet hac actio*) Crimen sepulchri violati debet constare suis requisitis, hinc in specie admitti non videtur, si quis ejecerit mortuum ex eo loco, in quo alter sepeliendi jus non habebat, nam videtur omninò ad hoc crimen requiri talis locus, qui ad alium optimo jure pertinebat, citra hunc enim nec verus dolus, nec atrocitas facinoris adest, quo etiam collimant textus, quibus *AUTOR* utitur, non obstat *l. 8. de relig.* nam injuriam quidem, sed non crimen sepulchri violati committi docet, nec *l. fin. b.* (per quam *AUTOR*, sibi ipsi contrarius, dissentit *supra tit. de Religios.* verbis: *si quis mortuum*) commodè enim restringi potest ad locum alienum. *vid. Observ. 299.*

## OBSERV. MCCLIII.

*Si quis cadavera punitorum spoliaverit*) Non unum, sed duplex delictum nominandum erat, si quis (1.) defunctorum (2.) punitorum cadavera spoliaverit, de utroque agit *CARP Z. de qu. 83. n. 53. seqq.* ac poenam suspendii locum habere negat, quod quidem, quoad punitos, manifestam habet rationem, horum enim vestes aliæque res, rarè alicujus sunt pretii, præterea pro rebus nullius non immerito habentur, hinc etiam non tam ablatio, quam petulantia, qua locus justitiæ publicus violatur, punitur. Quoad defunctos verò nulla ratio suppetere videtur *Dn. STRYK in not. b.* quare eorum spoliatores, non perinde ut alii fures, suspendio afficiendi sint, cum nunquam sine violentia aperiuntur sepulchra, & ratio, quod mortuus nihil possideat, sit mere civilis nec malitiam spoliatoris minuat. Possent tamen fortassis hæ diversitatis rationes reddi: furtum vivis illatum, esse frequentius, defunctorum

spoliatione, magis etiam nocere, cum ejus occasione sæpe homicidia fiant, denique non minus ferè delinquere, qui res pretiosas cum defunctis tumulto inferunt aliorumque adeo cupidinem stimulant, quam qui eas auferunt, hinc cum illi sint extra pœnam, communi hominum stultitiâ eorum causam orante, nec hos adeo graviter coercendos esse.

## TIT. XIII.

## DE CONCUSSIONE.

## OBSERV. MCCLIV.

*E*st crimen extraordinarium ) Concussio est delictum juris Gentium, ac omnibus nationibus & notum & usitatum, quod autem modo crimen extraordinarium, modo publicum audiat, id Romanum, & hodie nullius usus est. De cætero concussionem cum vi compulsiva coincidere, existimat *A. MATH. b.* sed putem discrimen in eo esse: vis compulsiva repræsentat mala aperte injusta, ut amissionem vitæ bonorumque, sed concussio sub specie justî terret, dum crimina, quæ quis commiserit, propalanda & vindicanda minatur, ac hac ratione ab iis, qui molestias processus, aut sinistram saltem hominum opinionem metuunt, quid extorquet. A Sycophanta Concussorem in eo differre dicit *A. MATH. d. l.* quod ille dolo ac fallaciis, hic vi utatur.

## OBSERV. MCCLV.

*Parit actionem privatam* ) In concussore est obligatio naturalis ad damnum restituendum, cum qua non *elective*, ut hic innui videtur, sed *cumulative* concurrat obligatio ad pœnam, quam juxta definitionem  
juris

juris Romani præcisè imponi, haut crediderim, imo rardè de pœna concussionis aliquid auditur, cum ab iis delictum committi soleat, quibus leges eludere non difficile est.

## OBSERV. MCCLVI.

*Est diffidatio*) Hæc & in se delictum est, & simul gradus primus delicti secuturi pluribusque nocituri, ex quo ejus atrocitas dependet, ac à simplici comminatione, uni saltem damnum allatura, discernitur. Est de cætero delictum omnibus gentibus commune, inprimis tamen olim in Germania, turbido Reipublicæ statu, valde usitatum ac frequens, & ideo etiam peculiari pœna coercitum fuit *add. ARUM. ad A. B. dis. curs. 6. §. 16. 17.*

## TIT. XIV.

## DE ABIGEIS.

## OBSERV. MCCLVII.

*Abigeatus*) Plenius hunc Dn. THOMAS. in cōsputat. de Abigeat. hab. Lips. 1687. definit. *Est crimen extraordinarium, quod quis pecudes, & quidem minimum, unum elephantem, camelum, equum, equam, bovem, vaccam, mulum, duos vel tres asinos, porcos quatuor vel quinque, decem capras aut oves, sive uno actu, sive pluribus, studio & industria, de pascuis vel armentis furando committit.* Cum autem hodie pœna furti satis dura sit, adeoque nulla ratio, furtum & abigeatum seperandi, amplius suppetat, hinc istam Romanorum, quoad abigeatum ejusque pœnam, sollicitudinem hodie cessare, ac illum pœnâ furti coerceri, consequitur.

TIT. XV.  
DE PRÆVARICATIONE.

OBSERV. MCCLVIII.

**PRævaricatio** ) Est crimen, quod *Processum forensem* respicit, eaque sub notione omnibus gentibus notum est. Romani ab objecti diversitate, specialius illud distinxerunt eo fine, quo nunc pro *publico*, nunc *extraordinario* crimine idem haberi posset, cujus sollicitudinis hodie nullum esse usum, cum Publica & extraordinaria crimina coincidunt, facile liquet, cæterum qui prævaricabantur corrupti nummis, bovem in lingua habere, Romanis dicebantur *vid. POLLET. histor. for. Rom. l. 4. c. 3.*

OBSERV. MCCLIX.

*Late est crimen quo quis prodita causa sua, adversarium juvat* ) Potius dicendum, prævaricationem in sensu laxiori esse, *quando quis prodita causâ alienâ, adversarium juvat*, nam si causa vere alicujus sit propria, is prævaricari nequit, cum rei suæ sit moderator & arbiter, adeoque jus suum negligere atque remittere ei liceat. Juxta hunc sensum (1.) advocatus in quovis judicio, publico, extraordinario & privato prævaricatur, si cum adversario colludat *l. 3. §. 2. h.* idem dicendum (2.) de accusatore ipso quoad judicium publicum & extraordinarium, nam utroque casu, causam Reipublicæ adversario donat, *vid. MATH. h. n. 4.* sed (3.) in judicio privato actor prævaricari nequit, quia causa ipsius est, adeoque eam impune perdere potest. Quod si (4.) Advocatus suscepto Cliente cognitisque instrumentis, ei renunciaret, in adversarii castra concedat, ac secreta causæ (quæ scilicet non in jure sed facto consistet-



fistere possunt ) huic prodat, tum eum non tam prævaricari, quam falsum potius committere censet *MATH. d. l. n. 5.* quæ sollicita criminum distinctio, hodie exigui usus videtur, cum pœna arbitraria in omnem eventum locum habeat.

## OBSERV. MCCLX.

*Proprie ut hic est dolosa accusatoris collusio* ) Accusatoris nomine posse intelligi tum ipsum accusatorem, tum ejus advocatum, ex prædictis liquet. Quod si quis ab accusando plane desistat, ille non prævaricari sed tergiversari dicitur, *vid. l. 3. §. 3. h. t. MATH. h. n. 2.* Utrumque delictum, ob accusationum raritatem, raro hodie occurrit.

## OBSERV. MCCLXI.

*Prævaricatores* ) Si damnum dederint, illud naturaliter resarcire tenentur, præterea à lege civili puniuntur, ubi notandum, quod prævaricatores in significatione lata, etiam nonnunquam talione puniti videntur *l. pen. h. t. add. POLLET. Histor. for. Rom. l. 4. c. 3.* Hodie cum Advocati fere tantum prævaricentur, Romanorum illorum exiguus est usus, ceu ipse *AUTOR* ex Nemefi Carolina indicat *add. CLASEN add. Ord. art. 15.*

## OBSERV. MCCLXII.

*Advocatus hic arbitrarie punitur* ) Hæc ad jus civile iterum pertinent, non ad sanctionem Carolinam, de quâ immediate præcedentia agunt. De cætero uti verum est, quod Advocatus arbitrariè fuerit punitus *l. 1. §. 1. l. 3. §. 2 h. ita* Rei prævaricatio, aut si mavis, corruptio, eo modo punitur, quod is pro convicto habeatur, præterquam in sanguine *l. fin. h.*

## OBSERV. MCCLXIII.

*Quomodo etiam Rei advocatus prævaricetur?* ) Prævaricatur ille, ex doctrina MATTH. d. l., si adversario causam donet, seu cum eo, in perniciem Rei innocentis colludat, nam l. 1. pr. §. 1. l. 3. §. 2. l. 1. C. de advocat. 1. non distinguunt inter advocatum accusatoris & rei, id quod ipsa criminis hujus natura etiam satis confirmat. Id addo, Rei advocatum etiam videri prævaricari, si reum nocentem, artibus illicitis pœnæ subtrahat, nam ita perinde in publicas peccat rationes, ac si accusator prævaricetur add. POLLET. hystor. for. Rom. l. 4. c. 3. ubi hoc, nisi fallor, autoritate Quintiliani confirmatur.

## TIT. XVI.

## DE RECEPTATORIBUS.

## OBSERV. MCCLXIV.

*Receptatio facinorosorum* ) Hæc etiam delictum commune est, ac ejus tum *indoles*, tum *diversa quantitas* ex generalibus principiis patet. Datur autem triplex velut in hoc delicto gradus, *summus* est, si receptator facinorosorum, delicta continuantium, sit socius, *proximus* ab hoc, si recipiat eos, quos maleficia continuaturos intelligit, *infimus*, si quis recipiat eum, qui ob delictum commissum nec amplius continuandum, pœnæ declinandæ causa latitat, quoad omnes, inprimis tamen ultimum gradum, diversa voluntas quoque spectari debet, utrum quis ultrò, an vehementi aliquo affectu, amicitiae vel cognationis puta, instigatus, delinquentem receperit, qualis circumstantia delicti quantitatem merito elevat. Atque juxta hanc diversitatem, diversa etiam pœna hodie solet imponi

poni, adeò ut de pœna Romanorum, quæ quodammodo incerta & involuta est, *vid. MATH. h. c. 2.* non valde sit laborandum.

## OBSERV. MCCLXV.

*Non etiam parentes aut cognati sub hac pœna )* Duplex quæstio est (1.) *an cognati cognatum recipientes nec indicantes, pœna ordinaria, si detectus fuerit, teneantur?* quæ recte negatur eo casu inprimis, quando pœnæ declinandæ causâ saltem latitat cognatus, tum enim vehemens affectus excusationem tribuit, maxime cum ad pœnam excipiendam absoluta obligatio non sit, quod si autem famosus latro à cognatis, in societatem criminis forte etiam allectis, recipiatur, tum cognatio ad excusationem parum conferet (2-) *an à cognatis, ratione cognatorum latitantium, juramentum purgatorium queat exigi?* Hanc AUTOR quidem negat, sed, si indicia contra cognatos militent, eam affirmandam censuerim, fluit sane hoc ex natura imperii & subjectionis, adeoque tamdiu tenendum est, donec contrarium probetur, qualis probatio hic data non videtur, nam *l. 6. C. de test.* pertinet ad subditos, Imperanti autem eique subordinatis Magistratibus opponi nequit, *l. 4. de LL.* ad rem omnino non pertinet, nam licet de casibus raro evenientibus peculiare leges ferri non soleant, jam tamen latæ ad casus etiam rarissimos, si eveniant, justâ interpretatione sunt applicandæ, denique quod attinet *metum perjurii*, ille nec certus, nec quoad juramentum assertorium à Magistratu attendendus est, cum perjuri sibi ipsis crimen imputare debeant, & si proclivitati pejerandi heic aliquid tribuere velis, facile quodvis juramentum paulo molestum declinari queat.

## OBSERV. MCCLXVI.

*Sola scientia delicti commissi -- -- puniri non potest*)  
 Ex jure divino obligatio, ad delicta commissa indicanda, non est, nam pœnam delinquentibus eo jure præcisè esse imponendam, probari nequit. hinc unice ex jure humano repeti illa debet, hoc verò illam etiam regulariter non introducit, quod si verò hoc faciat, tum ejus quoque est definire, quousque ejus neglectus in foro civili sit puniendus.

## OBSERV. MCCLXVII.

*Committendi*) Delicta futura & committenda sciens ex lege socialitatis indicare tenetur, sed obligatio illa non præcisè ligat, si quis enim certo delicta non sciat, aut ex indicatione malum metuere debeat, vel alias Magistratui illa innotescere queant, obligatio cessabit. Quousque autem obligationis violatæ in foro externo sit habenda ratio, id lex positiva iterum decernit.

## TIT. XVII.

## DEFURIBUS BALNEARIIS.

## OBSERV. MCCLXVIII.

*Hi sunt*) Diversam delictorum esse quantitatem, satis quidem certum est, sed in ea determinanda, pravo judicio nonnunquam homines utuntur. Eò pertinet, si ideo delictum gravius existimetur, quod aliorum luxui, libidini ac voluptati molestum sit, ex quo capite nonnunquam in ferarum fures ultra modum sævitur; Ex eodem fundamento forte etiam fluxit, quod fures balnearii cæteris gravius fuerint apud Romanos puniti, nam balnea Romana corruptissimos Gentis mores arguere, summamque eorum fuisse turpitu-

pitudinem, aliàs notum est. Hodie fures balnearii sunt rariores, aut rectius, sensu Romano, plane amplius non occurrunt, hinc de pœna etiam peculiariter agendum non est.

## TIT. XVIII.

DE EFFRACTORIBUS ET  
EXPILATORIBUS.

OBSERV. MCCLXIX.

**E**ffractio) Quatenus circa furtum aut rapinam occurrit, eatenus non peculiare delictum, sed utriusque potius pars est, ac quantitatem auget. Effractio autem carceris, quæ ab ipso incarcerato fit, est saltem delictum contra leges humanas, nam divinæ præcise pœnam imponi non jubent, ac hodie non tam peculiare delictum est, quam principale potius, propter quod quis incarceratus est, aggravat. Si vero tertius carcerem effringat, tum dubio procul alios lædit, ac in leges socialitatis peccat.

OBSERV. MCCLXX.

*Commentariensi*) Qui sic dicitur, quod in commentarios h. e. rationes receptarum personarum, referat Custodias h. e. personas captas, *vid. l. pen. §. 2. in fin. de custod. redor. l. 45. §. 7. de jur. fisc. ZOES. ad ff. h. t. n. 9.* De cætero ad Ejus pœnam, præcipuè hodiernam, intelligendam triplex casus est distinguendus. Vel enim (1.) *Commentariensis positive ad effractionem concurrat*, tum eadem pœna afficitur, quia afficiendus fuisset incarceratus, neque hoc durum videtur *CARPZOVIO*, ceu *AUTOR* putat, cum diserte Idem illud adstruat *d. l. n. 100. 101.* (2.) *Vel omittendo dolum committit, dum fugam scit, nec impedit*, hic pœna fu-

stigationis decerni solet *CARPZ. d. l. n. 106. seqq. vel (3.) saltem culposus est, & pœna arbitraria, relegationis, carceris aut pecuniaria locum habet. CARPZ. d. l. n. 110. add. CLASEN ad Nem. Carol. art. 180. n 3. in fin.*

## OBSERV. MCCLXXI.

*Expilatio*) Hoc delictum in primis locum habet in urbibus populosis, ubi audaciores fures nonnunquam domos ingrediuntur, ac hominibus præsentibus & videtibus sua eripiunt. Illud, accedente vi majori, pœnâ Robbariæ coerceri posse docet *CARPZOV. qu. 90. n. 71. seqq.*

## TIT. XIX.

## EXPILATÆ HÆREDITATIS.

## OBSERV. MCCLXXII.

*Hoc delictum*) Est quidem hoc etiam crimen aliis gentibus notum & usitatum, sollicitudo tamen illa, qua idem â furto distinguitur, ac crimen extraordinarium esse perhibetur, Romana, & hodie nullius usus est. Id etiam ex communibus rationibus liquet, ab omnibus, qui aliàs delinquere possunt, hoc quoque delictum committi posse, licet non in quovis temerè præsumatur, quo pertinent cohæredes, nam hos ab hoc crimine non plane immunes pronunciant leges citatæ, sed in iis non facile illud præsumi, saltem ostendunt.

## OBSERV. MCCLXXIII.

*Non datur contra uxorem defuncti*) Contrarium supra asseruit *AUTOR tit. de action. rer. amot. lit. P.* quæ res occasionem præbuit iis, qui editiones recentiores procurarunt, ut ibidem negativè legerent, de quo

quo ut & conciliandi ratione, ad illum locum dixi *vid.* Observ. 789. id addo, contra uxorem non simpliciter videri negari actionem expilatæ hereditatis, sed, eam non temere illius criminis esse insimulandam, saltem adstrui, hoc ex *l. 33. de N. G. l. 17 C. de furt. l. 4. C. h. t.* circumstantiis probe perpensis, satis liquet.

## OBSERV. MCCLXXIV.

*Nam tum datur actio. rerum amotarum*) Contra uxorem expilantem, de qua diserte hic est quæstio, competere actionem rerum amotarum, *AUTOR* non facile probaverit, cum ipse docuerit tit. *de A. R. A. lit. P.* quod illa actio demum locum inveniat, si constante matrimonio, divortii causa res sint amotæ *A. MATTHÆI* quidem etiam illam actionem asserit *b. n. 3.* sed statim addit explicationem, quod tum ei locus sit, si vivo marito, divortii consilio, uxor res amoverit, & nunc post mortem illius, quæstio eo nomine ab hæredibus instituat.

## OBSERV. MCCLXXV.

*Non etiam hodie ad pœnam furti odiosam & exorbitantem extendendum est*) Ut cognati, conjuges aut cohæredes, à duriori illa furti pœna immunes pronuncientur, id æquitati consentit, cum occasione adeo commodâ faciliè ad delinquendum possint allici, nec adeo atrocitas facinoris quoad eos occurrat, atque hoc saltem vult *Ord. Carol. art. 165.* Quod si autem extraneus, juxta consuetam furti requisita, hereditatem expilet, ordinaria furti pœna erit coercendus, quod etiam *Dn. STRYKIO* in not. *b.* placet, nec rationem video, inquiringi, quare extraneus, accedente præsertim violentia, à patibulo sit absolvendus. Sane hæc sententia defendi potest, siue rationes juris civilis, siue

morum nostrorum spectes, nam juxta illas, expilatio furtum improbius est *l. 12. C. ex quib. caus. infam.* absurdum ergo fuerit, mitius punire eam, quam furtum: secundum mores autem, delicta illa minimum sunt aqualia, nam defectus possessionis, expilatæ hæreditatis crimen elevare nequit, ergo iterum absurdum foret, æqualia delicta æqualiter non punire! Parum obest *l. pen. de pæn.* nam pænæ molliendæ potius quam exasperandæ sunt in dubio, hic autem criminum æqualitas est manifesta & certa, amplius non obstat, *quod pæna odiosa non sit extendenda*, nulla enim hic est extensio, sed simplex pænæ ad delictum idem applicatio, nam circumstantia, qua furtum & expilatio hæreditatis disparantur, vel omninò indifferens est, vel minimum hujus quantitatem non minuit.

OBs'RV. MCCLXXVI.

*Hic concurrat*) Obligatur quoque naturaliter expilator ad damnum pensandum, hinc tenetur actionibus rei persecutoriis. Non obstat *l. 3. b. t.* nam si contra tertium actio rei persecutoria moveatur, contra expilatorem deinde cum pænali cumulativè concurrere non potest, nec *l. fin. C. b. t.* actio enim expilatæ hæreditatis dicitur subsidiaria, ratione aliûs actionis pœnalis, hinc cum tali etiam non concurrat, sed hoc non impedit concursum ejus cum actione rei persecutoria.

TIT. XX.

## STELLIONATUS.

OBs'RV. MCCLXXVII.

*Crimen stellionatus*) Quemadmodum, inter homines imposturæ non sunt infrequentes, ita facile liquet, crimen, quod sub stellionatus nomine Romani proponunt, aliis gentibus quoque notum esse, quod ta-

men



men sub nomine Stellionatus, delictis extraordinariis accenseatur, ac à Falso distinguatur, id ex sollicitudine Romanorum forensi fuit, nec hodie aliqujus usus est, cum enim delicta extraordinaria & publica coincidunt, ac tam Stellionatus quam Falsum arbitrarie puniuntur, quid intererit, hoc an illo nomine crimen aliquod exprimas? in specie igitur controversia, an venditor rem eandem duobus vendens, stellionatum vel falsum committat, in qua non leviter sudant interpretes, *vid. MATTH. b.* hodie nullum habet usum. Porro stellionem damnum resarcire ac pœnam sustinere debere, ex communibus principiis intelligitur, determinatio autem pœnæ non præcise ex jure Romano sumitur.

## OBSERV. MCCLXXVIII.

*Non infamat l. 2. b. nisi circa tale negotium*) Ita nonnulli *l. 2. b. t. cum l. 13. §. fin. de his qui not. inf.* conciliant. Sed illa negotiorum distinctio neque in *d. l. 13. §. fin.* fundatur, neque aliàs ratione nititur, cum enim stellionatus sit dolus improbius, ejus effectum ex rugulis vulgaris doli æstimare haut convenit. Dicendum igitur potius, quod stellionatus simpliciter infamet juxta *d. l. 13. §. fin.* nec obstat *l. 2. b. t.* nam per metonymiam adjuncti pro subjecto, *famosum* pro *publico* ibi accipitur. *Stellionatus judicium famosum* i. e. publicum, *quidem non est &c.* quam conciliandi rationem ab amico me aliquando audivisse memini.

## OBSERV. MCCLXXIX.

*Quod singulare est in hoc delicto*) Nominari solent etiam alia delicta, in quibus singulare illud occurrat, seu per pœnitentiam pœna excludatur, *vid. MATTH. b. c. 2. n. 3.* Cæterum, si circa stellionatum res accurate

examinetur, nihil singulare occurrit, nam quando quis creditoribus, quibus eandem rem dolose oppignoraverat, debitum solvit, juxta *l. i. C. b. t.*, tum non tam delictum consummatum, quam potius conatus delinquendi saltem adest, (neque enim ex solo proposito sed & ex eventu læisionis, dolum æstimare debemus) conatus autem regulariter extra pœnam est.

OBSERV. MCCLXXX.

*Hic concurrunt rei persecutoria*) Cumulative, non obstat *l. 3. expil. hered.* ad quam Observ. 1276. responsum, nec *l. 56. §. 1. de furt.* ibi enim actionem pœnalem furti non sustulit concurrens rei persecutio, sed vel alia pœna, vel saltem majoris pœnæ metus, qui ibi pro aliqua pœna habetur.

TIT. XXI.

## DE TERMINO MOTO.

OBSERV. MCCLXXXI.

*Terminus*) Eos qui terminos movent ac turbant, ad damnum resarciendum teneri, ac insuper puniri posse, communis ratio hominibus insinuat, cum porro pœna legibus germanicis sit definita, hinc liquet, nihil nos Romanis hic debere. Aliàs apud eos multa superstitiosæ quoad terminos occurrebant, de quibus *MATH. b.*

TIT. XXII.

## DE COLLEGIIS ET CORPORIBUS.

*Collegium*) Indoles societatum humanarum à gentibus omnibus intelligitur, quemadmodum etiam earum moralitas, licitæ illæ sint nec ne, ex generalibus principiis dijudicari debet. In specie collegium ali-

aliquod, illicitum non statim est, si sine Imperantis permissu ineatur, nam si bono fine societas contrahatur (quod in dubio præsumendum) ac temporaria sit, aded ut in abusum non facile degenerare queat, tum ne quidem tacitus Reipublicæ consensus est necessarius, sed illa coeundi facultas ex libertate naturali superest; si vero cœtus aliquis non malo quidem fine consocietur, ob perpetuitatem tamen suam, facile rationes publicas attingere ac turbare queat, tum sine permissu publico talis consociatio illicita censi debet. Denique si directe, delictorum gratia, collegium instituatur, tum & ipsa constitutio male se habet, & aliorum delictorum fundamentum est, hinc à bono Principe nunquam approbatur, sed dissolvitur ac alia ratione punitur *b. t.* Ex dictis autem illud sequitur, quod, si quævis, etiam temporaria, nonnullorum coitio, pro crimine alicubi reputetur, Reipublicæ morbidæ ac mali regiminis, id satis certum sit indicium.

## TIT. XXIII.

## DE POPULARIBUS ACTIONIBUS.

## OBSERV. MCCLXXXIII.

**P**opulares actiones sunt, quæ dantur omnibus de populo) Hæc descriptio quadrat ad actiones populares, sensu juris gentium, non juris Romani, acceptas, nam id quod præceptum erat, nimirum *causam & modum* *AUTOR* omisit, quare sic plenius dicendum: Sunt actiones à Prætoris intuitu quorundam delictorum privatorum concessæ, quibus, juxta modum judiciorum privatorum, dato scilicet iudice & actionis

*formulā, res vel pœna petitur. vid. POLLET. Histor. for. Rom. l. 4. c. 1.*

## OBSERV. MCCLXXXIV.

*Contra hæredes non dantur*) Hoc non videtur perpetuum, nam actionem popularem aliquando in hæredes competere, diserte docetur in *l. un. §. 9. 10. ne quid in flum. publ. fiat.* Illud inquirendum, ob quas causas hæ actiones locum habuerint. Scilicet non præsupponunt illæ *peculiaria delicta popularia*, quæ nonnulli asserunt, *vid. STRUV. Jurispr. forens. l. 3. tit. 23. §. 2. tit. 25. THOMAS. in disput. de abigeis hab. Lips. 1687. §. 9.* nam ex legibus Romanis illa probari nequeunt. Porro non pertinent ad *delicta publica*, quamvis enim horum accusatio regulariter cuivis pateat, attamen hæc, actionis popularis nomen, apud Romanos non accepit. Hinc spectant ad *delicta privata*, non quidem omnia, sed prout Romanis visum est.

2. Quamobrem actio popularis aliquando datur ob *delicta extraordinaria*, ut crimen sepulchri violati, termini moti (nam regulariter in delictis extraordinariis soli læso competit actio, ceu patet ex *l. 3. de extraord. crim. l. 2. de contuss. l. 2. de abig. l. 3. de prævar. l. 4. expil. hered. l. 4. C. eod. l. 1. C. de stellion. l. fin. de furt.*) aliquando *privata in specie*, qualia sunt apertura tabularum, corruptio albi, occisio hominis per dejectionem, aliquando *ejusmodi delicta*, ubi non de pœna, sed rei persecutione erat quæstio, quorsum pertinent alea, & varia delicta, intuitu possessionis vel rerum publicarum commissa, *vid. EKHOLT. b. §. 2.*

3. Hodie actiones populares rarè aut forte nunquam in foro Germanico audiuntur. Quod si tamen ali-

aliquando aliquo occurrat, erit illa, non sensu juris Romani, sed Gentium, actio popularis & sæpe cum accusatione coincidit, hinc quicquid Romani de *causa, modo & duratione* disposuerunt, illud amplius locum non habebit, sed potius, prout actio civilia aut criminalia respicit, consueto processu civili aut criminali tractabitur, ac tamdiu etiam durabit, quamdiu ipsum jus, ex qua oritur, aliàs durare solet.

## LIB. XLVIII. TIT. I.

## DE PUBLICIS JUDICIIS.

OBSERV. MCCLXXXV.

*P*ublica judicia sunt ) Ad delictum, illudque sequi solitum, *judicium publicum*, jure Romano hæc requiri videntur 1.) *ut lege populi pœna sit constituta*, vid. POLLET. *hisor. for. Rom. l. 3. c. 7.* (2.) *ut peculiaris adsit judex*. Sed quis? AUTOR respondet *lit. S.* sed nimis generaliter, vid. POLLET. *d. tr. l. 3. c. 7. 8. g. l. 2. §. 16. 23. de O. J.* olim erat ipse Populus, hinc *judicia publica, quasi populi* POLLET. *d. tr. l. 4. c. 1. (2.) ut singulari modo judicium fuerit constitutum*, nempe legibus per populum jussis, rogante Magistratu Senatorio POLLET. *d. l. 4. c. 1. (4.) ut certo modo peractum sit judicium* POLLET. *l. 4. c. 2. seqq.* quæ tamen procedendi ratio, postea sub statu Imperatorio videtur exolevisse, monente AUTORE *ex l. 8. b. r.* qua tamen in re nihil certi definiam!

OBSERV. MCCLXXXVI.

*Hodie est vel inquisitorius* ) Hodie delicta publica longe latius patere, ac omnia, quibus pœna publica imponitur, sic dici posse, jam Observ. *u99. n. 2. ad-*

monitum est, & experientia ac usus id satis confirmant, hinc liquet, quod omnis illa fori Romani sollicitudo in Germania nullum habeat usum. Porro *judicium publicum* etiam latius patet, ejusque indoles non ex legibus Romanis, sed germanicis cognosci debet. Quis igitur in delictis publicis judicare queat, id ex statu Territoriorum germanicorum propriisque statutis petendum est, modus porro procedendi, partim communibus æquitatis & prudentiæ regulis, partim legibus moribusque propriis definitur, quorsum pertinent, quæ *AUTOR* hic retulit, ut hactenus Romano- rum nullus vel exiguus usus esse videatur.

• TIT. II.

DE ACCUSATIONIBUS ET  
INSCRIPTIONIBUS.

OBSERV. MCCLXXXVII.

*Accusatio*) Si in se illa spectetur, est juris gentium, nam omnibus gentibus eam esse notam ac coercendis criminibus, si ita visum fuerit, adhiberi posse, satis liquet, Porro eadem partim communibus æquitatis ac prudentiæ regulis, partim legibus cujusvis rei publicæ propriis dirigitur, & habebat hac in parte forum Romanum multa singularia. In Germania uti accusationum usus est rarior, ita si omnino occurrant, placita tamen Romana non per omnia observantur.

OBSERV. MCCLXXXVIII.

*Accusant omnes*) Circa hoc caput communes rationes hoc præcipiunt, ne usu rationis destituti aut suspecti, ad accusationes admittantur; quemadmodum etiam hoc juris naturalis est, ut volentes solum accusa-

re queant, cætera ad jus positivum pertinent, qua in re juris Romani hodie quoque aliquis usus esse potest, nisi jure germanico aliud cautum, sic milites, de quibus *lit. S. n. 7.* hodie indistincte admitti, ex *DECIANO* testatur *THEODORIC. Colleg. crim. c. 4. aph. n. 35.*

OBSERV. MCCLXXXIX.

*Judex habita circumstantiarum ratione unum eligit*) Hoc judicis judicium olim dixerunt *Divinationem*, quia, ut censet Gabius Bassus, judex quodammodo divinare debet, quam sententiam sese ferre par sit, *vid. GELL. N. A. l. 2. c. 4. POLLET. d. tr. l. 4. c. 2.*

OBSERV. MCCXC.

*Accusantur omnes*) In hoc capite etiam quædam naturalia, quædam positiva sunt. Nam ut omnes, qui deliquerunt & superiorem habent, accusari queant. illud naturale est. Ex quo etiam naturalis exceptio fluit, quod illi, qui superiorem non habent *lit. S. n. 1.* & qui usu rationis destituuntur *n. 3.* accusari nequeant, cæteræ exceptiones *n. 2. 4. 5. 6. 7.* ad jus Romanum pertinent.

OBSERV. MCCXCI.

*Imperator*) Quod illi, qui superiorem non habent, accusari nequeant, recte quidem dicitur, sed jejunius ex jure civili probatur, nam quod nemo in propria causa judicare queat, ea est regula juris civilis, nec quoad liberas gentes ac Imperantes obtinet, hi enim, quando bello inter se decertant, in propria causa utique judicant, ex hoc igitur fundamento defectus accusationis non recte repetitur.

OBSERV. MCCXCII.

*Et inter reos recepti*) Hic dicebantur, qui apud Præ-  
torem legibus interrogati, crimen negabant, accusa-

torique à Magistratu, inquirendorum criminum dies dabatur. *vid. POLLET. d. tr. l. 4. c. 6. seqq.* Receptionem illam antecedeat delatio, nam accusaturus nomen Rei ad Prætozem, vel eum, qui jurisdictioni criminali præerat, deferrebat, ac ut inter Reos ille reciperetur, postulabat, & licet nonnunquam *delati* pro *receptis* accipiantur *v. l. 2. §. 4. ad L. Jul. de adulter.* exquisitæ tamén loquendo illa differunt, nam delatio etiam quoad absentem fieri poterat, sed receptio præsentiam requirit, ac est ipsa litis contestatio criminalis, dum accusator crimen impingit, alter negat, quo facto quis in reatu esse dicebatur ac vestem mutabat, *vid. A. MATH. de crim. Tit. 13. c. 6. n. 1. c. 7. n. 2. seqq.* Cæterum illos Romanorum ritus, in Germania non observari, per se liquet ac vix admonendum est.

## OBSERV. MCCXCIII.

*Mortui*) Pœnæ non sunt præcisè imponendæ, sed hæcenus saltem, ne publico permissu quis delinquere censeatur, atque ita vel ipse vel alii, ad similia majoraque patranda, invitari videantur. Ex quibus sequitur, quod, mortuo delinquente, pœna recte omitatur, hinc etiam apud Romanos, ne quidem post litem contestatam, in delictis publicis, pœna pecuniaria regulariter exigebatur *l. 20. h. t.*

## OBSERV. MCCXCIV.

*Modus procedendi hic est*) Quicquid circa hunc communes æquitatis ac prudentiæ regulæ exigunt, v. gr. ut reus audiatur, defensio concedatur ac legitimæ probationes requirantur, id ubique obtinere debet, præterea vero leges positivæ varia hic disponunt, quæ in re magis ad patrias, quam extraneas esse respiciendum,



dum, facile liquet. Quæ *AUTOR* recenset, ad mores potius Germaniæ, quam jus Romanum spectant.

## OBSERV. MCCXCV.

*Offertur libellus*) Juxta jus Romanum antiquum ita se ferè res habebat: Primo *deferrebatur nomen* rei ad Judicem, sequebatur accusatoris *inscriptio*, qua profitebatur se e. gr. Milonem deferre lege Cornelia deficiariis, eumque reum à se peractum iri, id quod fiebat vel libello judici porrecto, vel in Codice publico querela deposita. Jungebatur porro inscriptioni *subscriptio*, qua is, libellum accusationis porrexit, testari debebat, se professum esse, sinulque se ad poenam talionis, si calumniæ convictus fuerit, obligabat, *vid. MATH. de crim. Tit. 13. c. 6. n. 1. 2.* His peractis *præscriptionibus dilatoriis* nonnunquam utebatur Reus præsens, absens verò *citabatur ac lis* per interrogationem & negationem *contestabatur*, recepto Rei nomine predictæque die, instruendæ accusationis gratia. *MATH. d. l. c. 7.* olim quoque Judex jurabat ac accusator calumniæ præstabat juramentum *ID. d. l. c. 8.* *Prodictio* vel *prædictio* dici nihil aliud erat, quam jussus judicis, quo partes certo die adesse jubebat. Terminus autem videtur fuisse arbitrarius, aliquando trinundinum i. e. 27. dies complectebatur. Partibus in termino comparentibus accusator crimen inferebat, reus diluebat, nonnunquam actio dividebatur, adeo ut prima actione perfecta, post tertium diem secunda institueretur, quod *Comperendinationem* dicebant, à qua differebat *Ampliatio*, illa enim fiebat ex præscripto legis, tertio die, hæc vero ex arbitrio Prætoris, quocunque die, si judicibus non liqueret, tum enim Prætor ex Consilii sententia, *amplius cognoscendum esse*, pronun-

cia-

ciabat *ID. d. l. c. 9.* Reconventiones autem criminales, seu Reaccusationes, quæ *Anticategoria* vocabantur, regulariter erant prohibitæ *ID. d. l. c. 10.* Locus quoque erat *dilationibus ID. d. l. c. 11.* sequebantur etiam alia processus criminalis capita, ut *custodia & exhibitio reorum, probatio, questiones, sententia* ac ejus *executio, vid. ID. tit. 14. seqq.* Sed ista tetigisse sufficiat, accuratorem illorum discussionem instituant illi, quibus antiquitates Romanas, professa opera scrutari placet.

## TIT. III.

## DE CUSTODIA ET EXHIBITIONE REORUM.

OBSERV. MCCXCVI.

**E**xhibendus est reus alibi degens) Fluit exhibitionis necessitas, quatenus hic spectatur, ex *imperto civili* adeoque præsupponit iudices subalternos, uni Imperanti subjectos. Posset igitur in Territoriis Germaniæ, qui uni Domino subsunt, etiam locum habere, sed videtur ideo cessare, quod jurisdictio patrimonialis iudicibus inferioribus plerumque concedatur. Quoad Gentes liberas autem, quibus suo modo Status imperii germanici annumerandi sunt, exhibendi necessitas, ex illo principio repeti nequit, hinc hætenus exhibitio est voluntatis & libertatis. Cæterum uti eo nomine pacta iniri, ac per ea exhibendi necessitas produci potest, ita iis sepositis, ex ipsa etiam rei hujus indole, necessitatem exhibendi profluere, & jactatam hic libertatem, satis certo fundamento non niti, *Observ. 155.* ostendere conatus sum.

## OBSERV. MCCXCVII.

*Exhibitus custoditur* ) Non exhibitus tantum, sed in genere quivis Reus, si delictum aliæque circumstantiæ hoc exigant, incarcerandus est. De cætero patet, quod tota hæc tractatio fere juris Gentium, non Romani sit. Quid & quotuplex carcer sit *lit. D.* hoc ex communibus principiis omnes homines intelligunt. Porro ex societate & imperio civili patet, quod jus incarcerandi, sit penes Imperantem ac Magistratus ei subjectos, quodque privati, sine illorum permisso, id sibi arrogare nequeant, in secus facientes lex positiva pœnam statuit, nec præcise observatur jus Romanum *lit. C.* Porro uti certum est, quod Magistratus ex jure naturali & regulis prudentiæ obstrictus sit ad delinquentes carceri mancipandos, ita æquitas quoque postulat, ne sine prævio delicto ac legitimis indiciis hoc faciat *d. lit. C.* Ut quoad personas delinquentes, aliquod discrimen observetur, id æquitas obscurius innuit, hinc lex positiva illud certius determinat *lit. P.* nec dubitem, quin nonnunquam ex vitiosa προσωποληψία aliquid jure humano sanciat. Ut autem carcer tolerabilis sit *lit. F.* id æquitas manifeste suggerit, neque enim hætenus pœna, sed medium ad eam perveniendi, saltem est, interim tamen carcer, res molesta, ac eo sensu, incarcerationo pœna est. Porro tam lex naturalis quam prudentia à judice requirit, ut plures alicujus criminis reos separet, nam alias finem intentum non facile obtinebit *lit. F.* Denique certum est, quod judex ob neglectum officium, tam ad damnum resarciendum, quam pœnam naturaliter obligetur, quam leges positivæ determinant *lit. E.*

## OBSERV. MCCXCVIII.

*In carcerem perpetuum nemo damnandus lit. F. n. 3.)*  
 Quæstio mere Romana, & hodie nullius usus est, *an*  
*apud Romanos carcer etiam fuerit pœna, vel si hæc non*  
*recte concepta videtur, an pœna carceris perpetui apud*  
*eos fuerit in usu?* AUTOR negat eam, nec obstat l. 3.  
 ff. l. 2. C. b. t. nam pœna ibi improprie, pro malo ali-  
 quo molestus sumitur, nec l. 38. de injur. ex sententia  
 enim BACHOVII ibi vincula publica non notant  
 carcerem, sed opus publicum, ad quod nonnunquam  
 delinquentes condemnabantur add. BROIDÆ ad  
 Pollet. histor. for. Roman. l. 5. c. 14. in fin.

## OBSERV. MCCXCIX.

*A carcere liberatur)* Non tantum carcere, sed &  
 aliis mediis delinquens ad futuram pœnam servari  
 potest, sed in iis adhibendis & prudentia opus est, & le-  
 ges divinæ observari debent, hinc in delictis graviori-  
 bus, præcipue quibus pœna jure divino universali im-  
 posita est, salvus conductus, non nisi in subsidium, cæ-  
 teris mediis frustra adhibitis, concedendus est, add.  
 DECIS. SAXON. 76.

## TIT. IV.

AD L. JULIAM MAJE-  
STATIS.

## OBSERV. MCCC.

*Hoc delictum)* Plenius paululum sic dici potest:  
*Est crimen, quo Respublica, quoad libertatem suam*  
*& imperium civile, ab iis, qui vinculo civili eidem con-*  
*juncti sunt leditur.* Est igitur hoc delictum ex habi-  
 tu societatis civilis æstimandum, quod principium  
 omnibus gentibus commune est. Ex hoc ergo intel-  
 ligi-

ligitur, quod hoc crimen sit contra jus naturale, nam pactum, quo Imperans & subditi, in cœtum sui juris coalescunt, laudato illo jure defenditur. Amplius inde liquet, quod gradibus delictum discernatur, nam gravius utique delinquit, qui Rempublicam evertere aut Principem occidere conatur, quam qui jura aliqua Majestatica sibi arrogat, hinc divisio, *sign* † memorata, non juris Romani, sed gentium est. Porro exinde cognoscitur, quod illi tantum, qui vinculo civili Reipublicæ sint conjuncti, hoc crimen perpetrent *lit. C.* de quo mox explicatius paululum dicam. Ulterius inde condiscitur, quod hoc crimine Respublica, quoad libertatem ac imperium civile, vel in se ipsa, vel in Imperante, vel in personis delegatis lædatur *lit. O.* denique nec diversa lædendi ratio, juxta hoc principium, potest esse obscura, lex tamen positiva nonnunquam varios lædendi modos certius determinat *lit. Q. add. THEODORIC. Colleg. Crim. c. 5. aph. 4. n. 33.* quo loco etiam observandum, quod mali Imperantes in extendendo crimine Majestatis, eodemque infontibus subditis imputando, nonnunquam ultra modum sint ingeniosi.

## OBSERV. MCCC.

*Non etiam advenarum aui extraneorum*) Vera utique est hæc assertio, interim, quantum ad pœnam, non multum refert, an delictum, quod extraneus in Rempublicam admisit, majestatis dicere velis, nec ne. Si enim extraneus, qui animo hostili quid machinatus est, in potestatem civitatis læsæ redigatur, tum ejus factum eadem severitate, qua in subditis, non immerito coercetur, utut enim non ex pacto, sicut subditus, atamen ex absolutis socialitatis regulis, cœtum sui juris,

G g g.

tam

tam graviter lædere non debebat. Socii regulariter quoque crimen læsæ majestatis non committunt, *vid. l. 7. de captiv. & postlim. MATH. de Crim. b. Tit. 2. c. 1. n. 5. 6.* Si vero successu temporis socii imbecilliores, ad fortem subditorum à fœderato potentiori redigantur, quod inter Gentes liberas accidere potest & solet, tum eos crimen læsæ majestatis committere posse dicendum est, *vid. d. l. 7. §. 2.* Alia quoque est ratio illorum sociorum, qui perpetuo fœdere, expresso vel tacito, in peculiare corpus, seu civitatum systema coalescunt, nam hos crimen læsæ majestatis in totum corpus posse committere, certum nobis videtur, nam perpetuo vinculo, velut membra, eidem ostringuntur, quod ad hoc delictum satis est, hinc etiam in definitione, non præcisè *vinculum subjectionis*, sed *civile* saltem requisivimus. Plus dicam, ipsum etiam Imperantem hujus criminis posse fieri reum, si contra leges fundamentales, statum Reipublicæ evertere conetur, is tamen velut subditus non punitur, sed ei potius tanquam hosti, justa defensione resistitur.

## OBSERV. MCCCII.

*Pena in perduellione est*) De obligatione ad damnum refarciendum, in hoc delicto quæri non solet, forte ideo quod sæpe illud in conatu opprimatur, aut, si ad perfectionem pervenerit, damnum majus sit, quam ut illud delinquens refarcire queat, hinc de pœna saltem quæstio est. Quid apud Romanos juxta diversa tempora obtinuerit, exponit aliqua ex parte THEODOR. Colleg. crim. c. 5. aph. 1. quæ ad Jurisprudentiam curiosam spectant. De damnatione memoriz *vid. RÆVARD. conjectan. l. 3. c. 16. Du.*  
SCHREI-

*SCHREITERI* dissertat. de damnat. memoriæ, hab. Lips. 1689.

## OBSERV. MCCCIII.

*Filii ejus perpetua infamia notantur*) A græcis forte est, quod filii perduellium puniantur. Sic *CURT. l. 8. c. 6. n. 28. Macedonum more perire debebant, omnium devotis capitibus, qui sanguine contigissent perduelles.* Paulo post *c. 8. n. 18.* dicit Alexander: *Sed olim istum morem, occidendi cum scelestis infantes propinquos parentesque, solvi.* De cætero haut excusari potest istud institutum, nam licet contendas, non esse pœnam, sed medium suspectas personas è regione expellendi *vid. THOMAS in not. ad Srauch. dissert. 29. §. 4.* attamen sic non tam res, quam rei nomen mutatur, nam si simplex cautio hic intendatur, tanta acerbitate opus non est, cum emigratio personis suspectis simpliciter possit injungi, ut facilè liqueat, rigorem illum defendendo injusto dominatui esse introductum.

## OBSERV. MCCCIV.

*Hac pœna adhuc hodie observatur*) Nonnulli, ut *BUDÆUS & BALDUINUS* putant, eam esse abrogatam per *l. 22. C. de pœn.* quos refellit *THEODOR. Colleg. Crim. c. 5. aph. 6. n. 67.* illam tamen communi fere gentium consuetudine improbatam esse existimans. Cum illa legibus divinis sit contraria adeoque jure valere nequeat, frustra de ejus vel receptione vel rejectione quæri videtur, nec crediderim, unquam bonum Imperantem eâdem esse usurum, certe æquitas prævalere debet imprudentiæ vel Bartoli, vel alius Consiliarii, *vid. ARUM. ad A. B. discurs. 1.*

§. 3. qui dispositionem illam iniquam Aureæ Bullæ inferendam suavit *add. THOMAS. d. l.*

## TIT. V.

AD L. JUL. DE ADULTERIIS  
COERCENDIS.

OBSERV. MCCC.V.

*Adulterium*) In repræsentando adulterii delicto & pœna, leges Romanæ plus difficultatis aut curiositatis, quam utilitatis habent. Primò quidem Romani in æstimando adulterii crimine, à placitis Germaniæ aliarumque civitatum abeunt, scilicet *adulterare* vel *adulterari*, in genere est *corrumperere*, id quod ex probatis Autoribus, ac ipso jure Romano, satis constat, *vid. MATH. b. Tit. 3. c. 1. n. 3.* jam si id nominis ad congressum seu commixtionem carnalem referas liquet, quod (1.) concubitus cum virgine vel vidua, honeste alias vivente, adulterium, si vim nominis spectes, dici queat, quemadmodum etiam lex Julia promiscue nomine stupri & adulterii usa est *l. 6. §. 1. b. t.* Porro (2.) certum videtur, quod concubitus cum nupta, id nominis ferre queat eatenus, quatenus fides conjugalis per eum corrumpitur. Denique (3.) idem congressus cum nupta, eam etiam ob causam, adulterium dici potest, quod per eam progenies adulteretur, dum scilicet partus spurius alienæ cognationi inferitur. Jam si quæras, quo respectu Romani adulterium adstruxerint? tum quidem *CARPZOV. Pr. Crim. qu. 52. n. 46.* eos, ex violatione fidei conjugalis, per concubitus facta, adulterium æstimasse contendit, sed non probat, hinc verior est sententia, quæ in determinando adulterio, eos ad progeniem adulteratam respexisse, adeo-



adeoque saltem ex persona uxoris adulterium asseruisse dicit, quam sequitur *AUTOR* ac ex textibus citatis satis probat.

## OBSERV. MCCCVI.

*Jure Can. & hodie est crimen* ) Hodie verò ex solo concubitu, eique implicita fidei conjugalis violatione, unice æstimatur adulterium, quod germanicum *Ehebruch* ( quod vocabulum *CARPZOV. d.l.* ad declarandos Romanorum mores, frustra allegat ) significanter innuit, hinc non minus maritus, quam uxor adulterium committit. Videntur autem mores Christianorum, in hanc devenisse sententiam, ideo quod monogamiam non tantum humanæ naturæ rationalitas, præstantia ac socialitas commendet, sed & lege divinâ positivâ universali, illa vel confirmata vel sancita existimetur, atque ita conjuges sibi in solidum obligentur, nec possit adeo congressus voluntarius sine fidei conjugalis violatione fieri, etiamsi exinde nulla prolis adulteratio metuenda sit. Interim certum est, quod mulier, quæ non tantum concubitum peragit, sed & prolem adulterinam marito cognationique obtrudit, gravius etiam hodie peccet, quam maritus, qui saltem transitorio Veneris actu defungitur.

## OBSERV. MCCCVII.

*Diff. Carpzov. qu. 52. n. 49. Math. b. c. 1. n. 11. )* Non recte A. Mathæi pro dissentiente habetur, nam *d. c. 1. n. 12.* recenset quidem sententiam eorum, qui maritum etiam in innuptam, adulterium committere censent, sed eam postea diserte improbat, ac idem, quod *AUTOR*, adstruit. Carpzovius autem vere dissentit, sed ex hypothese morum nostrorum, qua ex violatione fidei conjugalis per concubitum facta, adul-

tertium æstimatur, male Romanos explicat, hypothesin verò ipsis propriam, qua ex infitione prolis adulterinæ in alienam familiam, crimen hoc definiunt, sine causa rejicit. Nonnulli putant, ideo apud Romanos maritum non commisisse adulterium, quod uxori, juxta hypothesin judaicam, quæ Polygamiâ permittit, ac ad Romanos quoque, sicut alia judaica, translata videtur, in solidum haut fuerit obligatus, *vid. THOMAS J. J. D. l. 3. c. 3. n. 97.* sed hæcenus sententia altera, quam modo retuli, probabilior mihi videtur.

## OBSERV. MCCCVIII.

*Uxor meretricio more vivens l. 13. §. 2. h. hoc tamen in casu masculus mitius punitur l. 22. 29. C. h. t.)* Ita nonnulli *d. l. 13. §. 2. cum d. l. 22. conciliant, vid. MATH. h. c. i. n. 6.*, quæ doctrina licet à ratione non abhorreat, attamen à sententia juris Romani omninò abit, nam in *d. l. 13. §. 2.* non agitur de uxore meretricio more vivente, ac in *d. l. 22. 29.* non pœna mitior in masculos decernitur, sed potius omnis pœna quoad uxores, meretricio more viventes, negatur. Ex mente igitur Romanorum potius dicendum, quod fœminæ viles & meretriciam profitentes, tam solutæ quam maritatæ, infra legum curam fuerint, & hinc nonnunquam fœminæ impudicæ, honestiori loco natæ, licentiam stupri apud Ædiles vulgabant, more inter veteres recepto, qui satis pœnarum adversus impudicas, in ipsa professione flagitii credebant, *vid. TACIT. anal. 2. c. 85.* Aliquando etiam in fraudem legis, operas in scenam locabant, aut lenocinium profitebantur, quæ pœnis adulterii nihilominus tenebantur *l. 10. §. 2. ad L. Jul. de adulter. vid. MATH. d. c. i. n. 5. 6.* Rationem verò, quare in specie uxores meretricio more viven-

viventes, extra pœnam fuerint, forsitan ex eo iterum desumere licet, quod Romani adulterium ex infitione partus adulterini æstimaverint *l. 6. §. 1. h. t.* in hanc autem cum consenserit maritus, hinc crimen adulteriæ cessavit. Atque istum morem referunt *l. 22. 29. C. h. t.* quibus haut obstat *l. 13. §. 2. h.*, loquitur enim de ea, quæ olim vulgaris fuit, sed contracto matrimonio, vitæ genus emendavit, hæc si forte, invito marito, ad antiquum redeat, adulterium in ea recte vindicabitur, **FACTUS** enim in eo est, ut ostenderet, legem ad omnia matrimonia (rite custodita) pertinere, hinc affert exemplum concubinæ & uxoris injustæ *pr. & §. 1.*, dein addit *§. 2.* aliud, *sed & in ea uxore potest maritus adulterium vindicare, quæ vulgaris fuerit* (non, cum adulterium committeret, sed cum à marito duceretur) *quamvis, si vidua esset, impune in ea stuprum committeretur* (nam, marito mortuo, ad meretricium vitæ genus, suo saltem consensu, redire potest.) Atque hanc explicationem, quam etiam **CUJACIUM** & **HOTOMANNUM** probasse ait **MATH. d. c. i. n. 6.** frustra **IDEM** vellicat, quod sit minus probabilis, quoniam nulla subesset prægnans dubitandi causa, si responsum Ulpiani acciperetur de ea, quæ fornicem deseruerit atque frugi facta sit, nam sat dubii suberat ex anteaçto vitæ genere, ob quod infra legis curam, talem uxorem existimare quis posset, *vid. l. 43. §. 4. de R. N.* De cætero vulgaris doctrina, & conciliatio licet à mente Romanorum abeat, attamen à ratione non abhorret, ceu initio jam diximus, hinc hodie non immerito servatur, cum enim hodie adulterium ex solo concubitu æstimetur, absurdum fuerit, uxorem, meretricio more viventem, ab eo absolvere, cum fre-

quentia delictum potius augere debeat, masculus tamen mitius punitur, non quidem ideo, quod primus saltem mœchetur, reliqui verò, non cum nupta, sed meretrice luxurientur, quam rationem recte explodit *MATH. d. c. i. n. 6.* vid. *l. 43. pr. §. 1. 2. de R. N.*, sed quod in iis, qui cum uxore, passim se prostituente, congregiuntur, tantus dolus non sit, quam in illis, qui uxores caste alias viventes, persuasionibus in amplexus illicitos pelliciunt.

## OBSERV. MCCCIX.

*Criminaliter*) Commissio adulterio, pœna delinquentibus imponitur, ad quam antequam perveniri queat, lex naturalis utique exigit, ut legitimo processu veritas delicti eruatur, eo fine inquisitio & accusatio adhiberi potest, sed hodie prior fere tantum obtinet. Pœnam vero quod attinet, arbitramur, quod lex divina positiva universalis in adulteros nullam pœnam statuerit, adeoque hæc res arbitrio hominum subiaceat, hinc diversi populorum mores hac in parte reprehendendi non videntur, secus ac sentit *A. MATH. b. c. 2. n. 4.* In legislatione Romanâ quædam ad jurisprudentiam curiosam pertinent, v. gr. an lex Julia pœnam gladii introduxerit? an in pœnâ Justinianeâ definiendâ, Theodora aliquas habuerit partes? quæ per nos suo arbitrato quivis expediat! vid. *MATH. d. l. n. 3.* Interim mitior illa quoad fœminas adulteras sanctio, licet eam *O. C. art. 120.* approbet, usu tamen fere Germaniæ rejicitur, vid. *HEIG. p. 2. qu. 29. n. 70. seqq. add. DECIS. SAXON. 82. 83.*

## OBSERV. MCCCX.

*Accusant autem hic illi tantum quibus specialiter hoc*

*hoc est permiffum*) Ergo extranei accusatores plane erunt exclusi, hos tamen *AUTOR* l. 44. tit. 3. admittit, dum accusationem extraneo concessam, sex mensibus præscribi docet! Est illa res controversa, *A. MATH. b. c. 4. n. 11.* extraneos plane excludi cenfet, sed *THEODOR. colleg. crim. c. 6. aph. 3. n. 18.* contra Briffonium aliosque, qui legibus Pandectarum per l. 30. C. b. t. derogatum esse arbitrantur, contendit, d. l. 30. extraneos saltem repellere ab accusatione, quæ fiat jure mariti, non simpliciter eos excludere, nec enim probabile esse, tot textus in Pandectis gratis esse relatos, maxime cum d. l. 30. jam priori Codici fuerit inserta, adeoque vix correctoria existimari queat. Hodie, ob accusationum raritatem, controversiæ illius exiguus vel nullus est usus.

## OBSERV. MCCCXI.

*Si adulterii accusati, sanguinis necessitate se excusaverint*) Ut legitime probetur adulterium, antequam ad pœnam deveniatur, id manifeste satis lex naturalis requirit. Ex quo æquitatis principio concluderem, præsumptiones juris & de jure, quas *AUTOR* hic recenset, observari non debere, cum innocenti defensio semper sit concedenda, nec æquitati conveniat, tanto præsumptionis rigore, in pœnis ultimi supplicii uti.

## OBSERV. MCCCXII.

*Civiliter*) Sed num remedium civile & criminale concurrit elective an cumulative? Olim electioni fuit locus, sed postquam *actio de moribus* fuit sublata, idem remedia illa cumulative concurrere dicenda sunt, adeo ut persecutioni criminali effectus, qui hic memorantur, insint, vid. *MATH. b. c. 3. n. 3.* id quod etiam ratione mariti adulteri dicendum est, nam licet uxor

maritum accusare nequeat *l. 1. C. b. t.* sed tantum exigat donationem propter nuptias, attamen, si ille adulterii revera reus sit, poena criminalis, per viam inquisitionis, ei erit imponenda. Hodie dubio caret, quod maritus & uxor eadem classe cenferi debeant. Illud etiam admonendum, quod vindictio civilis, non tam ad poenam, quam potius jurium, ex natura societatis conjugalis venientium, assertionem retentionemque pertineat, quod inprimis juxta mores hodiernos, ac praecipue Saxonicos, verum est, nam uno fidem conjugalem violante, alter quoque ab obligatione liberatur, adeoque à matrimonio discedere potest, porro qui personam conjugis suo delicto velut exuit, illo lucrum quod ex alterius conjugis bonis vel habebat, vel sperabat, perdit, sed conjugii innocenti suo delicto nocere nequit, hinc jura, quibus vel fruitur, vel aliquando fruiturus est, diremto licet matrimonio, retinet, in his ergo omnibus nulla poena propriè sic dicta occurrit.

## OBSERV. MCCCXIII.

*Ad dissolutionem matrimonii* ) Sed quid opus est, hanc seorsim inculcare vel urgere, nam si adulter ultimo supplicio punitur, adultera verò monasterio includitur, eo ipso matrimonium jam satis est dissolutum? Videntur sane haec securius ex jure antiquo recenseri, quo electioni locus erat, utrum laesus judicio de moribus, ad divortium agere, an accusatione poenam criminalem exigere vellet, nisi malis dicere, oriri illa ex diverforum jurium confusione, quod jaris canonici allegatio satis probabile reddit! Non poterit igitur hujus doctrinae, hodie esse usus, nisi in illis provin-

vinciis, ubi adulterium morte non punitur, nam tum, pœna v. gr. relegationis aut fustigationis licet imposita, de matrimonio dissolvendo adhuc quæri potest.

## OBSERV. MCCCXIV.

*Hic judex competens est ecclesiasticus*) Præsupponendos esse terminos habiles, ut hæc doctrina effectum habere queat, ex *Observ. præc.* liquet. De cætero interesse putem, utrum prius agatur in judicio seculari ad pœnam v. gr. fustigationis imponendam, tum sine ulteriori processu, matrimonium in Consistorio erit simpliciter dissolvendum, quoniam impositio pœnæ secularis, adulterium probatum præsupponit. Quodsi autem quis, adulterio perpetrato, prius in Consistorio agat ad matrimonii dissolutionem, tum, hac secutâ, judex secularis simpliciter pœnam imponet, nam & hoc casu, delicti legitima probatio præsupponitur.

## OBSERV. MCCCXV.

*E. gr. oscula libidinis*) Quod amissio dotis ob oscula libidinis (nam illa officii aut pudici affectus excipiuntur) sequatur, id eo argumento probant, quod sua via eorumque admissio, æquipolleant causis in *Nov. 117. c. 8.* enumeratis, adeoque ad divortium sufficiant, *vid. MATH. h. c. 3. n. 12.* Verum uti hæc res nec de jure civili satis certa est, cum legum pœnalarum extensionem aliàs non facile admittant, *vid. THEODOR. Colleg. crim. c. 6. aph. 2. n. 5.* ita hodie, ubi saltem ob adulterium & malitiosam desertionem divertere licet, dotis amissio oscula non sequitur, ipsomet *MATH. d. l. in fin.* hoc fatente.

## OBSERV. MCCCXVI.

*Idque sive civiliter agatur de adulterio, sive criminaliter*

*liter eo casu, quo mulier in monasterium detruditur* ) Hæc assertio non est referenda ad propositionem incidentem de osculis, quæ immediatè præcedit, sed ad principalem, ut sensus sit, *amissionem dotis aut donationis propter nuptias sequi, siue civiliter siue criminaliter agatur.* Sed eo ipso patet, quod hæc assertio dubia vel potius falsa sit, cum enim, sublato morum iudicio, civiliter amplius agi nequeat, non possunt non, quæ de amissione dotis dicuntur, ad accusationem vel inquisitionem referri *vid. Observ. 133.* De cætero non obstat *Nov. 134. c. 10.* non bona adulteræ monasterio adjudicantur, excepta dote, ceu recte jam admonuit *BERLICH d. l.* frustra à *CARPZOVIO d. l.* refutatus, hoc enim verba *d. c. 10.* finalia : *ut per omnes casus viro pacta dotalibus illata instrumentis serventur,* satis insinuant, cum enim apud Romanos, nulla dos sit nisi ex pacto, fluctus sane in simpulo movent, qui istis verbis *non omnem dotem, sed specialium pactorum dotalium commodum* innui arbitrantur. *vid. MATH. b. c. 3. n. 2.*

## OBSERV. MCCCXVII.

*Non etiam amittit uxor bona paraphernalia* ) Nec obstat *l. 8. §. 5. C. de repud.* nam exinde nihil objici posse, vel sola inspectio ostendit, illud enim nimis dilutum fuerit, si maritum non *dotem* tantum sed & *donationem propter nuptias* lucrari, inde velis opponere, cum per hanc non bona uxoris paraphernalia, sed mariti, quæ in compensationem dotis, uxori donaverat, intelligi, tralatitium sit. Amplius non obest *Nov. 117. c. 8. §. 2.* in qua præter dotem, ex bonis uxoris cæteris, *tantum adjudicatur marito, quantum tertiam dotis partem efficit,* nam hæc thesin non destruunt, sed saltem



tem certo casu limitant, *vid. ZOES. ad ff. h. n. 32.* quamvis & illa limitatio per *Nov. 134. c. 10.* sublata sit, ceu recte censet *BERLICH* apud *CARPZOV. Pr. Crim. qu. 64. n. 8.*

2. Cæterum quæ hætenus dicta sunt de amissione dotis ac donationis propter nuptias, illa ex hypothese Romanâ, quâ nulla inter conjuges erat bonorum communio, nisi quæ pactis produceretur, fluunt, hinc in Germania, ubi statutis mutuum aliquod jus conjugibus tribui solet, non adeo obtinent, sed videtur hæc generalis tenenda esse definitio: *Pars nocens omnia jura, quæ vel ex statutis vel pactis ipsi competunt, amittit, sed innocens utraque retinet*, qui enim societatis conjugalis capita essentialia violat, ille meritò lucro, quod societas illa secum ferebat, excidit, sed hoc delictum innocenti obesse non debet. Cum igitur in Saxonia maritus regulariter sit usufructuarius omnium uxoris bonorum, hinc hæc adulterium committente, ille etiam paraphernalia retinet, ac uxore vel sublatâ vel mortua, suo modo in ea succedit, quod latius persequitur *CARPZOV. d. qu. 64. add. THEODOR. Colleg. Crimin. c. 6. aph. 2. n. 118.*

## OBSERV. MCCCXVIII.

*Actionem injuriarum*) Præter pœnam, quæ hætenus cum consecrariis considerata est, adulterium committens etiam damni illati æstimationem præstare debet, quorsum actio injuriarum, si admittas ea, quæ dixi *Observ. 1232.* aliaque de quibus *PUFENDORF de J. N. G. l. 3. c. 1. §. 9.* referri possunt. De cætero hætenus dicta obtinent, si læsi consensus non adsit, nam hoc intercedente, uti pœna mitigari solet, ita amissio bonorum nec non damni restituendi necessitas cessat.

## OBSERV. MCCCXIX.

*Privata*) Docet THEODOR. d. tr. c. 6. aph. 3. n. 48. ante L. Juliam, in adulteras pœnam publicam non fuisse constitutam, sed coercitioni mariti & propinquorum eas subfuisse, adeo ut etiam ex L. Romilia marito licuerit, ultimo supplicio adulteram afficere. Istius adeo antiquæ consuetudinis reliquæ in privata hac ultione, quæ ad Patrem & maritum deinde restricta est, conspiciuntur. De cætero AUTOR requisita hujus vindictæ recenset, circa quæ THEODOR. d. l. conferendus add. MATH. b. c. 3. n. 13. seqq.

## OBSERV. MCCCXX.

*Hoc jure Canonico non est mutatum*) Imo mutatum est per can. 6. 9. C. 33. qu. 2. vid. ZOES b. n. 17. PERETZ ad C. b. n. 23. deinde licet mutatum non sit, attamen jure Canonico non statim obtinebit, cum receptio probari nequeat! sequitur dubio procul AUTOR hic hypothesein vulgarem, quam supra Observ. 7. rejecimus, ex qua etiam liquet, hujus & similibus quæstionum nullam plane esse utilitatem.

## OBSERV. MCCCXXI.

*Hæc absque scrupulo conscientia non fiunt*) Nam occisio illa non habet rationem *defensionis*, qua malum imminens repellimus, sed *pœna*, quæ delicto peracto, infligitur, illa etiam erga imparatum obtinet, quia malum quod patitur, quam grave etiam sit, suæ voluntati, quâ alterum invadit, imputare debet, hæc verò, cum delinquens sit in nostra potestate nec amplius resistat, non, nisi ad motem parato, imponenda est, hinc maturata nimis executio, vitio non caret add. MATH. d. c. 3. n. 15.

## OBSERV. MCCCXXII.

*Hoc jus hodie non ubique est abrogatum*) Sed nec receptum est, maxime cum jure Canonico sit improbatum, hoc autem, ut vulgò dicitur, in causis conscientiarum observari debeat! Nec putem, requisitorum juris civilis, quæ quoad personam occidentem, occisum, occisionis locum & modum inculcantur, unquam in Germania fuisse habitam rationem. Hodie igitur adulterum & adulteram occidere non licet, quodsi tamen hoc factum sit, tum justus mariti dolor, dolum facile excludit, eumque à pœna ordinaria absolvit, quæ juris Gentium, non Romani sunt.

## OBSERV. MCCCXXIII.

*Stuprum*) Hujus delicti cognitio omnibus Gentibus est communis, & solet illud se in varias formas componere, quas breviter exhibui in Specim. Jur. Eccles. l. 4. c. 5. §. 5. 6. 7. 8. Porro ex generalibus principiis certum est, quod stuprator (1.) debeat *resarcire damnum*, quæ restitutio in necessitate ducendi aut dotandi (quæ tamen in ea, quæ irritamentis masculum induxit, cessat, *vid. STRYK ad Brunnem. J. E. l. 2. c. 18. §. 26. LYNCKER Rerum Decis. p. 2. Decis. 1000.*) nec non alendi infantem, consistit. (2.) *sustinere pœnam*, quæ nonnullis in locis partim à judice Ecclesiastico, partim seculari infligi solet: *vid. Specim. Jur. Eccles. d. l. §. 8. seqq.* nec sequimur definitionem juris Romani, *conf. Observ. 1246. add. l. 3. Sandr. art. 1.*

## OBSERV. MCCCXXIV.

*Sodomia*) Hoc delictum jure naturali prohibitum merito existimatur. De damno autem restituendo hic quæstio forte non est. Definitio verò pœnæ, est ex jure positivo, nec lex divina universalis heic aliquid sanxit, hinc

hinc ista res arbitrio Rerumpublicarum ac Imperantis subest.

## OBSERV. MCCCXXV.

*Fornicatio* ) Hæc etiam juri naturali repugnare existimanda est, de quo alibi latius differitur, de ducenda aut dotanda meretrice quæri nequit, cum passim corpus venale illa prostituat, proles tamen alenda erit ab eo, qui imprægnationis convinci potest. Denique pœna jure humano imponitur, qua in re nihil ex jure Romano repetitur.

## OBSERV. MCCCXXVI.

*Bigamia* ) Hæc si non juri naturali, minimum divino positivo universali repugnat, de quo itidem alio loco amplius disquirendum est. Pœna vero jure germanico definitur, ut hætenus nihil juri Romano tribuendum sit. Idem omnino dicendum quoad *incestum*, cujus illegalitatem ex jure divino & germanico intelligimus, pœnam vero Imperans humanus definit, nam jure divino positivo universali eadem non est determinata, licet nonnulli ita existiment.

## OBSERV. MCCCXXVII.

*Lenocinium* ) De hoc exstat dissertatio D. SULZBERGERI hab. Erfurt. 1693. in quo criminis hujus habitus juxta leges Romanas, pluribus expenditur. Sed hodie illa usum non habet, quin in delicti hujus & indole, & moralitate & pœna cognoscenda, utimur tantum jure divino & germanico. Pœnam lenocinii, quam Meti sanxerit Galliæ Rex, recenset SLEIDAN. de stat. relig. l. 26. p. 843. edit. argenter: hanc subjungens epicrifin: Nonnulli mirabantur ista perscribi, quod non tam prohiberi quam indicari viderentur, non sic usitata nec ubique vulgata vitia, sed quanta sit  
no-

*nostri temporis corruptela, facile potest inde colligi.*

## OBSERV. MCCCXXVIII.

*Leno punitur ultimo supplicio*) Sed hæc pœna ex ORD. CRIM. art. 122. non probatur. Refert se iste articulus ad jus Romanum, hoc verò pœnam ultimi supplicii in lenones, qui uxores aut filias prostituunt, statui, malis rationibus utique ostenditur, ceu liquet ex traditis CARPZOV. Pr. Crim. qu. 71. n. 15. seqq. CLASEN ad Ord. Crim. d. art. 122. Dicunt (1.) *lenocinium furto & latrocinio habetur gravius Nov. 14. pœna mortis autem latronibus & furibus imponitur, ergo & lenonibus hisce eadem erit imponenda*, nam hic male diversa jura commiscuntur, de jure autem civili furibus & latronibus pœna mortis non imponitur, hinc hætenus facta comparatio eandem etiam lenonibus irrogare nequit, (2.) *de marito id dubium non habere, quippe qui tanquam adulter puniatur l. 37. §. 1. de minor. l. 2. §. 2. l. 9. pr. ff. ad L. Jul. de adult.* sed ex illis legibus nec æqualitas adulterii & lenocinii satis probatur, nec juxta eas adulterium ultimo supplicio punitur, hinc inepte iterum jura antiqua & nova miscentur, ac ex illis lenocinii & adulterii æqualitas, ex his vero pœna capitalis adstruitur, cum tamen, si vel maxime juxta illas, æqualitatem admittas, vel maxime dubium sit, an etiam juxta has, lenocinium adulterio æquale censeferi debent. Denique cum pœnas interpretatione potius molliendas quam asperandas esse, toties ex l. 42. de pœn. ingeminant, mirum est, cur in lenocinio extensionem tam malis rationibus moliantur!

## TIT. VI. VII.

## AD L. JULIAM DE VI PUBLICA ET PRIVATA.

OBSERV. MCCCXXIX.

*Vis quatenus consideratur* ) Vis à forma sua distinguitur in *compulsivam, ablativam, expulsivam & turbativam*, à quantitate verò in *leviorem*, quæ Romanis delictum privatum, & *graviolem*, quæ ipsis Publicum audit, ac iterum gradibus distincta, *publica tit. 6. & privata tit. 7.* dicitur. Ex quo liquet, doctrinam *AUTORIS*, qua vis, *quatenus consideretur tanquam privatum delictum*, unde detur restitutio quod metus causa, actio vi bonorum raptorum, *interdictum de vi & vi armata*, ac sit majoris rei impetus, qui repelli non possit, hujus loci non esse perhibetur, non simpliciter esse accipiendam, nam vis quidem *levior*, quæ *delicti privati* nomen gerit, huc non pertinet, ast effectus, quem illa cum *graviori* habet communem, quemque nomina actionum memoratarum potissimum innuunt, damni scilicet restituendi necessitas, ab hac tractatione neutiquam excluditur, hinc ipse *AUTOR tit. 7. in fin.* fatetur, quod hic, pro ratione circumstantiarum, actio vi bonorum raptorum, quod metus causa, vel interdictum unde vi concurrant. Quod si tamen effectum illum præcise consideres, quatenus ex delicto privato descendit, tum is plane huc non pertinebit, atque ita doctrina *AUTORIS* simpliciter poterit admitti, re omni sic explicata: Ex delicto privato dantur actiones modo memoratae, quæ & rem & pœnam civilem persequuntur, sed ex delicto publico oritur obligatio ad pœnam publicam, ad damnum vero

re-

resarciendum, dantur actiones quod metus causa cæteræque, quæ hoc casu tantum sunt rei persecutoriæ.

## OBSERV. MCCCXXX.

*Hic consideratur ut delictum publicum*) Vis ergo gravior huc pertinet, quam formam verò illa habeat, i. e. utrum illa sit compulsiva, ablativa, expulsiva vel turbativa, nihil hætenus refert, crediderim tamen, duas posteriores species, ut plurimum nomen vis gravioris mereri, adeoque potissimum hic spectari. Hæc vis gravior, uti, dubio procul, delictum est, omnibus gentibus commune, ita ad inventa Romana pertinet, quod audiat *delictum publicum* ac amplius à diversa quantitate in *publicam* & *privatam* discernatur, de quo discrimine fatagit *AUTOR* tit. 6. 7. plerique ex armis illud repetunt *vid. THEODOR. Colleg. crim. c. 6. aph. 7. n. 5. MATH. de crim. b. tit. 4. c. 1. si verum* fateri licet, utriusque illius inventi exigua est utilitas, nam omnis vis est hodie delictum publicum *vid. Observ. 1199.* deinde quid opus est, vim publicam & privatam tam accurate discernere, cum utraque plerumque arbitrarie puniatur?

## OBSERV. MCCCXXXI.

*Punitur jure civili deportatione lit. E. tit. 6.)* Effectus utriusque vis, tam publicæ quam privatæ, naturalis est, ut damnum resarciatur, præterea delinquens, ex lege positiva, pœnam sustinere cogitur, in qua definienda, non ad leges Romanas, sed germanicas esse respiciendum, ipse *AUTOR* admonuit, quo loco id etiam notandum, quod pœnæ, in Recessibus imperii constitutæ, plus nominis quam effectus habere soleant, imprimis quoad Status imperii potentiores.

OBSERV. MCCCXXXII.

*Raptus est delictum*) Hoc etiam delictum commune est, ac jure naturali prohibetur, quamvis, quoad effectum pœnalem, leges positivæ quædam requirere soleant. Sic apud Romanos, abductione meretricis non committebatur raptus, quod secus jure Saxonico Electorali est *p. 4. Const. 3. add. THEODOR. d. tr. c. 6. aph. 8. n. 12.* Raptor damnum, quod dedit, resarcire ac pœnam sustinere debet *lit. E.* & forte rigor juris Romani ubique non obtinet, hinc etiam in editionibus recentioribus post verba: *l. un. §. 1. vers. nec fit,* insertum est: *hoc jure Canonico non observatur.*

TIT. VIII.

AD L. CORNELIAM DE  
SICARIIS.

OBSERV. MCCCXXXIII.

*Homicidium*) Hujus & indoles & moralitas ex communibus omnium hominum principiis intelligitur, hinc quæ *AUTOR*, tam de homicidio in genere, quam variis ejus speciebus tradit, illa à Romano jure præcise non dependent.

OBSERV. MCCCXXXIV.

*Immediatum simplex*) Hæc docendi ratio minus apta est, dum ex divisione principali facit subdivisionem, nam non tantum homicidium *immediatum*, est vel simplex vel qualificatum, sed & *mediatum*, quis enim dubitet, quin parricidium, veneficium & latrocinium, etiam mediate fieri queat? assassinium vero semper mediatum est, hinc & falsò ad immediatum ab *AUTORE* fuit relatam, & mox, non sine contradic.



diſtione, mediato annumeratum. Quare potius ita dicendum: Homicidium (1.) à modo committendi eſt vel immediatum vel mediatum. Utrumque (2.) à quantitate, vel ſimplex vel qualificatum, & mediatum quidem quantitatem accipit, ſeu qualificatum evadit vel à modo committendi, quando quis mercede conductus homicidium perpetrat, quo pertinet aſſaſſinium, vel ab objecto, ut latrocinium mediate ſuſceptum, vel à modo nocendi, ſi quis venenum alteri per alium propinet.

## OBSERV. MCCCXXXV.

*De jure Codicis, naturali & hodierno, indifferenter morte*) Officium homicidæ ex lege naturali eſt, ut damnum reſarciat, vid. PUFENDORF de J. N. G. l. 3. c. 1. §. 7. de quo tamen in foro non adeò quæri ſolet, ob homicidarum plerumque inopiam, præterea quoque pœna mortis ei imponitur, quæ tamen jure naturali non eſt definita, nam hoc quidem ex ratione conſtat, non inique hanc pœnam homicidæ doſo imponi, ſed ut præciſe illa imponatur, hoc ratio non diſtigit. Hinc ex jure divino poſitivo univerſali, quoad homines ſimpliciter indiſpenſabili, pœna illa repeti ſolet, quamvis & de hoc nonnulli dubitent, vid. PUFENDORF. d. tr. l. 8. c. 3. §. 26.

## OBSERV. MCCCXXXVI.

*Olim etiam attentatum morte puniebatur*) Non videtur hoc fuiſſe univerſale, ſed pertinuiſſe potius ad aſſaſſionos, in Italia non infrequentes, quo reſpectu etiam hodie conatus ultimo ſupplicio recte coercebitur, vid. MATH. h. Tit. 5. c. 1. n. 3.

## OBSERV. MCCCXXXVII.

*Modo conſtet venenum noxium eſſe propinatum*

*animo occidendi* ) Dubio procul in Veneficio quoque animus occidendi, seu dolus requiritur, nec obft. l. 38. §. 5. de pæn. vel enim dicendum, quod ibi non omnis dolus, fed summus faltem ejus gradus removeatur, nam dolum conflare gradibus, certum, ac ab *AUTORE* sub initium *b. t. lit. C.* indicatum eft, vel, quod verba, *Jcti, etfi dolo non faciant*, ad primum faltem cafum, propinati fcilicet amatorii vel abortionis poculi, non etiam fecundum, hominis nempe occifi, pertineat, fed prior refponfio pofteriore præftat!

## OBSERV. MCCCXXXVIII.

*Idemque eft, fi quis mandet gladio aliquem vulnerari, expresse autem prohibeat occidi* ) Defendi potest hæc fententia, nam qui directè vult actum illicitum, ut hoc loco, alterius vulnerationem, ille etiam dolose cenfetur velle ea, quæ actum illum confequi poffunt & folent, hinc licet hæc voluntas fit quodammodo indirecta, adeoque non dolo, fed culpæ annumeranda videatur, revera tamen ad dolum pertinet, quia ex dolo oritur, Exemplum eft in l. 38. §. 5. de pæn. quam modo explicavimus. Sic qui duello contendunt, sæpe faltem propositum vulnerandi habent, occifionis tamen, fi fequatur, Rei dolofi quoque habentur. Alia ratio eft actuum indifferentium & licitorum, hoc enim fi quis directè, velit, & inde illiciti quid fequatur, cum hoc culpæ, non dolo adferibi debet, v. gr. fi quis fores non occludat, & inde damnum contingat, aut fures abigat ac unum ex fugientibus, lapide forte petat & occidat, tum ex culpa utrumque profectum cenferi debet *add. THEODOR. colleg. crim. c. 7. apb. 6. n. 52. feqq. FIBIG colleg. legal. difput. ult. qu. 8.* In fpecie Dn. BERGER in *refolut. b. qu. 2.* cenfet, *fententiam Autoris*  
magis

*magis lege quam ratione vacare.* Sed crediderim lege expressa hic opus non esse, nam homicidium dolosum jure, etiam naturali, prohiberi certum est, quemadmodum etiam dubio caret, quod idem, vel ex jure divino positivo universali, vel saltem humano, morte puniatur, hinc id saltem expediendum, an is, qui mandat vulnerari, sed occidi prohibet, propositum occidendi habuisse censeretur, ac adeo leges illæ generales ad illum applicari possint, quæ disquisitio licet lege expressa certius determinetur, attamen ratione etiam, confici potest. Imo, si omnino lex expressa, necessaria esse putetur, l. 38. §. 5. de pæn. rectè huc referetur, secundum ea, quæ *Observ. præc.* diximus.

## OBSERV. MCCCXXXIX.

*Veneficium*) Circa Magiam diabolicam cujus conceptus ex sententia communi supponendus est, tria summatim spectanda videntur (1.) *an detur?* id quod ex lumine revelato omnino asserendum (2.) *quid in hypothesis, seu casibus specialibus, vere magicum & quid fanaticum sit?* hoc dijudicandum putarem, tam ex potestate Diaboli, in verbo revelato descripta, quam ex ordinariis probandi modis, quibus rei alicujus veritas ostendi solet, qua in re summa circumspèctione opus esse, nemo cordatus facilè abnuet (3.) *quis delicti illius sit effectus?* si damnum aliis hominibus revera dederint venefici, tum dubio procul ex lege naturali id refarcire tenentur, præterea etiam, pro ratione admissi, puniri poterunt, quod iisdem argumentis ostenditur, quibus in genere jus puniendi hominibus asseritur. Si vero Magia in simplici impietate ac Apostasia consistat, tum quæstio, an homines eam rectè puniant, in locum seu quæstionem communem incidit,

an scilicet hominibus, delicta Deum & religionem concernentia, punire fas sit? quam aliorum iudicio relinquare, quam decidere malumus.

## OBSERV. MCCCXL.

*Incendium dolosum*) Hoc delictum & apud omnes gentes in usu est, & communi ratione intelligitur. Incendiarium quoque obligari naturaliter ad damnum resarciendum, licet is ut plurimum explendæ huic obligationi impar sit, certum est, præterea pœnam excipere cogitur, quam proprio Marte definiverunt Germani.

## OBSERV. MCCCXLI.

*Culposum*) Quæ de culposo incendio ejusque effectu dicuntur, illa quoque generalia, non Romana sunt. Quo autem ille liquidius intelligatur, distinguendum, *an nullus contractus inter læsum & ledentem præcesserit*, tum ob quamvis culpam, etiam levissimam, damnum est resarciendum, quia læsus in nullum culpe gradum consensit, an vero *contractus antea sit initus*, hoc casu ea culpa præstanda erit, in quam læsus non consensit, id quod ex quibus indiciis colligendum esse putemus, Observ. 399. expositum est.

## OBSERV. MCCCXLII.

*Si ex natura negotii præstatur hæc culpa*) Hæc limitatio redolet conceptum nimis angustum, cum enim non semper aliquod negotium præcedat, frustra ad ejus naturam indefinite provocatur, v. gr. si vicinus culpa levissima in ædibus suis excitet incendium, quod meam etiam rem absumat, quale quæso negotium inter nos intercessit? Igitur ex præmissis hæc emendari debent; *si nullum negotium præcesserit*, tum culpa etiam levissima erit præstanda, quo debet referri sententia

tia dissentientium, qui hæcenus recte sentiunt, si vero *contractus præcesserit*, tum sententia *AUTORIS* locum habet, & nihil intererit, si læsus actione ex contractu, si L. aquilæ agat, nam nomen actionis, effectum non mutat, & omni casu ei opponi potest, quod, juxta naturam negotii aliasque circumstantias, in certam culpam consenserit.

## TIT. IX.

DE L. POMPEJA DE PAR-  
RICIDIS.

## OBSERV. MCCCXLIII.

*Parricidium*) Hoc in generali conceptu, cum homicidio convenit, hinc antea dicta hic quoque locum habent, ex *objecto* autem gravitatem accipit ac ab alio homicidio per illam circumstantiam distinguitur, quæ delicti æstimatio itidem non juris Romani, sed communis est. Mortis genus determinant leges humanæ, quia in re aliquis juris Romani usus esse potest *add. GLOSS. in l. 2. Landt. art. 14. DECIS. SAXON. 78.*

## OBSERV. MCCCXLIV.

*Hac accusatio est perpetua*) Hoc dubium vel plane falsum esse, generaliter admonuimus *Observ. 1124.* & quoad hoc exemplum consentit *THEODOR. d. tr. c. 7. aph. 8. n. 17.* ubi recte dicit *l. fin. h.* non simpliciter negare præscriptionem, sed saltem breviorē, quinquennii vel anni, quæ in aliis delictis locum habeat, quemadmodum etiam ita accipienda sit

*l. 19. de fals.*

## TIT. X.

DE L. CORNELIA DE FALSIS  
ET SENATUSCONSULTO  
LIBONIANO.

## OBSERV. MCCCXLV.

*F* *Alsum hic est*) Imposturam, quæ sub nomine Falsi latet, repugnare juri naturali, ac aliis quoque Gentibus cognitam esse, satis certum est, ut autem certum aliquod delictum, nomen Falsi assumeret, ac sub nomine hoc, ab aliis delictis discerneretur, id fori Romani sollicitudini adscribendum videtur, nec ejus sententia usquequaque liquida est, hinc de requisitis Falsi etiam interpretes disputant *vid. THEODOR. Colleg. crimin. c. 8. apb. 1.* Hodie cum arbitraria pœna plerumque coerceatur, ac in universum à nomine Falsi, quantitas delicti non dependeat, hinc perinde erit, five *dolum*, five *stellionatum*, five *Falsum*, id dicas *vid. Observ. 1277.* officium autem falsarii naturale est, ut damnum illatum restituat, præterea jure positivo puniatur, qua in re juris Romani usus subsidiarius est.

## OBSERV. MCCCXLVI.

*Licet testator hoc jusserit*) Hoc falsarius eadem facilitate adscribere potest, qua legatum sibi dat, hinc hætenus ejus malitia non imminuitur, quod si autem jussus testatoris legitimo modo, ac in primis propria ejus confessione ac subscriptione probari queat, tum crimen falsi cessat.

## OBSERV. MCCCXLVII.

*Si moneta vitietur quoad materiam, pœna est ignis*) Non simpliciter, sed si quis jus monetandi sibi quoque arroget, atque ita simul crimen læsæ Majestatis committit.

mittat *d. l. 2. C. b. t.* Nam ex hypothefi ftatus monarchici, qualem leges Romanæ præfupponunt, nemini, nifi fummo Principi, jus cudendi monetam competit, hic fi alius pravam monetam cudat, non poteft non fimul crimen læfæ Majeftatis committere. Aft fi quis (qui eft ftatus Germaniæ) fub figno Ejus, qui jure monetandi gaudet, monetam depravet, is igne non punitur. Quando autem *AUTOR* mox addit, quod reus læfæ Majeftatis arbitrarie puniatur, tum hoc debet intelligi de cafu, quo depravatio monetæ non acceffit, nam per hanc crimen prius augeri manifefturn eft.

## OBSERV. MCCCXLVIII.

*Grandiorem refolvendo infornace, ut minorem inde cudat, punitur arbitrarie*) Delictum hoc non tam æftimatur ex eo, quod minor moneta ex grandiore cudatur, quam potius ex depravatione, quæ hoc cafu concurrere folet *vid. CLASEN. ad O. Cr. de art. iii. n. 5.* præterea id quoque delicti quantitatem intendit, quod hac ratione, vel etiam fimplici monetæ in alium ufum refolutione, alterius jus cudendi monetam, velut intervertere ac extinguere quis audeat, hinc ad crimen læfæ Majeftatis quodammodo hoc factum accedit, quam ob caufam etiam pœna ignis in *d. R. de anno 1559. §. 170.* ftatuta videtur, quamvis, teftè *CARPZOVIO d. l.* ille rigor non adeo obfervetur.

## TIT. XI.

## DE L. JULIA REPETUNDARUM.

## OBSERV. MCCCLXIX.

*Hic agitur*) Lex Julia repetundarum de nonnullis delictis, quæ ex *l. 10. §. fin. de offic. Proconf. l. 3. de vacat.*

*vocat. mun. l. 7. §. 2. b. t. AUTOR* indicat, quæque magis delicta civilia & Romanis propria, quam naturalia & communia fuisse videntur, egit, ac præterea etiam dationem & acceptionem pecuniæ intuitu officii publici prohibuit, *lit. D. D.* quod ante eam, plures aliz leges etiam fecerunt, *vid. MATH. de crim. tit. 8. c. l. n. 1.*

## OBSERV. MCCCL.

*In specie de crimine publico, quod committunt Magistratus*) Hoc igitur ultimum delictum quod attinet, dicitur illud, *crimen repetundarum* à *MATH. d. l.* quamvis hæc appellatio magis ad ipsam legem Julianam, aut criminis hujus accusationem seu criminationem juxta *l. 9. b. t.* pertinuisse videatur, lex enim Julia de repetundis scil. pecuniis, quæ turpiter subtractæ sunt, cavit, & cum repetuntur, quæ sunt ablata, tum *repetundarum rerum*, vel *de repetundis* agitur. Barbarè dicitur *Barrataria*, & *Judex*, qui id commisit, *Barratarius*, quod justitiam barractet, seu pro pretio venalem habeat, *vid. THEODOR. Colleg. crim. c. 9.* De cætero duplex ejus est gradus, vel enim *judex pecuniam ultro oblatam acceptat*, vel *per vim eam extorquet*, quæ concussio pro crimine publico apud Romanos habetur, licet aliàs illa fit saltem crimen extraordinarium, *vid. THEODORIC. d. l. n. 7. seqq.* quam omnem sollicitudinem apud nos cessare aliquoties diximus, licet interim certum maneat, quod gradus illi diversam delicti quantitatem arguant.

## OBSERV. MCCCLI.

*Prohibentur accipere tutores*) Illud porro certum, quod hoc delictum non sit civile, sed naturale, hinc in eo, ejusdemque moralitate cognoscenda, non anxio  
ad



ad legem Juliam, sed naturalem potius erit respiciendum, nam si Magistratus vi aliquid extorqueat, id factum leges socialitatis offendere, manifestum est, porro si ultro aliquid ei detur, quo officium negligat, & dans & accipiens in legem naturalem peccat, hic enim est perfidus, ille verò perfidiæ autor. Idem est, si aliquid detur, quo magis officium faciat, nam turpiter quid accipitur, quod id facias, quod per leges faciendum tibi erat.

## OBSERV. MCCCCLII.

*Nisi donetur à cognatis in sexto gradu* ) Juxta rigorem juris naturalis, limitationes, quas quoad *personas dantes*, vel *earum quibus datur*, aut *rem datam* lex Julia admittit (quamvis & de ejus sensu adhuc disputetur, *vid. MATH. d. c. 1. n. 2.* ) cessant, qui etiam observandus erit, non abludente *AUTHORE* b. Quod si autem Magistratui, sine consideratione muneris sui, benevolentiae vel honoris causâ, bona fide aliquid donetur, tum eum id acceptare posse, dubium non habet.

## OBSERV. MCCCCLIII.

*Pœna hic est pecuniaria* ) Officium delinquentis naturale est, ut damnum vel ei, cui pecuniam extorsit, vel parti adversæ resarciat, præterea lex positiva tam accipientem, quam corrumpentem punit, rei datæ inhibet usucapionem, ac sententiam iniquam penitus annullat, *lit. E.* quo respectu juris Romani aliquis est usus *add. BROID. ad Pollet. histor. for. Rom.*

*l. 5. c. 10.* Hodie de pœna hujus delicti rarè quid auditur, *vid. MATH.*

*b. c. 3.*

## TIT. XII.

## DE L. JULIA DE ANNONA.

OBSERV. MCCCLIV.

*Hic coercetur delictum publicum*) Annonæ crimen est etiam contra legem naturalem, nec enim officia humanitatis tantum violat annonæ flagellator, sed & positive nocet ac furi non absimilis est, dum alios pecunia emungit. Quia tamen delictum illud certam personam non respicit, adeoque læsio, ratione certi subjecti vix demonstrari potest, ideo de damno restituendo nulla quoque quæstio esse solet. Pœna verò delinquenti merito imponitur, quamvis, cum læsio hic sit subtilior, ac sub specie recti exerceatur, hæc quoque rarò audiatur. *add. Observ. 1248.*

## TIT. XIII.

AD L. JUL. PECULAT. ET  
DE SACRILEG. ET RE-  
SIDUIS.

OBSERV. MCCCLV.

*Peculatus late*) Tria delicta, quæ sub nomine peculatus hic comprehenduntur, esse contra legem naturalem, satis quidem manifestum est, quemadmodum & id rationi communi convenit, ut delicti quantitas ob circumstantias crescat vel minuat.

OBSERV. MCCCLVI.

*Strictè est crimen publicum*) A peculatu strictè dicto removet *AUTOR* eum, cujus fidei & periculo res est commissa, sed in *l. un. C. h. t. & §. 9. J. de publ. judic.* dilerte dicitur, *quod iudices ipsi, qui tempore administra-*

*strationis pecunias publicas subtraxerint, de peculatu teneantur ac capitali animadversione puniantur, quam pœnam ipse AUTOR refert h. lit. E. Crediderim distinguendum esse, utrum administratores prava administratione saltem aliquid intervertant, an ad modum furum extraneorum aliquid surripiant, quo scilicet prætextu furti ab aliis facti, res ablatas lucrari, nec eo nomine rationem posci queant, illo casu non peculatum sed crimen residui committunt, eoque pertinet l. 9. §. 2. h. t. hoc verò peculatus rei erunt, juxta l. un. C. h. t. §. 9. J. de publ. judic. Hodie furtum & peculatus non amplius discerni debent, hinc etiam de hujus requisitis, ac in specie, an in re municipii, furtum vel peculatus committatur, non amplius laborandum erit, porro existimem, peculatum non amplius præscribi quinquennio, sed cum juxta regulam l. 12. C. de fals. judicandum esse.*

## OBSERV. MCCCLVII.

*Sacrilegium*) Ut id pro furto graviore habeatur, ratione non caret, superstitionem tamen, aliquas etiam habere hic partes, ex art. 172. O. C. liquet. Residui crimen furto levius non immeritò existimatur, cum occasio ad turbandas rationes facillè quem invitare queat. De cætero uti in tribus illis delictis obligatio naturalis ad damnum refarciendum occurrit, ita quoad pœnam, definitionem juris Romani non sequimur. In Saxonia Electorali, Residui delictum peculiari pœna coercetur vid. P. 4. Const. 41. add. BERGER in resolut. h. qu. 2.

fuerit, ac eo ipso exstimationem Justiniani egregie prostituerit, accusat quoque §. 30. ejus oscitantiam, præcipue quod *l. un. C. de. suffrag.* Codici inseruerit, cum tamen tempore Theodosii M., cujus ista lex est, ambitus crimen extra pœnam fuerit, adeoque illa lex contradicat *l. 16. C. si cert. pet. l. un. C. de amb. l. 6. C. ad L. Jul. repetund. & iis, quæ ipse Justinianus Nov. 8. c. 1. 7. 8. constituerit. add. ZOES ad ff. h. t. n. 4. ubi Tribonianus acerbe vapulat. Hodie ambitus per largitiones factus, fere extra crimen, certè extra pœnam est conf. J SING. tr. de promot. honor. c. 3. n. 67. seqq.*

## OBSERV. MCCCLX.

*Simonia* ) Hoc nomine vel intelligitur *crimen ambitus quoad munera Ecclesiastica commissum*, vel *rerum spiritualium*, ut potestatis mihiacula faciendi, remissionis peccatorum aut Sacramentorum, *emptio, venditio*. Utroque respectu eadem pœnis humanis subjacet, prior enim socialitatem, posterior religionem, opere externo, lædit, qualis abusus recte coercetur. Pontificii rebus spiritualibus multa accensent, in quibus nihil spiritualitatis reperitur, adeoque simoniam ineptè satis extendunt *vid. ZOES. d. l. n. 5.*

## TIT. XV.

## DE L. FABIA DE PLAGIARIIS.

## OBSERV. MCCCLXI.

*Plagium* ) Est dubio procul delictum contra legem naturalem admissum, non enim jus aliorum tantum, sed & ipsius surrepti læditur. Præter damni re-

stitutionem, plagiarius quoque ad pœnam tenetur, quam tamen lex divina positiva universalis non determinat, hinc illa dispensationi humanæ subjacet.

OBSERV. MCCCLXII.

*Quasi plagium*) Est injuria, qua quis alienas meditationes, suppresso vero Autore, sibi tribuit, atque ita laudem, quam alius meruerat, in se transferre cupit. Est hoc delictum omnino contra legem socialitatis, quia tamen plerumque inefficax est, ac magis stultitiam auctoris ostendit, quam alii nocet, ideò in foro externo puniri non solet, quamvis dubium non sit, quin pœna in illud constitui possit *add. dissertat. J. THOMASII de Plagioliterario*. Gravius plagio illo delictum est, quo tenebriones ineptiis suis nomen Viri celebris præponunt, quo illis ex nomine pretium accedat, quod quidem insigniter intenditur, si scriptum tale impia ac injusta contineat.

TIT. XVI.

# AD SENATUS CONSULTUM TURPILIANUM ET DE ABO- LITIONE CRIMI- NUM

OBSERV. MCCCLXIII.

*Peccant accusatores*) Calumnia & Prævaricatio sunt delicta contra legem naturalem, cum per ea graviter quis lædatur. Obligatur inde delinquens ad damni restitutionem & pœnam lege positiva definitam *n. 1. 2.* Tergiversatio autem est delictum civile, lex enim civilis accusantibus imponit necessitatem peragendi accusationem, hinc secus facientibus pœnam irro-

irrogat, nisi necessitas sit remissa *n. 3.* Cæterum cum hæc tria delicta præsupponant accusationem, hæc verò, quoad privatos, plane hodie cesset, ideo nec delicta, nec eorum pœna, cognita sunt.

## OBSERV. MCCCLXIV.

*Abolitio*) Hodie quoque abolitionis nomen occurrit, sed alio sensu, dum vel inquisitionem imminentem, vel jam inchoatam, vel pœnam decretam aut impositam & durantem tollit, quo respectu illa ex imperio civili fluit, ac omnibus Rebuspublicis communis est.

## OBSERV. MCCCLXV.

*E. gr. tempore feriarum paschalium rei leviorum criminum eximuntur ipso jure ab accusatione*) Imo potius ab omni pœna *d. l. 3.* frustra autem allegantur *l. 8. 10. 12. h. t.* nam ex antiquis ethnicorum institutis, indulgentiam Paschalem christianorum explicare non licet. Hodie hujus rei nullus usus.

## TIT. XVII.

## DE REQUIRENDIS VEL ABSENTIBUS DAMNANDIS.

## OBSERV. MCCCLXVI.

*Quomodo absentes evocentur*) Quæ de processu contra absentes, ex jure civili dicuntur, exigui in Germania sunt usus, cum in singulis fere provinciis peculiaris procedendi modus obtineat. In Saxonia in usu est *Bannum*, quod absentibus infligitur, de quo

CARPZOV. *Pr. Crim. p. 3. p. 140. DE-  
GIS. SAXON. 77.*

## TIT. XVIII. DE QUÆSTIONIBUS.

OBSERV. MCCCLXVII.

*Quæstio*) Contra delinquentes adhiberi posse cruciatus, eruéndæ delictorum veritati, id quidem communis ratio omnibus hominibus facile insinuat, hinc etiam feralis hujus quæstionis conceptus non ex legibus Romanis, sed generalibus principiis formandus est. *AUTOR* frustra in definitione ejus dicit: *maximè de crimine commisso*, nam semper de commisso crimine quæritur, licet enim v. gr. in crimine læsæ Majestatis, Rei interrogentur, annon habuerint intentionem occidendi Principem? attamen tum non quæritur de delicto committendo, sed jam commisso, conatu scilicet & proposito Regem occidendi.

OBSERV. MCCCLXVIII.

*Earum usus à quibusdam rejicitur*) Sed sine rationibus sufficientibus, quid enim vetaret, suspectum & tamen in confitendo contumacem per cruciatus ad confessionem adigere, malum enim, quod ita sentit, suæ voluntati imputare debet? & cum Imperans ad punienda delicta sit obligatus, meritò quoque media ad illum finem ducentia adhibet. Quodsi tamen in aliqua civitate, ergastula probe instructa suppèterent, quibus delinquentes includi, atque ita pruritus delinquendi extinguere possent, nec adeo, quo regio facinorosis hominibus purgetur, de ultimo supplicio vel alia graviore pœna laborandum foret, tum parcius cruciatuum esse posset usus, cum ergastulis, non minus suspectos, quam confessos aut convictos, includere liceret.

## OBSERV. MCCCLXIX.

*Querit judex competens* ) Omnia vere , quæ circa torturam occurrunt capita , communia & juris gentium sunt. Nam *ut querat judex competens lit. C.* hoc ex natura imperii civilis resultat, ut *ille circumspice incedat, ac non nisi ob legitima indicia torturâ utatur d. lit. C.* id communes localitatis regulæ exigunt, hæ quoquæ *legitimam indiciorum probationem d. lit. C. in fin.* postulant. Rursus ut *judex non nisi consuetis torturæ speciebus uti queat lit. Q.* id etiam ex imperio civilis fluit, quemadmodum iterum æquitas jubet, *ne torturæ subjiciantur animo vel corpore ægri lit. S. n. 1.* ( cæteros, de quibus *n. 2.* eximit lex civilis, quæ fortassis etiam nonnunquam vitiosâ prosopolepsia laborat ) *nec in levioribus delictis tortura decernatur lit. O.*

## OBSERV. MCCCLXX.

*Non etiam delicto confesso aut convicto* ) Tum autem quis pro convicto habetur, se testes omni exceptione majores, de *ipso facto*, v. gr. homicidii vel furti, deponent, nam si saltem testentur, se aliquem cum gladio cruento, vel instrumentis ad furtum faciendum aptis vidisse, tum de *indicio* saltem loquuntur, adeoque reum, non convictum, sed suspectum reddunt. Quod si autem judex, ex imperitiâ, convictum torturæ subjecerit, isque constanter delictum negaverit, tum pœnæ extraordinariæ solum locus erit ex doctrina *CARPZO, VII qu. 125. n. 17. seqq.*

## OBSERV. MCCCLXXI.

*Licet post eam supervenerint indicia legitima --- & reus perseveret in confessione* ) Doctrina hæc ambigua est, in eaque diversæ quæstiones miscentur, *judicem sine legitimis indicis, torturâ utentem peccare.* certum



est, quemadmodum etiam verum, quod *tortura*, *per eamque elicit a confessio*, fit ipso jure nulla, i.e. nihil probet, sed quod illa etiam *indiciorum secutorum ac confessionis voluntaria vim probandi elidat*, adeoque efficiat, ne reus *pœna ordinaria* queat affici, quorum etiam doctrina illa collimat, id vero idoneis rationibus non probatur, hinc hætenus falsa cenferi debet.

## OBSERV. MCCCLXXII.

*In genere indicia sunt argumenta*) Indicia, accuratè loquendo, non sunt *argumenta demonstrativa*, ceu vult definitio, sed potius sunt *circumstantia*, ex quibus *ratio humana argumentum conficit*, ac eo mediante, *veritatem delicti commissi*, vel *apodicticè vel probabiliter infert*. Quæcunque igitur de indiciis proponuntur, illa non leges, sed communes omnibus hominibus rationationes exhibent, leges tamen humanæ, dum ista quoque tradunt, judicem ratiocinantem confirmant, eumque securum esse jubent. Quo loco etiam notandum, quod indicia, ac inde elicitæ ratiocinæ, nonnunquam satis sint corrupta ac papatum redolcant, dum in delictis maximè incertis, aut quorum puniendorum jus ad homines non pertinet, leviora indicia sufficere judicantur, de quo multis differere, instituti angustia non permittit.

## OBSERV. MCCCLXXIII.

*Forma est lit. fr.*) Actuale quoque *torturæ exercitium*, communia *aquiritatis & prudentia* decreta dirigunt, *lex* tamen *positiva* aliquas etiam hic habet partes, ac modum agendi in multis certius definit, qua in re *Judiciorum observantia* inprimis spectanda erit.

## OBSERV. MCCCLXXIV.

*Effectus est reo perseverante*) Effectus *torturæ*, juxta di-

diversos casus rei negantis, variantis vel constanter consentientis diversus est, id quod ex generalibus iterum æquitatis, & prudentiæ principiis sequitur, sed ita ut multa lex positiva amplius definiat, *add. BERGER in resolut. h. qu. 2.*

## OBSERV. MCCCLXXV.

*Consistente, sed paulo post iterum negante*) Nonnumquam forte in æstimando torturæ effectui, non adeo rectè inceditur, quo nescio an referri debeat, quod vulgò de reo variante proditur, nam videbatur rationi maximè consentaneum, negationem ratione destitutam, penitus negligere, ac in semel legitimè confesum animadvertere. Sed postquam ab hac via desciverunt, ac negationi aliquam tribuerunt efficaciam, tum hæc quæstiones dubiæ sunt enatæ (1.) quoties tortura repetenda (2.) quid faciendum, si tertium tortus denuo neget (3.) quomodo ulteriori negationi vis adimenda? *vid. STRUV. Jurispr. forens. l. 4. tit. 20. §. 16.* quarum decisiones, an cum regulis justitiæ & prudentiæ satis conciliari queant, alii viderint, *add. BERGER d. l.* Quod autem iudex, torturæ abusus, tam læso ad damnum, quam Publico ad pœnam teneatur *lit. En. §.* id dubio procul generalia principia requirunt,

TIT. XIX.  
DE POENIS.

## OBSERV. MCCCLXXVI.

*Pœna est malum passionis*) Pœnam non esse inventum juris Romani, sed omnibus Gentibus notam, tam evidens est, ut vix admoneri debeat. De cætero definitio GROTII, quæ hic probatur, multis nominibus improbari potest, hinc malim sic dicere: *Pœna est*

*malum, quod ob delictum, præter damni reparationem, delinquenti ad patiendum obligato, ad securitatem communem, ab Imperante legitime imponitur. Ex quo liquet, quod pœna testamentaria & conventionalis, proprie pœna non sit, sed potius præstatio ex actu licito profecta.*

## OBSERV. MCCCLXXVII.

*Civilis*) Malorum, quæ per modum pœnæ inferuntur, magna est varietas, vel enim vitam, vel corpus, vel existimationem, vel bona respiciunt, *conf: BROIDÆ. ad Pollet. histor. for. Rom. l. 5. c. 19.* debebant autem talia imponi, per quæ finis intentus obtineretur, qua tamen in re, imprudentia vel crudelitas humana nonnunquam excedit. De cætero solent varia illa mala, juxta diversos respectus, ad certa genera revocari, hinc variæ *divisiones* oriuntur, quæ aded non Romanis propriæ, sed omnibus Gentibus communes sunt. Imprimis à *varietate processus & Jurisdictionis*, pœnæ distinguuntur in *civiles & criminales*, cujus divisionis sensus, ex institutis cujusvis Reipublicæ propriis, amplius debet intelligi, hinc mores nostros hac in parte à jure Romano abire notat *AUTOR add. THEODOR. Colleg. crim. c. 5. aph. 6. n. 5 BERGER in resolut. h.*

## OBSERV. MCCCLXXVIII.

*Hodie damnatiq. ad triremes*) De hac solum testatur *CARPZOV. d. l.* quod ex sententia interpretum, censeatur successisse in locum damnationis in metallum, quod autem libertatem auferat, id verò non docet, nec etiam hoc posset, cum servitus pœnæ, hodie penitus incognita inter Christianos, imò etiam de jure civili recentiori *Nov. 22. c. 8.* jam sublata sit *add. THEO-*

*THEODOR. d. tr. c. 10. aph. 2. n. 21.* Porro nec admittendum, quod pœna trirremium, in locum condemnationis in metallum successerit, ceu *CARPZOV.* non docebat, sed saltem ex nonnullis referebat. Sunt hæc suavia legulejorum somnia, qui omnia Gentium instituta, Romanorum institutis successisse absurdè contendunt!

## OBSERV. MCCCLXXIX.

*Extraordinaria*) Hæc etiam ad mortem extendi potest, si justa interpretatio ultimum supplicium, in certum aliquod delictum, discretè constitutum, ad casus alios porrigi jubeat. Sic non iniquum fuerit, falsarium nonnunquam pœnâ furti capitali coercere *vid. l. 9. de extraord. crim. l. 7. §. 3. ad L. Jul. repetund. Ord. Carol. art. 112. 113. THEODOR. d. tr. c. 10. aph. 2. n. 32.*

## OBSERV. MCCCLXXX.

*Hodie pœna est civilis*) Circa hanc morum nostrorum divisionem, amplius observandum, quod pœna civilis sit vel *privata*, cujus emolumentum sentit læsus, quæ rarioris est usus *vid. Observ. 1232.* posset tamen, si Imperantibus ita videatur, majoris usûs illa reddi, vel *publica*, quæ publico nomine exigitur, quam *AUTOR* hic saltem refert. *add. BERGER in resolut. b.*

## OBSERV. MCCCLXXXI.

*Infligitur jure naturali*) Jus naturale quidem Imperantes & Magistratus obligat ad pœnas imponendas, non tamen absolutè, sed prout societatis civilis utilitas requirit, hinc juri aggratiandi locus est, nisi lex positiva divina universalis pœnam præcise imponi aliquo casu jubeat. Modus autem puniendi, quem *AUTOR* hic quoque innuit, ex communibus æquitatis & prudentiæ principiis resultat. Non minus

quoque jus naturale pœnas aliquando prohibet, quoad illa scilicet delicta, quæ in animo consistunt ac societatem civilem non turbant, præterea in delictis puni-  
bilibus exigit, quo pœna ad legitimum finem dirigatur, non autem ex animi libidine, avaritiâ similibusque pravis affectibus exigatur, deniq; illa etiam sine vitiosa prosopolepsia imponatur, quæ omnia si observarent homines, minor sine dubio puniendi pruritus inter eos occurreret, nec toties obligatio naturalis prætextui fumeretur, palliandæque crudelitati ac avaritiæ allegaretur.

## OBSERV. MCCCCLXXXII.

*Facinoroso ipsi*) Hoc etiam æquitas postulat, ne ali-  
us quam delinquens puniatur, pœna tamen pecunia-  
ria in hæredes sine iniquitate transmitti posset, quam-  
vis illa transmissio non sit necessaria, hinc apud Ro-  
manos, quoad pœnam publicam, cessat, licet lis sit  
contestata *l. 6. de publ. judic. l. 20. de accus. vid. STRYK*  
*in not. b.* nec ad hunc casum doctrina *AUTORIS lit. S.*  
referri debet. Sæpe tamen alii, occasione delicti alic-  
ni malum sentiunt, sed non est pœna, verum habet ra-  
tionem vel mali fatalis, vel voluntarii, quod quis suo  
consensu sibi attraxit, qua de re alibi latius disse-  
ritur.

## OBSERV. MCCCCLXXXIII.

*Pœna infligantur adæquate delicto*) Hoc moni-  
tum non pertinet ad Magistratus inferiores, qui pœ-  
nam constitutam ad factum eveniens solum applicare  
debent, sed Imperantes, quorum est, pœnas decerne-  
re earumque executionem mandare. De cætero si  
pœna aliqua lege divinâ positivâ universali non sit de-  
terminata (hanc enim definitionem præcise sequi debet

Im-

Imperans) tum in ea determinanda, hoc à superiore considerandum est (1.) ut *pœna ad finem intentum producendum sit apta*, (2.) ut *delicto recte attemperetur*, ad quam proportionem inveniendam, tum *delictorum quantitas*, tum *delinquendi facilitas & consuetudo*, tum *aptitudo personæ delinquentis ad sustinendam pœnam*, spectari debet, quâ de re alibi distinctius agitur. Illud interim certum, quod stribligo scholastica, de proportionem arithmetica & geometricâ, quam *AUTOR* hic adspersit, ad istam rem explicandam, minime requiratur.

## OBSERV. MCCCLXXXIV.

*Propter justitiam divinam* ) De fine pœnarum, alibi quoque pluribus agitur. . Paucis sic dici potest: finis principalis est *securitas societatis humanæ*, subordinati autem fines sunt *delinquentis emendatio, enervatio vel extinctio*, nec non *aliorum territio*. Quid autem *AUTOR* per *justitiam divinam* intelligat, id non satis liquet, citatus *can. 32. Caus. 23. qu. 5.* ( si modo mendum typographicum non subest ) nihil sani continet, sed papatum sive hierotyrannidem olet. Quod si intelligatur *lex vel mandatum divinum*, tum *necessitatem* imponendæ pœnæ, sed non ejus *finem* illud ostendit.

## OBSERV. MCCCLXXXV.

*Executio fieri debet* ) Executionis *locum & tempus* definit lex positiva, Ejus vero *dilationem*, quam *n. l. seqq.* *AUTOR* tradit, ex regulis æquitatis & prudentiæ fluere, nimis iterum manifestum est. Denique ex scitis religionis christianæ est, ne imparato pœna mortis imponatur, quemadmodum humanitas exigit, ut miserum laptioribus cibis reficiamus.

## OBSERV. MCCCLXXXVI.

*Tum enim expectantur 30. dies*) Hanc legem, ad instantiam Ambrosii, latam esse à Theodosio M. ut esset pars pœnitentiæ, jubente Ambrosio, propter eandem Thessalonicensium, peragendæ, tradunt, quamvis res non careat difficultate, cum *d. l. 20. C. h. t.* alios Autores exhibeat, in qua componenda laborat J. G. OTFRED. in *Codic. Theodos. Tom. 3. ad. l. 13. de differend. pœna extra ordinem impetrata ab irato Principe vid. dissertat. D. RECHENBERGII* de Theodosio M. Imperat. excommunicato §. 20. *seqq.* quæ exstat in *Volum. dissertat. p. 2. n. 10. add. BROIDÆ ad Pollet. histor. for. Rom. l. 5. c. 18* Hodie *d. l. 20. C. h. t.* nullus videtur esse usus, neque enim sententiæ feræ ab ipso Principe feruntur, in mandatis autem durioribus, malum imminens non 30. dierum morâ, sed rationibus potius ab inferiore Magistratu redditis, averti solet.

## OBSERV. MCCCLXXXVII.

*Impediunt pœnam*) Quod mors Rei, pœnam tollat, illud naturale est, sicut etiam ex imperio civili, omnibus Gentibus communi, fuit jus aggratiandi, quousque autem jus mitigandi vel mutandi pœnam, Magistratibus inferioribus competat, id ex institutis cujusvis civitatis cognoscendum est. Præscriptio verò criminum juris Romani est, de quâ diximus observ. 1124.

## TIT. XX.

## DE BONIS DAMNATORUM.

## OBSERV. MCCCLXXXVIII.

*Jure veteri*) Capitaliter damnati olim fiebant vel *servi pœnæ*, vel *minimum civitatem amittebant*, utroque

que casu sequebatur confiscatio bonorum propriorum, nam bona, quæ aliorum sunt, vel aliis debentur, confiscari vetat lex naturalis *b. t.* Quamvis autem *servitus pœna* per *Nov. 22. c. 8.* simpliciter sit sublata, dissentientibus licet nonnullis quos sequitur *AUTOR lib. 28. tit. 1. lit. C. a. n. 1.* mansit tamen in damnatis *peregrinitas*, hinc etiam duravit post *d. Nov. 22. cap. 8.* confiscatio, donec per *Nov. 134. c. fin. tolleretur.*

## OBSERV. MCCCLXXXIX.

*An etiam post Nov. 118.)* Negat *MATHÆI d. l.* quod, filio condemnato, Pater peculium adventitium & castrense lucretur, cum post *Nov. 118.* non amplius jure patriæ potestatis illud occupet, sed potius, juxta consuetum succedendi ordinem, consequatur, adeoque per fiscum, delicto commisso excludatur. Hodie hæc res habebit usum in solo crimine Majestatis, quamvis non putem, facile exstiturum esse casum, ut filius in sacris paternis constitutus, inscio patre, crimen illud committat.

## OBSERV. MCCCXC.

*Existentibus descendantibus & ascendentibus usque ad tertium gradum)* Quod si ponas ad mortem damnatum habere factionem testamenti, quæ sententia in Electoratu Saxonix certa est *p. 3. C. 3.* præterea apud plerosque populos obtinere perhibetur *vid. CARP Z. qu. 135. n. 20. seqq.* tum restrictio juris civilis quoad hæredes ab intestato cessabit, ac damnati bona, deficiente testamento, ad quosvis hæredes legitimos, juxta prærogativam gradus, pertinebunt, si enim damnatus testamento extraneum instituere potest, quis dubitabit, quin, eo cessante, cognatis omnibus voluntate tacita hæreditatem largiatur?



## OBSERV. MCCCXCI.

*Si verò tanquam pœna principalis expresse adjiciatur sententiae, tum res expedita est*) V. gr. si indigno auferatur hæreditas, tum eam adhuc hodie fisco acquiri censet *AUTOR*, quæ sententia etiam facillè defendi potest. Interim sententia dissentientis *CARPZO-VII d. l. i.* hæreditatem ceteris hæredibus ab intestato adjudicantis, non iniqua est, hinc si usu fori probetur, non immerito admittitur.

## TIT. XXI.

DE BONIS EORUM, QUI ANTE SENTENTIAM, VEL MORTEM SIBI CONSCIVERUNT, VEL ACCUSATOREM CORRUPTUM.

## OBSERV. MCCCXCII.

*Confiscantur etiam bona eorum*) Cum confessus aut convictus pro condemnato habeatur, hujus verò bona confiscantur, ideo illius & istius bona quoque fisco adjudicanda fuerunt. Sed cum hodie prius cesset, hinc confectarium quoque deficere, *AUTOR* admonet. Imo, juxta mores hodiernos, & testamenta eorum, qui mortem sibi consciverunt, vel corrupto adversario, mortui sunt, valebunt, & iis, cessante ultima voluntate expressa, hæredes ab intestato simpliciter succedent, per ea, quæ Observ.

1390. dixi.

## TIT. XXII.

## DE INTERDICTIS, RELEGATIS ET DEPORTATIS.

OBSERV. MCCCXCIII.

*Interdictus est*) Tres pœnæ, quæ hic recensentur, à lege positiva dependent, earumque usus & effectus magis ex legibus germanicis, quam Rômanis æstimandus erit, usum tamen subsidiarium his non negabo.

## TIT. XXIII.

## DE SENTENTIAM PASSIS ET RESTITUTIS.

OBSERV. MCCCXCIV.

*Restitutio*) Quemadmodum restitutio ex imperio civili fluit, ac omnibus civitatibus communis est, ita restitutionem justitiæ, lex naturalis exigit, sed Gratiæ restitutio, ex Imperantis clementiâ, justis tamen causis non destitutâ, dependet. In quantum autem delinquens restituatur, id à voluntate Principis dependet, quæ debita interpretatione ostendi debet, quæ omnia communia, non Romana sunt.

## TIT. XXIV.

## DE CADAVERIBUS PUNITORUM.

OBSERV. MCCCXCV.

*Corpora hominum sepelienda*) Homines mortuos ex lege socialitatis sepeliendos esse, jam Observ. 298. ad-

admonui, sicut autem erga delinquentes vivos, societas certo modo cessat, ut puniri illi queant, ita quoque erga mortuos omitti illa potest, hinc cadavera eorum insepulta relinqui possunt.

OBSERV. MCCCXCVI.

*Propter atrocitatem delicti*) Hæc non est unica causa, quare delinquentium cadavera insepulta relinquantur, sed imprimis huc pertinet *delictorum frequentia*, hinc fures patibulo affiguntur, sed homicidæ, qui alios, exortâ rixâ, occiderunt, sepeliuntur, licet homicidium furto sit gravius, quia scilicet illud tam frequenter non fit, quam hoc. Sic qui duello inter se contenderunt, licet se ne quidem vulneraverint, attamen & ultimò supplicio puniri, & ob eandem rationem, cadavera insepulta relinqui solent.

OBSERV. MCCCXCVII.

*Anatomicis etiam tradi solent à Principe*) Non verò à Magistratu inferiori, hujus enim est, sententiam latam simpliciter executioni mandare, adeoque vel cadavera sepelire, vel in loco supplicii relinquere. Coriarios quoque ad concinnationem corii humani teneri; ac inde nullam ipsis metuendam esse infamiam recte quoque dicitur à *CARPZOVIO d. qu. 137. in fin.* ratio tamen, quibus Coriariorum dubio ibidem occurritur, satis rectè se non habet.

LIB. XLIX. TIT. I.

## DE APPELLATIONIBUS ET RELATIONIBUS.

OBSERV. MCCCXCVIII.

*Appellatio*) Esse hanc, actum, Rebus publicis omnibus notum & usitatum, dubio caret, quemadmodum

dum etiam certum est, quod illa partim jure, omnibus hominibus communi, partim cujusvis civitatis proprio regatur, adeoque juris Romani usus hic non adeo magnus sit.

## OBSERV. MCCCXIX.

*Origine juris natura*) Hoc appellationem aliquando *permittit* in causis scilicet privati arbitrii, & ubi quis læsus est, aliquando *precipit*, si quis in causis vitam ac simile quid concernentibus gravatus sit, nec aliud defensionis medium suppetat, aliquando *prohibet*, si nempe appellatio frivola sit, cæterum hæc obligatio quotidie ferè à malis debitoribus impune violatur, id quod ad fori corruptionem referendum est.

## OBSERV. MCCCC.

*Appellant omnes*) Ex his igitur liquet, naturale esse, ut gravati appellent, quod per exempla illustratur *lit. S.* In quantum autem unius appellatio ad alios quoque pertinere censenda sit, id ex *affectu & voto* eorum judicandum, sed lex positiva certius hoc definit *lit. S. n. 1. conf. BERGER h. in resolut. qu. 1.* Forte illa res non adeo magnum habet usum, cum homines ad interponendam, quam omittendam appellationem sint procliviores, adeoque non facile, in quantum unius appellatio alteri profit, laborandum videatur.

## OBSERV. MCCCCI.

*Subiectum à quo lit. P.*) Appellatur à iudice inferiore ad Superiorem, id quod ex natura imperii civilis, omnibus Rebus publicis communis, resultat. Quis autem inferior vel Superior iudex censerì debeat, id ex statu cujusvis civitatis intelligendum. Quæ igitur *AUTOR* ex jure civili, vel intuitu extraneatum Rebus publicarum, hic adducit, illa in Germaniâ nullius

esse usus, palam est. Porro quoad Rempublicam germanicam, Status imperii, non recte nudis Magistratibus accensentur, quæ comparatio iterum *AUTORI* placuit, quare potius in Germania Appellationes dupliciter sunt considerandæ, vel intuitu *singulorum Territoriorum*, in his à veris Magistratibus, ad Dominum Territorialem, juxta statuta provincialia, appellatur, si scilicet ampliora sint, adeoque eorum conditio, appellandi ordinem admittat, vel *Totius Imperii*, in hac tractatione considerandum, an & in quantum à Statibus, ad summa Imperii Tribunalia appellare liceat, cujus rei explicatio, Reipublicæ germanicæ nexum ex parte exhibet, adeoque ad disciplinam Juris publici pertinet *vid. Specim. Jur. public. l. 5. c. 1. §. II. seqq.*

## OBSERV. MCCCCII.

*Non etiam illi qui superiorem non agnoscunt*) Modo contrarium pacto vel consuetudine non fit introductum. Sic olim ex Polonia Magdeburgum, & civitates Pomeranicæ Lubecani appellarunt, ita nonnulli thesin illam limitandam censent *vid. STRYK in not. h.* sed non opus est, nam istæ provocationes, non fuerunt veræ appellationes, sed, consilii suggerendi vel juris explicandi causa, saltem factæ sunt, quemadmodum hodie ad Collegia Juridica eo fine acta transmitti solent, id quod jam admonuit *RHET. J. J. P. l. 2. tit. 3. §. 25.* qui etiam testatur, quod jus recipiendi appellationem, à nonnullis *Jus Refortûs* dicatur.

## OBSERV. MCCCCIII.

*Si per saltum fuerit facta, remittitur ad immediatum*) Ordinem appellandi definit lex positiva, hinc ea de re, leges provinciales præcipuè sunt consulendæ, nec insolens est, ut præterito intermedio, ad Superiorem

rem

rem statim eatur. Sic in Saxonia Electorali à judicibus inferioribus vel ad Curiam Provincialem, vel ad Regimen aulicum, seu Cancellarium appellari potest, licet illa Huic subfit, ac ab Ea, ad Hanc amplius appellari queat.

## OBSERV. MCCCCIV.

*Appellatur à sententia*) Naturaliter à quovis gravamine injusto appellare licet. Cæterum cum sæpe non constet, an gravamen adfit, & an illud sit *injustum*, ideo aliquando lex positiva quasdam causas, ob evidentem frivolæ provocationis præsumptionem, appellationibus subtrahit, aliquando vero indistincte appellationes fieri permittit, quod ultimum, ob gravaminis incertitudinem, concinnius videri potest, modo in casum succumbentiæ pœna simul decernatur, aut ab appellaturo juramentum exigatur, nam sine his, promiscua illa appellandi licentia, magnum fori corruptionem arguit.

## OBSERV. MCCCCV.

*Jure Canonico ab omni gravamine potest appellari*) Quod sine dubio, ex rationibus status papalis est introductum, ut hac ratione & Jurisdictio Pontificis extenderetur, & ex litium multitudine, redditus Cameræ papalis augerentur. In quantum autem vel jus civile vel Canonicum in Germania valeat, id ob Territoriorum multitudinem, generaliter vix definiri potest. Ex sententia BRUNNEMANNI de proc. civ. c. 28. n. 6. in Camera & Electoratu Brandenburgico, jus civile, in Saxonia, Canonicum observatur.

## OBSERV. MCCCCVI.

*In causis criminalibus*) Recte dicitur, quod jure civili etiam in causis criminalibus appellari possit, nec

obstat l. 244. de V. S. nam hoc saltem docet, quod à pœna determinatione, quam lex aut Imperans facit, provocari nequeat, quia Imperante non datur Superior, quin autem à pœna applicatione, quam facit iudex, adeoque in causa criminali, appellari queat; ne utique negat vid. l. 1. §. 4. ad Sct. Turpill. ZOES. ad ff. de appell. Sic frustra fur pœnam suspendi iniquitatis arguet, aut si ostendere velit, pœnam illam à iudice male ad se applicari, tunc audietur. Atque hac in parte pœna à multâ discernitur, hæc enim, cum à iudice determinetur, tam ratione determinationis quam applicationis, provocationi subjacet, quod discrimen *FACTUS* in d. l. 244. intendit.

## OBSERV. MCCCCVII.

*Quod tamen in Camera non observatur, etiam quoad causam matrimonialem*) In criminalibus à Statibus Imperii, ad Camera imperialem non appellatur, quod ex antiqua consuetudine descendere dicitur ORD. CAM. p. 2. tit. 28. §. 5. vid. KULPIS ad Mon. Zamb. c. 5. §. 18. in fin. dubio procul rei ipsius conditio, hanc consuetudinem introduxit, nam molestissimæ erant futuræ appellationes in criminalibus, imo moraliter impossibile est, ut illas Camera expediat, hinc ne hac in parte iustitiæ administratio plane deficeret, appellationes omittendæ fuerunt. Quod autem in matrimonialibus, aliisque causis ecclesiasticis, ad Camera non provocetur, id ex papatu eique respondente superstitione resultat, de quibus plura dixi in Specim. Jur. public. l. 5. c. 1. §. 11. 12. 13. 14.

## OBSERV. MCCCCVIII.

*Quæ consuetudo ad inferiora judicia non est extendenda*) Hæc doctrina incongrua est, dum Status imperii;

rii, pro nudis Magistratibus iterum habet, ac ex hypothesibus monachicis malè æstimat, quid in Germania obtinere debeat. In Monarchia quidem ita juris est, ut specialis consuetudo iudicii supremi, ad inferiora & subordinata iudicia, non statim trahenda sit, sed hæc inaligne applicantur ad Germaniam, ubi Status, in suis Territoriis, Superioritate Territoriali gaudent, ac ejus vi, ut alia, ita etiam processum pro lubitu, salvis solum æquitatis & legum fundamentalium decretis, moderari possunt. Quodsi adeo his visum fuerit, in criminalibus, appellationi aliud defensionis genus surrogare, ejus rei arbitrium optimum maximum habent *arg. art. 8. §. 1. Instrum. Pac. Westphal.* Et si in Saxonia & Ducatu Wurtembergico id licuit, fatente *AUTORE*, ubi vis id licet, quia omnium Statuum, hac in parte, eadem est ratio & conditio!

## OBSERV. MCCCCIX.

*Sed in his locis, loco appellationis, est defensio*) Quemadmodum lex positiva appellationes nonnunquam plane prohibet, ita earum loco, *defensiones* introducere potest. In Saxonia tamen, si processus accusatorius sit, appellationibus adhuc locum esse, docet *CAR. PZOV. d. qu. 139. n. 31. 32.* cujus rei usus non adeo magnus erit. De cætero appellatio & defensio non ejusdem omnino sunt effectus, hæc enim, cum iudicio ejusdem Judicis semper subsit, sæpe inefficaxprehenditur, sicut vice versa nonnunquam plus favet Reo, dum contradictor, qui defensionis momenta refutet, regulariter non adest.

## OBSERV. MCCCCX.

*Hodie tamen certa summa est tantum appellabilis*) Status imperii non recte misceri Magistratibus simpli-



cibus, hinc inde jam annotavimus, hinc si quis, in usum Germaniæ, appellationem recte tradere velit, etiam hic duplex respectus erit distinguendus, adeo ut eadem primò ratione singulorum Territoriorum, deinde ratione totius Imperii expendatur, in quem locum incidit quæstio de summa appellabili, eaque ad Jus Publicum pertinet. *vid. Observ. 1401.*

## OBSERV. MCCCCXI.

*Hæc summa æstimatur ex petitione actoris arg. l. 19. §. 1. de jurisdict.*) Ista sententia idèò admissa videtur, quod alias res hæc exitum habere nequeat, cum enim incertum sit, quantum debeat, non potest sane, sub litis ingressum, ad debitum respici, sed summa appellabilis ex petitione æstimanda est, quæ ratio communis cum in *d. l. 19. §. 1. de jurisdict.* reperiatur, hætenus illa allegari potuit, nam alias in determinanda Statuum Imperii conditione, in quantum scilicet illi, vel Imperantibus, vel Magistratibus, accenseri debeant, juris Romani, quâ talis, nulla est autoritas *add. STRYK. in not. h. ad p. 723.*

## OBSERV. MCCCCXII.

*Item in Saxonia*) Nec tamen idèò quævis causæ, trinx appellationsi subjacent, sed supponendi sunt termini habiles; Si lis agitur coram Magistratu Amtfaffio, tum poterit appellari ad Præfectum, *an den Amtmann*, ab hoc ad Curiam Provincialem, *an das ober Hoff-Gerichte*, ab hac, ad Regimen aulicum, *an die Regierung*. Quod si autem prima instantia sit in Curia Provinciali, tum unica appellatio saltem locum habet, si immediate in Cancellaria lis ventilari incipiat, tum cessante omni appellatione, Leuteratio & Superleuteratio locum invenit. De cætero crediderim,

in

in omnibus Territoriis, in quibus tres aut plures instantiæ reperiuntur, tribus aut pluribus appellationibus uti licere, ac ex isto regionum statu, satis validam contra usum *l. un. C. ne lic. in una eademque caus.* oriri præsumtionem.

## OBSERV. MCCCCXIII.

*Forma est lit. fr.*) Modum appellandi præcipue dirigit lex positiva. *AUTOR* in eodem declarando respicit ad jus civile & Camerale, quæ in singulis Germaniæ Territoriis exiguum habent usum, hinc leges provinciales potissimum consuli debent, *conf. STRICK in not. b. BERGER in resolut. b. qu. 2. 3.* Annon autem multa hic intercurrent, quæ fori corruptionem redoleant, ejus rei dijudicatio ad locum communem, de habitu processus forensis, pertinet, de quo nunc aliqua dicere non attinet.

## OBSERV. MCCCCXIV.

*Appellatione interposita lit. E.*) Effectus appellationis, ex intentione appellantis, imperio civili & generali judicis officio dependet, adeoque naturalis censeri debet, nam ut causa ad superiorem devolvatur, hoc quidem appellans intendit, ut porro judex à quo, pendente appellatione, nihil innovet, id imperium civile requirit, denique ut appellatione justificata, in meritis causæ pronunciet Judex Superior, id ejus officium postulat. Quomodo tamen judices inferiores ad officium observandum adigendi aut secus facientes puniendi sint, id à lege positiva est, quæ etiam definit, quid in secundâ instantia tractari debeat, nec in Territoriis statuum generaliter verum erit, quod *causa principalis reducat in eum statum, in quo fuit tempore litis contestata*, ceu *AUTOR ex l. 13. C. de procurat.*

contendit. Denique penes quem executio esse debeat interposita sententia, id itidem leges provinciales determinant.

## OBSERV. MCCCCXV.

*Contraria sunt Renunciatio*) Quod *renunciatio* tollat appellationem, id naturale est, tacitæ autem renunciationis, cujus hic fit mentio, hodie usus oppidò rarus erit. *Indignitas* personæ ostendit, quod appellatio frivola sit futura, hinc jus appellandi naturaliter etiam cessat, quod lex civilis confirmat, nec tamen nimis rigorosè hic incedendum, sed ob summam facti evidentiam, demum huc recurrendum erit. Hodie, ubi in criminalibus appellationes in genere cessant, hujus rei nullus usus est. Idem dicendum de *confessis* & *contumacibus*, nam & hæ circumstantiæ ostendunt, quod appellatio frivola subsit, hinc non immerito facultas appellandi negatur, quamvis, cum sæpe appellationes nullius momenti aliàs admittantur, de hac re ex usu judiciorum amplius judicandum sit. Quo loco etiam notari debet, quod quamvis appellatio aliqua sit frivola, non tamen eam iudex inferior spernere debeat, sed illa saltem à Superiore non recipiatur, satius tamen foret, si in casibus, in quibus appellare non licet, iudici inferiori detur facultas appellationem impune negligendi, sic enim citius ad finem processus deduceretur.

## OBSERV. MCCCCXVI.

*Quod est contra jus*) Summum scilicet & strictum, quod summa sæpe est injuria, nam alias æquitati magis est consentaneum, ne domino negligentia Procuratoris imputetur, sed ut, illius jure salvo, hic saltem puniatur *vid. Observ. 91.*

## OBSERV. MCCCCXVII.

*Temeritas appellationis punitur* ). Hoc optandum esset, cum litigantium temeritas optimè hoc modo reprimeretur, interim rarò talis pœna occurrit, cujus rei rationes fortassis sunt magis secretæ, quam ut vulgus eas intelligere debeat. Condemnatio verò in expensas, non est pœna, sed damni illati restitutio, quamvis nec sumtus factos ex assè recipere soleat victor.

## OBSERV. MCCCCXVIII.

*Supplicatio* ) Hanc etiam esse medium, quod gravatis, in sui defensionem, suppeditet natura, facile liquet, cum tamen & in abusum pateat; hinc pacta vel leges positivæ ejus *usum, modum & effectum* amplius determinant. *AUTOR* eam hic considerat ex jure Romano, cujus rei nullus in Germania usus, nam indoles supplicationis, intuitu Judicii Aulici, ex legibus fundamentalibus germanicis *vid. Specim. jur. publ. l. 6. c. 5. §. 33.* Territoriorum verò germanicorum, in quibus loco Leuterationis esse solet, ex legibus provincialibus cognoscenda est, hinc nulla etiam est causa, cur eam, *remedium Extraordinarium* in Germania dicere debeamus, quæ omnia etiam ad *Revisionem* possunt applicari *add. Specim. Jur. publ. l. 6. c. 4. §. 32. seqq.*

## OBSERV. MCCCCXIX.

*Leuteratio* ) Quoad hanc etiam antea dicta obtinent *add. DECIS. SAXON. 69. BERGER in resolut. b qu. 3. in fin.* An vero expediat in illis judiciis, quæ appellationi subjacent, leuterationem vel simile remedium admittere? id aliis decidendum relinquimus.

## OBSERV. MCCCCXX.

*Querela nullitatis* ) Quatenus hæc simpliciter ut medium defensionis consideratur, eatenus est juris naturalis, at quatenus remedio appellationis opponitur, ac peculiari effectu & duratione gaudet, peculiareque casus præsupponit, eatenus est juris civilis, nec plane improbabile est, si discrimen appellationis & querelæ nullitatis, eo sine introductum dicas, ut lites augeri implicarique magis aut resuscitari ea ratione possent, nam aliàs vigilantibus uniforme medium sufficere posse videbatur.

## OBSERV. MCCCCXXI.

*Durat 30. annos* ) In Saxonia Electorali intra spatium Saxonicum nullitatis querela proponi debet *O. P. S. tit. 38. §. 1.* Imo in *R. J. 1654. §. in deme auch 121.* constitutum est, ut querela nullitatis etiam intra decennium, ad exemplum appellationis, proponatur. Ex quo textu satis liquet, distinctionem appellationis & querelæ nullitatis, ad artis rabulariæ inventa pertinere. Cum autem ab executione appellare non liceat, plane iniquum fuerit, si querelæ nullitatis, executioni oppositæ, effectum suspensivum tribuere velis, hinc regulariter etiam ille cessat *vid. O. P. S. d. tit. 38. §. 1.*

## OBSERV. MCCCCXXII.

*Restitutio in integrum* ) De hac egimus *Observ. 105. seqq.* ibique ostendimus, in quantum illa Juris Gentium vel Romani censeretur debeat, quæ adeo hic repetere non attinet.

## OBSERV. MCCCCXXIII.

*Syndicatus* ) Eos, qui munus aliquod suscipiunt, ac eodem alios lædunt, tam ad damni restitutionem, quam poenam teneri, id ex generalibus principiis factis

tis liquet, quod verò actio ac cognitio eo nomine instituta, *Syndicatus* nomen gerant, illud ad inventa interpretum juris civilis pertinet, cum enim Syndici sint defensores juris publici, hinc existimatum fuit, quod inquisitio cujusvis injustitiæ, in primis vero ejus, quæ ab Officialibus committitur, ac rationes utilitatis publicæ propius attingere censetur, recte Syndicatus vel Syndicatio dicatur *vid EKHOLT ad ff. de custod. & exhibit reor. §. 5.* hinc etiam ex sententia *PARIDIS DE PUTEO* Jcti Neapolitani & Practici maximi, prout in Titulo tractatus *de Syndicat.* Francof. 1608. primum in Germania in octavo excusi, dicitur, *syndicatio est experimentum totius justitiæ, in evidentiali*, quod vocat, *n. 2.* Cæterum uti denominatio illa solennes veterum Glossatorum conceptus redolet, dum ex jure Romano repetunt, quicquid omnibus Gentibus commune est, ita ipsa etiam doctrina iisdem præjudiciis referta est, nam *PARIS DE PUTEO* omnes Cæsaris Regumque excessus Syndicatu subicit.

## OBSERV. MCCCCXXIV.

*Relatio*) Hæc etiam ex imperio civili fluit, nam Judices inferiores in causis dubiis ad superiorem recurrere posse & debere, manifestum est, quia tamen responsa juridica dare, nonnunquam satis molestum est, ideo à Collegiis juridicis illa potius hodie expetitur Imperans, salvâ nihilominus, si opus videatur, ad aulam relatione.

TIT. II.  
DE JURE FISCI.

## OBSERV. MCCCCXXV.

*Fiscus*) In hoc & sequentibus titulis jus publicum Romanum tradi creditur, quod haut admitto, nam  
fiscus

fiscus quidem ad Jus publicum spectat, ast si ille cum subditis agat, tum hoc omne ad Jus privatum referendum est, vel enim concernit ipsos subditos, vel etiam insuper fiscus, ut privatus, spectatur, dum contrahit vel hæres instituitur familiaque peragit aut patitur. In cæteris, vero titulis, subditorum conditio varia, quam in Civitate habent, expenditur, dum de militibus ac municipibus, varioque eorum jure ac obligatione agitur, quæ tota tractatio, cum subditos constitutos concernat, privata est, ac ad Jurisprudentiam privatam pertinet, nam in hac non tantum subditorum matrimonia, contractus, delicta, processus, cum juribus res concernentibus, explicari debent, sed & eorum conditio civilis tradenda est, nulla enim apparet ratio, cur hæc ad aliam trahenda sit disciplinam *vid. Specim. Jur. public. l. 3. c. 10. §. 27. seqq. conf. Observ. 12.*

2. Rem ipsam quod attinet, sumitur fiscus vel (1.) pro *persona morali* seu *ipsa Republica*, quatenus hæc certorum bonorum dominium vel simile jus habet, hæc acceptio est frequentissima, dum fisci præscribere, contrahere variaque privilegia, intuitu rerum suarum, habere dicitur, vel (2.) pro *patrimonio Reipublicæ*, quo pertinet *AUTORIS* definitio.

## OBSERV. MCCCCXXVI.

(*Fiscum habet Majestas*) Unaquæquæ Respublica sui juris, gaudet imperio civili, sub quo etiam continetur *jus fisci* i. e. jus colligendi & possidendi bona in usum Reipublicæ adhibenda, id quod omnibus gentibus commune est, ac in Jurisprudentia Universalis exponi debet.

## OBSERV. MCCCCXXVII.

(*Multi etiam Status hoc jus habent*) Si ad hypothesin

fin descendas, tum ex statu cujusvis Reipublicæ æstima-  
mandum, penes quem jus fisci sit, id quod in Jure pu-  
blico, cuius Civitati proprio, exponi debet. In Ger-  
mania cum Status Imperii, jure proprio Territoria pos-  
sedeant, ac superioritas Territorialis, sit species impe-  
rii civilis, ideo singuli Status quoque jure fisci gaudent,  
id quod ex legibus Germaniæ fundamentalibus repe-  
rendum, jus vero civile & Canonicum incongruè al-  
legantur, cum eorum nulla hac in parte possit probari  
autoritas.

## OBSERV. MCCCCXXVIII.

*Regulariter utitur jure communi*) Sed hæc doctri-  
na non rectè regulæ loco constituitur, cum pertineat  
saltem ad eum casum, ubi fiscus, ad instar alicujus  
privati, cum subditis, intuitu rerum suarum, agit, hinc  
meritò jus, quod Fisco tantum competit, separan-  
dum erat ab eo jure, quod Eidem cum subditis com-  
mune esse potest & solet, ac ad hoc tantum illa do-  
ctrina referenda. Solidius igitur, nisi fallor, jura fisci  
sic proponuntur: Fiscus, aut si mavis, Respublica, vi  
imperii civilis, potest subditos à variis rebus exclude-  
re, earundemque adeò dominium originarium sibi as-  
serere, eo pertinent, res omnes, quæ in Republica re-  
periuntur, alicujus pretii sunt & dominium privatum  
non habent, ut flumina, viæ publicæ, feræ bestię, me-  
talla similiaque, præterea etiam potest ex bonis subdi-  
torum aliquid decerpere, imò nonnunquam, vi domi-  
nii eminentis, eximium quid & vulgares præstationes  
longè excedens, ipsis auferre, quæ omnia *patrimonium*  
*Reipublicæ* constituunt *vid. specim. Jur. public. l. 3. c. 3.*  
quod à diverso usu amplius distingui potest, dum  
quoddam unice ad *sustentationem Principis* pertinet,  
aliud



aliud *usibus Reipublicæ generaliter inservit*. De cætero manifestum est, quod jus illud colligendi patrimonium publicum, Reipublicæ aut fisco sit proprium, ac in homines privatos non cadat, hinc hæcenus frustra fiscus cum privatis sub una regula comprehenditur.

2. Quodsi autem patrimonium publicum erectum præsupponas, tum non infrequens est, ut fiscus vel Respublica, ad exemplum aliarum personarum moralium, cum subditis agat, adeoque jura aliis hominibus communia, ad illam quoque applicari queant, tum doctrina *AUTORIS*, quod *fiscus utatur jure communi*, locum habere potest, quamvis amplius distinguendum sit inter *jus naturale*, hoc dubio procul fiscum quoque obligat, hinc illum à læsione abstinere, ac fidem datam servare debere, certum est, & *positivum*, hoc uti potest & solet fiscus, sed eidem non subest, nisi ultro se ei submittat, sic v. gr. contra subditos fiscus potest præscribere, sed invitus præscriptionem pati non tenetur, spectanda igitur hic erit voluntas Reipublicæ *add. STRYK in not. h. in fin.*

OBSE RV. MCCCCXXIX.

*Singulari tamen jure utitur*) Sicut *AUTOR* in proponenda regula non rectè incessisse videtur, ita exceptio eodem laborat vitio, dum fiscum & privatos conjungit, etiam quoad illud jus, quod in hos plane non cadit. Quæ igitur de acquisitione *generali* per contributiones & collectas, de *singulari* per universitatem n. 2. 3. 4. 5. ut & per partes, ex l. 46. de C. E. V. l. fin. C. de litig. l. i. h. t. (quoad pleraque exempla) dicuntur, illa ab hac tractatione separanda sunt (cum omnis illa acquisitio fiat vi imperii civilis adeoque ad subditos non quadret) & singulare jus seu exceptio, eos saltem  
casus

casus referenda erit, qui fisco & subditis sunt communes. Præsupposito igitur patrimonio publico, per imperium civile constituto, de jure singulari fisci, quoad *augmentum* (quorsum pertinet casus delatæ hæreditatis *n. l. h.* nec non reperti thesauri ex §. 39. *J. de R. D.* si illum pro re nullius habeas) *conservationem* & *alienationem* potest quæri, secundum ea quæ *AUTOR* tradidit, quo loco notandum, quod nonnunquam Imperantes, in privilegiis fisco concedendis, ultra modum sunt liberales, quem morem bonus Princeps non facile probabit.

2. An fiscus restitutione in integrum gaudeat, quæri etiam solet? Hujus quæstionis decisionem ex jure Romano haut esse repetendam, sed generalia potius æquitatis principia consuli debere arbitror, hinc si appareat, fiscum culpa vel dolo administratorum esse læsum, tum merito contractus ei non imputatur, seu stilo communi, in integrum is restituitur, quod si verò fiscus sine causa, eludendæ obligationi semel constitutæ, restitutionem urgeat, tum facile liquet, quod palliandæ injustitiæ color saltem quærat.

## TIT. III.

DE CAPTIV. ET POSTLIMIN.  
ET REDEMT. AB HOSTI-  
BUS.

OBSERV. MCCCCXXX.

*Captivi*) Captivorum & rerum captarum triplex est consideratio, vel enim spectantur (1.) quatenus *fiunt* (2.) in *captivitate existunt* ac (3.) *ab hac liberantur*, *AUTOR* duos respectus priores conjunxit *n. l.*, tertium

tium verò adæquate satis non proposuit, ceu ex sequentibus apparebit, de cætero jura, quæ hic occurrunt, & usum habent, omnibus hominibus fere communia sunt, Romana autem non adeo valent, sed hoc ex sequenti tractatu distinctius intelligendum!

## OBSERV. MCCCCXXXI.

*Quæ est occupatio rei hostilis in justo bello facta*) Bellum, per quod captivi & res captæ fiunt, hic dicitur justum, non juxta *jus naturale*, sed *gentium bellicosarum consuetudinem*, adeoque id solum spectatur, an geratur ab eo, qui habet Majestatem, ac juxta solennitates receptas denunciatum sit, justis ex causis illud susceptum sit, nec ne, aut num intra debitos limites geratur, an ultra modum sæviatur, hæcenus non attenditur. Præterea requisita illa saltem exiguntur quoad effectum occupationis bellicæ, quem illa habet intuitu civitatis, ex qua aliquid captum, ratione vero capientium illa minimè sunt necessaria, nam cujuscunque conditionis sint capientes, personæ & res captæ, eorum arbitrio simpliciter subsunt.

## OBSERV. MCCCCXXXII.

*Est vel publica*) Hæc distinctio non admittenda videtur, cum potius omnis occupatio, publico nomine fieri debeat adeoque publica sit, nam sine permissu publico occupatio facta in latrocinium incidere videtur. Posset tamen suo modo distinctio probari, si alia occupatio *permissu* quidem *publico*, sed *ausu privato*, alia vero & *decreto* & *apparatu publico* fieri dicatur, prioris generis exemplum exhibent illi, qui auctoritate publica prædatoriam in mari exercent, die *Caper*, welche ordre haben zu capern, ac à piratis omnino seperantur *conf. STRYK in not. ad tit. de L.*

RHOD.

*Rhod de jact. ad p. 241.* posterioris vero exempla exercitus & classes navales, quæ data occasione, hosti suo quid auferunt, sistunt.

## OBSERV. MCCCCXXIII.

*Causa efficiens est jus Gentium*) Jure naturali quidem licitum est, res hostium occupare, si scilicet justa belli causa adsit, ac modus, quem humanitas præscribit, quantum fieri potest, servetur. Ast quod sine causa, ac ultra finem & modum, res hostium occupari queant, illud est à jure Gentium, i. e. nullo jure, sed mera bellicosarum gentium consuetudine, quæ saltem, quid fiat, non quid fieri debeat, ostendit.

## OBSERV. MCCCCXXXIV:

*Militantes personæ*) Vel minimum illi, qui permissu Imperantis, hosti nocere possunt, nam alias, orto bello, non cuivis subdito erga hostem, hostilitatem exercere licet, aut saltem ausus iste non solet esse impunitus, sed potius ab hoste deprehensi, facinorosorum instar, puniuntur, quod exemplo piratarum patet, qui suspendio coercentur. Scilicet bella sæpe quidem latrociniis privatis haut sunt justiora, attamen gentes bellicose, quicquid ipsæ agunt, pro licito haberi volunt, hinc si quis Imperantis permissu, in consortium belli assumatur, tum juris bellici fit particeps, nec ob exercitam hostilitatem, alia incommoda metuere debet, quam quæ bellum regulariter comitantur, ast si sine permissu publico eandem rem agere velit, tum pro raptore & prædone habetur ac supplicio sæpe satis acerbo afficitur, ut hic etiam locum inveniat: duo cum faciunt idem, non est, aut saltem non censetur, idem.

## OBSERV. MCCCCXXXV.

*Alatronibus capti liberi manent*) Utrum aliqua gens, iusti populi titulum mereatur, an latronum nomine diffamanda sit, illud plerumque Gentium ambitione definitur, nec segnius famosa illa appellatio retorqueri, quam inferri solet, hinc dubium etiam non est, quin Romani latronum titulum sæpe genti cuidam dederint, quæ melioribus moribus vixerit, quâ ipsi Romani. Quicquid tamen huius sit, quando effectus captivitatis quoad latrones negatur, seu ab his capti, liberi manere perhibentur, tum hoc non est intelligendum ratione *latronum capientium*, nam hi captis servilem conditionem perinde in sua civitate imponere possunt, atque hoc faciunt alii victores, quibus iusti populi titulus haut denegatur, sed ratione *civitatis, ex qua quis captus est*, in hac scilicet à latronibus captus, pro servo non habetur, adeoque fictionibus legis Cornelie ac juris postliminii non indiget, quemadmodum etiam, quoad res à latronibus captas, & his denuo ereptas de postliminio non quaeritur, licet hoc eò etiam extendi possit, quod exemplo Algeriensium mox illustrabimus, in quantum autem Romana illa hodie usum habeant, deinde videbimus.

## OBSERV. MCCCCXXXVI.

*Capiuntur res hostiles*) Posita iusta belli causa, naturaliter etiam in infinitum, vim bellicam extendere, adeoque in specie res & personas hostium occupare licet, nam hostis iniustus, lædendi propositum indefinitum habet, ac actu resistit, hinc defensoris non est, impetum armorum moderari. Si tamen, illo in angustias redacto, arbitrium belli penes defensorem ferè sit, tum humanitas præcipit, ut intra certos limites vis bel-

bellica coerceatur, adeoque hætenus saltem aliquid occupetur, quatenus reparando damno ac cautioni futuræ necessarium est. Sed raro illa servantur, verum, gentes bellicosa, magis jus Gentium i. e. meram consuetudinem, quam naturale sequuntur adeoque sæpe ultra modum sæviunt.

## OBSERV. MCCCCXXXVII.

*Modo non admisserint aliquid singulari vindicta dignum*) Ita vero non sunt innocentes, quales tamen *AUTOR* in verbis immediate præcedentibus supponit! Dicendum est, quod sint innocentes ratione *hostis*, nocentes vero intuitu *Dei*. Id autem facile liquet, eadem ejusmodi personarum excusari non posse, nisi Deus diserte hoc mandaverit, hinc pessima crudelitas est, quando Imperantes avari & ambitiosi, regionis cujusdam incolas, eo prætextu è medio tollunt, quod hæretici aut infidèles, adeoque Dei hostes sint, nam hoc non sufficit, sed speciale mandatum divinum insuper requiritur, cum nemo, nisi Deus, in religionem ipsam habeat imperium.

## OBSERV. MCCCCXXXVIII.

*Neque chirographo occupato, debitum est occupatum*) Verum hoc est, si nihil amplius quam chirographum occupatum sit, nam *jus* est penes creditorem, ac occupari nequit, *res* verò *debita* est penes debitorem, nec (quod supponitur) hostis potestati subest. Non obstat l. 5. §. *fin. de A. R. D.* nam continet regulam, *quod res ex hostibus capta, rapientium fiant*, sed eam applicari hic non posse, cum *res debita* nondum sit occupata, liquet, nec l. 59. *de Legat. 3. l. 3. §. 1. 2. de liber. leg.* nam ab actu benefico, ad occupationem hostilem male infertur, si quis enim chirographum tertio vel

ipſi debitori leget, tum merito jus ſuum tranſtulſſe, vel extinxiſſe præſumitur, cum alias nihil actum foret, quale interpretandi genus abſurdum eſt. Sed ſi hoſtis hoſti invito chirographum eripiat, tum conſenſum transferendi in violenta illa occupatione latere, fruſtra dixeris. Czterum ſi ponas, hoſtem non tantum chirographum occupaviſſe, ſed & creditorem in ſua habere poteſtate, ut de juribus & rebus ejus pro lubitu diſponere queat, tum omnino etiam debitum occupaviſſe & acquiſiviſſe cenſeri debet, quo pertinet exemplum Alexandri M. quod *GROTIUS d. l.* refert, is ſcilicet Thebarum dominus factus, Theſſalis centum talenta, quæ Thebanis debebant, remiſit, quod eodem jure facere potuit, quo à debitoribus debitum exigiſſet, hætenus igitur Grotium non diſſentire, ſecus ac *AUTOR* exiſtimat, arbitror.

2. Alia vero eſt quæſtio, an non Thebani, ſui juris iterum facti, debitum à Theſſalis, nihilominus exigere potuerint? quod omnino puto, nam Alexander debitum quidem remiſit, ſed jure gentium, hinc remiſſionis illius effectus non diutius durat, quamvis præſens urget ac factum tueri poteſt, hac cellante, uti amiſſa recuperare, ita remiſſionem, olim à victore factam, non ſervare licet. Non obſtant, quæ *GROTIUS l. 3. c. 9. n. 9.* opponit (1.) *Thebanos fuiſſe novum populum*, hoc nego, cum ſucceſſio & ræpreſentatio locum hic habeat, & quo jure Alexander multitudinem diſſolvit, eodem illa iterum coivit, jure Gentium contraria agere licet, hoſtis jure eripit, alter eodem jure erepta recuperat, ut ridiculum ſit, ex mera illa conſuetudine, verum juris effectum elicere velle. (2.) *Alexandrum victorem & dominum, jus hoc alienare potuiſſe & alie-*

*alienasse*, sed saltem jure gentium, hinc quo jure ille debitum remisit, eodem Thebani remissionem non servarunt, (3.) *creditum non in eorum esse numero, quæ postliminio redeant*, hoc à scopo plane abludit, inter liberas gentes postliminium simpliciter obtinet, sed quoad subditos ejus civitatis, ex qua aliquid captum, res distinguì solent, de quo Observ. 1446. amplius dicam.

## OBSERV. MCCCCXXXIX.

*Forma est occupatio*) Hoc facile quis crediderit, qui perpendit, quod omnis acquisitio bellica, merâ vinitatur, nam ita nihil utique acquisitum censerì potest, nisi quod hostis tenet, allegatione juris Romani hic opus non est, quemadmodum etiam ea, quæ de occupatione rerum nullius, vel translatione dominiì voluntaria dicuntur, jejuniùs huc applicantur.

## OBSERV. MCCCCXL.

*Ita ut res in præsidium sit translata & spes recuperandi præclusa*) Hæc non sunt necessaria ratione *hostis capientis*, hic enim omne illud censetur acquisivisse, quod quacunque ratione occupavit, licet negandum non sit, quin pro ratione detentionis ac custodiæ, acquisitio certior vel incertior sit, sed *subditorum ejus civitatis, ex qua aliquid captum*, circa hos enim dispositio juris postliminii locum habet vel cessat, pro diversa hostis occupatione, quo etiam *AUTORIS* doctrina tendit.

## OBSERV. MCCCCXLI.

*Ab hostibus in bello*) Tota hæc doctrina fluit ex indole vis bellicæ, ut allegatione juris civilis nihil opus sit, quæ etiam, quatenus illud jus de rebus nullius agit, à scopo plane abludit, nam res nullius, & hostium, verâ comparatione sibi invicem æquari nequeunt, quæ



autem n. 3. de bello legitimo dicuntur, illa iterum non quoad hostes capientes, sed subditos ejus civitatis, ex qua aliquid capitur, sunt intelligenda, nam hostis ipse omnia, quæ occupat, acquirit, sive bellum sit legitimum, sive illegitimum, verum jus postliminii ad prius saltem refertur *add. Observ. 1435.*

## OBSERV. MCCCCXLII.

*Capta persona sunt servi*) Hactenus vidimus, quomodo captivi & res captae, fiant, postea videndum, quomodo in captivitate existant *vid. Observ. 1430.* scilicet captivi, sunt servi, & quidem non tantum ratione hostium, quod evidentem habet rationem, sed & ratione civitatis ex qua quis captus est, nam hujus quoque intuitu, servilis conditionis captivi censentur, quæ omnis res ex *Jure Gentium* originem habere censetur, sed illud jus gentium, si recte expendas, nihil aliud est, quam *lex civilis nonnullarum gentium*, i. e. lex quæ ex imperio civili omnem auctoritatem habet, non tamen uni civitati propria sed nonnullis communis est.

## OBSERV. MCCCCXLIII.

*Hodie non*) Hoc certum est quoad ipsos Christianos, inter quos servitus plane cessat, sed si Christianus ab infidelibus captus sit, tum in horum Republica servus esse cogitur, sed an etiam quoad Rempublicam christianam, ex qua est captus, pro servo habendus sit, quaeritur? multi sane ita censent *vid. PHILIPP. us. Pract. Eclog. 32.* Sed cum illa Romanorum persuasio, quæ legem civilem extraneam in sua etiam civitate, propria auctoritate valere, existimarunt, nimis insulsa sit, hinc probabilius videtur, eam à Germanis non esse probatam, adeoque captum, liberum ratione civitatis suæ manere, ac pro absente haberi. *add. Observ. 849.*

## OBSERV. MCCCCXLIV.

*Res sunt capientium* ) Ex natura societatis civilis hoc resultat, ut bello acquisita, ipsi societati ejusque Capiti asseramus. In quantum igitur capientibus res occupatæ, sint concedendæ, id ex illius permisso repetendum, & nulla hac in parte legum Romanarum est autoritas. De cætero non solum prudentia, sed & justitia sæpe exigit, ut res captæ militibus in prædam cedant, quo ita non tantum stipendia ipsis exsolvantur, sed & fortitudo præmio afficiatur, ac ad paria patrandæ, amplius instigetur.

## OBSERV. MCCCCXLV.

*Legis Cornelia* ) Tertio videndum quomodo captivi & suo modo, *res captæ, à captivitate liberentur, sit illud morte & reditu.* Putativum jus Gentium, circulos fori Romani valde turbabat, hinc aliis commentis Romani illud eludebant, in casum igitur, quo captus in captivitate moriebatur, lex Cornelia fingeat, eum, ante captivitatem, adeoque liberum, decessisse, cujus dispositionis hodie nullam esse utilitatem ex Observ. 1443. consequitur, capti enim, intuitu suæ civitatis, manent liberi, adeoque jura liberorum hominum etiam in captivitate habent, eademque demum per mortem amittunt.

## OBSERV. MCCCCXLVI.

*Juris postliminii* ) Secundo definit captivitas, si captus propriâ solertiâ redeat, vel ille, aut res captæ, vi. bellicâ vel alio modo recuperentur, quo casu *postliminium* obtinet. Circa hoc ab initio, duos generales respectus distinguere oportet, vel enim idem spectatur ratione *civitatum inter se*, vel *subditorum illius civitatis, ex quâ quid captum est*, diverso respectu

diversa est ejus conditio. Nam juxta priorem respectum, uti simpliciter omnes res hosti acquiruntur, quæ vi bellica cepit, ita vice versa, omnes res & personæ recuperatæ, simpliciter habent postliminium, i. e. hosti recuperanti hæcenus sunt iterum acquisitæ, ut eadem ad hostem, olim capientem, non amplius pertineant. Sed juxta posteriorem respectum, ipsius occupationis est habenda ratio, hinc attendendum, an legitimo bello quid captum, ac in præsidia deductum sit, aut saltem per noctem apud hostem fuerit, nec ne? deinde, iis positis, non omnes res habent postliminium, i. e. non omnes antiquis dominis restituuntur; Quæ maligne & ineptissime ad priorem respectum transtuleris.

2. Interim Scriptores duos istos respectus solerter confundunt, hinc sæpe in rebus planissimis explicandis sese fatigant, aut adversarios fingunt, ubi nulli sunt. Illustrat, nisi fallor, hoc controversia, quam Observ. 1438. n. 2. exhibuimus. Aliud exemplum ex CUNÆI Responso in causa Postliminii depromere licet. Disputatur ibi de postliminio, intuitu gentium liberarum, an scilicet præda, quam Genuenses Turcis eripuerant, ac in portum communis amici, Reipublicæ scilicet Venetæ, detulerant, eo ipso ad Turcas postliminio rediisse censeriqueat? hoc uti recte negatur, ita dissentientes opponunt, Genuenses prædam nondum in sua præsidia perduxisse, adeoque eam nondum acquisivisse, atque vel ex hoc capite Turcis restituendam esse juxta l. 5. §. 1. d. t., hanc objectionem non aliter diluere potuit CUNÆUS d. Respon. p. 395. quam contentendo, d. l. esse accipiendam de personis liberis. non etiam de rebus captis, has enim sola occupatione

acquiri, nec opus esse, ut in præsidia perducantur. Enim verò tota illa sollicitudo eo, quo controvertitur, respectu, est otiosa, nam uti juris Romani inter liberas gentes nulla est autoritas, ita *d. l. 5. §. 1.* ad controversiam hanc plane non pertinet, cum agat de postliminio intuitu subditorum, ceu totus contextus ostendit. Inter liberas gentes autem si controvertatur, tum non tantum res captæ, sed & personæ liberæ statim hosti occupanti acquiruntur, hoc enim ex natura vis bellicæ ultrò liquet, quis enim hosti capienti modum & tempus acquisitionis præscriberet? Igitur *CUNÆO* quidem nihil aliud respondendum erat, quam inter ipsos hostes, præter occupationem bellicam, ad acquisitionem dominii, frustra perductionem in præsidia, vel simile quid requiri, ac alterum, quamdiu vis capientis adhuc urgeat, gratis sibi imaginari, quod dominium rerum ereptarum sibi vel supersit, vel ad se redierit.

3. Idem *CUNÆUS d. l. p. 401.* censet, non ignobiles interpretes ac in specie *GROTIUM de J. B. P. l. 3. c. 6. n. 3. c. 9. n. 16.* existimare, quod etiam, quoad res captas, requiratur deductio in præsidia, eamque sententiam esse communem, sed mirum in modum erroneam, nec usu populorum servari, verum Constitutionibus potius Gallorum, Hispanorum ac Belgarum improbari. Sed valde probabile est, quod omnes hi Autores *CUNÆO* non contrarientur, sed agant de postliminio intuitu subditorum, eoque respectu deductionem in præsidia requirant, quo respectu etiam valde probabilis est illa sententia, tum per *d. l. 5. §. 1. b. t.* (quæ hætenus quoad subditos recte allegatur) tum quod, rebus in præsidia nondum dedu-

ctis, de recuperatione aliorum, ac jure postliminii vix possit esse quaestio, hinc ipse etiam *CUNÆUS* testatur, Constitutiones nonnullas requirere, ut res per 24. horas à victore possessa fuerit, quod cum deductione in praesidia coincidere videtur, hinc *AUTOR* etiam *lit. fr.* illam sententiam probavit *add. Observ. 1440.*

## OBSERV. MCCCCXLVII.

*Quod est jus*) *AUTOR* intuitu subditorum, jus postliminii expendit, quo respectu est *lex aliqua civilis, quæ quoad subditos, ex captivitate redeuntes, vel res recuperatas aliquid disponit*, quando igitur *AUTOR* statim addit, quod *origo ejus sit ex jure Gentium, informatio ex civili*, tum hoc ita est intelligendum, quædam esse constituta jure civili nonnullarum gentium, quædam verò jure civili Romanis proprio.

## OBSERV. MCCCCXLVIII.

*Lacum habet in personis*) Quoad personas igitur hoc disposuit lex civilis, ut ex captivitate reversi in plerisque pro hominibus liberis habeantur, quo fine, fictione, quasi capti nunquam in captivitate, sed semper in civitate fuerint, uti ei visum est, sed illam dispositionem, vel cum, vel sine fictione spectatam, hodie cessare, ac ea omnia, quæ quoad personas hic retulit *AUTOR*, nullius esse usus, ex *Observ. 1443.* apparet.

## OBSERV. MCCCCXLIX.

*Rebus l. 19. pr. immobilibus*) Quoad res autem, civilis illa dispositio ostendit, in quantum illæ prioribus dominis sunt restituendæ, & plerarumque quidem, vel hodie omnium rerum mobilium, postliminium negatur, quod eam ob causam olim sancitum videtur, quo subditi in rebus defendendis essent eò fortiores,  
aut

aut ad amissas recuperandas alacriores, omnia tamen requisita quæ Observ. 1435. 1440. 1441. adduximus, circa usum juris postliminii, supponenda sunt. Hodie illa dispositio adhuc obtinet, imò, in nonnullis civitatibus, extenditur ad res, à piratis ablatas & recuperatas, quod exemplo Algeriensium ostendit GROTIIUS de J. B. P. l. 3. c. 9. §. fin. add. DECIS. SAXON. 90.

## OBSERV. MCCCCL.

*Quod etiam factum si ad amici præsidia pervenerint?*  
Dummodo è potestate capientium sint liberatæ, nam si victor prædam captam in portum amici detulerit, tum frustra vel populus, vel in eo, dominus, antiquus, cui illa erepta, eam ad se rediisse existimabit, de quo professâ operâ satagit CUNÆUS d. l. nam cum vis victoris adhuc urgeat, quo colore alter, qui facultate recuperandi destituitur, rem ad se rediisse putabit? neque etiam dominus portus, salvis amicitiae legibus, eam victori eripere ac alteri reddere potest.

## OBSERV. MCCCCLI.

*Diff. Grot. 3. c. 9. n. 2.)* Distinguit hic, utrum persona vel res capta pervenerit ad *socios nostros*, an saltem ad *communes amicos*, illo casu postliminium esse dicit, hoc negat. Licet vero CUNÆUS quoque d. Resp. p. 370. eum pro dissentiente habeat, ejusque sententiam improbet, attamen, si recto percipiatur, neque dissentit, neque improbari debet, sed ejus doctrina cum casibus, quos CUNÆUS & AUTOR respiciunt, facile conciliari potest. Nimirum tres distingui debent casus, vel enim (1.) *persona aut res capta potestatem hostium evasit, ac in locum tertii pervenit*, hoc casu (quem CUNÆUS supponit) nihil

interest, five tertius ille sit socius noster, an saltem communis amicus, nam utroque respectu obtinet postliminium, sufficit enim, quod hostis capientis vis sit clusa, neque hic dissentit GROTIUS; vel (2.) *hostis capiens personam aut rem captam in portum communis amici detulit*, hic cessat postliminium, quod diserte docet GROTIUS d. §. 2. n. 2. & ex professo adstruit CUNÆUS, nam hostis prædam adhuc in sua habet potestate, vel (3.) *tempestate forte compulsus eam detulit in locum ejus, qui alterius partis socius erat*, hoc casu, ex solo reditu obtinet postliminium, nam perinde est, five in nostram, five sociorum nostrorum potestatem, res olim capta reversa sit, jam enim in eo statu est, ut hosti iterum queat eripi, sic si Galli Belgis quid eripiant, sed tempestate compulsi, Anglorum, Belgis sociorum, portum aliquem appellere cogantur, tum sine dubio ad Belgas res erepta rediit. Atque hunc casum tractat Grotius d. §. 2. & ANTONIUS GAMMA in decis. Lusitan. 384. CUNÆO citatus, qua in re tantum abest, ut dissentiant, ut potius idem, quod CUNÆUS, intendant, occurrunt enim iis, qui indistincte ex delatione rei captæ in locum tertii, postliminium asserunt, eamque sententiam non aliter veram esse contendunt, quam si tertius ille alteri sit socius. Posses adeò in summa sic dicere: *Postliminium est, si persona aut res capta in locum tertii perveniat, modo vel à potestate hostium sit liberata, vel tertius ille alterius, cujus res olim capta erat, socius sit.*

## OBSERV. MCCCCLII.

*Durante captivitate jura captivi pendent*) Hoc hodie nullius usus esse, jam diximus Observ. 1448. nam capti sunt liberi, hinc in captivitate jura & obligationes

nes sustinent, ac ea cessante, sine ullo juris Postliminii adminiculo, continuant, non secus ac juris est in absentibus.

## OBSERV. MCCCCLIII.

*Non etiam quæ sunt facti, ut possessio, quæ de novo debet prehendi*) In specie hoc juris postliminii caput hodie etiam cessat. Per captivitatem ab infidelibus factam, possessio & præscriptio hodie non interruptitur, nam & hæc interruptio, erat servitutis bellicæ consecrarium, illa igitur negata, & hoc cessat. Capti igitur manent per suos in possessione, præscriptionem, si aliud non obstat, durante captivitate continuant, eandemque, illa cessante, absolunt, quæ in re consentit *Dn. STRYK in not. b.*

## OBSERV. MCCCCLIV.

*Sic nec maritus uxorem absque novo consensu recipit*) Fluxit hoc ex libertate divertendi, quæ quodammodo restricta est *Nov. 22. c. 7.* Hodie, ubi libertas illa deficit, dubio procul illud amplius non obtinet, licet servitutem bellicam adhuc supponas, hæc verò cum etiam cesset, ideo duplici ex causa, illius doctrinæ nullus est usus.

## OBSERV. MCCCCLV.

*Nec stipendia medii temporis petuntur*) Hoc hodie quoque usum habere potest, nec enim à servitute, sed absentia ac omiſsa operarum bellicarum præstatione dependet. Interim generosius fuerit, si iis, qui fortiter pugnarunt, sed tandem vi majori cedere coacti fuerunt, stipendia medii temporis exsolvantur.

## OBSERV. MCCCCLVI.

*Redempti sunt*) Redempti etiam pro reversis habebantur, adeoque jus postliminii ipsis succurrebat *l. 12.*



§. 7. *h. t.* quo tamen, perinde sicut cæteri reversi, hodie non indigent. Præterea sicut lex positiva, ad comparandum lytrum, res alienari prohibitas distrahi permittit, ita inter redemptorem & redemptum, ratione pretii exsoluti, pactum intercedere solet, quo hic ad ejus refusionem obstringatur, quod aded officium naturale est, nonnunquam etiam expresse vel tacite donat redemptor lytrum redempto.

## OBSERV. MCCCCLVII.

*Potest cum retinere jure quasi pignoris* ) Redemptus, intuitu suæ civitatis, quidem erat liber, ast redemptoris servus quodammodo reputabatur, quamdiu pretium nondum restituerat *l. 2. §. 15. 17. C. b. t.* ex quo jus detinendi redemptori competebat. Hodie uti de statu redempti non amplius laborandum est, ita ex jure defensionis naturali, facultas retinendi redemptum, redemptori, usque ad exsolutionem pretii, recte tribuitur. Cum etiam hodie, cessante captivitate, redemptiones sint frequentiores, ideo inter belligerantes partes conventio eo nomine iniri, ac redemptionis pretium, pro qualitate personæ captæ, determinari solet, es wird ein Cartel auffgerichtet. Captivi autem plerumque propria pecunia redimuntur, quod si tamen alius eam solvat, antea dicta locum habebunt, licet, si miles redemptus ad exercitum redeat, ejus retentio cesset.

## TIT. IV.

## DE RE MILITARI.

## OBSERV. MCCCCLIX.

*Miles* ) Est persona moralis, cujus indolem & constituendi modum, ex generalibus principiis, omnes

omnes Gentes intelligunt, ut jus Romanum, hac in parte in subsidium vocandum non sit. Posse etiam subditos ad bellum cogi, ex natura imperii civilis liquet, quamvis justa causa subesse debeat, sine qua coactio, injusta tyrannis est. Porro ad militem naturaliter requiritur usus rationis & aptitudo præstandi servitia militaria, cætera sunt ex jure civili *lit. S.* quorum tamen, nisi quatenus communi gentium affectu nituntur, non magnus hodiè erit usus, illud certum, quod ipsi Imperantes, dispositionibus illis Romanis non subsint.

## OBSERV. MCCCCLIX.

*Habent jus singulare* ) Milites possunt spectari ut homines, ut cives & ut milites. Ultima consideratio iterum varia est, licet enim milites considerare, quatenus illi apud alios *hospitantur*, vel in specie *in hybernis sunt*, aut in *prædiis existunt*, vel *in bellum eunt*, aut *in exceptione deprehenduntur*. Ex quo liquet, quod *jura, officia & delicta* militum, sint vel *communia*, quæ in alios etiam homines & subditos cadunt, vel *propria seu militaria*, quæ ad milites qua tales pertinent. Uti autem jura illa & obligationes partim ex lege naturali, partim civili sunt, ita in Germania, ex Ordinationibus militaribus, præcipuè repeti debent, juris Romani hac in re exiguus est usus, si tamen eodem aliquid cautum sit, quod ad milites nostros quadret *lit. E.* illud, si de abrogatione non constet, admit-  
tendum erit.

## TIT. V.

## DE CASTRENSI PECULIO.

OBSERV. MCCCCLX.

*V*Id. *supr. ad tit. de Peculio*) Nec non ad *Observ.* 432. in qua ostendimus, quod peculia legi civili sint adscribenda, adeoque eo intuitu juris Romani usus sit agnoscendus, ex qua tractatione huc aliqua transferre non opus.

## TIT. VI.

## DE VETERANIS.

OBSERV. MCCCCLXI.

*M*issio est) Caufaria & ignominiosa missio aliis Gentibus quoque sunt usitatae, sed honesta, ac inde orti Veterani, eorumque jura, Romanis ferè sunt propria. Scilicet eo solent homines esse ingenio, ut res sibi inutiles libenter à se repellant, aut delicta facile puniant, sed ad præmia bene meritis distribuenda non perinde sunt proclives. Interim id minimè laudari debet, quod hodie Gentes bellicosæ, militum gregariorum, vel emeritorum vel mutilatorum, nullam habeant rationem, sed àis cum misera egestate ut plurimum luctandum sit. In universum, ut hoc obiter adjiciam, Imperantium, circa rem militarem, triplex constitui potest officium, *anteceðens*, dum neminem sine justa causa, ad bellum cogere debent, *concomitans*, quo stipendia militibus exsolvere, militum curam gerere, eorumque actiones, ne paganos vexent, aut gregarii à præfectis suis inique habeantur, moderari tenentur, & *consequens*, quod ad milites senio, morbis

his aut vulneribus confectos, ac ad servitia militaria inhabiles factos, pertinere debebat, de quo modo diximus.

LIB. L. TIT. I.  
AD MUNICIPALEM ET  
DE INCOLIS.

OBSERV. MCCCCLXII.

**I**N unaquaque Republica subditi, generali subjectionis vinculo, civitati ac Imperanti obstringuntur, cujus virtute bona, corpus ac vitam salutis publicæ impendere debent. Quo autem magna subditorum multitudo eo rectius gubernari eorumque actiones ad utilitatem communem dirigi queant, per diversos cœtus illi distribui solent, inde pagi, vici & municipia oriuntur, quæ per diversos gradus, seu regimina subalterna, Imperanti subjiuntur. Ex isto rerum publicarum habitu, multiplex subditorum conditio, status ac existimatio oritur, quæ omnia, cum ad subditos pertineant, persequi debet Jurisprudentia privata. Cum autem unaquæque civitas propriis institutis, hac in parte, uti soleat, hinc facile liquet, ista subditorum discrimina, ex legibus patriis, non peregrinis esse repetenda. Nullibi igitur pejus quam hoc in loco, vicem Jurisprudentiæ Germanicæ, subire potest Jus Romanum, nam generalia, in quibus ferè omnes civitates conveniunt, v. gr. quod municipia peculiaribus gaudeant juribus, quod in iis occurrat senatus & cives &c. inde repetere nil attinet, cum ista ex generalibus principiis intelligantur, specialia vero subditorum germanicorum jura, ex legibus illis petere non licet, hinc fit, ut Tirones juris, obsoletæ quidem materiæ servilis co-

gnitione, in Academiis, imbuantur, jura vero subditorum germanicorum, cum Doctoribus suis, ignorent. *add. Specim. Jur. Public. l. 3. c. 10. §. 27. seqq.*

2. Defectum illum intelligo, sed eum emendare mihi jam nec licet nec libet, pauca tamen de *Landsassis*, qui in territoriis germanicis occurrunt, & de quibus alias *dissertatio W. LYSERII Wittembergæ 1664. habita*, exstat, adjiciam: *Landsassatus* est *subjectionis, ex habitatione, vel rebus sitis orta*; intelligimus subjectionem fundamentalem, imperio civili seu Superioritati Territoriali respondentem. Possunt distinguui *Landsassii* (1.) à *causa constituti Landsassatus*, in *Landsassios incolas*, qui ex habitatione, & *forenses*, qui ex rebus sitis subditi fiunt *vid. LYSER d. dis. §. 28.* (2.) à *diversitate vinculi*, in *Landsassios simplices*, qui solo subjectionis vinculo, & *Vasallos*, qui insuper nexu feudali, domino Territoriali obstringuntur *d. disput. §. 26.* quidam hanc divisionem solis Nobilibus applicant *vid. MAURIT. dissert. de Nobilitate hab. Tubing. 1660. §. 39.* (3.) à *diversitate jurisdictionis* & *hinc orta subjectionis mediata vel forensis.* in *Schriff* seu *Canzleyssassios*, qui coram Principe ac in Curia supremis, & *Amtsassios*, qui coram Præfectis conveniuntur. His verò hodie comparandi sunt, qui coram Nobilibus, Magistratu Oppidano vel etiam Academico conveniri possunt, alias divisio statum Territoriorum præsentem, hac in parte, non exhaurit *add. LYSER de disput. §. 39.* Quinam vero sint vel *Schriff*-vel *Amtsassii*, aut simili Magistratui inferiori subjiciantur, id ex statu singulorum Territoriorum amplius discendum est.

## OBSERV. MCCCCLXIII.

*Municipes hic sunt*) Hæc municipium definitio valde generalis est, notatque solum eorum à Paganis discrimen, hinc non Romana, sed omnibus Gentibus communis censi debet. Quæ vero in Territorijs germanicis municipum sint jura, quibus vel ab Incolis distinguantur, vel intuitu Nobilium ac Paganorum, gaudeant, illud neque ex jure Romano haberi, neque una definitione comprehendi potest, hinc leges provinciales ac statuta municipalia hic consuli debent, Jure Saxonico singula municipia privilegium habent, ne infra milliare circumcirca, habeatur vinum vel cerevisia extranea venalis, & ne fiant brasia aut decoctiones hujusmodi, neque habitare permittantur artifices vel mechanici in villis adjacentibus, quæ tamen iuxta milliariis germanici sit mensura, illud non adeo liqui-  
*vid. ZIEGLER de jurib. Majest. l. 1. c. 43. n. 9. seqq.*

## OBSERV. MCCCCLXIV.

*Nascuntur*) Sed hodie municipem neque verâ neque fictâ nativitate freri, plane arbitror. Domicilium quidem, aut, si mavis, forum, ex nativitate oritur, ac tamdiu durat, quamdiu aliud non est constitutum  
*vid. Observ. 151.* sed jus civitatis nativitate non acquiritur, quamvis civium filii, in acquirendo illo jure, nonnullis prærogativis gaudere queant, de quo statuta municipalia consulenda.

## OBSERV. MCCCCLXV.

*Fiunt per assumptionem*) Hoc juris gentium est, & ubique obtinet, qui vero assumi possint, aut quo modo id fieri debeat, id ex legibus germaniæ fundamentali-  
 bus nec non provincialibus ac statutariis, in Germa-

nia erit æstimandum, leges Romanæ hic nullius sunt usus.

## OBSERV. MCCCCLXVI.

**Don Pfalbürgern** ) De Pfalburgeris, Usburgeris & Glevenburgeris exstat *Tractatus* JACOBI WENCKERI, Argentor. 1698. in 4to publicatus. Breviter natura & differentia eorum sic exprimi potest: Usburgerus ein *Ausbürger* vel *Auswärtiger Bürger*, generaliter acceptus, notat *civem forensem*, & hactenus Pfal & Glevenburgerum sub se comprehendit, si verò ad allectionis *modum* & *finem* respicias, Usburgerus specialiter, est *extraneus pleno jure* & *citra alterius præjudicium*, *jus civitatis alicubi consecutus*: Pfalburgerus verò, *qui illud plene quidem, sed cum alterius præjudicio acquisivit*: Glevenburgerus denique, *qui eodem minus plene, ac intuitu servitii militaris præstandi, donatus est, à diverso interim allectionis modo*, nunc Us-nunc Pfalburgerus quoque dicendus.

## OBSERV. MCCCCLXVII.

*Si cui donata sit civitas, tum utitur privilegiis ejus absque oneribus*.) Sed hæc assertio nullo nititur fundamento, gratis quidem donatarius jus illud consequitur, sed ut eodem fine onere fruatur, id verò nulla ratione idonea asseri potest, nec REBUFFUS n. 126. (nam n. 122 huc non pertinet) id adstruit, sed solum contendit, quod, si statutum vel consuetudo studiosum pro cive haberi velit, id saltem de commodis, non etiam oneribus, sit intelligendum, quamvis ille, suo more, quo magnum privilegiorum numerum conficiat, etiam hic nugeretur nec idoneas afferat rationes.

## OBSERV. MCCCCLXVIII.

*Extinguitur jus civitatis*.) Hoc quoque naturale est, ut

ut per consensum, jus civitatis tollatur, quemadmodum jus detrahendi, ex imperio civili fluit, in quo exercendo nonnunquam Gentes erga se invicem nimis inhumanæ sunt. Interim *AUTOR* jus civitatis cum *subjectione* confundit, nam *Pacif relig.* seu *R. J. de anno 1555. §. 24.* non agit de *resignatione juris municipalis*, sed de *migratione extra territorium*, nec generalis est, sed pertinet saltem ad emigrationem, religionis causa factam *add. Instr. Pac. Westph. art. 5. §. 34. seqq.*

## OBSERV. MCCCCLXIX.

*Incola*) *A* *cive* differt *incola*, qui saltem habet domicilium, circa quod confer *Observ. 149. 150.* ut & *forensis*, qui bona alicubi habet immobilia, ibique degit, citra intentionem, domicilium vel civitatis jus acquirendi, quale possessionis genus multa statuta non admittunt, nec non *Peregrinus*, qui saltem in aliquo municipio, & plerumque quidem ad breve tempus, degit.

## OBSERV. MCCCCLXX.

*Ad civilia munera compellitur obst. l. 3. C. de incol. )*  
*In d. l. 3.* non dicitur: *incolas non teneri*, sed *eos qui in territorio alicujus civitatis commorantur* (i. e. peregrinos) *velut incolas* (ad exemplum incolarum) *ad subeunda munera non adstringi.* Comparat igitur peregrinos & incolas, ac tantum abest, ut hos ad munera teneri neget, ut potius perspicue fatis afferat.



## TIT. II. III.

DE DECURIONIBUS ET FI-  
LIIS EORUM.

## DE ALBO SCRIBENDO.

OBSERV. MCCCCLXXI.

**D***Ecuriones sunt* ) In coloniarum deductionibus, decimus quisque, consilii publici gratia, à Triumviris electus, Decuria vocatur *vid. d. l. 239. §. 5. de V. S. POLLET. Histor. for. Rom. l. 3. c. 8.* Hodie senatores nostrorum municipiorum, ex propriis statutis cognoscendi sunt, juri Romani exiguus hac in parte erit usus, si tamen aliquid positivi circa Decuriones Romanos occurrat, quod ad nostros senatores etiam quaderet, in subsidium applicari poterit.

## TIT. IV.

## DE MUNERIBUS ET HONORIBUS.

OBSERV. MCCCCLXXII.

**M***Unus his est* ) Nimis generalis & superficialia est hæc definitio, malim dicere, *munus esse actionem, ad utilitatem Reipublicæ, à subdito suscipiendam, cum jure percipiendi commodum, aliquando conjunctam*, id quod, sicut etiam muneris varietas, quam *AUTOR* hic tradit, ex communibus principiis intelligitur. Solet tamen unaquæque Respublica peculiaria etiam habere munera, quæ alibi non facile reperias, id quod etiam Reipublicæ Romanæ accidit. In specie de *Elemptoria* ex *l. 18. §. 19. h.* testatur *TABOR tr. de me-*

metat c. 2. §. 15. Catellianum Cottam retulisse, quod aliquando Sciolo cuidam proposuerit textum illum, ad quem ille, tanquam ad Medusæ caput, obriguerit; quod sane egregium, persuadendi studium juris Romani, est argumentum!

## OBSERV. MCCCCLXXIII.

*Imponunt munera*) Necessitas subeundi munera, ex imperio civili fluit, id quod adedò omnibus Gentibus commune, non Romanum est. In quantum porro Magistratus inferrores, jus imponendi munera, participare debeant, tum quibus munera imponenda sint, id omne ex voluntate Reipublicæ & Imperantis dependet. Quod si aliud non constituerit, leges Romanæ observari poterunt, sed iavito frustra opponentur.

## TIT. V.VI.

## DE VACATIONE ET EXCUSATIONE MUNERUM.

## DE JURE IMMUNITATIS.

## OBSERV. MCCCCLXXIV.

*Vacatio sive immunitas*) Est libertas à necessitate subeundi munera. De cætero tota hæc tractatio iterum ex imperio civili fluit, adeoque omnibus Gentibus communis est. Nam qui habet jus imponendi munera, ille etiam obligationem istam aliquando remittere potest, quam voluntatem uti varia ratione declarat, ita non aliter quam ob justas causas, immunitatem concedere debet, in iis verò determinandis, si aliud constitutum non sit, sequi possumus definitionem juris Romani.

## OBSERV. MCCCCLXXV.

*Præscriptionem*) Immunitas ab oneribus, hæcenus per præscriptionem acquiri potest, quatenus Imperans, contrarium non declarando, se hac in parte, juri Romano ultrò subjecit; nam alias invito Imperanti, si ultra subditi jus civile objicerent. R. 7. de anno 1548. §. 54. autem agit de præscriptione inter Status imperii, adeoque subditis mediatis non patrocinator.

## OBSERV. MCCCCLXXVI.

*Obst. l. 3. C. qui etat.*) Mendum ibi subesse, & pro *quingenta* legendum videtur *septuaginta*, hoc enim & sequentia, quæ de *septuagenario* majore loquuntur, postulant, & *l. un. C. qui etat. se excus. l. 3. de jur. immun. l. 2. §. 1. de vacat. mun.* evincunt. judice BROIDÆO in not. ad Pollet. histor. for. Rom. l. 3. c. 10. n. 7.

## OBSERV. MCCCCLXXVII.

*Nec à patrimonialibus, licet adsint sedecim*) Dissentiunt Dn. STRYK in not. & BERGER in resol. b. qu. 2. Videtur tamen AUTORIS sententia probabilis, cum textus allegati, indefinite numerum liberorum excludant, adeoque meritò generaliter intelligantur. Non obstat *l. 24. C. de decur.* accipienda enim est de muneribus personalibus, nec *l. 5. §. 2. de jur. immun.* nam vel itidem ad personalia pertinet, vel continet exceptionem, ubi Princeps specialiter imploratus, liberorum consideratione, immunitatem concesserat, nam uti hoc Principem facere posse dubitandum non est, ita regulam talis concessi specialis non turbat.

## OBSERV. MCCCCLXXVIII.

*Nec data pertinet ad casum extrema necessitatis*) Talis autem omnino esse videtur, si universitas, ommissa  
for-

forma collectandi, certam pecuniæ summam solvat, quo universos & singulos, à populatione & ruinâ totali, per milites intentatâ, liberet, hinc eum, qui largissimè immunitatem ab omnibus, etiam extraordinariis, collectis consecutus erat, ad ratam vel conferendam (si formam collectandi consuetam servare placeat) vel reddendam (si ea insuper habitâ, pecunia jam sit exsoluta) teneri omnino arbitror, nam absurdum est capere generalitatem privilegii, cum casus necessitatis, ex communi mortalium affectu semper exceptus credatur, nisi disertè aliud actum, præterea in casu allato, non tam Imperans, quam hostis pecuniam exigit, huic autem frustra immunitatis privilegium opposueris. Hæc si observes, non opus erit, ad tricas juris Romani descendere, ac, num ex ejus hypothesibus actio negotiorum gestorum contraria, contra privilegiatum, intentari queat, anxie inquirere, quæ disputandi ratio hic nonnullis placet.

## OBSERV. MCCCCLXXIX.

*Aliàs eidem tacite renunciatum videtur*) Pro ratione actus contrarii admissi, privilegium utique cessat, sic qui tutelam suscepit, aut aliquid solvit, si usuladeinceps, declinando huic oneri, immunitatem allegabit, sed an impofterum immunitas quoq; cesset, adeo ut qui v. gr. semel solvit, semper deincepsolvere debeat, quæritur? Videtur fane *AUTOR* eo inclinare dum renunciationem tacitam urget *vid. l. 1. 2. C. de his. qui sponte publ. mun. sub.* sed hæc explicatio nimis larga est, hinc alii putant admissione actus contrarii, conditioni præscribendi saltem locum fieri, adeoque lapsum temporis continuum, tollendo privilegio requiri *vid. Dn. LYNCKER Res Decif. Jenens. p. 1. Dec. 24.* Tu-

tissimum fuerit protestari, si actum privilegio contrarium admittas.

OBSE RV. MCCCCLXXX.

*Et quidem per appellationem*) Sed id hodie non observari puto, privilegiatus potius coram Magistratu ordinario immunitatem allegabit ab eoque defensionem sui juris petet. Si sententiam parum gratam accipiat, tum demum appellatio, ad superiorem gravamina devolveth.

TIT. VII.

## DE LEGATIONIBUS.

OBSE RV. MCCCCLXXXI.

*Legatio est munus*) Legatio dupliciter accipitur, vel (1.) pro missione, quæ inter liberas gentes ac Imperantes obtinet, cui soli etiam, juxta stilum hodiernum, nomen Legationis tribuitur, vel (2.) pro missione subditorum ad Imperantem, nam hæc etiam, stilo Romani juris, Legationis nomen gerit, sed hodie *Deputatio* dici solet. De cætero duas illas Missionis species, in plerisque capitibus plane differre, certum est, hinc etiam promiscue de iis non est agendum, quod tamen *AUTOR* etiam hic molitur, nam exinde nil nisi confusa notitia oriri potest. Quod adeo *Legationem in specie* attinet, regitur illa communi jure naturali, ut & pactis & consuetudinibus gentium, ut nihil ex jure Romano hic repeti debeat, quæ de re aliqua proposui in *Specim. Jur. Publ. l. 3. c. 4. §. 7. seqq.* plenius verò eam executus est *KULPIS de Legat. stat. imperi* commemoratis pluribus Autoribus propriis. Quod verò *deputationes* concernat, earum obeundarum necessitas ex imperio civili fuit, *Deputatorum officium*  
juro

jure naturali dirigitur, Habilitatem verò eorum, lex positiva nonnunquam certius determinat, iisque etiam privilegia, contra alios subditos valitura largitur, qua in re juris Romani usus erit subsidiarius.

## TIT. VIII.

DE ADMINISTRATIONE RE-  
RUM AD CIVITATEM PER-  
TINENTIAM.

OBSERV. MCCCCLXXXII.

*Hæc administratio*) Quod municipes rerum vel publicarum vel universitatis administrationem suscipere debeant, illud est ex *subjectione*. Ipsi autem administrationi, *mutuo consensu* præficiuntur, ad eamque recte peragendam *promissione* plerumque *jurata* adstringuntur, quæ omnia juris gentium, non Romani sunt.

OBSERV. MCCCCLXXXIII.

*Tenantur administratores*) Non minus naturale est, ut administratores probe administrarent, rationes peractæ administrationis reddant, residuum inferant, & dolum ac culpam præstent, nec valde laborandum erit de gradu culpæ præstandæ, quod hic *AUTOR* inculcat *vid. Observ. 398. 399.* Denique ut plures, pro ratione admissi sui, teneantur, id etiam communis ratio præcibit, cui adeo, ut alibi, ita hic etiam, beneficia divisionis & excussionis, non sunt incognita.

OBSERV. MCCCCLXXXIV.

*Ratione doli tenantur in duplum*) Hæc poena, ut & definitio temporis, intra quod rationes subscriptæ & expunctæ retractari queant, ex jure Romano sunt, quorum tamen si autoritas non plane cessat, usus certe videtur esse rarissimus.

OBSERV. MCCCCLXXXV.

*Nisi proprio nomine contraxerint*) Vel dolose ver-  
fati sint, aut fines sui muneris exceſſerint, hinc ex mu-  
tuâ pecuniâ, nomine civitatis acceptâ, si verſio non  
acceſſerit, ſoli adminiſtratores, tam conſtante quam  
finito officio, tenentur *add.* Obſerv. 308. quæ omnia  
iterum naturalia eſſe, facile liquet.

TIT. IX.

DE DECRETIS AB ORDINE  
FACIENDIS.

OBSERV. MCCCCLXXXVI.

*Hæc ſunt ordinationes*) In quantum municipia jus  
condendi ſtatuta habere debeant, id ex voluntate  
Imperantis dependet, quæ aded in unaquaque Repu-  
blica ſpectari debet. Modum etiam illa conficiendi,  
Ille determinat. Interim, quamdiu aliud non decla-  
ravit, jus Romanum ſequi licebit.

TIT. X.

## DE OPERIBUS PUBLICIS.

OBSERV. MCCCCLXXXVII.

*Circa operarum publicarum*) Circa hanc eadem ob-  
tinent, quæ in genere, circa rerum publicarum ad-  
miniſtrationem, Obſerv. 1482. 1483. diximus. Quodſi  
autem quis, ſine Imperantis expreſſâ vel tacitâ conceſ-  
ſione, curam operum publicorum ſibi vindicet, illum  
in jura Majeſtatis involare adeoque crimine læſæ Ma-  
jeſtatis ſe polluere, ex indole imperii civilis, ultro in-  
telligitur, ut hæc iterum à Romanis petenda non ſint.

OBSERV. MCCCCLXXXVIII.

*Tenentur ad illius reſeſtionem intra quindecim an-*  
*nos.)*

*nos* ) Hoc Romanum est, sed ut puto, nullius usus nam uti invito Imperanti, leges positivas obvertere non licet, ita experientia testatur, quod rerum publicarum administratores, post longioris temporis decursum, rationes posci soleant.

OBSERV. MCCCCLXXXIX.

*Privata domus propter opus publicum destrui possunt*) Hoc fuit ex dominio eminente, quod cuivis imperio civili inest? Præsupponit autem verum necessitatis vel utilitatis publicæ casum, præterea dominis damnum est resarciendum, nisi in illud consenserint. Sed raro intra illos limites, eminens illud dominium exercetur.

TIT. XI.

## DE NUNDINIS.

OBSERV. MCCCCXC.

*Nundina sunt conventus* ) Alii per *nundinas* intelligunt dies statutos, sicut per *mercatum*, locum rebus venalibus destinatum *vid. ZIEGL. de Jur. Majest. l. 1. c. 43. n. 1.* Sed illi quidem externa sectantur. Rectius *AUTOR* vim rei expressit, dum eas dixit *conventus*, hi enim & id, quod præcipuum est, exhibent, & tempus ac locum simul innuunt. De cætero facile liquet, quod & natura & varietas nundinarum, ex jure Romano præcisè non sit repetenda, sed illud omne partim ex communibus principiis, partim ex institutis cujusvis civitatis, propriis dependeat *add. SCHWED. Introd. ad. jus publ. part. spec. sect. 1. c. 17. §. 11. seqq.* A jure nundinarum differt (1.) *Jus stapule*, quod necessitatem imponit hominibus certi districtus, quo merces (de quibus privilegium loquitur, ac ideo *Staffelbahre Güter* dici solent) in locum privilegiatum con-



vehant ac ibi venum exponant. (2.) *Jus Emporii*, quod plus involvit, ut nempe merces in locum privilegium convektæ, solis incolis vendantur *vid. SCHWED.*

*d. l. §. 19.* Ex quibus liquet, hæc duo posteriora jura, non nisi in una Republica, ac inter veros subditos, locum habere. Hinc hodie, postquam Status Imperii cum suis Territoriis, peculiare ferè constituunt Respublicas, nec à Cæsare illa amplius concedi possunt, & olim concessa, nunc ferè sine effectu sunt, certe si Status erga alium statum, rigide jus stapulæ & Emporii exercere velit, dissidiis & repressaliis facile occasionem præbebit (3.) *Jus Germanii*, quod saltem pertinet ad defensionem vectigalis, hinc ob illud liber transitus mercium, impediri nequit. Exstruuntur eo fine Gerania, Kranich, i. e. machinæ versatiles, levandis & extrahendis mercibus idoneæ, 'quamvis aliquando illæ saltem ad promovenda commercia maritima, citra jus vectigalis, habeantur. De cætero hæc ideo referre placuit, quia vulgo jura illa ad Jus Publicum male trahuntur *vid. SCHWED. de Sect. i. c. 20. §. 9. seqq. VITRIAR. §. 7. P. l. 3. c. 2. §. 38. seqq.*

OBSERV. MCCCCXCI.

*Solennes seu universales imperatoria autoritate instituuntur* ) Pertinet hæc quæstio ad Jus publicum. De cætero uti assertio illa, certa est, quoad tempora antiqua, quibus omne imperium penes Cæsarem erat, ita hodie autoritas illa accedere potest, majoris solennitatis causâ, sed non præcisè debet, nam Status imperii nundinas provinciales amplissimis privilegiis donare possunt, Nec ad hoc quidem autoritate Imperatoriâ opus erit, ut ad nundinas se conferentes, eundi ac abeundi licentiam habeant liberam, per totum imperium.

rium, ceu censet *Dn. STRYK in not. h.* nam & hoc omne dependere ab arbitrio Statuum, per quorum territoria negotiaturi transeunt, ex superioritate Territoriali liquet, hinc etiam privilegia nundinarum in aliis territoriis locum non habere, sed transeuntes arresto posse constringi, licet Cæsarea privilegia aliud jubeant, ex *Mollero & Carpzovio* docet *ZIEGLER. d. c. 43. n. 7. add. Specim. jur. public. l. 3. c. 1. §. 33.*

## OBSERV. MCCCCXCII.

*His nundinis competit privilegium*) Hoc dubio procul in ipso Nundinarum loco obtinet, modo tempus nundinarum cœperit & nondum desierit, wenn die Messe ein-und noch nicht ausgeläutet ist. Sed, annon in Cancellaria Principis, tempore Nundinarum, arrestum generale, contra debitorem, impetrari queat, dubia quæstio censetur? circa quam *ZIEGLER d. c. 43. n. 6. 7. 8.* relatis utriusque sententiæ momentis, decisionem suspendit. Videtur tamen negativa decisio verior, Princeps enim privilegia, quæ ipse dedit turbare non debet. Aliæ quæstiones circa sensum, privilegii etiam occurrere solent, v. gr. an illud aliis, quam mercatoribus, vel de fuga suspectis profit? *vid. BRUNNEM. ad l. un. C. h. CARPZOV. d. C. 30. D. 25.* similesque, circa quas usus fori inprimis spectandus est.

## OBSERV. MCCCCXCIII.

*Non etiam ad hebdomadarias*) Putat *CARPZOV. d. D. 23.* privilegium saltem pertinere ad nundinas à Cæsare confirmatas, sed dubium non est, quin id ad alias etiam extendi queat, dummodo Dominus Territorialis hoc velit, de hujus aded voluntate unice erit quæstio, ubi quidem experientia confirmat, quod ad hebdo;

hebdomadarias illud non pertineat, nec erit consultum, ad illas hoc extendere, cum nimis illæ sint frequentes, adeoque negotiis forensibus privilegium oppido molestum sit futurum.

## TIT. XII

## DE POLLICITATIONIBUS.

## OBSERV. MCCCCXCIV.

*Pollitatio*) Juxta simplicitatem naturalem est *species Pacti*, sed Romani varia positiva ei affricarunt, quæ tamen hodie nullius sunt usus, sed merum jus naturale observatur. Videamus distinctius (1.) *pollitatio est solius offerentis promissum*. Hoc absurdum est, & communem offendit rationem, ut mirum sit, insanam illam doctrinam ab aliquo credi posse, quomodo enim sine acceptatione obligatio oriri potest? subtilis acceptatio, quam universitas aut Deus faciunt, est etiam acceptatio, licet illa, perinde ut acceptatio Hominis vel personæ singularis, non adeo velut in oculos incurrat, ipsi Romani doctrinæ absurditatem in l. 55. de O. & A. agnoscunt (2.) *pollitatio est nuda vel legitima*, hoc redolet hypothesin Romanam de invaliditate pactorum nudorum, adeoque sine dubio hodie cessat, & quævis pollicitatio serio facta, est obligatoria, hinc quæ (3.) de *speciali legis approbatione* lit. C. nec non de *justa causa lit. fr.* dicuntur, illa, velut hypotheseos illius consecutaria, nunc etiam explodi debent.

## OBSERV. MCCCCXCV.

*Pollicitatio rem promissam non afficit*) Officium promittentis est, ut fidem datam impleat, id quod hodie

die simpliciter obtinet, nisi in quantum restricta consentiendi ratio, obligationem temperat. Quodsi promissor ad paupertatem redigatur, tum humanitas ei succurri jubet, sed determinatio præstationis, de qua *lit. E. n. 1.* ut & altera *n. 2.* hodie locum non habet, satis enim manifestum est, quod utraque etiam sit hypotheseos antea memoratæ consecrarium, hinc nec apud Romanos illæ satis erant certæ, sed rescriptis specialibus determinabantur.

## TIT. XIII.

## DE EXTRAORDINARIIS COGNITIONIBUS &amp;c.

## OBSERV. MCCCCXCVI.

*Extraordinariè olim cognoscebat*) Judiciorum Romanorum diversitas ad Jurisprudentiam curiosam pertinet *vid. POLLET histor. for. Rom. l. 2. c. 11. RÆVARD. Conjectan. l. 2. c. 10.* Ea tamen utilitas adhuc superesse censetur, quod ex isto extraordinariorum judiciorum discrimine, causæ summariz & ordinariæ intelligi aliquo modo hodie queant. Sed optandum foret, ut illam utilitatem nunquam experta esset Germania, sed potius ortæ controversiæ omnes, ex æquo & bono, juxta antiquos ritus adhuc hodie deciderentur *vid. CONRING. de judic. Germ. §. 52. 70. 98.*

## OBSERV. MCCCCXCVII.

*Judex malè judicando*) Quodsi judex dolo vel culpa iniquam ferat sententiam, tum læsus naturaliter contra eam se defendere potest, discrimen verò appellationis & querelæ nullitatis à lege civili est, de quo

dixi Observ. 1420. 1421. Præterea judex damnum datum resarcire cogitur, quod naturale est, ac, ex præscripto legis positivæ, punitur, nec putem, pœnam Romanam, qua Judex litem suam facere dicitur, hodie in usu esse, utut certum maneat, quod male judicans arbitrariè sit coercendus.

## TIT. XIV.

## DE PROXENETICIS.

## OBSERV. MCCCCXCVIII.

*Proxenetikum*) Tota hæc doctrina iterum naturalis est. Posse enim homines, conciliandis aliorum negotiis licitis intervenire, aut etiam in civitatibus certas personas ad hoc constitui, ex indole hominum & societatis civilis intelligitur, hinc Proxenetarum natura & varietas apparet. Porro ex generalibus principiis liquet, habiles tantum personas, ac in negotiis saltem licitis operam hæc præstare posse, qua in re determinatio positiva nonnunquam occurrit. Denique uti Proxenetæ in conciliandis negotiis fidem adhibere, ita quod ei promissum est, præstari debet, id quod omne ex præscripto juris naturalis iterum dependet, de nominibus vero actionum, quæ est sollicitudo fori Romani l. 2. h. t., hodie parum laborandum, addeſis *Disput. D. BODINI de Phi-*

lanthropo hab. Hala

1699.

TIT. XV.  
DE CENSIBUS.

OBSERV. MCCCCXCIX.

*Census*) Subditos tam perpetuos, quam temporarios obligari, ad sumtus publicos conferendos, ex indole societatis civilis apparet, cum porro homines singuli moriantur, civitas verò perpetuò subsistere debeat, hinc optimum fuerit, si bona subditorum describantur, seu in librum censualem referantur, quo ita contribuendi ratio certa sit, ac in posteros rite transmittatur. Census igitur, sive pro reditu, sive pro ejus descriptione acceptus, juris gentium est. Sunt autem varii velut fontes, ex quibus in usum publicum, sumtus necessarios derivare licet, quos Scriptores proprii, ac in specie *HERMAN LATHERUS in tract. de Censu*, (qui à collectione variâ commendari potest) persequuntur. Quis tamen *contribuendi modus*, in hac vel illa civitate obtineat, id ex statu cujusvis Reipublicæ vel territorii, ac legibus provincialibus discendum est, à legibus Romanis frustra auxilium hic petieris. De cætero officium Imperantis, circa exigendum censum summam in eo consistit, ut illum modicè, in justa proportionem, ac minimo cum subditorum incommodo, exigat, exactumque prudenter, ac ad utilitatem Reipublicæ, dispenset, ad quod officium rite explendum, insigni opus esse prudentia, circumspeditione ac probitate, satis liquet. Eorum porro, qui ærario præficiuntur, munus esse, ut fideliter administrent, nihil in damnum Reipublicæ intervant, nec potestate sua, in subditorum perniciem abutantur, aut sub specie recti iis aliquid extorqueant,

itidem manifestissimum est. Quam enormiter autem officia illa negligi ac violari soleant, id commemorare, non est meum.

## OBSERV. MD.

Nihil dixit *AUTOR* ad duos ultimos Titulos, *de Verborum significatione & Regulis Juris*, ideo forte, quod non brevem commentationem, sed integrum tractatum desiderare videantur. Est sane magna Titulorum illorum autoritas, & eos penitus imbibisse, ut omnia in digitos mittere possis, utilisimum vulgò censetur, quod tot commentarii, in illos confecti restantur. Sed ego id, ad ad superstitionem juridicam, quæ rudioribus temporibus orta, nec hodie plane cessat, refero, operamque & tempus, Titulis illis impendendum, melius collocari posse, salvo rectius sentientium judicio, arbitror.

F I N I S.



IN-



# I N D E X R E R U M P R Æ C I P U A R U M.

Prior numerus *Observationem*, Posterior.  
*paginam*, notat.

A.

*Abrogatio*

Cum interpretatione legum haut confundenda  
XIV. 10.

*Acceptilatio*

Hodie cum pacto liberatorio coincidit MCLXXXIII.  
773.

*Accessio*

Est modus acquirendi dominii & quæ species eo  
pertineant MXVII. 672. seqq.

*Accrescendi ius*

Quid sit, exponitur CMXIX. 613.

*Actio*

Vendi possunt omnis generis actiones DXXX. 350.  
seqq. albi corrupti actio hodie nullius usus XL. 33.  
Actio in actu signato exposita MCXXXVII. 749.  
actio popularis vel sensu juris gentium, vel civilis su-  
mitur MCCLXXXIII. 823. seqq.

*Actio hypothecaria*

Ejus libellus rectius alternative quam pure concipitur LIV. 47. in Saxonia Electorali extrajudicialiter illa cedi potest DXXXI. 351. quomodo actio hypothe-

N n n 3

caria



caria præscribatur DCLIX. 440. cum actione hypothecaria habet convenientiam aliquam interdictum Salvianum MCVIII. 730. seqq.

*Actio realis.*

An in ea instituenda, causa remota exprimenda? LIII 47. interdictum unde vi, potest pro actione reali haberi MLXXXIX. 720.

*Addictio in diem.*

Ejus indoles prolixè ostenditur DXVIII. in specie differt ab auctione DXIX. 341. seqq.

*Adjectitiæ qualitatæ actiones.*

Sunt otiosa commenta fori Romani, eo pertinet actio exereitoria CCCCX. 268. institoria CCCCXXI. 276. tributoria CCCCXXIII. 277. de peculio ccccxix. 284. seqq. de in rem verso CCCCXXXVIII. 289. seqq. quod jussu CCCCXLII. 290. quarum concursus vera ratione explicatur CCCCXLIII 291. seqq.

*Adoptio.*

Ex jure Romano unice non dependet XXIX. 17. hodie etiam jus cognationis operari videtur XXX. 18.

*Advocatus.*

Ejus natura LXXV. 65. seqq. imperiti Causidici formulas exceptionum adorant MCXVII. 735. advocati prævaricatio MCCLIX. 812. seqq.

*Affectus*

Qualis contractus sit CCXIII. 149.

*Alimenta*

Quibus præstanda DCCXC. 538. an liberis incestuosus? *ibid.* sub conditione institutis DCCCLXXX. 592. alimentorum, quoad legem falcidiam, computatio, ubi singularis dispositio l. 68. ad L. falcid. late expenditur CMXLV. 629. seqq.

*Ap.*

*Appellatio*

Juxta consueta capita exposita MCCCXCVIII. 880. seqq. Supplicatio, Leuteratio, Querela nullitatis restitutio in integrum, Syndicatus & Relatio, cum appellatione convenientiam quandam habent MCCCCXVIII. 889. seqq. an à delatione munerum hodie statim appellandum MCCCCLXXX. 922.

*Aqua*

Aquæ pluvix arcendæ actio CMXCI. 660. seqq.

*Arbiter*

Arbitrorum indoles, constituendi ratio & officium CXXIX. 99. seqq.

*Authenticæ*

Earum collectio V. 4.

*B.*

*Bellum.*

Ejus consideratio prolixior MCCCCXXXI. 896. seqq. milites MCCCCLIIX. 910. seqq.

*Beneficium*

Competentiæ an fociis particularibus competat? CCCCXC. 323. beneficium excussionis etiam possessori hypothecæ specialis datur DCLVIII. 438. an in Nominis pignore locum habeat DCLXVIII. 449. beneficium inventarii DCCCLXXXV. 594.

*Bona*

Cessio bonorum MLIV. 698. seqq. Bona dotalia & paraphernalia eodem jure gaudent in Saxonia quoad repetitionem MLXIII. 702. Curator bonorum MLXIX. 705. interdictum quod in bonorum possessionem missio datur MLXXXVI. 718. quæ bona uxor ob adulterium amittat MCCCXVII. 842.

## *Index.*

### *Bonorum possessio.*

Notat hæreditatem, de quo prolixius CMLV. 640. seqq. decretalis cum edictali non recte conjungitur CMLIIX. 641. an illa necessaria, si nepotes repudiata Patris, hæreditatem avi consequi velint CMLXXVI. 650. interdictum quorum bonorum MLXXXII. 714.

### *C.*

### *Calumniator.*

Horum pœna pecuniaria hodie non occurrere videtur CIV. 80. calumniæ juramentum an à Parentibus exigendum CCCXXIV. 214. juramenti calumniæ generalis hodie exiguus usus CCCXXXIX. 221. Calumniator in judicio publico MCCCCLXIII. 866.

### *Capitis diminutio.*

Restitutio capite minorum non necessaria CXXIV. 95.

### *Captivitas.*

Ab hostibus recuperata an domino antiquo restituenda? CCIV. 141. à barbaris capti testari possunt DCCCXLIX. 572. De captivis eorumque vario statu ac jure tractatio plenior MCCCCXXX. 895. seqq.

### *Casus fortuitus.*

Quid & quis ejus effectus in Contractibus CCCC. 262. mandans damnum fortuitum mandatario resarcire non tenetur CCCCLXXVII. 317. casus fortuitus emtorem non liberat ab obligatione emendandi læsionem enormem DXLVI. 364. casus fortuitus effectum culpæ nonnunquam tollit DCIX. 406. à quo casus fortuitus probandus DCXX. 412. ad quem in permutatione pertineat DCXLIV. 428.

### *Causa.*

Ejus obligatio quoad res receptas CXXXVII. 102. seqq.

*Cau-*

## *Rerum precipuarum.*

### *Causa*

Impulsiva an in pactis necessaria? LIX. 55. Causa perpetua in servitutibus quo sensu requiratur CCXLIV. 162. seqq. causarum continentia tribuit forum CCLXXXVI. 191. error in causis an translationi dominii obstat? CCCVI. 200.

### *Cautio*

Maximam partem ex jure naturali & patrio, non Romano, dependet XLV. 40. XLVI. 41. cautio mutiana CMXLII. 626. cautio legatorum CMLIII. 639. cautio damni infecti CMLXXXVII. 657. seqq. Cautiones prætoriz MCXCII. 777. seqq.

### *Chirographatus contractus.*

Neque de jure civili, neque hodie recte asseritur CCCXIII. 206. seqq. chirographo ab hoste occupato, an debitum censeatur occupatum MCCCCXXXVIII. 899.

### *Citatio*

Circa eam juris Romani nullus vel exiguus usus. XLIII. 38. XLIV. 39.

### *Civitas*

Varie accipitur XXV. 15. jus civitatis pluribus expositum MCCCCLXII. 913. seqq. senatus municipalis, munera & honores municipum MCCCCLXXI. 918. seqq. census à subditis solvendi MCCCCXCIX. 931.

### *Codicilli*

Eorum indoles exposita CMVIII. 607. clausula codicillaris *ibid.*

### *Collatio*

Quinam hæredes eam faciant cum exteris capitibus CMLXII. 643.

an §

Com-

*Commodatum*

Poterit haberi pro contractu consensuali, cum cæteris capitibus CCCXC. 254. seqq. ab eo differt precarium MXCIX. 725.

*Compensatio*

Ejusindoles, varietas & jura CCCCXLVI. 296. an ob expensas necessarias in deposito locum habeat? CCCCLXXI. 314. an à socio, qui damnum dedit, alibi verò profuit, allegari possit CCCCLXXXVIII. 323.

*Condictio*

Causa data, causa non secuta CCCXLIII. 224. seqq. ob turpem causam CCCLII. 229 Indebiti CCCLIX. 232. sine causa CCCLXXIII. 241. furtiva CCCLXXIV. 242. ex lege CCCLXXXII. triticiaria CCCLXXXIII. 246. condictio causa data, causa non secuta circa contractus innominatos occurrit DCXXIV. 416.

*Confusio*

Quando contingat, quæque sit ejus natura & effectus MCLXXXIX. 775. seqq.

*Consensus*

Tacitus & præsumtus quomodo differant? LVI. 49. constituit essentiam pactorum LIX. 55. error circa causas contrahendi, an impediatur translationem domini CCCVI. 200. seqq. Consensus in alienationem, vel oppignorationem pignoris ulteriorem, an auferat consentienti pignus DCLXXVI. 458 seqq.

*Constitutiones Principum*

Cur nullæ, quæ Hadrianum antecedunt, collectæ X. 8. an decreta, legem contineant XVI. 12. latissime non semper constitutiones interpretandæ XVII. 12.

## *Rerum præcipuarum.*

### *Consuetudo*

Vario sensu accipitur XV. 10. consuetudinis irrationabilis exemplum CCCLXXX. 245. MCCXXX. 798.

### *Contractus innominati*

Quid? hodie sunt consensuales DCXXI. 413. seqq. contractus aſtimatorius ne quidem de jure civili aſſerendus DCXXV. 418. seqq. permutatio hodie eſt contractus conſensualis DCXXXIV. 423. seqq. non differt ab articulo do ut des DCXL. 426. reliquorum contractuum innominatorum indoles juxta mores noſtros DCXLVI. 430. seqq.

### *Contumacia*

An ejus pœna ex jure Romano repetenda? XLII. 37. miſſio ob contumaciam CMLXXXIX. 659. MLVII. 700. contumacia excludit appellationem MCCCXV. 896.

### *Culpa*

Ejus natura & effectus intuitu contractuum exponitur CCCXCIV. 258. seqq. quoad obligationem emendandi læſionem enormem, culpa ſecuta non attenditur DXLV. DXLVI. DXLVII. 363. seqq. culpa inefficax non nocet DCIX. 406. culpam famulorum non præſtat Dominus DCXIX. 411. an culpa lata tutorem infamet DCCCXX. 558. in incendio qualis culpa præſtanda MCCCXLI. 854. seqq.

### *D.*

### *Damnum*

Ejus prolixior explicatio, & quid circa illud, vel juris naturalis, vel Romani CCLXIII. 178. seqq. an actio L. aquilæ cum actione commodati concurrat CCCXCIII. 257. damnum infectum CMLXXXVII.

657. seqq. interdictum quod vi aut clam est instar actionis L. aquilæ MXCVII. 724. de damno restituendo in delicto Majestatis quæri non solet; MCCCII. 834. bene tamen in adulterio MCCCXVIII. 843. in fornicatione cessat restitutio damni MCCCXXV. 846. non autem in homicidio MCCCXXXV. 851. nec in delicto repetundarum MCCCLIII. 859. bene tamen quoad crimen annonæ MCCCLIV. 860. & ambitus MCCCLIX. 862.

*Deformitas*

Ejus æstimatio ut & dolorum recte petitur cclxviii. 181.

*Dejectio*

Naturaliter inhabitatores obligat ad damnum pendendum CCLXX. 182. dejectio & turbatio an quoad possessionem differant MXXXI. 681. an dejecto datur interdictum uti possidetis MXCII. 722.

*Deliberandi jus*

Ex quo fundamento ortum, & quid sit dcccxxxiii. 593. seqq.

*Delictum*

An etiam in loco apprehensionis delinquens forum fortiatur? CLIV. 112. seqq. an socius ex delicto condemnatus, ex communi rem consequatur? CCCC LXXXII. 320. delicti præscriptio. MCXXIV. 739. actiones ex delicto, an contra hæredes dari debeant MCXLVI. 752. Delictorum indoles & varietas generaliter ostensa MCXCII. 730. seqq. Delicta extraordinaria MCCXLV. 806. abortus procuratio MCCXLVII. 806. dardanariatus MCCXLVIII. 807. crimen saccularii MCCXLIX. 808. crimen sepulchri violati MCCL. 808. concussio MCCLIV. 810. Abi-

Abigeatus MCCLVII. 811. Prævaricatio MCCLVIII.  
812. receptatio MCCLXIV. 813. furtum balnearium  
MCCLXVIII. 816. crimen effractionis MCCLXIX.  
817. expilatæ hæreditatis MCCLXXII. 818. Stellionatus  
MCCLXXVII. 820. crimen termini moti MCC  
LXXXI. 822. collegia illicita MCCLXXXII. 822.  
Delicta publica MCCLXXXV. 825. majestatis deli-  
ctum MCCC. 832. adulterium MCCCXV. 836. seqq.  
stuprum MCCCXXIII. Sodomia MCCCXXIV. 845.  
Bigamia MCCCXXVI. Lenocinium MCCCXXVII.  
846. seqq. vis publica & privata MCCCXXIX. 849.  
seqq. Raptus MCCCXXXII. 850. Homicidium  
MCCCXXXIII. 850. seqq. Magia MCCCXXXIX.  
853. Incendium *ibidem*. Parricidium MCCCXLIII. 855.  
falsum MCCCXLV. 856. seqq. crimen repetunda-  
rum MCCCXLIX. 857. seqq. annonæ MCCCCLIV.  
860. Peculatus MCCCCLV. 860. Sacrilegium, crimen  
Residui *ibid*. Ambitus MCCCCLVIII. 862. Simonia  
MCCCCLX. 865. Plagium *ibid*. Calumnia, Prævari-  
catio, Tergiversatio MCCCCLXIII. 866.

*Depositum.*

Ejus natura & moralitas prolixius, exposita cccc  
LXV. 312. seqq.

*Dies*

Incertus an, sed cerrus quando, non datur LXVI.  
60. an depositum in diem, etiam ante illum, reddend-  
um sit? ccccLXVIII. 313.

*Dilatio*

Quid & ex quo jure repetenda LI. 45.

*Diviso*

Est contractus & quidem consensualis cclxxix



## *Index*

188. res singulares actione communi dividendo distribuuntur cclxxxii. 189. seqq.

### *Divortium*

Ejus consideratio prolixior dcelxxx. 531. an oscula libidinis hodie ad divortium sufficiant mcccxv. 841. Ob libertatem divertendi maritus uxorem captam & reversam recipere non debet mccccxiv. 909.

### *Dolus*

Ejus indoles, & num hodie restitutioni locum faciat? cxvi. 87. cxvii. 89. dolus incidens aliquando contractum facit nullum cxix. 90. actio doli Romana hodie nullius usus cxx. 91. cxxi. 92 effectus doli in contractibus cccxcv. 258. de dolo secundi depositarii, quomodo primus teneatur? cccclxx. 314. dolus vitiat emtionem DX. 335. actio doli subsidiaria hodie non occurrit dcli. 433. exceptio doli mcccc. 744. dolus indirectus mccccxxxviii. 852. dolus administratorum publicorum dublo coërcetur mccccclxxxi. 923.

### *Domicilium*

Ejus varietas ac in specie an detur domicilium originis? cli. clii. 109. seqq. incolæ sunt qui domicilium alicubi habent mccccclxix. 917.

### *Dominium*

Rerum incorporalium non recte asseritur XXXii. 21. seqq. pactum de re propria non alienanda, invalidum est LXii. 57. an dominium ex contractu doloso transferatur? CXVIII. 89. si diversi non domini vendiderint, utrius emtoris causa potior ccvii. 143. ex solutione erronea an transeat dominium cccclxxvii. 238. an dominus rem commodatam proprie præferre tenea-

teneatur. CCCXCII. 256. an depositæ CCCCLXIX. 313. res propria an emi queat? D. 330. pendente conditione dominium non transfertur DVI. 333. limitatio DVII. 334. reservatio domini, ad venditorem, periculum rei venditæ, non transfert DXXXVI. 348. emtor enormiter lædens, cum effectu dominium transferre potest DXLVIII. 367. seqq. rerum fungibilium dominium an præcise in emtorem transferendum? DLXXVI. 383. DLXXXVIII. 384. fide non habita, in permutatione dominium non transit DCXXXV. 423. alienatio domini pacto inhiberi potest DCLXXII. 455. dominium sub legato liberationis non continetur CMXXVI. 616. seqq. domini prolixa consideratio MVIII. 668. seqq. an arbor in confinio posita sit communis MXX. 674. an res propria possit usucapi? MXXXV. 686. an mortuo usufructuario, ejus hæres, an propriarius in possessorio, quoad bona, hæcenus usufructuaria, occurrente potior sit MLXXXIV. 716. species domini est superficies MXCLII. 723.

*Donatio*

Effectum agendi habet, licet sub forma emtionis celebrata sit DII. 330. donatio conjugum DCC LXXIX. 530. donatio inter vivos CMXCIX. 663. seqq. mortis causa donatio MIII. 665. seqq.

*Dos*

Ejus indoles DCCCLXIX. 518. seqq. pacta dotalia pro diversis gentium moribus variant DCCCLXXII. 523. doctrina, quæ eadem vel in modum contractus vel ultimæ voluntatis fieri perhibentur, inventum est legulejorum & causidicorum solidoque fundamento destituitur, ac à Germanorum candore abhorret DCCCLXXIV. 524. seqq. alienatio rerum dotalium

## *Index*

DCCCLXXVIII. §28. dotis repetitio DCCCLXXXIV.  
§33. impensæ dotales DCCCLXXXVI. §36. dotis collatio  
CMLXII. 643. E.

### *Emphyteusis*

Ejus explicatio CCIX. 145. seqq.

### *Emtio venditio*

Est contractus juris gentium, quod cum aliis pro-  
lixè traditur CCCXC VII. 328. seqq. ejus substan-  
tialia, naturalia & accidentalia DIV. 332. seqq. addi-  
ctio in diem DXVIII. 341. seqq. lex commissoria  
DXXIV. 347. seqq. venditio hæreditatis & actionis  
DXXVIII. 349. emtionis rescissio DXXXX. 358.  
seqq. periculum rei venditæ DLVIII. 372. seqq. actio  
emti venditi DLXVI. 377. seqq. læsionis circa emtio-  
nem venditionem occurrentis emendatio DCLXXVII.  
460.

### *Error*

In contractu commissus an dominii translationem  
impediat CCCVI. 200. seqq. in quantum locum fa-  
ciat conditioni indebiti CCLXI. 233. CCLXVI.  
237. an debitum compensatum, ex errore solutum  
condici queat? CCCCLXII. 309. error in emtione  
commissus in quantum obligationem impediat  
CCCXCIX. 328. DVII. 334. DXI. 335. seqq. juris &  
facti error ubi in Jurisprudencia considerandus  
DCCXXXVI. 502. error personæ, an matrimonium fa-  
ciat nullum DCLXVIII. 518. an error impediat do-  
minii translationem MXV. 672.

### *Evictio*

An imminentis evictionis periculum, emtorem ab  
usuris liberet? DLXXIX. 385. dominus venditori suc-  
cedendo rem potest evincere, modo interesse præstet

DCLV.

DCLV. 436. DCXCII. 470. evictionis prolixior explicatio DCLXXXII. 463. seqq.

*Exceptio*

An & in quantum exceptiones cessionario queant opponi DXXXII. 351. exceptio rei venditæ & traditæ DCXCII. 470. Exceptionum prolixior consideratio MCXI. 732. seqq. replicatio quid, rejecta vulgari definitione MCXIX. 736. exceptio non competentis actionis, non est peculiaris exceptio, nec ea secure utitur reus MCXXXIV. 746.

*Exhibitoria actio*

Ad exhibendum actio hodie non est in usu CC LXXXIV. 190. interdictum de tabulis exhibendis MLXXXVII. 719.

*Expensa*

An eas recuperet, vel ferre debeat, qui gurgatorium præstitit? CCCXXVI. 215. an dominus, ad cuius petitionem processus contra furem instituitur, expensas ferre debeat CCCXXXI. 245. an in deposito, ob expensas necessarias, locum habeat compensatio? CCCCLXXI. 314. condemnatio in expensas non est pœna MCCCXVII. 897.

*F.*

*Falcidia lex*

Quid & quando locum habeat? CMXLIII. habet etiam locum in mortis causa capionibus, quod vulgo male negant CMLIV. 627. an falcidia quarta differat à Trebellianica CMXLIX. 636.

*Feria*

Quid & in quantum circa eas aliquis juris Romani usus? XLVII. 42. seqq.

## *Index*

### *Fideicommissa*

Eorum consideratio prolixior CMXLVI. 635. seqq.  
us CMLI. 637.

### *Fidejussor*

Pactum de non petendo debitoris an ei proficit?  
LVIII. 53. fidejussor solidum solvens habet conditionem indebiti CCCLXIV. 236. an ei detur actio de in rem verso CCCCXL. 290. fidejussores tutorum DCCCXXXII. 564. fidejussionis generalis consideratio MCLXV. 764. fidejussore solvente omnis obligatio extinguitur MCLXXXII. 772.

### *Fides*

Bona in quantum in præscriptionibus necessaria?  
MCXXV. 741. MCXXVII. 742. malam fidem quis probare debeat MCXXVIII. 743.

### *Finium regundorum actio*

Ejus natura explicatione accuratiori ostenditur  
CCLXXIII. 184.

### *Fiscus*

Præscriptio contra fiscum MXXXIX. 690. fiscus repetens debita, creditoribus soluta, usuras non accipit MLXXV. 706. Fisci, juriumque fiscalium plenior consideratio MCCCXXV. 891. seqq.

### *Forum.*

Ex quibus causis quis forum sortiatur cXLIX. 108. seqq. fori Romani otiosæ tricæ in cessionibus actionum DXXXIII. 353. seqq. in quo foro querela enormis læsionis movenda DLIII. 370.

### *Fructus*

An sequantur emitorem DLXXII. 380. an pisces, qui in vivario aluntur, sint ejus fructus DLXXIV. 382. an fructuum, quoad obligationem usurarum, sit habenda.

benda ratio DLXXXI. 387. an pensio remittenda ob fructus non perceptos DCVIII. 405. seqq. fructuum varietas DCCII. 476. 477. fructuum acquisitio ex re aliena MXXI. 675. actio Pauliana omnes fructus repetit MLXXVI. 700.

*Fur*

Ejus obligatio quoad damnum restituendum pro-  
xime exposita CCCLXXIV. 242. seqq. commodata-  
rius hodie non videtur furtum committere CCCXCI.  
255. an debitor alienando pignus furtum committat  
DCLXX. 453. seqq. conjugum furtum DCCLXXXVIII.  
537. an alienatione rei hæreditariæ, vitium furti, ad ef-  
fectum impediendæ præscriptionis, contrahatur?  
MXIXXVII. 688. Furtum ex professo expositum  
MCC. 783. aliquot furtorum exempla MCCXV. 791.  
seqq. qui cadavera spoliant, mitius cæteris furibus pu-  
niuntur MCCLIII. 809. fures balnearii MCCLXVIII.  
816. pœna furti capitalis an ad expilatores extendenda  
MCCLXXV. 819.

*G.*

*Gabella.*

An à fisco repetenda rescisso emtionis contractu  
DLII. 369.

*H.*

*Hæreditas*

Petitio hæreditatis prolixius explicata CLXXXVIII.  
128. seqq. ejus divisio, uxore prægnante, quomodo  
facienda CXCIV. 136. possessoria & fideicommissoria  
hæreditatis petitio, hodie otiosa nomina CXCVI.  
CXCVII. 137. familiæ erciscundæ actio explicata  
CCLXXIV. 185. seqq. hæreditatis venditio DXXVIII.  
349. transmissio in furiosi hæredes DCCCXLIV. 570.

hæredum institutio DCCCLIV. 574. hæreditatis distributio DCCCLIX. 576. institutio captatoria aliter quam vulgo exposita DCCCLX. 578. institutionum condiciones DCCCLXXIX. 591. Hæreditatis aditio & repudiatio DCCCXCII. 598. fraudes testamentariæ CMIV. 605. seqq. hæreditas ab intestato delata CMLXXV. 649. an ipso jure acquiratur CMLXXX. 652.

I.

*Indictio Romana*

Ejus origo, natura, necessitas & computandi ratio DCCXX. 490.

*Infamia*

Præsupponit existimationem, utriusque indoles & moralitas LXXXI. 67. seqq. Decoctores infamem actum suscipere, dum bonis cedunt, alicubi coguntur MLV. 698. an revocans injuriam, fiat infamis MCCXXVII. 802. an stellionatus infamet MCC LXXVIII. 821. ad infamiam pertinet damnatio memoriz MCCCII. 834.

*Injuria*

Ejus explicatio prolixior MCCXXIV. 795. seqq. actio æstimatoria recte pro rei persecutoria habetur MCC XXXII. 799. idem dicendum de recantatoria MCC XXXIV. 801. seqq. injuriæ retorsio an licita MCCXL. 803. injuria per adulterium infertur MCCCXVIII. 843.

*Instrumenta*

Eorum exhibendorum necessitas jure naturali quoad actorem & reum est æqualis LV. 48.

*Interdicta*

Prolixa eorum consideratio instituitur MLXXVIII. 710. seqq. an unice ex jure civili sint MLXXXI. 712.

*Interesse*

Quomodo æstimandum DLXVIII. 377. an in emptione peti queat DLXXXII. 389. seqq. an & in quantum conductori expulso præstandum DC. 401. in obligationibus faciendi an interesse statim præstari queat. DCIII. 403.

*Interpretatio*

Contra quem in pactis facienda interpretatio? DXV. DXVII. 339. voluntatis ultimæ interpretatio. CMXXXV. 622. ad eam pertinet regula Catonianæ CMXXXVIII. 624.

*Interrogatio*

Requiritur nonnunquam ad actionem fundandam, vel faciendam probationem CCLXXXV. 191.

*Judex*

An possit esse arbiter CXXXII. 100. judicis constitutio, potestas & officium CXLVIII. 107. seqq. ejus officium in actione familiæ erciscundæ CCLXXX. 188. cognitio super adulterio ad quem judicem pertineat MCCCXIX. 841. judex male judicans quomodo coercendus MCCCCXCVII. 929.

*Judicium*

Alienatio judicii mutandi causa facta an restitutioni in integrum locum faciat? CXXVIII. 97. Judicii indoles, varietas, partes & effectus CXLI. 105. seqq. Judicium publicum MCLXXXV. 825. in eo proceditur per accusationem & inquisitionem MCLXXXVII. 826. seqq. processus accusatorius antiquus delineatus MCCCXIV. 828. seqq. rei incarcerandi



MCCXCVI. 830. seqq. contra absentes quomodo procedatur MCCCXLVI. 875. distinctio judiciorum ordinariorum & extraordinariorum, quem hodie habeat usum MCCCCXCVI. 929.

*Jurisdictio*

Ejus indoles, difficultas circa eam, ex jure Romano non necessaria, hodie fere nullius usus est XXXIX. 30. an testamento alterius jurisdictionis subjectus, tutor dari queat DCCCIII. 546.

*Jurisprudentia Germanica*

Quotuplex & quomodo docenda I. I.

*Jus ad rem*

Nullas habet species. Ejus & juris in re correlatum XXXIII. 24. in actionem familiarum exciscundæ regulariter non venit CCLXXVI. 186. oppignoratio nominis seu juris ad rem, quid sit & an in ea beneficium ordinis locum habeat DCLXVIII. 449.

*Jus Canonicum*

Ejus cum jure civili consensus VII. 5. autoritas VIII. 6.

*Jus hereditarium*

An recte pro specie juris realis habeatur XXXII. 21.

*Jus in re*

Ejus species quinque defenduntur XXXII. 18.

*Jusjurandum*

Ejus natura & variz species prolixè recensentur cccxix. 210. seqq. jusjurandum in litem cccxii. 222. seqq. qui juravit se soluturum, an compensare queat? ccccl. 300. in quantum cessionarius ad juramentum admittendus DXXXVI. 354. an juramentum excludat querelam enormis læsionis DLV. 370. an

inhibeat expulsiōem] conductoris DXCIIX. 399.  
jusjurandum judicum pedaneorum MXLV. 694.  
jusjurandum suppletorium non impedit novam litem.  
MXLVII. 695. an à cognatis, ratione cognatorum la-  
titantium, recte purgatorium exigatur M C C L X V.  
815.

*Jus Romanum*

Ejus origo & in Germaniam receptio II. 2. an ex-  
pressa constitutione probatum III. 3. an jura statuta-  
ria inde declaranda, restringenda & supplenda IV. 3.  
an juri canonico consentire censendum VII. 5. ejus  
partes minus recte constitutæ IX. 7. varietas in Ger-  
mania usum non habet XI. 9. jus publicum in Pan-  
dectis & Codice non traditur XII. 9.

K.

*Kalendarium*

Quid in jure Romano significet? ccccll. 302.  
Calendæ Julię & Martię apud Romanos solvendis  
mercedibus usitatæ D C X V I I. 411.

L.

*Læsio*

Quomodo illa in emtione computanda & emen-  
danda? DXXXX. 358. seqq. an levioris læsionis ali-  
qua in foro habenda ratio DLXX. 379. læsio enor-  
mis ad remittendam pensionem præcise non requiri-  
tur DCXI. 407. læsionis emendatio ex ædilitio edi-  
cto DCLXXVII. 460. seqq.

*Legatum.*

Quando circa evictionem rei legatæ denunciatio  
facienda DCXC. 469. Legatorum consideratio pro-  
lixa CMXII. 609. seqq. singularis eorum divisio  
CMXIX. 612. eorum ademptio CMXXVIII. 617.

## *Index*

seqq. legata pœnalia CMXXXVI. 623. interdictum quod legatorum MLXXXV. 718. qui sibi legatum adscribit, falsum committit MCCCXLVI. 856.

### *Legitimatio*

Ad adulterinos liberos etiam recte extenditur XXVIII. 17.

### *Lex*

Quznam alteri præferenda VI. 4. an lex promulgata obliget ad scientiam XIII. 10. Lex commissoria circa emtionem DXXIV. 347. seqq. lex Anastasiana DXXXIX. 357. seqq. lex quando probari debeat DCCXIII. 485.

### *Libellus*

Quid & quæ ejus partes LII. 46. seqq. actio libelli famosi MCCXLII. 804. seqq. an retorsio contra libellum famosum recte fiat MCCXLIV. 805.

### *Liberi*

In quantum contra Parentes restituendi? CXI. 84. in quantum ex contractibus liberorum Pater teneatur CCCCXXVI. 281. liberorum peculium CCCCXXXII. 284. seqq. liberorum futurorum cura DCCXCIV. 542. GMLXVI. 645. liberi in genere, rumpunt hodie testamenta DCCCLXIV. 581. conferunt à Parentibus accepta CMLXII. 643. seqq. liberi sui & emancipati quoad jus & modum succedendi exæquati CMLXV. 644. interdictum quoad liberos Patri competens MCVI. 729. liberi ob delicta Parentum non recte puniuntur MCCCIII. 835. an numerus liberorum à muneribus patrimonialibus excuset MCCCCLXXVII. 920.

### *Libertas*

Male vulgo definitur XX. 13. Interdictum pro libertate defendenda MCIY. 728. *Li-*

*Lis*

Litis contestatio facit rem litigiosam MCXXXV.  
747. actio recantatoria demum post litem contesta-  
tam hæredibus datur, in hæredes autem plane non  
competit MCCXXXV. 801. seqq.

*Locatio conductio*

Est contractus juris gentium cum cæteris capitibus  
DLXXXV. 391. seqq.

*Ludus*

Ejus natura & moralitas prolixius expenditur CC  
LXXXIX. 193.

*M.*

*Macula levis nota*

Quid & quomodo ab infamia differat? LXXXIV.  
69.

*Major*

Ejus restitutio in integrum CXXV. 96. seqq.

*Mandatum*

Ejus natura & moralitas prolixius exposta CCCC  
LXXIII. 315. in specie, an morte solvatur, ubi expli-  
catio *l. fin. de solut.* CCCCLXXIX. 318. an mandans  
vulnerationem, de occiso teneatur MCCCXXXVIII.  
852.

*Mensor*

Si falsum modum dixerit, restitutioni damni natu-  
raliter subest CCXCVI. 196.

*Metus*

Circa eum restitutio in integrum frustra asseritur  
CXIII. 85. seqq. impedit ille emtionem DX. 335.  
otiosa doctrina est, quæ metum ipso jure nuptias nullas  
reddere ait DCCLXVII. 517. exceptio metus MCXXX.  
744.

## *Index.*

---

### *Minor*

Restitutio minorum CXXII. 93. seqq.

### *Mora*

Quousque purgari queat in pacto commissorio DXXVI. 348. quando periculum in morosum transferat DLX. 373. an mora præcise ad usurarum solutionem requiratur DLXXIX. 385. quando in emtione contrahatur DLXXX. 386. moræ indoles & varietas DCCIV. 477. seqq. mora rei debendi, an alteri noceat MCLXIII. 763. an novatione purgetur MC LXXV. 769.

### *Mutuum*

Quid sit juxta mores nostros, cum cæteris capitibus CCCV. 199. seqq. ex mutuo pecuniæ, filiosam. datæ, non oritur obligatio efficax CCCCXXVIII. 282. seqq.

### *N.*

### *Necessitas*

Dat jus ejiciendi merces orta tempestate CCCC XIII. 271. seqq. quid in aliis casibus operetur CCCC XIX. 274. seqq.

### *Negativa*

Propositio probari non debet DCCXIV. 485.

### *Negatoria actio*

Est ipsa rei vindicatio, neque tamen datur, ubi de ipso dominio controvertitur, cum explicatione celebris §. 2. 3. de action. & rejectione novæ explicationis, quam ad l. §. 2. commentus est D. Jauchius CCLV. 369. seqq.

### *Negotiorum gestio*

Pro quasi contractu necessario non habenda xvi. 75. seqq.

*Rerum precipuarum.*

---

*Notarii*

Quid sint, & quodnam eorum officium DCCXIX.  
490.

*Novatio*

Ejus explicatio prolixior MCLXXI. 767. delegatio  
*ibid.*

*Noxalis actio*

Naturalis quidem est, sed ob defectum objecti,  
hodie cessat CCLXXII. 183.

*Nunciatio novi operis*

Ejus prolixior consideratio CMXXXI. 652. seqq.

*Nundine*

Quid & quomodo à jure stapulæ, emporii & Ge-  
ranii differant MCCCCXC. 925.

*O.*

*Oblatio*

Quæ ejus natura, effectus & modus MCLXXXVI.  
774.

*Obligatio*

In actu signato expofita MCXXXVII. 749. seqq.

*Occiso*

Furis quando licita MCGIII. 784. an adulteri in  
adulterio recte occidantur MCCCXIX. 844. seqq.  
homicidium MCCCXXXIII. 850. seqq.

*Occupatio*

Pertinet ad res nullius & est modus naturalis MX.  
669. occupatio bellica MCCCXXXI. 904. seqq.

*Opus publicum*

Quis exstruere possit MCCCCLXXXVII. 924.

*Oscula*

Libidinis an ad divortium sufficiant hodie MCCC  
XV. 841.

P.

*Pactum*

Quid & ex quo jure ejus moralitas potissimum repetenda LVI. 49. seqq. præparatorium etiam hodie dat actionem LXIV. 58. pacti accidentia LXV. 59. pacta ad certum locum adstricta, actionem, de eo quod certo loco, nonnunquam pariunt, quæ hodie otiosa CCCLXXXV. 249. seqq. geminata promissio parit actionem de constituta pecunia, quæ itidem hodie otiosa CCCLXXXIX. 253. an compensatio imminens, impediat pactum de non petendo CCCCLXII. 310. an pactum de continuanda in hæredes societate valeat? CCCCXCII. 325. pacta emtioni adjici solita DVIII. DIX. 334. contra quem pacta interpretanda DXV. 338. DXVII. 339. pactum actui præcedenti contradicens, est nullum MC. 726 pactum hodie cum stipulatione coincidit MCLII. 757.

*Pandectæ.*

Earum partitio juxta jus personarum, rerum & judiciorum qualis XIX. 13.

*Patria potestas.*

Partim jure naturali, partim civili nititur XXVII. 16.

*Pauliana*

An restitutionem in integrum præsupponat? CXXVIII. 98. Ejus prolixa explicatio, rejectis vulgaribus MLXX. 706. seqq. an ejus aliquis hodiè usus MLXXVII. 709. Paulianæ præscriptio MCXXIII. 739.

*Pauperies*

Ex ea, positis certis requisitis, Dominus obligatur naturaliter ad animal noxium dedendum, vel damnum pensandum CCLXI. 176. seqq. si culpa hominum concurrat, arctior est obligatio ad damnum restituendum & poenam DCLXXXI. 463. *Per-*

*Permutatio*

Hodie non aded sollicitè ab emtione distinguenda  
**DI. 330.** est contractus hodie consensualis **DCXXXIV. 423.** seqq.

*Persona moralis*

Quid & quotuplex? **LXXXIV. 74.** Collegia quid  
& quotuplicia **MCCLXXXII. 822.**

*Pfalburgerus*

Quid Pfalburgerus, Usburgerus, & Glevenburgerus  
**MCCCCLXVI. 916.**

*Pharmacopolium*

Rebus mobilibus an immobilibus annumerandum  
sit **DLXXIII. 381.**

*Pignus*

Contractus Pigneratitius latius expositus **CCCCII. 263.** differentia actionis pigneratitiæ & hypothecariæ  
**CCCCVI. 265.** an venditor ante resignationem iudicialem, rem venditam valide oppignorare queat?  
**DLXIX. 378.** an locatori in bonis subconductoris tacitum pignus competat **DXCII. 394.** Pignoris indoles, varietas, constitutio, & duratio prolixè tradita **DCLIV. 434.** seqq. an res oppignorata, à domino subtracta, fiat vitiosa **MXXXVIII. 689.** singularis casus de prærogativa Creditorum hypothecariorum **MLXIII. 702.** eorum ordo in genere **MLXVII. 704.** ex pignore, si evidens sit, oritur interdictum Salvianum **MCVIII. 730.**

*Pæna*

Non præcise est imponenda, hinc mortuo reo, regulariter cessat **MCCXCIII. 828.** Pæna pluribus explicata **MCCCLXXVI. 871.** seqq. pænis capitalibus confiscatio olim cohzerebat **MCCCLXXXVII. 876.** quæ confessos aut convictos etiam sequebatur  
**MCCCXCII:**



MCCCXCII. 878. Pœna relegationis MCCCXCIII. 879. pœnarum remissio; Cadavera punitorum an recte insepulta relinquantur, aut Anatomicis concedantur *ibid.*

*Pollicitatio*

Est species pacti ac circa eam dispositiones iure Romanæ hodie fere negliguntur MCCCXCIV. 928. seqq.

*Possessio*

Recte pro specie juris in re habetur XXXII. 18. 19. seqq. an ipso jure hodie in hæredes transeat DCCCXCVII. 599. possessionis prolixior explicatio MXXII. 676. seqq. actiones possessoria MLXXVIII. 710. seqq. ejus in hæredes transmissio à nonnullis adstructa MLXXXIV. 716. an possessio in præscriptione actionum, quam vocant, occurrat MCXXVI. 741. an possessio jure postliminii restituatur, & num ejus rei hodie aliquis usus MCCCCLIII. 909.

*Possessor*

Ad quid teneatur in hæreditatis petitione? CLXXXVIII. 133. seqq. in rei vindicatione CCI. 139. seqq. an in pari turpitudine melior conditio possidentis? CCELIV. 230.

*Præscriptio*

Ulusfructus quomodo præscribatur CCXVI. 150. servitutes rusticæ & urbanæ quoad præscriptionem non differunt CCXLIII. 162. CCLIX. CCLX. 175. quæ præscriptionis requisita CCXLVIII. 165. seqq. actioni pigneratitiæ nunquam præscribitur CCCCVIII. 266. an præscriptio impediat compensationem cccclxiii. 311. præscriptio actionis hypothecariæ DCLIX. 440. retentio pignoris, impedit præscriptionem obligatio-

## *Rerum præcipuarum.*

nis principalis DCLX. 444. an actiones ad evictionem præscribantur DCXCI. 470. Præscriptionis prolixior consideratio MXXII. 682. seqq. varii præscriptionum tituli MXLI. 692. seqq. præscriptio actionis Paulianæ M'LXXVII. 700. interdictorum MLXXX. 711. seqq. præscriptio actionum, quam vulgo credunt, generalem ejus tractatum involvit MCXXI. 737. seqq. parricidii præscriptio MCCCXLIV. 855.

### *Pretium*

Ejus indoles & fundamentum DIII. 331. in eo constituendo tempus & locus contractus respici debet DXLIII. DXLIV. 362. seqq. pretii æqualitas, an etiam ex forma pecuniæ æstimanda MCLXXX. 771.

### *Privilegium*

In quantum contra privilegiatum cesset XVIII. 12. privilegium fori CLII. 114. seqq. quibus privilegiis uti queat cessionarius DXXXVII. 355. seqq. an studioso ab Academia recedenti equus locandus DLXXXVII. 392. Privilegia Creditorum concurrentium MLVIII. 700. seqq. privilegium immunitatis, ad casum necessitatis non pertinet MCCCCLXXVII. 920.

### *Probatio*

Late exposita cum suis speciebus, præsumptione scilicet, probatione per instrumenta & testes DCCIX. 481. seqq. confessio est species probationis MXLIX. 696. exceptionum probatio MCXVIII. 736. malam fidem quis probet MCXXVIII. 743. præsumptio juris & de jure, an in adulterio locum habeat MCCCXI. 839. probatio per torturam MCCCCLXX. 869. seqq.

*Pro-*

*Procurator*

Ejus explicatio prolixior LXXXV. 70. seqq. creditor, velut debitoris procurator, pignus alienare potest DCLXXIII. 455. an per procuratorem testamentum iudici offerri queat DCCCLII. 573. an hæreditas ad-  
iiti DCCCXCV. 599. an procurator, furandi animo pec-  
uniam exigens, liberet debitorem MCLXXVII. 770.  
ob negligentiam procuratoris, dominus merito resti-  
tuitur in integrum MCCCXVI. 888.

*Proventus metallici*

Quatenus in iis ususfructus sit CCXX. 151.

*Proxeneta*

Quid & quæ ejus jura MCCCXCVIII. 930.

*Publicana*

Ejus explicatio prolixior & accuratior CCV. 141.  
seqq. Publicianæ præscriptio MXXXIII. 739.

*Q.*

*Quæstio*

Feralis quæstio seu tortura quid? cum cæteris ca-  
pitibus MCCCLXVII. seqq.

*R.*

*Rei credendi & debendi*

An Socii, propter contractum societatis, tales in  
contractibus, cum aliis initis, cenferi debeant?  
CCCCXCIV. 326. seqq. Rei credendi & debendi, ex  
professo expositi MCLV. 759. seqq.

*Rei vindicatio*

Prolixior ejus explicatio CXCVIII. 138. seqq.

*Renunciatio*

An tollat querelam enormis læsionis DLIV. 370.  
appellationi renunciari potest MCCCCXV. 888. ad-  
missio actus privilegio contrarii, utrum involvat re-  
nunciationem, an saltem præscriptioni locum faciat  
MCCCLXXXIX. 925.

*Res*

Quæ earum habitudo in ordine ad jura & personas, horumque omnium, intuitu Jurisprudentiæ XXXIV. 25. Eorum divisiones vulgares, parum accuratæ XXXV. XXXVI. 26. seqq. pro rebus immobilibus haberi debent, pharmacopolium, merces in tabernis mercatorum existentes, nec non omnia foris DLXXXIII. 381. res mere facultatis quid, & an præscribantur? MXXXVI. 687.

*Res judicata*

Arbitro submitti potest CXXXIII. 101. Res judicata, prætextu erroris, in hæreditatis divisione, rescindi nequit CCLXXVIII. 187. retractatur tamen si ex juramento suppletorio lata, probationibus novis reperiis CCCXXXVIII. 221. injuste absolutus, ad effectum conditionis indebiti, contra ipsum instituendæ, non est amplius obligatus CCLXIII. 235. nec ad effectum compensationis CCELVI. 305. rei judicatæ prolixior explicatio MXLIV. 694. seqq. exceptio rei judicatæ MLXX. 737.

*Res morales seu incorporales*

In jure Romano satis non exponuntur XXXI. 18. absurde pro objecto juris habentur XXXVI. 29. quatenus cum corporalibus concurrant XXXVIII. 29. earum non est ususfructus CCXVIII. 151. nec quasi traditio CCXLVII. 165. nec pignus DCLXVIII. 449. rerum incorporalium nec quasi traditio MXVI. 672. nec quasi possessio est MXXIV. 678.

*Restitutio in integrum*

Ejus indoles, vitia, horumque emendatio CV. 80. seqq. differt à remedio ipsius juris DCCCXIV. 554. cum eo coincidit DCCCXXIV. 563. restitutio quoad

jus deliberandi DCCCLXXXIV. 593. à remedio ipsius juris, certo casu non differt restitutio CMVII. 606. an pupillus, cui cum Tutoris autoritate solutum, restitutione in integrum indigeat MCLXXVIII. 771. dominus, ob negligentiam Procuratoris, in integrum recte restituitur MCCCXVI. 896.

*Retentio*

Impedit prescriptionem obligationis principalis DCLX. nec semper ex pignore procedit DCLXI. 444.

*Rustici*

An dominis suis operas locare debeant DLXXXVI. 391. an illata in prædium rusticum tacito pignori fiat DCLXVI. 447.

*S.*

*Separatio*

Bonorum, non est juris civilis MLX. 701.

*Sepultura*

Ejus natura, varietas & moralitas CCXCVII. 197. seqq. crimen sepulchri violati MCCL. 808.

*Servitus persona*

Quotuplex? legalis male definitur, XXI. Ejus usus XXII. 14. repugnat illa socialitati & Christianismo XXIII. 15. legibus servilibus hodie non indigemus XXIV. 15. servi corrupti actio hodie cessat CCLXXXVII. ut & vindictio servorum fugitivorum CCLXXXVIII. 192. servi pœnæ cessant DCCCL. 572. materia servilis, hodie non habet usum MVII. 667. à latronibus capti non fiunt servi MCCCCXXXV. 898.

## *Rerum præcipuarum.*

### *Servitus rerum*

An etiam hæreditatis petitione vindicari queat? CLXXXVII. 132. servitutis natura & varietas CCXIV. 149. CCXLII. 161. seqq. servitutes urbanæ CCL. CCLI. rusticæ CCLII. CCLIII. 166. seqq. quomodo vindicentur vel impugnentur CCLIV. 169. amittantur CCLVIII. 174. seqq. an Servitutes oppignorari queant DCLXXIII. 450. seqq.

### *Sexus*

Cur ejus diversitas in Jurisprudencia attendenda XXVI. 16. tribuit fœminis beneficium Scti Vellejani CCCCXLIV. 295.

### *Simulatio*

Impedit emtionem DXVI. 339. injuriarum dissimulatio vel remissio ex amica conversatione, parum apte elicitur MCCXXXIII. 801.

### *Societas*

Contractus societatis juris gentium est, de quo prolixius cccclxxx. 320. seqq.

### *Solutio*

Quodnam tempus in ea facienda sit respiciendum? contractus an solutionis? cccxi. 203. cccclxxxiv. 247. an post solutionem actio fidejussori cedi queat? MCLXVIII. 765. solutio exposita MCLXXVI. 770. seqq.

### *Sponsalia*

An in iis juramentum negative deferri queat cccxxix. 217. cccxxxii. 218. Sponsaliorum & matrimonii, cum materiis connexis, prolixa tractatio DCCXXXVII. 502. seqq. Concubinatus DCCXCV 543.

## *Index*

### *Sponsio*

Ejus natura & indoles cxciii. 195. seqq.

### *Stellionatus*

An debitor alienans pignus, stellionatum committat? dclxx. 453. seqq. Stellionatus quid mccc lxxvii. 820.

### *Stuprum*

Confesso stuprum, ratione matrimonii promissi, gurgatorium non est deferendum cccxxv. 235. an stuprum, delictum extraordinarium & ultimo supplicio coeroendum? mcccxlvi. 806. stuprum est delictum publicum mcccxxiii. 845.

### *Subhastatio*

Cum additione in diem, male confunditur, cum auctioni similis sit dxix. 341. dxxii. 345. jus luendi circa subhastationes, debitori nonnunquam competens, cedi potest dxxxviii. 357.

### *Substitutio*

Tam in genere quam in specie explicata dcccLxxi. 583. mater pupillariter, adhibito colore, substituere posse videtur dcccxxiv. 588.

### *Superstitio Juridica*

Utrum Titulorum de Verborum significatione, & Regulis Juris extollit md. 940.

### *Syndicus*

Ejus natura, constitutio & officium xcv. 75. Syndicatus quid, ejusque inepta extensio mcccxxii. 890.

## *T.*

### *Talis*

Quid & unde repetenda xli. 33. seqq.

*Testamentum*

Inofficiosi testamenti natura & moralitas CLII. 117. seqq. Testamentorum prolixa consideratio DCCCXLVI. 570. seqq. testamenta conjugum reciproca, an ab uno mutari queant DCCCLXVII. 582. an in mutatione verbali, opus sit lapsu decennii DCCCLXIII. 584. Testamenta privilegiata DCCCLXXXVII. 595. seqq. testamentorum apertura DCCCXCVIII. 600. fqq.

*Thesaurus*

In fundo vendito à venditore repertus, cujus sit DLXXV. 382. an domine directo vel utili acquiratur MXIII. 671.

*Tignum*

Junctio tigni alieni, an semper sit delictum MCCVI. 787.

*Traditio*

Est modus acquirendi Dominii MXIV. 671. non habet locum in rebus incorporalibus, licet vulgò sic existimetur MXVI. 672.

*Transactio*

Ejus indoles & moralitas LXVII. 60. seqq. an in transactione evictio præstanda DCLXXXVII. 467.

*Transmissio*

Hæreditatis in hæredes DCCCXCVI. 599. legatorum CMXV. 610. seqq. CMLII. 638.

*Tributa*

Emptorem sequuntur DLXXI. 380. an etiam conductorem? DCXV. 409. Censur quid MCCCCXCIX. 931.

*Turbatio*

Contra eam comparatum est interdictum uti posside-



fidetis MXCI. 721. an etiam dejecto detur MXCII. 722.  
accipit illud interdictum varia nomina, pro ratione  
variorum objectorum, ex quo male vulgo pecuniaria  
interdicta asserunt MXCII. 723. seqq. in rebus mobi-  
libus turbatio videtur esse rarior, hinc etiam earum  
respectu, interdictum non facile locum habet, &  
quando tamen MCVII. 729. 830.

*Tutela*

Ejus prolixior consideratio DCCXCVIII. 544. seqq.  
Cura quid DCCCXL. 568.

V.

*Vestigal*

Quid, & publicani CMXCVI. 662.

*Venatio*

Hodierna ex jure civili repeti nequit MXII. 670.

*Venditor*

Num cessante emtore, rem datam possit repetere?  
CCCXLVII. 216.

*Vis*

Interdictum unde vi MLXXXIX. 720. interdictum  
quod vi aut clam, est aliquando species interdicti uti  
possidetis, aliquando cum actione legis aquilæ con-  
venit MXCVI. 724. seqq. Vis ablativa seu rapina quid  
& quale delictum MCCXX. 794. seqq. vis publica &  
privata MCCCXXIX. 849. fqq.

*Usura*

Debentur hodie in quovis negotio, ex mora cccxii.  
205. cccclvii. 232. mandatarius, qui in proprios usus  
pecuniam vertit, ad centesimas tenetur cccclxxvi.  
317. emtor lædens, an ad usuras teneatur? dli. 369.  
an is, qui ob imminens evictionis periculum non sol-  
vit, dlxxix. 385. in emtione quando solvendæ


DLXXXI. 387. seqq. usurarum prolixior explicatio  
DCCXIII. 472. seqq. nauticum scenus quid DCCVII.  
480. an cum forte, eadem classe debeantur usuræ  
MLXVIII. 705. An fortis, dolose remissæ, debean-  
tur usuræ MLXXV. 706. an usuræ per litis contestatio-  
nem sistantur MCLXXV. 767.

*Ususfructus*

Ejus explicatio prolixior CCXV. 149. seqq. quomo-  
do accrescat CCXXII. à quo tempore acquiratur  
CCXXIII. 153. definat CCXXIV. 154. seqq. Quasi usus-  
fructus quid CCXXVIII. 156. seqq. quomodo ususfru-  
ctus vindicetur CCXXXIV. 158. Operæ fervorum  
CCXXXV. usus & habitatio CCXXXVI. 159. quomodo  
in his servitutibus cavendum CCXXXVII. 160. seqq.  
an Patri ususfructus, quoad legitimam, adimi queat  
CCCCXXXIII. 285. fundo & usufructu legato, quid  
singulis debeatur CMXXIII. 615. Computatio  
usufructus quoad falcidiam CMXLV. 629. an  
mortuo usufructuario, ejus hæres, vel pro-  
prietarius in possessorio potior sit  
MLXXXIV. 716.

L. S. N.









005649419

